





印  
鸞  
章  
編

清  
鑑  
網  
目

世  
界  
書  
局  
印  
行

中華民國二十五年三月初版

清鑑綱目 (全一册)

定價國幣一元八角

(外埠酌加運費匯費)

編輯者 印鸞章

出版者 國學整理社

發行者 世界書局

印刷者 上海大連海路世界書局

發行所 上海及各省 世界書局



版權所有 不准翻印

凡例

一本書體例依據袁王綱鑑合編分綱目二種以年爲經以事爲緯俾得與袁王綱鑑合編及明鑑成爲首尾一貫之完史

一依綱鑑定例凡關於國之興亡世之治亂帝王將相之賢否土地人民之分併與夫政治制度之沿革文化經濟之變遷凡足以觀摩而昭鑑戒者無不詳審精當羅集備舉其無補於世教民彝有溷正史者悉置弗錄

一本書凡十六卷自太祖開國起至宣統遜位止凡其間二百六十九年之事跡簡其撰述詳其考證成爲一銜接明鑑之史使讀者得於有清一代家國興亡政治得失均能瞭如指掌

一綱目於歷代紀年之際凡正統則用大書非正統則用分注其界最嚴本書亦仍其例如明末清初仍用一年兩系之例意亦存其正統也

一綱目於命官陞降及名賢生卒有關政教者亦特書例書之免及卒皆書餘官黜陟及名賢生卒有關政教者亦特書例書之

一專制時代對於革命人物往往目爲盜匪如洪楊之變舊史必書爲盜

或寇斯實有正誼。本書悉釐正。

一清季外交失貽與各國所訂不平等條約。本書不憚繁冗。詳爲記載。冀後之秉政者有所警惕也。

一清代地名部邑。凡國已多更改。本書悉按最近劃定區域。概爲注明。一編撰本書。參攷書達六十餘種。除東華錄皇朝三通及大清會典等官書外。餘皆爲名人所撰。可信之書。

一本書竭個人心力。增修刪訂。歷數年之久。始克於成。然疏漏舛誤。在所不免。當世宏達。幸賜匡正。

清鑑綱目目次

開國紀要

..... 一

太祖高皇帝

..... 二

太宗文皇帝

..... 一

世祖章皇帝 (順治)

..... 二

聖祖仁皇帝 (康熙)

..... 一七七

世宗憲皇帝 (雍正)

..... 三一三

高宗純皇帝 (乾隆)

..... 三七三

仁宗睿皇帝 (嘉慶)

..... 四八九

宣宗成皇帝 (道光)

..... 五四一

文宗顯皇帝 (咸豐)

..... 五八七

穆宗毅皇帝

(同治) ..... 六五七

德宗景皇帝

(光緒) ..... 七二三

宣統帝

..... 九三五

清代帝系表

..... 一〇〇五

清鑑綱目卷首

鹽城印鸞章編輯 金式陶 張延壽 趙雪 胡應庚 校訂

開國紀要

滿洲之  
崛起

清之先世為滿洲滿洲者居於長白山之東蓋古女真即金遺種也

自蒙古滅金後通古斯族勢力日衰相傳有布庫里雍順者以愛新

覺羅為姓始居吉林北境俄莫惠之野鄂多里城建國曰滿洲是為

清人開國之始祖按始祖開基當在金之末造由布庫里雍順數傳而後國內大亂

舉族被戕幼子范察僅以身免又數傳至都督孟特穆原即肇祖誘誅

仇人恢復故地時當明正統景泰之交始徙居赫圖阿拉是為興京

距盛京二百七十里即明之建州右衛也孟特穆三傳至都督福滿

直即興祖生覺昌安即景祖盡收蘇克素護河西二百里內諸部落國

勢始大覺昌安生塔克世即顯祖塔克世生三子長曰努爾哈赤亦

太祖高皇帝

**附記** 滿洲源流考曰滿洲先世姓愛新覺羅氏發祥於長白山高二百餘里插互

有池曰布庫里相傳有三天女浴於池神鵝銜朱果置季女衣季女舍日中忽入腹遂

亦努爾哈

卷首 附記 要



國故宜誌。其流而往。即其地也。乘以小初。順流而下。至河濱登岸。折柳枝及蒿。為坐具。時其地有三。爭為雄。長日。兵相仇殺。則靡定。有取水河濱者。見而與之。歸以語衆。衆往觀。計所自來。答曰。我死女所生。以定汝等之亂。且告以姓名。衆驚曰。此天生聖人也。交手為異。迎至家。三。越者。歸曰。我等盡息爭。推此。人為國主。以女百里妻之。尊為貝勒。不亂。定於國。人叛。布庫里。俄漢。惠之。野。俄。朵里。城。國。號。滿洲。是。國。基。之。始。數世。勒。不。善。其。定。於。國。人。叛。布。庫。里。俄。漢。惠。之。野。俄。朵。里。城。國。號。滿。洲。是。國。基。之。始。數名。都。者。止。其。特。秘。生。有。智。勇。慨。然。以。恢。復。為。志。誘。殺。先。世。仇。人。過。半。於。是。始。居。赫。圖。阿。喇。地。一。即。今。遼。寧。興。京。縣。一。生。子。二。長。充。善。次。褚。宴。充。善。子。三。其。三。即。與。祖。直。皇。帝。名。都。督。福。滿。與。祖。生。子。六。其。四。即。景。嗣。翼。皇。帝。六。子。各。居。一。地。兩。為。曾。古。塔。貝。勒。景。祖。生。子。五。其。四。即。顯。祖。宣。皇。帝。名。塔。克。世。時。近。地。部。落。名。額。色。納。者。特。其。強。侵。陵。諸。路。景。祖。令。長。子。龍。殺。征。之。滅。其。族。盡。收。蘇。克。蘇。滿。河。西。二。百。里。內。諸。部。國。益。強。盛。後。與。祖。名。阿。哈。納。者。欲。聘。薩。克。達。路。長。之。妹。為。妻。薩。克。達。路。長。以。阿。哈。納。質。不。許。而。嫁。其。妹。於。董。鄂。部。主。子。遂。相。仇。怨。引。兵。攻。掠。甯。古。塔。貝。勒。東。南。二。路。甯。古。塔。時。分。居。十。二。處。乃。謀。合。併。與。祖。孫。吳。泰。者。敗。其。議。遂。分。裂。勢。弱。而。諸。國。紛。亂。互。相。雄。長。時。顯。祖。嫡。妃。喜。塔。喇。氏。即。宣。皇后。生。三。子。長。即。太。祖。努。爾。哈。赤。也。太。祖。生。而。龍。顏。鳳。目。偉。軀。大。耳。大。表。玉。立。聲。若。洪。鐘。儀。度。威。重。舉。止。非。常。騎。射。軼。倫。剛。果。能。斷。凡。所。睹。記。終。身。不。忘。國。人。稱。之。曰。聰。明。貝。勒。萬。歷。時。以。尼。堪。外。關。險。構。明。兵。攻。甯。古。塔。諸。部。景。顯。二。祖。被。害。太。祖。乃。奮。志。復。仇。卒。取。遼。東。廣。甯。諸。地。創。立。宏。業。混。一。區。宇。之。丕。基。蓋。肇。於。此。

◎太祖高皇帝

名努爾哈赤。顯祖塔克世長子。在位四十有三年。初登可汗位。至明萬曆四十四年。稱帝。建元天命。凡十有一年。崩。壽六十有八歲。

太祖努爾哈赤。生而英毅。有武略。凡所睹記。終身不忘。國人稱之曰聰明貝勒。其開國方略。凡六首。統一滿洲諸部。次征服扈倫諸部。次伐明。圍撫順。克清河堡。殲薩爾滸之師。遷都遼瀋。敘次如左。

一 統一滿洲

滿洲凡六部曰覺羅部曰蘇克素護河部曰渾河部曰完顏部曰董鄂部曰哲陳部努爾哈赤爲愛新覺羅部長覺羅部外以蘇克素護河部爲最強先是蘇克素護河部有尼堪外蘭者爲圖倫城主頗效忠明室陰與明總兵李成梁合軍攻古時城其城主阿太章京之妻爲覺昌安之孫女努爾哈赤之從姊也覺昌安聞古時有難恐孫女被獲卽偕其子塔克世率兵往援既至入城助守而尼堪外蘭給城民作亂殺阿太送款於明並擒覺昌安父子誅之努爾哈赤時二十有五歲矣聞之大怒誓志復仇先遣使詰明邊吏明謝誤殺罪歸其祖與父之喪賜勅三十道馬三十匹封努爾哈赤爲龍虎將軍建州左衛都督努爾哈赤曰害我祖父者尼堪外蘭也當先滅之遂以萬歷十一年以其遺甲十三副攻圖倫城尼堪外蘭退保甲版又被迫走撫順欲入明邊明邊吏懼啓釁逐之遂逃鄂勒琿築城居之以中隔董鄂渾河諸部追兵不能及努爾哈赤遂改變行軍方略用兵先自近部始於是首攻蘇克素護河部之瓜爾佳城次攻渾河部之貝瑯城哲陳部之託摩城及董鄂部皆克之遂越諸部進迫鄂勒琿尼

滿洲初起時諸部表

西海				州							建		衛
倫				山白長			洲				滿		部
烏	葉	哈	輝	珠	鴨	納	哲	董	完	渾	蘇克素護河	覺	名
拉	赫	達	發	舍	綠	般	陳	鄂	顏	河	羅	羅	號
吉林省城	遼寧東遼河流域	遼寧輝北縣西境	遼寧輝南縣地	遼寧臨江縣北	遼寧鴨綠上流北岸	遼寧長白縣境	遼寧柳河縣東	遼寧通化縣北	吉林敦化縣西	遼寧新賓西北	遼寧柳河縣境	遼寧新賓	今
													地

堪外蘭復逃入明。努爾哈赤以執付仇人請明邊吏執尼堪外蘭送努爾哈赤軍斬之。並歲賜銀八百兩。蟒緞十五匹。開撫順清河寬甸。燬陽四口。為通商所。冀以結其歡心。努爾哈赤復乘勝攻克完顏部。於是五部皆服。越四年。又征服長白山之鴨綠江部。兵威益振。駸駸然合大東而奄有之矣。



附記 明初滅元分關外地為三衛一曰建州衛統滿州六

部及長白山三部一曰海西衛統

部皆在今遼寧吉林之間其時明

人疆圍盡於今開原鐵嶺遼陽瀋陽所不及三衛之地其東北皆為曠

野東	渥集	吉林寧安及北窩集地
	瓦爾喀	吉林延吉縣北境
庫爾喀	吉林寧古塔河流域	

二 征服扈倫諸部

遼州之詞以略示羈縻而已。至神宗萬曆時此三衛中諸部互相雄長。扈倫在滿洲之北其勢最強。及滿洲六部中努爾哈赤崛起於覺羅部。遂合併諸部而建立為一統之大帝國。以與明室相抗拒。

努爾哈赤之用兵也。先自近部始。其始攻克滿洲五部。繼乃北向與扈倫諸國爭雄。長扈倫者。明之海西衛地也。海西四部葉赫最強。為塞外諸國盟主。及努爾哈赤統一滿洲。又收服鴨綠江部。盡有其衆。疆土日擴。葉赫酋長納林布祿忌其強。乃遣使滿洲。以均勢之說。相要挾。曰。扈倫四部言語相通。勢同一國。今所有國土。爾多我寡。盍割地與我。努爾哈赤不應。納林布祿乃糾合扈倫四部及蒙古之科爾沁。錫伯。卦勒察。三部。長白山之珠舍哩。納殷二部。計共九國聯軍。來攻衆凡三萬。分三路進兵。陣於渾河北岸。努爾哈赤聞聯軍天驍。引兵至扎喀城。乘城觀之。謂諸將曰。烏合之衆。其心不一。殪其前鋒。必自退。因而乘之。蔑不勝矣。乃移軍疾馳二百里。至古時山。據險而陣。發百騎挑戰。葉赫西城酋長布寨。科爾沁酋長明安。先衆突進。布寨

征服諸部

建國大金

馬觸木陪努爾哈赤兵即斬之乘勝長驅明安陷淖易馬遁聯軍遂  
 大潰努爾哈赤逐北數十里斬首四千級諸部大震先後屈服納林  
 布綠不得已納其女以和此明萬曆十九年事也未幾葉赫復叛與  
 哈達同謀抗拒努爾哈赤怒乃發兵先擊哈達克其城滅之繼又滅  
 烏拉輝發二部又北略東海諸部兵力益強疆土大拓萬曆四十四  
 年正月朔滿洲諸貝勒大臣奉表勸進尊努爾哈赤為覆育列國英  
 明皇帝立國號曰大金建元天命定都興京

**附記**

清代之先本出於金代女真部族太祖努爾哈赤初建國號曰大金旋以區別於前代之金改稱後金此事見日本人所記清初國事甚夥如三島雄太郎之支

那近三百年史及稻葉君山之清朝全史等書之蕪詳今奉天盛京城撫近門之扁額尙有大金字樣而清代官書皆深諱之其諱稱大金實自太宗皇太極始皇太極承太

祖基業復加開拓其後疆域日廣境內包有蒙古人漢人朝鮮人及西藏人等不止女真一族大金國號不適於對待外族之用且漢人對於金人素多惡感尤與招徠漢族

為非宜因於即位後之第十年改國號為清並將前此之文書部面書大金者一律改為滿洲滿洲音近曼殊本佛名號意謂清之帝王為佛之化身用以籠罩各族之人心

較大金為廣大自此滿清一代三百年官私文字咸稱崇德以前為滿洲而大金及後金諸名聲遂無依據屆可怪者清之部族實為女真女真起於遼後遼遜興宗諱改稱

女直歷金元皆稱女直至明復舊稱為女直而清中凡女字真字直字下皆無女真女修明史時凡遇女真事皆削去之尤奇者字典注中凡女字真字直字下皆無女真女

直等字樣韻府亦不收女真女直字樣滿洲源流考稱詳東夷各部族獨無女直專條併於女字中一見女真字樣治歷世示人以不虞以故制筆之臣小靡曲謹以媚一人

寧失史家之實無犯溫倫之戒由今思之可謂陋矣

制國書

定旗制

葉赫負固

大舉伐明  
七大恨  
告大

三 初次代明之反

努爾哈赤既稱帝於是製國書

創立滿洲文字定旗制  
初兼併諸國分其衆為四旗以純色為別曰黃曰紅

曰藍曰白至是又增設四旗以雜色鎮之曰鎮黃鎮紅鎮藍鎮白分左右翼共為八旗

置理刑聽訟大臣五人佐者十人

以分治國事

凡有大訟賦佐者十人審問言之五大臣覆審言諾貝勒衆議既定猶虛或有冤抑必令訟者跪帝前更詳鞠之故羣情皆得上達國

治內大

使國民皆兼習兵農刈穫既畢則縱牧羣畜於山野由是國富

民殷歸附者日衆時海西四國已平其三惟葉赫恃明之援負固不服努爾哈赤惡之初明人之設海西衛也分南北二關以哈達為南

關葉赫為北關哈達既滅南關已失所恃者惟北關而北關偏處開原鐵嶺尤邊疆之屏蔽薊遼總督蹇達亟上疏陳東方隱憂不可不

早為之備於是神宗乃屯重兵於開原而以火器兵助葉赫防守為犄角之勢葉赫既恃明之援與滿洲抗衡而明亦倚葉赫之強為遼

東之保障努爾哈赤乃聚諸貝勒謀曰葉赫恃明之援今若先圖葉赫則明兵擣我之虛不若大舉伐明先挫明兵然後再圖葉赫諸貝

勒曰善遂於萬曆四十六年興師伐明臨行以七大恨告天略曰我祖父未損明一草寸土明邊吏輕信尼堪外蘭之言無故啓衅殺我

陷撫順

克清河  
堡

楊鎬出  
師

祖父一也。設碑勒誓，明不遵守，逞兵越界，衛助葉赫二也。明以擅殺爲詞，拘我使臣，脅取我十人，抵罪邊境三也。明助葉赫，致葉赫背約，以其許字滿洲之女，改適蒙古四也。我滿洲累世所守疆土，耕田藝穀，明不許刈穫，遣兵驅逐五也。葉赫渝盟，召畔明，乃偏信其言，遺書詬詈，肆行慢侮六也。哈達助葉赫，兩次來侵，既被征服，又脅我復其國土七也。遂進軍圍撫順，降其守將李永芳，夷其城而還。是年秋，復進軍克清河堡，全遼大震。明神宗起楊鎬爲經略，合朝鮮葉赫兵，共四十七萬，以禦努爾哈赤之兵。

#### 四 薩爾滸之戰

萬曆四十七年春，明遼東經略楊鎬集兵瀋陽，分四路出師。山海關總兵杜松出中路之左，由渾河入撫順關，廣甯道張銓監之。遼東總兵李如柏出中路之右，由清河入鴉鶻關，遼陽道閻鳴泰監之。開原總兵馬林出北路，由開原會葉赫兵出三岔口，開原道潘宗顏監之。遼陽總兵劉綎出南路，會朝鮮兵入寬甸，海蓋道康應乾監之。而以遊擊崔一琦別監朝鮮兵，合趨滿洲都城，號四十七萬，期以三月一

薩爾濟  
山之戰

杜松敗  
死

馬林遁  
走李如柏  
潰散

劉綎戰  
死

日會二道關並進會大雪兵不能前師期洩杜松欲立首功先期渡  
渾河連克三小砦遂乘勝趨薩爾濟谷口以三萬衆屯薩爾濟山而  
自引兵二萬攻界藩努爾哈赤方築界藩城夫役萬五千以精騎四  
百護之聞松軍至伏精騎谷口以待俟松軍過伏發尾擊之至界藩  
渡口以夫役千人相助返攻而自率六旗兵直趨薩爾濟山大營甫  
戰日未昃忽大霧晦咫尺不相辨明兵列炬以戰努爾哈赤自暗擊  
明萬矢雨集發無不中而明兵由明擊暗銃礮皆中樹林遂乘晦拔  
柵踰塹佔領薩爾濟山潰其軍三萬松聞耗來援山上兵據高馳下  
與山下兵夾攻衝松軍爲數隊松中矢死全軍盡覆此中路左軍也  
北路馬林兵出三岔口聞松軍敗結營自固努爾哈赤乘高奮擊林  
大敗遁走開原潘宗顏力戰死之楊鎬聞耗立檄止如柏劉綎兩軍  
如柏至虎欄關滿洲守兵二十人見之登山鳴螺作大軍追擊狀如  
柏軍大潰奔走相蹴死者數千人時劉綎已深入三百里至深河克  
三砦不知松軍之覆沒也整衆前進登阿布達哩岡會努爾哈赤兵  
亦登岡出其上而別以一軍趨綎西岡上自高馳下趨綎西者復從



旁夾擊已乃張松旗幟被其衣甲以紿縶縶軍大亂力戰死。縶驍將也既戰死明師喪氣康應乾及朝鮮兵營富察之野努爾哈赤移師邀擊大破之應乾僅以數百騎免一琦敗走朝鮮營朝鮮帥懼率衆降一琦投崖死時馬林走開原努爾哈赤移師攻之乘勝遂取開原鐵嶺是年八月努爾哈赤復進兵葉赫葉赫不能支遂被滅。自是明之南北兩關於是言語相同之國悉歸於一疆域西至遼南至朝鮮東際海北抵黑龍江矣。

五 遷都遼瀋

初楊鎬既敗明廷逮鎬治罪以熊廷弼代之廷弼有文武才善用兵熟邊事集大軍十八萬分布諸要隘倡固守之策努爾哈赤以此按兵不進者年餘天啓初明臣忌廷弼者爭劾其不戰廷弼遂乞罷以袁應泰代之應泰故循吏非治邊才且不知兵會蒙古大饑諸部多入塞乞食應泰奏請收撫招降萬餘人分處遼瀋兩城優其廩食與民雜居欲倚爲助而此降人轉爲滿洲耳目天命六年春努爾哈赤率兵攻瀋陽克之總兵賀世賢戰死三月攻遼陽應泰集諸軍分陣

葉赫平

熊廷弼

袁應泰

招降蒙  
古

克遼瀋  
二城

徙都遼

陽徙都瀋

寧遠之  
役

太宗開  
國方略

固守滿洲兵冒礮火登城據其一隅城中遽大亂應泰自焚死城陷  
 蓋皆降人爲之也努爾哈赤既克遼瀋二城分兵四略於是遼河以  
 東之堡塞營驛及海蓋金復諸州大小七十餘城以次俱下遂由興  
 京徙都遼陽明年渡遼河進取廣寧又連陷四十餘城明兵退入山  
 海關遂由遼陽遷都盛京卽今之遼甯瀋陽縣也越數年努爾哈赤  
 復率大兵攻寧遠明巡撫袁崇煥守之火器礮石齊下不能克乃嘆  
 曰朕自二十五歲興兵征伐以來戰無不勝攻無不克何此寧遠一  
 城竟不能下豈非天耶因不懌者累日旋即病卒其第八子皇太極  
 嗣位改元天聰是爲太宗文皇帝

**附記**

清太祖努爾哈赤雄武英毅夏不攝人。有子十六人。又皆起越武夫。奮勇善戰。每有征伐。與諸貝勒（即諸子）適野而謀。畫地而議。上馬而傳令。令簡而速。

故事雖不舉。分部下爲八旗。每臨敵。七旗却走。一旗拒戰。卽以七旗佐領之。丁分給一  
 旗。一旗却走。七旗拒戰者。亦如之。國民十餘萬。月分處遼河東西。無事則耕獵。有事則  
 徵調。戰勝則分俘而受賞。人自爲兵。兵自爲餉。故無養兵之費。而用靡  
 不給。起兵二十年。而國基開。又十年。而王業定。雖曰天命。豈非人事哉。



太宗文皇帝

名皇太極。太祖第八子。母孝慈高皇后。業赫貝勒。楊吉穆之女。初爲四  
 貝勒。自太祖征討所向有功。旣卽位。建元天聰。尋改崇德。始定國號曰

清。在位十有七年。  
 壽五十有二歲。

太宗旣嗣位。雄武英毅。不讓太祖。其開國方略。凡四首。征服東海諸

部次平定內蒙古次征服朝鮮再次則爲六次伐明之役茲分別言之。

一 征服東海諸部

方太祖之併有扈倫也同時復經略東海諸部東海者明之野人衛地也其部凡三皆在吉林寧古塔以東東南濱日本海有瓦爾喀者當今烏蘇里江上流至綏芬河以西濱海一帶皆其部落與朝鮮咸鏡道相隣太祖嘗屢攻之收其地降其人又以瓦爾喀部衆有流寓朝鮮者請於明明諭朝鮮放還千餘戶然猶未盡服也迨太宗時復分兵四路各攜嚮道造海舫次第收其濱海島丁自是瓦爾喀部皆服 瓦爾喀西北有庫爾喀者佔虎爾哈河流域太祖時嘗遣額亦都俘其札庫塔人未幾其部長以百戶來歸太祖善遇之部衆踵至至是太宗復遣阿爾津等征服其部落之居黑龍江下流者俘其衆以歸於是庫爾喀亦平 庫爾喀之東有渥集部太祖時命額亦都征收其衆萬餘還至是全部來歸於是東海三部悉平 其餘諸小部若諾羅路若諾哲若薩哈連路若鄂倫春皆先後歸附而兵威所

征服瓦爾喀

征服庫爾喀

收服渥集等部

及直抵海中庫頁島於是自黑龍江以南圖們江以北濱海部落及其附近大小羣島盡入版圖矣。是時黑龍江上流北岸至外興安嶺之麓復有索倫部其部長嘗入貢太宗聞其俗善騎射遣霸奇蘭率兵渡江收其壯丁厥後叛服無常因遣穆什哈等征之俘獲甚多又調蒙古兵平其餘衆於是遼金以來散居東北境之鮮卑部落悉統於滿洲。

## 二 平定內蒙古

蒙古部族大別爲四曰內蒙古曰外蒙古曰厄魯特蒙古曰青海蒙古是也。內蒙古部落甚多最著者有七曰科爾沁曰奈曼曰敖漢曰察哈爾曰土默特曰喀喇沁曰鄂爾多斯。科爾沁在今遼甯之北黑龍江之南爲內蒙東部察哈爾包有今熱河察哈爾綏遠三特別區域爲內蒙中部而鄂爾多斯則在內蒙西部居河套中所謂河套蒙古是也。此七部中察哈爾最強而科爾沁初曾與扈倫諸部九國聯軍合攻滿洲爲清太祖所敗後震其兵威與奈曼敖漢諸部相率降附獨察哈爾不服其酋林丹汗尤雄桀士馬強盛嘗自稱爲統

林丹汗  
之軀強

太宗初  
征察哈爾

多爾袞  
再征察  
哈爾

領四十萬衆蒙古國王巴圖魯成吉斯汗而稱清太祖努爾哈赤爲水濱三萬衆滿洲國主貽書以夸之又恃其兵力侵陵同族諸部破喀喇沁滅土默特東西馳逐所至掠奪諸部不堪其虐相率走避其北走者渡翰海依喀爾喀其東走者則依科爾沁林丹汗惡科爾沁之降附滿洲也悉師攻之科爾沁不能敵乞援滿洲同時明人方困守遼西歲賂林丹汗百餘萬爲屏蔽林丹汗因助明攻滿洲之遼東地時太祖已死太宗嗣位怒林丹汗之無禮侵擾也亦數遣師襲察哈爾邊境雖未大勝而林丹汗之威勢漸衰及天聰六年太宗率大軍征察哈爾會遼河漲溢軍士冒遼河晝夜行乘林丹汗不備踰內興安嶺千三百里至其庭林丹汗謀拒戰而所部俱解體遂徙其人畜十餘萬衆由歸化城渡河西奔沿途離散僅存十之二三及至青海之大草灘林丹汗忽病痘死其子額哲擁衆萬餘居河套外越明年太宗命睿親王多爾袞再率師西征以逼之額哲欲依河套中之鄂爾多斯而鄂爾多斯反攘其部衆千餘戶降於清於是額哲知不可抗乃率其衆奉傳國璽以降傳國璽者元主中原時所得也

內蒙古  
平

大清建  
國

朝鮮助  
明

太宗初  
伐朝鮮

太宗以額哲爲元室嫡裔封爲親王內蒙古之大部遂平自元人北去其遺裔擾邊與明代相終始至是始歸平滅云

### 三 征服朝鮮

天聰九年四月諸王貝勒以太宗功德隆盛且前歲滅蒙古得其傳國璽知天命已歸於是奉表恭上尊號曰寬溫仁聖皇帝改建國號曰大清並改元崇德是爲大清建國之始時帝年四十有八舉前代遼金元舊部悉歸統一根本既固乃得一意從事於中原然欲從事中原而其東鄰有爲梗阻者則朝鮮是也於是有征服朝鮮之役

初朝鮮自李成桂得國受明祖冊封後世世臣服於明萬曆時日本攻朝鮮朝鮮幾亡賴明援得全故德明益深薩爾濟之役朝鮮遣將姜宏烈率師助明及戰敗宏烈以殘衆五千降滿洲太祖納之使其部將十餘以書歸諭朝鮮王令其自審去就而朝鮮王以不忘明德故不報謝仍助明將毛文龍守皮島攻滿洲之後太祖銜之及太宗卽位有朝鮮叛人韓潤鄭梅者亡走滿洲請爲嚮道以攻朝鮮太宗從之遣大貝勒阿敏率師伐朝鮮先破毛文龍兵於鐵山又進陷

太宗再  
伐朝鮮

朝鮮降  
服

義州諸城渡大同江長驅深入直逼其國都朝鮮王李倧挈妻子遁  
江華島乞援於明同時毛文龍之衆爲滿洲兵所牽制不能赴援乃  
遣使乞和而滿洲以無船舶不能渡海襲擊亦許之遂約爲兄弟國  
訂盟而還此天聰元年事也及崇德元年春太宗受尊號改建國  
號遣使徵聘於朝鮮而朝鮮王倧事明猶父始終不貳與清廷抗禮  
不肯推戴太宗賜書索送質子又不報太宗怒是年十一月親率大  
軍再伐朝鮮渡漢江克其都城倧奔南漢山城告急於明明舟師出  
海守風不敢渡而太宗圍南漢山城急破朝鮮諸道援兵獲倧妻子  
於江華島倧懼始遣使乞降棄兵械服朝服獻明室所給封冊而躬  
自來朝太宗見之於漢江東岸之三田渡自是朝鮮世爲臣僕者二  
百四十餘年朝鮮旣服皮島勢孤太宗遣兵與朝鮮夾攻取之由  
是明失東方之大臂助

#### 四 六次伐明之役

先是太祖之下遼瀋也諸貝勒欲遂取中原太祖不可曰昔金源蒙  
古不居其國而入主中夏致易世之後子孫皆習成漢俗寢以衰弱

明清和  
戰之始

明初次伐

漢三王

明二次伐

吾欲聽漢人居山海關以西我自居山海關以東滿漢各自爲國不  
亦可乎及太宗卽位恪遵祖訓一以止戈息民爲念不欲與明輕啓  
邊釁天聰元年春明寧遠巡撫袁崇煥遣使來弔賀並議脩好事太  
宗欣然答書願尊明爲帝自降號爲汗低明帝一格然崇煥非真欲  
與清議和也特藉是以覘其虛實故國書三往和議卒不就 是時  
清兵方有事於朝鮮崇煥得以其間修築大凌河及錦州諸城陰爲  
恢復計會清兵征朝鮮歸局勢一變是年五月太宗親率大兵攻寧  
遠崇煥力拒之回攻錦州亦不能克毀其大小凌河二城而還是爲  
太宗初次伐明之役 已而明宦官魏忠賢當國以崇煥不救錦州  
論罷之迨崇禎帝立忠賢伏誅復起用崇煥督師薊遼崇煥以皮島  
大將毛文龍驕蹇不用命設計誅之文龍部將孔有德耿仲明尙可  
喜三人叛明降清太宗大喜以爲得天之助皆優封王爵時稱爲漢  
三王是也 時太宗忌崇煥甚卽用此機大舉伐明然以崇煥之扼  
守寧遠也乃議取道蒙古拊直隸之背一面由喜峯口毀邊牆入趨  
遵化入龍井關直薄京師一面縱反間謂與崇煥有密約引之深入



孫承宗  
復關內  
四城

明三次伐

明四次伐

明五次伐

崇禎帝怒以崇煥前殺毛文龍已疑其有異志至是不暇窮究立逮崇煥下獄殺之以孫承宗代爲督師駐兵山海關太宗知中原未可遽定不欲究武乃爲議和書分置永定德勝諸門外而移師東歸時天聰三年十二月也是爲二次伐明之役太宗既退孫承宗相機引兵收復關內遵化永平遷安灤州四城清貝勒阿敏退走四城既復而後山海關方面乃可守論者以其恢復之功比諸岳武穆之朱仙鎮焉天聰五年春太宗以明兵制勝之道在西洋大砲乃設計招徠明礮工鑄紅夷大礮而令降將演習之是年秋復舉兵伐明卽以紅夷大礮攻大凌城克之明將祖大壽降孫承宗亦罷歸是爲三次伐明之役崇德元年七月復大舉伐明命英武郡王阿濟格分路進兵踰獨石口入居庸過昌平直逼燕京兵至保定凡克十二城五十六戰皆捷俘人畜十有八萬明督師張鳳翼宣大總督梁廷棟皆按兵不敢戰日服大黃求死九月始由建昌冷口引兵東歸是爲四次伐明之役崇德三年八月清師再舉太宗自率大兵向山海關而令睿親王多爾袞由密雲縣北毀牆子嶺而入會於涿州分兵八

六次伐明

錦州之戰

洪承疇降清

清兵入關

道由蘆溝橋進趨良鄉下四十八縣孫承宗致仕在籍闔門死之督師盧象昇馳援宰相楊嗣昌忌象昇扼之兵單餉缺遂戰死清兵由德州渡河下山東州縣十六城克濟南執德王由樞去是爲五次伐明之役崇德六年春太宗以大兵數入中原終不能得有尺寸地蓋山海關爲之隔阻也而欲圖山海關非先下關外四城不可關外四城者錦州松山杏山及塔山也於是決計先攻錦州築長圍以困之並扼松杏援師之路期以必克明督師洪承疇及總兵吳三桂率師往援以兵十三萬環松山三面而軍太宗聞之親率軍圍攻苦戰逾年城中食盡三桂敗走承疇被擒請降松山遂克錦州杏山塔山三城相繼亦陷先後死者五萬八千人薩爾濟戰後此爲最烈焉是爲六次伐明之役自此役後明之元氣大傷明年癸未秋太宗皇太極殂子福臨卽位是爲世祖章皇帝世祖卽位之明年闖賊肆逆燕京失明陷崇禎帝殉國煤山吳三桂乞清兵入關平賊而天下遂爲清有矣

附記

日本石葉君曰氏曰太宗包容漢人之襟度不獨見於孔耿尙三將歸降時卽天聰三年生擒明永平巡撫張春其事始末見於湯文正所記者殊可驚異也

張春陝西涇州人。由舉官僉事。備兵於永平。崇禎四年。清兵入永平。生擒春。春妻屈氏。城破時已自縊。太宗重中國人。得中國人。必令生致之。既得春。大喜。欲官焉。春不風。太宗善遇之。凡飲食。供張。用具。衣服。春皆屏而不視。惟向西而坐。哭日夜。安有蔑乘。太宗更遣左右。令為好語。勞春。聞自往拜。春不動。而罵以為常。左右曰。彼囚也。安有蔑乘。而為囚人。屈者。太宗曰。是何言。吾身乘中。文天祥。以為神人。今乃得真見。文天祥矣。春聞屈氏死。為位而哭。太宗命以少牢往祭。春不受。又自為祭文。首記崇禎年號。人有奏者。太宗曰。是固然。安肯用我。正朔乎。時洪承疇留三年矣。承疇初亦不風。後意不能無動。嘗略得秀才數十人。命詣承疇。承疇試以文。第其高下。上之。太宗命詔春。吐之曰。若既讀古人書。奈何於此求試。過去毋污我。太宗聞而益善之。春留九年。欲移居遼陽。滿臣譏不可許。春不食而死。太宗獵。獲不置。承疇初被擒。亦罵不絕口。太宗命文臣往勸。不置。答。太宗乃親至承疇處。賜貂裘。與之曰。先生得毋冷乎。承疇視良久。歎曰。真命世主也。因叩頭請降。太宗大悅。即日賞喪。無算。諸將皆不悅。曰。承疇一亂囚。何待之重也。太宗曰。吾儕。御風沐雨。欲何為乎。眾曰。欲得中原耳。太宗笑曰。譬之行者。君等皆譬目。今得一指路者。吾安得不樂。眾乃服。太宗之重用漢人。其故在此。此與孔耿初歸時。獨排眾議。興行抱見禮。其意正同。譬之軍器。孔耿等歸附。太宗用之。絕似軍中。忽得最新式之西洋礮。此其所以能創業垂統。為改略中國之先導也。

清鑑綱目卷首終

清鑑綱目卷之一

鹽城印鸞章編輯 金式陶 張延壽 趙雪 胡應庚 校訂

世祖

世祖章皇帝

名福臨。太宗第九子。母孝莊文皇后。太宗崩。諸貝勒擁之即位。元年三月。舉兵入關。五月。定京師。十月。定都北京。在位十有八年。

崇德八年八月。太宗皇太極殂。禮親王代善集諸王貝勒議。所立代善首發言曰。虎口為先帝長子。當承大統。虎口者肅親王豪格也。豪格曰。虎口福少德薄。不敢承天位。固辭而退。既退。諸將領佩劍前曰。吾儕衣食於先帝。若不立先帝之子。寧從先帝於地下。代善曰。吾雖為先帝之兄。但久不聞朝政。不敢與於此議。遂起趨出。睿親王多爾袞曰。虎口既辭讓。當立福臨。若謂其年幼。吾願與豫親王多鐸輔佐之。因誓告天地。共擁福臨。即帝位。是為世祖章皇帝。以明年為順治元年。時帝甫六齡。復由諸王貝勒公議。以鄭親王濟爾哈朗。睿親王多爾袞輔政。元年三月。流寇犯明。燕京失陷。明崇禎帝自焚殉國。吳三桂乞師討賊。多爾袞遂以是年五月。入定京師。修繕宮城。迎帝於奉天。十月。帝至京師。定都北京。滅明而有天下。遂以成大一統之業。

綱甲申

明莊烈帝崇禎十七年。○清世祖章皇帝順治元年。○是年三月。流賊陷京師。明莊烈帝殉國。五月。福王由棧即位於南京。派兵定京師。夏四月。吳三

吳三桂 乞師

桂來乞師大破李自成於山海關自成西遁封三桂為平西王

國初明

以流寇內逼用薊遼總督王永吉議盡棄關外四城召寧遠總兵平西伯

吳三桂統邊兵入關衛京師三桂奉詔徙寧遠兵民五十萬衆而西抵豐

潤縣名今聞京師已為李自成所陷猶豫不敢進自成執其父襄令作書

招三桂三桂欲降至灤州今河北縣聞愛姬陳沅為劉宗敏掠去大憤遽易縞

素稱先帝恩德以復仇討賊之旨布告軍中疾歸山海關部署軍事襲破

賊衆萬餘人自成大怒執吳襄於軍親率精銳十餘萬東攻三桂於山海

關以別將領二萬騎從一片石關名在撫寧縣東北繞出關外夾擊之三桂懼遺書清

廷乞降請合軍討賊時清攝政王多爾袞略地關外尙未至寧遠得三桂

書即遣使還報略云流寇攻陷京師明崇禎帝慘亡不勝髮指故率仁義之師沈舟破

前為藩王國驛可報身家可保三桂復促之多爾袞乃偕洪承疇等兼程而進疾馳至沙河

距山海關僅十里而通路已為賊軍攻關外者所梗多爾袞命英王阿濟

格豫王多鐸各將萬騎由東西水關分道入自引大軍繼進敗賊前鋒於

關外一片石三桂復發大礮開路自率親兵五百開關出迎多爾袞即於

軍中雍髮設誓固請入關討賊自為前驅時賊衆當百戰之後慄悍無匹

開關出  
衰迎多爾

愛姬陳  
沅被掠

山海關  
之戰

下令薙  
髮

史可法  
奉福王  
監國於  
南京

多爾袞慮不可輕敵，乃命三桂爲先驅，開關管賊，而自蓄精銳以待。三桂兵各以白布繫肩爲號，開關出擊賊，殺傷相當。翌日大戰，賊衆自北山橫互至海列陳以待者二十餘萬，清兵與三桂兵對賊而陣，尙不及賊之半。多爾袞命三桂先戰，衝其前鋒。是日自成挾明太子及諸王於西山立馬觀戰，賊張兩翼圍三桂數匝。三桂軍人人血戰，衝盪數十合，呼聲振海嶠。及午，戰方酣，忽風發塵起，怒若奔雷，兩軍不相辨。清將阿濟格多鐸率鐵騎乘勢突出，橫躍入陣，衝賊中堅，賊衆自相踐踏，俄而風定塵開，賊見甲而辮髮者，驚曰：「滿洲兵至矣！」自成策馬下岡先走，羣賊望之皆潰散，遂北數十里，斬獲數萬。下令關內兵民皆薙髮，而命三桂以步騎二萬人前驅追賊。自成走永平，三桂追至永平，自成遣使詣三桂軍請和，三桂不許，自成乃殺吳襄，還京師，屠三桂家，僭帝號於武英殿，被冠冕，列仗受朝。追尊七代皆爲帝，后立妻高氏爲皇后，是夕焚宮殿及九門城樓，詰旦挾太子二王及陳姬並載輜重西走。多爾袞進三桂爵爲平西王。

明兵部尙書史可法等奉福王由崧神宗孫，福恭王常洵長子，初封德昌王，崇禎十六年嗣封福王。監國於南

京。北都旣陷，莊烈帝殉社稷，四月己巳報至南京，人心惶懼，時參贊

機務兵部尚書史可法方督師勤王在浦口諸大臣議立君而福王由崧

與潞王常澆穆宗子 澆簡 王翊樓之子俱以避賊至淮安倫序當屬福王而以德則潞王

賢於是立親立賢之問題起諸臣慮福王立或追怨妖書及挺擊移宮等

案潞王立則無後患且可邀功陰王之者廢籍禮部侍郎錢謙益及郎中

周鏞字仲毅 金壇人僉事雷縝祚力持其議者兵部侍郎呂大器字繼若 遂甯人而右都

御史張愼言字金銘 陽城人詹事姜曰廣字居之 新隰人皆贊助之移牒可法略言福王

倫序當立而有七不可貪淫酗酒不孝虐下不讀書干預有司是也潞王

神宗之姪賢明當立可法遂還南京同時鳳陽總督馬士英利福王昏庸

欲立之密與操江誠意伯劉孔昭基之十 二世孫總兵高傑劉澤清黃得功劉良

佐等結而致書于可法可法意未決甲申守備南京魏國公徐弘基造之 十世

孫等戶部尚書高弘圖字研文 膠州人等南京守備太監韓贊周等集議于朝大

器署禮兵二部印不肯下筆吏科給事中李沾松江華 亭人厲聲言今日有異

議者斬孔昭亦面斥大器時士英握兵于外與諸將送福王至儀真連營

江北勢甚張可法不得已乃以福王名告廟時文武官俱集內官宅前 周令各 署名 韓姜曰廣曰無息遠 謝察告奉

先殿而後行明日到奉先殿動臣語使 史可法曰廣何之子是羣小成日備日廣乙酉迎王于江浦丁亥百官迎見于龍江

馬士英  
利福王  
昏庸

立親立  
賢

關在江甯縣外

王素服角帶哭五月戊子朔王謁孝陵奉先殿出居內守備

府羣臣入朝王色赧欲避可法曰王毋避宜正受既朝議戰守可法曰王

宜素服郊次發師北征示天下以必報讎之義王唯唯明日再朝出議監

國事張慎言曰國虛無人可遂即大位可法曰太子存亡未卜倘南來若

何劉孔昭曰今日既定誰敢復更可法曰徐之乃退又明日王監國以史

可法高弘圖馬士英姜曰廣王鐸孟津人並為東閣大學士入閣辦事可法

仍掌兵部事士英仍總督鳳陽諸軍事又以張慎言為吏部尙書起劉宗

周為左都御史宗周開京師陷方各舉義旅討賊來發而驅王立遂起故官徐石麟為右都御史部尙書兵部

尙書張國維以原官回部協理京營戎政餘皆遷擢有差

五月攝政睿親王多爾袞入京師自成既西遁京東北諸州縣俱

向清軍乞降清多爾袞遂令先鋒隊入京師禁兵士入民家百姓安堵秋

毫無犯五月己丑多爾袞至京師明文武諸臣皆出迎五里外多爾袞由

朝陽門入登武英殿受朝賀遣使持檄招撫各州縣並下令薙髮為明崇

禎帝發喪令官民各服喪三日諭禮部太常寺以禮改葬崇禎帝后建碑

亭殿廡悉如典制並葬帝妃袁氏兩宮主及熹宗后張氏神宗妃劉氏

合旋

史可法  
馬士英  
同入閣

攝政王  
多爾袞  
定京師



盡除明季諸弊

福王卽帝位於南京

史可法督師江

設明長使以下十四陵司香內使各官

旋復命在京內閣六部都察衙門官員俱以原官同滿官

一體辦事其印信俱並鑄滿漢字己亥捷奏至盛京世祖率鄭親王濟爾哈朗暨諸王貝勒羣臣等祭告天地御殿受朝賀詔中外盡除明季加派稅餉廠衛諸弊政並頒詔朝鮮及蒙古諭以入京捷報

事 綱明福王由崧卽皇帝位於南京以史可法督師江北召馬士英入閣辨

軍悉入伍操練錦衣東西司房及南北兩鎮撫司官不備設以杜告密安人心時馬士英旦夕冀入相及督師鳳陽命下大怒以可法所與士英七

不可書奏之王且令高傑等疏趣可法視師而自擁兵入覲拜表卽行可法遂請督師出鎮淮陽王命以便宜行事各鎮并聽節制十五日壬寅王

卽位于南京癸卯士英卽入閣助理仍掌兵部尙書事乙巳可法陞辭請以總兵劉肇基

之時李自成棄京師西走青州諸郡縣並殺歸官城自保未知兩都擁立事可法請速頒監國登極二詔慰山東河北軍民心開禮賢館招四方才智下僚有才被棄者亦悉舉任用之遂東人于永授李棲鳳卜從善金聲桓

以監紀推官應廷吉領其事秦府稱得人

綱明分淮陽鳳廬爲四鎮以黃得功劉良佐劉澤清高傑領之 時議

明分淮陽鳳廬爲四鎮

諸將爭揚州

明封左良玉爲寧南侯

分江北爲四鎮劉澤清轄淮海駐淮北經理山東一路高傑轄徐泗駐泗

水經理開歸一路劉良佐轄鳳壽駐臨淮經理陳杞一路黃得功轄滁和

駐廬州經理光固一路仍進德功靖南侯封傑興平伯澤清東平伯良佐

廣昌伯時得功澤清傑爭欲駐揚州傑先至固欲入城揚州民畏傑不納

傑攻城急日掠城廂婦女民益惡之知府馬鳴騷褒城人推官湯來賀南豐人

堅守月餘進士鄭元勳家城中身詣傑營責以大義傑頗爲感悟爲敵兵五里外城西北得暫啓門以通薪而守城者負約殺以矢石中傑兵傑兵復進揚人競疑元勳通傑遂遇

害節元勳傑知不可攻意稍怠而澤清亦大掠淮上臨淮不納良佐軍亦被

攻王命可法往解得功良佐澤清皆聽命乃詣傑傑素憚可法夜掘坎千

百埋暴骸旦日謁可法帳中詞色俱變汗浹背可法坦懷待之接偏裨以

溫語傑大喜過望然傑亦自是易可法用已甲士防衛文檄必取視而後

行可法夷然爲具疏屯其衆於瓜洲傑又大喜可法乃開府揚州

圖明進封左良玉爲寧南侯圖先是莊烈帝詔封良玉寧南伯許功成

世守武昌命給事中左懋第字羈石萊陽人便道督戰事在是年正月良玉乃條日月進

兵狀以聞疏入未奉旨而京師陷福王立詔至其部下有異議不欲開讀

巡撫何騰蛟字雲從平衛人急詣良玉所爭之而良玉已從正紀良玉所置官名盧鼎言

良玉慟哭不許

開讀如禮諸將尙洵洵欲引兵東下良玉慟哭不許盡出所藏金帛銀綵物散之諸將曰此皆先帝賜也受國厚恩禍變至此良玉何心獨有之乎于是諸將噉然皆哭副將馬士秀奮曰有不奉公令復言東下者吾擊之以巨鑑置礮斷江衆乃定會王命進良玉爵爲侯蔭一子錦衣千戶以上流之事專委良玉制書到楚而良玉賀表亦至時李自成敗于關門良玉得以其間稍復楚西境之荊州德安承天而騰蛟及總督袁繼咸字季通宜春人居江西皆與良玉善南都倚爲屏蔽軍每春秋肄兵武昌蒲山一軍幟一色山谷爲滿軍法用兩人夾馬馳曰過對馬足勒地殷如雷聲聞數里諸鎮兵惟高傑最強不及良玉遠甚然良玉自仙鎮之敗精銳略盡其後歸者多烏合軍容雖壯法令不復相攝而是時良玉亦老且病無出矣

綱六月明追上崇禎帝后諡號

目諡崇禎帝曰烈皇帝廟號思宗

趙之龍欲

傾高弘圖以愚非美諡上疏糾駁尋改曰毅宗周后曰孝節皇后又追諡其祖母鄭貴妃曰孝寧太后

考福恭王曰恭皇帝上嫡母鄭氏尊號曰恪貞仁壽皇太后

綱明主召阮大鍼陛見

目大鍼名掛逆案失職久廢崇禎末以避流賊

居南京頗招納遊俠爲談兵說劍覲以邊才召無錫顧杲吳縣楊廷樞等皆復社中名士方聚講南京惡大鍼甚作留都防亂揭逐之大鍼懼乃閉

明主召阮大鍼入見

明追崇禎帝后諡號

大鉞上  
守江策

明張慎  
言罷

門謝客獨與馬士英深相結。福王既立，士英秉政，招權罔利，日事報復。時高弘圖、姜曰廣、張慎言等皆以宿德在位，將以次引內人望。而士英必欲起大鉞，因薦大鉞知兵。初，大鉞在南京，與守備太監韓贊周暱。及北都既陷，中官悉南奔。大鉞因贊周遍結之，爲羣奄言。東林當日所以危貴，妃福王者以潛傾史可法等，羣奄更極口稱大鉞才。士英亦言大鉞從山中致書與定策，謀爲白其附璫，贊導無實跡。遂命大鉞冠帶陞見。大鉞乃上守江策。陳三要兩合十四隙，疏并自白孤忠被陷，痛詆孫慎行、魏大中、左光斗，且指大中爲大逆。于是大學士姜曰廣待郎呂大器懷遠侯常延齡平開、王遇春十一四孫等并言大鉞逆案巨魁，不可召。給事中羅萬象應天府丞郭維經字六修，江、爲龍泉人。大理寺丞詹兆恆信，月如，廣亦各言逆案不可翻，乃切責萬象等。弘圖復請下九卿會議，亦不聽。

○明吏部尚書張慎言罷。○時大起廢籍，慎言薦前大學士吳姓前尚書鄭三俊。明主命招姓，陛見一日朝罷，誠意伯劉孔昭忻城伯趙之龍羣詬于廷，指慎言及姓爲奸邪。叱咤徹殿陛，給事中羅萬象言慎言平生俱在性素有清望，安得指爲奸邪。孔昭等伏地痛哭，謂慎言舉用文臣不及

武臣囂爭不已。孔昭至欲手刃慎言。韓贊周呵之乃止。既退又疏劾慎言極詆三俊。且謂慎言當迎立時阻難懷二心。乞寢姓陛見命。且議慎言欺

蔽罪。慎言疏辨。因乞休。時兩解之。萬象又言首膺封爵者四鎮也。新改京營。又加二鎮銜。何嘗不用武。年來封疆之法。先帝多寬武臣。武臣報先

帝者安在。祖制以票擬歸閣臣。參駁歸言官。不聞委勳臣以糾劾也。使勳臣得兼糾劾。文臣可勝逐。此可法矣。慎言疏薦無不當。諸臣痛哭喧呼。絕法紀。恐驕弁悍卒益輕朝廷。御史王孫業

言用人吏部執筆。奈何廷辱冢宰。弘圖等亦以不能戢和文武。各疏請罷。俱不允。而吳姓亦

竟不復召。慎言乃再疏乞休。遂許其請。且諭之曰。晉疆未復。卿已無家可

歸。沿途僑寓。需召。慎言遂流寓蕪湖宣城間。至亡國後。宜發於背。成勿藥卒。

綱明總兵劉澤清入朝于南京。吏部侍郎呂大器罷。目先是諸臣議擁

立時。大器主錢謙益雷縉祚言。欲立潞王。前事具及馬士英等擁戴福王。因

遷大器吏部左侍郎。大器以異議絀自危。乃上疏劾士英言。其擁兵入朝

覬留政地。翻先皇手定逆案。欲躋阮大鍼中樞。其子以銅臭為都督。女弟

夫未履行陣授總戎。媼姪越其杰。田仰楊文驄。字龍友。貴陽人。先朝罪人。盡登膺

仕。亂名器。夫吳姓鄭三俊。臣不謂無一事失。而端方諒直。終為海內正人

之歸。士英大鍼。臣不謂無一技長。而奸回邪慝。終為社稷無窮之禍。至是

澤清入朝。疏糾大器。縉祚懷異圖。而薦逆案張捷。丹陽人。鄒之麟。武進人。張孫

明劉澤清入朝

呂大器  
劄籍

明馬士  
英乞罷  
不許

振人等大器遂乞休去以手書監國告廟文送內閣明無他士英憾未

已令太常少卿李沾劾之遂削大器籍復命法司逮治之尋以蜀地盡失

無可蹤跡而止大器既去沾得超擢左都御史而謙益亦以附士英大鉞

得為禮部尚書協理詹事府事時武臣各占分地賦入不以上供恣其所用置封疆兵

贖粉如紀綱盡裂而濤清所言允任悖擁立之初即援靖康故事請以五月改元又請宥放輔周

廷儒助餉賊銀又請禁巡按不得挈訪追職請法司必緝故總督侯恂及其子方城時皆曲意從

之及是入朝復阿士英指力糾大器等大器既去朝事不可為矣

**明馬士英乞罷慰留之** 士英當國畏東林倚左良玉為難謾語修

好而陰忌之良玉不自安屬承天守備太監何志孔巡按御史黃澍入賀

陰伺朝廷動靜澍挾良玉勢當陛見面數士英奸貪不法且言嘗受張獻

忠偽官周文江人麻成重賄為題授參將罪當斬志孔亦論士英罔上行私

諸罪司禮太監韓贊周叱志孔退士英跪乞處分澍舉笏直擊其背曰願

與奸臣同死士英大號呼贊周即執志孔侯命時有內諭贊周欲令士英

避位士英佯引疾請罷而賂福邸舊奄田成張中執等泣懇曰上非馬公

不得立逐馬公天下將議上背恩矣且馬公去誰念上者明日即慰留士

英士英亦畏良玉請釋志孔而命澍速還湖廣未幾又以他事奪澍官

督學錦衣衛劉儒者嘗遣戍由周文江賄張獻忠受偽命錦衣指揮史及良玉復斬黃偽削髮逃去尚持之愈而士英納偽賄令許澍逃復偽官削澍職 尋以朱盛濃府中言逮澍良玉留澍不遣良玉令部將擊譚欲下南京索餉因保救澍袁繼成亦為上疏代澍申理 士英不得已乃免

逮澍遂匿良玉軍中良玉與士英由此有隙

遣將分徇山東河南陝西 多爾袞既入京師奏捷盛京頒示朝鮮

蒙古時京東京北諸府雖降而保定大名真定間潰兵羣起山東山西河

南諸州縣亦皆據城自保乃遣肅親王豪格往定山東河南葉臣等往定

山西各分扼要地待時進軍

秋七月清軍追擊李自成於山西大破之自成遁歸西安 初自成

西走至定州吳三桂與清英王阿濟格追擊之斬賊黨谷可成自成走真

定悉衆迎戰三桂復大敗之賊不能支自成至望都中流矢創甚會三桂

引兵東返乃得西踰固關走山西鳩合潰散至平陽以讒殺其黨李巖賊

衆解體自成乃遁歸西安先是李自成之殺吳襄也欲並殺三桂妾陳姬

姬曰吳將軍捲甲來歸矣徒以妾故又復興兵殺妾何足惜恐其為王死

敵不利也自成欲挈姬同走姬曰妾既事大王矣豈不欲從大王行恐吳

將軍以妾故而窮追不已也王請度之王能敵吳將軍妾即蹇裳跨征騎

遺分魯豫

大破李自成於山西

自成走陝西

留陳姬以緩三桂

清兵克  
山東

清兵克  
山西

明遣使  
行成於  
清

爲王前驅自成沈思不語姬復曰妾爲大王計不如留妾緩敵當說彼不  
追以報王之恩遇也自成然之遂留姬西走已而三桂追自成至望都以  
急欲見姬故乃倉猝返師而以窮寇勿追報清廷自成乃得走陝西

○清兵克山東 李自成既西遁山東河南諸州縣聞之爭殺其所置  
僞官復爲明時福王由崧已擁立南京無一官一兵至河北多爾袞乃命  
肅親王豪格進兵山東豪格引兵駐濟南分遣大兵破青州斬賊首趙應  
元山東遂平復引兵循河南河南亦平

○清兵克山西 多爾袞既命肅親王豪格平定山東河南復遣都統  
葉臣等往徇山西同時直隸巡撫衛國允沈文奎先後削平大名順德廣  
平山寨之賊葉臣等因出固關進平三晉擒僞伯陳永福于太原敗僞總  
兵李過于大同巡撫馬國柱復進擊汾州平陽之賊山西悉平

○明遣使行成於清 時清兵連破李自成河北郡  
縣亦相繼歸附明廷議遣使通好而難其人懋第母陳歿于燕欲因是返  
匱葬請行乃拜懋第兵部右侍郎兼右僉都御史與左都督陳洪範太僕  
少卿馬紹愉偕而令懋第經理河北聯絡關東諸軍務懋第瀕行言臣此



左懋第  
請祭第  
諸陵

張獻忠  
陷成都  
據四川

行死死未卜請以辭闕之身效一言願陛下以先帝仇恥為心瞻高皇之  
 弓劍則思成祖列祖之陵寢何存撫江上之殘黎則念河北山東之赤子  
 誰卹更望時時整頓士馬必能渡河而戰始能扼河而守必能扼河而守  
 始能畫江而安衆聽其言因令齎白金十萬兩幣帛數萬匹以兵三千人  
 護行十月朔懋第等至張家灣清令以百人從行入都館之鴻臚寺懋第  
 請祭告諸陵及崇禎帝不許乃陳太牢旅所哭而奠之旋以是月二十八  
 日遣還出都陳洪範于途次陳密啓請身往江南招諸將劉澤清等降附  
 而留懋第等勿遣於是自滄洲追還懋第改館太醫院而縱洪範南歸至

紹倫降清賜懋第謚忠貞

年五月南京破懋第聞之痛哭其從府懋泰先為吏部郎降賊後歸清授官矣來謁懋第曰此非吾弟也叱之尋與從行兵部司務陳用極游擊王一斌都司張其佐劉統王廷佐俱死之惟馬

**綱**八月張獻忠陷成都明蜀王至澍蜀獻王樞九世孫及巡撫都御史龍文光龍文光

巡按御史劉之勃等死之 **目**初成都聞獻忠將至蜀王至澍謀遷于滇

劉之勃持不可內江王至淥與之力爭王將行而守門卒洵洵亂輜重有

被掠者事遂寢已而新撫龍文光是年春莊烈帝命文光代陳士奇總兵劉佳引率兵三千從

川北來謀設守諸王大姓逸去者半華陽知縣張雲辭謂蜀王謙守禦策不聽聞太平王至淥賢往說之曰成都危在旦夕而王府

蜀王死節

明遣王應熊討蜀寇

貨財山賊及今賊士殺賊匪湯淪喪誰為王守至漆音于王亦不應沈雲祚字子凌太倉人至是獻忠逼城都文光等分陴拒守

佳引出戰而敗賊穴城實以火藥又剗大木長數丈者合之纏以帛貯藥

向城樓之勃厲衆奮擊賊却二三里皆喜以為將去也初九日黎明火發

北樓陷木石飛蔽天守陴者皆散賊遂入城蜀王率妃妾自沈于井之勃

文光等皆被執賊以之勃同鄉欲用之勃大罵賊攢箭射殺之復盡驅

文武將吏及軍民男婦于東門外將戮之忽有龍尾下垂賊以為瑞遂停

刑文光佳引卒不屈死文光見殺于羅錦橋副將張繼孟扶風人陳其赤字石文

人仁僉事劉士斗字瞻甫南海人張孔教字魯生會稽人蜀府左長史鄭安民浙江人城都同

知方堯相字紹虞黃岡人華陽知縣沈雲祚等皆死之

綱明以前大學士王應熊為兵部尚書督師討蜀寇起前寧夏巡撫樊一

蘅字君帶宜賓人為兵部侍郎總督川陝軍務目時張獻忠已據全蜀惟遵義

保境自守應熊與一蘅避其地命應熊督師一蘅總督軍務討之又遣御

史米壽圖宛平人巡按四川命禮部簡堪任監司守令者從壽圖西行應熊

等乃縞素誓師開幕府傳檄諸郡舊將會師大舉會巡撫馬乾昆明人復重

慶副將朱化龍等復龍安茂州一蘅乃起舊將甘良佐為總統合參將楊

展等所攜潰卒得三萬人尋復敘州而副將會英福建人連敗賊軍聲大振

亦受一蘄節制其他據城奉征調者洪雅則曹勛黎州參將范文光內江人松茂

則詹天顏龍巖人夔萬則譚宏譚詣一蘄遂移駐納溪與應熊會於瀘州檄

諸路刻期並進獻忠頗懼事皆在順治二年至順治三年清兵入蜀誅獻忠餘賊南奔至重慶曾英戰沒應熊避之畢節賊尋次會清兵北旋一蘄

復駐江上為收復計時蜀中大亂諸將各據地自擅一蘄令不行順治八年清兵南征一蘄遁山谷中避疾卒蜀中將士信而壽圖出奔沅州至順治十一年城破亦死

**明修興寧宮慈禧殿** 先是洛陽之陷明帝母妃與帝相失居于河

南人郭守義家帝既立始遣總兵王之綱奉迎及是至南京命于三日內

搜括萬金以充賞賜又諭工部以行宮狹隘亟修興寧宮慈禧殿尅期告

成以居母妃尋又封母妃弟鄒存義為大興伯時土木并興賜予無節御

用監內官請給工科銀置鳳几榻諸器物及宮殿陳設金玉諸寶計貲數

十萬工部侍郎高倬奏請裁省光祿寺辦御用器至一萬五千七百有奇

倬又以為言皆不納高倬字枝樓忠州人

**明選淑女** 時以母妃命選淑女羣奄借端肆擾隱匿者至隣里連

坐兵科給事中陳子龍字臥子松江華亭人唐王時乳節清朝賜諡忠裕言中使四出搜巷凡有女之

家黃紙貼額持之而去閭井騷然明旨未經有司中使私自搜採甚非法

明修興寧宮

明選淑女

紀御史朱國昌臨安人亦以為言乃命禁訛傳誑惑者尋復使太監李國輔等分詣蘇杭採訪民間婚娶一空

闡明賜北京死節諸臣贈諡 北京文武臣殉難者並予贈諡世廕立

廟于雞鳴山賜額曰旌忠其列于正祀者文臣二十四人范景文倪元路李邦

邦嘯凌義渠吳雲徵周鳳翔馬世奇劉理順汪偉申佳九吳甘來王章陳純德陳其謨成德許直金絃及大同巡撫衛景毅宣府巡撫朱之馮布衣湯文瓊諸生許琰○范景文等事具前許琰字

玉仲吳縣人聞京師破趨古廟自經為人所解及哀詔至竟不食死武臣七人新樂侯劉文炳惠安白浪慶臻襄城伯李國楨

周遇吉遼東總兵官吳襄○文炳等事具前 內臣一人王承恩婦人九人成德母張氏金絃母章氏汪偉妻

奇妻朱氏李氏陳其謨妾時氏吳襄妻祖氏事具前 附祀者文臣七人進士孟章明及郭中徐有章給事中顧鉉彭

章明徐有章徐標事具前顧鉉成都人彭瑄永川人志庚武臣十五人成國公朱純臣

浙江人朱廷煥單縣人以副使分巡大名流賊陷城被執死 武臣十五人顧遠侯順肇濟

定遠侯郭文明武定侯郭培民陽武侯薛濂永康侯徐錫登西甯侯宋容德懷甯侯孫惟藩彰武伯楊崇猷宣城伯衛時春清平伯吳遵開新建伯王先通安甯伯張光燦右都督方履泰錦衣衛

千戶李國祿○時春事具前純臣東平王能八世孫肇迹夏國公成十一世孫文明雷河王愈十世孫培民營國公英九世孫濂鄧國公祿七世孫錫登蔡國公忠十世孫裕德晟十世孫維藩鏗

八世孫崇猷清七世孫遵周梁國公成七世孫先 內臣六人李鳳翔王之心高時明稽憲章

鍾守仁曾孫光燦與六世孫履泰南和伯一元子 命有司春秋致祭然顧鉉彭瑄俞志虞

輦特為賊拷死皆濫與其列而郎中周之茂等並以不屈死前事具顧未邀贈恤他如御史馮垣登新昌人員外郎鄭逢蘭行人謝于宣鄞縣人郎中李逢

申知縣鄒逢吉湖口人等皆拷死亦並獲贈諡時南北阻絕多未能核實也

又予前大學士孫承宗大常少卿鹿善繼祠諡又湖廣殉難巡按御史劉熙許參政許文岐推官蔡道憲等並予贈諡禮部尚書顧錫嘯又言溫體仁得君行政最專且久其負先帝罪大且深乞削其文忠之謚而補文震孟顧諭義姚希孟呂維祺諸臣諡庶天下有所勸懲王亦從之○孫承宗鹿善繼劉熙許等事具前許文岐字我西仁和人斬州陷被賊執繫之後營文岐陰與同繫舉人奚鼎銘等數十人相結圖謀洩被害蔡道憲字元白晉江人為長沙推官城陷被執賊啗以官嚮齒大罵賊磔之建卒林國俊等九人殉焉顧錫嘯字九疇崑山人

○明以阮大鍼為兵部侍郎巡閱江防 ○大鍼之召大學士高弘圖以

去就爭馬士英意稍折遲回月餘至是復用安遠侯柳昌祚世孫薦起大

鍼兵部添注右侍郎仍禁廷臣不得把持阻諫左都御史劉宗周疏言大

鍼昔爭吏垣不得致魏大中死詔獄殺大中者魏鑑大鍼其主使也即才

果足用臣慮黨邪害正之才終病世道且祖宗故事九列必用廷推乃者

中旨頻降司農之後繼之少宰司農張有譽少宰張捷也未幾而大鍼司馬又繼之其為

墨勅斜封之漸有不待問者大鍼進退實係江左興亡乞寢成命給事中

熊汝霖亦言大鍼以知兵擢當置有用之地若止優游司馬則樞輔已優

為之何必增置命切責宗周而格汝霖疏不聽尋命大鍼兼右都御史巡

閱江防

○明封鄭芝龍為南安伯 ○芝龍福建南安人明末入海寇顏思齊黨

明以阮大鍼為兵部侍郎

明封鄭芝龍為

與日本人聯和遂娶日人田川氏女生子成功卽附日人居台灣其後日人爲荷蘭人所逐台灣不可居芝龍因其人衆舟楫橫於閩海崇禎初閩督沈猶龍招降閩海羣盜芝龍本世居南安之東石村遂受撫還南安故例凡爲日本贅壻者不得歸國獨芝龍挈其妻還南安之東石村第宅縱橫數里遂爲八閩富人冠猶龍母生日芝龍進珊瑚樹高丈許飾以珠龍金盜觀者豔之其從者皆以生犀黃金爲甲每出必百人人各一馬時南安有苟愍惠安有劉香者皆稱富強愍先亡香恃強不就撫朝廷命芝龍討之戰於五虎門外芝龍弟芝虎與搏戰相持入海俱死芝龍因併其衆威震全閩無何閩浙大旱芝龍以巨舶載饑民數萬移徙臺灣人給三金一牛使墾荒島食力而臺地野沃土腴一歲三穫閩人歸之若市遂成邑聚是爲中國人殖民臺灣之始是時荷蘭人二千踞城內僑民數萬屯城外荷人以行商自活不歛田賦而僑民以衣食之餘納稅芝龍故芝龍之富幾可敵國旣受招降後奔走國事不暇營臺灣及是弘光帝晉封芝龍爲南安伯尋命爲總鎮鎮守福建而以其弟鴻逵爲總兵官率舟師駐鎮江防守瓜洲以遏北軍南下之師

綱九月明總兵黃得功趨揚州高傑以兵襲儀真不克。目初高傑屯兵瓜州史可法復置得功於儀真與傑陰相牽制及是登來總兵黃蜚將之任蜚與得功同姓稱兄弟移書請兵備非常得功率騎三百由揚州往高郵迎之傑素忌得功又疑圖已乃伏精兵道中邀擊之得功行至土橋方作食伏起出不意上馬舉鐵鞭飛矢雨集馬踣騰他騎馳有驍騎舞槊直前得功大呼反鬥挾其槩而扶之人馬皆糜復殺數十人跳入頽垣中哮聲如雷追者不敢進遂疾馳至其軍得免方鬥時傑潛師擣儀真得功兵頗傷而所俱行三百騎皆歿遂訴於南京願與傑決一死戰命太監盧九德及可法遣監軍萬元吉和解之不可會得功有母喪可法往弔語之曰土橋之役無智愚皆知傑不義今將軍以國故捐盛怒而歸曲於高是將軍收大名於天下也得功色稍和終以所殺亡多爲恨可法令傑償其馬復出千金爲母賵得功不得已聽之

綱明史可法遣諸將分守要地高傑移駐徐州。目初史可法出巡淮安

閱劉澤清士馬返揚州請餉爲進取資馬士英靳不發可法疏趣之因言今事勢更非昔比必專主討賊復讎舍籌兵籌餉無議論舍治兵治餉無

明姜曰  
廣罷

人才優旨褒答而不能行至是可法議分布諸將奏請以總兵李成棟鎮  
徐州賀大成鎮揚州王之綱鎮河南李本身胡茂植隸高傑麾下爲先鋒  
而令劉肇基駐高家集李棲鳳駐睢寧以防河用張天祿爲閣標前鋒駐  
瓜洲高傑故跋扈可法日以君臣大義曉示之傑感其忠奉約束可法因  
與謀恢復議黃得功劉澤清二鎮赴邳宿防河傑自提兵直趨開歸且瞰  
宛洛荆襄以爲根本傑遂具疏上之且曰得功與臣介介前事臣知報君  
雪恥而已安能與同列較短長哉然得功終不欲爲傑後勁而澤清尤狡  
橫難任可法不得已乃移得功廬州以防桐皖調劉良佐赴邳徐進復黃  
汝與傑相聲援傑遂率兵移鎮徐州以左中允衛允文字祥城人兼兵科給  
事中監其軍徐州土賊程繼孔崇禎末被擒至京乘亂逃歸傑至徐州擒斬之

綱九月明大學士姜曰廣罷

曰廣與高弘圖協心輔政而馬士英挾

擁戴功內結勳臣朱國弼

保國公永五世孫

劉孔昭趙之龍外連諸鎮劉澤清劉良

佐等謀擅朝權深忌二人及沮阮大鍼進用益爲所疾曰廣知不爲所容  
遂抗疏乞休至是罷政還江西其後故將金聲桓初在史可法麾下後隸  
左良玉良玉死聲桓降於清爲南昌副總兵既而復叛附桂王由榔迎曰



明劉宗周罷

廣以資號招聲桓敗曰廣投僕家池死

僕家池在東北僕家樓下

綱明左都御史劉宗周罷

宗周初聞召命以大仇未報不敢受職自

稱草莽孤臣疏陳時政言天下大計舍討賊復仇無以表陛下渡江之心

非毅然決策親征無以作天下忠義之氣因進四策

左非無安之業請進圖江

北以風陽駐親爭之師一曰重濬罪以資彈壓劉澤清高傑倡逃可斬一曰慎罰賞以肅軍情請分別各帥分賞執執濫一曰核舊官以立臣紀受偽官叛者宜分別定罪

命納

其言宣付史館而馬士英高傑劉澤清恨甚滋欲殺宗周宗周請告不許

遂抗疏劾士英優旨答之而促其速入士英大怒即日俱疏辭位且揚言

曰劉公自稱草莽孤臣不書新命明示不臣天子也其私人朱統鑣遂劾

宗周疏請移蹕鳳陽高牆所在欲以罪宗處皇上而與史可法擁立潞王

其兵已伏丹陽當急備時澤清傑日夜謀所以殺宗周不得乃遣客十輩

往刺之

宗周時在丹陽終日危殆未嘗有怖容客前後至者皆不忍加害而去

適京口軍亂

事具

士英以統鑣言為

信亦震怒于是澤清疏劾宗周陰撓恢復欲誅臣等激變士心劉良佐亦

言宗周力持三案為門戶主盟倡議親征圖晁錯之自為居守疏未上澤

清復草一疏署傑良佐及黃得功名上之言宗周勸上親征謀危君父陰

結死黨迫劫乘輿如宗周入都臣等即渡江赴闕正春秋討賊之義疏入

明逮左  
光先下  
獄

明徐石  
麟罷

舉國大駭傳諭和衷集事宗周不得已以七月十八日至南京會阮大鍼  
進用宗周復請告遂許其乘傳歸里將行疏呈五事亦但優旨報聞而已

明年六月杭州破宗周不  
食死至清朝賜諡忠介

○明逮前浙江巡按御史左光先下獄 ○阮大鍼既得志專務報復既

排去劉宗周等於是盡召逆案楊維垣虞廷陛嘉興等十餘人及所善蔡

奕琛唐世濟烏程張孫振袁宏勳嘉善等布列要路浙江巡撫御史左光

先者光斗之弟故與大鍼世仇又嘗首劾士英大鍼益恨刺骨光先在浙

嘗平許都亂邵東陽人宋富任俠知縣姚孫渠索賄不得誣其結黨謀逆都  
遂反光先以撫標兵討之都乞降遂殺之○姚孫編桐城人至是光先已

去而都餘黨復叛大鍼因坐以激變逮下獄蘇松巡撫祁彪佳上疏救士

英大鍼並恨彪佳嗾張孫振論其奸貪彪佳遂移疾去明年杭州破彪佳即不  
食尋端坐池而死至

清朝賜  
諡忠惠

○明吏部尚書徐石麟罷 ○石麟剛方清介值權奸用事鬱鬱不得志

士英挾定策功將圖封石麟議格之中貴田成輩請屬石麟拒不應由是

中外皆怨搆之去明年南京破清兵至浙江石麟方居城外曰吾大臣也

城亡與亡復入居城中朝服自縊死至清朝賜  
諡忠愍

世祖定都北京

詔文臣衣冠暫從明制

加封多爾袞為叔父攝政王

明高弘圖罷

冬十月乙卯朔帝至自盛京即皇帝位定都北京

京師修治宮殿定遷都之議遣輔國公屯齊喀和託等齋奏奉迎世祖於

盛京九月乙亥世祖發盛京癸未次廣寧癸卯駐通州多爾袞率諸王貝

勒貝子公及文武大臣迎駕甲辰至燕京十月乙卯朔世祖親詣南郊祭

告天地即皇帝位初頒時憲曆用大學士范文程言盡除明季弊政頒詔

中外建立太廟定都北京

詔文臣衣冠暫從明制 從大學士洪承疇議也

建堂于於玉河橋東 清初起自遼瀋有設竿祭天之禮又總祭社

稷諸神祇於靜室名曰堂子

加封多爾袞為叔父攝政王 並進封鄭親王濟爾哈朗為信義輔

政叔王復肅親王豪格爵晉封武英郡王阿濟格豫郡王多鐸俱為親王

吳三桂孔有德耿仲明尚可喜等俱進爵有差

明大學士高弘圖罷 初阮大鍼入見以弘圖不附東林引為證弘

圖力言逆案不可翻大鍼及馬士英並怒 一日關中言及故庶吉士張博士英曰此

林亦東林耶士英曰我非東林東林拒我耳弘圖因怒恐之士英意解會宗周  
劫疏上大鍼言曰廣實使之士是士英怒不可作力驚邪達謝陞朝端益水火矣  
弘圖因

明張縉  
彥總督  
北直山  
西河南  
軍務

明張捷  
掌吏部

乞休請召還史可法皆不許至是凡四疏乞休乃許之  
野寺中絕粒而死。○清證忠貞。  
弘圖既致仕無家可歸。流寓會稽及南京破逃。

縉以前兵部尚書張縉彥總督北直山西河南軍務

中樞絕不銳厲恢復日以鋤正人引兇黨為務初舉朝以逆案攻阮大鍼

大鍼憾甚及見北都從逆諸臣頗多附會清流者因倡言曰彼攻逆案吾

作順案相對以李自成偽號曰順故也士英因疏糾光時亨桐城人陳名夏

不之及賄入輒復其官縉彥以本兵首先開門從賊自成敗走縉彥竄歸

河南至是自言集義勇擒偽官收復列城士英主之即授原官總督軍務

許便宜行事給事中李維楸言縉彥闇習失機寸斬莫贖逆賊入宮青衣

候點賊敗竄歸安能復牧河北總督何官顧昇賊臣士英等勿恤也

縉明以張捷為吏部尚書楊維垣為通政使

馬士英獨握國柄一聽

阮大鍼計朝政濁亂賄賂公行時徐石麟既去士英欲用張國維掌吏部

而大鍼結內奄取中旨特授張捷士英聘貽良久楊維垣力謀起官禮部

尚書錢謙益因上疏薦維垣及蔡奕琛且頌士英功而盡雪逆案賈繼春

清兵下江南

多爾袞致史可法書

史可法覆多爾袞書

等維垣遂得授通政使未幾進左副都御史奕琛亦授吏部侍郎

圖清兵西討李自成分兵伐江南

先是睿親王多爾袞令南來副將

韓拱薇參將陳萬春等齎書致可法

書曰予向在藩陽即知燕京物望咸推司馬談

託其手誦平安季致衷緒未審以何時得達比聞道路紛紛多謂金陵有自立者夫君父之體不

共戴天春秋之義有賦不討則故君不得書葬新君不得書即位所以防亂臣賊子法至嚴也聞

賊李自成稱兵犯闕手澤君親中國臣民不聞加遣一矢平西王吳三桂介在東陲面效包胥之

哭朝廷感其忠義念累師之宿好葉近日之小嫌爰整貔貅除狗鼠入京之日首崇懷宗帝后

有加耕市不羈秋毫無擾方擬秋高氣爽遣將西征傳檄百南聯兵河朔陳師鞠旅戮力同心報

乃君國之難彰我朝廷之德豈以南州諸君子有安且夕弗審時機聊慕虛名報忘實害予甚感

之陣家之撫定燕都乃得之於闖賊非取之於明朝也賊豈明朝之廟主辱及先人我國家不憚

征籍之勞悉索散賦代為雪恥孝子仁人當如何感恩報國茲乃乘逆寇稽誅王師暫息遂欲雄

據江南坐享漁人之利揆諸情理豈可謂平將以為天塹才飛渡投鞭不足斷流耶夫闖賊但

為明朝崇耳未嘗得罪於我國家也徒以薄海同歸特伸大義今若擁賊百尊則是天有二日鐵

為勅敵予將簡西行之銳旋旆東征且擬釋彼重誅命為前道夫以中華全力受制潢池而欲以

江左一隅兼支大國勝負之數無待著龜矣予聞君子之愛人也以博細人則以姑息諸君子果

識時知命篤念故主厚愛賢王宜勸令削號罷藩永絕禍朝廷當待以虔賓統承禮物帶礪山

河位在諸王侯上庶不負朝廷伸義討賊興滅繼絕之初心至南州羣彥翩然而來則爾公爾侯

列爵分土有平西王之典例在惟執事真圖利之晚近士大夫好高樹名義而不顧國家之急每

有大事輒同築舍昔宋人議論未定而兵已渡河可為彼鑒先生領袖名流主持至計必能深維

始終寧忍隨俗浮沈取舍從違應早審定兵行在即可東西南國安危在此一舉願諸君子同

以討賊為心毋貪一身瞬息之榮而重故國無窮之禍為亂臣賊子所笑予實有厚

望焉亂有之惟善人能受盡言敬布腹心俾聞明教江天在望延賊為勞書不宣意

遣人答書歷引史事以折之書曰南中向接好音法道使問訊矣夫將軍未敢違通

使德之際忽捧琬瑋之章真不啻從天而降也蒲讀再三殷殷致意若以逆賊尚稽天討煩貴國

巡法且感且慚能左右不察而南中臣民偷安江左竟忘君父之怨敵為真國一詳陳之我大行

可法旋

皇帝。敬天法祖。勤政愛民。真堯舜之主也。以庸臣悞國。致有三月十九日之事。法帝罪南極。敦拔無及。師次淮上。凶問遽來。地坼天崩。山枯海竭。嗟乎。人孰無君。雖肆法于市。曾以爲濫准者之戒。亦奚足謝先皇帝於地下哉。爾時南中臣民。哀慟如喪考妣。無不捐膺切齒。欲悉東南之甲。立窮凶仇。而二三老臣。謂家破君亡。宗社爲重。相與迎立。今上。以繫中外之心。今上非他神宗之孫。光緒子。而大行皇帝之兄也。名正言順。天與人歸。五月朔日。駕臨南都。萬姓夾道。親呼登聞鼓。里集臣勸進。今上。悲不自勝。讓再讓三。僅允監國。迨臣民伏闕。屢請。始以十五日。正位南都。從前鳳集河清。瑞應非一。即告廟之日。紫雲如蓋。祝文升霄。萬目共瞻。欣傳盛事。大江面出。柝梓數十萬章。助修宮殿。豈非天意也哉。越數日。遂命法視師。江北刻日西征。忽傳我大將軍。吳三桂。借兵貴國。破走逆成。凡爲我先皇帝后。發喪成禮。掃清宮殿。撫輯羣黎。且罷難髮之令。示不忘本朝。此舉動振古。讎今。凡爲大明。臣子。無不長跪北向。頂禮加額。豈但如明論所云。感恩圖報。已乎。釐于八月。溯治。僅遣使。犒師。兼欲請命。鴻臚。連兵四討。是以王師既發。復次江淮。乃辱明。誨引春。次大義。來相詰責。然此乃爲列國。薨世子。應立有戒。未討。是以不忍死其君者。立誅耳。若夫天下共主。身殉社稷。人心。號召。忠義。紫陽。綱目。隨事。春秋。其間。特書。如莽。移。漢。鼎。光。武。中原。鼎沸。倉猝。出師。將何以維。懸亡國。冒元。詞甚。徵。欽。蒙。慶。宋。高。纘。統。是。皆。于。國。難。未。剪。之。日。亟。正。位。號。綱。目。未。嘗。斥。爲。自。立。率。以。正。統。與。之。甚。至。如。元。宗。幸。蜀。太。子。卽。位。獻。武。讓。者。疵。之。亦。未。嘗。不。許。其。行。權。幸。其。光。復。舊。物。也。

本朝。傳世。十六。正統。相承。自治。冠帶。之族。繼絕。存亡。仁恩。遐被。貴國。昔在先朝。夙膺。討讎。載在。盟府。寧不。聞乎。今痛。心本朝。之難。驅除。亂逆。可謂。大義。復著。于春秋。矣。昔契。丹和。宋。止歲。輸。載。以金。緡。

回紇。助唐。原不利。其土地。况貴國。萬念。世好。兵以。義動。萬代。瞻仰。在此。一舉。若乃。乘我。蒙難。冀好。崇仇。規此。幅員。爲德。不卒。是以。義始。而以。利終。爲賊。人所。竊笑。也。貴國。豈其。然。昔先。帝軫。念。潢。池。不。忍。盡戮。勦撫。互用。貽誤。爲國。死。竊。以爲。天經。英明。刻刻。不。越。于斯。時矣。語曰。樹。德。務。滋。除。惡。務。盡。士。飲。泣。枕。戈。忠。義。民。兵。願。爲。國。死。竊。以爲。天經。英明。刻刻。不。越。于斯。時矣。語曰。樹。德。務。滋。除。惡。務。盡。

今逆。賊未。服。天誅。諒。知。拊。土。西。秦。方。圖。報。復。此。不。獨。本。朝。不。共。戰。天。之。恨。抑。亦。貴。國。除。惡。未。盡。義。重。伏。乞。堅。同。仇。之。誼。全。始。終。之。德。令。師。進。討。問。罪。秦。中。共。舉。逆。賊。之。頭。以。洩。數。千。年。之。憤。則。貴。國。義。聞。昭。耀。千。秋。本。朝。圖。報。惟。力。是。視。從。此。兩。國。世。通。盟。好。傳。無。泐。可。揮。身。蹈。大。戮。非。應。萬。死。所。以。不。處。今。日。喃。躬。致。命。克。盡。臣。節。所。以。報。也。惟。願。下。實。昭。鑒。之。法。

多爾袞。接書。知。可。法。無。降。

意至是清廷以山西山東等郡縣已次第平定乃命英親王阿濟格爲清

張獻忠  
稱帝於  
成都

史可法  
率師北  
伐

史可法  
上疏請  
討賊

遠將軍帥師西討李自成豫親王多鐸為定國大將軍帥師下江南

十一月張獻忠僭號於成都 獻忠既有全蜀遂潛號大西國王偽

稱大順元年修蜀王府居之設丞相尙書五軍都督府等官 用汪兆麟錫命為左右丞相

王國麟江蘇鎮興完敦為尙書養子孫可望艾能奇劉文秀李定國等皆為將軍錫姓張氏鼎鎮完敦等以小選到則死督川中士大夫受僞職前布政使尹伸給事中吳宇英皆不屈死○江鼎

鎮南充人吳宇英廣元人尹遣諸僞將分屠各府州縣 說開科取士集于青羊宮盡殺

引殺各衛籍軍九十八萬偽官朝會呼葵數十下殿葵所喚者將卒以殺人多少敘功

共殺男女六萬有奇會諸郡義兵並起獻忠憤怒誅殺益毒川中人跡殆

絕列城內至雜樹成拱云 後二年獻忠盡焚成都宮室剽其威率眾出川北又欲盡殺川

為鄉道至鹽亭界大霧獻忠晚行猝遇清兵中矢墜馬

明史可法率師北伐進次清江浦 可法聞李自成敗還陝西決策

北伐高傑既赴徐州可法遂帥師進次清江浦遣官屯田開封為經略中

原計時諸將各分汎地擇便利者自王家營 在清河縣東北黃河北岸而北至宿遷最衝

要諸鎮不敢任可法自任之令幕下文武築壘緣河南岸先是可法以自

成未滅上疏請頒討賊詔 疏曰偏安者恢復之退步未有志在偏安而過能自立者也

信武歸頓成暮氣矣河上之防百未經理人心不肅威令不行復仇之師不聞及關陝討賊之詔不聞遂燕齊君父之難置諸膜外憶臣等迎駕時陛下言及先帝則泣下沾襟恭謁孝陵則淚痕

滿袖皇天。天后土實。式鑿臨。曾幾何時。頓忘斯志。先皇帝死於賊。恭皇帝亦死於賊。此千古未有之痛。國家變出非常。在北諸臣死節者無多。在南諸臣討賊者復少。此千古未有之恥。夫庶民之家。父兄被殺。尚思穴胸斷脛。得而甘心。况在朝廷。願可漢置。臣恐恢復無期。即偏安亦未可保也。今宜速發封賊之詔。責臣更諸鎮。悉簡精銳。直指秦關。庶海內忠臣。復士無期。而感憤且陛下網登。

大寶原與先朝不同。語臣但有罪當誅。曾無功足錄。臣於登極詔。特將加恩一欸。刪除。不意後來仍復開戰。致貽笑天下。今恩外加恩。紛紛未已。武臣腰玉名器。正膺自後。尤宜慎重。專待有功。

繁費。一切報罷。朝夕之燕。行兵討賊。最苦無糧。搜括不可行。助諭亦難繼。請將不愈之工程。可已之日未減。即有深宮曲房。豈能安處。錦衣玉食。豈能安享。必刻意在雪恥報仇。疏奏不省。時諸

振舉朝精神。萃萬方物力。盡并於選將練兵一事。庶人心可鼓。天會可回。

鎮位秩已崇。威遠巡無進師意。可法悔之常語。其客欲斬已及馬士英。高

弘圖。姜曰廣。四人頭爲任事不忠之戒。因上疏請責成諸鎮進戰。可法每

繕疏。循環諷誦。聲淚俱下。聞者無不感泣。士英第取優旨報之而已。

清兵克宿遷。豫親王多鐸等分兵南下。既取海州。遂取宿遷。史可

法舟次鶴鎮。聞報遣總兵劉肇基往援。復其城。越數日。清兵圍邳州。軍城

北肇基援之。軍城南相持半月而解。復分兵拔贛榆。豐沛等縣皆降。

明逮治前昌平巡撫何謙等。御史沈宸荃言。經略山東河南者。王

永吉。張縉彥也。先帝拔永吉爲總督。不救國危。擢縉彥典中樞。率先從賊。

卽加二人極刑。不爲過。陛下屈法用之。而永吉觀望逗遛。縉彥狼狽南竄。

死何以對先帝。生何以對陛下。昌平巡撫何謙失陷諸陵。罪亦當按都城。

明逮治  
何謙

清兵南  
下



既陷守土臣宜皆厲兵秣馬以報國讎乃賊塵未揚輒先去以為民望如河道總督黃希憲山東巡撫邱祖德尚可容偃臥家園乎疏入永吉縉彥釋勿問逮謙祖德等付司法治之

明桂王常瀛卒

○明桂王常瀛卒於梧州 ○常瀛初封衡州張獻忠陷湖南常瀛走廣

西遂至梧州至是以憂悸致疾卒常瀛世子先卒次子安仁王由櫻亦卒次由榔初封永明王至順治三年八月大兵下汀州執廣王

率鍵於是兩廣總督丁魁楚廣西巡撫瞿式耜等迎由榔監國十一月自立于肇慶號永曆會大

兵克廣州式耜請駐兵峽口太監王坤不從率由榔走梧州至順治四年正月大兵向肇慶由榔

復走桂林又走武岡柳州會大兵東還由榔旋返桂林順治五年南昌總兵金登恒等返降于白

榔復還肇慶順治六年大兵下湘潭總督何騰蛟死之尋入桂林大學士瞿式耜亦死由榔大懼

自梧州奔南甯時孫可望已據滇黔受封為秦王順治八年遣兵至南甯殺其大學士嚴起恆等

順治八年可望迎由榔入安隆所改曰安隆府日益窮促隙李定國與可望有隙遣使密召定國

以兵來迎定國戰大敗擊妻子降於清順治十五年大兵三路入雲南由榔走永昌順治十六年

大兵克雲南由榔走騰越定國敗於潯江由榔走南甸遂入緬甸以四舟迎由榔隨行者六百餘

人緬甸于赫隆置草屋居由榔遣兵守之順治十七年定國等與緬戰索由榔連敗緬兵緬終不

肯出由榔時平西大將軍吳三桂尚在請進兵緬甸以靖根株為一勞永逸之計清命定西將軍

愛星阿率師會之三桂遂傳檄緬甸諭以擒獻由榔順治十八年三桂遣二土官至緬示師三月

師至猛卯會瘴發撤兵而緬首莽猛白願得三桂檄欲生致由榔乃密使人防守誘其從官沐天

波等渡河盟盡殺之植存由榔與其屬二十五人九月三桂及愛星阿師自南甸隴州猛卯進別

遣兵取道姚關鎮康孟定十一月會於木邦遂趨緬甸十二月次舊挽坡去緬城六十里緬使人請

兵百人進關鳩江濱為扞衛遂執由榔及其親屬送三桂軍前明年四月由榔死於雲南起浙江山陰人安隆所本元善安路地明設守禦所今屬貴州

○十二月清兵克河南府 ○清兵至孟津先遣精兵渡河沿河十五寨堡俱望風歸附大兵入河南府總兵李際遇迎降縉彥等並走沈邱河南

撫鎮飛章告急不應。未幾清兵別由濟寧南下。至夏鎮。復自洛陽圍鄧州。可法高傑劉澤清等各具疏告警。馬士英言北兵雖在河上。然賊勢尙張。不無後慮。豈遂投鞭問渡乎。况疆弱何常。赤壁三萬。淝水八千。惟在諸將策勵之而已。卒不應。

**綱**殺明內監楊玉等十五人。**圖**是月辛巳。有男子自稱崇禎太子。至京師內監楊玉爲易服。送至明周后父周奎家。時公主亦在奎所。相見掩面泣。奎奏聞朝廷。奉旨命內院傳故明貴妃袁氏及東宮內監官屬等辨視。皆不識。問以宮中舊事。亦不能對。因下法司覆勘。云姓劉氏。假冒爲太子。楊玉等十五人皆棄市。

**附註**

按此所謂崇禎太子者。當爲崇禎第三子。永王慈烺。汪彞峯題摺九疑年錄文有云。錄末永王事。見於國初邸鈔。順治元年十一月。有稱明皇子者。至京師。入故嘉定伯

周奎家。奎留之二日。遂以爲太子。疏於朝。於是吏科朱敷。河南道趙繼鼎等。連章劾奎。而錄皆爲人所執。非是。既下刑部。有小內官指驗癢痕。抱之而哭。錄言內營不敢承認。亦非是。一時廷臣諸疏。具在大旨略同。獨侍耶沈惟炳所言尤明切。略曰。如其真也。是先帝之靈。所默擁也。清朝寬仁厚德。加意先朝。上謚發喪。備極隆盛。今且命將出征。代先帝除兇伐暴。又何嫌何疑於其子。不備三恪之後祀。爲先帝延一線哉。如其僞也。則必陰險者。妄圖富貴。故挾此無知之徒。冒死試法。凡主使合謀之人。收識引逃之家。務必直窮到底。與天下共見之。若留疑似之形。何傳信後世云云。嗟乎。東宮崩窆。舉朝猶叱爲王之明。况乎玉步既改。而欲緩頰措辭於其間。不更難乎。然則沈侍耶之疏。未爲失也。摺九不及見邸鈔。故所載不無抵牾。恬今繕寫御史。趙開心以下四疏。附諸卷末。使著書有所考核。堯舉之文如是。附載於此。以資參證。

○明妖僧自稱齊王伏誅 ○有狂僧大悲自稱齊王又稱潞王為趙之龍所捕下鎮撫司勘訊阮大鍼與張孫振謀欲假以誅東林及素所不合者令大悲引諸臣擁潞王可一網盡也因造十八羅漢及五十三參之目書史可法高弘圖等名一時人望無不備列納大悲袖中錢謙益先已上疏頌士英且為大鍼訟冤修好矣大鍼憾不釋亦列焉將窮治其事獄詞詭秘廷臣皆自危而士英不欲興大獄乃第當大悲妖言律斬而止

○明重頌三朝要典命追卹逆案諸臣 ○楊維垣追論三朝黨局力詆

王之寀楊漣等而為劉廷元霍維華等訟冤乃命求三朝要典宣付史館

尋復令刪定刊行吏部尙書張捷力稱維華等忠請表章三案諸臣因盡

追賜卹典贈廕祭葬謚全者維華等六人贈廕祭葬不予謚者徐大化等二人贈祭葬者徐

等並名者贈于逆案而為情論所不手者亦袁宏勳復請追論焚要典諸臣罪袁繼

咸疏言要典已經先帝焚毀何必復理其說未進宜寢之已進宜毀之不聽

清鑑綱目卷之二

鹽城印鸞章編輯 金式陶 張延壽 趙雪 胡應庚 校訂

世祖章皇帝

明南京宮殿成

乙酉順治二年

明福王由崧弘光元年○是年五月清兵下江南福王諱執江南平

春正月明以南京宮殿成推

恩諸臣有差

加史可法太保馬士英少師王鐸少保予廕仍以士英

史可法蓋行不張

掌文淵閣印充首輔辦事可法力辭太保許之可法為督師行不張蓋食不重味夏不箴冬不裘寢不解衣年四十餘無子其妻欲置妾太息曰王事方殷敢為兒女計乎在軍中絕飲除夕遣文牒至夜半倦索酒殺肉分給將士已盡乃取鹽鼓下之思先帝泫然淚下凭几臥比明將士集轅門外門不啓左右遙語其故知府任民育曰相公此夕臥不易得也令鼓人仍掌四鼓可法寤怒曰誰犯吾令左右述民育意乃免任民育字時澤濟甯人

明總兵許定國殺高傑于睢州

初高傑至徐州沿河築牆專力備

禦且遣人通好許定國

太康人

為聯結河南計張縉彥亦奏定諸將分地之王

網白永成至甯陵許定國自甯陵至蘭陽劉洪起自祥符至汜水

會清兵至孟津先遣精兵渡河沿河十五寨堡

俱望風歸附元年十二月清兵入河南府總兵李際遇迎降河南撫鎮飛

明許定國誘殺高傑於睢州

定國置  
酒享傑

允文以衛  
防務歸總

章告急詔傑率兵進屯歸德為備本年正月傑帥師進次歸德時定國方駐兵睢州故與傑有怨嘗上書詆傑為賊故傑恨之且已遣使納款于清並送其二子渡

河為質乞濟師往援傑微聞之招定國相會不應傑復邀巡撫越其杰等

同往睢州定國始郊逆毀其軍而以羸見且故為屈服狀傑心輕定國遂

入城其杰止之不聽十一日定國置酒享傑飲酣為定國刻行期且微及

送子事定國益疑無離睢意傑故促之行定國怒夜伏兵傳礮大呼其杰

等亟遁走傑醉臥未起衆擁至定國所殺之先是傑以定國將去睢盡發兵戍關封所留親卒止數十人定國為恭順

多選妓侍傑而以二妓偶一卒寤卒盡醉反聞礮欲起為二妓所擊不得脫皆死明日傑部將回軍攻城自東門入老弱

無子遺定國奔老城尋走降于清軍黃得功聞傑死復引兵襲揚州將盡

殺其妻子以報城中大懼史可法急命同知曲從直諭解之乃引兵去曲從

東人

**綱**明以衛允文為兵部侍郎總督開歸防勦軍務 **目**高傑既死部下兵

將大亂互為雄長睢州旁近二百里殺戮無遺史可法聞之流涕曰中原

不可為矣遂馳至徐州以總兵李本身乃傑甥請用為提督代統其衆又

立傑子元爵為世子撫定其軍黃得功劉澤清劉良佐聞可法欲以本身

明以阮  
大鍼爲  
兵部尙  
書

清兵克  
西安陝  
西平

將傑軍連章劾之而監軍衛允文希馬士英指亦論可法督師爲贅士英喜卽擢允文兵部右侍郎總督興平標下兵馬經略開歸防勦軍務以分其權可法益不得展布矣命撤傑兵回揚州改命劉良佐防歸德。

二月明以阮大鍼爲兵部尙書命大鍼以尙書協理部事仍巡閱

江防大鍼雖長中樞置一切兵事不問顧時時撓六部權任劉應賓沂水人

爲文選濁亂銓政再舉考選擢其私人二十餘人爲給事御史嘗欲罷撫

按糾薦令納金于官糾者免薦者予其謬誕如此中書舍人林聰善星術以嘗決上英必大用半載間遂顯授左

部督銜蟒服趨車總督袁繼成請以陳麟鄧林奇爲總兵大鍼素賄始給勅印諸白丁隸役輒重賂立躡大帥時人爲之語曰賊方賤如狗部有滿街走○林聰江浦人。

清兵克西安李自成走襄陽陝西平自元年七月李自成遁歸西

安朝廷恐其阻關固守又慮其西竄甘肅廷議大舉討賊分兩起出師以

武英親王阿濟格爲靖遠大將軍與吳三桂尙可喜等由大同邊外會諸

蒙古兵赴榆林延安拊陝西之背以豫親王多鐸爲定國大將軍率孔有

德等由河南夾攻潼關與英王會於西安豫王之軍以十二月渡孟津走

賊將張有聲於洛陽收沿河塞堡進攻陝州破賊將張有曾於靈寶盡收

關外諸地自成盛兵潼關據山爲陣時清軍大礮未至遣前鋒三千人距

潼關之戰

定北京從賊諸臣罪

關三十里而營賊將劉宗敏圍之三日夜人馬寂然賊莫能測故不敢擊

自成出關迎戰三千騎從中崛起奮擊敗之本年正月清兵大集大礮亦

至遂進逼潼關賊將劉芳亮迎戰為清軍所敗自成親率馬步兵至復大

破之斯時英王之師已自保德州結筏渡河入綏德走李錦克延安鄜州

偏西安之北自成腹背受敵遂棄潼關遁清軍克潼關偽伯馬士耀以七

千人來降斬之越二日進規西安自成已先五日焚宮室走藍田出武勝

關趨襄陽復走武昌從之者尚五十餘萬聲言將取南京東南大震

綱明定北都從賊諸臣罪削刑部尚書解學龍籍 先是命治從賊諸

臣獄做唐制六等定罪學龍議定為爰書分別上之一等應磔者十一人

吏部員外郎朱企郊舉人牛金星平陽知府彭麟然太僕少卿曹欽程御史李振聲喻上獻山  
四提學參議黎志陞陝西布政使陸之祺給事中高爾謙潼關道俞永錫王休檢討劉世芳

等應斬秋決者四人 給事中光時亨河南提學俞永錫 三等應絞擬贖者七人 翰林

院修撰兼都給事中陳名夏等 四等應戍擬贖者十五人 禮部主事王存憲等 五等應徒擬贖者十人 政通

司參議朱學顯等 六等應杖擬贖者八人 工部員外郎潘同春等 其留北俟後定奪者十九人又

已經錄用者十人奏入諭以周鍾光時亨等不當緩決陳名夏等未蔽厥

辜令再議保國公朱國弼御史張孫振等詆學龍曲庇行私遂削籍

自稱崇  
禎太子

王之明  
之獄

自稱王  
妃

河南婦  
人之獄

○三月明人有自稱崇禎太子者下獄治之。○北都之變李自成劫太

子慈煥西走不知所終或傳其已遇害至是有自北來稱太子者召勳臣

朱國弼等閣臣馬士英等翰林劉正宗安邱人等入見武英殿面諭同府部

九卿科道辨驗真僞日午羣臣奏係故駙馬都尉王昺高陽人尚穆宗女延慶公主姪孫王

之明曾侍衛東宮家破南奔鴻臚少卿高夢箕河間人家丁穆虎教之詐稱

太子乃下之明中城兵馬司獄越四日復逮夢箕穆虎鞫于午門外皆具

服亦下刑部獄時都下士民皆以太子爲真衆論籍籍謂士英等朋奸導

上滅絕倫理黃得功卽抗疏爭之略言東宮未必假冒先帝子卽上子未

有了無證明混然雷同者臣恐在廷諸臣諂徇者多抗顏者少卽明白讖

認亦不敢抗論取禍云云命三法司覆訊王之明等遂令燬得功原書以

絕奸謀左良玉亦疏請保全東宮且斥士英等爲奸臣廷議以王之明自

供甚明將審明略節諭之而已。

○明人有自稱王妃者下獄治之。○時河南婦人童氏自稱藩邸王妃

劉良佐信之巡撫越其杰具儀從送至京廷議以爲假冒下童氏錦衣衛

獄以前巡按御史陳潛夫嘗于途次稱臣朝謁亦逮治之中外譁然良佐



因言王之明童氏兩案未協輿論懇求曲全兩朝彝倫毋貽天下口實命將獄詞刊布以息羣疑

清兵定河南

○清兵定河南 ○豫親王多鐸既定關陝即移師下江南時河南尚為

明人所有清兵出虎牢關口分兵自龍門關及南陽三路同趨歸德克圍城上蔡諸縣所遇城邑皆望風款附遂進取歸德巡按御史凌嗣及其從子潤生死之南陽副將李好降河南悉定

明左良玉舉兵反

○明左良玉舉兵反 ○良玉既與馬士英有隙士英謀築板壁為四防良玉曰今西何所防殆防我耳

而黃澍匿其軍中與諸將日以清君側為請良玉躊躇弗應會王之明事起良玉爭不聽心甚不平澍欲借此激眾以報已怨召三十六營大將與之盟良玉亦以士英裁其餉益大憾反意遂決乃傳檄遠近以討士英為名復上疏請誅之疏上即引兵而東自漢口達蘄州列舟三百餘里士英大懼急命阮大鍼劉孔昭率兵會黃得功趨上江堵禦袁繼咸請赦太子以遏止之不聽真王之發武昌邀總督何騰蛟偕行不可則盡殺城中人賊之騰蛟解印付家人令進走將自到良玉部將擁去置之別舟乘間躍入江深十餘里孤舟

救之起則英前將軍葛壯經侯廟前也家人懼印者亦主相視大驚覓漁舟忽不見人謂騰蛟忠誠得神祐云

○夏四月明庶吉士周鍾給事中光時亨伏誅遂殺前禮部郎中周鏞山

殺周鏞雷續祚

東按察司僉事雷縉祚。先是馬士英以鑣縉祚嘗主立潞王議指爲

姜曰廣私黨令朱統鑣劾奏逮治及周鍾光時亨以在北都從賊罪下獄

士英復言二人罪應族誅而請以鑣從坐阮大鍼亦與鑣有夙憾于是御

史羅萬爵蕪州人王儻等連疏詆鑣縉祚至比縉祚爲成濟請亟正西市至

是左良玉稱兵人情洶洶而良玉檄中復斥其構陷鑣縉祚狀士英等益

怒因謂鑣實召良玉兵遂戮鍾及時亨而賜鑣縉祚自盡故事小臣無賜

自盡者因良玉兵東下故大鍼輩急殺之

○明徵劉良佐等將兵入援。○左兵將至馬士英急調良佐等入衛劉

澤清亦以勤王爲名大掠而東時史可法以清兵將及淮南連疏告警明

主召對羣臣大理寺少卿姚思孝歙縣人御史喬可聘寶應人成友謙南通州人請

毋撤江北兵亟守淮揚士英厲聲叱曰若輩東林猶藉口防江欲縱左逆

入犯耶北兵至猶可議款左逆至則若輩高官我君臣獨死耳力排思孝

等議淮揚備禦益弱

○明左良玉死于九江。○良玉至九江邀袁繼成入舟中語及太子下

獄事大哭因袖出密諭邀諸將盟繼成正色曰先帝舊德不可忘今上新

明徵劉  
良佐等  
入援

左良玉  
死九江

喪秘左  
不發夢庚

清兵克  
泗州

恩亦不可負良玉色變乃改檄為疏駐軍候旨繼咸歸方謀拒守而部將

郝效忠陰約良玉兵入城殺掠縱火殘其城而去良玉已疾篤夜望城中

火光太息曰吾負臨侯別號嘔血數升遂死其子夢庚祕不發喪諸將共

擁為帥留七日而東兵勢尙盛自彭澤以下皆陷黃得功方駐軍荻港在

西昌縣進拒夢庚于銅陵破之解其圍阮大鍼等日虛張捷音以邀爵賞得

功尋復敗其衆于板子磯乃封得功靖國公命移家太平一意辦賊後其玉

總兵燕登相本降賊將天星感其玉恩有忠實心方諸將自九江東下連陷郡縣獨池州不攻賊

言留待後軍登相大語曰若此則反不如我前為流賊時矣如先帥未命何撤其軍返夢庚乘

輕軻追之相見大勦登相以夢庚不足事遂引兵絕江去諸將乃議還軍而清兵已至江北參庚

遂執夢檣咸及安慶巡撫張振亮倚資浙率衆歸附亮乘間赴水死檣咸北行亦不屈死○張亮四

川人袁繼成清  
朝賜諡忠毅

南多鐸統兵出虎牢關分遣固山額真拜音圖出龍門關在陝西龍門縣黃河口尙書

韓岱出南陽三路進軍同趨歸德時河南義師劉洪起等擁衆各四五萬

山東凌駟謝陞等亦各起兵收復郡縣聲勢相應而明主昏庸馬阮專政

使史可法督師揚州江北四鎮高黃二劉高傑駐瓜州在江都縣西黃得功駐

儀真今揚州縣劉澤清駐淮安今爲縣劉良佐駐壽春今壽縣其中黃得功最忠勇

而高傑兵與左良玉兵最強左良玉屯漢口爲巡撫何騰蛟所用高傑移駐徐州爲可法所用皆欲奮勇自效而馬阮忌賢嫉能諸將解體良玉與得功之兵既鬪於西而高傑與許定國之兵又鬪於北於是清兵得以三路並進克鄆城上蔡諸縣進陷歸德由歸德復分兩路進兵一出淮北爲都統準塔之師一出淮南爲豫王多鐸自將之師會許定國誘殺高傑於睢州通款清軍約爲鄉導左良玉又反於上江清兵遂連陷潁州太和進兵泗州今安徽泗縣本月十三日清兵未至泗州二十里遣將先奪泗州淮河橋守將焚橋遁走清兵遂連夜渡淮進攻揚州

**綱**清兵克揚州明督師兵部尙書兼大學士史可法等死之 **目**初可法

聞清兵南下將移軍泗州防護祖陵輜重已發而左良玉稱兵召之入援

渡江抵燕子磯黃得功已破良玉軍可法乃趨天長檄諸將救盱眙俄報

盱眙已降清泗州援將侯方巖敗歿清兵已渡淮而南可法一日夜奔還

揚州訛傳許定國兵將至殲高氏部曲城中人悉斬關出舟楫一空可法

檄各鎮兵無一至者獨總兵劉肇基自白洋河在桃源縣西白洋鎮即澶水之下流也趨赴請背

城一戰可法持不許十八日清兵大至屯斑竹園詔諭可法及衛允文等

史可法  
死節

降不從。明日總兵李棲鳳監軍副使高岐鳳拔營出降。城中勢益單。諸文

武分陣拒守。舊城西門險要。可法自守之。作書寄母妻。且曰。死葬我高皇帝陵側。越二日。清兵薄城下。用巨礮擊城。

西北隅城遂破。可法自刎不殊。一參將擁可法出小東門。既就執。可法大

呼曰。我史督師也。乃殺之。可法死。竟其遺骸。天暑。盡變不可識。明年。家人以袍笏招魂。葬于揚州郭外之梅花嶺。梅花嶺在揚州府新城廣儲門外。

一名。劉肇基率所部兵四百人巷戰。力不支。與副將乙邦才。青州人。馬應魁。

字守卿。莊子固。字憲伯。遼東人。汪思誠等皆死。衛允文。起水人。及在籍侍郎張伯鯨。

自經。知府任民育。著緋衣安坐。堂上就殺。同知曲從直。王纘爵。郵人。知縣周知畏。亦郵人。羅

伏龍。新喻人。吳道正。餘姚人。運使楊振熙。臨海人。縣丞王志端。孝豐人。幕客盧涓。涓字

生。長洲人。歸昭。崑山人。等皆死之。員外郎何綱。上海人。庶吉士吳爾壘。崇德人。皆參

可法軍事。城破亦投井死。其他諸生。高季攢。王士禛。王纘。王縉。又有武生戴之藩。醫者陳天拔。畫士陸愉。參兵張有德。市民馮應昌。

舟子。徐某。及婦女死節者不可勝紀。清兵留十日。遂屠城而南。時福王命劉澤清往援揚州。而澤清已潛

謀輸款。清惡其反覆。察諷之。○按史可法。○清既賜諡思正。

五月。清兵渡江克鎮江。清兵臨江。總兵鄭鴻逵。鄭彩以水師守瓜

州。副使楊文驄駐金山。扼大江而守。會明主擢文驄常鎮。巡撫兼督沿海

諸軍。文驄乃還京口。合鴻逵等兵駐南岸。與清兵隔江相持。清兵編大筏

清兵克  
鎮江

留兵十  
日屠城  
而南

明主出  
奔太平

置燈火。候至夜放之中流。南岸軍發礮擊之。筏皆覆入水。鴻達喜以為獲勝也。日夜騰章告捷。而清兵已乘霧潛渡矣。既抵岸。先濟者數百騎。據高阜。鳴螺樹幟。明兵始知覺。倉卒列陣甘露寺。而大軍已畢濟。以鐵騎蹙之。明兵悉潰。遂陷鎮江。蘇松巡撫霍達長安人及文驄俱走蘇州。鴻達等縱兵大掠。遁還閩中。

○明主出奔太平。○鎮江既陷。敗軍奔還。南京大震。明帝飲宴至夜半。

聞之。跨馬自通濟門出走。遂奔太平。劉孔昭斬關遁。馬士英以黔兵自衛。挾帝母妃走浙江。亂兵入獄。擁王子明立之。時黃得功方屯兵蕪湖。帝潛入其營。得功驚泣曰。陛下死守京城。臣等猶可盡力。奈何聽奸人言。倉卒至此。且臣方對敵。安能扈駕。帝曰。非卿無可仗者。得功泣曰。願效死。士英

諺。知縣。趙景和。閉門拒守。士英攻殺之。遂走杭州。既大賊亦自上江逃至。未幾。清兵至。抗。王常澆。開門降。士英與大賊俱走。嚴州方國安營。年。清兵助湖賊。擒士英。誅之。大賊乞降。從清兵攻仙霞關。僮仆石上死。

○清兵定南京。○清軍既陷鎮江。即由丹陽進取南京。營於郊壇之北。

時明帝遁已三日。總督京營忻城伯趙之龍奉表納款。勳戚自魏國公徐

允爵安基子駙馬都督齊贊元尚光宗女靈璧侯湯國祚安遠侯柳祚昌等大

清兵定  
南京

臣自大學士王鐸禮部尚書錢謙益等文武數百員并城內官民迎降高傑子元爵及廣昌伯劉良佐等亦于沿途歸附得馬步兵二十三萬清兵

遂入屯城中時刑部尚書高倬吏部尚書張捷副都御史楊維垣皆死之而庶僚殉難者則有儀制司主事黃端伯不屈死戶部郎中劉成治自縊死戶部主事吳嘉允謁

方孝孺祠從容投縶死中書舍人魏廷祥殺武定橋下死欽天監博士陳子階自經于公署其諸生布衣死者則有吳可箕金靈陳士達等端伯字元公建昌新城人成治字廣如漢陽人嘉允字

繩如松江華亭人廷祥字伯輿無錫人于階上海人可箕徽州人靈士達俱南京人

平。清兵至蕪湖明總兵田雄宜府人劫其主以降靖國公黃得功死之江南

南京既定清遣官兵及降將劉良佐等襲太平明主登舟欲渡江

走清兵據江口截其去路黃得功以戰敵荻港時傷臂衣葛衣以帛絡臂

佩刀坐小舟方督麾下八總兵結束前迎戰而良佐大呼岸上招降得功

怒叱曰汝乃降乎忽飛矢至中其喉左偏得功知不可為擲刀拾所拔箭

刺吭死清朝賜諡忠桓其妻聞之亦自經死總兵翁之琪投江死田雄遂挾帝以降所屬總兵及部衆俱降

清兵執帝至南京改南直隸爲布政司以應天府爲江寧府分徇郡縣無

不歸附江南悉定清兵遂進攻浙江

六月清兵克杭州明潞王常芳明穆宗孫潞簡王翊鏗之子降唐王聿鍵明太祖八世孫唐端王碩燠之子

孫世子器奔福建時清兵已定南京豫親王多鐸遣貝勒博洛進兵徇

清兵克杭州

江南平

清兵至蕪湖

常州蘇州皆下之

蘇州鄉官右庶子徐汧作書或二子肅衣冠投虎邱新塘橋下死舉人楊廷樞開變遁蹟入鄧尉山中尋受唐王爲檢討時四方弄兵者咸指

目廷樞言事者執廷樞好言慰之廷樞慢罵不已殺之蓋墟泗州寺徐汧字九一楊廷樞字維斗吳洲人汧廷樞俱賜諡忠節

留兵二千駐蘇州大軍

悉趨杭州時明潞王常滂流寓于杭諸臣聞宏光見執請常滂監國不受

及清兵至常滂大懼從巡撫張秉貞及陳洪範等計率衆開門迎降錢塘

知縣顧咸建

字漢石

臨安知縣唐自綵

遂州籍

邵武同知王道焜

字昭平

皆死之

時監司及郡邑長吏多遁竄或成建守官不去潞王既降咸建不至見執死自綵與從子儲豫逃山中其陰部署爲變者遂被捕獲與儲豫同死道焜投緡死○成

建自綵俱賜諡忠節紹興諸郡悉望風納欵明前左都御史劉宗周以與馬阮不

合退居山陰聞杭州破卽慟哭不食移居郭外出辭祖墓舟過西洋港躍

入水中水淺不得死舟人扶出之竟絕粒二十三日而卒

宗周賜諡忠介其門人殉義者有諸生王

毓著字元趾會稽人方宗周絕粒未死毓著上書曰願先生早自裁毋爲王炎午所甲毓著之友勸以陶淵明故毓著曰不然吾輩聲色中人久則難持及今早死爲愈召故交奕樂歡飲酒罷

掘燈出門投柳橋下死舉人祝淵字陶美海甯人方葬母遇工人速竣還家殺祭投緡死

明文淵閣大學士高宏圖應天巡撫

右僉都御史祁彪佳行人陸培

字銀庭

亦先後殉節死

宏圖賜諡忠烈彪佳賜諡忠惠培賜諡忠節

嘉興已歸附而士紳屠象美等復集衆據城拒守清兵還攻之半月而破

明吏部尙書徐石麒死焉

石麒時移居郭外聞清兵至曰吾大臣也城亡與亡宜苟活乃復入居城中城破朝服自縊死賜諡忠懿

時唐

王聿鍵以被赦出高牆

聿鍵先於崇禎間以倡義勸王待罪繫獄

行至杭州遇鄭鴻逵及戶部侍郎

劉宗周死節

唐王入



明魯王  
以海監國

何楷字元子戶部郎中蘇觀生字東莞人等遂奉以入閩

光緒命其帥舟師駐鎮

江防守及清兵渡江鴻遠等走杭州至是遂奉唐王入閩

明兵部尚書張國維等奉魯王以海

明太祖九世孫魯肅王壽甯之子

稱監國於紹興

時浙江屬郡多歸降寧波惟一同知治府事已齎圖籍迎附明刑部員

外郎錢肅樂

字希聖鄞縣人

力議拒守士民集者數萬人肅樂乃建牙行事郡中

守○王之仁既納款而海入城與肅樂締盟共

聞魯王以海在台州遣舉人張煌言

奉表請監國會諸生陳遵謙

會稽人山西俞事陳之尹之

殺招撫使於江上與兵部

尚書張國維等舉兵紹興給事中熊汝霖

九江兵備僉事孫嘉績

等自餘姚應之國維自迎以海於台州以海即日赴紹興用方逢年

議稱爲魯監國以國維爲太傅兵部尚書武英殿大學士督師

江上畫錢塘而守

金華至與王之仁等皆加封爵

樹木城於緣江要

害聯合諸營爲持久計

亦自

王師至國維來拒戰於草橋門敗還遂不敢出

下薙髮令

始定薙髮之制

詔曰向來薙髮之制不即令盡一姑聽自便者欲

俟天下大定始行此制耳今中外一家君猶父也

民猶子也。父子一體。豈可違乎。若不統一。終歸二心。自發布告之後。京城內限旬日。直隸各省地方。自部文到日。亦限旬日。爲惜髮爭留。決不輕貸。限旬日。以內盡

行薙髮。其有仍存明制。不隨本朝制度者。殺無赦。時陝西巡撫孔聞諜奏。臣家宗衍聖公。已遵令薙髮。第念先聖爲禮樂之宗。章甫縫掖。自漢及明。三千年之久。未之有改。一旦變更。恐非崇儒重道之典。請蓄髮以反衣冠。朝廷以薙髮嚴旨。違者無赦。姑念聖裔。免死革職。

**附記**

清初入關。施行種種改革。首惹漢人之惡感者。厥惟薙髮令。故薙髮原爲滿洲蒙古等部相沿之習俗。滿洲薙髮始於金。金始於鮮卑。南北朝時。拓拔魏等皆薙髮。故當時南人皆斥北人爲索虜。謂其首薙髮如索也。南宋時。金人入主中原。太宗天會七年。下令

薙髮。不薙髮者死。惟其時止限於官吏。人民願否者聽。及蒙古滅宋。復擴張。服是令。凡爲臣民。一律強行薙髮。明太祖起自南方。光復中土。首下復古詔。嚴禁薙髮。惟髻胡服。胡語。於是百餘年之胡俗。始盡復中區之舊。歷三百年而南人之束髮。觀念與歲俱增。時南北兩方以

長城爲界線。南爲束髮。北爲薙髮。兩民族之繁衍。呈歷史之奇觀。至滿清入關。乃以薙髮編辦爲征服。漢人之條件。故順治二年。江南略定。後卽厲行薙髮令。凡不薙髮者。殺毋赦。對

於南方。尤絕對強行。其揭示江南者。竟有留頭不留髮。留髮不留頭之制。札因是而演。江陰

者當時西人阿爾力安氏著一論。謂同一漢人。莫爲斷其頭。而順從如羊者。今爲斷其髮。而奮起如虎。使斯時明諸王。能一路追行。不顧內訌。則滿人之能舌統一支那。尙爲一疑問也。

云云。觀此。則清人入關之初。所以痛招漢人之惡者。莫此薙髮令者。厥後太平軍起。亦以薙髮胡服爲搗竿之旗幟。及武漢軍興。卒推翻此。薙髮滿人而代以民國。然則清初薙髮令。非

中國歷史上。一重大問題哉。

**陝西胡守龍等作亂。總督孟喬芳討平之。**

**陝西妖賊胡守龍等假**

焚祝之名。陰行煽惑。聚衆數萬。自稱徐會公。僭號清光元年。造妖符妖印。

陝西胡守龍作亂

結黨倡亂喬芳懸賞購其渠魁爲民人楊仍祖所首遣副將陳德等領兵擒守龍斬之散其脅從妖黨悉平

洪承疇招撫江南各省

閏六月命大學士洪承疇等招撫江南各省 命承疇以原官內閣

大學士總督軍務招撫江南以恭順侯吳惟華爲太子太保兼右副都御史總督軍務招撫廣東禮部左侍郎孫之獬爲兵部尙書提督軍務招撫

江西尙寶寺卿黃熙允晉江人爲兵部右侍郎招撫福建原任大同巡撫江

禹緒任以兵部右侍郎提督軍務招撫湖廣刑部尙書丁之龍爲兵部右

侍郎招撫雲貴

明唐王聿鍵稱帝福州

明禮部尙書黃道周等奉唐王聿鍵稱帝於福州 鄭鴻逵等擁唐

王聿鍵至閩道周與福建巡撫都御史張肯堂字載曾松江華亭人南安伯鄭芝龍等

奉聿鍵稱監國鴻逵請急正位不然無以壓衆心諸臣皆以監國名正候

出關建號未遲而擁立者豔推戴功不數日卽定議稱帝於福州改年隆

武以福州爲天興府卽布政司署爲行宮大赦進芝龍鴻逵爲侯鄭芝豹

鄭彩爲伯兵事機宜悉芝龍爲政以天興建寧延平興化四府爲上游汀

洲邵武漳州泉州四府爲下游各設撫按議簡戰守兵自仙霞關而外宜

明以黃道周為大學士

清兵定江西

守者一百七十處計兵十萬戰兵如之閩浙兩粵之餉不支其半乃請預借兩稅一年令羣下捐俸勸紳士輸助徵府縣銀穀未解者官吏督迫閩里騷然

綱明以黃道周為武英殿大學士參贊機務餘授官有差 國明主素重

道周學行禮敬備至時召何吾騶蔣德景等未至道周為首輔又以張肯

堂為禮部尚書何楷為戶部尚書郭維經字亦修江西龍泉人為吏部侍郎蘇觀生為

翰林學士禮部侍郎設儲館分十二科召四方士令觀生領之至者多庸流事鄭芝龍

鴻逵兄弟橫甚一日帝賜宴芝龍以侯爵欲位道周上道周與爭衆議抑

芝龍文武大不睦有諸生上書詆道周迂不可居相位事雖知出芝龍意下督學御史撻之明主將郊天芝龍兄弟稱

疾不出何楷言禮莫大於郊二勳臣不陪祀無人臣禮帝獎其風節命掌

都察院事鴻逵扇殿上楷呵止之兩人益怒楷知不為所容請告去塗遇

賊截其一耳則芝龍使部將楊耿為之也

綱秋七月清兵定江西 國先是清兵至九江明寧南侯左良玉子夢庚

率所部三十六營來降江西巡撫曠昭遼寧人棄南昌走瑞州列城望風奔

潰惟明益王由本明憲宗六世孫益敬王常選之子在建昌與布政使夏萬亨字元禮鹿山人副使

王養正字聖功 泗州人知府王域字元壽 松江華亭人推官劉允浩掖縣人南昌推官史夏隆

等舉兵拒守南昌諸生鄧思詒集其儕數十人為岸兵後城破俱死閱三日有客兵為內應城即破

由本奔旗塘佛舍尋歸明主聿鍵於福州萬亨等械至南昌俱死之萬亨等五人俱死

新城知縣譚夢開迎降民潛導守關兵殺之夢開餘黨與民互相

殘彌月不靖明主聿鍵以李翔邵武人為新城知縣禽殺餘黨率民兵出城

拒敵清兵自間道入城民兵皆散翔與御史徐昌伯新城人俱死之胡昌伯俱

清兵進克袁州廣信袁州同知署府事李時與自縊於津鄉官舍廣信同知胡甲桂見執自經死○時與和清人甲桂字秋桐鹿山人俱賜諡節愍會

明益宗永寧王慈炎招連子峒土兵數萬復陷建昌入撫州考功主事揭

重熙字祝萬 隨川人文選主事曾亨應字子嘉 臨川人皆舉兵相犄角南贛巡撫李永茂

遣副將徐必達扼秦和未幾戰敗永茂奔贛州慈炎亦以糧盡退保建昌

清兵追獲殺之曾亨應一日方晏客清兵至宗族死者二十餘人亨應避石室其從弟指示送見執并執其長子筠亨應顧筠曰勉之一日千秋無自負筠曰諾受刑

先死亨應縛諭降之不答遂殺之又總兵謝上達副總兵王坤參將賴明標存擊羅箕邦都司

江西諸郡皆平惟贛州未下適明主手書至贛加左庶子

楊廷麟兵部尚書修撰劉同升字晉卿 吉水人國子祭酒廷麟同升乃與永茂集

士大夫於明倫堂勸輸兵餉協謀舉事立忠誠社招致四方之士各率家

立忠誠社

丁自齋糧入社者幾三萬人

○明主遣大學士黃道周以兵出江西 ○明主聿鍵好學通典故然國

勢衰微兵食困乏政歸鄭氏諸大帥多巽悞觀望明主不能有所為鄭芝

龍鴻逵屢薦其私人為清要官明主不從以是懷怨望會清遣御史黃熙

允晉江人招撫福建熙允與芝龍同里芝龍密使通欵明主屢促出兵輒以

餉緝辭道周知芝龍終無意出關乃自請募兵江西號招羣帥明主給空

筭百函以七月二十二日啓行僅齋一月糧以虛聲鼓動得卒九千人從

廣信出衢州聿鍵以周定祏為右僉都御史巡撫黃興詹兆恆為兵部侍郎萬文英為兵部

定祏南昌人兆恆字月如永豐人文英亦南昌人奇偉進賢人夢弼字友應鉛山人道周所至撫安遺黎聯絡聲勢遠近頗響

應

○八月清兵克松江 ○先是南京既亡列城俱下而州縣多聚兵自保

者嘉定士民推左通政侯峒曾字豫齋給事中震鳴之子為主與進士黃淳耀字蘊生等誓

死固守江陰諸生許用亦倡言守城以典史陳明遇主兵出戰不勝乃請

前典史閻應元字顯亨通州人已遷英德入城屬以兵事清兵力攻城應元守

甚固而松江在籍兵部右侍郎兩廣總督沈猶龍字雲偕中書舍人李待

問字存羅源知縣章簡字坤能等亦募壯士數千人守城會吳淞總兵官吳

老葵自海入江結水寨於泖湖總兵官黃蜚擁千艘自無錫至猶龍聯絡

二帥而參將侯成祖字懷玉金山衛人守金山衛遙相應援清兵至嘉定峒曾

乞師於志葵志葵遣游擊蔡祥以七百人赴之戰敗而遁外援遂絕城中

矢石俱盡天雨城圯清兵入峒曾等並死之峒曾拜家廟率二子元淑元潔沉于池淳耀入僧舍索筆書絕命詞自縊

死其弟淵耀從之舉人張錫眉董用國諸生馬元調至是清兵進取松江志葵蜚敗

于春申浦城遂被圍未幾而破猶龍出走中矢死待問守東門簡守南門俱見執死清

兵遂攻金山承祖與子世祿猶固守城破巷戰踰時父子俱死承祖見後

城中人降說不語志迄不應清兵悉眾攻圍四面發大礮城中死傷無算堅

守自如八月二十一日清兵從祥符寺後城入眾猶巷戰男婦投池井皆

滿明遇用及中書舍人戚勳字伯屏江陰人皆舉家自焚應元赴水被曳出斬之

應元賜諡忠烈明遇勳俱賜諡烈愍

綱明以黃景昉呂大器路振飛朱繼祚莆田人曾櫻字仲含映江人俱為大學士

初路振飛總督漕運謁明鳳陽王陵明主聿鍵方以罪錮守陵中虐之

士明以黃景昉等

清兵克江陰

士明以黃景昉等

振飛捕治其尤甚者以私錢助之而上疏乞概寬罪宗竟得情聿鍵甚德

之及稱號福州即拜振飛左都御史振飛赴召道拜文淵閣大學士至則

大喜與宴抵夜分徹燭送歸解玉帶賜之聿鍵每責羣臣怠玩振飛因進曰上謂臣僚不改因循必至敗亡臣謂上不改操切

亦未必能中興也上有愛民之心而未見愛民之政有聽言之閉而未收聽言之效喜怒輕發號令屢更貝羣臣庸下而過於督責因博覽書史而務求明備凡上所長者皆臣下所甚憂也其言

曲中聿鍵櫻嘗為福建參政力保鄭芝龍芝龍感次骨薦之聿鍵起為工部

尚書兼東閣大學士無何令掌吏部而移張肯堂於都察院聿鍵所置閣

臣至多前後幾三十人然不令票旨皆聿鍵親為之時肯堂請出募舟師由海道抵江南倡義旅而聿鍵

由仙霞趨浙東與聿聲援聿鍵乃加肯堂生保給勅引便宜從事擢文選郎中朱永祐為吏部右侍郎福州推官徐孚遠為兵部給事中從行二人皆肯堂里人也鄭芝龍懷異心陰沮之不成行

**明靖江王亨嘉**靖江王守自稱監國明主執殺之 **亨嘉世封桂林**聞

南京破招集諸蠻起兵自稱監國謀僭號召廣西巡撫瞿式耜字起田式

耜拒不往而檄思恩參將陳邦傅助防止狼兵勿應亨嘉調亨嘉下梧州

執式耜幽之桂林遣人取其勅印初式耜議立桂王常瀛子安仁王及明

主監國式耜以為倫序不當立不奉表勸進至是為亨嘉所囚乃遣使賀

明主因乞援明主喜而亨嘉為兩廣總督丁魁楚所攻永城勢窘乃釋式

耜式耜與中軍官焦璉召邦傅共執亨嘉械送福州廢為庶人殺之明主

明主殺  
靖江王  
亨嘉



明魯王  
以海攻  
杭州

封魁楚平粵伯留鎮兩廣擢式耜兵部右侍郎協理戎政以晏日曙代之  
式耜不入閩退居廣東

綱明魯王以海遣兵攻杭州不克而還 魯王遣方國安王之仁自富

陽渡江攻杭州總督張存仁遣將督兵迎擊斬首四千級其餘衆尙據富

陽大兵進敗之于關頭追奔二十餘里斬國安子士衍初馬士英擁殘兵

渡江欲謁魯王以海以海諸功臣力拒之乃投方國安軍尋復與國安聯

兵謀窺杭州爲清兵所敗溺江死者無算士英國安乃聚衆江東赭山

安水軍數萬盡殲焉

安水軍數萬盡殲焉

綱九月詔收無主田給旗下人耕種 初太祖既併滿州及海西諸國

創定兵制每三百人設一牛彘額貞 五牛彘設一甲喇額貞 五甲喇

設一固山額貞 每固山額貞左右設兩梅勒額貞 初設四旗旗以

純色爲別曰黃曰紅曰藍曰白其後增設四旗各以間色緣其幅曰鑲黃

曰鑲紅曰鑲藍曰鑲白共爲八旗八旗兵之從龍入關者例圈民間地與

之至是詔收河間灤州遵化等府州縣無主之田給與旗下人耕種其故

詔收無  
主田分  
給旗人

八旗

江  
海  
甯  
縣  
西  
南  
五  
十  
里  
土  
石  
皆  
赤  
因  
名

杭州朱橋

在  
杭  
縣  
西  
南

范村

一  
名  
萬  
村

等處所在肆掠清兵進勦國

浙  
在

清兵入湖廣

李自成走死

明公侯伯駙馬皇親太監地酌照家口發給外餘悉沒收入旗

圖清兵入湖廣流賊李自成伏誅餘衆盡降于明湖廣總督何騰蛟收撫

之圖初李自成走陝西豫親王多鐸爲定國大將軍率孔有德等由湖

南攻潼關自成敗走遂棄西安由龍駒寨走武岡入襄陽復走武昌清兵

兩道追躡連蹙之鄧州承天德安武昌富池口桑家河九江窮追至賊老

營大破之者八當是時左良玉東下武昌虛無人自成屯五十餘日衆尙

五十餘萬改江夏曰瑞符縣尋爲清兵所迫部衆多降或逃散自成走咸

寧蒲圻至通城竄於九宮山食盡自成留李過守寨而自率二十騎略食

山中爲村民所困不能脫自縊死或曰村民方築堡見賊少爭前擊之馬俱陷泥潭

乃大驚疑爲自成也時大軍遣譏自成者驗其尸朽莫辨自成兩從父爲趙侯僞襄南侯其

將劉體仁郝搖旗等以衆無主議歸明湖廣總督何騰蛟字雲從貴州黎平人率四

五萬人驟入湘陰長沙人不知其歸降也懼甚攝偏沅巡撫傅上瑞武定人

請騰蛟出避騰蛟曰死於左死於賊一也何避焉長沙知府周二南請往偵之以

之從行者盡死城中人騰蛟與監軍荆西道僉事章曠字于野松江華亭人謀遣部將萬大鵬

等往撫致騰蛟手書召之曰公等歸朝誓永保富貴搖旗等大喜與大鵬

至長沙。騰蛟開誠撫慰。宴飲盡歡。搖旗招其黨。袁宗第。蘭。養成。王進才。牛有勇。皆歸。騰蛟驟增兵六十餘萬。未幾自成。兄子錦。即李通改名奉自成妻高

氏。及高氏弟一功。復擁衆三十萬。驟至澧州。乞降。明湖南巡撫堵允錫。字仲

建無錫人。議撫之。騰蛟亦馳檄至。允錫乃躬入其營。開誠慰諭。稱詔犒軍。皆踴

躍拜謝。允錫即軍中宴之。導以忠孝大義。數于言。明日高氏出拜。謂錫曰。堵公天人也。汝不可負。別部田見秀。劉汝魁等亦降。明主大喜。加允錫

兵部右侍郎兼右僉都御史。總制其軍。手書獎勞。錦等皆賜名受官。號其

營曰忠貞。置之荊州。授錦前部左軍。一功右軍。并掛將軍印。封列侯。賜錦名赤心。一功名必正。封高氏貞義夫人。有司建坊。題曰淑賢。中興騰蛟。慮赤心跋扈。他日

過其營。請見高氏。再拜。執禮甚恭。高氏悅。戒其子毋忘何公。赤心自是無異志。允錫亦深相結。偷以自強。然赤心書疏。猶稱自成先帝。高氏太后云。自成亂天下二

十年。陷帝都。覆廟社。其衆數十萬。悉歸騰蛟。一時詫異事。而騰蛟上疏。但

言元兇已除。稍洩神人憤。宜告謝郊廟。卒不言己功。明主拜騰蛟東閣大

學士。兼兵部尙書。封定興伯。仍督師。騰蛟固辭。封爵不允。令規取江西。

**綱**冬十月。清兵克徽州。先是徽州聞南京破。明知府秦祖襄及遼屬

皆遁。推官溫璜。初名以介。字于石。烏程人。歎曰。城無主。民且自相屠。乃盡攝其印。召士民

慰諭之。明左僉都御史休寧金聲。糾集義勇。保績溪。黃山。分兵扼六嶺。璜

與相犄角。且轉餉給其軍。前山東巡撫邱祖德。字金修。成都人。職方郎中尹民興

字宣子時。監紀推官吳應箕字次尾等。多聚兵應之。聲乃遣使通表明。主明

主授聲右都御史兼兵部右侍郎。總督諸道軍。聲遣兵取旌德寧國諸縣。

會故御史黃澍降于清。導王清間道襲破之。執聲至江寧。聲語門人江天

一字文石曰。子有老母不可死。對曰。天一從公起兵。可不同公殉義乎。音越

洪承疇諭降。天一期誦明莊烈帝諭祭承疇文以誚之。遂與中軍吳國禎副將陳有功守備萬全游擊余元

寅俱死。總兵范雲龍及聲弟經亦死於旌德。應箕見獲死。祖德退還山中。清兵攻拔其寨。不降。

磔死。民與走免。唐王聿鍵以爲御史。事敗卒于家。諸生舉兵者有甯國麻三衡字孟瞻。布政使。溶之孫。沈壽堯景

山都督有容之子。等亦俱敗死。宣城諸生吳漢超復舉兵連陷句容溧水高淳溧陽太平諸縣。夜襲甯國兵潰。城中按首事者漢超已出城。念母在且恐累族人。入見

其腹。膽長三寸。璜猶嚴兵自守。黃澍復以城獻璜。闔門死之。璜遺歸村舍。先刃其妻。同殉。其

其創而死。○金聲吳應箕俱購諱忌節。邱祖德溫璜俱賜諱忌。烈吳國禎。陳有功萬全。余元寅。范

璜從俱賜諱忌。於是江南民兵悉平。

綱定國大將軍豫親王多鐸班師還京。多鐸還京。帝出正陽門至南

苑迎勞之。加封爲和碩德豫親王。從征將士各賜官爵銀幣。有差。明年秋

復加封多鐸爲輔政叔德豫親王。

綱明主遣使於魯王以海以海不受。時明主聿鍵便給事中劉中藻

人。屬安。

頒詔浙東左右欲應之魯王以海下令將返台州熊汝霖獨出檄嚴拒不納張國維馳疏福州略言國當大變凡為高皇帝子孫臣庶所宜同心並力共圖興復成功之後入關者王且監國當人心渙散之日鳩集為勞一旦南拜正朔鞭長不及悔莫可追臣老矣豈敢朝秦暮楚有所左右于其間哉聿鍵乃召中藻還自是閩浙如水火矣

十二月明主自福州移駐建寧

時議出師興復楊廷麟等請出江

右何騰蛟請出湖南浙中諸將請出衢州蘇觀生以事權悉鄭氏所握請出贛州明主遣觀生先行赴贛州募兵以曾櫻鄭芝龍留守福州司轉餉十二月明主發福州駐建寧廣東布政司湯來賀運餉十萬由海道至明主擢來賀兵部侍郎然兵食匱乏人心離散迄不能成軍也

綱明督師大學士黃道周進兵婺源戰敗死之

道周進兵至婺源遇

清兵戰敗其將陳嗣聖陣亡道周見執諸軍潰走清兵追至開化總兵曾

德黃光輝副將蔡璋龍勝陳辰等俱死

詞身必光輝璋勝辰

道周至江寧幽別

室中從容著詩文數卷聞當刑書絕命詞衣帶間過東華門坐不起曰此

與高皇帝寢近可死矣監刑者從之幕下士中書賴雍

平和人

蔡紹謹

明黃道周戰死婺源

明主移駐建寧

人。○考二人姓名。赴兵部主事趙士超。國縣人。廣信通判毛玉潔。六合人。○考毛玉潔。紅本作毛至潔。

游擊朱家第等皆死之時。明主又以大學士傅冠。字元甫。進賢人。為督師辦湖東

兵事。瀘溪告警。冠不能救。為給事中揭重熙所劾。或又言其嗜酒。乃許致

仕久之。清兵至。冠死之。冠寓居門人秦甯汪亭龍家。亭龍執以獻。有司不風。慘于汀州血清池。久而猶鮮。汀人歎其忠。○冠賜諡忠烈。

綱丙戌順治三年。明隆武帝二年。魯監國元年。春正月。定歲祭陵廟禮。

綱明主聿鍵遣將分道出兵。不果行。時鄭芝龍知物論不平。不出關

無以弭眾議。乃請以鄭鴻逵為左先鋒。出浙江。鄭彩為右先鋒。出江西。築

壇行推轂禮。鴻逵出城。馬蹶仆地。各擁眾數千。號數萬。既出關。託候餉。仍

駐不行。鴻逵。駭仙。屬有上書言事者。嚴禁。仙霞關。不為四方備人入。明主檄催孔亟。不應。彩行百里而還。稱

餉缺。留如故。時芝龍已通款於清。聿鍵不知也。曾魯王以海澄都督陳揆使閩。趨起不敢入。芝龍疏。敘不聽。有御史錢邦芭者。為聿鍵言。詐與芝龍至矣。不急除。恐有內患。聿鍵即命諜。或以告芝龍。芝龍曰。刑人于市。必過我門。我且命停刑。願以我官職贖罪。當不死。聿鍵命移諜。別所斬之。芝龍奔赴哭極哀。由此快。

綱二月。明主移駐延平。明主決意出汀州入贛。與湖南為聲援。鄭芝

龍不欲行。令軍民數萬人遮道呼號。擁明主不得行。遂駐延平。

綱三月。明主遣使勞魯王軍於紹興。時魯王以海復遣柯夏卿曹惟

使魯王

明主出師不果

明主遣使勞魯王

才聘於明主。明主加夏卿兵部尚書。惟才光祿寺卿。手書報以海曰。吾無子。王爲皇太姪。同心戮力。共拜孝陵。吾有天下。終致于王。浙東所用職官。盡列朝籍。無分彼此。並遣僉都御史陸清源。

平湖人。

齎餉銀十萬兩犒勞浙

東軍士。而方國安縱兵盡奪兵餉。留清源軍中。

後國安敗。清源自沈于江。○清源賜諡忠節。

且出檄

數明主罪。張國維嘆曰。曲在我矣。斯時以海兵力孱弱。武將橫甚。競營高爵。請乞無厭。兵部尚書余煌上言。今國勢愈危。朝政愈紛。尺土未復。戰守無資。諸臣請祭。則當思先帝蒸嘗未備。請葬。則當思先帝山陵未營。請封。則當思先帝宗廟未亨。請蔭。則當思先帝子孫未保。請諡。則當思先帝光烈未昭。時以爲名言。

煌字武曾。會稽人。

清兵克吉安。遂圍贛州。

明兵部尚書楊廷麟自吉安赴贛。將朝明

主。以萬元吉代守吉安。初崇禎末。命中書舍人張同敞。

江陵人。崇禎之孫。

調雲南兵

及抵江西。而南京已破。因退還吉安。廷麟留與共守。其將趙印。選胡一青

頻立功。而元吉約束甚嚴。諸將漸不悅。時有廣東兵亦以赴援。至而張安

者汀贛間。峒賊四營之一。驍勇善戰。爲廷麟招降。有取撫州功。且招他營

盡降。明主賜名龍武新軍。元吉以安等爲足恃也。蔑視滇粵軍。滇粵軍解

清兵克吉安

體然安卒故為賊淫掠自如廷麟遣援湖西所過無不殘破至是清兵攻吉安諸軍皆內攜新軍又先往湖西不時至城中不戰潰城遂破元吉退屯阜口檄諭贛州極言雲南兵棄城罪其衆遂西去清兵盡至阜口元吉不能禦退入贛城清兵乘勝進圍之明兵部侍郎劉士楨促新軍張安赴援安宵遁廷麟遣使調廣西狼兵而身往雩都召新軍來救戰於梅林再敗廷麟乃散其兵入贛與元吉憑城守

給事中楊文薦元吉門生也奉使往湖南過贛見事急自任守禦城中賴之江西巡撫劉

遠生自出城召其將張際於雩都贛人曰撫軍遁矣怒焚其舟拘其妻子俄遠生率黨兵至清兵乃大悔遠生憤甚渡河再戰皆敗見獲復逃歸援軍皆不敢前會李永茂遣廣東兵五千至清兵為解圍屯于水西未幾圍復合城中拒如初時贛困守久明主獎勞之賜名忠誠府加元吉兵部尚書文薦右僉都御史乳維經為吏兵二部尚書兼右副都御史總理湖廣江西廣東浙江福建軍務督師往援維經與御史姚奇允募兵八千人入贛州與廷麟元吉同守時東鄉安仁貴溪瑞州餘千萬年諸郡縣俱聚兵遙應閩中清兵分道進勦先後克捷擒斬明文武官甚衆其死于東鄉者有副將傅潛龍參將黃誌部司文而武守備劉威振等在安仁則有參將傅鼎乾都司徐德守備洪士邦等在貴溪則有總兵陳輝汪碩畫副將汪洋監紀知縣廖汝健等在瑞州雞公嶺棠山一帶則有副將黃英都司教高參將晏姓等在餘千萬年則有都司趙祖參謀舒奇謀等○姚奇允字有樸錢塘人自傅潛龍以下十六人俱賜諡節愍

**夏六月清兵克紹興明魯王以海遁入海** **征南大將軍貝勒博洛**等以五月二十日抵杭城魯王以海諸軍列營錢塘江東岸綿亙二百餘里艤舟江上以待清兵未具舟楫不能渡忽江沙暴漲水淺可涉二十七日清兵策馬徑渡方國安盡棄戰艦拔營走紹興劫以海南行江上各營



浙東平定

聞報一時俱潰走六月一日清兵入紹興國安決計獻以海來降遣人守

之會守者病以海得脫至台州航海走命張國維防遏四邑圖後舉國維

還守東陽知勢不可支作絕命詩三章赴水死賜諡忠愍兵部尚書余煌等皆

死之二煌赴水舟人拯起之居二日復沒深處乃死大理寺少卿陳潛夫赴山陰化龍橋借妻妾

禮部侍郎陳函輝從以海航海已而相失哭入雲峯山投水死諸生語盤傳日炯鄞縣遺歌麟浦

江瓊君正瑞安周欽堯永嘉鄒之琦等皆殉義死○潛夫字元倩錢塘人為字魯瞻汝菴字恆生

俱會稽人函輝字木叔溫海人煌潛夫清兵進克金華督師大學士朱大典闔門

死大典賜諡忠愍時以海至石浦定西侯張名振從之至舟山守將黃斌卿不納

乃浮海至廈門遂去南澳方國安方逢年俱來降尋以蠟丸書通閩搜得誅死阮大鍼在

僱仆石上死英擁殘兵欲入閩明主不許會清兵勦湖賊士英與吳易擒獲斬之延平城下大賊方游山自

乘載士英遁台州山寺為僧為清兵搜獲尋得其與大賊通閩疏斬之延平城下大賊方游山自

觸石死仍廖屍云○吳易字日生吳江人與舉人孫兆奎諸生沈自駒自炳吳福之等乘兵長蕩

明主授為兵部尚書營王以海封為長興伯清兵至俱被獲死總兵程槐沈茂職方主事倪曼倚

監軍道朱世昌通判馮時敏評事馮一鸞與易等俱死時太湖中阻兵者其衆有鎮南伯金公玉

參謀陸美初副將施子昭及朱大定曹辰沈君晦等俱先被獲乘間赴水死○易槐茂受僑世昌

為僧晉王以海授兵部侍郎銜潛謀結大遊兵擊事事露被獲乘間赴水死

時敏一鸞公玉耕奇明道世忠元震安錫希成濟字

任關碩德美秘子昭俱賜諡忠愍

閩中大震鄭芝龍假言海寇入

犯須往備禦拜疏即行盡撤兵回安平鎮守關將士皆隨之仙霞嶺二百

里間遂空無一人

清兵克  
衢州

○秋七月清兵克衢州。○明巡按金衢二府兼視學政御史王景亮武字

侯。吳人。衢州知府伍經正安福人。推官鄧巖忠江陵人。皆不屈死。魯王以海所遣

鎮將張鵬翼及伯吳凱總兵項鳴斯等亦死之。江山知縣方召宣城人。集父

老告之曰：兵且至，吾義不當去，然不可以一人故致闔城被誅。若輩可迎

附，遂封其印，冠帶自縊死。景亮、經正、巖忠、鵬、鳴斯、召俱賜諡節愍、賜諡烈愍。

○八月清兵克建甯，遂進兵入閩。○時鄭鴻逵駐仙霞關外，聞清兵至

徒跣疾走三日而抵浦城。明主聞之，削鴻逵爵。初清兵至仙霞嶺，關門無

一守兵，遂從容過嶺，長驅直入。然清兵入閩者，或由建，或由汀，或由福寧

俱走山谷間，不必仙霞嶺也。明巡撫上游四府兼領關務鄭為虹字天玉，江都人。

聞訊亟還浦城，縱士民出走，自守空城。無何城破，為虹與給事中黃大鵬

字文若，建陽人。並死之。為虹故浦城知縣，明主聞其廉，召為御史，郡民相率乞留

仍令以御史巡關，尋擢巡撫。鄭芝龍部將奪民舟為梁，為虹叱責之。芝龍

訴於明主，明主為諭解乃已。至是殉難，又巡撫楊廷清、李暄亦俱為清兵

所獲死之。為虹賜諡忠烈，大鵬賜諡烈愍，廷清、暄俱賜諡節愍。

○明主奔汀州，清兵遂克延平。○閩中自鄭芝龍去後，羣情益離，沮明

仙霞關  
之役

延平之  
役

主視朝命內侍出一篋示羣臣曰吾賴諸卿擁戴越在海隅布衣蔬食曉夜焦勞正是上為祖宗下為百姓惟恐負卿等立君之意昨關上主事搜得閩中出關迎降書一百餘封今俱在此吾不欲知其姓名令錦衣衛官對衆焚之卿等宜無負初終也然人心已去終不可回明主因決計赴贛何騰蛟亦遣郝永忠即郝推來迎將至韶州會仙霞關敗聞至明主遂以八月二十一日自延平倉卒出走留兵部侍郎曹履泰偕延平知府王士和居守猶載書十餘篋自隨抵順昌聞追兵且至騎而奔數日方至汀州延平驚報疊至士和召父老曰吾雖一月郡守當與城存亡若等可速出毋使數萬生靈盡膏斧鑕衆泣士和亦泣退入內署謂友人曰吾一介書生數月而忝二千石安敢偷生其友勸止之正色曰君子愛人以德姑息何為從容正衣冠閉戶投繯死賜諡節愍清兵遂克延平

○清兵至汀州明主聿鍵被執鄭芝龍降其子成功走入海福建平

明主在汀州清兵奄至從官奔散明主與妃曾氏俱就執給事中熊緯開離奔赴遇清兵死之總兵

曾氏官都督俞事胡上琛奔還福州謂家人曰吾臣不可苟活為我採毒草來與妾同死共飲藥酒而死○熊緯字文江南昌人賜諡烈愍胡上琛福州衛人世襲指揮使賜諡節愍

至九瀧投於水明主死於福州賜曲王盛渡四河王盛洽松滋王演漢四城王通簡等俱死明總兵姜正希率

汀州之  
役  
明主被  
執

兵二萬復來襲汀州乘夜登城清兵擊敗之斬首萬餘級又破總兵師福

於分水關入崇安縣巡撫楊文忠見執死賜諡節愍遂襲克福州明禮部尚書

曹學佺字能始侯官人等死之通政使馬思禮自縊死太僕少卿王瑞栢避之山中有欵薦命出

死○王思禮長樂人郭符甲晉江人俱賜諡節愍清軍駐福州分兵徇漳泉諸郡縣

相繼下閩地悉平鄭芝龍自安平奉表來降其子成功成功初名森明主津痛

哭諫不聽芝龍既入朝成功因慨然去儒冠儒服拜孔子廟而行未幾遂

與鄭鴻達鄭彩等各率所部走入海

綱多十月清兵克贛州 圖明總督萬元吉素有才落事精敏及失吉安

士不用命昏然坐城上對將吏不交一言隔河清兵營徧篋元吉指為空

營兵民從清兵營中至者言軍勢甚盛輒叱為間諜斬之贛州受圍既久

諸道援兵稍集元吉部將汪起龍率師數千雲南拔將趙印選胡一青率師三千大學士蘇

諸將欲戰元吉欲待水師至並力而中書舍人袁從鶚一作來從募沙兵

三千吏部主事龔棻南昌人兵部主事黎遂球番禺人募水師四千皆屯南

安不敢下兵部主事王其宏安福人謂元吉曰水師帥羅明受海盜也桀驁

難制棻遂球若慈母之奉驕子且今水涸巨舟難進豈能如約不聽清兵

萬元吉  
死節

明桂王  
由榔稱  
帝肇慶

聞水師將至即夜截諸江焚巨舟八十死者無算明受遁還舟中火藥戎器盡失於是兩廣雲南軍皆不戰而潰他營亦稍稍散去會聞汀州破人情益震懼守者亦疲甚清兵用嚮導夜登城鄉勇猶巷戰黎明清兵大至城上發礮礮炸城遂破部將擁元吉出城元吉嘆曰爲我謝贛人使闔城塗炭者我也我何可獨存遂赴水死楊廷麟走西城投水死按紅本作郭維經入嵯峨寺自焚死姚奇允自縊於文廟楊文薦病困不能起執送南昌絕粒而死維經賜諡忠節廷麟元吉文薦一時同殉者太常寺卿管湖西兵備僉

事彭期生

海鹽人而下凡數十人

其冠黎遂球袁從鶚通列王明汲編修兼兵科給事中

中萬發祥戶部主事林琦兵部主事柳昂霄曾嗣武錢謙亨中書舍人劉孟鈞劉應試推官醫府事吳國球監紀通判郭甯登臨江推官胡繼履縣知縣林逢春皆不風就戮鄉官盧觀象盡驅男婦大小入水乃自溺死舉人劉日佺偕母妻弟婦子姪同日死參將陳烈數力戰衆以其弟已降于清疑之烈益奮勇疾鬪及見執其弟勸之降不聽願請贖人曰今日方知我無二心也乃就戮

又通判淦君鼎副總兵馬觀鵬參將朱永盛兵部主事於斯昌訓導程必進中書龍嘉震湖東道姚生文推官吳世安亦俱不降死○周瑚大名人王明汲金壇人萬發祥新喻人林琦高縣人管嗣武甯都人劉孟鈞劉應試俱安福人胡縝桐城人淦君鼎建昌人馬觀鵬順德人朱永盛汀州人於斯昌黃岡人程必進松陽人龍嘉震太和人姚生文仁和人吳世安同安人期生蔡觀象必進嘉震生文世安俱賜諡忠節其宗遂求從鶚明汲發祥琦昂霄嗣武諱亨孟鈞應試國球甯登縝逢春君鼎觀鵬永盛斯昌俱賜諡烈愍

冬十一月明兵部尙書丁魁楚兵部侍郎瞿式耜等奉桂王由榔

明神宗孫

桂王常瀛次子稱帝於肇慶初桂王常瀛卒於梧州長子安仁由援襲封未

幾病卒由榔當嗣爵會聿鍵敗死報至粵中明總督尙書丁魁楚侍郎瞿式耜巡按御史王化澄與舊臣呂大器李永茂晏日曙湯來賀董天閔朱治澗周鼎瀚方以智朱容藩林佳鼎程源等議所立乃共推由榔桂太妃王氏曰諸君何患於無君吾兒仁柔願更擇其可者魁楚等請益堅遂以十月十四日稱監國於肇慶以魁楚大器式耜並爲大學士

魁楚兼或政尙書大器兼兵部

尙書式耜兼吏部右侍郎

永茂請終制化澄以下進爵有差未幾聞清兵已破贛州司禮

太監王坤

王肇基崇禎朝監餉官府人作或福娶爲言官所劾福王時奔南京福王敗復入國唐王聿鍵棄不用又來粵事由榔命掌司禮監遂擅政事

倉卒奉

由榔奔梧州式耜等立爭不得時大學士蘇觀生奉聿鍵命募兵南安亦退入廣州遣職方主事陳邦彥

字令斌順德人

奉表勸進甫入謁而觀生在廣州

別議立唐王聿鏹

事具後

邦彥不知也夜二鼓由榔召入舟中魁楚侍語以

廣州事邦彥請急還肇慶正大位以繫人心命南雄勅卒取韶制粵東十郡之七而委其三於唐王代我受敵從而承其敝由榔大悅魁楚式耜等乃定議迎由榔復還肇慶十一月十八日遂稱尊號改年永歷以肇慶府署爲行宮

圖明大學士蘇觀生等奉唐王聿鏹稱帝於廣州 丁魁楚等之將立

桂王由榔也。蘇觀生欲與共事，魁楚素輕之。且欲專定策功，慮其以舊相居已上，拒不與議。呂大器亦以其非兩榜，叱辱之。觀生愠甚，適唐王聿鍵弟聿鏗與大學士何吾騶自閩浮海至，南海關捷先，番禺梁鍾朝首倡，兄終弟及，議觀生遂與吾騶及布政使顧元鏡侍郎王應華曾道唯總兵林察等擁立聿鏗。改年紹武，就都司署為行宮。封觀生建明伯，掌兵部事，進吾騶等秩，擢捷先吏部尚書，旋與元鏡應華

猝舉事，治宮室，服御鹵簿，通國奔走。夜中如晝，不旬日除官數千，冠服皆假之優伶，市人傳以為笑。

廣肇交

明主由榔遣兵攻廣州不克。先是明主由榔遣給事彭耀順德人主

事陳嘉謨，齎敕往諭唐王聿鏗至廣州。以諸王禮見，備陳宗支倫序及監國先後語甚切至，因歷詆蘇觀生諸人，觀生怒，執耀殺之。嘉謨亦不屈，死。耀嘉謨俱賜諡節愍。

即日發兵攻擊慶，以番禺人陳際泰督師。由榔遣兵部右侍郎林佳鼎帥兵赴三水，佳鼎故粵中監司，與林察同姓相善，察使羣盜詐降，佳鼎信之。

乘勝追至三山口，亂作，全師皆覆。佳鼎同僉事夏四敷赴水死。俱賜諡節愍。時

肇慶大震，瞿式耜視師，破口以王化澄代佳鼎督師。呂大器辭官入蜀，遂

清兵克廣州

唐王聿鏘被執

以化澄為尙書起李永茂為大學士未幾亦罷

○十二月清兵克廣州執明唐王聿鏘廣東平

○蘇觀生既敗肇慶兵

意自得務粉飾為太平事而委任關捷先及梁朝鍾捷先小有才便筆札

朝鍾善談論浹旬三遷至祭酒有楊明競潮州人者好為大言詭稱精兵滿

惠潮間可十萬即特授惠潮巡撫又有梁濞者妄人也觀生才之用為吏

科都給事中與明競大納賄賂日薦用數十人觀生本乏猷略兼總內外

任益昏瞶招海盜資捍禦其衆白日殺人懸肺腸於貴官之門以示威城

內外大擾清兵由福建趨潮州惠州俱下之長吏皆附降即用其印移牒

廣州報無警觀生信之是月十五日聿鏘視學百僚咸集或報清兵已信

觀生叱之曰潮州昨尚有報安得遽至此妄言惑衆如是者三清兵已自

東門入觀生始召兵搏戰兵精者皆西出倉猝不能集觀生乃自縊死觀生親

走梁濞所聞計梁曰死耳復何言觀生入東房濞入西房各拒戶自縊觀生盡其詐帶留聽之

朝鐘及太僕寺卿霍子衡南海人行人梁萬爵字天若番禺人新城知縣廖翰標龍門

人等皆死之聿鏘方事閱射急易服踰垣匿王應華家俄縋城走為追騎

所獲饋之食不受曰我若飲汝一勺水何以見先人地下投縋而死周益



二十四  
王俱列

何吾騶及應華等悉降廣東遂平

綱明主由榔奔梧州

時司禮太監王坤用事銓政軍務任意顛倒數

以內批授官由榔諸臣爭之不聽給事中劉鼐疏劾坤幾得罪瞿式耜力救乃免及是聞廣州已破肇慶大震式耜請駐峽口坤不從以朱治憫為兩廣總督守肇慶趣由梧出走以二十二日乘輕舟上西峽遂奔梧州

綱清兵至順慶流賊張獻忠伏誅其黨孫可望李定國白文選等潰走川

清兵入  
四川

南 獻忠據成都遣偽將孫可望李定國艾能奇白文選等分徇各府

州縣所至皆下屠戮甚慘川中民盡乃謀窺西安盡焚成都宮殿廬舍夷其城率衆出川北又欲盡殺川兵偽將劉進忠故統川兵聞之率一軍逃會清兵至漢中進忠來降乞為鄉導至鹽亭界大霧獻忠曉行猝遇清兵於鳳凰坡中矢墜馬蒲伏積薪下於是清軍擒獻忠出斬之降及敗死者二三十萬其黨偽平東將軍孫可望偽安西將軍李定國偽撫南將軍劉文秀偽定北將軍艾能奇偽都督白文選馮雙禮等俱走川南時明川中諸將競擁兵自固督師大學士王應熊及王祥在遵義巡撫馬乾副將曾英在重慶監軍副使范文光及曹勛在洪雅監軍僉事詹天顏在松茂譚

張獻忠  
走死

興國州之役

清兵克肇慶

宏譚詣在夔萬兵部侍郎總督川陝軍務樊一蘅在納溪居中無度與應熊會瀘州尅期并進王祥綦江人馬乾吳縣人范文光內江人潘天顏龍巖人重慶曾英兵最强可望等率

殘兵驟至英出不意戰敗死于江賜諡節愍賊遂陷綦江督師大學士王應熊

退走永甯山中孽病卒於畢節衛踰月賊陷遵義入貴州境清兵追至重慶明巡撫

馬乾敗死賜諡忠節遂入遵義以餉乏旋師王祥等因復取保寧二郡明總督

侍郎樊一蘅再駐江上為復窺全蜀計乃列上善後事宜及諸將功狀於

明主由榔由榔拜一蘅戶兵二部尙書加太子太傅祥等進爵有差

興國州寨寇柯抱冲作亂湖廣總兵柯永盛討誅之寨寇悉平

是元末陳友諒遺孽分為柯陳二姓盤踞江西武寧湖廣興國而居興國

者尤蕃衍黠悍迄明之亡為患將三百年有柯抱冲者與何騰蛟結連自

立為王以其黨陳珩玉為帥倚山結寨焚劫郡縣攻陷興國州殺武昌同

知張夢白勢甚猖獗湖廣總兵柯永盛遣將征剿十日內凡八戰皆破之

擒抱冲珩玉斬之餘黨悉平

丁亥四年明永曆帝元年春正月清兵克肇慶明主由榔奔桂林

是廣州既破肇慶大震明主由榔西奔梧州瞿式耜兼道趨赴及是由榔

已越梧州而西。清兵自廣州向肇慶。總督朱治澗棄城去。由榔走平樂。清

兵入肇慶。遣別將徇高雷二府。進取梧州。巡撫曹華迎降。由榔欲走依何

騰蛟於湖廣。丁魁楚王化澄皆棄由榔去。化澄走潯州。魁楚走岑溪。輜重多。舳艫相連。應為大將。李成棟追獲。魁楚遂降。

成棟與魁楚有隙。緣其家數百人殺之。魁楚乞一子。成棟笑曰。汝身且莫保。尚求活人耶。並殺之。惟式耜及吳炳。宜興人。時為由榔兵部侍郎。吳貞

毓。字元馨。宜興人。時為由榔戶部尚書。等從。乃由平樂抵桂林。湖南副使陳象明以徵餉在廣西。聞廣東地盡失。檄調土兵與陳邦傳運營。東至梧州。

州榕樹潭遇清兵。戰敗死之。○陳象明。字履南。東莞人。賜諡烈愍。以吳炳方以智為大學士。同式耜入閣辨事。以

不遣使勞何騰蛟。趣其兵入衛。徵四川文安之。人。雲南王錫哀。人。祿豐。入

閣。錫哀以道阻不能達。安之亦不至。以周堪賡郭都賢劉遠生等為六卿。丁時魁金堡等為

給事中。馬吉翔掌錦衣衛。吉翔本京師游猾。資緣為香山參將。丁魁楚令獻捷於唐王。事變。喜其應對敏捷。擢為錦衣衛使。至是以使忠貞營復命。益以

柔媚。得由榔意。令掌絲綸房事。同票擬。送大用事。

二月。清兵克平樂。明主由榔奔全州。以其大學士瞿式耜留守桂林。

清兵襲平樂。克之。潯州相繼破。由榔大恐。會武岡鎮將劉承允以兵至

全州。王坤請赴之。瞿式耜極陳桂林形勢。請由榔堅守。略言留粵則粵在

去粵則粵危。我進一步。人亦能進一步。我去速一日。人來亦能速一日。去

而不守。則拱手送矣。由榔不聽。自請留守。許之。進文淵閣大學士。兼吏兵

明主奔桂林

明主奔全州

清兵攻  
桂林不  
克

川賊孫  
可望入  
雲南

沙定洲  
之亂

二部尙書賜劍便宜從事以麾下焦璉爲總兵初由榔爲步獻思牙執璉率衆乘城上檄檄出之由榔病不能行璉江王功命爲參將至是進總兵封陳邦傅爲思恩侯守昭平由榔遂走全州

三月清兵攻桂林不克由榔既出奔桂林危甚其總督侍郎朱盛

濃走靈川巡按御史辛延泰走融縣布政使朱盛調副使楊垂雲桂林知

府王惠卿以下皆遁惟瞿式耜與通判鄭國藩縣丞李世榮及都司林應

昌李當瑞沈煌在焉由榔令兵部右侍郎丁元華代盛濃御史魯可藻代

延泰未赴而清兵已薄桂林以騎數十直入文昌門登城樓瞰式耜公署

式耜卽令焦璉拒戰甚力而身立矢石中與士卒同甘苦積兩城壞吏士

無人色式耜督城守自如故人無叛志援兵索餉而譁式耜括庫不足妻

邵捐簪珥助之旣而劉承允所遣援桂兵五千人在城與璉兵主客不和

擊傷璉大掠城中而去璉兵亦出城赴黃沙鎮城幾破者數矣會清兵東

還桂林始獲全

四川賊孫可望李定國等率衆入雲南孫可望李定國等潰走川

南後本年二月率衆入據貴州至是因雲南內亂復率衆入據雲南先是

雲南土官沙定洲王弄山長官司沙源之子作亂逐明黔國公沐天波黔甯王沐英裔孫以總兵官世鎮雲南盤

踞會城傳檄州縣全滇震動天波走楚雄巡撫吳兆元不能制許爲奏請鎮滇定洲遂西追天波分巡金滄副使楊畏知寶雞人說天波走永昌而已

以楚雄當定洲定洲至畏知給與結盟而乘間清野繕堞徵鄰境援兵姚

安景東俱響應定洲聞之不敢至永昌還攻楚雄不能下畏知伺賊懈輒

出擊殺傷甚多定洲築長圍困之迄不能下至是孫可望在貴州聞滇中

亂卽由貴州兼程趨滇稱黔國焦夫人弟來復定洲之亂天波母妻走城北民自焚死故可望假後仇爲名

久困沙兵喜其來迎之定洲解楚雄圍去禦於草泥關大敗遁歸阿迷可

望破曲靖及交水俱屠之遂由陸涼宜良入雲南城分遣李定國徇迤東

諸府而自與劉文秀等率兵西出畏知禦於啓明橋兵敗投水不死踞而

罵可望下馬慰之曰聞公名久吾爲討賊來公能共事相與匡扶明室非

有他也畏知瞪目視之曰給我爾可望曰不信當折矢誓畏知因要以三

事不用獻忠僞號不殺百姓不擄婦女可望皆許諾乃與至楚雄略定大

理諸郡使文秀至永昌迎天波歸而定國之徇臨安者與定洲部目李阿

楚力戰破其城殺城中官民七萬八千餘人盡掠其子女而回所過無不

屠滅於是迤西八府以畏知在軍得保全而迤東之殺與獻忠同慘可望

清兵克長沙

遂據雲南

後二年可望復遣定國攻定洲。既至會定洲土目楊嘉者方迎定洲。就其營宴。定國偵知率兵圍營。相拒數日乃出降。遂械定洲及其妻萬氏數百人回雲南。剝其

皮市中萬氏本江西寄籍女淫而狡先為阿迷土官普民聲妻後改嫁定洲遂併有其地云。

清兵克長沙

始明主聿鍵既死總督何騰蛟在湘陰厲兵保境如

平時及由榔立進騰蛟武英殿大學士加太子太保至是平南大將軍恭

順王孔有德等帥師下湖南由榔總兵王進才故守益陽聞之退保長沙

與狼兵將軍覃遇春鬪揚言乏餉大掠而去並及湘陰清兵進逼長沙進

才走湖北騰蛟不能守單騎走衡州湖南巡撫章曠亦走寶慶清兵遂克

長沙湘陰

先是劉承允受騰蛟節制騰蛟以藤溪之捷請加郝思忠援剿左將軍張先璧援剿右將軍承允怒長沙既失承允遂奏解騰蛟兵柄召之入朝先璧奏劾承允專擅騰蛟反和解之會聞先璧提兵至嶺慶

承允懼又請命騰蛟督諸鎮兵駐衡州

夏四月明主由榔為其將劉承允劫遷於武岡州

由榔之至全州

也劉承允迎奉頗如禮既而跋扈不可制遂司禮監王坤於永州矯由榔

命晉己爵為安國公總督戎政賜尚方劍封其弟承永武岡伯錦衣指揮

馬吉祥文安伯郭承昊太和伯嚴雲從清江伯御史毛壽登爭之吉翔怒

激承允脅由榔杖壽登及劉湘客吳德藻萬六吉於牙門外承允又力為

申救得免皆奪職六部九卿科道頌承允功德者竟無虛日至是聞清兵

明主遷武岡州

廣州之役

陳邦彥  
潛謀起兵

將至承允揚言瞿式耜已通欵降。偪由榔即日發全州移居武岡。改曰奉天府。張先璧欲與承允為難。伏兵邀於路。由榔甫渡河。浮橋斷。獲免。先璧遂大掠新寧。承允請救。讞解。久之始去。自是由榔政事皆決於承允矣。

綱明兵科給事中陳邦彥以兵攻廣州。敗走。目初邦彥見明主由榔於

肇慶。擢兵科給事中。遣齋救還。諭蘇觀生。邦彥聞使臣彭耀被殺。遂變。姓

名入高明山中。及清兵已定廣州。列城悉下。邦彥乃潛謀起兵。有余龍者。

本萬元吉所募兵。未行而贛州失。龍等千餘人無所歸。聚甘竹灘為盜。他

潰卒多附。至二萬餘人。明總督朱治澗招降之。未幾謀歸。而唐王所置廣

西巡撫張家玉字元子。東莞人。亦與舉人韓如璜結鄉兵。取東莞城。籍前尚書李

覺斯等貲。以犒士。奉表由榔。由榔進家玉兵部尚書。尋為清兵擊敗。如璜

戰死。家玉走西鄉。家玉祖母陳母黎妹石寶俱。赴水死。妻彭氏被執不屈死。邦彥見粵西危急。說龍乘間圍

廣州。而已發高明兵。由海道入珠江。與龍會。且移家玉書曰。桂林累卵。但

得牽制。毋西潯平間。可完葺。是我致力於此。而收功於彼也。家玉以為然。

邦彥遂與龍聯兵。攻廣州。圍其城。龍卒故無紀律。清兵自桂林還。救揚言

取甘竹灘。龍等顧其家。輒退。邦彥亦却歸。清兵以廣州之圍。謀出邦彥。求其家。殺妾何氏及二子。厚遇之。為書招邦彥。邦彥判

身爲忠臣，義不顧妻子。既乃遣門人馬應芳會龍軍，陷順德，無何清兵至龍戰。

敗，應芳被執，赴水死。龍再戰黃連江，亦敗。歿清兵攻家玉於新安。時四鄉大

家廟盛，滅家玉族，市井爲墟。家玉過故里，號哭而去，道得衆數千，復陷龍門。博羅連平長甯歸善

諸州縣，還屯博羅。邦彥乃棄高明，收餘衆，徇下江門據之。

五月，清兵克衡州。明總兵盧鼎方從何騰蛟駐衡州，而張先璧兵

突至，大掠，鼎不能抗，走永州。先璧遂挾騰蛟走祁陽，又間道走辰州。騰蛟

脫還，走永州。甫至，鼎部將復大掠，鼎走道州。騰蛟與督餉侍郎嚴起恆

山陰人。走白牙市。清兵遂克衡州。初，騰蛟建十三鎮以衛長沙。黃朝宣、張先璧、劉承允、李赤心

郝永思、袁宗第、王進才、董英、馬進忠、馬士秀、曹志建、王九成、盧鼎皆開鎮湖南。北。故時稱十三鎮。大抵李士成餘黨及左良玉舊將也。至是皆自爲盜賊，衡

州守將黃朝宣來降。孔有德數其罪，支解之。遠近大快。尋進克永州，以一

知府守之。明副將周金湯莆田人知城內虛，夜鼓譟而登，知府出走。金湯復

取永州。

明監國魯王以海遣兵攻崇明。以海既航海走南澳，復走長垣，以

熊汝霖爲大學士，封鄭彩建國公，鄭遵謙義興侯，張名振定西侯，阮進蕩

湖伯，遣兵犯海口，鎮東據之。連取海澄、漳浦諸縣。清兵旋復漳浦，以海所



置知縣洪有文死之至是遣其總督水師兵部右侍郎沈廷揚

字秀明崇明人率

舟師北窺崇明抵福山次鹿苑夜分颶風大作舟膠於沙為清兵所執諭

降之不從戮死

洪有文賜諡節愍沈廷揚賜諡忠節

六月明主由榔召其督師大學士何騰蛟入武岡尋遣還

騰蛟在

白牙由榔密遣中使告以劉承允專恣罪令入武岡除之騰蛟乃以兵事

屬章曠而走謁由榔於武岡由榔及其太妃皆召見承允由小校以騰蛟

薦至大將稱門生已漸倨騰蛟在長沙徵其兵承允大怒言先調黃朝宣

張先璧軍皆章曠親行今乃折箠使我遂馳至黎平執騰蛟子索餉數萬

子走訴騰蛟騰蛟遣曠行承允乃至騰蛟為請於由榔得封伯且與為姻

承允益驕至是忌騰蛟出己上欲奪其權請用為戶部尚書專領餉務由

榔不許由榔召騰蛟圖承允騰蛟固無如承允何也騰蛟無兵由榔命以

雲南援將曹印選胡一青兵隸之及辭還賜銀幣命羣臣郊餞承允伏千

騎襲騰蛟印選卒力戰盡殲之騰蛟乃還駐白牙

章曠移駐永州見諸大將擁兵圍營報賦走印選卒

秋七月明兵取平樂梧州諸郡

明大學士瞿式耜遣總兵焦璉連

取陽朔及平樂陳邦傳由賓州取潯合兵陷梧州於是廣西全省地復為

明復廣西全省

何騰蛟入武岡

明所有由榔封式耜臨桂伯璉新興伯式耜請由榔返全州又請還桂林皆不許。

○明監國魯王以海遣兵攻福州敗走 ○以海遣兵攻漳州復率鄭彩

阮進等攻福州敗還旋襲據連江進陷長樂永福羅原寧德諸縣

○八月清兵克武岡明主由榔奔柳州 ○時清兵克常德寶慶直趨武

岡城外馬吉翔挾由榔倉猝走靖州命其大學士吳炳分道護由榔世子

走城步吏部主事侯煒時公安從之既至城已為清兵所破遂就執炳至衡州

不食自盡於湘山寺偉時亦死劉承允以武岡降參將謝復榮戰死兵部尚書傅

作霖冠帶坐堂上承允力勸之降不從戮死作霖妾鄭氏有殊色執執驅之過橋躍入水中死○復榮賜諡忠烈作霖

賜諡忠節由榔遂自靖州奔柳州道出古泥總兵侯性太監龐天壽率舟師迎

由榔會大雨眷屬內豎狼籍泥淖中饑餓無人色性供張儲待皆備由榔

喜封性商邱伯以天壽掌司禮監時從官皆不至隨行者惟馬吉翔各部

諸司事皆吉翔一人掌之由榔進吉翔爵為侯

○明東閣大學士陳子壯以兵攻廣州敗死 ○子壯家居九江村明主

由榔稱號授為東閣大學士兼兵部尚書總督廣東福建江西湖廣軍務

清兵克武岡

明主奔柳州

明攻廣州不克

會清兵入廣東子壯止不行及張家玉陳邦彥與興會王興潮陽賴其肖  
等先後舉兵子壯亦以是月聚兵九江村兵多蠻戶番鬼善戰乃與邦彥  
約共攻廣州結故指揮使楊可觀為內應子壯先至駐五羊驛事洩可觀  
等死將引退邦彥軍亦至謀伏兵禺珠洲側伺清兵還救會城而縱火焚  
舟子壯如其計果焚數舟十清兵引而西邦彥尾之會日暮子壯不能辨  
旗幟疑皆清兵也陳動清兵順風追擊遂大潰子壯走還九江村長子上  
庸陳歿邦彥奔三水會故御史麥而炫字章國高明人取高明迎子壯以故主事

朱實蓮

字子潔南海人

攝縣事而清遠指揮白常燦亦以城迎邦彥與諸生朱學

熙櫻城固守邦彥自起兵日一食夜則坐而假寐與其下同勞苦故軍最  
強嘗分兵救諸營之敗者至是精銳盡喪外無援軍越數日城破常燦死  
邦彥率數十人巷戰肩受三刃不死走朱氏園見學熙縊拜哭之旋就執  
饋之食不食繫獄五日就戮死高明亦破實蓮戰死子壯而炫俱執之廣  
州不降磔死時張家玉走龍門後募兵萬餘人分為龍虎犀象四營攻墟增城清兵步騎萬餘重將譚圍出家玉嘆曰矢盡砲裂欲戰無具將傷卒斃欲戰無人烏用徘徊不決以頭血漉敵入手止因徧拜諾將自投野塘中以死○陳子壯賜諡忠簡陳邦彥賜諡忠烈參而炫朱實蓮

白常燦俱賜諡烈愍張家玉以甲申  
出歸闕賊殺節有虧廷議不予諡

清兵克  
永州

明主奔  
象州

明魯王  
取福州

○清兵克永州。○時孔有德等兵盡定湖南地。何騰蛟趙印選胡一青奔還桂林。嚴起恆劉湘客等亦至。城中止焦璉軍。騰蛟率諸將助守。而安南侯郝永忠忽擁兵萬餘。至與璉兵欲鬪。曾宣章伯盧鼎兵亦至。騰蛟為調劑。桂林以安。乃與瞿式耜議遣璉。永忠鼎印選一青分抗興安靈州永寧諸州縣。使各自為守。

○九月明主由榔奔象州。○初狼兵將覃遇春率眾淫掠。瞿式耜召至桂林斬之。由榔之走柳州也。遇春妻子迎訴。由榔復以其子鳴珂為總兵。領父部曲。至是鳴珂聲言復仇。與柳州守道龍文明相攻殺。文明走。鳴珂大掠城中。矢及由榔舟。由榔南走象州。

○冬十月明監國魯王以海遣兵取福甯州。○先是明主聿鍵舊將涂登華守福寧。以海遣其大學士劉中藻攻之。登華欲降。疑未決。曰海上豈有天子。舟中豈有國公。錢肅樂致書曰。將軍獨不聞南宋之末。二帝並在海上。張陸並在舟中乎。登華遂以城附於以海。以海復遣兵部右侍郎林汝翥。字大藏。福清人。文選員外郎林塗。字子野。汝翥同邑人。以鄉兵攻福清。戰敗。塗殉於陳。汝

就翥執諭降。不從。繫之。吞金屑而死。汝翥賜諡忠節也。賜諡烈愍。

黎平之役

○清兵克黎平。○故明總督蕭曠本武昌諸生為劉承允偏裨何騰蛟

令管黎平參將事及承允降令降將陳友龍招曠曠不從已而城破曠死

之友龍遂盡刼騰蛟眷屬以去。

曠賜諡烈愍。

○十一月清兵克沅州。○尚可喜克沅州明貴州巡撫米壽圖死之偏

沅巡撫傅上瑞出降踰年與劉承允並誅死。

○清兵攻全州不克。○清兵既定湖南進攻全州灌陽何騰蛟率焦璉

郝永忠盧鼎趙印選胡一青等五將合力守拒大戰全州城下會清兵解

圍去由榔以為騰蛟等功加騰蛟太師鼎與璉并進爵為侯封趙印選新

寧伯胡一青興寧伯。

○清兵克梧州。○明總兵陳邦傳在梧州遣舟師攻肇慶遇清兵遊騎

輒驚潰清兵泝流追擊徑上梧城邦傳不知所為急遁還潯州清兵遂入

梧州。

○十二月明主由榔還桂林。○由榔在象州聞梧州復破欲走南寧瞿

式耜等力爭乃以是月初五日還桂林以嚴起恆為大學士與式耜王化

澄同入直何騰蛟乃出督師。

全州之役

梧州之役

○清兵克全州 ○郝永忠駐全州有言陳邦傳將襲其輜重之在會城者永忠卽撤兵馳還桂林盧鼎從之焦璉不知其故亦倉皇走平樂人情危駭守全諸將議遣使請降監軍御史周震力爭不可衆怒曳出斬之全州鎮道遂舉城來附

○戊子五年春正月總兵金聲桓叛以江西附於明主由榔 ○聲桓本

左良玉部將清兵南下聲桓自九江率衆歸附令與降將王體忠合營規

取江右聲桓計殺體忠以其黨王得仁代之得仁亦闖部裨將所稱王雜

毛者也江西旣平授聲桓總兵恃衆驕恣江西巡撫每裁制之聲桓得仁

心怏怏嘗遣其客雷德復通欵於由榔以聲桓妻子在京師未敢發會有

以兩人陰事告巡按御史董學成者聲桓得仁懼適其妻孥亦自京師至

反謀遂決以是月二十五日開城門部勒全營圍學成官署殺之並及副

使成大業報巡撫章于天於江中迎明在籍大學士姜曰廣入城以資號

召遣人奉表由榔由榔封聲桓昌國公得仁新喻侯得仁統兵取九江揚

言將窺江寧或說聲桓曰贛州居省上流文武督在焉宜先攻贛不然且

伺我後聲桓從之立召得仁還與並力犯贛以宋奎光守南昌遂圍贛州

清兵守禦甚固久之不能拔聲桓乃令得仁往綴章貢上下而引兵踰嶺

### 攻雄韶

○明朱容藩稱監國於夔州尋敗死 時四川地尚附由榔容藩本明

宗室奉由榔命爲總制而李乾德楊喬然江爾文又先後以巡撫至各自署置官多於民諸將亦皆擁兵自雄由榔總督尙書樊一蘅令不行惟保敘州一郡會廣西危迫川中相傳由榔已死容藩遂僞稱監國天下兵馬副元帥建行臺於夔州稱制封拜御史錢邦芑傳檄討之堵允錫以湖南地失無所歸由貴州走蜀見容藩責以大義曉譬利害其黨頗散由榔命其大學士呂大器代王應熊督師四川大器至涪州過將軍李占春營具言由榔無恙容藩乘機僭竊當得罪占春以爲然李乾德亦檄諸將致討容藩窘乃北依譚詣兄弟以兵攻石砬土司占春援之容藩兵敗走死雲

### 陽

○二月清兵至靈川明主由榔奔南寧 郝永忠在桂以不得抄掠與

瞿式耜構難式耜力調劑永忠乃移駐興安至是清兵前驅至靈川永忠戰敗奔入桂林請由榔卽夕西走式耜力持不可言督師警報未至無大

明主奔南寧

夔州之師

卿不過死  
欲予社稷

清兵克興化

盡復明監國所  
取諸州縣

恐若播遷不已國勢愈弱兵氣愈難振民心皇皇復何所依不聽由榔左  
右皆請速駕式耜又言候督師還背城借一勝負未可知若以走為策則  
何地不危反覆數百言由榔曰卿不過欲予死社稷爾式耜為泣下沾衣  
嚴起恆曰明日當議之迨夜半由榔已行甫出城永忠即大掠捶殺太常  
卿黃太元式耜家亦被掠家人矯何騰蛟令箭乃得釋日中趙印選諸將  
自靈川至亦大掠城內外如洗永忠走柳州印選等走永寧明日式耜息  
城中餘燼安撫遠近焦瑾及諸鎮周金湯熊兆佐胡一青等各率所部至  
騰蛟亦自永福至民心轟定由榔自象州走南寧

請說率土兵略江右不聽天麟乃趨謁  
由榔於南甯○天麟字游初鹿山人

故少詹事朱天麟寓居安平  
土州由榔召為大學士天麟

三月清兵克興化遂盡復明監國魯王以海所取諸州縣

魯王以

海自航海後數遣兵擾閩境先後攻取三府一州二十七縣軍勢頗盛自

清兵進討克興化城以海大學士朱繼祚及參政湯芬

字芳侯嘉善人

給事中林

喟

字小眉莆田人

知縣都廷諫

杭州人

等並死之

繼祚賜諡忠節芬賜諡烈  
喟賜諡忠節

遂連克永福

長樂建寧諸郡縣

永福破邑人給事中鄧正讖御史林達標俱投水死長樂破邑人御史王  
恩及服毒死妻李氏同死建甯破守將王祈卷戰不勝自焚死○正讖達

凡以海所據地一時盡復以海更不敢犯閩乃謀窺浙東

時沈宸荃  
稟家從以



遼肅親王豪格

海於海外。以海擢為大學士。尋船樂在舟中。以鄭彩專恣。憂憤嘔血。聞連江破。以頭觸牀而死。故相葉向。高曾孫進。岳。葬之。福於黃葉山中。樂賜諡忠節。

○革鄭親王濟爾哈朗爵。遼肅親王豪格幽繫之。○貝子屯齊尙善屯

齊喀及公扎喀納富喇塔努賽等共訐告鄭親王濟爾哈朗。當太宗崩時

欲立肅親王為君。以今上為太子。詞內牽連諸人。齊集質訊。經王大臣議

上得旨。鄭親王革去親王爵。降為多羅郡王。餘得罪者凡數十人。肅親王

以滅賊有功。免其死罪。幽繫之。至閏四月復鄭親王爵。

○譚泰等既奉命自江寧

赴九江。引兵二十萬討金聲桓。連克九江南康饒州諸府。進薄南昌。而令

別將搜麥源青嵐諸道。薄西山。未下營。血刃已數百里。清兵遂圍南昌。聲

桓兄成功密約來降。宋奎光謀知殺之大兵。攻得勝門。城壞數處。奎光囊

土塞之。得不破。報至贛。聲桓等大懼。撤兵急回。贛人掩擊。亡其大半。至南

昌中伏。大敗於七里街。遂盡撤城外屯。兵入城堅守不出。其部將請戰不

聽。遣所署江西巡按吳尊周乞師於明主。由榔尊周盡匿敗狀。但盛誇其

強。由榔喜。以尊周為總督。清兵見聲桓終無出兵之意。乃用鎖圍法。東自

王家渡屬灌城西。自鷄籠山屬生米渡掘濠。載版起土城。自是內外耗絕。

譚泰討江西

李成棟  
之變

廣東復  
歸於明

天津張  
氏之案

明復全  
州

已而城中糧盡人相食乃大出居民聲桓等情實盡為清兵所得因以餘暇略定諸郡縣聲桓等但守空城而已時揭重熙傳鼎銓皆聚兵應聲桓由榔以重熙為兵部尚書總督江西兵鼎銓為兵部右

侍郎兼翰林院侍讀學士重熙以前部兵犯邵武敗選鼎銓往援聲桓亦敗走清兵克都昌督師尚書余應桂死之傳鼎銓字維衡臨川人余應桂賜諡忠節

夏四月提督李成棟叛以廣東附於明 成棟本高傑部將以徐州

總兵來降從王師平粵用為提督後成棟以不喜受總督佟養甲節制常

懷異謀及是金聲桓誘之同反計益決是月十一日黎明成棟令其兵集

教場聲言索餉欲為變成棟請養甲出城撫輯養甲至眾兵呼噪劫之以

叛遂傳檄各屬遣使附於明主由榔廣西巡撫耿獻忠聞之亦舉梧州叛

降由榔由榔封成棟惠國公養甲襄平伯以獻忠為兵部尚書初清兵破廉州推官張孝

起謀以兵拒就獲不屈羈軍中至是脫歸由榔以為吏科給事中孝起吳江人

殺天津婦人張氏 天津婦人張氏自稱故明天啓皇后同黨王禮

張天保私製玉印令旗謀為不軌被獲伏誅

五月明主由榔遣兵復全州 時金聲桓李成棟相繼叛清兵在湖

南者姑退何騰蛟乘間復全州並遣保昌侯曹志建宜章侯盧鼎新興侯

焦璉新寧侯趙印選等進攻永州

○六月明主由榔至潯州。○時李成棟請由榔入廣東由榔將赴之瞿式耜不可語還桂林疏言駕若東幸軍中將帥謂朝廷樂新復之士成棟亦有邀駕之嫌號令既遠人心渙散臣不能制也再疏令檢討蔡之俊往迎又疏令給事中蒙正發往迎由榔俱不報遂至潯州封潯帥陳邦傳爲慶國公邦傳請世居廣西如黔國公故事大學士朱天麟執不允邦傳怒以慶國公印尙方劍擲天麟舟中要必得仍報不允瞿式耜亦特疏劾之會諸臣多爭者邦傳乃止。

○秋八月明主由榔至肇慶。

○瞿式耜慮李成棟挾由榔自專如劉承

允事復上疏力爭由榔乃駐肇慶成棟進謁由榔拜成棟大將軍以其子元允爲錦衣指揮使封南陽伯成棟言式耜擁戴元臣不宜久在外由榔召式耜式耜願留桂林終不入然聞政有闕失必具疏力諫嘗曰臣與主上患難相隨休戚與共不同他臣一切大政自得與聞由榔雖褒納不能盡從也時由榔諸臣各自樹黨從成棟至者朱天麟嚴起恆王化澄晏清吳貞毓吳其雷洪士彭尹三聘許兆進張孝起皆自恃舊臣詆斥曹耿等久之復分吳楚兩黨主吳者天麟孝起貞毓化澄及李用楫堵允錫萬翔

程源郭之奇皆內結馬吉翔外結陳邦傅主楚者都御史袁彭年少詹事劉湘客給事中丁時魁蒙正發金堡皆外結瞿式耜內結李元允元允方握政柄彭年等倚爲心腹擊權殖貨勢甚張時人目爲五虎初彭年嘗論事由榔前語不遜由榔責以君臣之義彭年勃然曰儻向者惠國以五千鐵騎鼓行而西君臣義安在由榔變色大惡之至是彭年等謀攻去吉翔邦傅權可獨擅也令堡疏陳八事劾邦傅十可斬吉翔及中官龐天壽大學士起恆化澄與焉起恆化澄乞去天麟奏留之堡與時魁等復相繼劾起恆化澄天壽無已太妃召天麟面諭武岡危難賴吉翔左右令擬諭嚴責堡等天麟爲兩解卒未嘗罪言者而彭年等益怒不止由榔知羣臣水火甚令盟於太廟然黨益固不能解

○九月纂修明史

先是順治二年六月命內三院大學士馮銓洪承

疇李建泰范文程剛林祁允格等纂修明史至是因明史闕天啓四年七年實錄及崇禎元年以後事蹟諭著在內六部都察院衙門在外督撫鎮按及都布按三司等衙門將所闕年分內一應上下文移有闕政事者作速開送禮部彙送內院以備纂收

綱定諸王官民嫁娶禮。目初諭禮部滿漢官民有欲聯姻好者聽之。至是定諸王官民嫁娶禮。

綱冬十月殺明降將劉澤清。目以勾連曹邑叛徒謀爲不軌也。

綱十一月大同總兵姜瓖叛。目大同總兵姜瓖原爲明降將清廷命鎮

大同常反側不自安會蒙古喀爾喀部克楚虎爾行獵近邊朝廷遣英親王阿濟格統兵戍大同瓖疑其圖已恐懼遂叛英親王引兵圍之久而不下十二月朝廷特降諭瓖令其悔罪歸誠諭曰前因有事北方蒙古故命英王至大同爾爾等全無干涉若爾有罪安用此詭計爲天下主儻舉動如此其誰信之此必有奸人煽惑離間爾等今爾如悔罪歸誠仍侑其過愆照舊恩養瓖不聽命

殺明降將劉澤清  
大同姜瓖之變

清鑑綱目卷之三

鹽城印鸞章編輯 金式陶 張延壽 趙雪 胡應庚 校訂

●世祖章皇帝

朝鮮遣使入貢

綱已丑六年明永曆帝三年 魯監國四年春正月朝鮮遣使入貢 帝遣大學士剛林

傳諭朝鮮國使臣曰朝鮮一年一朝原定閣臣一員尚書一員書狀官一

員共三員代覲今念爾國閣臣尚書垂白衰老者頗多且道路遙遠此後

或閣臣尚書一員侍郎一員令其代覲書狀官仍舊

綱清兵入湘潭明督師大學士定興侯何騰蛟死之 先是去年冬何

騰蛟遣曹志建等攻永州圍城三月大小三十六戰遂為所陷未幾由榔

監軍御史余鯤起職方主事李甲春陷寶慶別將陷衡州馬進忠陷常德

王進才李赤心高必正等陷桃源澧州臨武藍山道州靖州荆門宜城諸

州縣湖南地大半復為由榔所據騰蛟議進兵長沙瞿式耜以機會可乘

請由榔還桂林圖出楚之計不納至是總制堵允錫與馬進忠有隙因令

李赤心高必正爭進忠所取常德進忠大怒盡驅居民出城焚廬舍走武

岡寶慶守將王進才亦棄城走他守將皆焚營潰湖南州縣為一空赤心

湖南大半為由榔所據

湘潭之戰

何騰蛟  
死節

明罷朱  
天麟

等所至見皆空城旋棄走東趨長沙騰蛟時駐衡州大駭乃令允錫向江西檄進忠由益陽出長沙期諸將畢會而親詣忠貞營邀赤心入衡部下卒六千人懼忠貞營掩襲不護行止攜吏卒三十人往將至聞其軍已東卽尾之至湘潭湘潭空城也赤心不守而去騰蛟乃入居之清兵知騰蛟入空城遣大將徐勇引軍入勇騰蛟舊部也率其衆羅拜勸騰蛟降騰蛟大叱勇遂擁之去絕食七日乃殺之諸軍遂散赤心等走廣西

騰蛟賜  
諡忠誠

○明主由榔罷其大學士朱天麟等官

○陳邦傅訐金堡官臨清嘗降

流賊受其職且請爲己監軍朱天麟因擬諭譏堡大憤丁時魁乃鼓言

官十六人詣閣詆天麟至登由榔所居殿大譁棄官擲印而出由榔方坐

與侍臣論事大驚兩手交戰茶傾於衣急取還天麟所擬諭而罷天麟遂

辭位由榔慰留再三不可陛辭叩頭泣由榔亦泣曰卿去余益孤矣初時

魁等謂所擬出嚴起恆意欲入署歐之是日起恆不入而天麟獨自承遂

移怒天麟逐之去並逐其弟爲行人兩子爲御史中書舍人者天麟移居

慶遠王化澄貪鄙無物望亦爲時魁等所攻碎冠服辭去由榔乃召何吾

騶黃士俊入直

吾騶尋亦爲登等排去獨士俊起恆在由榔乃復召天麟天麟不至上疏言今國勢累卵路人皆知而建言者絕不問瑣屑一人一事掉頭以手曰

我古遺直也。今而後謂勿以四方無利害者。爲極重大事。而獨使主上憂社稷。其意亦爲堅等發也。

**附記**

乃自神宗以後。科第諸臣。連私逞臆。把持朝政。黨福交相。桂王崎嶇。諸海事。愈然而。生之體。通退無據。若此。而世盜稱之。可怪也已。

金聲桓  
敗死

李成棟  
敗死

清兵克南昌。金聲桓敗死。明故大學士姜曰廣死之。時南昌圍既

久。聲桓部將湯執中守進賢門。其偏裨約來降。清兵因以厚陳。佯攻得勝

門。礮聲聞三百里。聲桓等悉衆赴之。而奇兵已從進賢門登雲梯而上。城

遂破。聲桓中二矢。赴池水死。生禽王得仁及宋奎光。劉一鵬。郭天才等。皆

殺之。明大學士姜曰廣投僂家池死。瑞州臨江袁州諸府皆平。曰廣賜諡忠確。

二月清兵至信豐。李成棟敗死。初南昌被圍。成棟欲援南昌。贛將

王進庫與成棟僞約降。以援其師。成棟信之。及聞南昌急。成棟遂由南雄

盡率部衆及峒蠻土寇。號稱百萬。度嶺攻贛州。以救南昌。營柵未立。會巡

撫劉武元。總兵胡有陞等出擊。大敗之。成棟單騎走。斬首萬餘級。俘獲無

算。成棟走南康。退屯信豐。至是清兵既定南昌。泝流援贛。直趨信豐。成棟

兵敗。諸將欲拔營歸。成棟不可。天久雨。召諸將議事。去者已大半。成棟命

酒痛飲。既大醉。左右挽之上馬。渡水。水漲。人馬俱沉。三日後。見成棟植立



水中始知其死。諸營皆潰。清兵追至南雄城下而還。明主由榔以杜永和爲兩廣總督。駐廣州。代成棟。嚴可義守南雄。可義尋死。以羅成耀代之。命瞿式耜以留守督師。兼江楚各省兵馬。

姜瓖敗死

○攝政王多爾袞率師征大同。○姜瓖叛後。朝廷特降諭旨。令其悔罪。

而瓖不聽命。至是命攝政王多爾袞統兵征大同。多爾袞師次古兒班口。有喀爾喀碩雷汗下七人攜妻子來歸。言碩雷汗兵馬距我國有十日程。散處于野。多爾袞因止大同之行。議出張家口。趨喀爾喀。遣人調外藩蒙古兵。尋師次察喜兒土察汗腦兒。以軍中馬瘠。且蒙古道路無水。遂罷往喀爾喀。轉趨大同。遣人止外藩蒙古兵。三月多爾袞拔渾源州。師至大同。薄城諭姜瓖迎降。瓖報書略謂闔城之人誓死。王縱開誠肆赦。誰敢據信。是惟更降一諭。明指以全活之方。王覽啓怒甚。會吏部以輔政德豫親王多鐸出痘。往啓王。王卽班師。是年秋大同城中食盡。兵民皆餓死。餘兵無幾。瓖部下楊振盛等二十三人。以八月二十六日合謀斬瓖。並其兄琳弟有光。首級來獻。大同遂平。

大同平

德親王多鐸卒

○輔政德豫親王多鐸卒。○多鐸爲攝政王之同母弟。入關時。封爲定

清兵克  
衡州

國大將軍率師取陝西平江南而戰功高進封為輔政德豫叔王至是卒  
年三十六時攝政王師次居庸關計至立去纓易素服號泣馳歸日暮入  
京城臨喪德豫王二福晉請殉攝政王再三慰解請益力遂許之

三月清兵克衡州 何騰蛟既死堵允錫乃入衡州與胡一青固守

清兵至戰敗一青走廣西允錫走桂陽清兵遂入衡州初李赤心之入廣  
西也緣道淫掠龍虎關守將曹志建惡之並惡允錫或說志建允錫將召  
忠貞營圖志建志建夜發兵圍允錫殺從卒數百千人允錫及子逃入富  
川猺峒志建索之急猺潛送允錫於監軍僉事何圖復問關達梧山會明  
主由榔遣嚴起恆劉湘客安輯忠貞營至梧而赤心等已走賓橫二州乃  
載允錫謁由榔於肇慶志建遷怒圖復誘殺之闔門俱盡

**附記**

明季兵政廢弛上無約束任其縱肆或緣道淫掠或索金鼓譟卒至闔獻橫行無一  
人足資禦侮者况復粵西假息子遺幾何諸將如郝永忠李赤心等尙復縱兵火劫

曹志建且擅殺職官蜀門俱盡武臣恣橫紀律蕩然  
亦由習見崇禎時之悍將驕兵而貽害遂至此極也

清兵克福安明大學士劉中藻死之 魯王以海大學士劉中藻既

陷福寧旋移駐福安固守不下至是清兵破城中藻冠帶坐堂上為文自  
祭吞金屑死時以海既盡失閩地鄭彩見事勢窮蹙遂棄以海去張名振

清兵克  
福安

招民墾  
荒田

孫可望  
求封於  
明

封可望  
景國公

阮進奉以海遁居南田

劉中藻賜  
諡烈愍

夏四月招民勸墾荒田

詔地方無主荒田由州縣官招徠逃亡給

以印信執照開懇耕種永准爲業滿六年後視察成熟畝數方准奏議徵

收錢糧

夏四月孫可望遣使求封於明主由榔

可望既得雲南故明在籍

御史臨安任僕議尊可望爲國主以干支紀年鑄興朝通寶錢而李定國

劉文秀故可望同輩一旦自尊兩人不爲下可望以事杖定國演武場欲

以威衆孫李益有隙可望聞明主由榔在肇慶李錦等並加封爵念得朝

命加王封庶可相制議遣使奉表楊畏知亦素以尊主爲言乃遣畏知及

永昌故兵部郎中龔彝赴肇慶進可望表請王封由榔大學士嚴起恆給

事中金堡等皆持不可畏知曰可望欲權出劉李上爾今晉之上公而卑

劉李侯爵可也乃議封可望景國公賜名朝宗定國文秀皆列侯遣大理

寺卿趙昱爲使加畏知兵部尙書彝兵部侍郎同行時堵允錫駐梧州

先

允錫至肇慶結款馬吉類欲圖李元九由榔不悅丁時魁

金堡又論其喪師失地由榔因令其總統兵馬移駐梧州

允錫曾賜空敕得便宜行事

昱就與謀允錫念李赤心等不足恃欲遙結可望爲強援矯命改封平遠

鑄命封秦王

二次求封

高必正責可望

清兵定湖南

王易敕書以往自恨發病卒武康伯胡執恭者慶國公陳邦傅中軍也守泗城州與雲南接亦欲自結可望言於邦傅先矯命封可望秦王曰藉其力可制李赤心也邦傅乃鑄金章曰秦王之寶璽所給空敕令執恭齎行可望大喜郊迎亡何畏知等至可望駭不受曰我已封秦王矣畏知曰此僞也執恭亦曰彼亦僞也其時明主所封實景國公敕印故在可望怒辭敕使下畏知及執恭獄明年六月可望復遣使至梧州問故並望真得秦王封使至由榔乃知矯詔事瞿式耜上疏請斬胡執恭不納馬吉翔議封可望激江王使者言非秦不敢復命大學士嚴起恆等仍持不可時高必正尚在梧州召使者與言曰本朝無異姓封王例爾孫氏竊據一隅封上公足矣安敢冀王自今當與我同心報國洗去賊名毋欺朝廷孱弱我兩家士馬足相當也又致書可望詞嚴義正使者唯唯退議遂寢可望不得封益恨怒

八月清兵定湖南 定遠大將軍鄭親王濟爾哈朗等帥師克辰州

進攻寶慶王進才馬進忠等戰敗遁去分兵定沅州靖州守將皆望風棄城走至永州周金湯熊兆佐等立柵大松橋拒戰敗之下其城復克黎平

府郝永忠奔永從縣清兵躡其後永忠返擊破之永忠攜妻子潛遁湖南  
悉平未幾詔濟爾哈朗班師

明魯王  
入舟山

○九月明監國魯王以海遁入舟山 ○以海以七月中至健跳所 江在浙

海縣東北清兵圍之會阮進救至得解去時張肯堂方以私財募兵海上以海

遺肯堂書云將北還舟山約肯堂共事至是以海遂遣張名振阮進合兵

討斬黃斌卿入居舟山以肯堂為大學士吳鍾巒為禮部尚書

遣將徇  
兩廣

○十一月孔有德耿仲明尚可喜徇兩廣仲明行至江西自盡死 ○夏

五月朝廷改封恭順王孔有德為定南王令率所部兵二萬人往徇廣西

挈家駐防其全省巡撫道府州縣各官並印信俱令攜往又改封懷順王

耿仲明為靖南王率所部兵一萬人改封智順王尚可喜為平南王率所

部兵一萬人合共二萬往徇廣東挈家駐防其全省巡撫道府州縣各官

並印信俱令攜往至十一月仲明行至江西吉安府其部下牛象章京魏

國賢旗鼓劉養正隱匿滿洲逃人辭連仲明奉嚴旨申飭仲明遂自盡死

清兵克  
南雄

○冬十二月清兵克南雄 ○平南王尚可喜靖南王耿繼茂 繼茂耿仲明子仲明既死

詔以繼茂襲封為靖南王代領其軍等帥師征廣東除夕潛兵襲南雄明守將江起龍倉皇棄

清兵克韶州

明下金堡等於獄

五虎被劾

清兵圍廣州

城去羅成耀方駐韶州聞之亦棄輜重走高州

**綱**庚寅七年明永曆帝四年魯監國五年春正月清兵克韶州明主由榔奔梧州 **目**是

月六日清兵下韶州由榔聞庾關不守大懼急登舟走梧州加馬吉翔兵

部尚書與南陽伯李元允督守肇慶瞿式耜馳書請留不聽陳邦傳謁由

榔於梧州以其將茅守憲率兵入衛

**綱**二月明主由榔下其給事中金堡等獄 **目**堡等既連逐大臣勢益橫

戶部尚書吳貞毓等欲排去之畏李元允為援不敢發會由榔走梧州元

允留肇慶陳邦傳適遣兵入衛貞毓郭子奇萬翱程源乃合諸給事御史

劾袁彭年劉湘客丁時魁蒙正發及堡等五人把持朝政罔上行私罪由

榔以彭年有歸附功免議下堡等錦衣獄杖之大學士嚴起恆跪由榔舟

力請留守大學士瞿式耜七疏論救皆不納命法司定議堡以語觸時忌

與時魁並謫戍湘客正發贖配追賊 由榔再召朱天麟大麟疏言年來百爾排爭益

退當奮然自將文武諸臣盡振甲胄臣亦抽峒丁擲土囊募水手經略嶺北湖南為六軍倡若徒貴票擬以為主持政本今政本安在乎時清兵日僞由榔不能從但召天麟入直進官而已

**綱**清兵圍廣州 **目**時李赤心已死養子來亨代領其眾推高必正為主

清兵圍廣州桂王由榔命陳邦傳與必正東援邦傳故與李元允有隙意

在修怨又憾必正等之屢擾其境也陰令副將姚春登等連結土司會來  
亨等調兵土司遂相讎殺必正怒而歸邦傳駐清遠馬吉翔駐三水俱不  
敢進廣州城守久李元允弟建捷拒戰甚力由榔封為安肅伯

清兵克全州

○清兵克全州

○平南王孔有德率師征廣西曹志建戰敗清兵入龍

虎關

即鎮峽關在廣西恭城縣北

馬進忠復敗於瓜里走入武岡桂林大震百姓苦諸鎮

師長驅入全州開國公趙印選居桂林衛國公胡一青守榕江與寧遠伯

鈔掠兢迎王王承祚皆懼不敢出清兵遂入嚴關

在廣西與安縣西南

無一禦者

○夏六月明主由榔罷其大學士嚴起恆官尋召還

○起恆潔廉遇事

持平與馬吉翔龐天壽共患難久無所忤五虎憾起恆詆為邪黨及五虎

得罪起恆反力救吳貞毓等惡之乃請召還王化澄而合攻起恆給事中

雷德復劾其二十餘罪比之嚴嵩由榔不悅奪德復官起恆力求罷由榔

挽留之不得放舟竟去會鄖國公高必正入朝貞毓欲藉其力以傾起恆

言朝事壞於五虎主之者起恆也公入見請除君側姦數言決矣必正許

之有為起恆解者謂必正曰五虎攻嚴公嚴公反救五虎此長者奈何以

為姦必正見由榔乃力言起恆虛公可任請由榔手敕邀與俱還

嚴公反救五虎

明罷嚴起恆

孫可望  
入貴州

復入四  
川

攝政王  
不豫

清兵克  
廣州

清兵拔  
桂林

○秋九月孫可望帥兵至貴州復入蜀據嘉定蜀馬府今爲四川樂山縣○初可望不

得封頗快快至是引兵由雲南東襲貴州匡國公皮熊走清浪衛追執之

奪其兵又遣白文選攻破遵義忠國公王祥自刎死降其衆二十餘萬張

先璧馬進忠皆歸可望勢益強可望既據貴州復思圖蜀會嘉定楊展爲

袁韜所殺可望爲展訟冤使王自奇將兵由川南進而別遣劉文秀渡金

沙河出黎州趨嘉定陷之文秀遂據蜀己而文秀還雲南留白文選守嘉

定明年三月清兵攻克之文選遁走明巡撫川南僉都御史范文光巡撫

川北僉都御史詹天顏俱不屈死文光天顏俱賜諡忠節

○冬十月攝政王不豫○王以有疾不豫率諸王貝勒貝子公及八旗

固山額真等官兵獵於邊外之喀喇城十一月至邊外

○十一月平南王尙可喜攻克廣州○廣州城三面臨水李成棟在時

復築兩翼附於城外爲礮臺水環其下清兵攻圍十閱月不下杜永和偏

將范承恩約內應決礮臺之水清兵藉薪徑渡遂得礮臺是月二日克其

城承恩來降永和由海道奔瓊州

○定南王孔有德攻拔桂林明留守大學士臨桂伯瞿式耜等死之○



王永祚胡一青俱以領餉入桂林榕江一帶皆空壁清兵益深入是月五

日式耜檄趙印選出城為戰守計不肯行再趣之則盡室逃一青及武陵

侯楊國棟綏寧伯蒲縵寧武伯馬養麟亦逃去永祚迎降城中無一兵式

耜端坐府中家人亦散部將戚良勛請式耜上馬速走式耜堅不聽叱退

之適兵部侍郎總督諸路軍務張同敞同敞以式耜薦為總督有文武才每出兵輒

復還戰或取勝軍中以是服之自靈川至見式耜式耜曰我為留守當死此子無城守責盍

去諸同敞正色曰昔人恥獨為君子公顧不許同敞共死乎式耜喜取酒

與飲一老兵侍式耜令召中軍徐高付以敕印屬送明主由榔是夕兩人

秉燭危坐達旦黎明數騎至式耜曰吾兩人待死久矣遂與偕行至則踞

坐於地諭之降不從令為僧亦不從乃幽之民舍兩人雖異室聲息相聞

日賦詩倡和得百餘首閱四十餘日將就刑式耜從容肅衣冠南向拜訖

與同敞並死同敞屍植立首墜躍而前者三人皆辟易式耜賜諡忠宣同敞賜諡忠烈

**綱**明主由榔奔南寧孫可望殺其大學士嚴起恆等 **目**由榔至潯州亂

卒夜掠街市火光燭天由榔亟解維衝雨而去陳邦傳在清遠飛帆先歸

邀劫從官于藤江殺部郎潘駿觀童英許玉鳳等由榔踉蹌至南寧胡一

豐式耜  
死節

明主奔  
南寧

嚴起恆  
被戕

攝政王  
多爾袞  
卒

青趙印選率兵駐賓州時孫可望在貴陽勢甚盛由榔見事急乃遣偏修

劉苴封孫可望冀王可望仍不受楊畏知曰秦冀等爾假何如真可望不

聽李定國等勸可望遣畏知終其事可望許之先遣部將賀九儀張勝張

明志等率勁卒五千迎由榔九儀直上嚴起恆舟怒目攘臂問王封是秦

非秦嚴起恆曰君遠迎主上功甚偉朝廷當有隆恩若專問此事是挾封

非迎主上也九儀怒格殺之投屍於江遂殺給事中劉堯珍吳霖欽縣人張

載述涇縣人追殺兵部尚書楊鼎和於崑崙關皆以阻封議故後起恆鼎和俱賜諡忠節堯珍

霖載述俱賜諡烈愍朱天麟力勸由榔從可望請赴雲南諸臣以起恆被殺皆不可乃

命天麟經略左右兩江土司而真封可望為秦王畏知旋至痛哭自劾語

多侵可望由榔因留為東閣大學士與吳貞毓同輔政可望聞之怒使人

召至貴陽面責數之畏知大憤除頭上冠擊可望遂被殺楚雄人立祠以

祀長知賜諡忠節

十二月攝政睿親王多爾袞卒圖多爾袞者太宗之同母弟也初太

宗兄弟十六人多遭誅黜惟多爾袞慧黠不觸嫌疑太宗甚寵異之自太

祖太宗開國創業多爾袞身在行間無役不從諸將莫不畏服帝冲齡踐

攝政時代之略

籠絡政

高壓政策

皇父攝政王

祚而中外晏然無反側之舉多爾袞之力也始多爾袞之入關也開國規制多採之降臣洪承疇知中國民情所在頗用籠絡主義如爲明崇禎帝之發喪也盡除明季加派各稅餉及廠衛諸弊政也命文臣衣冠暫從明制也除貫耳穿鼻割脚筋等刑也凡此皆欲以和緩中國人反對滿族之心志也及江南既定一變而爲高壓主義如順治二年六月毅然下薙髮令厲行薙髮盡除明朝服制違者殺無赦九月籍明室公侯伯駙馬皇親田地分給旗人耕種三年五月嚴隱匿滿洲逃人之禁犯者多死四年正月漕運總督因請故明陵寢祀典革職治罪凡此皆其政術權謀令人不可測者也惟多爾袞攝政既久威權益重帝事之謹宮中宴見輒用家人禮且明詔天下尊爲皇父攝政王百官上牋啓悉稱臣諸王貝勒相見白事無不跪拜者而多爾袞亦自以元輔懿親與國同體君臣之間不存形迹凡批答章奏卽用皇父攝政王旨行之世祖惟端拱聽命而已順治二年十二月多爾袞嘗集諸王大臣傳語曰今觀諸王大臣但知諂予未見有尊崇皇上者又三年四月王諭內院嗣後諸王大臣差遣在外凡有啓奏具本御前予處啓本著永行停止又六年十二月多爾袞妃卒八旗牛

帝始親政

詔停織造差催

象章京以上皆令成服。凡此可見當時多爾袞威權隆重之一班。至是因獵於邊外，遇病卒於喀喇城。年三十有九歲。訃聞至京，帝震悼，詔臣民易服舉喪。丙申，柩至。帝率諸王貝勒、文武百官，易縞服出迎于東直門五里外，哭奠盡哀。隨下詔曰：太宗文皇帝升遐之時，諸王大臣擁戴皇父攝政王，堅持退讓，扶立朕躬。又平定中原，統一天下。至德豐功，千古無兩。不幸於順治七年十二月初九日戌時，以疾上賓。朕心摧痛，中外喪儀，合依帝制。明年正月，復詔附皇父攝政王主於太廟，廟號成宗義皇帝。

**綱**辛卯順治八年明永歷帝五年 魯監國六年春正月，帝始親政。 **目**多爾袞既卒，政權

始歸於上。是日，御太和殿，諸王羣臣上表行慶賀禮，頒詔大赦天下。以蘇

克薩哈額駙蘇納長子詹岱為議政大臣。

**附錄**

順治八年以前為攝政王多爾袞攝政時期。八年以後帝始親政，是為帝親政時期。

**綱**詔停織造差催。 **目**帝初親政，即詔停貢漢中柑子、江南橘子、河南石

榴。至是復諭戶部略謂：各處織造所以供朝廷服御賞賚之用，勢不可廢。

但江寧、蘇州、杭州三處織造已有專設官員管理，又差滿洲官並烏林人

役催督，不但糜費，抑且騷擾。嗣後著停止差催，止令專管官員照發去式。

樣織造解京應用陝西織造絨褐粧蟒殊屬無用買辦皮張之處亦屬煩擾著一併停止又諭停止江西貢碗

宣示攝政王罪狀

二月宣示攝政睿親王多爾袞罪狀撤去廟享並奪封典襲爵

容鄭兩派勢容派得

是帝嗣位之初睿親王多爾袞本與鄭親王濟爾哈朗同受遺詔輔政及

鄭派活

吳三桂乞師多爾袞統兵入關定鼎中原功業隆大威權自擅擯棄鄭親

勢容派得

王不使與政而引用私黨以其母弟豫親王多鐸輔政中外大權悉入多

動鄭派活

爾袞掌握順治五年加封為皇父攝政王常出入皇宮內院一時有太后

狀親王非

下嫁之傳說鄭親王等畏其威勢其黨相率隱忍不敢發言及順治七年

十二月多爾袞獵於邊外遇疾卒於喀喇城於是鄭親王一派乃大活動

本年元月近侍蘇克薩哈首先告發多爾袞私製帝服藏匿御用珠寶指

為潛圖不軌之證於是鄭親王等遂合詞論證其罪疏劾多爾袞罪狀略

謂太宗賓天時多爾袞即陰謀自立其弟豫親王多鐸又朝夕勸進入關

以後僭妄益著第宅仿宮闕儀仗擬至尊九州貢賦悉入邸中金銀珍寶

不可計數又請以生母納喇氏入祀太廟逼殺肅親王豪格而納其福晉

博爾濟錦氏為妃威福已出生殺任情天下知有睿親王不知有皇上似

順治八年之政變

勢鄭派得

黨矯治容

此僭妄非追治其罪不足以昭綱紀而警有位疏上詔下廷議於是撤去睿親王帝號廟享家產皆藉沒入官母妻封典悉行追奪停其嗣子多爾博封爵同母弟豫親王多鐸以血戰功大降為郡王大學士剛林祁充格俱以阿附置重典其黨何洛會吳拜蘇拜羅什博爾惠等俱伏辜是為順治八年之政變自此次政變後朝廷政權一轉而為鄭親王派所佔有而世祖即以是歲親裁大政凡昔與多爾袞同黨者悉誅鋤之九年三月以追論同黨故詔暴拜尹圖鞏阿岱錫翰席訥布庫冷僧機罪狀拜尹圖以年老免死禁錮獄中鞏阿岱四人皆伏誅至十六年六月巽親王滿達海端重親王博洛敬謹親王尼堪等猶以獻媚多爾袞故獲罪終帝之世誅斥其同黨未有底止

**附記**

多爾袞或福自擅罔罪無可辭而經營締造之助實冠諸王之上當是時備無多爾袞清人能否立國尙未可知然功高豐主勝亦隨之身沒未寒而其宗幾殞滋可哀矣

矣使多爾袞果有異志則入關之初竟即尊位孰敢持異議而乃遜避沖人退守臣節其心志之無他不可與天下以共見哉然世祖所以必欲窮治其罪者則反出入皇宮事至太后

下嫁事之有無雖未可知而董言紛起豈能忍受况肅親王妻格為世祖胞兄有削平桑蜀大功未聞顯過遽逐之死而納其妃尙能濫倫此固世祖所親見豈能絲毫掩飾其及於禍

也宜矣又按順治五年加封多爾袞為皇父攝政王他書多不載惟湘源蔣良驥所撰之東華錄載之蔣錄成於乾隆三十年對於多爾袞當國各事均以實錄紅本為主初無諱飾及

光緒時長沙王先謙撰東華錄乃削去加封皇父一節莫掩從前親到皇宮內院之穢迹仍其太后下嫁之事即蔣錄亦削去不載一惟蔣錄業已風行而公私文牘之流傳國內者仍

存有皇父字樣。編者多  
誤。王錄之欲蓄漏影云。

更定錢制

綱更定錢制。每錢百文。準銀一錢。違者論罪。

綱詔還各處圈占民地。諭戶部田野小民全賴地土養生。朕聞各處

圈占民地。以備收獵。奪其耕耨之區。朕心大為不忍。爾部作速行文地方

官將原圈地盡數退還原主。

詔裁權關官員

綱詔裁權關官員。諭吏部權關之設。國家藉以通商。非以苦商。關稅

原有定格。差一司官已足。何故濫差多人。忽而三員。忽而二員。每官一出

必市馬數十匹。招募書吏數十人。紹興棍徒謀充書吏。爭競鑽營。未出都

門。先行納賄。戶部又填給糧單。沿途騷擾。朕均知今日官民之苦。著仍舊

每關設官一員。其添者悉行裁去。

詔查參驛遞差官

綱詔查參驛遞差官。時四方多故。兵馬絡驛。差遣繁多。驛遞疲困。奉

差官員不知地方苦楚。勘合火牌之外。恣意苦索。驛夫不足。派及民夫。騷

動里甲。甚而牽連婦女。繫累生儒。上誤公務。下割小民。特諭兵部以後再

有此等之人。著各地方官。即指名申報。該督撫飛章參奏。以憑重處。

詔免僧道納銀

綱詔免僧道納銀。諭禮部國家生財自有大道。僧道納銀給牒。瑣屑

請用衰冕不許

詔參用於各部院

定職官逮問例

非體以後永免納銀有請給度牒者該州縣確查呈報司府申呈禮部照例給發

○御史匡蘭兆請用衰冕不許 ○御史匡蘭兆奏請朝祭復用衰冕得

旨一代自有制度朝廷惟在敬天愛民治安天下何必在用衰冕

附記

按此可見當時滿漢畛域嚴如此

○三月詔參用諸王於各部院 ○諭吏部朕自親政以來觀天下所以

治關乎各部院雖自古無參用王之例然聞太宗文皇帝曾用諸王於部

院朕欲率由舊典復用諸王念諸王雖甚勞苦然誠各殫厥職釐剔庶務

俾上下不至壅蔽利國家而致昇平莫此為要今特用和碩巽親王於吏

部和碩承澤親王於兵部多羅端重郡王於戶部多羅敬謹郡王於禮部

多羅順承郡王於刑部多羅謙郡王於工部多羅貝勒喀爾楚渾於理藩

院固山貝子吳達海於都察院並著為例

按此實批政也故明年三月復召罷之

○秋七月定職官逮問例 ○時帝以在京滿漢諸臣犯非常有未奉旨

革職逮問刑部衙門輒提取審問殊非待職官之禮諭禮部自今以後必

奉旨革職然後送刑部審問毋得仍前徑行提審永著為令



以陳名夏爲大學士

譚泰伏誅

立皇后

詔罷諸路貢獻

清兵克舟山

綱以陳名夏爲內翰林宏文院大學士。先是五月初外轉御史張煊列吏部尙書陳名夏結黨行私銓選不公諸欸詰於吏部並語涉洪承疇陳之遴等鞫議諸欸多屬赦前且有實煊向爲御史不言今言於外轉之後心懷妒忌誣讎大臣煊論死名夏免議至是名夏由吏部尙書遷爲內翰林宏文院大學士。

綱吏部尙書譚泰伏誅。泰亦睿親王黨也睿親王卒仍驕橫不法恣行已意詔執付刑部議罪帝諭譚泰所任者吏部也乃於六部之事無不把持着卽伏法伏法後籍沒家產其子孫從寬免死。

綱八月立博爾濟錦氏爲皇后。后科爾沁國卓禮克圖親王吳克善女也。

綱詔罷諸路貢獻。帝以四川進貢扇柄湖廣進貢魚鮓道經水陸去京甚遠夫馬船隻動支錢糧苦累小民以後永免貢獻著爲令。

綱清兵克舟山明監國魯王以海道入海。時都統金礦劉之源總督

陳錦提督田雄等會師討舟山以大艦乘潮出洋至蛟門魯王以海遣阮進拒戰敗死。進賜諡烈愍清兵乘天霧集螺頭門守陣者方覺定西侯張名振

明魯王  
遁入海

孫可望  
劫邊明  
主於隆  
所安

兵部尙書張煌言奉以海航海去屬大學士張肯堂城守城中兵六千居  
民萬餘堅守十餘日清兵掘地道破其城肯堂衣蟒玉南向坐令四妾二  
子婦一女孫先死乃從容賦詩自經一時同死者兵部尙書李向中以下  
凡二十餘人以海漂泊無所歸艤舟南日山颶風大作其大學士沈宸荃  
歿於海宸荃賜諡忠節冬十月以海舟次巖頭鄭成功移之金門禮待頗疎以海  
既失其衆乃自去監國號遣使間道奉表於由榔久之張名振亦卒成功  
事以海益懈以海積不能平將往南澳成功使人沉之海中張煌言自以  
海死後散遣部衆遁居懸輿爲清兵所執不屈死賜諡忠烈

綱壬辰九年

明永歷六年

春二月孫可望劫遷明主由榔於安隆所

先是

孫可望既移駐貴陽議移由榔自近挾以作威大學士吳貞毓獨言不可  
移黔及清兵盡定廣西諸府南寧危迫由榔召諸臣共議有請走海濱依  
李元允者有議入安南避難者有議泛海抵閩依鄭成功者惟馬吉翔龐  
天壽結可望堅主赴黔貞毓仍執不可元允疏請出海由榔不欲就可望  
而以海濱遠再下諸臣議終不決亡何開國公趙印選衛國公胡一青殿  
後軍戰敗奔還請由榔速行急由水道走土司抵瀨湍二將報清兵益近

安龍府

堯舜禪受圖

主考學士胡統虞有罪免

相拒止百里上下失色皆散去已次羅江土司追騎相拒止一舍會日晡引去乃稍安次龍英抵廣南歲已暮矣至是可望遣兵劫遷由榔入居安隆所改為安龍府可望歲以銀八千兩米百石為供從官皆取給焉宮室卑陋服御麤惡守護將承可望意無復人臣禮由榔不堪其憂時馬吉翔掌戎政龐天壽督勇衛營俱諂事可望惡大學士吳貞毓不附已令其黨冷孟鉸吳象元方祁亨交章彈擊且語孟鉸等曰秦王宰天下我具啓以內外事盡付戎政勇衛二司大權歸我公等為羽翼貞毓何能為吉翔遂令門生郭璘說主事胡士瑞擁戴秦王士瑞怒厲聲叱退之他日吉翔遣璘求郎中古其品畫堯舜禪受圖以獻可望其品拒不從吉翔譖于可望杖殺其品而可望果以朝事盡委吉翔天壽於是士瑞與給事中徐極西江人員外郎林青陽新甯人蔡縝九江人主事張鐫雷國人連章發其姦謀由榔大怒兩人求救於太妃乃免

三月會試主考學士胡統虞等有罪免

大學士范文程等奏會試中式第一名舉人程可則文理荒謬首篇尤悖戾經註士子不服通國駭異請敕部議處帝命革退可則並治考試官胡統虞等罪

尋降胡統虞三級成克鞏一級留任

同考試官編修左敬  
祖等各罰俸有差

洪承疇  
請終制  
不許

三從三  
不從

清兵克  
廣信

五月定京察例。吏部奏京察應以皇上親政辛卯年爲始。六年一次定。寅申年舉行。從之。

大學士洪承疇以母喪請終制不許。承疇福建南安人。明萬歷進士。崇禎時。歷官至兵部尙書。破流賊李自成有功。旋任薊遼總督。與清兵戰於松山。兵敗被執。一時訛傳以承疇殉國。崇禎帝卽予祭十六壇。親製祭文祭之。承疇初亦自分必死。太宗愛其才。赦不誅。承疇遂降清。太宗喜曰。吾得承疇。如瞽者之得相導矣。及太宗歿。帝卽位。多爾袞攝政。一切開國規制。多取決於承疇。承疇嘗有奏封手鈔筆記一卷。上之。帝擇其尤切要者數百條。密飭內史另錄一編。以授多爾袞。凡對待漢人一方之深謀祕計。皆在其中。如入關之初。滿漢得通婚姻。其後多爾袞毅然禁絕之。有又男從女不從。官從吏不從。生從死不從之謠。相傳皆承疇所贊定。故帝親政後。倚之如左右手。至是以母喪請終制不許。諭以院務事繁。命照舊入直。私居持服。

清兵襲明總督尙書揭重熙於廣信殺之。先是金聲桓既死。江西

諸軍盡散獨總兵張自盛衆數萬走閩重熙入其軍約廣信曹大鎬刻期

竊發兵部侍郎傅鼎銓亦往來兩家軍中自盛掠邵武戰敗就禽鼎銓爲

廣信守將所執繫南昌獄諭降不從死事在順治八年至是重熙率數十人赴大

鎬於百丈礮適大鎬還軍鉛山惟空營在衆就營炊食清軍偵得之率衆

至射重熙中項執至建寧下之獄重熙覓死具不得日整衣冠拜呼祈死

及就刑昂首受刃顏色不改大鎬尋亦敗死自是江右之阻兵抗命者盡

歸平滅重熙賜監忠烈鼎銓以曾降流賊初節有虧廷譴不予諡

六月清兵克高雷廉瓊諸府明南陽伯李元允與弟建捷右僉都御史

張孝起死之 清兵自雷州進抵廉州遣將攻欽州靈山明南陽伯李

元允爲土兵執送軍前不屈與弟建捷俱斬於市遂克瓊州杜永和來降

巡撫高雷廉瓊四府右僉都御史張孝起走避龍門島島破就執不食七

日死之孝起賜監忠節

秋七月李定國陷桂林定南王孔有德自經死湖南廣西相繼俱失命

和碩敬謹親王尼堪爲定遠大將軍進征楚粵十一月敗定國於衡州王

歿於陣 初定南王孔有德率輕兵出河池向貴州以大軍駐柳州應

清兵克高雷廉瓊諸府

李定國陷桂林

孔有德  
自經死

尼堪征  
楚越

接孫可望乃謀入犯使李定國馮雙禮由黎平出靖州馬進忠由鎮遠出

沅州會於武岡以圖桂林劉文秀張先璧由永寧出敘州白文選由遵義

出重慶會於嘉定以圖成都可望言於由榔封定國西寧王文秀南康王

定國進攻靖沅武岡俱陷之有德還守桂林定國由西延大埠疾趨而進

清兵遇於全州不利定國薄桂林驅象來攻城遂陷孔有德自經死定國

獲陳邦傅及其子曾禹去其皮而殺之傳屍安隆明御史李如月劾可望不請旨

傅惡露以惡不忠由榔知可望必怒留其疏召如月入諭以謚本褒忠無惡謚理小臣妄言亂制杖四十除名意將解可望而可望大怒遣人至由榔所執如月至朝門外押使跪如月憤甚極口

大罵遂剝其皮斷其手足及首實草皮內定國分兵攻廣西郡縣梧州柳州相繼陷

又遣白文選攻陷辰州總兵徐勇戰歿於是四川湖南廣西俱失朝命敬

謹親王尼堪為定遠大將軍偕貝勒吞濟等進征楚粵命洪承疇經略湖

南雲貴兩廣十一月王率師南征次湘潭馬進忠等遁去大兵遂進去衡

山縣三十里擊退其衆兼程趨衡州方列陣定國兵已至大兵奮力衝擊

定國兵敗走斬獲無算敬謹親王自率精騎追之遇伏歿於陳王年四十

三追封和碩莊親王定國乃收兵退屯武岡朝命隨征貝勒吞濟為定遠

大將軍統征湘南大軍未幾復命護軍統領阿爾律為定南將軍同固山

李應試  
伏誅

額真馬喇希等統征湖廣辰常之師往會湖南大軍並力征討

綱十二月京師大豪李應試伏誅

目應試別名黃臙李三踞都下多年

房屋分  
照六部

參養盜匪交結官司役使衙蠹遠近盜賊競輸重賞南城鋪行盡納常例若崇文門一應稅務自立規則擅收課錢其姪天鳳殺人死者之家不敢申訴兵科給事中李運長身爲言官反與天鳳聯宗認爲兄弟天鳳子李蔡冒作己子充送官監李三明作威福暗操生殺所喜者卽有邪黨代爲市恩所惡者卽有兇徒力爲侵割洪承疇言其住居之外復多造房屋分照六部或有人至某部有事卽入某部房內莫敢攙越同黨潘文學身充

黃臙李  
三一細  
民耳

馬取挑聚臙健馬羸接濟遠近盜賊且交通官吏打點衙門文武官員多與投刺會飲道路側目莫敢誰何會因別事發覺帝命和碩鄭親王及內大臣內院刑部大臣公同鞫問寧完我陳之遴默無一言鄭親王詰之再三之遴始曰李三巨惡誅之而已倘不卽行正法之遴必被陷害得旨應試文學並伊子姪俱行梟斬運長李蔡亦伏法後上幸內院謂大學士等曰黃臙李三一細民耳住居之外復多造房屋修飾齊整分照六部辦事以一細民而越分妄行如此是天使之敗也又曰李三爲民大害諸臣畏

言  
詔求直

不敢言鞫審之日寧完我陳之遴竟默無一言鄭親王詰之再三之遴始曰李三巨惡誅之則已倘不卽行正法之遴必被陷害豈非重身家性命者乎陳名夏曰李三雖惡御史足以治之臣等叨爲大臣發奸摘伏非臣所司且李三廣通聲氣言出禍隨顧惜身家亦人之恆情也

○癸巳十年

明永曆七年

春正月詔求直言

○諭內三院略謂近來言官條

奏多係細務未見有規切朕躬者朕一日萬幾豈無未合天心未順人心之事良由諸臣畏憚忌諱不敢進諫耳朕雖不德於古帝王納言容直每懷欣慕朕躬如有過失諸臣須直諫無隱卽偶有未合不妨再三開陳庶得省改力行正道希臻治平進言切當者必加旌獎言之過贛者亦不譴責內三院卽傳諭大小諸臣俾咸悉朕意

○二月革少詹事李呈祥職徙盛京

○帝幸內院覽李呈祥條議部院

衙門應裁去滿官專任漢人一疏顧謂大學士洪承疇曰李呈祥此奏大不合理夙昔滿臣贊理庶政並有畋獵行陣之勞是用得邀天眷大業克成彼時豈資爾漢臣爲之耶朕不分滿漢一體眷遇爾漢官奈何反生異意若以理言首崇滿洲固所宜也想爾等多係明季舊臣故有此妄言耳

革李呈祥職



賜湯若望號通元教師

封達賴喇嘛為西天大善自在佛

承疇不能答命李呈祥革職流徙盛京

三月賜湯若望號通元教師。湯若望本德國耶穌教士精天文

學明熹宗天啓二年挾策航海來中國宣布教旨頗為學士大夫所崇奉

會月食欽天監測量多訛若望奉旨修歷法賴以不誤因上耶穌像數帙

崇禎帝張之朝堂宮中從教者幾七十人未幾授為監正及清帝入承大

統若望復以歷學授知世祖命掌欽天監事順治九年七月進渾天星球

地平日晷諸儀器賜朝衣朝帽鞋襪等物至是復賜號通元教師敕曰朕惟

鴻業以授時定歷為急務羲和而後如漢洛下閎張衡唐李淳風僧一行諸人於歷法代有損益然於日月朔望交會分秒之數錯謬尚多以致氣候刻應不驗至於有元郭守敬為精密然經緯之度尚不能符合天行其後尋度亦差積差矣爾湯若望來自西洋涉海十萬里明末居京師精於象緯閱通歷法其時大學士徐光啓特薦於朝令修歷局中一時專家治歷如魏文奎等推測之法實不及爾但以漢人之故多忌成功歷十餘年終不見用朕承天眷定鼎之初爰諮爾姓名為朕修大清時憲歷迄於有成可謂勤勞爾又能潔身持行盡心乃事董率羣官可謂忠矣比之古洛下閎諸人不既優乎今特賜爾嘉名為通元教師餘守秩如故俾知天生賢人佐佑定歷補數千年之闕略成一代之鴻書非偶然也爾其益勵厥修以服厥官傳之史冊豈不美哉

夏四月冊封達賴喇嘛為西天大善自在佛領天下釋教。達賴喇

嘛為西藏佛教之主明末七年崇禎嘗遣使滿洲太宗報使稱之為金剛大

士順治四年又遣使表頌功德獻方物五年世祖遣喇嘛度喇布革隆等

齋書存問並敕請來京達賴報書許以辰年入覲九年達賴第五世朝京

李定國  
陷高廉  
諸府

定各省  
錢糧一  
條鞭法

師謁世祖於南院進馬匹方物至是敕封達賴喇嘛爲西天大善自在佛  
領天下釋教建東黃寺以居之自此西藏喇嘛教遂盛行於中國

○李定國進兵攻廣東陷高州廉州雷州諸府  
○先是定國既連陷楚

粵諸郡兵力益強不復稟孫可望約束可望忿甚會定國敗于衡州可望  
使人召之赴沅州議事將以爲罪而殺之定國覺其意辭不行至是定國  
率馬進忠等犯永州定遠大將軍多羅貝勒吞濟等帥師自衡州進擊未  
至定國已遁度龍虎關而去遂入廣西時大軍已克復桂林府定國乃據  
柳州孫可望憾定國甚然以其將兵在外不敢輕樹敵仍厚養其妻子於  
雲南定國亦防可望來襲益思據地自固夏四月定國與馬寶由懷集進  
兵廣東攻圍肇慶會清兵自廣州來救敗之四會河口定國移兵犯平樂  
陷之府江道周永緒平樂知府尹明廷等遇害又攻高州廉州雷州等府  
亦俱爲所陷

○六月定各直省錢糧仍用一條鞭法  
○明初稅法有田賦丁役土貢

等項名目繁多民生大困萬歷時以丁役土貢等悉併於田賦計畝征收  
名一條鞭法其後內官勳戚莊田僭越無度飛灑詭寄不可究詰賦入因

之大紕世祖入關後悉收入官田額漸復順治三年詔編賦役全書首列地丁原額次荒亡之數次實徵之數次存留起運之數次開墾田畝招徠人丁之數越十年一修盡復萬歷間原額至是戶兵工三部遵諭改折各直省本色錢糧仍歸於一條鞭法凡州縣夏稅秋糧存留起運之額通為一條總徵而均支之請著為例從之

裁內務府

○裁內務府設十三衙門嚴禁寺人干政 ○先是帝入關之初監明代

設十三衙門

之敝汰宦官設內務府至是滿大臣佟義漢大臣劉宗正及內監吳良輔等請裁內務府設十三衙門詔從之

寺人不過四品

未嘗干預外事秦漢以後諸君不能防患乃委以事權加之爵祿與其伯叔弟姪宗族親戚實繁閭閻緣此輩每以小忠小信固結主心日近日親易致潛持朝政且其伯叔弟姪宗族親戚實繁有徒結納縉紳關通郡縣朋比夤緣奸作受賄窺探喜怒以張威福當宮庭遠密深居燕閉稍露端倪輒為假託或欲言而過默或借公以行私源倒賢奸潛清邪正依附者巧致震霄迕抗者謀沉淵弊雖有英毅之主不覺勞其術中權既旁移變多中發歷觀覆轍可為鑒戒但宮禁受使此輩勢難盡革朕酌古因時量為設置首為乾清宮執事官次為司禮監御用監內官監司設監向膳監尚衣監尚寶監御馬監惜薪司鐘鼓司直殿局兵仗局滿州近臣與寺人兼用各衙門官品雖有高下寺人不過四品凡係內員非奉差遣不許擅出皇城職司之外不許干涉一事不許招引外人不許交結外官不許使弟姪親戚暗相交結不許假弟姪等人名色置買田廬因而把持官府擾害人民其在外官員亦不許與內官互相交結如有內外交結者同官覺舉部院察奏科

道糾參審實併正法

○秋七月鑄一錢二分五釐錢 ○初太祖開基東土建元之始即鑄錢

鑄錢

天命通寶

制錢

重一錢二分五釐

廢皇后博爾濟錦氏

二品一用漢文一用滿文曰天命通寶以給國用天聰崇德悉沿其制世祖入關大開鼓鑄局戶部之局曰寶泉工部之局曰寶源統隸於錢法堂而以戶工兩部左右侍郎領之各省各鎮之局卽以其地爲名開爐鼓鑄錢惟一品曰順治通寶凡錢圍經十分寸之八每錢一千爲一串凡鑄錢先鑿鑿銅塊曰祖錢次鑄無文而圓者曰母錢然後印鑄函方而成制錢凡鑄錢之工八曰看火翻沙刷灰雜作剉邊滾邊磨錢洗銀治之各以其序初專用漢文後乃增滿文於其幕京局之文曰寶泉寶源直省則各以其局名大抵寶泉所鑄十之七寶源則十之三也錢重每文一錢二分五釐背面之左鑄一釐兩字以示每錢一文值銀一釐每百文作銀一錢每千文作銀一兩筋內外上下畫一通行有不遵者以違法論治以重罪其現行舊錢原有高低厚薄不等難以強齊一切貿易暫從民便官鑪夾帶私鑄者照枉法贓治罪其私鑄奸民不時嚴緝若仍前違犯事發該地方官根究重處

八月廢皇后博爾濟錦氏爲靜妃改居側宮  
諭禮部后乃睿親王於朕幼冲時因親定婚未經選擇册立之始卽與朕志意不協宮闈參商

已歷三載。事上御下。淑善難期。不足仰承宗廟之重。謹於八月二十五日。奏聞皇太后。改居側宮。時諫者甚衆。俱不聽。

賜鄭成  
功靖海  
將軍印  
不受

殖芝龍  
民之始  
灣台龍

綱冬十二月。敕賜鄭成功靖海將軍海澄公印。不受。圖成功鄭芝龍之

子芝龍。在福建海中。初爲羣盜長。劫掠海上。與日本人聯和。遂娶日本長

崎主族女田川氏爲妻。生成功。時居台灣。及日人爲荷蘭人所逐。芝龍遂

以其人衆舟楫。橫於閩海。崇禎初。沈猶龍爲福建巡撫。招芝龍降。芝龍還

從者皆生犀黃金爲甲。第宅縱橫數里。遂爲八閩富人。猶龍母生日。芝龍

進珊瑚樹。高丈許。飾以珠龍金。盜觀者豔之。會閩旱。芝龍以巨舶載饑民

至台灣。人給三金一牛。使懇荒島。寢成邑聚。時惟荷人二千踞城中。流民

數萬屯城外。一歲三穫。閩人歸之若市。是爲中國人殖民台灣之始。江南

弘光帝立。芝龍受封爲南安伯。其族人鴻逵彩等皆位列將。擁重兵。及南

京破。芝龍與大學士黃道周等。擁立隆武帝於福建。隆武帝封芝龍爲平

國公。未幾清兵入閩。芝龍爲洪承疇所誘。降於清。承疇與芝龍同鄉。承疇

既降清。與芝龍時通欵曲。順治二年。清師入閩。承疇以書招芝龍。芝龍遂

降。時成功年二十三。痛哭諫芝龍勿降清。芝龍不聽。成功不得已。慨然去。

封不受清

儒冠儒服拜孔子廟而行航海走廈門誓志恢復初成功本名森幼而材武稍長博通書史弱冠舉諸生弘光時入南京大學聞錢謙益名執贄為弟子禮謙益字之曰大木而豐采掩映奕奕耀人及隆武帝立年纔二十有一隆武見而奇之賜姓朱名曰成功俾統禁旅以附馬都尉體行事封忠孝伯成功以此感激及芝龍降清清廷以成功故待芝龍甚厚冀成功感而歸命本年五月詔封芝龍為同安侯子成功為海澄公弟鴻逵為奉化伯芝豹為左都督十月芝龍奏奉命招撫逆弟鴻逵逆子成功等臣即遣人宣傳聖意俱未受封至是復遣使救賜成功靖海將軍海澄公印

朕臨御天下思與百姓休息底於太平有負固不服者則兵之其有輸誠國家矢忠宣力者爵賞賜有斬焉爾父鄭芝龍首先投順忠誠可嘉特昇侯爵世世延賞復封爾為海澄公洎爾叔父一門盡被恩榮朕豈憚於用兵如此哉但以為力服明感何如示恩示信爾不即承教印仍遣李德等來爾父持爾書入告朕覽書內有君擇臣臣亦擇君之語爾來投誠正是擇君朕破格委任正是擇臣看守之心至誠相待何有不信之處又云爾父為員勸所給風印數年爾父在眷王時果有猜疑看守之事朕親政以來優厚大臣加升爾父官爵國家勳舊諸臣恩禮罔間爾亦悉知之又云一攻一讓二三其令四固山領真奉命在先劉清泰招撫在後即爾差人一到即令撤兵何嘗失信又云三府屯兵並轄三省沿海地方原數止有泉州等處並未有三府之說此傳言之誤爾言一府未足屯兵未為不是故益以三府叛逆窮究黨與亦未為過又云分道為奇貨或亦有之諸人果非叛逆有司何得執問但既係叛逆窮究黨與亦未為過又云分道為奇貨充總兵官尚在提督之下似為有理故命爾掛靖海將軍印又云父親致力於內兒子盡力於外付故授爾以封爵委以海上之事如有所疑豈肯加封授任又云父親致力於內兒子盡力於外付託得人地方安靜此言殊為合理朕再三宣諭不欲加兵為地方類年兵火之苦暨父子間隔之情爾即多所詞說皆所不計復念爾兵卒衆多一府難於安插錄委離支給仍益漳州潮州惠

州三府。並泉州四府。駐紮。即將四府水陸寨游營兵餉。撥給。爾部下弁兵。不足。不另補。止課錢糧。仍行解部。管民文官。俟聽部選。原轄武官。聽爾遣委。仍將姓名職銜。具奏。造冊。送部。開洋船隻。爾得稽察。收納課稅。送布政使司。解部。朕得爾推心置腹。毫無猜疑。爾受茲敕印。速宜安插兵丁。防剿海賊。別轄將士。嚴行約束。勿擾百姓。上以報朕委任之意。下以全爾等歸命之忠。爾等積功累勞。仍有懸賞。主臣相得。垂之史冊。豈不休哉。爾其欽承之。垂

救印既至。成功仍不受。

甲午十一年。明永歷八年春二月。孫可望遣人劫明主由榔。殺其大學士吳

貞毓等。先是。由榔在安隆塗葦薄。以自蔽。日食脫粟。窮困備至。而前

御史任僕中書。方于宣等。屢勸進於孫可望。可望遂自設內閣六部等官。

可望初欲設六部。翰林官盧人謨。其僭。乃以范績。馬兆義。任僕。萬年。旋為吏戶禮兵尚書。並加行營之號。後又以程澤。代年。策。而僞最寵。慶勸。可望僭號。可望令待由榔入黔。議之。由榔久駐安隆。可望乃設內閣六部。官以文安之為東閣。大立太廟。定朝儀。改印文為八疊。盡易其學士。安之不為用。走川東。依劉體仁等。以居。

舊由榔聞之。憂懼。密謂中官張福祿全為國曰。聞李定國已定廣西。軍聲

大振。欲密下一敕。令統兵入衛。若等能密圖乎。二人言。徐極。林青陽。張鐫。

蔡續。胡士瑞。曾疏劾馬吉。翔。龐天壽。宜可與謀。由榔即令告之。五人許諾。

引以告大學士吳貞毓。貞毓曰。主上憂危。正我輩報國之秋。諸君中誰能

充此使者。青陽請行。乃令伴乞假歸葬。而使員外郎蔣乾昌。晉江人。讓予定

國敕。主事朱東旦。四川人。書之。福祿持入用寶。青陽於歲盡間道馳至定國。

所定國。接敕感泣。許以奉迎。然以兄事可望久。未敢輕發。事在順治九年。

孫可望  
遣人劫  
明主由榔

五人許諾

鑄屏翰  
親臣印

鄭國械  
吉祥與  
諸臣面  
質

至十年秋青陽仍未還由榔將擇使往促貞毓以翰林孔目周官臨川人對  
都督鄭允元欽州人曰吉翔晨夕在側假他事出之外庶有濟由榔乃令吉  
翔奉使祭桂王常瀛及太妃墓於梧州南寧而遣周官詣定國時青陽亦  
已還至南寧爲守將常榮所留密遣親信劉吉告由榔由榔喜改青陽給  
事中諭貞毓再譟策鑄屏翰親臣金印令吉還付青陽至廉州周官與青  
陽遇偕至高州賜定國定國拜受命方馬吉翔之使南寧也在道微知林  
青陽密敕事遣人至李定國營偵之主事劉議新者道遇吉翔意其必預  
謀也告以兩使齎敕狀吉翔驚駭啓報孫可望可望大怒並疑吉翔預謀  
遣其將鄭國赴南寧逮之會張鐫胡士瑞李元開善化人以由榔親試蔡續  
徐極朱東旦及御史林鍾湖廣人以久次皆與美官龐天壽及吉翔弟都督  
雄飛忌甚與其黨郭璘方謀陷之而鍾續極鐫士瑞亦知事洩倉皇劾吉  
翔天壽表裏爲姦由榔見事急卽下廷臣議罪天壽懼與雄飛馳赴貴陽  
告可望而鄭國亦已械吉翔至安隆與諸臣面質貞毓謝不知國怒因挾  
貞毓直入由榔所居迫脅由榔索主謀者由榔懼不敢正言謂必外人假  
敕寶爲之國遂努目出械貞毓并允元鍾續元開極鐫士瑞東旦蔣乾昌



及太僕少卿趙賡禹雲州人御史周允吉饒州人朱議屨南昌人員外郎任斗墟

鄆縣人主事易士佳廬陵人繫私室又入由榔所居禽福祿為國而出其黨冷

孟鉞蒲纓宋德亮朱企鍰等迫由榔速具主名由榔悲憤而退翌日國等

嚴刑拷掠獨貞毓以大臣免衆不勝楚大罵時日已暮風雷忽震烈演厲

聲曰今日演等直承此獄稍見臣子報國苦衷由是衆皆自承國又問曰

主上知否演大聲曰未經奏明乃復收繫以欺君誤國盜寶矯詔為罪報

可望可望請由榔親裁由榔不勝憤下諸臣議吏部侍郎張佐宸及纓德

亮孟鉞企鍰蔣御曦等謂國曰此輩盡當處死倘留一人將為後患於是

御曦執筆佐宸擬旨以鐫福祿為國為首罪凌遲餘皆從罪斬由榔以貞

毓大臣言於可望罪絞諸臣就刑神色不變各賦詩大罵而死其家人合

瘞於安隆北關之馬場已而青陽逮至亦被殺獨周官走免貞毓賜諡忠節青陽錫士瑞元

開緝極東且鍾九元乾昌賈禹允吉詳屨斗墟士佳俱賜諡烈愍

夏殺陳名三月殺大學士陳名夏名夏江蘇溧陽人崇禎進士官修撰李自

成陷京師名夏迎降及自成西遁清兵入關又復降清累官祕書院大學

士徇私植黨揣摩執政意旨務越格濫用匪人以迎合固寵國史院大學

嚴刑拷掠

殺吳貞毓等人

殺陳名夏

流徒郝浴

殺明故王朱議泐

編造各省地丁冊

士寧完我劾其結黨懷奸情事叵測列欵具奏得旨著內三院九卿科道詹事等官會同訊鞠從重議罪具奏會鞠得實名夏論斬妻子家產分散為奴其子陳掖臣另行審結得旨陳名夏處絞妻子家產免分散為奴子掖臣決杖遣戍

五月四川巡按御史郝浴流徙盛京

四川巡按郝浴飾辭冒功浴嘗劾三桂擁兵觀望大學士馮銓等薦舉不當得旨郝浴

虛誑冒功馮銓成克鞏呂宮為信任倚毗大臣不能糾劾反扶同薦舉顯有情弊馮銓著降三級成克鞏呂宮著各降二級俱照舊辦事郝浴着免死流徙盛京

八月殺明故安樂王朱議泐

時議泐與僧人文秀道士張應和等謀反正事敗悉被殺

十一月詔編造各省丁地冊

戶部奏故明舊例各直省人丁或三年或五年查明造冊謂之編審每十年又將見在丁地彙造黃冊進呈我朝定鼎以來未嘗舉行今議自順治十二年為始各省責成於布政使司直隸責成於各道凡故絕者開除壯丁脫漏及幼丁長成者增補其新舊

命將征  
鄭成功

清兵規  
掠安平  
島

流民俱編入冊年久者與土著一體當差新來者五年當差至於各直省  
地土凡辦錢糧者為民地不納錢糧者不分有主無主俱為官地各邊鎮  
俱應照例分別其荒田曠土招民開墾一如興屯之法畿內滿漢錯雜之  
處難於清查如有隱地漏糧許人告發詔從之

十二月鄭成功攻陷漳泉諸州以世子濟度為定遠大將軍貝勒巴爾  
處渾貝子吳達海固山額真噶達渾帥師討之

其屬數百人亡之海島募兵南澳得數千人因提師自南澳歸泊鼓浪嶼  
在福建思明縣西南設明高皇帝神位于島上謀勤王之事與諸將共盟芝龍舊部皆

歸之又併鄭彩鄭聯之軍兵勢大盛據金門廈門年年出兵攻略閩越東  
南海寇皆受其號令清廷屢以書招之鄭氏族屬多降獨成功不至先是

芝龍出入海中時每一商舶例入三千金及唐王時又以練餉為名粵閩  
正供外捐輸百萬盡歸鄭氏故富可敵國悉積于安平島芝龍既降其家

以為可免暴掠遂不設備清兵乘其外出盡攫取之且大肆淫掠成功母  
亦被淫自縊死成功益大憤至是以索償為名進攻漳州清守將劉國軒

朴世用等降屬縣十邑俱下乘勝略泉州屬邑福建巡撫佟國器

字匯山  
遼東人

鄭親王濟爾哈朗卒

和碩格下嫁耿精忠

鑄立鐵碑

嚴禁中官干政

奏請迅發滿洲兵進剿並敕調潮州水師直抵廈門與閩師首尾夾擊詔命世子濟度等帥師出征

○乙未十二年明永曆九年夏五月和碩鄭親王濟爾哈朗卒 ○濟爾哈朗

為太宗弟舒爾哈齊之子睿親王多爾袞之從兄也世祖嗣位之初與多

爾袞同受遺詔輔政多爾袞卒後大權盡歸其掌握至是卒年五十七詔

輟朝三日各部院七日勿奏事禮部奏營造禁園照例應給銀五千兩得

旨著再加恩給五千兩

○六月以和碩格格下嫁耿精忠 ○是月詔以和碩顯親王姊賜號和

碩格格下嫁靖南王耿繼茂子精忠固山貝子蘇布圖女賜號固山格格

下嫁繼茂子昭忠

○鑄立內十三衙門鐵牌嚴禁中官干政 ○自順治十年裁內務府立

十三衙門而監司局院之名稱幾復明代之舊帝恐更蹈明人覆轍特命

工部鑄十三衙門鐵牌鐫敕諭於其上嚴禁中官干政

敕曰中官之設雖自古不廢然任使失宜遂貽

禍亂近如明朝王振汪直曹吉祥劉瑾魏忠賢等專擅威權干預朝政開廢緝事枉殺無辜出陣

典兵流毒邊境甚至謀為不軌陷害忠貞煽引黨類稱功頌德以致國事日非覆轍相尋足為鑒戒朕今裁定內官衙門及員數職掌法制甚明以後但有犯法干政竊權納賄搆託內外衙門交結滿漢官員越分擅奏外事上言官吏賢否者即行凌遲處死定不姑貸特立此牌世世遵行

詔求各省輿圖

鄭成功陷舟山

李定國以明主奔雲南

綱秋七月詔求各省輿圖 目諭吏部命直省各繪所轄輿圖進覽

綱冬十一月鄭成功陷舟山 目舟山先為清兵所破張名振奉魯王赴

廈門去監國號依鄭成功為寓公及成功與清兵相持于漳泉之間名振

亦屢以餘軍入長江登金山燕子磯在江蘇江北遙祭明孝陵掠戰艘三百

於吳淞口名振旋卒張煌言繼之時東南遺臣義旅俱盡惟成功強盛屢

擾興化福州諸府已而復遣兵圍舟山舟山副將把成功出降寧波定海

皆震動明年九月清定遠大將軍固山額真伊爾德等領兵至杭州由寧

波乘舟趨定海分三路進兵連戰皆捷追至衡水洋口擒獲甚衆遂復收

舟山

綱丙申十三年明永曆十年春二月李定國走安隆以明主由榔奔雲南 目

先是十二年春李定國自廣東新會敗走清兵追擊及於興業縣境又蹙

之橫州江屢敗之定國焚橋而去清兵躡之定國率殘兵自賓州走南甯

而廣東高雷廉等三府三州十八縣及廣西橫州等二州四縣復歸於清

至是清兵至南甯定國又戰敗將由安隆走滇孫可望偵知之使白文選

促由榔移黔文選雖為可望用然心不直其所為因以情告由榔曰姑遲

明以馬  
吉翔入閣

龐天壽  
復用事

行待西府至西府者定國也及定國至安隆文選歸之共奉由榔自安南  
衛走雲南時守滇者爲劉文秀王尙禮王自奇賀九儀等文秀數怨可望  
遂私歿定國迎由榔入滇居可望署中由榔封定國晉王文秀蜀王文選  
鞏昌王尙禮等封公令文選還黔慰可望可望銜其貳於定國也悉奪所  
部兵羈之軍中然以妻子在滇未敢遽與由榔爲難也

綱明主由榔以馬吉翔入閣辦事

李定國既奉由榔至滇卽捕馬吉

翔及其家人令步將靳統武收繫將殺之吉翔日媚統武定國客詣統武  
吉翔復媚之因相與譽吉翔於定國而微爲辨寃定國召吉翔入謁卽叩  
頭言王再造功千古無兩吉翔幸望見顏色死且不朽他是非何足辨也  
定國乃大善吉翔因日諂定國客令說定國薦已入內閣遂與定國客蟠  
結盡握中外權龐天壽亦復用事定國與劉文秀時詣二人家光祿少卿  
高勣字無功紹興人御史烏昌期都勻人患之合疏言二王功高望重不當往來權  
倖之門恐滋姦弊復蹈秦王轍疏上定國文秀遂不入朝吉翔激由榔怒  
命各杖一百五十除名定國客金維新走告定國曰勣等誠有罪但不可  
有殺諫官名定國卽偕文秀入救乃復官

嚴禁白蓮聞香諸邪教

改題孔子木主為至聖先師

綱冬十月嚴禁踵行邪教

時白蓮聞香諸邪教結黨聚眾頗為民害

帝諭禮部嚴禁踵行

諭曰治天下必先正人心正人心必先黜邪術儒釋道三教並重皆使人為善去惡反邪歸正遵王法而免禍患此外乃有左道惑眾如

無為白蓮聞香等教名色適眾結黨夜聚曉散小者貪圖財利恣為奸淫大者招納亡命陰謀為軌無知小民被其引誘迷惑顛狂至死不悟向來屢行禁飭不意餘風未殄若不立法嚴禁必為

治道大憲爾部大揭榜示今後再有踵行邪教仍前聚會燒香飲錢號佛等事在京著五城御史及該地方官在外著督撫按道有司等官設法緝拏窮究奸狀於定律外加等治罪

綱丁酉十四年

十一月永歷

春二月改題孔子木主為至聖先師孔子神位

初給事中張文光奏聖至孔子贊美難以形容考之古典魯哀公誄文

曰尼父未嘗加一字之褒漢平帝元始元年始加諡曰宣尼父後魏太和

十六年乃諡文聖尼父唐太宗貞觀十一年尊為宣聖尼父明皇開元二

十七年始進諡王元武宗至大元年加諡大成至聖文宣王明初因之嘉

靖九年尊改為至聖先師孔子神位以孔子生不為王沒而王之於理未

安且以文宣之號未足以盡孔子曰至聖則無所不賅曰先師則名尊而

實稱不可易也我朝順治二年祭酒李若琳不加考訂請易至聖先師孔

子神位為大成至聖文宣先師孔子不過仍元武宗之舊諡而獨不稱王

耳臣維追王固屬誣聖即加大成文宣四字亦豈足以盡孔子哉唐臣柳

宗元有言贊孔子之聖譬如頌天地之大諛日月之明非愚則惑今皇上

大赦

流徙鄭芝龍並籍其家

獲芝龍與成功私書

事事稽古議禮制度考文務求至當宜仍改王爲至聖先師孔子神位庶質之先聖而無疑傳之萬世而永遵矣下所司議從之

綱三月大赦 是月奉太宗文皇帝配享禮成大赦天下

綱夏四月流徙鄭芝龍等於寧古塔並籍其家 鄭芝龍以順治二年

投降四年至京師隸漢軍正黃旗授三等子爵九年命芝龍諭成功降許赦罪成功不受十一年十一月芝龍奏逆子成功請地益餉抗不薙髮寄

臣書信語多妄誕臣不敢隱匿謹將原信二封繳呈聖覽臣當席藁待罪得旨敕該督撫鎮固守汛界勿令成功登岸騷擾生民十二年左都御史

龍鼎孳疏劾芝龍蒙養十年彌桀傲子弄兵海壖父高枕都下釀禍之根請早除至是海澄公黃梧復具揭兵部謂成功之敢於猖獗由其父芝龍

誑謀罔上齎書下海揚言招撫沿海人心搖惑凡欲投誠者咸以欲撫之故仍堅其怙惡之心請密奏翦除芝龍以絕其根同時巡撫佟國器亦獲

芝龍與成功私書上之詔下議政王大臣貝勒議尋議芝龍及其弟芝豹子世忠世恩世廕世默俱應正法帝念其投誠有功著免死俱流徙寧古



塔地方家產籍沒

孫可望  
攻明主  
於雲南

○秋九月孫可望以兵攻明主由榔於雲南敗績可望走降清。○先是是年春由榔遣張虎送可望還黔可望遂舉兵反由榔然人心多不直可望部下諸將皆願歸李定國馬進忠等說可望請以白文選爲大將可望從之乃留馮雙禮守貴州而以文選統諸軍前行李定國劉文秀帥師禦之。是月至三岔河與可望夾水而軍文選輕騎奔定國可望遣張勝馬寶由尋甸間道襲雲南而自將勁卒擊定國戰方合其將馬惟興先走一軍瓦解可望狼狽奔回定國恐會城有失遣文秀文選追之而自引兵先還。遇張勝於渾水塘禽而殺之馬寶亦歸定國可望至貴州馮雙禮給言追兵且至可望知人心已散遣其將程萬里赴清軍納款可望至沙子嶺總兵楊武追襲幾殆賴清兵馳援得免可望遂挈妻子至長沙來降雙禮截其子女玉帛與文秀同歸雲南由榔封雙禮慶陽王進忠漢陽王惟興等進爵爲公十二月清封可望爲義王。

率妻子  
降清

編賦役  
全書

○十月詔編賦役全書頒示天下。○命戶部右侍郎王宏祚將各直省

每年額定徵收起存總散實數編撰成帙詳稽往贖酌量時宜凡有參差

遺漏悉行校正錢糧則例俱照萬歷間其天啓崇禎時所加增盡行豁免  
至漕白雜項或已改折或解本色或有昔未詳而今宜增昔太冗而今宜

裁者俱細加清核勒成一書頒示天下是為賦役全書是時除武及全書外又輔以會計赤歷丈量諸冊賦

役全書者先開地丁原額繼開荒丁次開實徵又次開起運存留起運分別部寺倉口存留詳列  
款項細數繼有開墾地畝招徠人丁續入冊尾每州縣各發二部一存有司查考一存學宮令士

民檢閱丈量冊以田為主諸原墾項衍下濕沃瘠沙鹵之形舉具而黃冊則準於戶口詳其舊管  
新收開除實在之數條為四柱與賦役全書相表裏赤歷每年頒發二冊開列戶口錢糧數目一

備冊真一令百姓自登納數令布政司歲終磨對會計冊則備載州縣正項本折錢糧凡起解到  
部逐項註明年月日期及解戶姓名以杜侵期併稽完欠其徵收則行一條鞭法給以易知由單

一條鞭者以府州縣一歲中夏秋稅糧存留起運之額通為一條總徵而均支之至運輪給募皆  
官為支撥而民不與由單之式則每州縣開列上中下地正雜本折錢糧未繩總數刊成定式每

年開徵一月前給散花戶使民通曉而又佐以截票串票其票用印鈐蓋統印字中分而為兩一  
給納戶為憑一留庫櫃存驗即所謂串票也印簿由布政司頒發令州縣納戶親填入簿季冬繳

司報部櫃冊則以各區納戶花名細數繕造成冊務與一甲總額相符易於摘比循環繳者照賦  
役全書款項急者居先緩者居後按日循環徵收奏銷冊者以各直省錢糧支解完欠按年分款

按造清冊  
數目也

綱十二月命平西王吳三桂等分兵取貴州 圖方孫可望未降之先四

川總督李國英駐保寧經略洪承疇駐長沙大將軍辰泰及阿爾津先後

駐荊州尚可喜等分駐肇慶諸州遇有來犯湖南湖北廣東者則擊却之

出境亦不窮追以諸將皆百戰之餘地險兵悍姑以雲貴及川東地委之

及可望來降知諸將內訂於是敕諭平西王吳三桂固山額真侯墨爾根

乘孫李  
內訌進  
兵

丁酉科  
場獄

及侍衛李國翰字伯藩漢軍  
鎮藍旗人曰：今李定國與孫可望互相攻戰，可望來降，乘此賊黨內亂，人心未定之際，特命王為平西大將軍，同固山額真侯墨爾根、侍衛李國翰統兵進討。爾等統領所屬官兵及漢中四川各官兵，由四川前往貴州，相機進攻。而漢中四川仍酌量留兵防守。又命固山額真趙布泰為征南將軍，統前去官兵，並提督線國安標兵及湖南調發官兵，由廣西往貴州，相機進行。又命固山額真宗室羅託、固山額真濟席哈統領官兵及經略調取各官兵，由湖南往貴州，相機進取。

○戊戌十五年明永曆帝  
十二年春正月，帝親覆試丁酉科順天舉人。先是

十四年秋，給事中任克溥參奏丁酉科北闈榜放後，聞中式舉人陸其賢用銀三千兩，同科臣陸貽吉送考試官李振鄴、張我樸賄買得中。北闈之弊不止一事，乞集羣臣會訊。事下吏部都察院嚴訊得實，奏聞得旨：大理評事李振鄴、張我樸、國子博士蔡元禧、吏科陸貽吉、項紹芳、舉人田紹、鄔作霖俱著立斬，家產籍沒。父母兄弟妻子俱流徙尚陽堡。主考官曹本榮、宋之繩著議處。具奏。至是，帝因該科順天中式舉人中多有賄買情弊，特親加覆試，取得米漢雲等一百八十二名，仍准會試。文理不通者八名，俱

自是彈劾科場者大

清兵三路入滇

貴州平設殿閣大學士

著革去舉人自是彈劾科場者大起

張一機等既死其後率連者凡數百人又建江南鄉試主考官十八人及河南陝西主考官

東因廢勸諫一事遂房官又以御史董篤行等職掌不言俱下獄旋俱免死流徙尚陽堡詔禮部  
朝廷選舉人才科目最重今會試大典尤當慎重已而禮部議置御史趙祥星奏會試四書五經  
題目請欽定密封送入內閣得旨第一場四書題目候除頒發餘著考試官照例出題

夏五月清兵三路入滇貴州平

寧南靖寇大將軍宗室羅託等由

湖南平西大將軍平西王吳三桂等由四川征南將軍趙布泰等由廣西分兵三路入黔時劉文秀已死李定國使劉正國揚武守三坡紅關諸要隘以防蜀馬進忠守貴州會其將王自奇關有才貳於定國定國自將擊之楚師自鎮遠入定國不及援粵師亦盡下南丹那地獨山諸州會於貴陽進忠遁去貴州遂平

秋七月設殿閣大學士除去內三院祕書弘文國史名稱

諭吏部

本朝設內三院有滿漢大學士學士侍讀學士等官今除去內三院祕書弘文國史名色大學士改加內閣大學士立翰林院設掌院學士一員俱正五品照舊例兼銜除掌印外其餘學士亦正五品內三院舊印俱銷毀

照例給印

按內閣滿字稱為多爾吉衙門翰林院滿字稱為筆帖黑衙門六部滿字稱為尚書  
字稱為阿里哈昂邦作正二品侍讀滿字稱為阿思哈尼昂邦作正三品理事官

（即耶中）滿字稱為一齊下喇哈番作正五品副理事官（即員外郎）滿字稱為愛惜喇庫  
哈番作從五品主事滿字稱為額者庫哈番作正六品司務滿字稱為他庫喇布勒哈番作從九

品都察院左都御史滿字稱爲哈思戶額爾機阿思哈尼拜察喇昂那作正三品左僉都御史滿字稱爲哈思戶額爾機阿  
 達飛拜察喇昂那作正四品監察御史滿字稱爲拜察喇脈拖哈番作正七品通政使司通政使  
 滿字稱爲阿里飛哈分布勒哈番作正四品右通政滿字稱爲一齊額爾機哈分布勒哈番亦爲  
 正四品左參議滿字稱爲哈思戶額爾機愛惜喇庫哈番亦作正五品大理寺卿滿字稱爲阿哈哈番作正三品少卿滿字稱爲一齊額爾  
 機愛惜喇庫哈番亦作正五品大理寺卿滿字稱爲阿哈哈番作正三品少卿滿字稱爲一齊額爾  
 哈番作正四品寺丞滿字稱爲借喇脈哈番作正五品寺正滿字稱爲寺依一齊下庫作正六品  
 寺副滿字稱爲寺依愛惜喇庫作正六品評事滿字稱爲額者庫作正七品至啓心耶惟宗人府  
 仍舊其餘  
 俱裁去

定女官品級

冬十一月定女官及宮女名數品級 禮部等衙門會議宮闈女官

名數品級及供事宮女名數 秩三品柔婉二十一人芳婉三十人俱秩四品尙宮局尙宮

司紀司言司簿各二人司闈四人女史六人尙儀局尙儀一人司樂二人司箒司贊各四人  
 女史三人尙服局尙服一人司仗四人司贊司衣司飾女史各二人尙食局尙食一人司饌各四人  
 尙醴司藥司供女史各二人尙寢局尙寢各二人司設司盤各四人司典司苑女史各二人尙織局  
 司織一人司製四人司珍司綵司計女史各二人宮正司宮正女史各二人俱秩六品慈寧宮直  
 秩三品勤侍無級定數二人 奏上從之

十二月清兵入雲南李定國敗走明主由榔奔永昌復奔騰越雲南平

時三路大兵俱集貴州安遠大將軍信郡王多尼至軍會於平越府

之楊老堡戒期入滇李定國與馮雙禮等扼雞公背圖侵貴州使白文選

守七星關立營窺遵義以牽蜀師蜀兵出遵義趨天生橋由水西直取烏

撒文選懼棄關走霑益州粵兵至盤江敵據險沈船不得渡泗城土知府

清兵入雲南

雲南平

清兵克  
永州明  
主由榔  
奔緬甸

勒從官  
盡去兵  
器

岑繼祿獻策從下流潛師宵濟遂入安隆定國使其將吳子聖拒戰潰走定國以全師據雙河口大兵擊之破其象陣又連敗之羅炎涼水井定國大營妻子俱散失諸將各敗走不相顧定國撤寨遁歸明主由榔將出奔行人任國璽福建人獨請死守由榔合諸臣議定國等言行人議是但前途尚寬今暫移蹕捲土重來再圖恢復未為晚也由榔遂走永昌明年正月三日清兵由普安州入雲南省城永昌警報日至由榔復走騰越雲南悉平。

綱己亥十六年明永曆帝十三年春二月清兵克永州明主由榔奔緬甸 目白文

選自霑益追及李定國定國留之斷後至玉龍關清兵追擊之文選戰敗由右甸遁走木邦清兵克永昌渡潞江安國設伏於磨盤山清兵覺之分精甲先蹂伏處定國不能支退走騰越遣總兵靳統武率兵四千從由榔時李國泰馬吉翔輜重多恐遭劫奪促由榔夜走南甸兵馬過處火光燭天右轉左旋天明仍在故處統武棄由榔仍歸定國由榔抵囊木河是為緬界緬人勒從官盡去兵器方許入境至蠻暮土司緬人以四舟迎之從官皆自覓江舟隨行者六百餘人陸行者自故岷王子而下九百人期會

於緬甸

詩昆明諸生薛大觀聞由榔入緬甸歎息曰不能背城戰君臣同死社稷願欲走蠻

子從之次日詣屍相牽浮水上幼子在侍女懷中兩手緊抱已而由榔至井互其羣臣

沐天波等謀奉之走戶臘二河不聽緬人邀大臣過河面議以冊寶視神

宗時差小疑以為假天波出黔國公印對同乃信因請由榔敕關上無得

納漢兵五月四日緬人復以舟迎由榔明日發井互行三日至阿瓦阿瓦

者緬酋所居城也又五日至赭硜始知前陸行者盡被緬人掠為奴多自

殺惟岷王子等八十人流入暹羅緬人於赭硜置草屋居由榔以竹為城

從行諸臣或短衣跣足與緬婦相貿易為笑樂大為緬人嗤是年中秋日

緬俗以是日大會羣蠻其酋欲誇示諸國請明黔國公沐天波過河令椎

髻跣足用臣禮見天波不得已從之歸泣告衆曰我所以屈辱者懼驚憂

主上耳否則彼將無狀我罪益大任國璽與禮部侍郎楊在餘姚劾奏之

時龐天壽已死李國泰代掌司禮由榔怒以御寶擲地吉翔即變而碎之散給諸臣其凶悖如此任

由榔不應明日吉翔國泰合奏由榔怒以御寶擲地吉翔即變而碎之散給諸臣其凶悖如此任

國璽集宋末大臣賢好事為一書述之由榔吉翔恨之由榔覽止一日國泰即竊去國璽又疏論

時事三不可解中言竊急怒眉當思出險吉翔不悅即令國璽獻出險策國璽忿然曰時勢至此

猶抑言官使不言邪

三月以平西王吳三桂鎮雲南平南王尚可喜鎮廣東靖南王耿繼茂

短衣跣足與緬婦相質

以吳三桂等鍾

雲南  
東福建

鄭成功  
進圍南  
京

乘機  
伐

鎮四川。初經略輔臣洪承疇奏雲南山川峻險幅員遼闊非腹裏地  
方可比請敕議政王貝勒大臣密議三路大兵作何分留駐守貴州中路  
漢兵及廣西漢兵作何布置安設至是詔命平西王吳三桂駐鎮雲南平  
南王尙可喜駐鎮廣東靖南王耿繼茂駐鎮四川。

夏六月鄭成功率師取鎮江進圍南京。先是順治初明隆武帝殉  
國鄭成功仍奉隆武年號後聞永歷帝駐蹕肇慶遣光祿寺卿陳士京入  
朝永歷封成功爲延平王大將軍成功感激受命遂改稱永歷三年以金  
門廈門兩島爲根據地日治軍謀大舉北伐散其私財募漳泉勇士十七  
萬以五萬習水戰五萬習騎射五萬習步卒一萬往來策應爲游擊一萬  
被鐵甲爲前鋒朱碧彪文鎗矢弗能入縱橫海上轉戰福州溫台間刺殺  
總督陳錦官軍畏之如虎及永歷十四年卽順治十五年成功會師浙海  
以少司馬張煌言爲監軍率師北伐抵羊山在浙中天朗波平而颶風猝發  
碎巨艦數十漂流士卒數千海舶自相衝擊義陽王某死焉乃還守廈門  
是年春清師三路入滇成功調知江南武備空虛復謀乘機北伐夏五月  
以舟師入崇明泝江而上時沿江要害悉置重兵設大礮橫鐵鎖防守緊



以十七舟長驅而進

張煌言別由蕪湖入徽寧

梁化鳳大破鄭成功於江寧

嚴而成功以十七舟長驅而進。靡敢攖其鋒。張煌言以所部相從。前驅抵瓜州。明日而成功至。清兵出禦。滿漢死者千餘人。遂破瓜州。六月南渡。攻鎮江。會江浙援軍大集。諸統帥皆一時宿將。管効忠尤以材勇冠其曹。成功所部僅二千人。禦之於楊篷山。五路疊陣。礮聲沸江水。成功奮力猛攻。清兵大敗。獲管効忠。援兵萬餘人。所存僅什之一。遂克鎮江。成功既取鎮江。卽謀進取南京。張煌言又別由蕪湖攻入徽寧。時江寧清兵移征雲貴。對此方面已成虛守。故太平寧國徽州等四府三州二十四縣皆望風納款。淮揚常蘇四府之形勢亦且夕響應。成功部將甘輝建議請北取揚州。以斷山東之師旅。南據京口。以絕西浙之漕運。抗其咽喉。號令諸將。江南可不戰而定。成功不從。七月抵金陵。謁明孝陵。併力猛攻。東南大震。漕運總督亢得時聞成功攻江寧。出兵高郵。自溺死。

綱秋七月。清總兵梁化鳳大破鄭成功於江寧。禽其部將甘輝殺之。目成功既取鎮江。圍南京。清帝聞之大震。幸南苑。集六師。議親征。而南京將亦議降。議擊未定。會成功因戰勝而驕。兩江總督郎廷佐佯使人通款。成功以緩其攻。成功信之不爲備。按兵儀鳳門外。依山爲營。連亙數里。樵蘇

廿輝被  
執死

化鳳有  
首功

四出營壘爲空。七月二十四日，蘇松水師崇明總兵官梁化鳳帥師赴援。化鳳陝西長安人，有勇略。既至金陵，登高望敵營，不整。軍士浮水而嬉，乃率勁騎五百，夜出神策門，破其一營。成功倉猝移帳，質明軍竈未就。化鳳大出師攻其前，以騎兵出山後夾攻，成功令甘輝守營，而自調舟師。諸營見山上麾蓋不動，不敢退，又不假相救，遂大潰。甘輝被執，不屈死。輝多謀善戰，爲鄭氏將帥冠。輝既死，鄭氏軍威稍熒。化鳳復燒海舟五百餘，成功遂以餘艦揚海出帆，攻崇明不下，遂還廈門，並檄退鎮江之師。時張煌言軍方移銅陵，遇貴州凱旋之兵，戰敗走徽寧山中，旋變姓名，由建德祁門山中出天台以入海。是役化鳳有首功，詔圖其形以進。

初成功自取鎮江，擊勢愈盛。本年六月二十六日，直逼江寧。江寧城大兵單，難於守禦。適征貴州兵凱旋，海勦章京、馬爾賽等統滿兵從荆州乘船回京，聞江寧警耗，星夜疾抵江寧。同江南總督耶廷佐、駐防昂邦章京喀喀木等密商乘散船未齊之前，擊其先到之船。喀喀木、噶爾丹等發艦滿兵乘船二十餘艘，於六月三十日兩路出擊。獲敵船二十艘，印二顆。至七月十二日，成功親擁戰艦，敗千餘。萬登陸攻江寧城，外連下

八十三營。安設大敵地雷，密布雲梯，復造木柵，思欲久困。又於上江、下江以及江北等處，分佈船隻阻截要路。廷佐與喀喀木等固守，以待援兵。至七月十五日，蘇松水師總兵官梁化鳳親統馬步官兵三千餘人至江寧。又撫臣蔣國柱調發蘇松提督標下游擊徐登第領馬步官兵三千名，水師右備王大成領馬步兵一百五十名，駐防杭州協領牙山營參將張國俊領馬步兵一千名。水師右備王大成領馬步兵一百五十名，駐防杭州協領牙

他里等領官兵二百名，俱抵江寧。廷佐等公議敵援分兵，備城立三營於儀鳳鐘阜二門外。當先擊之。隨於七月二十三日，派滿兵堵敵諸營，防其接應。遂發總督提督兩標綠旗官兵二門外，當先

營官兵從儀鳳鐘阜二門出擊。成功兵踞水陸兩路，一齊出擊。成功兵已離營屯紮高山，掘設接員戰。砲至晚收軍。廷佐等又於次日五鼓，水陸兩路一齊出擊。成功兵已離營屯紮高山，掘設接

神火敵列陳迎敵清軍奔獲甘輝並其總兵等官燒船五百餘艘追至鎮江瓜州成功軍乘舟而遁奏上帝深嘉悅著從優敘

清兵入成都四

○秋八月清兵入成都四川平

○初李赤心養子來亨等久竄廣西其

衆食盡且懼清兵進討率象走川東分據川湖間耕田自給川中舊將王光興譚宏等附之衆猶數十萬明主由榔大學士文安之因率來亨及劉體仁袁宗弟等十六營由水道襲重慶會譚宏譚詣殺譚文諸將不服安之欲討二人二人懼率所部降於清兵諸鎮遂散安之亦卒至是清兵進取川南克敘州馬湖二府總兵杜之香降成都餘黨聞風逃遁清兵追至新津斬溺無算全川底定於是獻忠餘孽之擾蜀者亦盡矣

清兵克沅江

○冬十一月清兵克沅江

○明主由榔之走永昌也道過沅江土知府

那嵩與其子壽迎謁供奉甚謹設宴皆用金銀器宴畢悉以獻曰此行上供者少聊以佐缺乏耳由榔既走緬甸李定國不敢深入聞白文選在木邦就之謀與文選計不合定國乃引兵自孟定過耿馬抵猛緬孟良不附定國移兵滅之據其地遣使號召諸土司兵嵩亦於沅江起兵應之至是清兵進討城破嵩登樓自焚合家皆死其土民亦多巷戰死

嵩賜諡烈愍

嚴禁結社訂盟

○庚子十七年

明永歷帝十四

春正月嚴禁結社訂盟

○給事中楊雍建奏朋

黨之害每始于草野而漸中于朝宁拔本塞源尤在嚴禁結社訂盟今之  
妄立社名糾結盟誓者所在多有江南之蘇松浙江之杭嘉湖爲尤甚其  
始由於好名其後因之植黨相習成風漸不可長請敕部嚴飭學臣實心  
奉行約束士子不得妄立社名糾衆盟會其投刺往來亦不許用同社同  
盟字樣違者治罪得旨士習不端結社訂盟把持衙門關說公事相煽成  
俗深爲可惡著嚴行禁止以後再有此等惡習各該學臣卽行革黜參究  
如學臣徇隱事發一體治罪

○夏五月鄂羅斯國察罕汗遣使奉表獻貢

○先是鄂羅斯國察罕汗

於順治十二年遣使請安貢方物不具表因其始行貢禮賚而遣之並賜  
敕命每歲入貢後於十三年又有使至雖具表文但行其國禮立而授表  
不跪拜於是部議來使不諳朝禮不宜令朝見卻其貢物遣之還後閱歲  
察罕汗復遣使齎表進貢途經三載至是始至表內稱一千一百六十五  
年又自稱大汗下諸王大臣議僉謂宜逐其使卻其貢物得旨外邦從化  
宜加含容以示懷柔鄂羅斯遠處西陲未霑教化乃能遣使奉表而來亦  
見慕義之忱來使著該部與宴貢物察收察罕汗及其使量加恩賞但不

必遣使報書爾衙門可卽以表文矜誇不遜不令陛見之故諭其使而遣之。

罷宋臣  
潘美張  
浚廟祀

綱六月罷宋臣潘美張浚帝王廟從祀。御史顧如華言帝王廟從祀功臣惟宋臣潘美雖平南有功然斜谷之敗不能制護軍王侁擅離陳家谷口致楊業父子無援而死宋之不能復征契丹實由此敗又宋臣張浚三命爲將而一敗于富平關陝淪亡再敗于淮西酈瓊叛命三敗于符離而中原不可復且劾李綱殺曲端與岳飛議不合奏飛欲專兵柄此二人宜罷其從祀允之。

復開各  
省鑄錢  
局

綱十二月復開各省鑄錢增置雲南省局。先是戶部奉上諭鼓鑄之法原以裕國便民今各省開爐太多鑄造不精以致奸民乘機盜鑄錢愈多而愈賤私錢公行官錢壅滯官民兩受其病欲使錢法無弊莫若鼓鑄歸一其各省鑄爐一概停止獨令京局鼓鑄務比舊錢體質更加闊原每文重一錢四分磨鑄精工且兼用滿漢字俾私錢難以僞作一面鑄順治通寶四漢字一面鑄寶泉二滿字其現行之錢姑准暫用俟三年後止用新鑄制錢舊錢盡行鎖毀至是卽順治十七年復詔開各省鑄錢增置雲南

省局定各局錢背分鑄地名江南江寧府局鑄寧字江西南昌府局鑄江字浙江杭州府局鑄浙字福建福州府局鑄福字湖南武昌府局鑄昌字河南開封府局鑄河字山東濟南府局鑄東字山西太原府局鑄原字陝西西安府局鑄陝字密雲鎮局鑄密字薊鎮局鑄薊字宣府鎮局鑄宣字大同鎮局鑄同字臨清鎮局鑄臨字並增置雲南之雲南府局鑄雲字皆滿漢文各一滿文在左漢文在右每文俱重一錢四分惟京局之寶泉寶源字俱用滿文



按順治十年所鑄字同又按錢之為制自古迄今遞加詳備苟悅謂夏殷以前錢無文周制則有文蓋以資字繫錢自周景王之寶貨始以年號繫錢自宋孝武之孝武錢始以通字繫錢自唐之開元錢始但武德鑄開元錢原取迴環亦得稱開通錢其專稱通寶者實

自唐之建中通寶始至錢背之繫以清初始定鑄在京局名及直省地名若夫錢之有面有數者或有繫以當五當十數者自清初始定鑄在京局名及直省地名若夫錢之有面有背古錢皆一面有字一面無字昔人以無字處為面為陽有字處為背為陰謂如器物款識必書於底其實不然考漢書稱錢之面背又作文與幕以幕為漫而無文章昭曰幕錢背也則無文字處之為背自古已然惟是古錢有字之面但紀銖兩之輕重至宋孝建四銖錢兼紀年號於是兩面皆有字唐宋以來皆紀年號而不紀銖兩遂以通寶之文為面此則古今隨稱號之各隨其宜也

**綱** 辛丑十八年

明永曆帝十五年是年

春正月帝崩

**目** 先五日帝疾大漸召

學士麻勒吉王熙

天字子雍順

至養心殿受遺詔立玄燁為皇太子至是崩在

位十八年。諭曰：章皇帝廟號世祖，初順治七年十二月攝王政，多爾袞卒。明年正月，帝始親政。時年十有三，其政略之可見者如順治九年四月始設宗人府衙門，五月定京察六年一次制，遇寅申年舉行，十年六月制寺人不得過四品，一切政事不許干預。十二年正月，命考選軍政、照文官例。三月，選滿漢詞臣八人，以原銜充日講官。十三年十月，裁六科漢軍副理事官，俱改爲御史。十六年正月，置內閣學士，翰林院滿漢掌院學生。五月，設翰林院侍讀侍講。十八年二月，遺詔罷十三衙門，仍隸內務府。此關於官制者也。又九年七月，定皇城北門曰地安門。十年六月，予明末殉難諸臣諡。十一年二月，停命婦更番入侍后妃之例。十四年三月，置盛京奉天府，詔直省學臣求遺書。十五年十一月，詔禮部議宮闈女官名數品級。此關於典禮者也。又八年閏二月，詔稅關祇差官一員。十年六月，改折各直省本色錢糧，歸於一條鞭法，總收分解。十三年六月，撤各省守摧錢糧滿官。此關於糧稅者也。又八年三月，命刑部通察刑獄，無干牽連者釋之。九年十二月，殺京師大豪李三十年。四月，諭內外法司清理庶獄。十三年七月，詔貪吏得贓十兩以上者，除依律定罪外，籍其家。十五年三月，因內監

宦官弊

革草  
革好弊  
革稅弊

皇太子  
即位  
康熙

以鰲拜  
等為輔  
政四大

吳良輔交通內外官員作弊伏法下詔戒諭羣臣此關於刑獄者也外此如樹鐵碑於禁中凡宦官有擅言外事及官吏賢否者凌遲處死而明代宦官之弊政革窮治明降臣劉澤清馬逢知土國寶輩藉勢害民置之重辟永禁投充旗奴而漢奸賊民之弊政革蠲除遼餉剿餉練餉等名嚴禁額外加徵而明代重稅苛民之弊政革凡此種種皆足以釐夙弊而樹遠謨惜天不假年親政十有二年而殂年僅二十有四

**附註**

自古開創之主類皆英明極變器遠大度故能崛起一方手定大業而清世祖乃以一童穉得之奇矣且以少數民族入主多數民族竟安然無傾覆之虞則尤奇考世

祖六齡踐祚十三歲親政二十四歲崩殂踐祚之初百事草創一仍明舊主持政務者惟多爾袞一人所用明廷舊臣如馮銓范文程黨崇雅陳名夏輩又皆亡國大夫視臨無恥拾備納賄成統一之功者一則因李自成張獻忠等殺掠過多民不聊生亂極思治一則因滿洲所成統緒之亂致開國規模訖無足紀親政後又以滿漢黨爭相傾相軋幾致延水火其親貴兵權隆重誅劾屠戮強執銜勅故滿清二百六十年之歷史其初政除以上所列舉者外無足觀也

**皇太子即位以明年為康熙元年** **皇太子世祖第三子也時年甫**

**八齡**

**以內大臣鰲拜索尼遏必隆蘇克薩哈為輔政大臣** **鰲拜索尼遏**

**必隆蘇克薩哈四大臣皆遼左人受遺詔輔政時帝冲齡踐位內外政權**

**皆在四大臣之手鰲拜尤專擅**



二月罷十三衙門復設內務府。初世祖開國鑒明代宦官干政之

失始設內務府罷太監不用至十年乃設乾清宮執事官及直殿局十一

年裁內務府置十三衙門。凡監八曰司禮曰御用曰御馬曰內官曰尙衣曰尙膳曰司

嗣改鐘鼓司為禮儀監尙寶監為尙寶司織染局為經局後又改尙方  
司為尙方院十七年又改內官監為宣徽院禮儀院設郎中以下官至是悉詔罷之並

治滿洲佟義內官吳良輔以變易舊制之罪吳良輔論斬佟義已死削其

世職其黨大學士劉正宗以年老免死於是革去十三衙門復設內務府

以御用監之職立庶儲司以尙膳監之職改探捕衙門以惜薪司之職改

內工部又改御馬監曰阿敦衙門兵仗局曰武備院

三月殺江蘇秀才倪用賓等十八人。初江蘇吳縣知縣任維新貪

酷暴戾征糧虐民復私侵常倉儲米萬衆怨憤適遭世祖國喪諸生倪用

賓等於巡撫等官聚哭於文廟時遞進揭帖於巡撫朱國治國治以與維

新有連恐事發波及遽收倪用賓等於獄株連顧予咸金人瑞等十一人

詭詞具奏指為震驚先帝之靈聚衆倡亂搖動人心請嚴加法處奉旨遣

侍郎葉尼等往勘皆定為不分首從處斬天下冤之是為抗糧哭廟之案

人瑞即金聖嘆也所批天下六才子書為世傳誦六才子一莊二騷三馬

復設內務府

哭廟之案

金聖嘆

封安南  
莫敬耀  
爲歸化  
將軍

緬甸盡  
殺明主  
由御從  
官

李定國  
自文選  
入緬甸  
求明主

史四杜律五水滸六西廂記

夏五月封安南國都統使莫敬耀爲歸化將軍

時莫敬耀帶領高

平等處地方効順廣西巡撫于時耀請給印敕得旨授都統使給與印敕係故明之例不宜沿襲自當另授官職以示鼓勵至是議准增本秩封爲歸化將軍其印信敕書俟到京給發

李定國白文選會兵攻緬甸不克緬人盡殺明主由榔從官

明主

由榔久居赭磴從官資用盡竭錦衣趙明鑒謀竊其世子以出爲馬吉翔等所阻李定國以三十餘疏迎由榔俱不達白文選復密遣人告由榔言不敢速進者恐有他害必得緬人送出爲上策由榔卽以書答之文選乃陰造浮橋將迎由榔爲緬人所覺事不果順治十七年秋文選率師進攻緬都阿瓦索明主由榔阿瓦有新舊二城新城緬酋所居文選急擊之城且破爲緬人所給退兵十里城中備禦復固反爲所敗文選乃引兵赴孟艮會李定國十八年夏定國復同文選會兵阿瓦使人入緬求由榔緬人不許以象兵與定國戰定國前隊稍失利文選引兵橫擊之緬人大敗退保新城然終不肯出由榔定國文選復議以舟師攻之遣人於上流造船

殺四十  
二人

錢鑄康熙

為緬人所焚定國文選移兵洞烏未幾文選兵潰走錫箔定國亦引還是  
 年秋七月緬酋弟弒兄自立欲盡殺由榔諸臣乃遣人告由榔曰蠻俗貴  
 詛盟請與天朝諸公飲咒水馬吉翔李國泰邀諸臣盡往至則以兵圍之  
 令諸臣以次出外出輒殺之凡殺四十二人吉翔國泰及黔國公沐天波  
 華亭侯王維恭綏寧侯蒲縵將軍魏豹都督馬雄飛吏部侍郎鄧士廉禮  
 部侍郎楊在御史烏昌期任國璽光祿少卿高勣兵部郎中金簡等皆死  
 焉天波賜諡忠節維恭約士廉在昌期國璽勣俱賜諡節愍吉翔縵雄飛以朋奸誤主不予諡惟都督同知鄧凱以足傷不能行  
 獲免緬人復以兵圍由榔所居其左右被殺及自縊者不可勝數惟存由  
 榔與眷屬二十五人

綱秋八月鑄康熙錢 先是順治十年於錢背鑄一釐二字其舊行無

一釐字錢暫從民便十四年復定錢文兼用滿字其舊錢俟三年後盡行  
 銷毀至是以三年限滿戶部議現在各局滿漢文之新錢鑄造尙少其一  
 釐字錢暫令展限行使請先收買十年以前無一釐字舊錢每一斤給直  
 七分交局銷毀改鑄從之又議收買私錢及舊錢廢錢山東道御史余司  
 仁疏言頃者禁止私鑄及明季之舊錢廢錢立法甚嚴但此等錢積聚民

殺鄭芝  
龍並夷  
其族

登州于  
七作亂

殺柘城  
男子張  
縉

間者不可勝數。今禁止攙和行使而未講求收買變通之方。請于京師及直隸各省地方立法收買。俾民無所行使。則攙和者自息。下部知之。

冬十月殺鄭芝龍等於寧古塔。並夷其族。時以鄭成功抗命不順。

詔殺芝龍於流徙之所。並殺其子世恩。世蔭等滅其族。鄭芝豹當成功抗命時。卽投誠來歸。並其子免死。

登州于七作亂。于七名小喜。本捕快。踞鋸牙齒山作亂。焚劫八邑。

帝以山東巡撫許文秀。沂州總兵官李永盛。登州總兵官范承宗等失察。致叛賊披猖。詔逮來京。特派都統濟世哈爲靖東將軍。統領滿漢官兵。前往征剿。濟世哈將各旂兵馬分駐登萊膠三處。防範海汛。旋獲于七。其黨悉平。明年三月班師。

柘城男子張縉。先是順治十六年六月有妄男子。纓笠汗袴。騎

而過河南之柘城。繫馬逆旅。馬驚逸。呼主人追之。不卽應。以馬捶傷主人。觀者皆怪之。搜其囊得銅印一。重逾二斤。隱隱有篆文。不能識。執以告縣。縣令訊鞫之。男子乃挺立大言。我朱慈英。前明皇帝第四子也。母曰周皇。后。於是反呵叱縣令。令大驚。辨其印文。則忠孝德全福祿壽永八字也。遂

銅印受  
自耿元  
度

上諸巡撫巡撫下兵巡道按驗男子益詐言始生三歲時李自成破北京  
爲賊帥所掠至山海關有李弁者負之南遯間關過長江匿於主事耿元  
度家耿許配以女旣而江南大亂復與耿奔走吳越間從故翰林何應元  
遊學遂薙髮爲僧居天台中數年不見容於人欲北渡河故取道於此  
且言嘗爲總兵官其辭不經多此類巡撫密械其人疏於朝章下兵部呼  
問男子銅印所自曰受諸耿元度問元度與何應元安在曰死久矣問李  
弁曰家真定至今猶隸巡撫麾下又問李何名曰忘之矣其狀貌如何曰  
眇一目兵部乃下真定索之巡撫悉拘眇一目者至京師與之辨皆非是  
兵部陽用好語稍稍誘男子使吐實久之方窮其詐蓋浙江之金華府人  
姓張名縉年二十歲旣爲僧又名超福少時嘗得銅印不知何人所遺遂  
竄入義烏郭門外之伏虎菴事僧百峯爲師時時自詭爲前明皇子或稱  
朱慈英或稱朱盟輒用印爲左證以惑士民恣行奸利有千總龔某者惡  
之將列於官縉詞得其狀卽棄僧服脫身逃至江寧轉入河南竟爲柘城  
人所執前所云云皆妄也於是詔繫刑部獄法司論縉妖言當棄市天子  
猶以爲疑命法司再勘法司雜問縉若何用爲此縉辭窮但曰年少無藉

詔定十  
六歲成  
丁制

吳三桂  
征緬甸

連坐擁  
之法

爲人所紿問紿者主名爲誰雖嚴刑終不肯以實對命繫獄中獄中人傳其善六壬數學自筮決不死至是恐縉在獄中爲變遂命棄之於市

○十一月詔定十六歲成丁制僧道無度牒者悉令爲農

○御史胡秉忠奏直隸各省州縣衛所編審花房人丁俱沿襲舊數壯不加丁老不除籍差役偏枯不均或流入邪教或逃竄盜藪或投遁他鄉漏戶逋糧爲弊匪細請敕有司覈實年十六以上成丁六十七准與豁免其有充僧道無度牒者悉令爲農安插附入丁冊當差從之

○十二月吳三桂率兵至緬甸緬人執明主由榔獻之軍前

○平西大

將軍平西王吳三桂定西將軍內大臣公愛星阿等帥師征緬甸兩路進

兵於十一月初八日會師木邦李定國先奔景線白文選據錫箔憑江爲

險清兵自木邦晝夜行三百餘里臨江造筏將渡文選復奔茶山總兵馬

寧等帥偏師追之及於猛養文選降清兵直趨緬城先遣人傳諭緬酋令

執送由榔否則兵臨城下後悔無及是月初一日清兵至緬城緬酋懼初

三日遣數十人至由榔所連坐擁之去遂並其眷屬送軍前清兵凱旋先

是順治十七年夏四月平西王吳三桂上言滇南負固有年一朝勘定獨

由榔遺三桂書

執由榔三軍前

永歷在緬。李定國、白文選等分住三宣六慰。孟良一帶藉永歷以鼓惑衆心。窺我邊防。患在門戶。號召諸蠻。患在肘腋。投誠生心。患在腠理。請及時大舉入緬。以靖根株。詔從之。即令三桂等出師。既至緬。傳諭緬酋。執送由榔。由榔遺三桂以書。其書曰：將軍新朝之勳臣。舊朝之重鎮也。世膺爵秩。藩封外疆。烈皇

我社稷。遁死我先帝。殺戮我人民。將軍志與楚國。飲泣秦庭。縞素警師。提兵問罪。當日之本衷。原未泯也。奈何惡藉大國。狐假虎威。外施復仇之虛名。陰作新朝之佐命。逆賊授首以後。而南方一

帶土宇。非復先朝有也。南方諸臣。不忍宗社之顛覆。迎立南陽。何圖枕席未安。干戈猝至。弘光殄祀。隆武就誅。僕於此時。幾不欲生。猶暇為宗社計乎。諸臣強之再三。膠承先緒。自是以來。一戰而

楚地失。再戰而東粵亡。流離驚竄。不可勝數。幸李定國、督師入滇。覆我巢穴。僕由是南渡沙漠。聊借輿地。無爭矣。而將軍忘君父之大德。圖開創之豐功。奮師於貴州。接僕於南安。自謂與人無患。

將軍以固吾圉。山途水遠。言笑誰歡。祇益悲矣。既失世守之山河。苟全微命。於蠻服亦自幸矣。乃

獨不容僕一人乎。抑封王錫爵之後。猶欲殛僕。以邀功乎。第思高皇帝。櫛風沐雨。之天下。猶不能貽留片地。以為將軍之建功所。將軍既毀我室。又欲取我子。鸞鳴之章。能不慘然心惻乎。將軍

猶不念己之裔。即不為僕。獨不念先帝乎。即不念二祖列宗。猶不念已之祖。若父乎。不知大清何恩。何德於將軍。僕又何仇。怨於將軍也。將軍自以為智。而

適成其愚。自以為厚。而反覺其薄。突而後。更有傳書有載。當以將軍為何如人也。僕今者兵衰力弱。亮亮子立。區區之命。懸於將軍之手矣。如必欲僕首領。即粉身碎骨。血灑草萊。所不敢辭。若

其轉禍為福。或以遐方寸土。仍存三恪。更非敢望。倘得與太平草木同沾雨露。於聖朝。僕縱有億萬之衆。亦付於將軍。惟將軍是命。將軍臣事大清。亦可謂不忘故主之血食。不負先帝之大德也。

惟冀三桂接書。怒攻緬益力。緬人遂執由榔。並其眷屬。送三桂軍前。太后

王氏不食。薨。戶部尚書龔夔頭觸地死。三桂班師。於是天下始統於一。

清鑑綱目卷三終

清鑑綱目卷之四

鹽城印鸞章編輯 金式陶 張延壽 趙雪 胡應庚 校訂

聖祖

●聖祖仁皇帝

名玄燁世祖第三子也母孝康章皇后佟氏八齡即位建元康熙在位六十有一年壽六十有九歲

東華錄曰：俊皇后年十五誕帝於景仁宮。順治十一年甲午三月十八日也。臨時合宮異香，經時不散。又五色光氣充溢庭戶。與日並耀。宮人內侍無不見者。咸稱奇瑞。帝天表奇偉，神采煥發，雙瞳日懸。隆準岳立，耳大聲宏。殉齊天縱，稍長，舉止端肅，志量恢宏。讀書十行俱下，略不遺忘。自五齡後，好學不倦。丙夜披閱，每至宵分。凡帝王政治、聖賢心學、六經要旨，無不融會貫通。洞徹原委，至孝性成。繼志述事，仰承太祖太宗肇造鴻基，以守策胤。追念世祖章皇帝耿光大烈，孺慕終身。奉事太皇太后、皇太后，竭誠盡敬，歷久彌殷。大德好生，民物在宥，勵精求治，日理萬幾六十餘年，孜孜如一日。戶口繁增，風俗醇美。遠過唐虞之世，料敵制勝，妙算如神。關前古未關之封疆，服從來未服之方國。巡閱河工，指授方略。准黃底定，世賴平成。且多藝多能，允文允武。著作則上擬典謨，吟咏則直追雅頌。精閑細楷，妙擅擊築，挽弓十五鈞，用矢十三握。左右騎射，發必中的。仁至義盡，久道化成。如天之轉，如地之載。日月之照臨，雨露之濡潤。蒼泰運光昌，世當極治。故篤生聖人，以贊化育。盛德大業，冠於百王。景福遐齡，超於萬禩。八齡踐祚，時太皇太后問上何欲，奏曰：惟願天下乂安，生民樂業，共享太平之福而已。蓋撫取萬方，馴致太平，其基已肇於此。

詔大赦

○壬寅康熙元年春三月，帝御太和殿受賀，詔赦天下。

○以明主由榔

就擒滇南平定故也。並祭告宗廟祖陵，頒詔大赦天下。

○夏四月，平西王吳三桂弑明主由榔於雲南，明始不祀。

○去年冬三

桂兵至緬，緬人執獻明主由榔於軍前。三桂見由榔初甚倨，長揖不拜。由

榔問為誰，聲甚厲。三桂噤不敢對，數問始稱名。由榔切責三桂曰：朕欲還

吳三桂 弑明主 於雲南



如待罪囚

殺由榔及大子於篋子坡

明始不祀

李定國死惟鄭成功屹然孤立

北京見十二陵而死。爾能任之乎。對曰：任之伏不能起。左右挾之出。則色如灰。汗浹背。後不復見。擁之至雲南。嚴兵守之。薄其飲食。如待罪囚。已而滿洲八旗中有藍旗章京兀兒特者。見之大憤。曰：吳三桂原食渠家祿。何無毫髮恩。乃爾遂謂其屬曰：此真主也。不如奉此以爲不世之功。衆皆從之。相約割髮爲號。至是事洩。三桂大驚。卽請命清廷。將由榔就地處分。遂輦由榔及其太子出。以弓弦絞之於滇城之篋子坡。時太子年十二。罵曰：吳三桂逆賊。我朝何負於汝。我父子何仇於汝。而至此耶。永歷太后聞變。大哭呼天曰：吳三桂逆賊。汝立志謀反。而以吾家爲汝固寵計。我張目地下。見汝之碎屍萬段也。是日風霾大作。三桂焚由榔屍。傳視諸將前。所謀八旗將士二千人。皆殺之。沒其妻子。夏五月。晉封吳三桂爲親王。於是乎明始不祀。是時李定國方連合居景邁之大。八百媳婦國居景線之小。八百媳婦國東合暹羅南連古刺。以謀恢復。聞明主被弑。皆解體文選。先以兵敗降清。閱二月。定國以憤懣死於猛臘。其餘從官千餘人。皆崎嶇散入他國。留邊地者。據波龍銀廠。世稱桂家。其海外義師。惟鄭成功尙屹然孤立。思復明室。取臺灣爲根據地。奉永曆爲年號云。

鄭成功  
卒

臺灣公  
家故土

**附記**

昔讀明季遺書。見夫遺臣烈士。不忍宗國之淪胥。舉義與師。前仆後繼。若爭以昭白。乃知大謬不然。弘光降武。無論矣。永歷賢主也。當諸臣。稍有人心。未必不可割據一方。稍延。明祀。迺猛虎在門。視若無睹。門戶水火。日開朝堂。睚眦恩怨之事。沸於綢繆。敵愾勤王之師。行弒逆。尤為亂臣賊子之魁。賊永歷太后大哭呼天數語。不禁令人怒髮上指矣。

五月明延平王鄭成功率於台灣

初成功之兵敗江寧也率戰艦

四百艘揚帆歸廈門清兵追之不能勝乃命自南京至廣東凡距海要岸四十里之家屋城市悉行毀壞人民移徙內地使成功無所依掠成功以廈門單弱餉無所自方謀有所發展中途遇荷蘭船有何斌者荷蘭政府廳之通譯也適在船中因說成功曰公何不取臺灣臺灣公家之故土也有臺灣則不患餉需無所出矣成功從之以子經守廈門而自率艦隊往攻臺灣臺灣者閩海中之一島嶼也南北修而東西狹距廈門約五百里明天啓初荷蘭人既據南洋諸島欲更求港於中國以艦隊謀犯澳門時澳門已為葡萄牙人所阻荷蘭人不得志退據澎湖島築城居之尋又為官軍所逐乃以天啓四年取臺灣據之崇禎時又為成功之父鄭芝龍所佔領荷人不敢與之爭及芝龍降清臺灣復為荷人所取改革行政宏布宗教授土人以荷語築安平赤嵌兩城次第開拓全土歸其掌握及是成

海外扶餘

海外強國

鄭經襲荷蘭遣使入貢

功率戰艦由澎湖乘漲潮直抵臺灣城下時城中荷人居者不過千餘外此則皆昔芝龍遷往之僑民也成功既抵城下以礮火攻城城堅不受攻相持六閱月會僑民有走附成功者爲之鄉導且以輿圖獻成功覽圖嘆曰此亦海外之扶餘也遂以二萬五千人登陸斷安平赤嵌二城之交通急攻赤嵌城下之安平被圍九閱月荷蘭帥不能支始開城降成功受其降而縱之而全臺遂爲成功所佔領成功既定全臺與所據金門廈門兩島相爲犄角以赤嵌城爲承天府置天興萬年二縣築館舍以居明宗室故老之來歸者禮處士陳永華爲謀主開屯懇興農業設官職起學校頒禮制通互市勸商工富強之業燦然大備招徠漳泉惠潮之民勝國遺臣昔嘗起兵抗新命者相率歸之蔚爲海外強國及本年五月初八日成功不幸遘疾歿年僅三十有九其子經襲位爲延平王仍奉永曆年號

綱癸卯二年春三月荷蘭遣使入貢 先是順治十二年荷蘭國嘗遣

使過野啓乍至北京通貢及康熙初荷人以臺灣爲鄭成功所奪領遂率

兵船至福建閩安縣在福建閩縣東託言助勦成功遣其戶部官老磨軍士丹鎖

總兵官巴連衛林等來貢帝嘉賞之各賜銀幣有差

殺浙人  
莊廷鉞

吳之榮  
告訐

戮作序  
者及其  
子孫

嫁禍同  
姓

學官連  
坐

購書者  
死

綱夏五月殺浙江人莊廷鉞戮其兄廷鑑屍株連死者七十餘人。目初  
明相國歸安朱國禎嘗著明史已刊行於世未刊者爲列朝諸臣傳國變  
後朱氏家中落以藁本質千金於莊廷鑑廷鑑浙江湖州人家故富因竄  
名已作刻之補崇禎一朝事中多指斥清代語歲癸卯歸安知縣吳之榮  
罷官謀以告訐爲功藉此作起復地白其事於將軍松魁魁移巡撫朱昌  
祚朱牒督學胡尚衡廷鑑並納重賂以免乃稍易指斥語重刊之之榮計  
不行特購得初刊本上之法司事聞遣刑部侍郎出獄時廷鑑已死戮  
其尸誅其弟廷鉞舊禮部侍郎李令哲曾作序亦伏法并及其四子。幼子哲  
年十六法司令其誠供一歲例得免死充軍序中稱舊史朱氏者指國禎也而之榮  
對曰予見父兄死不忍獨生卒不易供而死素怨南潯富人朱佑明遂嫁禍且指其姓名以證并誅其五子松魁及幕  
客程維藩械赴京師魁以八議僅削官維藩戮於燕市昌祚尚衡賄獄  
者委過於初申覆之學官歸安烏程兩學官並坐斬而兩人幸免湖州太  
守譚希閔蒞官甫半月事發與推官李煥皆以隱匿罪至絞濟墅關權貨  
主事李尙白聞閩門書坊有是書遣役購之適書賈他出役坐其隣一朱  
姓者少待及書賈返朱爲判其價時主事已入京以購逆書立斬書賈及

校對者

刻工及  
死鬻書者

告訐者  
起用

耿繼茂  
攻鄭經  
於廈門

鄭經退  
守臺灣

役斬於杭隣朱姓者因年踰七十免死偕其妻發極邊歸安茅元錫方爲朝邑令與吳之鏞之銘兄弟嘗預參校悉被戮時江楚諸名士列名書中者皆死刻工及鬻書者同日刑惟海寧查繼佐仁和陸圻當獄初起先首告謂廷讎慕其名列之參校中得脫罪是獄死者七十餘人婦女並給邊蓋浙之大吏及讞獄之侍郎鑒於松魁且畏之榮復有言雖有冤者不敢奏雪也之榮卒以此起用并以所籍朱佑明之產給之後仕至右僉都

綱冬十二月靖南王耿繼茂會荷蘭兵攻鄭經于廈門克之復浯嶼金門

二島 先是鄭成功既得臺灣遣長子經駐屯廈門及成功卒經自廈

門入臺嗣位既卽位復往廈門察視軍務靖南王耿繼茂福建總督李率泰貽書招之經請如琉球朝鮮例不薙髮不易衣冠不報會成功弟世襲在臺灣謀據其位不成而降於清清廷諜知內情卽命繼茂發兵攻之時荷蘭水師提督與李率泰相約共攻鄭經於廈門以圖報復十二月二十一日繼茂與率泰等渡海攻廈門敵衆皆驚潰登舟水師提督施琅會同荷蘭國夾板船邀擊之斬殺甚衆遂乘勝取浯嶼金門二島鄭經等乃退守臺灣

耿繼茂  
奏請遣  
歸其子

妖人阿  
仲

鰲拜殺  
內大臣  
費揚古

明督師  
張煌言  
死

綱中辰三年春正月耿繼茂奏請遣歸其子允之。繼茂爲耿仲明之子既王福建其子精忠留質京師至是繼茂有疾因奏言臣生長邊陲幼嫻武備今年雖未邁疾病相仍臣子耿精忠懇賜遣歸俾臣力疾教訓以備驅策允之。

綱二月妖人阿仲伏誅。初吳三桂進勦廣西隴納山寇生擒妖人阿仲至是命斬于軍前。

綱三月輔政大臣鰲拜殺內大臣費揚古及其子尼侃薩哈連。先是鰲拜與費揚古有隙費揚古子侍衛倭赫與侍衛西住折克圖覺羅塞爾弼四人同值御前不敬鰲拜鰲拜惡之遂以騎用御馬弓矢射鹿事論斬又以費揚古守陵怨望並其子尼侃已出征之薩哈連俱坐絞折克圖之父西住之兄塞爾弼之同祖兄俱以子弟所犯重大不卽請旨治罪分別革職鞭責。

綱秋七月明督師張煌言被執不屈死。煌言仕魯王以海周旋海島二十餘年自蕪湖敗歸後變姓名展轉山谷中由天台入海嘗貽書鄭成功勸其以兵內響成功未及用而歿煌言亦盡散其部曲攜一僕逃于懸

賦詩見志

復舉京察大計

吳三桂平水西

山范畧清兵偵知之設計擒捕初煌言嘗畜二猿見人至輒大號因得爲備至是清兵潛伏普陀山在浙江定海縣東海中一帶七月二十日浙閩總督趙匡臣乘夜從山後覓路而入猝至煌言臥所遂被執煌言賦詩見志諸將重其義欲降之不可且曰予窮海孤臣豈至今日而復改節耶辭氣慷慨至杭州被害臨刑賦詩曰海甸縱橫二十年孤臣心事竟茫然桐江空繫嚴光釣震澤難回范蠡船生比鴻毛猶負國死留碧血欲支天魯戈莫挽將頽日敢望千秋青史傳

綱乙巳四年春正月復舉京察大計 先是帝以內外大小官員歷俸

三年考滿視其稱職與否即可分別去留其京察大計暫行停止至是以御史季振宜奏停考滿三疏得旨復舉京察自康熙四年起以後每六年將內外官員考察一次

綱二月吳三桂征水西平之 時水西土司負固不服三桂統滇兵由

七星關入令提督李本深統貴州兵由六歸河在今貴州貴陽縣西北夾攻檄文誤六

歸爲陸廣本深屯陸廣聲息不通寄坤悉衆迎敵三桂受圍兩月糧竭援絕會本深禽賊謀知之即赴援圍始解大破敵衆于波羅箐追兵至法地

湯若望  
有罪免

楊光先  
為欽天  
監監正

聖生擒土司安坤。又進攻烏撒克之擒。其土酋安重聖、安重坤、水西遂平。明年二月，以安坤故，改比喇為平遠府。大方為大定府，水西為黔西府。

綱三月，欽天監監正湯若望有罪，免以江南官生楊光先為欽天監監正。江南徽州府新安衛官生楊光先，回教人赴京師叩闈，進所著摘謬論一篇，摘欽天監監正湯若望新法十謬，又選擇議一篇，摘湯若望選擇榮親王安葬日期，誤用洪範五行，下議政王等會同確議，尋議政王等逐欵鞫問，所摘十謬，楊光先湯若望各言已。是曆法精微，難以分別。但皇上曆祚無疆，湯若望止進二百年曆，殊大不合。其選擇榮親王葬期，不用正五行，反用洪範五行，山向年月，俱犯忌殺事，犯重大。湯若望議凌遲處死。帝念其專司天文，選擇非其所習，且效力多年，又復衰老，免死，革其職。未幾，即以光先為欽天監監正。

附記

湯若望，德國人。於明天啓二年至西安，天啓末年來北京。崇禎十四年，所撰曆書成。十五年，以新歷進呈，崇禎帝始欲以新歷代大統，回同歷，通行於天下。然卒未施行。

而明社已屋，清順治二年，始撰舊大統，回同歷，以西法制定之。憲歷頒行天下。是年十一月，賜湯若望管欽天監之印信，并許其選任監員七十餘人。其時世祖待遇之隆，過於恆格。湯若望與比利時人南懷仁，俱耶穌教士，而精於歷法。世祖死，排教路，動也。同教人楊光先謂各省耶穌教士，與湯若望相結，謀為不軌，作論闢之。康熙四年，光先因摺新法之謬，叩闈。湯

若望擬死，而免。明年八月，湯若望客死於北京。



復行三場舊制

詔鄉會試復行三場舊制。先是癸丑秋八月，禮部遵旨議覆鄉會考試停止八股文，改用策論表判頭場策五篇，二場用四書本經題作論一篇，表一篇，判五道，以甲辰科為始，減去一場。至是禮部右侍郎黃機奏請復行三場舊制，詔從之。

洪承疇卒

大學士洪承疇卒。初，承疇奉命鎮江寧，駐防總管巴山張大猷奏得明監國魯王封承疇鎮國公，及其總兵王斌卿致承疇與巡撫王國寶書，有伏為內應，殺巴張二將，則江南不足平等語。帝下詔慰諭承疇曰：朕益知賊計真同兒戲，因卿等皆我朝得力大臣，故反間以圖陰陷，朕豈墜此小人之計耶？承疇讀詔感泣，至是卒。諡文襄。

吳三桂奏平王耀祖

六月，雲南土酋王耀祖等作亂，平西王吳三桂討平之。三桂奏雲南省城迤東土酋王耀祖等窺臣遠征水西，本年四月竊據新興。舊為州，今為縣，雲南道中。僭號大慶，謀犯省城，分遣賊黨王義齊正陷易門，攻昆陽。今為縣，屬滇中道。河

西寧州土酋祿昌賢陷寧州。今雲南黎縣。攻江川通海宜良，窺澂江府，嶠峨縣

土酋祿益陷據嶠峨。趙印選攻彌勒，龍韜等攻石屏。今為縣，屬蒙自道。謀犯廣西。清

王朔李世藩等攻臨安府城，滇南震動。臣等分路剿捕，所至克

隸州，今為縣，屬蒙自道。

顧起龍  
獻玉璽

吳三桂  
平祿昌  
賢

李率泰  
卒

捷其餘州縣城池俱獲保全得旨嘉獎

○十二月溧陽縣民顧起龍進呈玉璽

○起龍掘地得玉璽篆文人心  
惟危道心惟微惟精惟一允執厥中十六字進呈於官兩江總省郎廷佐  
遣官齎進命貯內府

○丙午五年春正月雲南土酋祿昌賢作亂平西王吳三桂討平之

○祿昌賢作亂攻陷寧州等縣吳三桂偕同總督卞三元提督張國柱等分  
兵進勦平敵寨數十處遠近蠻獠聞風懼伏滇南大定奏聞得旨嘉獎下  
部議敘

○福建總督李率泰卒

○率泰初名延齡太宗時從征察哈爾朝鮮錦  
州並有功順治時總督兩廣旋討閩浙鄭成功屢爲所敗入閩悉平至是  
卒遺疏言閩海餘氛遠竄臺灣奉旨撤兵與民休息洵爲至計惟是將衆  
兵繁若撤之太驟不無驚惶太遲又恐遺患目下當安反側之心日久務  
防難制之勢紅毛夾板船雖已回國然而往來頻仍異時恐生釁端閩省  
兵馬錢糧專望協餉儻若外解不周卽有意外之虞至數年以來海禁甚  
嚴遷移之民盡失故業宜略寬界限俾獲耕漁稍甦殘喘詔賜諡忠襄

以私意  
圈換民地

綱冬十二月輔政大臣鰲拜殺大學士戶部尙書蘇納海及直隸總督朱昌祚巡撫王登聯。鰲拜爲輔政四大臣之一。帝初卽位時年僅八齡。世祖遺詔以鰲拜索尼遏必隆蘇克薩哈四人爲輔政大臣。受顧命輔嗣。主此四大臣皆遼左舊人不諳漢制。又以武人而操政柄。興革進退。輒任己意。而鰲拜尤專恣。結黨擅威。福清制領侍衛內大臣最貴。班在大學士上。而鰲拜以其子那摩佛爲之內大臣。費揚古開國元勳也。鰲拜與有隙。坐以守陵怨望。並其子尼侃薩哈連俱論絞。其橫暴如此。時四大臣中。遏必隆依附鰲拜。索尼不能制。惟蘇克薩哈屢與之爭。鰲拜深銜之。鰲拜籍隸鑲黃旗。蘇克薩哈籍隸正白旗。先是八旗兵從龍入關。例圈民間地與之多。爾袞攝政時。曾以鑲黃旗得地。給與正白旗。而別給鑲黃旗地於右翼之末。事已二十餘年。旗民相安。至是鰲拜欲以私意互相圈換。並增圈民地。以益鑲黃旗。大學士蘇納海不可。謂民旗相安已久。民間地畝。曾奉旨不許再圈。宜罷議。直隸總督朱昌祚保定巡撫王登聯亦交章言不便。鰲拜大怒。欲置三人於死。帝不許。鰲拜乃矯詔殺蘇納海朱昌祚王登聯三人。並籍沒其家產。旗民莫不冤之。

吳三桂  
奏平烏  
撒

沈天甫  
伏誅

索尼卒

聖祖始  
親政

○丁未六年春二月平西王吳三桂征烏撒平之。○三桂奏貴州苗蠻叛亂由水西進勦烏撒生擒女酋隴氏及逆黨萬餘蠻疆復定。

○三月江南民人沈天甫有罪伏誅。○自明史案發生後文字之獄大起江南民人沈天甫呂中夏麟奇等選逆詩二卷詭稱黃尊素等百七十人作陳濟生編集故明大學士吳姓等六人爲之序沈天甫使夏麟奇詣吳姓之子中書吳元萊所詐索財物吳元萊察其書非父手蹟控于巡城御史以聞帝以奸民謀叛誣陷平人大干法紀下所司嚴鞫沈天甫等皆棄市其被誣者悉置不問。

○六月輔政大臣一等公索尼卒。○鰲拜專政與蘇克薩哈不協率以事忿爭索尼惡之而無如之何至是卒諡文忠。

○秋七月帝始親政。○時帝已十四歲矣先是去年八月給事中張維赤奏世祖章皇帝于順治八年親政年十四歲今帝卽位已六年齒正相符請擇吉親政不報今年三月輔政公索尼等亦奏請親政疏留中未發後復奏啓太皇太后得旨俞允命禮部擇吉日以聞七月己酉帝親政御太和殿受賀詔加恩中外罪非殊死咸赦除之。

輔政大臣鰲拜殺太子太保內大臣蘇克薩哈並夷其族

初鰲拜

以增圈民地擅殺大學士蘇納海等三人蘇克薩哈頗不悅屢與鰲拜爭鰲拜大怒至是以蘇克薩哈不欲抵三人死罪誣以扶同徇隱欲併殺之會帝親政蘇克薩哈奏臣才庸識淺蒙先帝眷拔茲遇皇上恭親大政乞令往守先帝陵寢俾如綫餘息得以生全鰲拜稱旨謂不識有何逼迫之處在此何以不得生守陵何以得生著議政王等議奏已而鰲拜與其黨班布爾善等構成蘇克薩哈二十四大罪必欲置之極刑獄具奏聞帝微知其情堅執不允鰲拜攘臂帝前強奏累日竟坐蘇克薩哈處絞其子內大臣查克旦凌遲餘子達器德器孫倚克札親弟蘇嗎喇之子海蘭無論已成年未成年皆斬立決家產籍沒妻孥一併入官姪圖爾泰認爲弟兄之白爾黑圖姓納喇氏滿州正白旗人及蘇克薩哈之叔之弟額邇德烏爾巴俱革職皆斬立決其一等侍衛二等侍衛四十餘人俱革職爲兵

戊申七年春二月詔求精通天文占候者

夏四月郁之章有罪流徙特旨赦宥

郁之章浙江嘉善縣人有罪

流徙尙陽堡會有認工贖罪例其子候選知縣郁襄請修刑部衙署贖父

復以八股取士

革楊光先職

以南懷仁爲欽天監副

還里。至是限期將滿，尙未訖工。郁之章例當復徙，郁褻叩關，願棄官代父之徙。所郁褻弟郁廣亦叩關言，已當代徙，留其兄郁褻侍父疾。部議子代父徙，非舊例，仍治以衝突儀仗罪。帝矜其孝友，特旨並赦宥之。

○秋七月，詔鄉會試復以八股文取士。○時又定武殿試一甲進士用例，凡一甲一名進士，以參將用，二名進士以游擊用，三名進士以署游擊管營都司僉書用。

○己酉八年春二月，欽天監監正楊光先革職，以比利時人南懷仁爲欽天監監副。○先是去年冬十二月，治理曆法南懷仁劾奏欽天監監副

吳明烜所造康熙八年七政民曆內，康熙八年閏十二月應是，康熙九年正月又有一年兩春分，兩秋分種種差誤，得旨曆法關繫重大，著議政王等會同確議，並差大學士圖海、李燾等同往測驗。至是圖海等與欽天監監正馬祐測驗結果，立春雨水太陰、火星、木星與南懷仁所指逐款皆符。吳明烜所稱逐款不合，議政王等會議應將康熙九年一應曆日交與南懷仁推算，但楊光先職司監正曆日差錯，不能修理。左袒吳明烜，妄以九十六刻推算，謂西洋之法必不可用，應革職交刑部從重議罪。得旨楊光

鰲拜  
職禁錮  
終身

諸童狙  
擊鰲拜

先革職免交刑部三月以南懷仁爲欽天監監副

綱夏五月輔政大臣鰲拜有罪褫職禁錮終身

目鰲拜既矯旨殺蘇克

薩哈索尼又死四大臣中惟鰲拜與遏必隆二人而遏必隆依違其間不

敢出鰲拜範圍於是鰲拜益專橫擅權跋扈每奏事輒攘臂廷前強說不

已帝怒先是帝未親政之先

年十三歲時

見鰲拜擅殺蘇納海等心惡其專卽

欲設計除之而以其握兵柄掌宿衛士心歸之未敢卽發乃與索尼子索

額圖謀料簡八旗子弟年甫成童而孔武有力者使入內苑侍帝爲角觝

貫跂諸劇鰲拜每入奏事往往遇之以爲兒童戲劇耳不疑其有他故也

而帝益敬禮鰲拜鰲拜愈自安不設備至是帝與索額圖謀以計除鰲拜

一日獨召鰲拜入見時帝已伏諸童伺其側鰲拜甫踰闕諸童突起狙擊

之鰲拜出不意立成禽命康親王傑書等勘問列其罪三十款帝親鞫之

俱實廷議立斬帝以鰲拜爲顧命輔臣且有戰功不忍加誅詔貸其死革

職籍沒與其子那摩佛同禁錮終身其弟都統穆里瑪姪塞本得納莫及

其黨大學士班布爾善吏部尙書阿思哈兵部尙書噶褚哈吏部尙書泰

璧圖俱立斬遏必隆咎止因循瞻顧未嘗結黨特爲寬宥仍以公爵宿衛

內廷蘭布革去親王授爲鎮國公餘各從輕治罪後繁拜既伏辜帝始釋那摩佛於獄卒

於家方繁拜將啟時侍讀熊賜履遵旨諫奏時政有曰內臣者外臣之表也又曰急公喜事但欲趨目前之利以便其私圖繁拜惡其侵已請治以妄言之罪並請申禁言官不得上書陳奏帝不欲

許賜履字青岳湖北孝感人

**附記**

康熙初繁拜索尼過必隆等四大臣輔政與順治初多爾袞濟爾哈朗之兩親王輔政同繁拜之專類於多爾袞而橫暴過之當是時父爲輔政子爲內大臣大學士班

布爾善及六部尙書盡其黨羽威權之重至一日之間殺大臣數人在廷擴背情勢洶洶不臣之狀業已顯著聖祖於其逆跡未彰時執而幽之俾得保首領以沒亦云幸矣然以一十

數齡童子而能克殄大憝不勳聲色聖祖真人傑矣哉

六月復蘇克薩哈及白爾黑圖等原官 帝以繁拜挾讎矯殺蘇克

薩哈子孫白爾黑圖並非罪犯因係族人連坐誅戮殊屬冤枉詔給還原

官並將蘇克薩哈案內文武官職已革者復官已故者留蔭生未幾以索

額圖爲內國史院大學士是年秋工部尙書都統濟世內祕書院學士吳

格塞兵部侍郎邁音達以均係繁拜同黨革職濟世吳格塞並處絞

詔止旗人圈占民地 諭戶部朕纘承祖宗丕基撫育羣生滿漢軍

民原無異視比年以來復將民間田地圈給旗下以致民生失業衣食無

資深爲可閔自後圈占民間房地永行停止其今年所已圈者悉令還給

民間

復蘇克薩哈等原官

詔止圈占民地



特旌孝子

以程氏  
襲五經  
博士

詔定服制

金之俊  
卒

定滿漢  
官員品  
級

綱秋九月特旌孝子王祚昌。王祚昌山東邱縣人。刲肝療父。父病立起。特旨給旌。後不爲例。

綱庚戌九年春正月。以宋儒程氏後裔程宗昌程延祀。襲五經博士職。

綱二月。以金光祖爲兩廣總督。馬雄鎮爲廣西巡撫。

綱定服制。詔王公以下。有頂帶官員以上。禁止穿五爪三爪蟒段。滿

翠段。圓補服。黑狐皮。黃色秋香色衣。軍民人等。禁止穿蟒段。縐段。金花段。

貂皮。猞猁。獾。白豹皮。補子等服。

綱閏二月。內國史院大學士金之俊卒。之俊在明官兵部侍郎。闖賊

入京師。不能死。被拷掠。清兵至之俊降。以原官起用。頗以建白聞。至是卒。

諡文達。

綱三月。定滿漢官員品級。初奉旨制定滿漢官員品級。至是議政王

大臣等。遵旨議覆。滿洲大學士。尙書。左都御史。俱一品。侍郎。學士。副都御

史。通政使。大理寺卿。俱二品。漢大學士。原係正五品。今爲二品。尙書。左都

御史。俱二品。侍郎。學士。副都御史。通政使。大理寺。俱三品。滿洲郎中。三品。

員外郎。四品。漢郎中正。五品。員外郎。從五品。今若將漢人官員品級。與滿

安南人  
有罪來  
之投執還

耿繼茂  
卒

洲畫一則在外升調品級不符查順治十五年曾將滿洲官員與漢人畫一至康熙六年改爲照舊今應將滿洲官員品級照順治十五年例其見在品級仍准存留以後照此補授從之

○多十一月定總督巡撫支俸例  
○戶部奏嗣後總督巡撫自一品二品官推授者仍照原品支俸自三品以下官推授者俱支三品俸永著爲例詔從之

○辛亥十年夏四月安南人阮福祿有罪來投執還之  
○雲貴總督甘文焜奏安南國人阮福祿因獲罪伊國求投內地查安南爲本朝屬國阮福祿既係有罪不便收留仍應交還安南處置詔從之

○五月靖南王耿繼茂卒以其子和碩額駙耿精忠襲爵  
○繼茂耿仲明之子仲明先世山東人徙遼東蓋州衛今奉天蓋平縣爲毛文龍養孫名毛有傑生而面深黑手掌潔白如玉軀幹偉長驍勇善戰文龍既被誅因勸孔

有德等同歸滿洲封懷順王世祖入關改封靖南王既平湖南將至廣東行至吉安今江西廬陵縣卒於軍繼茂遂襲封爵爲靖南王領其軍與平南王尙

可喜俱至廣東既平兩粵朝命平南靖南兩藩同鎮廣州科臣言兩藩並

趙環請  
增百官  
俸

建諸所未便。乃移繼茂入閩。開府福州。至是卒。諡忠敏。六月。詔以其子精忠襲爵。精忠魁偉有異志。然好嚙比小人。卒以致禍。

御史趙燦請增百官俸。燦奏言。各官俸薪太薄。比之順治四年所

定。官員經費錄內。減去數倍。今總督每年支俸一百五十五兩。巡撫一百三十兩。至知縣止。四十五兩。每月三兩零。不足五六日之費。不取之百姓。勢必飢寒。若督撫勢必取之下屬。所以懲貪而愈貪也。請將本省應征稅銀與納贖之款。加入官員俸祿。疏入報聞。

召見巴  
海

冬十月。召見寧古塔將軍巴海。帝召見巴海。問以寧古塔及瓦爾

喀。胡爾喀。人民風俗。並諭曰。瓦爾喀。胡爾喀。人皆暴戾。奸詭。爾其善布教化。以副朕綏遠之至意。

十一月。募夫大挑。淮揚裏河。從河道總督王光裕奏也。

十二月。罷民間養馬禁。初。民間養馬。及用馬。駕車。俱有禁。至是詔

悉罷除之。

壬子十一年春正月。厄魯特噶爾丹。台吉請遣使入貢。允之。蒙古

喀爾喀。以西。天山以北。本厄魯特蒙古境。其地故元代牧場。分駝馬牛羊

厄魯特  
噶爾丹  
台吉請  
入貢

罷養馬  
禁

噶爾丹  
自立爲  
準部汗

頒布訓  
諭十六  
條

四部稱四衛拉特譯言四大部元衰猛可帖木兒據其地明時謂之瓦剌正統中瓦喇極盛其汗也先死瓦剌中衰始分四部居烏魯木齊附近者曰和碩特居伊犁者曰準噶爾居額爾齊斯河流域者曰杜爾伯特居塔爾巴哈台附近者曰土爾扈特總謂之厄魯特蒙古康熙初準噶爾部長巴圖爾渾台吉死子僧格嗣其異母兄二人爭屬產與僧格有隙刦殺之時僧格同母弟噶爾丹方爲喇嘛在西藏歸而靖亂戮逐諸兄自立爲準噶爾汗乃遣使請通貢於朝理藩院議奏據厄魯特噶爾丹台吉奉稱伊兄僧格台吉在時曾遣使進貢今請准照常例遣使進貢詔從之

**附註**

按噶爾丹爲準噶爾部酋長準噶爾爲厄魯特四大部之一其後噶爾丹統一厄魯特清廷三次用兵於準噶爾其端即始於此

綱夏六月頒布訓諭十六條

一曰敦孝弟以重人倫二曰篤宗族以

昭雍睦三曰和鄉黨以息爭訟四曰重農業以足衣食五曰尙節儉以惜財用六曰隆學校以端士習七曰黜異端以崇正學八曰講法律以儆愚頑九曰明禮讓以厚風俗十曰務本業以定民志十一曰訓子弟以禁非爲十二曰息誣告以全良善十三曰誠窩逃以免株連十四曰完錢糧以省催科十五曰聯保甲以弭盜賊十六曰解讎忿以全性命

詔停孫可望襲爵

裕親王奏辭議政

馮銓卒

尚可喜請撤藩

○秋八月詔停故義王孫可望襲爵。○孫可望歸降後封為義王。既卒

其子孫襲封。至是御史孟熊飛奏孫可望本流寇張獻忠餘黨復為李定國所敗衆散勢孤窮蹙乞降前有重大之罪後無纖微之勞我國家格外殊恩授以義王顯爵及伊身死已襲替二次今孫徵淳沒若令再襲則後此世世冒濫無已况定制從無投誠官員世襲罔替之例應請停其襲封或減等降封議政王大臣議應如所請降授義公得旨公銜止加一義字不合着改授為慕義公。

○冬十二月裕親王福全等奏辭議政許之。○時裕親王福全莊親王博果鐸惠郡王博翁果諾溫郡王孟峨奏辭議政大臣職允之康親王傑書安親王岳樂順承郡王勒爾錦貝勒察尼董額尚善奏辭議政大臣職不允。

○癸丑十二年春正月大學士馮銓卒。○銓為明萬曆進士諂附魏忠賢與東林為難殺楊漣熊廷弼等皆其主謀後降清為內祕書院大學士禮部尚書加太保兼太子太師至是卒賜祭葬諡文安。

○二月平南王尚可喜請撤藩歸遼許之。○可喜遼東人為毛文龍養

以貴陽七府錢糧歸知縣管理

以滿漢文集譯成書

孫勇而善謀官遊擊文龍死率親兵五百歸滿洲封智順王佐定天下改封平南王順治四年平湖南六年平廣東遂命鎮守其地有子女一百三十餘人長之信尚公主次之孝為平南將軍可喜自以馬上得名始終不延師教其子以故之信等驕縱多不法時可喜年已七十不能視事以兵事屬之信而之信驕暴恣橫可喜受其制不得已用其客金光之計請撤藩歸老遼東冀見帝自陳疏既上部議允之遂令盡撤藩兵回籍

二月以貴陽等七府錢糧各歸附郭知縣管理 時戶部議准貴州

巡撫曹申吉奏設官分職上下相維天下之通義獨黔省知府知縣各有親轄地方分徵錢糧並無經徵督徵之異非所以定經制而專責成也請將貴陽安順平越都勻鎮遠思南銅仁七府知府經管之地方錢糧各歸附郭知縣管理其知府止司督徵之責庶規制畫一永遠可行詔從之

夏四月詔以滿漢文集譯成書 是月辛亥帝諭學士傅達禮滿漢

文義照字翻譯可通用者甚多後生子弟漸致差謬爾任翰林掌院可將滿語照漢文字彙發明某字應如何用某字當某處用集成一書使有益於後學不必太急宜詳慎為之務期永遠可傳斯為善也

詔封暹羅國王

禁八旗奴殉主葬

吳三桂耿精忠請撤藩

三藩並建

西選

詔封暹羅國森列拍臘照古龍拍臘馬疇陸坤司由提呀菩埃爲暹羅國王

六月詔禁八旗奴殉主葬。八旗舊俗包衣佐領以下奴僕皆隨主殉葬。至是詔禁除之。

秋七月平西王吳三桂靖南王耿精忠疏請撤藩許之。先是世祖入關之初平定東南諸省實賴明降將之力於時命平西王吳三桂徇川滇平南王尙可喜靖南王耿仲明定南王孔有德徇兩粵桂林之戰有德死焉仲明先數歲死江西子繼茂襲封而有德以無子國除及東南大定諸將帥以禁旅還京師朝命以三桂功高留王雲南更命可喜王廣東繼茂王福建繼茂旋死子精忠襲封仍王福建是爲三藩並建之始當是時明宗室諸王已蕩滅無遺海內郡縣亦均歸一統惟此三藩分封列土握兵馬財政之權隱如敵國三藩之中三桂功最大兵最強權亦最重當統兵入滇之初羽書旁午世祖假以便宜雲貴督撫咸受其節制凡財賦兵馬及用人之權悉以委之吏戶兵三部不得與聞其所除授號曰西選西選之官徧天下而自據明永曆帝五華山舊宮爲藩府莊田七百餘頃廣

四方精兵猛將多歸其部下

三藩之弊作

下徙藩

市西番蒙古名馬通使達賴喇嘛重斂土司金幣開礦摧鹽厚自封殖諸將子弟教以戰術水陸衝要徧置私人四方精兵猛將多歸其部下其子應熊復尙主居京師探刺朝廷動靜纖屑靡不知以是根蒂益固異志潛萌會平南王尙可喜年老多病以兵事屬其子之信而之信淫酗恣橫粵人畏之甚於寇賊同時耿精忠又苛收厚斂爲暴於閩三人皆挾邊防爲名索餉中央歲二千萬元一切皆仰給江南幾靡天下之半康熙六年親帝政後念中央威權之不振知非裁抑諸藩不可故外雖優禮陰實爲之備而諸藩亦微窺帝意所在內不自安詭請解兵納土以探朝旨於是撤藩議起而三藩之變作先是三桂精忠聞可喜請撤藩歸遼朝廷已允其請至是亦疏請撤藩

三桂疏言臣下官兵家口於康熙元年遷移至康熙三年遷完雖家口到瀋九載而臣身在巖疆已十六年今聞平南王尙可喜已准撤藩仰

特鴻慈請撤歸安插精忠疏言臣曩時二載心懸帝關近見平南王尙可喜乞歸一疏已奉俞旨仰懇皇仁撤回安插 得旨著議政王大臣等會

同戶兵二部議奏諸王大臣俱言不可撤惟戶部尙書米思翰兵部尙書

明珠刑部尙書莫洛以爲撤亦反不撤亦反不如從其所請爲先發制人

之計帝從之遂下徙藩之詔是年八月命禮部左侍郎折爾肯學士傳達

禮往雲南戶部尙書梁清標往廣東吏部左侍郎陳一炳往福建經理各



雲南吳  
三桂反

藩撤兵起行事宜。又命戶部侍郎達都會同盛京戶部侍郎及奉天府尹察看安插三藩地方。九月調鄂善爲雲南總督。以雲南地屬遠疆。撤藩後控制需人。著特專設總督一員。添設提督一員。

○冬十一月。平西王吳三桂反。殺雲南巡撫朱國治。雲貴總督甘文焜死之。○自撤藩議起。吳三桂自負功高。以朝廷決不奪其寸土。當請撤疏上。猶冀溫旨慰留。得如沐氏世守雲南之例。及徙藩詔下。三桂大震。反謀始急。欲立明後。號召天下。則緬甸之役。焚殺桂王。無可自解。又以滇蜀阻隘難進。非舉兵之地。欲行至中原而後發。因謬爲恭順。陰事部勒密召其子應熊於京師。應熊不肯行。使者取庶子世璠歸滇。會巡撫朱國治稱奉詔督促三桂起程。三桂不能堪。與其黨胡國柱、夏國相、馬寶等密謀舉兵。先期三日。邀國治及按察使李興元、知府高顯辰等。逼令同叛。國治不從。遂執殺國治及興元等。以所部兵反。時十一月二十一日也。三桂既反。移檄遠近。自稱天下都招討兵馬大元帥。國號周。以明年爲周王昭武元年。畜髮易衣冠。旗幟皆白。貴州巡撫曹申吉、提督李本深、雲南提督張國柱。皆響應之。雲貴總督甘文焜聞變。倉卒將十餘騎自隨。日夕行數驛。至鎮

國號周  
改元昭  
武

詔止閩  
藩粵勿撤

楊起隆  
謀起兵  
復明

數百人  
礮於市

遠守將已叛應率兵圍之文焜度不免手刃其子遂自刎筆帖式亞圖華  
珊亦自殺兵部主事辛珠等俱不屈死警報達京師舉朝震恐大學士索  
額圖請斬主撤藩諸臣以謝之帝不許但馳詔止閩粵兩藩勿撤而罪狀  
三桂削其官爵下其子應熊於獄遣都統巴爾布馳赴荊州以順承郡王  
勒爾錦爲寧南清寇大將軍督率諸軍討之又以滇蜀接壤命西安將軍  
瓦爾喀率騎兵赴蜀大學士莫洛經略陝西軍事以爲援應

十二月楊起隆謀起兵復明事洩捕其黨數百人殺之 圖時有楊起  
隆者詐稱朱三太子糾黨謀起兵復明改元廣德其黨以白布裹頭約於  
京城內外放火舉事潛聚降將周全斌家全斌之子公直家人陳益等與  
焉鑲黃旗監生郎廷樞首告其事滿軍都統圖海漢軍都統祖承烈等以  
兵圍公直家生擒其黨朱尙賢等數百人礮於市惟起隆遁去

圖

楊起隆一案官書謂其詐稱朱三太子其實楊起隆亦終未緝獲是否詐稱抑在京  
倡事時是否實有楊起隆在內俱未可必其爲朱三太子之名震動世間則此事

殊有關係斯時京城至有驅逐居民移居城外之傳言則漢人之自危可想是月戊子帝諭  
兵部刑部云近因逆匪楊起隆詐稱朱三太子煽惑愚民潛謀不軌其黨相繼緝獲俱經審明且

者正法其牽累者業行省釋除首逆楊起隆張子房金玉環鄭得勝仍嚴緝外其餘黨與概  
從寬免緝以後着改行從善格違法紀勿得自干憲典軍民人等俱宜各安生業不得聽信

偽言自生疑懼旁人亦不許妄行首告借端誣詐擾害善民附二  
部卽出示通行曉諭自此曉諭後漢民之在京城內者乃稍安定

吳三桂  
陷沅州  
常德衡  
陽諸府

綱甲寅十三年春正月吳三桂犯川湘陷沅州常德岳州衡陽諸府

三桂既據有滇黔分遣部將王屏藩馬寶吳應麟等進攻川湘屏藩奉天人饒勇善戰爲三桂左都督左營總兵官馬寶陝西人初附流賊後從永曆至是又從三桂爲右都督右營總兵官應麟爲三桂族子時爲左都統三人皆三桂所親信屏藩倚任尤重是月屏藩統兵至四川提督鄭蛟龍總兵官潭洪吳之茂等各以所部兵降馬寶至湖南以奇兵攻陷沅州總兵官崔世祿被執巡撫盧震知勢不敵棄長沙遁走岳州時清兵之屯集荆襄者皆畏葸不敢渡江赴援應麟率兵繼之於是湖南之常德岳州澧州衡陽等四府一州先後失陷同時四川巡撫盧森長沙副將黃正卿岳州參將李國棟等俱以所部叛應三桂川湘一帶遂俱爲三桂所有

廣西孫  
延齡反

綱二月廣西將軍孫延齡反殺都統王永年戴良臣執巡撫馬雄鎮幽之

孫延齡定南王孔有德壻也有德山東人孔子之裔居遼陽仕明爲

參將隸毛文龍文龍死與耿仲明尙可喜同降滿洲封恭順王及入關以擊賊有功改封定南王留鎮廣西與三桂仲明可喜並爲四王桂林之役歿於陣其子庭訓亦被害止遺一女曰四貞世祖憫之詔送入宮爲太后

孔四貞

掌定南  
王府事

二都統

安遠大  
將軍

福建耿  
精忠

養女及長美而才將爲擇配四貞自陳已有壻孫延齡因求得之封四貞和碩格格掌定南王事遙制廣西軍而授延齡爲和碩額駙四貞自以得宮闈憐愛又掌藩府事恆蔑視延齡延齡美丰姿曉音律長擊刺機智深狙謹事四貞日譽其能太后遂寵延齡恩禮亞於親王康熙五年詔延齡駐守廣西妻孔氏以一品夫人從行四貞貴倨久忽改主號爲夫人似妻從夫爵怏怏不愜意夫婦遂不相能會四貞有故官屬戴良臣者薦所親王永年爲都統而已與嚴朝綱副之相與媚事四貞因讒構延齡夫婦滋不合已而三都統益攘權并藐視四貞四貞大悔恨復與延齡和好如初延齡受制於三都統積不能平訴於廷三都統亦具疏辨訐廷議皆右三都統左延齡延齡失望甚十二年吳三桂事起以書招延齡延齡遂召良臣永年等十三人皆殺之舉兵廣西自稱安遠大將軍執巡撫馬雄鎮幽之兩廣總督金光祖聞變奏報到京帝以延齡所轄官兵皆定南王舊人必不甘心從逆因下詔削孫延齡職傳諭廣西有能擒斬延齡投獻軍前者優加爵賞或以兵馬城池納款者論功敘錄自拔來歸者亦免罪收用

三月靖南王耿精忠反執閩浙總督范承謨幽之

方吳三桂之舉

密謀舉兵

總統兵馬大將軍

分三路北伐

兵雲南也。遺書精忠，約共起事。精忠得書，卽與藩下左翼總兵曾養性、右翼總兵江元勳、都統馬九玉、參領白顯忠等密謀舉兵。擬先據福州，恐總督范承謨不從，遂詭言海寇至，邀承謨計事。巡撫劉秉政潛與精忠通，促之行。承謨知有變，左右請擐甲以從。承謨曰：「衆寡不敵，備無益也。」坦然按轡行。至則衆甲士露刃脅從。承謨挺身罵曰：「狂賊乃敢反耶！」精忠憚其威望，恐殺之，重民怒，拘之土室中。置守者三十二人，絕粒八日不死。精忠遣秉政說之降，承謨大怒，蹴之仆地，罵曰：「逆臣，不日當就誅！」我先禡其魄，終不屈。精忠末如之何，因並其家屬五十餘人幽之。遂據福州發兵反，自稱總統兵馬大將軍。效三桂束髮易衣冠，私鑄裕民通寶錢，以都統馬九玉總兵曾養性、白顯忠等分下延平、邵武、福寧、建寧、汀州等地。於是全閩遂陷。遣使至雲南，約三桂分寇江西、江南。又遣使至廣東，約潮州總兵劉進忠擾廣東。是年四月廿三日進又約臺灣鄭經賂以沿海郡邑，倚爲聲援。已而復分三路出兵北伐：一由東路取浙江溫州，縣曾養性統之一；由西路取江西，廣信、建昌、饒州，白顯忠統之一；由中路取浙江金衢，馬九玉統之。浙江總督李之芳聞變，疾馳扼衢州，分兵守常山要路。時曾養性以精

楊來嘉  
叛附吳  
三桂

殺吳三  
桂子應  
熊及孫  
世霖

兵數萬窺衢州之芳孤軍扼險死力拒守以故養性不能越衢州而西奏報至京帝遣精忠弟聚忠賫敕至衢州勸諭精忠拒不納帝因命內大臣希根爲定南將軍禮部尙書哈爾哈齊副之率師赴江西討精忠

襄陽總兵官楊來嘉以穀城叛附吳三桂 初河北總兵官蔡祿與來嘉同爲鄭成功裨將成功既死先後率衆來降並授左都督擢任總兵官至是三桂兵抵岳州來嘉遂以穀城叛投降三桂已而鄖陽副將洪福亦以所部兵叛提督佟國瑤擊敗之時蔡祿駐兵懷慶購羸馬造馬鎗密與來嘉往來同謀應三桂經坐塘筆帖式偵悉告變帝遣阿密達前往察勘阿密達至懷慶蔡祿鳴礮拒之阿密達直入軍署擒蔡祿嚴鞫得實卽將祿父子並其姪鼎席及同謀諸人斬於市

夏四月殺吳三桂子應熊及其孫世霖 三桂既陷岳州據衡陽聲勢益盛又親赴常德督師令吳應麟等嚴守岳州扼洞庭湖口布重兵於澧州石首華容松滋間爲犄角之勢自三桂舉兵至此數月之間六省盡失中原動搖四方守土者悉無固志清兵雲集荆襄鄂城間莫敢渡江一櫻其鋒時三桂握重兵徘徊湖湘間私心猶冀朝廷畏其兵勢裂土議和

應熊爲  
質京師

吳三桂  
分兵北  
伐

以大隊  
扼湖南

得劃江爲國。帝微窺其隱，不許議和。一意主征討。下詔賜其子應熊及其孫世霖死。應熊者三桂長子也。初三桂征雲南時，留應熊爲質於京。世祖命尙公主爲和碩額駙，授爵三等子。尋加少保兼太子太保，及帝卽位，晉少傅兼太子太傅，恩禮備至。三桂初舉兵時，諸王大臣請將應熊凌遲處死。帝以應熊久在近侍，心有不忍，置之於獄。至是始賜之死，以絕三桂之望。其餘幼孫俱免死入宮。

五月吳三桂以大隊扼湖南，分兵北伐。先是三桂赴常德督師，其部將中有謂宜疾行渡江，全師北進者。有謂宜直下南京，扼守運河，以絕南北糧道者。三桂俱不用。至是聞其子應熊及孫世霖皆賜死，乃大怒，卽以大隊兵扼湖南，令吳應麟、馬寶、張國柱守岳州，以抗清軍。更分其軍爲南北二路出師北伐。一路由四川進窺秦隴，一路由長沙進窺江西。其窺江西之軍亦分二路：一由大江達南康境，直取都昌；一令副將二人率裸獮兵數千人，由長沙進襲袁州。是年秋，裸獮兵入袁州，連陷萍鄉、安福、上高，與耿精忠之兵合，凡陷三十餘城。朝廷聞警，亦分四路出師，命貝勒尙善爲安遠靖寇大將軍，出江西；簡親王喇布爲揚威大將軍，鎮江南。

馬雄郭  
義叛降  
吳三桂

王輔臣  
反

莫洛繳  
輔臣隨  
征四川

又命定西將軍貝子洞鄂與莫洛由陝入蜀奉命大將軍康親王傑書與貝子傅喇塔由浙入閩更命平南王尙可喜與兩廣總督金光祖合討孫延齡

○秋九月廣西提督馬雄總兵郭義各以所部叛降吳三桂  
○廣西自孫延齡舉兵後人心變亂咸無守土志至是提督馬雄及左江總兵郭義同時變叛投降三桂全省震動帝卽命安親王岳樂爲定遠平寇大將軍帥師赴廣東討之

○冬十二月陝西提督王輔臣反經略莫洛死之  
○王輔臣山西大同人吳三桂之養子也明季爲盜號馬鴿子順治五年從大同總兵姜瓖叛六年阿濟格圍大同輔臣殺瓖降隸正白旗漢軍授侍衛從征入滇隸三桂部下十六年雲南既定授援勦右鎮總兵尋進陝西提督駐兵平涼康熙十二年三桂初反時貽書輔臣誘以官爵輔臣遣子繼貞首三桂逆書得旨嘉獎封三等子方三桂之初起也朝廷以四川助逆陝西與四川接壤當敵衝乃以大學士莫洛爲經略鎮撫關中會三桂將王屏藩攻川北急莫洛檄輔臣隨大軍征四川而與輔臣以征馬二千輔臣怒曰經略盡



輔臣發  
槍殺莫  
洛

進封尙  
可喜爲  
平南親  
王

調我良馬以疲瘠者與我欲置我於死地耶行次寧羌兩營僅距二里許  
輔臣因糾衆逼莫洛營噪以馬羸餉缺莫洛自出撫慰輔臣突前發烏鎗  
殪之遂脅經略標兵及運糧兵二千自隨還踞略陽通欵三桂三桂隨遣  
使犒輔臣銀二十萬兩又令屏藩出兵漢中以應之輔臣受銀卽遣其黨  
以重兵阻棧道清貝子董額在漢中餉運不繼退歸西安於是漢中興安  
相繼爲三桂所據輔臣留兵守秦州而自攜所部歸平涼分取甘肅諸州  
縣其勢大熾事聞帝下詔切責統兵諸大臣遷延觀望致有此變因下詔  
議親征羣臣力諫乃止隨以大學士圖海爲定遠大將軍節制西征諸軍  
進討輔臣

乙卯十四年春正月進封尙可喜爲平南親王

可喜自疏請撤藩

歸遼後尙未啓行而雲南兵起詔停閩廣兩藩勿撤可喜仍駐守廣東時  
可喜老矣性最忠謹三桂屢遣使致書勸誘同叛可喜始終不肯從及孫  
延齡反可喜與總督金光祖併力勦禦朝廷深倚重之至是以長子之信  
兇頑不可恃請以次子之孝襲封平南王爵優詔報可遂晉封可喜爲平  
南親王以之孝襲封平南王爵並給之孝大將軍印

米斯翰卒

蒙古布爾尼叛

直逼張家口

二月戶部尙書米斯翰卒。初三桂精忠疏請撤藩廷臣爭言不便。

惟思翰獨言撤亦反不撤亦反。因力主撤藩。帝嘉納之。其後三桂精忠相繼叛逆。滇黔楚蜀閩粵悉爲所踞。廷臣復言因撤藩而激變。請斬主議者以謝之人。咸爲思翰危。帝諭廷臣曰。朕自少時卽以三藩勢燄日熾不可不撤。豈因其叛逆遂諉過他人耶。置不問。思翰益感激。至是卒賜諡獻果。

三月蒙古察哈爾親王布爾尼叛。以多羅信郡王鄂扎爲撫遠大將軍。大學士圖海爲副將軍。率師討平之。蒙古察哈爾在今熱河察哈爾

綏遠一帶。爲內蒙中部。自其王額哲奉傳國璽來降後。太宗以其爲元室嫡裔。封爲親王。位在內蒙古四十九旗諸貝勒之上。額哲既卒。再傳至布爾尼。因吳三桂之變。大軍盡南征。京師空虛。遂乘機煽動。奈曼等部擁衆同叛。率兵直逼張家口。距京師僅數日程。帝深憂之。孝莊文皇后曰。大學士圖海才能出衆。可平此亂。帝立召圖海。授以將軍印。令副多羅信郡王鄂扎率師往討。時京師禁旅悉遣南征。宿衛空虛。無可調遣。圖海請選八旗家奴健者爲兵。得數萬人。遂率之以行。所過州縣村落皆縱令諸軍劫掠。所獲無算。及出塞。乃下令曰。前所掠皆士庶家。不足爲寶。察哈爾承有

圖海平  
定察哈爾

令圖海  
西征王  
輔臣

鄭經陷  
漳州

元數百年之業。珠玉寶物。不可勝計。汝等若能獲取。富貴終身矣。衆踴躍從命。是月師次達祿布爾尼。設伏山谷。以兵三千來拒。圖海率師進攻。伏發。圖海分兵力戰。殲其接濟之師四百人。布爾尼怒。悉衆出。用火器來攻。圖海嚴陣以待。連擊大破之。布爾尼以三十騎遁。科爾沁額駙沙津追斬之。於是察哈爾各部皆平。自經此役。察哈爾八旗遂退列於蒙古四十八旗之外。官不能世襲。事不能自專。與蒙古各扎薩克之以國爲君。以民爲子者。迥然異矣。已而圖海班師奏凱歸。陛見時。帝責其縱掠。以有司劾章示之。海頓首曰。臣無狀。負皇上恩。然將烏合輿臺之衆。以禦方張之寇。非誘之以金帛。何由得其死力。主上不卽誅臣。待臣凱旋而後責之。主上之聖明也。上大悅曰。朕固知卿必有所爲也。遂進海爲撫遠大將軍。令統兵西征。王輔臣於平涼。

十一月鄭經陷漳州。海澄公黃芳度死之。自康熙二年冬。福建總

督李率泰率提督施琅黃梧等檄荷蘭夾板船會攻鄭經。克金廈兩島。經遁還臺灣。後帝詔大臣明珠蔡毓榮赴臺招諭。經仍以琉球朝鮮例爲請。帝不許。及耿精忠反。據福建告援於經。許以漳泉二府酬之。臺人皆喜。經

黃芳度  
殉難

立允初  
爲皇太  
子

甯夏兵  
變

王進寶  
復蘭州

因率師渡海而西與精忠合攻廣東陷潮惠諸州已而精忠背約不肯與漳泉經怒反兵自取命其將劉國軒率師圍漳州招海澄公黃芳度降芳度黃梧子也陽受經命陰實備禦經偵知之圍攻益急十一月二十日總兵官吳淑引經兵入城芳度奮力巷戰勢不能支遂赴開元寺投井死經兵撈屍寸磔之殺其全家男婦故海澄公黃梧亦劈棺拋屍部下將弁蔡隆朱武等俱罹慘禍

始  
○十二月立子允初爲皇太子  
○太子時年僅二歲清立皇太子自此

○丙辰十五年春正月寧夏兵變詔以西寧總兵王進寶爲陝西提督駐兵秦州  
○進寶初爲西寧總兵官王輔臣反時以書招進寶進寶聞於朝帝嘉之授爲一等阿思哈尼哈番時朝廷以甘肅蘭州關係三邊令陝西總督哈占發兵駐守哈占以西安要地不便分兵致使蘭州爲王輔臣所陷三邊搖動帝卽命進寶率師規復蘭州進寶進兵四面圍攻輔臣兵被困糧運路絕造木筏百餘將渡河遁進寶沿河設兵邀擊之知其計已窮隨宣諭招撫衆以城降遂復蘭州未幾又與靖逆侯張勇會勦輔臣之

衆于西河三戰皆捷十四年冬寧夏提標兵變提督陳福被戕詔以進寶爲陝西提督仍兼西寧總兵官事駐兵秦州進寶受命後捕爲首者數人誅之餘衆悉平

廣東尙  
之信反

二月廣東討寇將軍尙之信反幽其父平南親王尙可喜總督金光祖巡撫佟養鉅俱叛應之

殺姬解  
醒

之信可喜長子也初留京師尙公主歷被兩朝恩寵康熙六七年間歸藩不得其父歡性橫暴酗酒嗜殺所爲多不道每深宮靜夜無以解醒卽以佩刀刺殺其侍姬雖甚寵愛所勿惜也喜畜

割肉啖  
犬

犬築居設監出必塞途居民避匿嘗怒一監命左右割肉啖犬肉盡乃止可喜宮監傳命至見其腹大曰此中必有奇寶卽取刃剖其腹而視之其兇暴類如此初吳三桂反數遣人與可喜書可喜執其人奏其書朝旨嘉

獎晉封平南親王及耿精忠反以偏師擾廣東降將劉進忠復引鄭經入潮州祖澤清引馬雄入高州雷廉二府亦相繼失陷廣東十都已失其四將軍舒恕總督金光祖俱退回肇慶吳三桂復遣兵攻之勢甚危急可喜老矣且多病次子之孝統兵在潮之信代理軍事三桂誘之起兵之信移游未定然兵權在握可喜不能制本月初密疏於朝自陳衰病請派威望

改職易服

尚可喜  
被幽死

圖海西  
征王輔臣

大臣馳粵彈壓及朝廷派兵至之信已與三桂通以嚴兵監視其父於藩府戒各事毋得關白遂於本月二十一日發兵反改職易服移檄遠近受三桂招討大將軍號封爲輔德公時之孝移軍惠州兩廣總督金光祖及鎮南將軍舒恕軍高州副都統莽依圖軍肇慶精兵尙不下二三萬足以合力制之信而光祖陰受三桂密劄牽制諸軍使不得進已而巡撫佟養鉅降三桂之信勢大振擊舒恕軍走之莽依圖突圍遁光祖養鉅遂並臣三桂三桂晉之信爲輔德親王趣出師可喜被幽憤悶成疾未幾遂卒

**圖**夏五月撫遠大將軍圖海擊敗王輔臣於平涼六月輔臣乞降關陝平

**圖**先是三桂在湖南謀乘輔臣之變取道川陝直擣燕京因留兵七萬守澧岳以拒荊州之軍又留兵七萬守長沙萍醴以當岳樂江西之師而使楊來嘉進掠鄭陽自引大兵赴湖北松滋調度此康熙十四年十二月事也十五年春帝命大學士圖海爲撫遠大將軍率師西征圖海輕騎至陝甘藉河西三將之力一戰而破輔臣之衆於平涼城北局勢爲之一變初圖海至平涼明賞罰申約束軍威大振輔臣畏其威堅壁不與戰已而圖海引兵至城北虎山墩相度形勢輔臣率衆萬餘突出迎戰圖海督諸

王輔臣  
乞降

關陝平

詔止八  
旗子弟  
考試

康親王  
傑書平  
福建

將奮擊大破之。斬總兵二人。餘皆被擒。墜崖死者甚衆。輔臣退回城中。圖海據虎山墩。斷其餉道。俯瞰城中。輔臣益窮蹙。因遣使乞降。奏報到京。帝宥其前罪。頒詔撫慰。輔臣遂於是年六月。使其子繼貞。總兵蔡元。繳所受吳三桂劄印。詣軍門降。詔復輔臣官爵。加太子太保。授靖寇將軍。繼貞亦擢爲太僕卿。同時三桂將王屏藩。吳之茂等。亦爲張勇王進寶所敗。慶陽固原皆復。於是關陝悉平。三桂北犯之謀。因以大沮。是役也。河西三將之力爲多。三將者靖逆將軍張勇。開原提督趙良棟。陝西提督王進寶也。是時去國初幾四十年。八旗勇悍之氣漸消。吳三桂兵起瀋南。下黔蜀。擾湘關。陝。勢如破竹。荆州大軍十數萬。莫敢渡。上擢其鋒。并綠營諸將。屬一守正。艱難百戰。天下事未可知也。陝甘既定。秋八月。加封圖海爲三等公。張勇一等侯。王進寶一等阿思哈尼哈番。授奮威將軍。孫思克一等阿達哈哈番。升甘涼提督。而命輔臣隨圖海鎮守中。

冬十月。詔止八旗子弟考試。生員舉人進士。禮部奏八旗子弟以武備爲急。若仍與漢人一體考試。必偏向讀書。有誤訓練。除見在生員舉人進士錄用外。嗣後請將八旗子弟考試停止。詔從之。

奉命大將軍康親王傑書率師至福州。耿精忠降。福建平。初精忠舉兵。分三路北伐。中路馬九玉據浙江金衢。東路曾養性據浙江溫台。西路白顯忠據江西廣信。建昌饒州。又遣使臺灣約鄭經掠潮惠。執續順公

耿繼祚  
棄營宵遁

長驅入  
仙霞關

三路俱  
覆

沈瑞於潮州復增白顯忠兵使犯武昌以阻援師其勢甚熾朝廷命康親王傑書為奉命大將軍率師往討貝子傅喇塔為寧海將軍佐之師至浙江破會養性於衢州城外引兵圍溫州久而不下而馬九玉方據江山常山開化三縣與總督李之芳相持會耿繼祚再犯建昌忽棄營宵遁帝偵知精忠與鄭經互鬪即命撤圍溫之師直取福建先是精忠約鄭經擾潮惠許以漳泉二府相酬及經出兵精忠背約經怒反兵奪漳泉汀郁諸府耿鄭交惡治兵相攻遂為清軍所乘是年七月傑書傅喇塔合軍赴衢州大破馬九玉之師乘勝復常山江山等縣九玉遁走因長驅入仙霞關直抵蒲城中路既破將軍希爾根又大破白顯忠於建昌饒州復廣信建昌等縣白顯忠勢蹙乞降西路亦破會養性聞之亦舉溫州降東路亦覆斯時清軍既覆三路之師鄭經又取閩地之半聞康親王師入閩已下建陽進次延平精忠震懼不知所為先遣其子繼祚詣大軍乞降朝廷以滇粵未平暫許其請精忠懼前總督范承謨暴其罪乃先殺之以滅口

時承謨被

冠御賜冠衣辭母時衣每逢朔望北面再拜間為詩文以說書壁上  
二人中之一也感承謨忠義謀與出走幸泄精忠怒悔之噉尼大言曰吾願與忠臣同死不願與  
逆賊同生遂縊之至是精忠欲殺承謨以滅口命人以夜迫承謨起誑殺之幕僚留永  
仁王龍光沈天成從弟承諧及親屬家丁五十三人皆遇害舊卒王道隆亦自刎死  
**冬十月**



耿精忠  
出降

福州平

吳三桂  
殺孫延齡

孔四貞  
歸京師

尙之信  
乞降

康親王師抵福州令侍讀學士尹泰齋免死敕諭前往精忠奉詔遂於十月初四日率文武官員出城迎降獻所屬官兵冊籍旋得旨復精忠靖南

王爵仍駐福州

康熙二十年吳三桂平精忠至京師或告其仍著異謀者詔付有司勘問廷議當斬遂與其子顯祚同戮於市順靖南王府

十二月吳三桂使人至廣西執孫延齡殺之

延齡於康熙十三年

春據桂林反提督馬雄以柳州應之二人遂同降三桂三桂遣使封延齡為臨江王以馬雄為東路總管同掌廣西軍政延齡故與馬雄有隙雖共事三桂而畏其偏已猜忌益甚延齡妻孔四貞又日夜感帝恩力勸延齡反正延齡意動計且決矣馬雄偵知之密報三桂三桂乃使其從孫世琮引兵赴廣西以規復廣東為名突入桂林禽延齡殺之延齡子亦為世琮所殺並拘四貞入滇以其部衆屬綠國安管理後雲南平四貞歸京師奉孔有德祀延齡竟無後

按延齡之死明季神史四王傳謂在十六年春今從東華錄及汪榮寶中史教科書謂當在十五年十二月

尙之信遣使乞降詔赦其罪

尙之信既附三桂三桂封之為輔德親

王而數促其出師北伐使越庚嶺抗清軍之信以內部未定為辭三桂又遣使索餉賂以庫款十萬始已之信頗中悔未幾三桂復令馮甦為廣西巡撫遣馬寶張國柱窺韶州又以董重民為總督踞肇慶府守衝要之地

雜髮反

定誘賣人口律

喇哈達復海澄十縣

喇布平江西

之信大懼。至是聞孫延齡被殺之信，益懼恐其及已，密遣使至江西揚威。大將軍簡親王喇布軍前乞降。喇布以聞，帝降敕諭許以立功自效。於是之信禽執，董重民、薙髮反正，以待大軍入粵。

○丁巳十六年春正月，更定誘賣人口律。○國初定律，凡設方術誘取良人與掠賣良人子女者，罪止論戍爲妻妾；子女者，罪止論徒。至是，帝以其奸惡甚於牙販，而法輕不足蔽辜，着刑部詳議，更定刑律。凡犯誘取典賣或爲妻妾等事，不分所誘良賤，已賣未賣爲首者立絞，爲從者旗人枷責，民人杖流。

○二月，將軍喇哈達兵至漳州，復海澄等十縣，閩地悉平。○初，鄭經敗於興化，泉州遂棄漳州、海澄等地，退守廈門。其副將孫紹芳、知府程夢蘭等相繼迎降。將軍哈喇達兵於二月二十日抵漳州，遂復府城及海澄十縣，閩地悉平。

○三月，簡親王喇布至吉安，江西平。○初，簡親王喇布與將軍莽依圖圍攻江西吉安，師久無功。吉安者，江西之門戶也。三桂初命高大節、陷吉安，以斷簡親王後援之師。大吉既得吉安，使其黨韓大任守之，而自率所

部乘間出戰以少擊衆官軍當者輒挫嘗以百騎破官軍於大覺寺又突擊於螺子山簡親王及將軍希爾根皆遁走大節入營縱飲而去大節尋與大任不相能屢爲所讒發憤死大任不敢出戰於三月二十一日棄城出南門夜遁清軍進復吉安江西平

莽依圖  
兵至廣  
東

○六月將軍莽依圖兵至韶州尙之信降廣東平 ○時吳三桂既失江

尙之信  
出降

西又聞尙之信至簡親王喇布軍前乞降乃命馬寶胡國柱攻之信於韶州以圖廣東同時將軍莽依圖以既克江西卽進兵至南安原任提督嚴自明以城降三桂將郭義亦遁莽依圖遂踰嶺克南雄直至韶州尙之信聞大軍入粵先遣其弟之瑛納欵至是親率軍民出城迎降金光祖亦自肇慶至之信又以書招原任高州總兵祖澤清澤清遂以高雷廉三郡降又招原任瓊州總兵官佟國卿國卿以瓊州降已而潮州劉進忠苗之秀亦以潮州降於是廣東悉平詔之信仍襲其父平南王爵駐守廣東

廣東平

之信後

復持兩端清軍征湖南調之信往援不應及吳三桂死始會皇出師駐軍武宣無何其弟之孝因謀奪藩位令左右赴京首之信怨望狀復聯結藩府張伯全諸人證成之謂之信至京對簿證據確鑿送以十九年八月賜之信死之

孝亦繼平南將軍爵平南王府遂廢

○秋八月廣西巡撫傅宏烈克復梧州 ○傅宏烈江西進賢人也初爲

傅宏烈  
復梧州

宏烈伴  
附三桂

平蠻滅  
寇將軍

詔舉博  
學鴻儒

慶陽知府當三桂未變時常計其不軌之謀於朝朝廷不信坐誣妄謫戍蒼梧及三桂既反宏烈思欲謀恢復當先假其事權於是伴附三桂受其倍勝將軍之號已而入思州泗城廣南富川諸土司及交趾界聯絡義勇得五千人遂於十五年冬移檄討三桂三桂大怒殺其全家三百餘口於柳州然不能害宏烈宏烈嘗以大義說孫延齡令其反正延齡信之及三桂殺延齡宏烈又以大義說尙之信同謀恢復本年五月莽依圖進兵入粵宏烈遺右理事官麻勒吉書謂若得大兵速進南安宏烈從中接應以扼廣東咽喉廣東路通則廣西全省宏烈可一面當之但須假一虛銜且請分給土印以便號召麻勒吉以聞詔授宏烈爲廣西巡撫平蠻滅寇將軍俾增募義兵便宜行事六月大軍入韶復詔莽依圖以兵八千尙之信以兵三千助之然之信不遣兵又不爲莽依圖具舟艦師久不集宏烈遂獨領所部萬餘乘機先進克復梧州三桂將趙天元僅以身遁已而進克潯州下鬱林所向皆捷三桂之勢益蹙

吳三桂所據廣西之地遂失其半

○戊午康熙十七年春正月詔舉博學鴻儒

○諭吏部自古一代之興

必有博學鴻儒振起文運我朝崇儒重道四海之廣豈無碩彥奇才可以

吳三桂稱帝

追縱前哲者令在京三品以上及科道官員在外督撫布按各舉所知於是大學士李蔚等薦浙江曹溶

字潔躬秀水人

等七十一人入京待試

三月吳三桂稱帝徙都衡州改元昭武

吳三桂自舉兵雲南以來

至是已六十有七歲矣頗思藉帝位自娛然自王輔臣耿精忠尙之信乞降後既失陝西福建廣東三大援又失江西及廣西之半其所據自滇黔外獨有四川湖南及廣西數郡而已而清兵又雲集湘湖間疆宇日蹙且自軍興以來東西調發財用漸竭川湖賦稅不足以供軍需情見勢絀深恐諸將解體欲即據帝位以繫人心其下又爭相勸進遂於本年三月即皇帝位建元昭武國號周自長沙徙都衡州改衡州爲定天府置百官封諸將造新曆舉雲貴鄉試以號召遠近登極之日殿瓦不及易黃以漆髹之構廬舍萬間爲朝房適大風雨草草成禮而罷

夏五月貝子傅喇塔卒於軍

當三藩之變清初宿將已盡惟安親

王傅貝子剿流賊於川楚間習戰陣故兩軍最立功浙閩平定傅貝子軍

尤有紀律至是卒諡惠獻

自傅貝子卒後鄭經復引兵進攻福建沿海諸郡邑閩事更棘於耿藩

秋七月鄭經復陷海澄長泰等縣進攻泉州

鄭經自退守廈門後

國號周

舉雲貴鄉試

傅喇塔卒

鄭經圍  
攻海澄

圍攻泉  
州

吳三桂  
死

仍日思進兵本年二月據玉州等寨三月分遣吳淑蔡寅等於石碼城登岸進攻江東橋即虎渡橋在福等處朝旨命康親王偕印廷棟黃芳世協守漳泉海澄閏三月印廷棟黃芳世同敗蔡寅於天寶山在福建龍溪縣四十三里斬楊寧等將三十六人經復益兵圍攻海澄夏五月海澄公黃芳世卒於軍詔贈少保諡忠襄以其弟總兵官黃芳泰襲封六月經攻海澄急城外木柵礮臺俱陷經兵從高埠俯瞰城中火攻不絕總兵官黃藍馳書告急得旨著康親王速檄將軍賴塔喇哈達等赴援又密遣書黃藍如有隙可乘即率兵棄城突出來會漳州大軍秋七月海澄糧盡黃藍等委城突出海澄遂陷經復進攻長泰署前鋒統領希佛歿於陣長泰亦陷未幾經復遣劉國軒等攻取同安乘勝水陸並進圍攻泉州詔副都統岳爾多馬思文率師赴援

八月吳三桂死其孫世璠立 三桂既稱帝益思發展六月三桂發

兵攻郴州前鋒統領碩岱與戰敗績退保永興郴州遂爲三桂所有三桂既得郴州以永興爲衡州門戶相距僅百餘里勢所必爭即召回馬寶王緒胡國柱等併力進攻永興都統伊里布副都統哈克山相繼戰沒河外

營壘悉爲三桂軍所據。簡親王喇布屯兵茶陵。

今爲縣屬湘江道

不敢救。將軍穆占

在郴州。遣兵來援。亦不敢進。於是前鋒統領碩岱等入城死守。而三桂軍

三面環攻。晝夜不息。城壞於礮。囊土補之。且築且戰。近二十日。瀕危者屢

矣。至是三桂軍忽拔營自去。衆咸疑訝。已乃知三桂暴卒。諸將解圍赴衡

州也。先是三桂壻胡國柱見清師壓境。國勢日逼。密謀降清。馬寶阻之不

聽。馳告三桂。值中秋節。三桂方擁歌姬與所嬖陳圓圓臨軒玩月。聞變大

呼曰。吾事去矣。卽氣噎仆地。遽絕不復甦。三桂旣死。馬寶等卽與諸將迎

三桂孫世璠於雲南。至衡州立之。改元洪化。始發喪。擁柩歸雲南。

○冬十一月。簡親王喇布克復郴州。○先是康熙十四年。陝甘變起。四

方響應。帝下詔議親征。欲親統大軍進駐荊州。羣臣以京師爲根本重地。

一旦車駕遠去。恐奸宄竊發。固請勿行。及三桂稱帝。帝以諸將帥統兵南

伐。曠日持久。不能奏功。致三桂僭竊大號。因下詔切責。復議親征。秋八月。

聞三桂死。親征之議始罷。九月。詔授平南王尙之信爲奮武大將軍。統兵

赴永興。郴州等處。會同簡親王共圖恢復。十一月。簡親王喇布移師取郴

州。敵軍守城者夜遁。遂復郴州。

喇布復  
郴州

吳世璠  
嗣立

復岳州  
長沙常德  
諸府

喇布復  
衡州

○己未十八年春正月復岳州長沙常德諸府。○敵軍岳州之糧取給於常德而圍師僅守君山敵船往來自如至是降將林興珠獻策請以舟師分泊香蛇峽諸處並立陸營於九貴山以斷長沙衡州之路敵可坐困詔從之卽命貝勒察尼依其策以行而後水陸之圍始密敵將杜輝遣人約降事泄爲岳州守將吳應麒絞死城中糧日竭總兵王度仲將軍陳珀等各以其舟師來降應麒棄城遁遂復岳州未幾長沙守將聞岳州破亦棄城遁安親王軍入其城遂復長沙二月湘陰華容石門湘潭桃源及松滋枝江宜都澧州等地俱以次恢復百里洲守將洪福亦率舟師來降同時順承郡王勒爾錦遣兵取常德未至敵兵先焚城遁按察使陳寶鑰迎降遂復其城

○二月簡親王喇布遣兵復衡州。○吳世璠既立以清兵日逼不敢留衡州退居貴陽恃川湖桂爲屏蔽然自三桂驟歿部下失措莫能定戰守之策及岳州長沙常德等府相繼恢復清軍之勢日張而世璠之勢益蹙至是簡親王喇布遣兵取衡州甫抵城下署前鋒參領戴屯奪門入城守將吳國貴夏國相皆驚遁遂復衡州府城



親試博學鴻儒  
閣於體仁

淮陽瞿家壩成

成河九道

○三月親試博學鴻儒於體仁閣。○時內外薦舉博學鴻儒一百四十人。集京師。詔親試於體仁閣。旋取一等彭孫適等二十人。二等李來泰等三十人。俱授翰林官。纂修明史。同時又欽賜歸允肅等一百五十一人。進士及等出身有差。

○秋七月。淮陽瞿家壩成。○河道總督靳輔奏。淮河東岸。自瞿家壩至

周橋閘。乃淮陽運河上游門戶。山陽鹽城等七州縣民生關鍵也。當黃河

循禹故道之時。淮流安瀾。直下此地。未聞水患。迨黃河南徙。奪淮。淮安不

能暢注。於是壅遏四漫。山陽寶應高郵江都四州縣。河西低窪之區。盡成

澤國者。六百餘年矣。明萬歷初。河道廢壞。雖不若今日之甚。而清口淤高

堰決。與今日情形相似。彼時河臣潘季馴築隄堵口。治效班班可考。然此

處不議加高。蓋明代祖陵在西。故停河東之障。以洩水。殊不知如慮淮漲

西侵。何難兩岸並築。而顧留患門庭。歷年既久。遂致成河九道。使淮陽疊

受災殃。計瞿家壩成河九道之處。共寬一千三百二十三丈二尺。今已合

龍更查山陽寶應高郵江都四州縣。河西諸湖。亦逐漸涸出。擬設法招墾。

庶幾增賦足民。詔從之。未幾靳輔復請另開運河於駱馬湖之旁。以便轉

吳世璠  
走貴陽

輸詔並從之

○九月吳世璠走貴陽。○自三桂死世璠立諸將聚謀不知所出夏國貴獨倡棄滇之議謂宜舍湖南不顧北向以爭天下陸軍出荆襄趨河南水師下武昌順流撼江左而諸將不願馬寶首梗其議於是迎三桂喪反滇世璠遂棄衡州走貴陽既棄衡州清軍之勢乃大振湖南則安親王岳樂貝勒察尼廣西則巡撫傅宏烈將軍莽依圖賴塔四川則撫遠大將軍圖海平涼提督王進寶陝西提督趙良棟於是克岳州復常德進取衡州秋七月將軍莽依圖覺羅舒恕額楚總兵譚昇楊國泰等敗吳世璠於南寧之西山世琮負創以數十騎遁遂復南寧八月傅宏烈復遣兵復柳城融城桂柳路通於是廣西全復至是命簡親王喇布率師守桂林將軍莽依圖自南寧取路入滇進攻世璠於貴陽

廣西全  
復

救招撫  
吳三桂  
諸將

○冬十月救各路將軍招撫吳三桂諸將。○時廷議招撫吳三桂諸將吳應麒胡國柱夏國相王屏藩馬寶及郭壯圖等帝諭大學士等謂吳應麒胡國柱夏國相王屏藩等俱吳三桂族戚同謀叛逆本非脅從今招撫救書中若加脅從等字反令生疑不如聲明其罪許以革面歸誠王者之

言昭如星日一以至誠相感庶可招徠遠人若王屏藩能傾心向化則西蜀不血刃而定矣

王進寶  
復漢中

十一月平涼提督王進寶入鷄頭關在今陝西褒城縣北王屏藩走廣元遂復漢中

府 順承郡王勒爾錦及將軍噶爾漢等既復興山歸州巴東諸城即

由鄖陽彝陵規取蜀中無何蜀將馬承蔭郭義等皆薙髮投誠於是詔大

將軍圖海與各路將軍分頭急擊寶鷄等處以期恢復漢中興安等府十

一月平涼提督王進寶引兵攻入鷄頭關守將王屏藩敗走廣元遂復漢

中府已而圖海遣兵攻入梁河關守將韓晉卿遁入四川遂復興安州而

平利紫陽石泉漢陰洵陽白河及湖廣竹谿上津等縣亦以次平定

綱庚申十九年春正月陝西提督趙良棟復成都府四川平 趙良棟

甘肅寧夏人順治二年清兵定陝西良棟應募隸總督孟喬芳標下積功

至勇略將軍陝西提督大小百餘戰戰無不克馭兵嚴而有恩皆樂為之

用故所向有功去年六月朝命各路將軍進兵平蜀良棟遂率本部兵從

白水壩浮水渡江擊賊大敗之追至青川石硤在四川平武縣東復敗其伏兵龍安

府總兵姜應熊等開城出降遂復龍安府良棟乘勝率兵自龍安進取成

王屏藩  
敗走廣元

趙良棟  
復成都

王進寶  
三路進  
兵

趙良棟  
進攻雲  
南

馬承蔭  
復叛

都兵至舊州。明月江敵軍斷橋守江。良棟督兵浮水渡江，襲擊敵軍，大敗。良棟令總兵官王進才分兩路進取成都，而親率大兵繼進。至綿竹，三桂將勁武將軍汪文元迎降。至成都二十里，鋪巡撫張文德等率文武官二百餘人迎降。遂復成都。同時平涼提督王進寶追敵將王屏藩至廣元，入朝天關。屏藩退走保寧。進寶分兵三路進趣保寧，去城二十里，據孔道而軍。屏藩率兵二萬來攻。進寶奮擊，大敗之。追至錦屏山。在四川閬中縣南三里連破敵軍四壘。敵軍退保木橋。進寶又擊敗之，奪橋斬關入城。屏藩力竭自剄死。將軍陳君極亦自經死。敵將張起龍及總兵郭天春等十七人俱就擒。遂復保寧。事聞，詔以王進寶守四川。未幾，湖廣提督徐治都、四川總督楊茂勳大敗三桂將楊來嘉、擒王鳳岐，復巫山縣。乘取勝夔州，降其將軍劉之衛等。遂復夔州。譚宏亦降。詔以楊茂勳守成都，徐治都守荊州。王進寶守漢中。擢趙良棟爲雲南貴州總督，加兵部尚書銜。率師進取雲南。三月，將軍吳丹率師至重慶。楊來嘉、彭時亨、總兵江有倉等俱詣軍門降。達州東鄉太平、新寧、南江、安岳等州縣亦歸附。四川悉平。

三月，馬承蔭復叛。執廣西巡撫傅宏烈，送貴陽。宏烈不屈死。

初，馬

傅宏烈  
被執不  
屈死

討平馬  
承廕

殺尙之  
信

承廕叛附吳三桂及三桂死湖南平定廣西恢復窮迫請降詔赦其罪封以伯爵授以將軍仍令統兵與馬九玉金光祖等分道取雲貴承廕請以七千人分設七營部議止許一營承廕不悅遂復叛給傅宏烈赴柳城乘間襲破其營執之械送貴陽吳世璠夙重宏烈名見其至誘以偽職宏烈罵曰爾祖未反時吾卽劾奏知爾家必作賊恨不早滅爾家吾豈從賊反耶世璠知不可屈遂殺之

夏五月簡親王喇布將軍莽依圖總督金光祖合討馬承廕平之

是月初四日金光祖敗承廕兵於武宣復其城初八日莽依圖敗承廕兵於陶登乘勝復象州今為縣屬柳江道而簡親王兵則於十四日至雒容進取柳州

十七日承廕力竭遂率文武官弁六百六十餘員兵七千三百餘名詣軍門降詔令內閣學士薩穆哈率兵押解承廕及其標下守備以上官來京並擊散其黨不許聚集廣東諸處以提督哲爾肯屯駐柳州

綱秋八月殺平南親王尙之信 國之信既降後其部下護衛張永祥張

士選忽赴京首告之信謀叛帝命刑部侍郎宜昌阿郎中宋俄託等以巡視海疆為名赴廣東察其狀並令之信來京對質六月之信母舒氏胡氏

王國棟  
疏列其  
罪

降人譚  
宏叛

鄭經卒

復首告之信罪逆於安親王岳樂軍前而都統王國棟亦相繼疏列其罪  
帝卽令宜昌阿與王國棟執之信於武宣之信旋具疏自辨帝不忍遽誅  
仍命來京對簿八月之信弟之節及李天植等陰糾黨羽誘王國棟殺之  
謀爲亂將軍賴塔聞變率兵圍之擒之節李天植而舒氏胡氏復上言之  
信無謀叛跡前告變疏皆王國棟等僞爲事下王大臣集議賜之信死之  
節李天植等悉正法

○九月降人譚宏叛夔州民變 ○湖廣提督徐治都奏譚宏等既降復  
叛夔州民變瀘州永寧叙州諸處俱陷帝命將軍噶爾漢都統范達禮等  
率兵征討冬十月譚宏彭時亨等陷涪州更命陝西總督哈定率兵赴保  
寧討之十二月譚宏死將軍噶爾漢進敗譚軍於雲陽禽其總兵向旭輝  
等復雲陽城宏子天祕遁於是萬縣開縣建始梁山忠州等處悉平

○辛酉二十年春正月延平王鄭經卒次子克塽襲位 ○自耿精忠敗  
降後朝廷命精忠與康親王傑書合兵攻經收復漳泉以下諸府經退守  
廈門出沒沿海諸郡康熙十八年經遣其將劉國軒等分道進兵以六月  
下海澄分圍漳泉諸府傑書駐軍福州不敢救而巡撫吳興祚將軍賴塔

出安溪

今福建福安縣

問道解泉州之圍。總督姚啓聖提督楊捷奪漳州險要。國軒

還據海澄扼守。年餘不能下。及三桂死。清軍復岳州。湖南水師無所用。詔

遣水師提督萬正色督戰艘二百由海赴閩。會啓聖與祚等軍合攻。經兵

遂以次年取海澄。經及國軒棄金廈二島歸守臺灣。久之將軍賴塔遣使

與經書曰。自海上用兵以來。朝庭屢下招撫之令。而議終不成。皆由封疆

諸臣執泥削髮登岸。彼此齟齬。臺灣本非中國版籍。足下父子自關荆榛

且睽懷勝國。未嘗如三桂之僭妄。本朝亦何惜海外一彈丸地。不聽田橫

壯士逍遙其間乎。今三藩殄滅。中外一家。豪傑識時。必不復思噓已灰之

燄。毒瘡痍之民。若能保境息兵。則從此不必登岸。不必薙髮。不必易衣冠。

稱臣入貢。可也不稱臣不入貢。亦可也。以臺灣爲箕子之朝鮮。爲徐福之

日本。與世無患。與人無爭。而沿海生靈永息塗炭。惟足下圖之。經報書請

如約。惟欲留海澄爲互市公所。而姚啓聖持不可。議復寢。啓聖督閩。務欲

滅鄭氏。收臺灣爲功。數遣刺客謀暗殺。經事皆無效。至是經病卒。其侍衛

馮錫範奉其次子克壘嗣。爲延平王。於是王位繼承之爭起。而鄭氏之勢

衰矣。先是經連年用兵在外。用其黨陳永華言。以長子克壘監國。克壘長

塔賴與  
鄭經書

以臺灣  
爲箕子  
之朝鮮

感監國

次子克  
壞嬰殺  
自克墜而  
自立

吳世璠  
走雲南

築宮五  
華山

趙良棟  
合兵克  
雲南

而才然為乳婢所出方成功時已有構之者謂盛孽賤不當為世孫辱國  
及經以克感監國讒言益夥然克感監國禮賢恤下謹法令權輕重物望  
歸之而羣小憚其明察益不利其嗣位至是侍衛馮錫範首以計罷永華  
兵柄永華以憂死克感失助時成功妻董夫人尚在復入間言遂襲殺克  
感而立經次子克壞壞幼弱不能蒞事事皆決於錫範人心益失內亂紛  
起閩督姚啓聖聞之大喜又知水師提督施琅習海道可大用請乘機出  
師內閣學士李光地亦以用兵為請於是攻臺之議乃決

○三月吳世璠走雲南 ○吳世璠既退守貴陽清兵遂恢復湖南各地

即由平越直趨貴陽世璠震懼復棄貴陽偕諸將走雲南據宮城以避其  
鋒先是明永曆帝在雲南曾築宮於五華山在雲南省城內三桂益廣其址繚以

重垣俯以傑閣極土木之盛世璠既至雲南即以宮城為宮分兵駐守無  
何乘勝西進與賴塔軍會於曲靖抵雲南掘濠圍之世璠據五華山誓死  
守禦密召蜀中將馬寶胡國柱夏國相等歸援朝旨命大將軍佛尼勒提  
督趙良棟與噶爾漢等共擊之

○秋九月四川提督趙良棟會師合攻雲南克之吳世璠自殺雲南平



列象陣  
迎戰

○初貝子章泰及將軍賴塔分三路入滇以本年二月抵雲南世璠使郭

壯圖率步騎數萬列象陣迎戰三十里外章泰攻其左賴塔攻其右自卯

至午敵五却五進殊死戰象忽反踐其軍於金汁河在昆明縣東一名金陵河勁騎左右

衝之始大卻追擊之於城東歸化寺禽斬殆盡自歸化寺列營互碧鷄關

在昆明縣西南碧雞山下為長圍數十里困之城內樵蘇不通者逾月世璠勢益蹙其丞

相夏國相慮都下謀變盡移諸將家口於五華山宮城分門守禦誓以必

死相持數月臨安永順姚安大理諸路總兵相繼降世璠割地乞師於達

賴喇嘛其書未達九月四川提督趙良棟之師自蜀至滇以長圍距城遠

不易下乃身先士卒連踰三橋先薄城諸軍繼之又於昆明池內橫筏施

樓櫓以斷接濟城內食盡援絕將軍線緘吳國柱吳世吉等將舉火為內

應夏國相知有變疾趨至宮城號哭而言曰吾聞守社稷者死社稷世璠

因自縊國相及郭壯圖皆自殺清兵遂入城諸將爭取子女玉帛惟良棟

嚴禁軍士劫掠雲南悉平是役先後互九年蔓延雲貴兩湖兩粵福建浙

江陝西甘肅四川十二省至是始獲弭平既班師朝廷盡籍藩產入官撤

藩兵回京師而於東南要隘都會各設八旗兵駐防不復以兵權土地世

吳世璠  
乞師於  
達賴喇  
麻

吳世璠  
自殺

雲南平

封建餘  
弊盡革  
圖海卒

殺耿精  
忠

以請剿  
海寇贖  
罪為詞

予臣下前代封建之餘弊至是始盡歸消滅

綱冬十二月大學士圖海卒 目察哈爾之役禁旅方南征宿衛空虛圖

海奉命北征選八旗家奴之驍健者以行平察哈爾進擊王輔臣關陝悉  
平至是卒賜諡文襄

綱壬戌二十一年春正月殺靖南王耿精忠 目精忠降後怏怏不得志

吳世璠既死其部將忽首告其復謀不軌於是精忠凌遲處死其子顯祚  
處斬曾養性劉進忠徐文耀王世瑜白顯忠江元勳王振邦蔣得輅俱凌  
遲進忠梟示黃國瑞林芳蓀廖庭雲李似桂夏季旺呂應斗武浩司定猷  
沈偉郭景汾羅萬里祖宏勳陳儀陳斌俱處斬田起蛟金鏡李學詩陳夢  
雷俱從寬免死初精忠之降以請剿海寇贖罪為詞康親王傑書奏復其  
爵及所屬官職如舊因以精忠弟昭忠為鎮平將軍守福州而使精忠率  
所部從征旋收復興化泉州漳州諸府鄭經退入臺灣又移師攻潮州會  
尙之信以廣東降潮州之劉進忠亦降精忠遂駐守其地十六年四月康  
親王議令將軍賴塔守潮而撤精忠還福州帝慮其疑懼生變詔勿撤十  
一月藩下參領徐鴻弼等遣人赴部首精忠歸順後尙畜逆謀列罪狀五

誘精忠  
入覲

拆吳三  
桂骸骨

殺楚人  
朱方旦

欵同時昭忠亦以鴻弼首詞具疏入告帝留疏不發十七年春召昭忠還京師仍命精忠還駐福州而密令傑書誘使自請入覲十九年八月精忠入朝以藩兵授所屬都統馬九玉轄之帝乃以前此留中諸疏下法司勘問部議黜爵磔死然帝以九玉尚握兵權不欲遽發命械繫精忠待鴻弼等至京對簿本年十月大兵平雲南九玉亦解任歸旗于是台官仰承風旨交章言三桂宜戮屍精忠及其黨應按律議磔而大學士明珠亦極言精忠罪在不赦及是詔拆三桂骸骨頒示海內磔精忠于市三藩既平乃于福州廣州荊州等處各設八旗兵駐防自是不復以兵權土地世與臣下凡親貴勳舊畢留京師

前代藩鎮之制由是始絕中央集權之制於是益備

二月殺楚人朱方旦 國楚人朱方旦刊刻祕書其徒顧齊宏陸光旭

翟鳳彩等互相標榜比之宣聖大將軍勒爾錦統兵在荊州嘗匾其堂曰聖人堂里曰至人里經翰林侍講王鴻緒參奏湖廣巡撫王新命審實具題奉旨着朱方旦立斬餘俱斬監侯勒爾錦時以他罪羈禁特予免議

夏四月封琉球國世子尙貞爲琉球國王

清鑑綱目卷四終

清鑑綱目卷之五

鹽城印鸞章編輯 金式陶 張延壽 趙雪 胡應庚 校訂

●聖祖仁皇帝

○癸亥康熙二十二年春正月封安國王嗣黎維正爲安南國王

○秋八月水師提督施琅入臺灣鄭克塽降 目初鄭經死次子克塽嗣

位鄭氏內亂閩督姚啓聖奏鄭氏子少國亂時不可失因薦部將施琅習

海道可用帝從之遂命施琅爲福建水師提專任攻臺之事琅奏臺灣精

銳全在澎湖澎湖不破則臺灣無可取之理澎湖失則臺灣不攻而自潰

時守澎湖者爲劉國軒成功時之大將也聞朝廷將用兵貽書啓聖請照

琉球高麗等國例稱臣進貢不雍髮不登岸啓聖以聞帝不許趣施琅速

出師施琅遂於本年六月以戰艦三百水師二萬自福州出海定策先下

澎湖以扼其險然後進取全臺而國軒在澎湖沿海築壘環二十餘里壘

設大礮外以巨艦護之守禦甚嚴會颶風夜發怒濤山立琅舟師前鋒簸

蕩飄散國軒命艦四面圍攻琅親督大綜衝圍矢集琅目幾殆自十六日

至二十二日鏖戰七晝夜琅焚敵艦百九十餘艘國軒力不能支乘小艇

封安南  
國王  
施琅平  
定臺灣

定策先  
下澎湖

鄭克塽  
乞降

姚啓聖  
發憤死

由吼門冒險突圍退歸臺灣清軍遂據澎湖臺灣以澎湖為門戶澎湖既失臺灣勢不能自存秋七月克塽遣鄭平英等奉表乞降琅及啓聖以聞詔許之八月施琅率眾渡臺而國軒及馮錫範等遂擁克塽出降繳上成功所受明延平郡王招討大將軍金印各一公侯伯及將軍都督等銀印五籍土地戶口府庫軍實以獻臺灣悉平時八月十八日也鄭氏自順治十八年逐荷蘭人據臺灣獨立傳三世凡二十三年而亡是役也姚啓聖首建大謀發縱指示皆啓聖一人為之琅雖善戰然不過受方略乘成算而已及大兵凱旋琅以功封靖海侯勳在平瀆諸將上而啓聖獨無所預遂發憤死

傾危之士無故而欲滅人之國以為己功者果何益哉 克塽入都隸漢軍封海澄公國軒錫範俱伯爵臺灣既平朝廷以其孤懸海外欲棄之施琅不可上疏言臺灣一島北通吳會南接粵嶠實東南數省之屏蔽且其地野沃土腴物產利溥耕桑並盛魚鹽充足硫磺水簾糖蕉鹿皮一切日用之需無所不有今既入版圖一旦棄之必仍為和蘭所得海疆浸將多事疏上帝聽其議詔設臺灣府及臺灣諸羅鳳山三縣以統治之

命整肅  
宴禮儀

綱甲子二十三年春正月命整肅朝會筵宴禮儀

疏球請  
遣子弟  
入監讀  
書

帝南巡

黑龍江  
之交涉

綱夏五月詔纂修大清會典

綱六月琉球國中山王請遣陪臣子弟入監讀書許之

綱秋九月帝南巡

臺灣既平帝欲周知中國土俗民情且以黃河迭

決深爲民害思親至其地相度察視因特舉南巡之典是年九月自京都啓鑾十月庚子至濟南府壬寅至泰安州登泰山庚戌至鄒城何道總督靳輔迎駕帝諭之曰黃河屢次衝決久爲民害朕欲親至其地相度形勢察視隄工卽於今日前往遂至黃河北岸臨閱諸險工令於南北兩岸增修堤防壬子至清河臨視天妃廟帝見水勢湍急指授河臣改爲草壩另設七里太平二閘以分水勢十一月壬戌至江寧登雨花臺癸亥謁明太祖陵親爲拜奠過明故宮慨然久之乙丑自江寧回鑾辛未至清口復閱黃河南岸諸險工庚寅還京師終帝之世南巡凡六次往返供億悉發內帑沿途行宮不施采績相傳每處所費不過一二萬金視後世乾隆時相去蓋天壤云

綱乙丑二十四年春正月命都統彭春率師駐黑龍江規復雅克薩城

綱初太宗之經營黑龍江等地也俄羅斯遠征軍亦越外興安嶺達鄂霍

俄築雅克薩城

清初對俄態度

俄納通逃

海岸其疆域所屆南與喀爾喀爲隣蒙古人與通貿易焉時東胡族人之入俄境者爲言外興安嶺南境之饒衍俄人旣心豔之而可薩克人波雅爾古者又遊歷至黑龍江下流周覽其山川部落具以所見告雅庫將軍謂得精兵三百可使其地悉入俄國版圖會清兵入關不暇顧東北俄人因乘間侵略奪索倫部人所居之雅克薩地而有之遂築城駐兵復沿黑龍江而下出松花江侵入滿洲是爲雅克薩爲俄人佔據之始當是時俄人未知中國國力嘗兩遣使賈方物上書世祖以請互市爲名至北京覘虛實而中國方憫然自大不識俄羅斯爲何物以隣近朝貢諸國等視之所與俄皇書詞絕倨略謂爾國遠處西北從未一達中華今爾誠心向化遣使貢進方物朕實嘉之特賜禮物卽令爾使人賈去以明朕柔遠之至意爾其欽承永效忠順以世恩寵云云時俄人不解漢文亦未起文字上之交涉會俄人納中國通逃聖祖遣使莫斯科令交付並約束邊人禁抄掠莫斯科人無能解中國文字者乃遣使與清使俱來北京欲與中國訂界約開貿易交換俘虜政府宣言非先交付逃人則所請皆無庸置議議卒不成俄人益經營雅克薩將席捲黑龍江東北數千里地聖祖聞之怒

聖祖定  
征俄之  
策

雅克薩  
之戰

御書萬  
世師表  
勒石

思有以創之乃遣人偵雅克薩城形勢知俄兵少不足患乃定征俄之策先命伊桑阿赴寧古塔制巨舟築墨爾根齊齊哈爾二城置十驛通餉運以薩布素爲黑龍江將軍治愛琿城又命車臣汗部絕俄人貿易俄人不服於是有雅克薩之戰康熙二十二年俄將模里尼克率可薩克兵六十餘人發自雅克薩將近愛琿我兵船迎擊之俘其全軍致諸齊齊哈爾二十四年春復命都統彭春率水陸兩軍北征陸軍萬人攜巨礮二百尊自齊齊哈爾陸行水軍五千人艦百艘自松花江出黑龍江兩軍齊集雅克薩城下俄饒將圖爾布青以四百五十人拒戰不屈六月我軍始用礮轟擊圖爾布青以械窳兵寡勢不能支遂敗退其城守頭目額里克舍詣軍前乞降我軍毀雅克薩城而還獻俘京師

綱二月詔修賦役全書

綱三月以御書萬世師表四字勒石頒布天下學宮

綱夏五月考試漢軍官員於太和門

綱命大學士勒德洪王熙等修政治典訓

綱六月帝巡幸塞外 是月庚寅朔帝巡幸塞外癸巳車駕出古北口



彭春奏  
克復雅  
克薩城

是日都統彭春奏克復雅克薩城。俄羅斯城守頭目額里克舍等詣軍前乞降。帝謂侍臣曰：治國之道，期於久安長治，不可圖便。一時當承平無事，朕每殫心籌度，卽今征俄之役，似非甚要，而所關最鉅。俄羅斯擾我黑龍江、松花江一帶三十餘年，不速加翦除，恐邊徼之民不獲甯息。朕親政之後，卽留意於此。今收復雅克薩城，得遂初心。至於撫綏外國，在使之心，服不在震之，以威戍帝還京師。

朝鮮王  
李焯有  
罪罰銀

丙寅二十五年春二月，朝鮮國王李焯有罪，罰銀。時朝鮮國民韓得完全大成等二十八人，違禁越江採蕩，又擅放鳥槍，將欽差繪畫輿圖，官役打傷，於是差往朝鮮國審事護軍統領佟寶奏稱：朝鮮國王李焯平日不將人民禁飭，以致違禁採蕩，打傷官役，殊干法紀。詔罰朝鮮國王銀二萬兩，以儆疏縱。韓得完等六人斬決，全大成等二十二人免死，減等發落。其咸鏡道節度使等官降革有差。

三月，詔纂修一統志。

四月，詔訪求遺書。詔旨有曰：自古經史書籍，所重發明心性，裨益

詔訪求  
遺書

政治，諸子百家，泛溢詭奇，有乖經術。其他異端說，概不准收錄。

詔嚴禁  
淫祠濫  
祀

五通娶  
婦

賜荷蘭  
國敕諭

○五月詔直省嚴禁淫祠濫祀

○從禮部尚書湯斌請也初斌在江蘇

巡撫任時嘗疏言蘇州府上方山

一名楞伽山在蘇州吳城南

有五通淫祠幾數百年遠

近之人奔走如鶩牲牢酒醴之享歌舞笙簧之聲無時間歇諺謂其山曰肉山其下石湖曰酒海凡少年婦女有寒熱症者巫覡輒曰五通欲娶爲婦病者神魂失據往往羸瘵以死每歲嘗至數十家視河伯娶婦爲更甚臣多方禁止其風稍息比因臣勘災至淮乘隙益復猖獗臣遂收妖像木偶付諸烈焰土偶投諸深淵民始而駭因爲從前曾有長官銳意革除旋即遇祟以死皆爲臣危數月以後見無他異始悟往日之非然吳中巫覡最黠且悍恐臣去任之後箕歛銀錢更議興復請賜特旨嚴禁勒石山巖庶可永絕根株詔如所請

○保和殿大學士魏裔介卒

○裔介居諫垣數十年最爲敢言屢躓屢

起終不易其操至是卒雍正十年追諡文毅

○秋七月賜荷蘭國敕諭並文綺白金等物

○諭曰朕維柔遠能邇盛

代之嘉謨修職獻琛藩臣之大節輸誠匪懈寵賚宜頒爾荷蘭國王耀漢連氏甘勃氏屬在遐方克抒丹悃遣使齎表納貢忠藎之忱良可嘉尙特

降敕獎諭並賜王文綺白金等物王其祇承益勵忠貞以副朕眷欽哉

時是

荷蘭國進貢限期定五年一次又貢船例由廣東進路以泊船之地甚險改由福建進路

俄羅斯遣使請

○九月俄羅斯遣使請成許之 ○初圖爾布青之戰敗也退至尼布楚

俄皇彼得覆書

二次圍攻雅克薩

會俄陸軍大佐伯伊頓自莫斯科率可薩克兵數百人來援圖爾布青乃與合軍而東至雅克薩城故址築土壘為防禦計朝廷聞訊即命將軍薩布素以兵八千大礮四百圍攻之俄軍抵死抗拒壘堅不可拔無何圖爾布青中礮死伯伊頓死力拒守俄兵皆穴居多病濕清兵以長圍困之俄人不死於戰則死於病存者僅六十餘人城旦夕且下而兩國和議告成清軍遂解圍此為第二次圍攻雅克薩之役是時俄皇彼得第一新立受制於其姊索希亞官書謂察罕當由音誤未有實權又以雅克薩距國都絕遠不便援應亟欲與中國議和聖祖亦不欲勞師徼外會荷蘭貢使稱伊國與俄羅斯接壤語言亦通願為致書俄皇論曲直帝遂命作書付荷使轉達俄皇未幾俄皇覆書略言皇帝所賜之書下國無通解者及尼果賚歸述天朝大臣以不還逋逃根特木爾等騷擾邊境為辭近者下國邊民構釁作亂皇帝遣師辱臨境上恭請察明作亂之人發回正法除遣使議定邊界外

喀爾喀  
等部請  
上尊號

蒙古  
漢北蒙  
古

三部並  
立

先令米起佛兒魏牛高宜番法俄羅瓦等星馳齎書以行乞先撤雅克薩之圍帝以俄羅斯以禮通好馳使請解雅克薩之圍應照准卽令薩布素撤兵收集一所近戰艦立營俟俄羅斯使至後定議

圖丁卯二十六年春正月喀爾喀土謝圖汗車臣汗札薩克圖汗及七旗濟農台吉等合奏請上尊號不許

圖喀爾喀者卽今瀚海北之外蒙古也瀚海地絕中央莽莽六千里天以界蒙古之南北在瀚海南者爲漠南蒙古在瀚海北者爲漠北蒙古漢唐兵力盛時或能併漠南從未有能兼及漠北者漠北蒙古東西五千里而和林居其中和林者元之舊都當杭愛山之南鄂爾坤河西北漢之北匈奴唐之回紇皆於此建王庭焉爲瀚海王氣所鍾故成吉思裔孫車臣汗留牧茲土苗裔獨盛於他部其後有札賚爾者統一漠北建國號曰喀爾喀是爲今外蒙古之祖由札賚爾兩傳至阿巴岱始入西藏謁達賴喇嘛得其經典以歸部衆尊信之奉以爲汗是爲中部土謝圖汗之始其東西又別爲兩部東曰車臣汗西曰札薩克圖汗於是三部並立統名之曰喀爾喀太宗崇德元年旣平漠南察哈爾遣使宣捷書諭喀爾喀於是喀爾喀震驚入貢且請絕明互市歲獻白

三部內  
訂

于成龍  
廉實清

天下清  
官第一

駝一白馬八謂之九白之貢。世祖時其汗與睿親王多爾袞親王有隙。叛而北歸。貢使不通者數年。既而復來乞盟。康熙二十三年。土謝圖汗執殺札薩克圖汗。而奪其妾。於是三部遂內訌。互相攻擊。西鄰準噶爾部酋噶爾丹乘之。而大亂以起。方三部內訌時。聖祖遣使偕西藏達賴之使往和解之。其訌始息。三部汗皆深感聖祖恩。至是遣使合奏請上尊號。帝不許。○綱夏四月。加直隸巡撫于成龍太子少保銜。○圖帝諭大學士等。略謂設官分職。原以爲民。所在得一良吏。則民遂其生。今觀各官。雖有品行清潔者。但畏國法。而然如直隸巡撫于成龍之眞實清廉者。甚少。觀其爲人。天性忠直。並無交游。惟知愛民。卽伊本旗王等門上。亦不行走。今人不往來大臣之家。則恐其意有不悅。如于成龍介然自守。無所交游。爲大臣者。其奈于成龍何。直隸地方百姓旗人。無不感戴稱頌。如此好官。若不從優褒獎。何以勸衆。著加太子少保銜。以爲廉能稱職者。勸于成龍山西永寧人。由州縣累官。至督撫。稱爲天下清官第一。其在廣西羅城縣尤著名。後總督兩江。卒於官。諡清端。

綱秋七月。大學士宋德宜卒。

圖德宜與弟德宏德宸俱有文學之名。時

稱三宋至是卒諡文恪

○戊辰二十七年春正月。禡大學士明珠職。○明珠故滿洲貴族也。初

繼內大臣索額圖為相。以好士稱。一時才俊如徐乾學高士奇王鴻緒諸

人皆以文學受知聖祖。明珠悉招致之。延為上賓。及在政府久。招權納賄

勢益益赫。其好士實非為國家延攬人才。特藉以固權樹黨而已。當時士

夫趨者如市。四方貨賂輻輳。私邸珍異之積。擬於天府。朝臣中如余國柱

李之芳科爾坤佛倫熊一瀟輩。皆其死黨。大學士湯斌之歿。或曰明珠醜

之平滇之役。勇略將軍趙良棟功第一。明珠忌而抑之。不得敘。良棟見帝

自陳。且及明珠圖海章泰諸人。朋謀傾害狀。帝轉責其器量褊狹。寵任明

珠如故。至本年正月。御史郭琇乃疏劾其背公營私招權樹黨諸罪狀。帝

始赫然震怒。禡明珠職。因諭諸臣。潔己奉公。勿蹈陋習。琇亦以此受知。遂

至大用。

相傳郭琇之彈明珠也。值其壽日。庶僚咸集。琇直造其第。袖出彈章。當眾讀之。俄舉觴引滿。自罰曰。郭琇無禮。趨而出。珠當滿洲貴族。勢焰甚熾。時琇以漢人。獨挫其鋒矣哉。

亦壯矣哉。

○三月。河道總督靳輔有罪免。○先是二十六年夏。工部奏參靳輔修

理河工。已經九年。並無成功。虛糜錢糧。議請革職。帝以河工重大。一時不

明珠固權樹黨

郭琇彈劾明珠

靳輔免職

郭琇奏  
參斬輔

能成功若遽議處恐後任者益難爲力暫免革職仍責令督修至是御史郭琇復奏參輔治河無功着九卿會議罷輔官河漕慕天顏尙書熊一瀟給事中趙吉士俱革職並革輔幕賓陳璜職銜解京監候璜秀水布衣先是輔以公事過邯鄲見璜題壁詩大爲嘆異因蹤跡得之禮之入幕帝南巡閱河工時嘗從容問輔曰爾必有通今博古之人爲之佐輔以璜對帝領之已而璜以輔薦得賜僉事道銜故琇疏並及之琇初入諫垣前旣疏劾大學士明珠茲又劾輔以此受知不二年擢爲左都御史

武昌兵  
變

夏六月武昌兵變巡撫柯永昇布政使葉映榴死之

映榴字炳  
禮上海人

閏初三

藩之變朝議以湖廣當兵衝增設總督標兵二營事平以次裁撤散勇落魄無聊散處湖湘間及裁湖廣總督並舊有之標兵亦議截日罷餉於是衆論洶洶相聚謀變有夏逢龍者景陵人使氣好大言素以排解服衆人呼之曰夏包子妖僧大元相逢龍旦夕當大貴逢龍遂率衆圍巡撫署射傷襄陽鎮總兵許盛於轅門巡撫柯永昇投井死逢龍自稱總統兵馬大元帥挾布政使葉映榴以下諸官次第至迫令受職映榴佯好言給以無殺百姓三日當如約令其妻奉其母自水溝出而自具遺疏付家人出城

夏包子

遂升公座罵賊拔佩刀自刎死帝閱疏惻然特命從優議卹當是時裁兵數千皆征滇百戰之餘又募江湖盜賊四出劫掠連陷嘉魚咸寧武昌蒲圻漢陽諸縣脅從數萬使其總兵胡耀乾偕僧大元守省城而逢龍自將渡漢陽犯德安石城知縣齊國政率兵固守逢龍攻之不下西路始無恙帝遣都統瓦岱爲振武將軍調江寧滿漢兵水陸兼程進七月復黃州東路郡縣皆反正提督徐治都與戰於赤磯山之鯉魚瘡薄暮適大雨逢龍黨弓膠火藥俱濕乃從上風縱火以鐵騎蹂之遂大潰逢龍單騎奔武昌時守武昌之總兵胡耀乾已斬僧大元獻城官軍矣乃亡命黃崗乞食村寺爲官軍所擒與耀乾皆伏誅

**綱**己巳二十八年春正月帝南巡 **圖**正月丙子帝南巡啓鑾甲申至濟南壬辰乘舟由中運河閱視河道遂自清河縣渡河二月辛丑至蘇州丁未臨杭辛亥渡錢塘江舟泊會稽麓祭禹陵乙卯自杭州回鑾癸亥幸江寧祭明太祖陵三月戊辰發江寧渡江甲戌閱視高家堰一帶隄岸閘壩丙戌還京師以前任河督靳輔治河有功復其官

**綱**秋九月與俄使訂立尼布楚條約立石黑龍江畫定中俄國界 **圖**我



與歐洲  
正式交涉  
始自此

議和時  
之設備

尼布楚  
條約

國與歐洲列國之有正式交涉則自此次中俄黑龍江之交涉始自二十五年秋俄人因荷蘭人介紹遣使通好後二十六年俄全權公使費要多羅至二十七年朝命內大臣索額圖都統佟國綱尙書阿爾尼等爲公使與俄國公使費要多羅會議於尼布楚而令都統郎坦發兵一萬自愛琿水陸並進爲使臣後援俄使見中國兵衛甚盛氣大沮因張幕尼布楚城外爲會場兩國公使咸集護兵各二百餘人露刃列帳側俄人復以兵五百列城南當清陸軍又以兵五百陣尼布楚河岸當清水軍及開議國界時俄使欲以黑龍江爲分界中使欲以尼布楚爲分界相持各不下中使拔營向尼布楚城旦夕且宣戰俄使不得已爲最後之讓步於是界約始簽定是爲尼布楚條約時康熙二十八年九月九日我國交涉史上最榮譽之條約也其要如左

一自黑龍江支流格爾必齊河沿外興安嶺以至於海凡嶺南諸川注入黑龍江者屬中國嶺北屬俄

二西以額爾古納河爲界河南屬中國河北屬俄  
三毀雅克薩城雅克薩居民及物用聽遷往俄境

四兩國獵戶人等毋許擅越國界違者送所司懲罰

五兩國彼此不得容留逃人

六行旅有官許文票者得貿易不禁

約既定聖祖恐俄人東略之志終不能絕乃設屯田兵於精奇里河口以防之於是俄人之對中國一主和平數遣留學生至北京習華言或發商隊於沿邊行貿易凡歷百數十年遵守界約不少變

**附記**

康熙二十八年之尼布楚條約亦稱黑龍江條約我國外交史中所稱為最榮幸之條約也然而我國東三省外興安嶺以北及額爾古納河以北諸地之喪失者已不

知幾千萬里即就尼布楚一地而論該地本為中國屬地為俄人所佔據當開議之初中俄索額圖必欲以尼布楚為界所持態度本極強硬旋以奉清帝密諭終形退讓一索額圖額行時聖祖諭曰今以尼布楚為界必不與鄂羅斯則彼遣使貿易無栖託之所勢難相通爾等住議時可即以額爾古納河為界黑龍江上游一大重鎮自是遂永淪不返而黑龍江上游之形勢全失哥薩克鐵蹄南下之勢已成履霜堅冰由來久矣

徐乾學  
罷職

徐學乾  
之黨

綱多十月刑部尚書徐乾學罷 國時四方平定內外諸臣各樹朋黨互相攻訐如大學士明珠之黨皇族噶禮之黨皆其最著者然是時非獨滿大臣有黨也漢大臣亦有之如徐乾學高士奇王鴻緒陳元龍之徒皆自以高文碩學通籍詞館遂互相標榜以獵取聲譽依附權貴而以徐乾學為之魁乾學兄弟三人長即乾學次元文次秉義皆以鼎甲致位通顯時

許三禮之黨

三禮疏劾學乾

號崑山三徐鴻緒亦兄弟三人長九齡次頊齡次鴻緒與士奇並稱徐王高三家一時學士大夫非出三家之門者輒不爲世所重元文頊齡皆官至大學士乾學雖未登揆席而聲望則過之康熙一代欽定官書什九皆乾學監脩總裁其引疾歸里也猶命以一統志局自隨如司馬溫公脩通鑑故事帝親書光焰萬丈額以賜之其恩遇之隆如此同時許三禮郭琇彭鵬輩俱居諫垣以清流自命亦彼此相爲聲援而以許三禮爲之魁與乾學等分爲兩黨琇既疏參靳輔治河無功鵬後亦彈奏李光地貪位奪情二人皆重臣清望先後被搖撼於是朝端訐奏之風熾而黨派之傾軋亦愈烈已而許三禮以乾學輕財好客爲士類所歸交游又廣家人門客往往因緣爲奸利遂上疏劾其律身不嚴大干物議以湖北巡撫張汧所供納賄事爲證帝疑三禮所劾不實薄譴之而優容乾學如故三禮疏訐不已乾學不自安請解刑部尙書任專領各史館總裁旋許告歸未幾士奇元龍鴻緒三人亦爲郭琇所攻俱休致回籍斯時惟內閣學士韓葵雖出乾學門下而生平巖然自立不倚於徐許之黨亦復享盛名躋顯仕物論多之

以張玉書爲大學士

準噶爾部入寇

蒙古漢西

厄魯特四部

噶爾丹自立

綱庚午二十九年夏四月大清會典成

綱六月以張玉書爲文華殿大學士 玉書江蘇丹徒人順治進士爲

人風度凝然得大臣體在講幄每據經義納諫莫由得其獻替之迹至是

拜文華殿大學士

綱準噶爾部酋噶爾丹入寇下詔親征 準噶爾部者漢西厄魯特蒙

古之一部也厄魯特初爲蒙古牧馬部姓綽羅斯氏明時屬瓦剌即衛拉特瓦

刺自也先即額森死中衰地分四部一曰和碩特牧烏魯木齊一曰土爾扈

特牧雅爾一曰杜爾伯特牧額爾齊斯河一曰綽羅斯即準噶爾牧伊犁

而總謂之厄魯特蒙古亦稱厄魯特四衛拉云此四部中和碩特最大而

準噶爾最強先是明清之交西藏五世達賴喇嘛與紅教喇嘛爭招致厄

魯特蒙古以拒之於是和碩特部長固始汗與三部聯合自青海入藏固

始汗遂據有青海及西藏東部同時準噶爾部長渾台吉亦自伊犁蠶食

近部國勢漸強及聖祖時渾台吉死子僧格嗣僧格被殺噶爾丹遂自立

噶爾丹者僧格同母弟也先是僧格在位與異母兄車臣等爭屬產車臣

等劫殺之立其子索諾木阿拉布坦時噶爾丹方在西藏爲喇嘛聞變遣

統一厄魯特

兼併天山南路

襲佔喀爾喀等地

征下詔親

烏蘭布通之戰

歸於康熙十二年起兵靖亂戮逐諸兄殆盡又殺索諾木自立爲準噶爾汗已而與西藏第巴桑結相交結潛襲和碩特部敗固始汗之子達顏汗殺之而有其領土於是併青海服西藏擊降土爾扈特及杜爾牧特諸部統一厄魯特已又引兵踰天山而南破回部黑山黨立喀什噶爾汗兼併天山南路聞喀爾喀內訌復自伊犁徙帳阿爾泰山之麓勵兵聚餉襲土謝圖車臣札薩克圖三汗部而有之於是準噶爾版圖包有今天山南北路及科布多青海喀爾喀等地自以爲成吉思汗後第二之雄主遂南向與中國爭衡假索土謝圖汗爲名選銳東犯進攻內蒙古諸部時聖祖在位二十有九年矣天下承平無事帝以噶爾丹藉端內犯志不在小不大懲之後且爲害乃集羣臣議下詔親征是年六月分兩路出師

○秋八月與噶爾丹戰於烏蘭布通大破之噶爾丹具疏謝罪乃詔班師

○自下詔親征準噶爾後遂分兩路出師皇子允禔副裕親王福全出

古北口簡親王雅布副恭親王常寧出喜峯口別調盛京吉林及科爾沁

兵助戰帝親幸關外節制之常寧遇敵戰不利噶爾丹因由烏珠穆沁愈

深入至烏蘭布通今熱河赤峯縣境去京師僅七百里詔常寧福全兩軍會擊之八

駝城

噶爾丹  
乞和

帝至多  
倫泊

三汗部  
內訌

月朔裕親王遇噶爾丹軍於烏蘭布通噶爾丹騎兵數萬陳山下依林阻水以萬駝縛足臥地背加箱垛蒙以濕氈環列如城柵士卒於壕隙發矢銃備鈎距謂之駝城清軍隔河而陣以火器爲前列攻其中堅聲震天地自晡至暮駝斃於礮頽且仆陣斃爲二步兵爭先陷陣騎兵繞出陣側橫擊之遂破其壘乘勝猛擊噶爾丹大敗遣喇嘛卑詞詣軍前乞和不及報乘夜拔營越大磧山遁沿途饑踣死亡得還科布多者僅數千人噶爾丹乃具疏謝罪我兵追之不能及詔切責諸將坐失事機會帝有疾引還乃詔諸王班師

○辛未三十年春正月詔備噶爾丹 圖時噶爾丹復自俄農向克喀爾喀墨爾根濟農來寇詔以瓦岱爲定北將軍駐張家口都統郎談爲定北將軍駐大同以備之

○夏四月帝巡邊五月至多倫泊受喀爾喀諸部之朝外蒙古平 圖喀爾喀三汗部初本漢北雄國自明季喇嘛教傳入國人因專佞喇嘛習梵唄懈於戎事又部族嗜酒自相陵蔑國力中衰康熙二十三年土謝圖汗執殺札薩克圖汗而奪其妾三汗部內訌噶爾丹乘之率勁騎三萬越杭

噶爾丹  
蹂躪土  
謝圖

喀爾喀  
來降

帝在多  
倫泊受  
諸汗之  
朝

愛山突襲土謝圖汗之帳。土謝圖汗倉猝遁走。噶爾丹遂蹂躪土謝圖全  
部。又東西擊逐車臣札薩克圖兩汗部。於是三汗部衆數十萬一朝瓦解。  
盡棄其畜牧帳幕。投漠南請降。時康熙二十七年也。或議乘其危而取之。  
聖祖弗忍。發粟給畜。且假科爾沁水草地。使得遊牧。並詔令噶爾丹還其  
侵地。噶爾丹不從。並借索土謝圖汗爲名。選銳東犯。逼內蒙古諸部。聖祖  
怒。二十九年。率師親征。大破之於烏蘭布通。噶爾丹遁。喀爾喀三汗部遂  
全降於清。是年夏四月。帝巡塞外。詔編喀爾喀七旗。與內蒙古四十九旗  
等。五月。帝出張家口。車駕至多倫泊。因受喀爾喀諸汗台吉之朝。多倫泊  
故元時上都地也。帝以喀爾喀部衆新附。當先示以兵威。而後馴以恩意。  
又準噶爾連年寇邊。由土謝圖汗啓釁。不可不有以懲之。於是先期檄召  
內蒙古四十九族各率所部屯御營外。帝親帥上三旗居中。八旗前鋒營  
護軍營火器營環於外。內外蒙古皆不得入五十里內。屆期陳法駕御帳  
殿於網城南。先數土謝圖汗哲卜尊丹巴胡土克圖之罪。令具疏謝。然後  
赦其罪。而受諸汗之朝。各賜以宴。翌日大閱兵。帝躬擐甲胄。嚴申約束。號  
令森然。三部汗皆懾服。稽首請罪。於是分其部衆三十旗爲中左右三路。

外蒙古  
悉平

詔纂修  
明史不  
宜失實

以靳輔  
爲河道  
總督

馮溥卒

遣歸舊牧而仍留其汗號自是喀爾喀遂世爲臣僕與漠南諸部等外蒙古悉平

○壬申三十一年春正月詔纂修明史不宜失實 ○諭大學士等謂前者進呈明史諸卷命熊賜履校讎賜履寫簽呈奏于洪武宣德本紀訾議甚多朕思洪武係開基之主功德隆盛宣德乃守成賢辟朕自反厥躬於古聖君亦不能逮何敢輕議前代令主若表揚洪宣朕尙可指示詞臣撰文稱美倘深求刻論朕不惟本無此德本無此才亦非意所忍爲也至開創諸臣若撰文臣事實優於武臣則議論失平難爲信史爾等當知之

○二月河道總督王新命有罪免復以靳輔爲河道總督 ○運河同知陳良謨訐告河道總督王新命勒取庫銀事朝命禮部尙書熊賜履往江南察審鞫得新命及良謨挪移事實論罪如律帝以靳輔熟練河務調爲河道總督輔以老病固辭不許

○三月文華殿大學士馮溥卒 ○溥好賢禮士嘗築萬柳堂於京師暇則與賓客觴詠其中風流文采當世誦之至是卒賜祭葬諡文敏

○秋七月帝巡幸塞外九月還京師



綱十二月河道總督靳輔卒。輔始受命治河，值黃水四潰，不復歸海。

清口運道盡塞，輔上疏言：清口以下不濬，築則黃淮無歸；清口以上不鑿，引河則淮河不暢；高堰之決，口不盡封，塞則淮分而刷，河不力，黃必內灌，而下流清水潭亦危。且黃河南岸不提，則高堰仍有隱憂；北岸不提，山以東必遭衝潰。故築堤岸，疏下流，塞決口，但有先後，無緩急。今不為一勞永逸之計，屢築屢圯，勢將何所底止？疏上，羣臣多異議，帝特如所請。功未竟，而于成龍等極言其失，輔遂解任去。後帝悟，復令輔充其事。既卒，帝思之，曰：靳輔經理之後，雖後來河臣互有損益，而規模創置，不能易也。因悼惜不已，賜諡文襄。輔遼陽人。順治間，由官學生考授國史院編修。康熙時，歷任河道總督，專主築堤束水，河患以平。有治河書，稱千古河防龜鑑。

綱癸酉三十二年夏五月，命侍衛大臣伯費揚古姓棟鄂氏，滿洲正白旗人。為安北將軍。

總管歸化城官兵。兵部奏歸化城乃總要之地，增戍之兵甚多，應專

設將軍一員，總管歸化城都統副都統訓練官兵。凡當行事務，同右衛將

軍而行，得旨歸化城初設將軍，總管官兵，整飭訓練，關係甚重，著領侍衛

內大臣伯費揚古為安北將軍管理。

千古河防龜鑑

歸化城初設將軍

俄羅斯遣使人貢

于成龍筆願

綱秋八月帝巡塞外九月還京師

綱冬十月俄羅斯遣使進貢 國大學士等翻譯俄羅斯進貢奏章進呈

帝曰俄羅斯人材頗健從古未通中國距京師甚遠自嘉峪關在甘肅酒泉縣西嘉峪山

西密行十一二日至哈密清置直隸廳今為縣屬新疆迪化道自哈密行十二三日至吐魯番在哈密

吐魯番有五種部落過吐魯番即俄羅斯之境聞其國遼闊二萬餘里

漢張騫出使西域或即彼處史載霍去病曾出塞五千里想或有之今塞

外尚有碑記可考至外藩朝貢雖屬盛事恐傳至後世未必不因此反生

事端總之中國安寧則外蠻不作故當以培養元氣為根本要務耳

綱甲戌三十三年春正月河道總督于成龍革職留任 國九卿議覆河

道總督于成龍奏請增設河道官員及豁免民夫等事俱不准行于成龍

明知難行之事故為條奏非大臣實心任事之義應革職帝召成龍來京

詰以前日力詆靳輔及論減水壩宜塞不宜開成龍引罪命革職留任戴

罪圖功蓋成龍從前專與靳輔為難後繼輔任方悉其謬故也按此于成龍又是一人非

總督兩江之于清龍也

綱夏五月帝巡幸畿甸閱視河堤 國戊午閱龍潭口新堤已未閱化家

口新堤庚申闕桃花口永安口李家口信艾口柳灘口等處新堤壬戌還

京師

李光地  
解任

兵部侍郎提督順天學政李光地解任在京守制 李光地聞母喪

帝命在任守制光地乞給假數月治喪御史沈愷曾楊敬儒交章論劾給

事中彭鵬字奮斯福建古田人詆光地為貪位忘親傳旨詰問鵬執奏愈力且言臣與

光地皆閩產今若此人人切齒桑梓汗顏帝嘉其直因命光地解任不准

回籍在京守制

傅拉塔  
卒

六月兩江總督傅拉塔卒 帝諭閣臣曰兩江總督居官善者自于

成龍以後惟傅拉塔一人傅拉塔和而不流不畏權勢仰體朝廷委用之

意愛卹軍民甚屬可嘉今聞溘逝深為憫惻著從優議卹賜諡清端

秋七月帝巡幸塞外九月還京師

冬十二月閩浙總督朱宏祚罷 諭大學士閩浙總督朱宏祚大計

疏內有閩省地瘠民佻語豈全省皆佻薄乎原任巡撫張德地署延綏時

曾奏延綏邊地并無可舉博學宏詞之人原任少詹事邵平遠奏南方之

人皆輕浮不可用朕思賢才生不擇地南人豈盡輕浮二人所言甚不愜

朱宏祚  
罷

達賴喇嘛請撤西海戍兵不准

朕心因皆罷斥。今朱宏祚又以謬言陳奏不合。尋部議宏祚應降四級調用。從之。

○乙亥三十四年夏四月。達賴喇嘛及第巴遣使奏請撤回西海等處所置戍兵不准。○諭大學士等。第巴乃外藩人。何敢奏請撤我朝兵戍。此特爲噶爾丹計耳。我之守戍。乃以噶爾丹蘭入吾土之故。向者噶爾丹敗。已將就擒。因彼之濟隆胡土克圖來言。噶爾丹乞降。始得亡命。今噶爾丹仍索喀爾喀未已。則我朝旣不當罷戍。且益當備師。如噶爾丹來。卽行剿滅。儻悔過乞降。亦無有不撫之之理。爾等可會同理藩院侍郎滿丕備檄曉諭。達賴喇嘛及第巴知之。

巡視海口運道

○五月。帝巡視新河及海口運道。○壬申。帝至通州。崔家樓登舟。乙亥。閱竇家口堤岸。以應加增築處。指示巡撫沈朝聘。總兵李鎮鼎等。戊寅。閱海口。命於其處立海神廟。戊子。還京師。

○秋八月。帝巡幸塞外。命都統蘇努阿席坦護巴等分統大軍備噶爾丹。九月。回京師。

噶爾丹

○冬十月。噶爾丹入寇。十一月。以費揚古爲撫遠大將軍率兵討之。○

密諭科爾沁誘令深入

分三路出兵

決計親征噶爾丹

先是噶爾丹率衆夜遁後遣使至歸化城聲言入貢下詔徵之不報而侵略喀爾喀益甚屢書索土謝圖汗及哲卜尊丹巴大喇嘛且害及使臣又陰誘內蒙古各部使叛歸已科爾沁土謝圖親王以聞帝以前此烏蘭布通之役噶爾丹幾被擒忽中其計舍之不追坐失機會欲復致甚來一戰殲之乃密諭科爾沁諸部令復書偽許內應誘令深入而預調土馬芻糧以待議分三路出師以大創之本年九月噶爾丹果率騎三萬沿克魯倫河一年臘胸河發源外蒙古車臣汗部大肯特山流入黑龍江而下侵略至巴賴布通帝卽命將軍薩布素引東三省兵會科爾沁兵出東路以費揚古爲撫遠大將軍會同甘肅提督孫思克引陝甘寧夏兵出西路十二月復命都統伊勒慎護軍統領費揚古瓦爾達副都統碩岱將軍舒恕參贊大將軍事務共討噶爾丹

○丙子三十五年春二月帝親征噶爾丹命皇太子留守京師

○去年九月噶爾丹率兵三萬沿克魯倫河而下自秋徂冬踞之不去帝因決計親征諭各部院衙門凡事俱著皇太子聽理自引大兵由獨石口出中路令將軍薩布素出東路大將軍費揚古出西路分道並進皆赴瀚海而北約期夾攻沙磧不宜車行乃留大礮馱子母礮而行每止營帝親視軍士

手繪地圖指示方略

噶爾丹拔營宵遁

費揚古大破噶爾丹於昭莫多

結營畢然後休息師行七十餘日不見敵五月大兵由科圖進逼敵境諸臣以沿途阻雨士馬餒困乞待西路之師同進途次復傳有俄羅斯助兵之信大學士伊桑阿等力請回鑾帝不許曰朕祭告天地宗廟出征不見賊而還何以對天下遂率師疾趨克魯倫河手繪地圖指示方略並遣使告噶爾丹噶爾丹不信登北猛納蘭山望見黃屋龍燻環以幔城又外爲網城軍容山立大驚拔營宵遁翌日大兵至河則北岸已無一帳矣克魯倫河者起車臣汗西界東北近黑龍江橫互瀚海東北二千里乃內外蒙古之界河也帝初意敵必扼河拒戰故兩路出師攻其腹背及是知敵已喪膽遂命領侍衛內大臣馬思哈搜討巴顏烏蘭

在蒙古車臣汗四部地

近地自率前鋒追之三日至拖諾山不及而還

五月大將軍費揚古大破噶爾丹於昭莫多

是月帝命內大臣明珠

盡運中路之糧以濟西路兵西路大將軍費揚古遇噶爾丹於昭莫多遵帝所授方略皆下馬步戰約聞角聲始上馬將軍孫思克以綠旗兵據山頂臨之大同總兵官康調元率滿洲漢軍就西方沿河布陣敵爭山頂厥鋒甚銳官兵據險俯擊弩銃迭發藤牌繼之敵冒矢礮鑿門自未至西

可敦阿  
弩戰死

老胡吹  
笳作歌

二次親  
征噶爾  
丹

不退人人如怒虎。林木皆震。費揚古遙望敵陣。後人馬不動。察知爲婦女。駝蓄所在。乃麾沿河伏騎。分爲兩隊。一橫衝入陳。一襲其輜重。山上軍奮呼夾擊。敵始敗潰。追北三十餘里。斬數千級。降三千人。獲馬駝牛羊廬帳。器械無算。噶爾丹之妃可敦阿努死焉。阿努頗智。敢戰披銅甲。佩弓矢。騎異獸似駝者。精銳之兵。悉隸其麾下。至是遂斃於礮。噶爾丹以數十騎遁。捷奏至。帝命費揚古留防科圖護喀爾喀游牧地。親撰文銘功勒石於察罕拖諾山。及昭莫多之山。而還。車駕次歸化城。勞西路凱旋兵。大享土。費揚古獻俘行帳。有老胡工笳。口辨有膽氣。兼通漢語。帝賜之酒。使奏技。歌曰。雪花如血撲戰袍。奪取黃河爲馬槽。滅我名王兮虜我使歌。我欲走兮無駱駝。嗚呼黃河以北奈若何。嗚呼北斗以南奈若何。帝大笑。遂旋師。六月癸巳至京師。

綱秋七月。命修平定朔漠方略。九月。帝巡幸塞外。冬十二月。還京師。

綱丁丑三十六年春二月。帝復親征噶爾丹。夏四月。噶爾丹自殺。準部平。

初噶爾丹之徙帳阿爾泰山也。經營喀爾喀。戀漠北地。久不歸。其西部伊犁舊部落。盡爲兄子策妄喇布坦所據。自阿爾泰山以西。皆非已有。

所歸  
窮蹙無

自殺  
噶爾丹

遣三汗  
歸牧

又連年與中國戰爭精銳盡失回部青海又皆乘機叛去噶爾丹窮蹙無所歸欲取道翁金河至哈密謀進止又為清軍之留屯翁金者所敗勢益窘三十五年十一月帝復幸歸化城召見其使者格壘沽英欲因以降之

帝諭格壘沽英曰爾還語噶爾丹令其親身來降否則朕必往討朕在此地行獵待爾限七十日內還報如過此期朕即進兵矣止立限遣發之時包衣大達都虎奏曰御用米糧將盡矣帝怒曰達都虎搖惑衆心可斬也如糧盡則取湖灘河朔之米何慮之有糧雖盡朕必齧雪窮追斷不同師宣諭後又將往幸邁達禮廟遣鄉導修路於時諸軍皆不喻既遣格壘沽英復使人隨之出二十里外帝渴命班師時噶爾丹卒倔强不奉命帝以噶爾丹終無投誠意三十

六年二月復詔親征渡黃河幸寧夏命內大臣馬思哈及薩布素會費揚古兵大舉深入噶爾丹震懾不知所為欲西歸伊犁則根據地已失策妄阿拉布坦方將伏兵於途擒而獻之欲南投西藏則清兵絕其交通之路不得出不得已乃以是年閏三月十三日飲藥自殺策妄阿拉布坦以其骸骨及一女來獻所部盡降自阿爾泰山以東地悉入版圖詔遣土謝圖等三汗復歸牧勒銘於狼居胥山五月還京師

○秋七月帝巡幸塞外九月還京師

○冬十月免山西通省三十七年地丁米銀

○戊寅三十七年春正月帝西巡 ○癸丑帝巡幸五臺山甲辰至涿州



命減廣  
東海關  
稅額

永定河  
成

奉皇太  
后南巡

二月戊辰還京師。

○三十七年夏四月命減廣東海關稅額。○諭大學士等廣東海關收稅人員搜檢商船貨物概行徵稅以致商船稀少關稅缺額且海船亦有自外國來者如此瑣屑甚覺非體著減額稅銀三萬二百八十五兩著為令。

○秋七月永定河成。○河道總督于成龍奏霸州等處濬新河已竣乞賜河名並敕建河神廟得旨照該撫所請賜名永定河並敕建河神廟立碑。

○帝奉皇太后東巡詣盛京謁諸陵冬十一月還京師。

○己卯三十八年春二月帝奉皇太后南巡。○一月癸卯啓鑾三月庚

午渡河泊清江口閱視高家堰歸仁堤等工辛未閱爛泥淺等處壬申閱

視黃河隄岸駐淮安府丙子駐揚州府癸未駐蘇州府戊子至浙江辛卯

駐杭州戊戌回鑾四月庚子駐蘇州己酉駐江寧庚申駐揚州五月庚午

命兩江總督張鵬翮扈從入京以陶岱署兩江總督辛未泊舟仲家閘乙

酉至京師。

六月以郭琇爲湖廣總督。帝諭曰：當今凡事俱可緩圖，惟吏治民生最難刻緩。諺云：湖廣熟，天下足。江浙百姓全賴湖廣米粟，朕南巡江浙，詢問地方米貴之由，皆謂數年來湖廣米不至，以致價值騰貴。然楚省官吏並未奏報水旱，又聞湖南百姓甚苦，皆由興永朝王樑、楊鳳起三人相繼擾害所致。現任總督李輝祖可召進京，以侍郎用。原任左都御史郭琇前爲吳江縣知縣，居官甚善，百姓至今感頌。其人有膽量，無朋比，可補授湖廣總督，令馳驛赴任。

○秋七月，帝巡幸塞外，九月還京師。

○以河圖示大學士。帝以河道總督于成龍所繪河圖示大學士等，諭曰：今四海太平，最重者治河一事。朕前巡視，知水之不治，由洪澤湖水勢過大，既不能洩，又加黃運兩河合併，勢愈浩瀚，以致泛溢。昔時原有歸仁隄，遙爲捍禦，此法最善。今已淹沒，不可考。靳輔則築減水壩，名爲減水，而四處奔瀉，漂決甚多。彼但顧上河而不顧下河，水何以治？朕惟有導河稍北，使彼不得侵入清水，而疏洩洪澤湖，使之下流，全用清水以刷沙淤。如此則水自無不治矣。今歲南巡，見黃河逼近清口，黃水倒灌，以致淤墊。

洪澤湖水不出。自高家堰減水壩。流入高寶諸湖。自高寶諸湖。流入運河。以致下河田地。盡被淹沒。朕深爲軫念。又曰。靳輔董安國。于成龍。但知築隄禦水。至於改河身。使北俾清水通流。並未言及。若不令清水通流。雖修築隄岸。黃水終致倒灌。焉能禦之。

巡視永定河

○庚辰三十九年春正月。帝巡視永定河。○正月癸亥。啓鑾。二月乙丑。

閱化家口攔河壩。丁卯。閱筐兒港衝決之處。辛未。乘舟至靜海縣東。閱子牙河堤。甲戌。閱郎城柳岔等處。辛巳。還次南苑。壬午。回京師。

張格使蒙古

○三月。命左通政張格往蒙古。○左通政張格。以差往審理蒿齊忒等。

旗案。並教養蒙古。請訓。帝曰。蒙古性情。怠惰愚蠢。貪得無厭。不可以內地之法治之。順其性。以漸導。方能有益。初到時。亦不可卽行給助。始若過優。恐後不繼。宜視其困乏。漸行補助。且蒙古惟信喇嘛。一切不顧。此風亟宜變易。儻喇嘛等有犯法者。爾等卽按律治罪。令知懲戒。

河督于成龍卒

○夏四月。河道總督于成龍卒。○成龍。漢軍鑲紅旗人。字振甲。以蔭生。

授樂亭知縣。官至河道總督。與前兩江總督諡清端者同姓名。同以廉介稱。督河時。嘗於沂河兩岸築隄一萬八千一百八十丈。至是卒。諡襄勤。

改擢黃  
壩爲大  
通口

○六月詔改攔黃壩爲大通口。○前河道總督于成龍卒詔以張鵬翮代爲河道總督。至是鵬翮奏臣遵旨看視海口將攔黃壩盡行拆去。河身開濬深通。於五月初九日完工開放。水勢暢流。衝刷淤沙。旬日之間深至三丈。寬及百丈有餘。滔滔入海。沛然莫禦。乞將攔黃壩之名改稱大通口。以垂永久。並建海神廟以答神庥。帝准奏。賜名大通口。並勅建海神廟立碑。

詔停宗  
室考試

○秋八月詔停宗室考試。○諭大學士九卿等。今科鄉試曾令宗室考試。宗室朕素加恩。何患無官。嗣後停其考試。

欲開風  
聞言事  
之例

○冬十月詔有關係民生者許科道官以風聞入奏。○諭大學士等臣下賢否朕處深宮。何由得知。緣朕不時巡行。凡經歷之地。必咨詢百姓。以是知之。因此朕欲開風聞言事之例。科道官以風聞題參。卽行察該督撫賢者留之。不賢者去之。如此則貪暴斂迹。循良競勸。嗣後各省督撫將軍提鎮以下。教官典史千把總以上。官吏賢否。若有關係民生者。許科道官以風聞入奏。倘懷私怨。互相朋比。受囑託者。國法自在。著傳諭滿漢掌印與不掌印科道官員知之。

許科道  
官風聞  
入奏

綱十一月帝巡幸邊外十二月還京師

綱辛巳四十年春二月帝巡幸畿甸閱視永定河庚辰還京師

綱三月命郎中馬爾漢往喀爾喀 帝命馬爾漢等往喀爾喀教養蒙

古諭曰喀爾喀蒙古其性無常且不知足爾等至彼慎勿多與之物取悅

彼等至於教其耕種亦甚緊要前此任事之人朕悉指導爾等一一問明

加意遵行可也

綱秋八月帝巡幸塞外九月還京師

綱領侍衛內大臣一等公費揚古卒 費揚古歷次隨駕親征噶爾丹

統率大兵戰功卓著帝嘗御箭亭命諸大臣校射費揚古奏臣臂痛不可

以弓許之出語人曰我曾為大將軍儻一矢不中有損國威且為外藩所

笑故不與諸將軍角技也人服其遠識至是卒予祭葬加祭三次諡襄壯

綱冬十二月連州清直隸州今為縣屬嶺南道 獠人作亂以都統嵩祝為廣東將軍率兵

進討 廣東連州獠人常出擾害官軍往剿失利韶州副將林芳被殺

乃命都統嵩祝偕副都統達爾占侍郎傅繼祖往會總督石琳調廣西湖

南兵進剿嵩祝即授為廣東將軍諭曰獠人所居之山通連廣東廣西湖

馬爾漢使喀爾喀

費揚古卒

連州獠人作亂

嵩祝討  
平連州  
獠

治黃河  
宜仿永  
定河法

南三省林木叢密山勢崇峻恃此險僻頑梗不馴自宋明以來卽在此三省擾害民生爾等務體朕好生之意不必遽行征剿先宜曉示招撫如獠人歸順止將殺害官兵之爲首者正法可也

綱壬午四十一年春二月廣東將軍嵩祝討連州獠人降之連州平  
嵩祝等受命前往師次連州遂檄三省官兵分布要隘繪圖以進尋疏言臣等遵奉皇上指示機宜勘視八排山寨卽於要地設立營壘先遣人招撫連州界內油嶺衡祥橫坑三排獠人先行薙髮開報家口荷負雞彘酒食呈送行營而連州附近之軍寮馬箭火燒坪大掌嶺四大排並雞公背等各小排以次投誠最後黎巴洞排獠人將爲首殺害官兵之李貴等九人擒獻卽行正法遣兵察驗人口共八千一百餘安插事宜責成提督料理臣等撤兵回京得旨嘉獎

綱夏六月貴州葛彝寨苗人作亂官軍討平之

綱秋七月帝幸熱河八月還京師

綱九月諭治黃河仿永定河法  
先是三十八年秋河道總督于成龍於直隸霸州等處開濬新河奏請賜名永定河建廟立碑至是帝諭廷臣

曰朕觀永定河修築之法甚善河身直河底深所以淤沙盡皆衝刷今治黃河亦用此法方為有益張鵬翮繼于成龍為河道總督所奏開挑引河建築草壩著即照行此工多費不過十萬兩試仿照永定河法修治之

改鑄大式制錢

○冬十月詔制錢改鑄大式每文重一錢四分停止鼓鑄舊式小錢

○十一月詔雲南貴州四川廣西四省四十三年錢糧悉行蠲免

南巡

○癸未四十二年春正月帝南巡 庚午過濟南壬申駐蹕泰安登泰山二月丁丑由宿遷縣渡黃河徧閱徐家灣等隄至烟墩登岸己卯自桃源縣登舟徧視河隄入清江口泊天妃閣壬午駐蹕揚州府城內甲申渡江登金山江天寺丙戌駐蘇州府戊子登舟庚寅駐杭州府癸巳回鑾辛丑至江寧三月戊申閱高家堰翟家壩等隄工庚申還京師

○夏五月帝巡幸塞外七月還京師

○九月湖南紅苗叛巡撫趙申喬討平之 湖南鎮筸紅苗作亂巡撫

趙申喬字慎旂江蘇武進人合黔楚粵兵進勦貴州提督李芳遠深入苗地平糯糖山

葫蘆天星諸寨尙書席爾達副都統圖思海徐九如率荊州兵至自龍椒洞至天星寨分路搜勦斬馘千餘降其寨三百餘移辰沅道駐鎮其地

趙申喬平紅苗

綱冬十月帝西巡。圖是月癸未啓鑾癸巳駐蹕柏井驛丁酉至太原十一月乙巳次洪洞壬子渡河次潼關丙辰至西安關武設宴癸亥回鑾十二月庚辰駐蹕磁州庚寅還京師。

綱甲申四十三年春三月帝幸南苑行圍。

綱夏四月帝巡幸塞外秋九月還京師。

綱侍衛拉錫探河源還。圖先是夏四月帝命拉錫等探視河源至是還。

繪圖奏聞略謂臣等於四月初四日自京起程五月十三日至青海十四日至呼呼布拉克貝勒色卜騰扎爾同臣等起程前行六月初七日至星宿海之東有澤名鄂陵周圍一百餘里初八日至鄂陵西又有澤名扎陵周圍三百餘里鄂陵之西扎陵之東相隔三十里初九日至星宿海蒙古名鄂敦塔拉登山之至高者視之星宿海之源小泉萬億不可勝數周圍羣山蒙古名爲庫爾滾卽崑崙也南有山名古爾班吐爾哈西南有山名布胡珠爾黑西有山名巴爾布哈北有山名阿克塔因七奇東北有山名烏蘭杜石古爾班吐爾哈山下諸泉西番國名爲噶爾瑪塘巴爾布哈山下諸泉名爲噶爾瑪春穆朗阿克塔因七奇山下諸泉名爲噶爾馬沁尼。



一月中  
三四日  
晴

三山之泉流出三支河。卽古爾班索羅謨也。三河東流入札陵澤。自鄂陵澤出。乃黃河也。此外爲小河者。不可勝數。盡歸黃河東流。臣等自星宿海於六月十一日回程。向東南行。二日登哈爾吉山。見黃河東流。至呼呼託羅海山。又南流。繞撒除克山之南。又北流。至巴爾托羅海山之南。次日至冰山之西。其山最高。雲霧蔽之。蒙古言此山長三百餘里。有九高峯。自古及今。未見冰消。常雨雪。一月中三四日晴而已。自此南行。十六日至席拉庫特爾之地。又向南行。過僧庫里高嶺。行百餘里。至黃河岸。見黃河自巴爾托羅山向東北流。歸于德堡之北。遠喀山之南。從兩山峽中流入蘭州。自京至星宿海。共七千六百餘里。寧夏之西。有松山。至星宿海。天氣漸低。地勢漸高。人氣閉塞。故多喘息。謹繪圖呈覽。報聞。

在托灰哈達嘴西境。

鄂陵海在葉克錫理西。札陵海在博靈源庫特爾西。哈爾吉山

乙酉四十四年春二月。帝南巡。視河渡江。至杭州。閏四月。還京師。

夏六月。帝北巡。駐蹕熱河。九月。還京師。

以李光地爲大學士。初。光地劾雲南布政司張霖。假稱奉旨販賣私鹽。得銀百六十餘萬兩。得旨。卽令光地審擬。霖論斬。家產籍沒。

以李光地爲大學士

入官至是帝諭吏部曰李光地居官甚好才品俱優着陞爲文淵閣大學士調河南巡撫趙宏燮爲直隸巡撫

○冬十一月命查康熙元年以來蠲免錢糧總數

○時大學士馬齊等

奏自康熙四十二年以來蠲免錢糧已一千六百餘萬帝曰自吳三桂變亂之後民甚艱苦故朕累年蠲免錢糧民生優裕則國家太平矣爾等可查康熙元年以來所免錢糧總數來奏尋奏查自元年以來所免錢糧共九千萬有奇報聞

○丙戌四十五年春二月特詔江寧知府陳鵬年來京

○時兩江總督

阿山疏劾鵬年貪酷帝命漕運總督伊桑額河道總督張鵬翮審擬鵬年論斬特旨令鵬年來京在修書處效力阿山者宗室噶禮之黨也噶禮本滿洲貴族聲勢傾一時滿臣中阿山漢臣中張鵬翮等皆其黨當其爲兩江總督時鵬年爲蘇州知府白事不跪拜禮怒訶曰知府生死在我手胡敢爾遂劾鵬年怨望指所作虎邱詩爲證逮捕下獄欲置之死幸帝察其任命釋之始免至是復爲阿山所劾初阿山以帝將復南巡召屬官議加賦鵬年力言不可阿山銜之故有是劾賴帝素知其人得免後噶禮以罪

蠲免錢糧九千萬

詔陳鵬年來京

知府生死在我手

伏誅而鵬年歷官至河漕總督卒諡恪勤

○三月賜施雲錦等二百八十九人進士及第出身有差

○夏五月以金世榮爲兵部尙書梁鼎爲閩浙總督

○秋九月雲南李天極等謀亂伏誅

○李天極者昆明人冒入廣通縣

學與臨安府生員朱六非造爲符籙以師宗州生員之子魏枝葉流蕩不歸誘之使改稱王姓詭託明桂王之孫以王姓相呼遇開化府賣藥人楊春榮蒙自縣談相人張平山富民縣演伎人楊起鳳同謀不軌僭稱文興三年以鉛摹桂王之寶及諸偽印散播總制大將軍副總兵都督僉事等僞劄願入黨者改裝蓬頭僧或長髮道人潛期先取廣南次取開化由蒙自奪省城嗣爲督標弁兵首報先後擒獲李天極王枝葉楊春榮楊起鳳張平山朱六非等於富民縣之響哨山雲貴總督貝和諾疏報請旨立斬餘黨流徙數人首報者獎賞如例

○冬十二月海洋盜蔡曾就禽伏誅

○兩廣總督郭世隆奏報海洋巨

盜蔡曾等聚衆劫掠商船今已擒獲傳旨立斬

○詔罪囚緩決減等

○詔刑部罪囚緩決至三四年者減死一等直省

海盜蔡曾

雲南李天極

亦如之

綱丁亥四十六年春正月帝南巡

正月啓鑾二月次清河閱視溜淮

套卽由清口登陸詳看地方形勢謂左右曰此地百姓可謂淳樸彼見豎立開河標竿於墳墓之上毫無怨色真良民也可盡行撤去三月至江寧

四月駐杭州五月還京師

綱六月帝巡幸塞外

秋七月駐蹕熱河丁卯發喀喇和屯巡幸諸蒙

古地方沿途諸藩來朝各賜衣幣九月還京師

綱冬十月以蕭永藻爲兵部尙書十二月以溫達爲文華殿大學士

綱戊子四十七年春二月帝巡幸畿甸三月還京師

綱夏四月內大臣明珠卒

綱五月帝巡幸塞外六月駐蹕熱河

綱殺明宗室朱三太子父子

朱三太子時年七十有六父子嘗遊行

讀書寄食人家先是浙江巡撫王然奏擒獲大嵐山賊賊首張念一供出

朱三太子及其子等遣侍郎穆丹往審並命作速拘拏賊首所供朱三太

子及其子等已而山東巡撫趙世顯拏獲朱三父子解往浙江交穆丹處

明珠卒

殺朱三太子父子

# 至是諭將朱三父子及其黨並斬於市妻子發往寧古塔

**附記**

未三太子為康熙時朝野之流行語當時假其名以為號召者不知凡幾至是卒被獲就刑以龜老之年而猶不免一死帝王子孫之結局如暴可憐也清人李方遠所

著張先生傳記其事頗詳茲摘錄如下傳云戊子（即康熙四十七年）四月初三日予（李方遠自稱）方與先生（在書房）陳黑白子（以相媾）忽有軍慶高公邑令張公率營兵官役

將先生父子同予鎖拿予茫然不知其何故也星發電馳解赴省城撫軍坐後堂左右列藩臬兩司旁無一役先問予曰你是李某曾做過饒陽縣官慶予曰是你既讀書為官當知理

法為何窩藏朱某為不軌事予曰予家只知讀書門外之事亦不與聞不知誰為朱某從不敢犯法事撫軍曰你家教書先生是何人予曰先生姓張名用觀係南方人於二十年前

在東平州張家設教曾認謬後於前年十二月伊父子來至吾家諄言尋館度日予有孫數人從他讀書至於朱某不法事并不曉得撫軍曰他在南方姓王山東姓張你不知麼余曰

一毫不知又喚先生父子至問曰你是什麼人曰吾乃先朝皇子朱慈煥原封定王事到今日不得不說實情又問曰你何以在浙江曰崇禎十七年流賊圍困京城先皇嘗交於王內

官往民間藏匿及城破王內官獻之闖賊闖賊又交與杜將軍未幾吳三桂同清兵殺敗流賊各自奔逸賊中有一毛將軍帶香子河南地方聚馬買牛種地年餘清朝查捕流賊緊急

伊遂拋吾而逃時吾年甫十三自往南行至鳳陽遇一老鄉紳王姓者曾為先朝諫垣細詢根由執手悲泣留在伊家予遂改姓王偕伊子同學讀書又數年而王官病故吾年十八九

乃從江而南舉目無親竟告到一禪林大士前削髮為僧有延歲月偷生度日後游於浙止一古剎中有胡姓者餽姚人也亦明時宦裔偶來寺中與我談經論文愕然大吃曰子

有如此才學何為流於空門乃延至其家改換衣帽勸吾蓄髮伊居室之旁有小園半畝茅屋數間俾吾住其中後又以女妻焉此吾所以為浙人而王某也撫軍曰今有江南兩處叛

案皆稱扶爾為君朕復明朝爾往浙中實之時四月初六日也當日撫軍將口供繕寫題詞即將先生同予起解南行驛轎四乘解官數員一東兗道蕭一撫標大廳陣一都司長昇守

備千把等統領馬步兵數百及沿途接者日有千人舉目視之旗幟招颯隊伍交雜林林總總前後擁護余心惶惶如在夢中矣十四日到淮安易舟而往河內船艙周圍濟濟而振海

將軍之戰船滿兵較之陸路赫赫加倍焉二十二日到杭州在貢院實審上坐者欽差少宰穆丹次領杭將軍次兩江督次番閩督次蘇撫于次浙撫王共六大人問先生曰你是王士

元慶先生曰吾本姓朱名慈煥改名王士元是實又問曰你既是朱某朝廷待汝不薄何為謀反曰吾十年來改易姓名冀以遁其耳今上有三大憲於前朝吾感戴不忘何嘗謀反

又問。甚麼三大恩曰。流賊亂我國家。今上誅滅流賊。與我家報仇。一也。凡我先朝子孫。從不殺害二也。吾家祖宗墳塋。今上躬行祭奠。命人洒掃。三也。况吾今七十五歲。血氣已衰。鬢髮

皆白。乃不作反於三藩。變亂之時。而反於清寧無事之日乎。且所謂謀反者。必占諸城池。廣草屯糧。招買軍馬。打造器皿。吾曾有一於此乎。吾因年荒米貴。在山東教書。度日。居近通衢。

密邇京師。尚敢有謀反之事乎。大人曰。現有大嵐山叛賊。張某。口稱保你。何得強辯。遂帶賊至。時予與先生同在案前。問曰。你認誰是朱某。張熱視曰。都不認的。又問。你前供扶助朱

某。如何今日。又說不認的。張賊曰。原是假他名色。以鼓動人。委實不認。誰也。遂將予與先生。收入囹圄中。既而江南解的一和尙。至和尙者。太倉奸僧也。素行不端。曾鑄假印。偽造定七割

符。給散惡人。煽惑作亂。乃提先生對證。又云。不相識。奏上。未幾都覆命下。見判語云。朱某雖無謀反之事。未嘗無謀反之心。應擬大辟。以息亂階。細詢李某。堅供不知情。然在伊家捉獲。

且住。有年餘。說不得。不知情。合以知情。而不出首之例。流徙三千里。案定後。予蒙恩簽發。寧古塔。而先生則以是年冬。棄市矣。先生家在餘姚。有一妻二子三女。一媳。聞事發。捕捉送一

命。投縵。六。命俱盡云。

○秋九月。皇太子允禔有罪。宣詔廢之。幽禁咸安宮。○皇太子允禔初

封理密親王。帝次子也。帝生子三十有五人。直郡王允禔最長。然非嫡出。

嫡而長者為允禔。故封密理親王。立為皇太子。簡大學士張英教之。又令

儒臣湯斌為講性理之學。以儲其道德。南北巡狩。悉令從行。以宏其經驗。

皇太子初頗強明。後忽貪暴。乃至窺伺乘輿。狀類狂疾。時帝巡幸塞外。駐

蹕布爾哈蘇臺。皇太子益不法。肆惡虐眾。帝聞之大怒。是月丁丑。帝召諸

王大臣侍衛文武官員等。齊集於塞外行宮。呼皇太子跪前。垂涕諭之曰。

今觀太子舉動不法。祖德不遵。誨諭惟肆。惡虐眾暴戾淫亂。難以盡言。予

詔廢皇太子允禔

窺伺乘輿

如此之人豈堪託祖宗宏業

允禩王

咒詛太子

允禩奸成性

包容垂二十年矣。乃其惡愈張。如此之人。豈堪託祖宗之宏業。諭畢。帝痛哭仆地。諸大臣扶之起。旋諭將允禩卽行拘執。親撰告祭天地太廟社稷文。廢斥之。幽禁咸安宮。下詔歷舉其罪狀。宣示中外。己丑。帝還京師。居允禩於上駟院旁。命皇長子允禔。四子允禎監守。

冬十一月。革直郡王允禩。王爵。鎖拏皇八子允禩。交議政處審理。尋釋之。先是康熙三十七年三月。帝封長子允禔爲直郡王。三子允祉爲誠郡王。四子允禎。五子允祺。七子允祐。八子允禩。俱爲貝勒。由是諸王各自開府。攫奪權利。竟有招權植黨。謀陷東宮之事。及皇太子被廢。諸王之覬覦儲位者。遂咸肆其攫奪手段。或要結親貴。以偵探消息。或招納門客。以弋取聲譽。結黨營謀。匪所不至。而大阿哥允禔及皇八子允禩。希冀非分。尤爲顯著。帝微知之。因疑太子狂病。或別有他故。命窮治之。果得允禩令蒙古喇嘛巴漢格隆咒詛太子。及用術魘魅。狀不覺大怒。立拘允禩於第。革直郡王爵。幽禁府內。凡上三旗所分佐領。盡撤回。給與允禩。又聞允禩宣言相面人張明德。相其後必大貴。意在使帝立爲太子。帝益怒。曰。允禩。柔奸性成。妄蓄大志。朕素所深知。其黨羽早相要結。謀害允禩。今其事

鎮擊允

視馬齊

馬齊向  
來認亂

復立允  
初為皇  
太子

皆已敗露著立誅明德將允禩鎖拏送交議政處審理旋釋之封爲多羅貝勒

○已丑四十八年春正月。褫大學士馬齊職。交部拘禁。○正月癸巳。帝召領侍衛內大臣滿漢大學士尙書等問曰。去年朕躬違和。命爾等於諸阿哥中保奏。可爲儲貳者。爾等何以獨保允禩。允禩獲罪於朕。身繫縲絏。且其母家微賤。豈可使爲皇太子。况允禩乃允禔之黨。允禔曾奏言若立允禩爲皇太子。伊當輔之。可見伊等結黨潛謀。早定於平日。是日先舉允禩者爲誰。爾等各據實陳奏。勿有隱也。時阿靈阿鄂倫岱揆敘王鴻緒等俱私議立允禩。羣臣不敢奏。旋查出議政大學士馬齊。帝曰。馬齊向來謬亂如此大事。尙懷私意。豈非欲結恩於允禩。爲日後恣肆專行計耶。尋康親王椿泰等遵旨審鞫。擬馬齊立斬。帝不忍卽誅。着卽交允禩嚴行拘禁。其弟李榮保著免死。照例枷責。亦交允禩差使。又詔佟國維至。傳旨詰問。○三月。復立允禛爲皇太子。○帝以廢皇太子允禛狂惑。由於壓魅。所致。至是治療已痊。釋之於上駟院。復立之。特命大學士溫達李光地爲正使。刑部尙書張廷樞左都御史穆和倫爲副使。持節授允禛冊寶。復立爲



皇太子命禮部尙書富寧安爲正使禮部侍郎鐵圖爲副使持節授皇太子妃册寶復封爲皇太子妃並遣官祭告天地宗廟社稷所以告誡皇太子者甚備

巴漢格隆伏誅

夏四月蒙古喇嘛巴漢格隆伏誅 顯親王衍潢等奉旨會議蒙古

喇嘛巴漢格隆等呪壓皇太子情罪屬實應凌遲處死得旨依議遂伏誅並罷黜阿靈阿王鴻緒等職有差

帝巡幸塞外九月還京師

以年羹堯爲四川巡撫

以年羹堯爲四川巡撫 年羹堯漢軍鑲黃旗人太傅年遐齡側室子也其生也有異徵遐齡已棄而復舉之及長弘毅多才略尤精兵法著有治平勝算等書康熙時入翰林爲考官至是以西陲兵起詔授羹堯爲四川巡撫管理邊陲事務

冊封諸皇子

冬十月冊封諸皇子 是月戊午冊封皇三子允祉爲和碩誠親王

皇四子允禎爲和碩雍親王皇五子允祺爲和碩恆親王皇七子允祐爲多羅淳郡王皇十子允祿爲多羅敦郡王皇九子允禧皇十二子允禩皇十四子允禴俱爲固山貝子

冊封六世達賴喇嘛

革藍理職

陳五顯之亂

○冬十二月詔釋馬齊命管理俄羅斯貿易事。○從諸王大臣之請也。

○庚寅四十九年春三月冊封波克塔胡必爾汗爲六世達賴喇嘛。○

議政王大臣等議拉藏及班禪胡土克圖西藏諸寺喇嘛等會同管理西

藏事務侍郎赫壽奏請頒賜波克塔胡必爾汗以達賴喇嘛之封號查波

克塔胡必爾汗因年幼奉旨俟數年後授封今既熟諳經典爲青海諸衆

所重應如所請給以印冊封爲六世達賴喇嘛。

○夏五月帝巡幸塞外秋八月駐熱河。

○革福建陸路提督藍理職。○時藍理奏稱福建所屬永春德化二縣

交界地方有盜首陳五顯等偪勒愚民二千餘人入夥搶奪百姓拒敵官

兵臣令參將尙之璠統領官兵往緝兩次遇賊殺八十餘人中傷脫逃者

不計其數盜黨張永王當蘇標俱已投到其附近賊巢村民仍不廢耕織

照常安業惟陳五顯脫逃俟拏獲正法帝以強盜多至三四十人百姓尙

畏懼逃避况數千人爲盜豈得謂百姓不廢耕織照常安業乎此係掩飾

已過希圖卸罪著該部嚴察議奏旋革藍理職以范時崇潘陽人爲閩浙總

督

錫免康熙五十年錢糧

○九月帝還京師

○冬十月頒錫免各直省康熙五十年錢糧詔  
五十年思沛大恩以及吾民將天下錢糧一概錫免自明年始於三年以內通免一周俾遠近均霑並歷年舊欠亦俱免徵爾部移文各督撫諭旨到日卽刊刻頒布咸令知悉十一月又諭豁免錢糧但及業主而佃戶不得沾恩伊等田租亦應稍寬旋議凡遇豁免錢糧合計分數業主錫免七分佃戶錫免三分永著爲例從之

張玉書卒

○辛卯五十年夏五月文華殿大學士張玉書卒

○玉書嘗進講乾清

宮帝問理學之名始於宋否玉書奏道理自在人心宋儒講辨加詳耳帝曰日用常行無此非理自有理學名目彼此辨論而言行不符者甚多若不居講學名而行事允合此卽眞理學也至是卒帝命大學士溫達會同翰林部院官員內務府總管往弔予祭葬加祭一次諡文貞玉書賦性仁厚歷官五十年爲太平宰相二十年風度凝然得大臣體所作古文辭春容典雅稱一代大手筆

○帝奉皇太后巡幸塞外九月還京師

綱冬十月殺翰林院編修戴震

先是明清之交漢人爲清室所驅除

南山集  
之獄

及蒙受不平等待遇者往往藉文字以發抒憤慨其明末遺臣故老著書立說又時時流露其河山故國之思帝卽位已數十年深恐死灰復燃防微杜漸遂構成種種文字之獄最著者爲莊廷鑑明史之獄其次則戴震南山集之獄是也明史之獄在康熙二年夏而南山集之獄則在本年冬先是桐城今安徽方孝標嘗以科第起官至學士後以族人方猷主江南試與之有私並去官遣戍遇赦歸入滇仕吳三桂爲翰林承旨三桂敗孝標先迎降得免死因著鈍齋文集及滇黔紀聞戴名世見而喜之所著南山集多採孝標所紀事尤雲鏐方正玉爲之捐資刊行雲鏐正玉及同官汪灝朱書劉巖余生王源皆有序板則寄藏於方苞家至康熙五十年左都御史趙申喬奏其事略謂戴名世妄竊文名恃才放蕩前爲諸生時私刻文集肆口游談倒置是非語多狂悖今身膺恩遇叨列巍科猶不追悔前非焚削書板似此狂誕之徒豈容濫廁清華疏上着九卿會鞫當戴名世大逆法至寸磔族皆棄市未及冠笄者發邊朱書王源已故免議尤雲鏐方正玉汪灝劉巖余生方苞以謗論罪絞時方孝標已死以戴名世之

罪罪之子登嶧雲旅孫世樵並斬方氏有服者皆坐死且劉孝標尸尙書韓莢侍郎趙士麟御史劉灝淮揚道王英謨庶吉士汪汾等三十二人並別議降謫疏入聖祖惻然凡議絞者改編戍汪灝以曾効力書局赦出獄方苞編旗下尤雲鏗方正玉免死徙其家方氏族屬概謫黑龍江韓莢以下及平日與戴名世論文牽連者俱免議是案得恩旨全活者三百餘人帝知方苞文學特詔赦其罪召入南書房修書苞得免死

**綱**壬辰五十一年春二月以宋儒朱熹配享孔廟 **圖**位於大成殿十哲之次十哲顏淵閔子騫冉伯牛仲弓宰我子貢冉有季路子游子夏也

**綱**詔定滋生人丁永不加賦之制 **圖**康熙六十年中有至仁之政三代

而下莫之與京者則永不加賦之制是已我國賦稅之制有地有丁戶口

之盈虛率五年而一編審丁增而賦隨之唐宋明極盛時代人口未有逾

六千萬者以增丁卽須增賦故相沿隱匿而不以報也康熙二十四年統

計天下戶口二千三百四十一萬七千四百四十有八帝以編審爲期過

遠吏胥得以作弊乃更定一年歲終彙報之制其後二十餘歲至康熙五

十年直隸省人丁增加百餘萬帝悟其故乃諭大學士等曰民間生齒日

定滋生人丁永不加賦之制

特赦方苞朱熹配享孔廟

盛世滋生人丁  
永不加賦

人口驟增

陳廷敬卒

鄂海招撫紅苗

繁朕故欲知戶口之實數非欲加增錢糧也嗣後祇將現今錢糧冊內有名丁數弗加弗減永爲定額以後滋生人丁免其增加錢糧但將所增實數另造清冊具報而已尋議定以康熙五十年人丁冊數爲準此後新增者謂之盛世滋生人丁永不加賦此制一定人口遂逐漸增加據當時戶部公報各省丁二千四百十七萬閱十年爲康熙末年則二千五百三十萬又閱十三年爲雍正末年則二千七百三十五萬又閱十四年爲乾隆十四年則一萬七千七百四十九萬又閱四十六年爲乾隆末年則二萬九千七百萬計距康熙間戶部之所報閱時祇七十有四載而人口增至十二倍有奇云

夏四月致仕文淵閣大學士陳廷敬卒 廷敬山西澤州人順治進

士少與汪琬以文章切劘與王士禛以詩唱和皆能得其深處在官所建白皆得大體既卒詔予祭葬諡文貞

以嵩祝爲文華殿大學士王揆爲文淵閣大學士

帝奉皇太后巡幸塞外九月還京師

六月湖廣總督鄂海招撫鎮寧邊外紅苗 時湖廣總督鄂海奏鎮

紅苗盤據深山

復廢皇太子允

隱忍包容終無可望

箠邊外紅苗素稱強悍臣於康熙五十年九月會同撫提二臣親入苗寨宣布皇上威德令悔過革心今紅苗頭目吳老化等率毛都塘等處五十寨三千餘人實心投順得旨紅苗盤據深山秉性凶惡自古以來並未歸順今總督鄂海等身入苗寨設法招撫殊爲可嘉該部將在事官員一併議敘

綱冬十月復廢皇太子允初先是帝於初次廢皇太子時歷六晝夜

未嘗安寢當其鎖拏允禩時憤怒已極至欲親引配刀以誅允禩是時諸

王朋黨蟠據朝廷根深蒂固帝恐因儲位問題引起政爭故對於羣臣議

立太子之言概置不納於四十八年春復立允禎爲皇太子然帝之希望

終歸失敗蓋太子之狂疾不但未除且嘯聚兇徒親近幸佞驕抗之態未

或稍已帝隱忍包容終無可望帝恐其一生慘淡經營之鴻基大業墮於

不肖子之手遂決計於本年十月復下詔再行廢黜並召諸王貝勒貝子

大臣等諭之曰前因允禎行事乖戾曾經禁錮既而朕躬抱疾念父子之

恩從寬免宥朕在衆前曾言似能悔改乃自釋放之日乖戾之心卽行顯

露數年以來狂易之疾仍然未除是非莫辨大失人心朕今年已六旬知

不復更  
言立儲  
事

噶禮交  
通關節

張伯行  
第一清官

藍理有  
罪不誅

後日有幾况天下乃太祖太宗世祖所創之業傳至朕躬如此狂易成疾不得衆心之人豈可付託乎故將允初仍行廢黜禁錮此諭自此次再廢太子後帝憂思憤懣日損其健康深恐祖宗大業無可付託又恐諸王覬覦者多自是不復更言立儲事羣臣以是請者往往遷怒獲罪

○兩江總督噶禮有罪伏辜以赫壽爲兩江總督  
○噶禮以滿洲貴族爲兩江總督擅行威福聲勢傾一時康熙五十年江南鄉試副考官趙晉與噶禮交通關節事發帝命尙書張鵬翮侍郎赫壽出按其獄鵬翮因其子懋誠任懷寧令恐遭陷害瞻顧掣肘讞莫能定巡撫張伯行遂劾噶禮抗命欺君營私壞法噶禮亦訐伯行不肯出洋捕賊及誣陷牙行張元隆諸欸帝命俱解任付使者雜治尋奏晉與光奎泌賄通關節擬罪如律而噶禮劾伯行不能清理案件屬實餘係苛劾應降留伯行劾噶禮索金事全虛應奪職發徒帝復命尙書穆和倫張廷樞覆訊執如前議帝以伯行爲天下清官第一責諸臣變亂是非命伯行復任黜噶禮職噶禮尋以謀弑其母賜自盡

○十一月福建提督藍理有罪赦不誅  
○閩浙總督范時崇列欸糾參



革職福建提督藍理貪婪酷虐流毒士民應請拏究帝遣侍郎覺和托等往勘皆實應斬帝念其有功特從寬免死

○癸巳五十二年春二月左都御史趙申喬奏請册立太子不許

○夏四月以額倫特姓科奇理且滿洲鑲紅旗人為湖廣總督

○時額倫特為湖廣提督帝諭大學士等曰額倫特殷泰皆朕特用之人也初用時人皆不知其

善後乃稱朕有知人之明

○五月詔除各地貧民開礦之禁

○先是九卿等奏議開礦事謂開礦一事除雲南督撫雇本地人開礦及商人王綱明等於湖廣山西地方各

雇本地人開礦不議外他省所有之礦向未經開採者仍嚴行禁止其本

地窮民見在開採者姑免禁止地方官查明姓名記册聽其自開若別省

之人往開及本地殷實之民有霸占者即行重處帝曰有礦地方初開時

即行禁止乃可若久經開採貧民勉辦資本爭趨覓利藉為衣食之計而

忽然禁止則已聚之民毫無所得恐生事端總之天地間自然之利當與

民共之不當以無用棄之要在地方官處置得宜不致生事耳

○帝奉皇太后巡幸塞外九月還京師

趙申喬請立太子不許

除各地貧民開礦之禁

王鴻緒  
進呈明  
史列傳

歸誠生  
番十九  
族

張伯行  
革職

策安寇  
哈密  
徵外藩  
兵集歸  
化城

綱甲午五十二年春三月戶部尚書王鴻緒進呈明史列傳 鴻緒華亭人以所撰明史列傳二百八十卷進呈得旨著交明史館

綱夏四月帝奉皇太后巡幸塞外九月還京

綱冬十二月詔土司楊如松管轄歸誠之生番喇子等十九族 兵部

議准四川陝西總督鄂海奏洮岷所屬邊外生番喇子等一十九族頭目扎世咱等歸誠番地周圍約千餘里計一千二百九十二戶共八千四十六口請令土司楊如松管轄從之

綱乙未五十四年春二月革江蘇巡撫張伯行職 先是伯行疏劾布政使牟欽元藏匿通洋匪棍張令濤令濤者前兩江總督噶禮之幕客也帝命尚書張鵬翮副都御史阿錫勳赴鎮江審勘奏令濤良民伯行誣劾應斬帝不許著暫行革職旋令入都召對命講太易圖說入直南書房權倉場總督

綱夏四月準會策安喇布坦寇哈密命吏部尚書富寧安馳驛救之

綱徵外藩兵集歸化城以右衛將軍費揚固總理軍務 備準會策安

喇布坦也初準噶爾汗僧格死其弟噶爾丹殺僧格長子自立次子安策

策妄潛  
回伊犁

費揚古  
總理事務

徐潮卒

喇布坦與其父舊臣七人逃居土魯番遣使乞降帝納之策妄乘噶爾丹南侵敗衄之際潛回伊犁游牧博羅塔拉河用其七友收集散亡杜爾伯特諸臣台吉從之闢地至額爾齊斯河發源阿爾泰山之陽西經新羅入俄羅斯境遂有準部大半

及康熙三十六年大軍殄滅噶爾丹時伊犁數千里空無所主策妄生聚

未盛中國方乘屢勝之勢若驟進大軍收其部落立可設為郡縣帝以其

曠莽遼闊費轉輸又策妄方獻噶爾丹之尸外馴呢遂畫阿爾泰山以西

至伊犁指俾游牧復成西域一大部落策妄既得志不復遵約束至是哈

密扎薩克達爾漢白克額敏始咨甘肅提督師懿德厄魯特遣兵至北境

侵掠五寨又咨言敵兵於三月二十五日抵哈密城下提督先後以聞帝

特命吏部尚書富寧安姓富察氏滿洲鑲藍旗人帶新滿洲侍衛十員馳驛前往又徵外

藩兵集歸化城以右衛將軍費揚古無何師懿德疏報駐防哈密游擊潘子善於三月二十六日率領官

兵二百餘人同哈密白克額敏擊敗策妄喇布坦于哈密賊退駐城南二十里外得旨嘉獎

吏部尚書徐潮卒 潮為戶部尚書時河道總督張鵬翮誣奏淮安

同知佟世祿冒帑誤工罰償工費銀七萬餘兩世祿叩闕帝命潮往讞得

鵬翮刪供枉斷狀鵬翮奪職人服其允至是卒予祭葬乾隆中子

傅爾丹  
屯田哈  
密

趙申喬  
請罷斥  
不許

策妄擾  
藏  
西藏爲  
世界第  
一高原

棄宗弄  
贊

○秋七月遣傅爾丹屯田哈密等處。○時大臣議奏屯田事謂據右衛

將軍費揚固詢得蘇勒圖哈拉烏蘇並達拉克河等處俱可耕種又哈密  
地方亦可耕種應行文將軍席柱尙書富寧安將西吉木布隆吉爾等處  
勘明具奏得旨依議公傅爾丹情願前往効力卽交伊辦理再著原任都  
統宗室愛音圖護軍統領達米納侍郎能泰鐵圖同往

○冬十月戶部尙書趙申喬以其子獲罪請賜罷斥不許。○趙申喬奏

臣子山西太原知府趙鳳詔居官不肖受贓三十餘萬兩撫臣列參臣不  
能教子求賜罷斥帝命仍在任供職將鳳詔正法

○十一月以宋儒范仲淹從祀孔廟

○丙申五十五年春二月準酋策妄阿拉布坦遣兵擾西藏。○西藏者

世界第一大高原吾國五族之一也唐時爲吐蕃地元明兩朝謂之烏斯  
藏其人種爲唐古特其地分三部曰前藏曰後藏曰阿里禹貢所謂三危  
是也而統名之曰西藏其地北界崑崙南界喜馬拉雅西界印度東界川  
邊東西六千里南北五千里人皆信佛有世界和密國之稱。西藏原非  
古佛教國唐時吐蕃王有曰棄宗弄贊者與中國和親得尙宗室女文成

文成公  
主拜木  
薩

紅教

黃教

達賴統  
前藏

班禪統  
後藏

公主公主信佛教自中國鑄釋迦牟尼像迎奉之其後印度尼泊爾國王  
又以女拜木薩妻弄贊拜木薩亦篤信佛教弄贊受二女感化於國中廣  
建寺院於是全藏始化爲佛教國其僧侶謂之喇嘛元明以來代受中國  
政府之崇奉自明而後有紅黃兩教之派別初止紅教衣冠皆紅色教徒  
專恃密咒幻術娶妻生子傳衣鉢流弊孔多永樂時有宗喀巴者始創黃  
教以清淨爲宗與紅教之恣爲幻術者異宗喀巴能前知涅槃時遺囑達  
賴班禪兩弟子世世轉生爲大乘教主號曰活佛黃教既盛紅教諸法王  
甘退居小乘皈依達賴班禪而師事之終明世三百年西南獨無邊患者  
黃教馴伏之力也黃教初盛行於前藏漸及蒙古青海其後藏地方則  
仍爲紅教根據地明清之交達賴五世羅卜藏堅錯立以其親信桑結爲  
第巴桑結素惡紅教思剪滅之時厄魯特方強其和碩特部酋固始汗自  
烏魯木齊襲有青海地桑結乘機以達賴之命招致固始汗引兵入後藏  
擊殺藏巴汗盡逐紅教諸法王而以班禪喇嘛統治其地於是達賴班禪  
分主兩藏而紅教徒悉遁入不丹及尼泊爾境固始汗以有功黃教故亦  
割西藏東部喀木之地爲其領土又以其長子達延鄂齊爾汗留鎮拉薩

桑結賴  
權

封桑結  
為圖伯  
特王

桑結被  
殺

假達賴

真達賴

諸部紛  
爭

全藏實權殆全歸和碩特掌握桑結又惡之復陰結準噶爾部酋噶爾丹  
 征服青海以挫和碩特之勢於是全藏實權乃全歸於桑結之手康熙二  
 十一年達賴五世卒桑結祕不發喪矯達賴命為已乞封爵帝即詔封桑  
 結為圖伯特國王欲因以羈縻之而桑結益驕恣謂中國可欺陰嗾噶爾  
 丹入寇凡噶爾丹前後蹂躪喀爾喀諸部及入塞內犯擾攘數十年推原  
 禍始皆桑結一人階之厲也桑結既歿使噶爾丹入犯中國康熙三十  
 六年聖祖三次親征噶爾丹訊所獲降人始得桑結詐欺奸狀大怒賜書  
 切責桑結詭詞乞憐會噶爾丹自殺桑結失奧援因立新達賴事遂為拉  
 藏汗所殺拉藏汗者固始汗之孫鄂齊爾汗之子也先是康熙九年鄂  
 齊爾汗卒弟達賈巴圖爾繼之三十六年巴圖爾卒拉藏汗嗣位拉藏汗  
 材武有幹略既嗣位復干涉藏事以議立新達賴故與桑結交惡桑結謀  
 毒殺之不成欲更以兵逐之四十四年拉藏汗遂集眾共討桑結擒斬之  
 並執桑結所立假達賴獻京師而別立伊西堅錯為達賴六世朝廷納焉  
 詔封拉藏為翊法恭順王然青海諸蒙古皆以伊西堅錯為偽又別立噶  
 爾藏堅錯為真達賴六世諸部紛爭鬭鬪不已帝方設計調停而準酋策

策妄乘機謀藏

徒步繞戈壁入藏

詔明年停止西年藏進兵

妄阿拉布坦遂乘之而起策妄阿拉布坦既自立為準噶爾汗雄據阿爾泰山之西又屢略蔥嶺以西地勢力寢強因諸部之爭遂欲乘機謀藏初策妄取拉藏汗之姊而贅其子丹衷於伊犁不令歸帝以厄魯特狙詐勅拉藏毋恃親疏防拉藏耄而嗜酒不以為意拉藏所居之布達拉其西北有騰極里海西接後藏周數千里其北岸大山橫亘為準部入藏必由之路有鐵索橋天險萬眾趨趨更無旁徑拉藏亦不之守也康熙五十五年策妄果遣台吉大策零敦多布領精兵六千徒步繞戈壁逾和闐今新疆屬縣南大雪山涉險冒瘴晝伏夜行次年達藏界以送丹衷夫婦歸藏為名由騰格里突入敗唐古忒兵遂困布達拉誘其眾同應開門執殺拉藏汗虜其妻子搜各廟重器送伊犁禁新達賴於扎克布里廟於是準部擾藏之禍成矣

綱夏四月帝奉皇太后巡幸塞外九月還京師

綱冬十一月詔明年暫停進兵 時準酋策妄擾邊塞詔諸臣議明歲

進兵議久不決帝因詔諸將曰朕綜理軍務年久經歷甚多且曾親統大軍安定邊塞眾議欲於明歲進兵又慮路遠糧米難運其見不可謂非但

陳昂請  
天主教  
禁

孟光祖  
游行詐  
編

大兵進勦策妄拉布坦勢不能當必致逃避明年著暫停進兵加意耕種將糧餉馬匹豫備整齊後年再行進兵其盛京寧古塔兵丁照舊發往京城之兵著暫停止。

○丁酉五十六年夏四月廣東總兵陳昂請禁天主教從之。○兵部議覆廣東碣石總兵官陳昂奏天主教設自西洋今各省設堂招集匪類此輩居心叵測目下廣州城設立教堂內外布滿加以同類洋船叢集安知不交通生事乞飭早爲禁絕毋使滋蔓查康熙八年會議天主教一事奉旨天主教除南懷仁等照常自行外其直隸各省立堂入教者著嚴行曉諭禁止但年久法弛應令八旗直隸各省並奉天等處再行嚴禁從之。○四月奸人孟光祖伏誅。○先是直隸巡撫趙宏燮奏有假稱誠親王允祉遊行山西各省之惡棍等應查拏治罪並將經過各地方失察文武官員交部議處旋奉旨著選賢能司官分往山西陝西四川湖廣廣西等省會同巡撫嚴密查拿及是獲得奸人孟光祖在各省僞稱阿哥名義肆行詐騙審勘得實得旨孟光祖着凌遲處死其江南巡撫佟國勳四川巡撫年羹堯等不將孟光祖奏獲報聞及接受物件答拜餽送禮物佟國勳



着卽革職年羹堯從寬革職留任

○帝奉皇太后巡幸塞外冬十月還京師

○十一月擒獲白蓮教徒李興邦 ○河南巡撫張聖佐奏蘭陽縣奸民

李雪臣子李興邦在生員李山義家以白蓮教爲名聚徒惑衆今已拏獲

得旨交刑部尙書張廷樞嚴審定擬具奏

○十二月丙戌皇太后崩

○戊戌五十七年春正月殺翰林院檢討朱天保 ○初皇太子之再廢

也帝震怒極太子禍且不測諸臣惕息不敢出一言朱天保獨憂之天保

滿洲人父爾訥方任侍郎天保成進士官檢討年未逾弱冠慨然上疏曰

皇太子雖以疾廢然其過失由習於驕抗左右小人熒惑之故耳若遣名

臣碩儒如趙申喬輩輔導之左右佞幸之徒盡賜罷斥則潛德日彰猶可

復問安視膳之歡儲位至重豈可輕易恐有藩臣旁爲覬覦天家骨肉之

禍將有不可勝言者疏成欲上以父在徘徊未忍決爾訥察知之語天保

曰忠孝未可兩全汝舍孝而全忠吾復何憾因趣之入告天保意始決時

帝行幸湯山天保持疏出德勝門忽飛鴉數百棲止馬前若阻其行者同

擒獲白蓮教徒李邦興

殺翰林朱天保

舍孝全忠吾復何憾

草疏時  
已置此  
身度外

主使者  
孔孟二  
人

冊封琉  
球國王

詔編省  
方盛典

列以爲不祥勸勿上天保慨然曰吾草疏時早已置此身度外矣禽鳥飛鳴何預人事哉卒上之帝得疏欲歛久之會近臣阿靈阿者素黨允禩因媒孽其間曰朱天保此疏爲異日寵榮地耳帝乃大怒執天保親訊之曰汝年少未辦此是必有主使者亟言之天保頓首曰臣讀孔孟書主使者孔孟二人而已帝愈怒謂天保以滿臣甘蹈漢人惡習且離間骨肉竟斬之爾訥亦褫職荷校以死而皇太子竟獲保全天保時年才十有九

夏六月冊封琉球國王尙敬爲中山王 琉球在臺灣南東南之島國也舊分山北山南中山三部明太祖時其國王尙氏受冊封爲中山王世奉中國正朔及清人入關朝貢受封一如明制康熙以來尤稱恭順每易一王必表貢乞冊封至是以其國王尙益卒朝命翰林院檢討海寶編修徐葆光賈冊由寧波航海往琉球諭祭其故中山王尙貞尙益並冊封其世貞孫尙敬爲中山王

秋七月詔編省方盛典 左都御史蔡升元奏請編纂省方盛典禮部議奏皇上親閱河隄指示方略准黃底定漕運無虞商民永賴至於翠華時巡察吏治訪民俗諮問必周芻蕘必納聖德神功洵可爲萬世法恭

哈喇馬蘇河之戰

額倫特戰死

命皇十四子允禩視師青海

請編纂省方盛典一書以光郅治應如所請設局纂修從之

○九月西安將軍額倫特與準酋策妄阿拉布坦戰於哈喇馬蘇河

江即怒

流敗績死之

○初策妄阿拉布坦遣兵擾藏藏人乞援五十五年閏三

月帝命湖廣總督額倫特署西安將軍事務協同川陝兵往援冬十月額

倫特駐兵西寧協守噶順口五十六年春策妄擾藏益甚帝怒命分兩路

出師二月以富寧安為靖逆將軍率兵由巴爾庫爾一路進發三月以傅

爾丹為振武將軍祁里德為協理將軍率兵由阿爾泰一路進發兩路並

進更命額倫特自西寧出師額倫特奉命即與侍衛色稜督滿漢兵先後

自西寧出青海赴西藏之援兩軍以次渡木魯烏蘇河

金沙江上游

敵佯敗屢

却而精兵伏哈喇烏蘇河以待額倫特等轉戰抵河北敵脅從番衆數萬

以其半據河拒清軍之前而分兵潛出其後截斷餉道相持月餘額倫特

糧盡困率兵進擊殺敵無算而矢又竭額倫特持刀奮突遂歿於陣全軍

盡殲敵勢益熾

○冬十月以皇十四子固山貝子允禩為撫遠大將軍視師青海

○準

酋策妄既敗中國援藏之軍於喀喇烏蘇河朝廷震怒畏事大臣咸以藏

決意進  
兵征藏

命年羹  
堯率兵  
援藏

以年羹  
堯爲四  
川總督

地遠遠途險且惡多主張固守邊圉暫緩出師帝不從謂西藏爲青海雲南四川之屏蔽準部雄視西北世爲邊患若更兼有藏地利用其種人則西陲將無寧歲因決意進兵遂命皇十四子允禩爲撫遠大將軍尅日出兵視師青海議政大臣奏請出兵日期帝卽命護軍統領吳世巴委署護軍統領噶爾弼帶領第一起兵於十一月十五日起程駐紮莊浪副都統宗室赫石亨寶色帶領第二起兵於十一月二十九日起程駐紮甘州撫遠大將軍允禩帶領第三起兵於十二月十二日起程駐紮西寧會師並進

綱以年羹堯爲四川總督率兵援藏 圖自策妄擾藏四川提督康泰引

兵出關偵禦未幾兵噪而回四川巡撫年羹堯使參將楊盡信代撫其衆

而密奏康泰失兵心難統領請親赴松潘今四川屬縣辦理軍務帝嘉其實心任

事因授爲四川總督諭議政大臣等曰四川巡撫年羹堯自軍興以來辦

事明敏又能度量西去進剿之兵會同青海公丹仲之人運食物米糧接

濟殊屬可嘉從前四川地方亦曾設總督年羹堯係巡撫止理民事無督

兵責任見今軍機緊要將年羹堯授爲四川總督其原有之陝西四川總

督鄂海改任爲陝西總督詔旨旣下。羹堯遂與撫遠大將軍允禴總督西征之師遣兵援藏。

陳瓚居官清介

十一月福建巡撫陳瓚卒。瓚居官清介衣布素起居止一廳事味爽治事夜分始罷自奉惟草具蔬糲屬纊時一綈袍覆以布衾而已同僚入視者莫不感泣事聞追授禮部尙書予諡清端。

己亥五十八年春正月帝幸湯泉庚子還京駐暢春園。

冊封安南國王

二月安南國王黎維正卒封嗣子黎維禔爲安南國王。安南國王

黎維正卒帝命內閣中書鄧廷喆翰林院編修成文往致祭並封嗣子黎維禔爲安南國王。

舅勇修國維卒

領侍衛內大臣公舅勇修國維卒。國維修國賴次子兄國綱烏闌

布通之戰殉難國維爲孝懿仁皇后之父封一等公皇太子胤礽之廢國維欲立胤禩爲皇太子帝切責之國維伏地請死帝宥之至是卒雍正元年予諡端純。

三月封青海貝勒察汗丹津爲多羅郡王。

夏四月帝巡幸塞外冬十月還京師。

詔停止慶賀典禮

加封新達賴喇嘛第六世

蒙古遣兵護送達賴入藏

綱十二月命截留湖廣漕糧十萬石分貯所在府州縣備荒

綱庚子五十九年春正月詔停止慶賀典禮 旨時諸王大臣等奏皇上

御極六十年請行慶賀典禮帝諭之曰見在西陲用兵軍民勞苦又值海洋颶風飄泊官兵船隻山左東三府水發被淹黎民饑饉淮黃大水僅能搶護人心風俗未盡醇官箴政事未盡理此正君臣孜孜求治之時慶賀之事著停止

綱二月加封新達賴噶爾藏堅錯爲宏法覺衆第六世達賴喇嘛派滿漢官兵及蒙古青海兵護送入藏 旨先是準酋策妄命其將大策零敦多

布統兵入藏禁錮藏中所立之達賴時逾五載藏中諸圖伯特族亦漸厭亂願認青海噶爾藏堅錯爲真藏中舊立者爲贗合詞請於朝乞擁置禪榻詔許之因加封噶爾藏堅錯爲宏法覺衆第六世達賴喇嘛給與冊印

派兵送之入藏藏人亦遣兵迎之於是蒙古汗王貝勒台吉亦各自率所部兵或數千或數百於康熙五十九年春隨清兵扈從達賴入藏時清兵分三路入藏一以西寧軍出青海都統延信統之一以四川軍出打箭鑪

統領噶弼統之更命將軍傅爾丹出巴里坤牽制其北三路並進加都統

清兵三路入藏

延信岳鍾琪分兵進藏

諸番驚爲神兵

延信爲平逆將軍統率蒙古青海兵擁護喇嘛由青海入藏而別命撫遠大將軍允禩率前鋒統領弘曙移駐穆魯斯烏蘇管理進藏軍務糧餉諸路並發軍容甚盛藏人聞之大懼

○秋八月平逆將軍延信四川提督岳鍾琪分兵進藏大破準噶爾兵策零北遁西藏悉平

○方藏人之謀迎新喇嘛也大策零多敦布聞清兵

分三路入藏卽自引準部兵由中路迎拒青海軍而分遣其宰桑以兵三

千六百人拒南路四川軍四川軍統領噶弼奉年羹堯令由巴塘裏塘進

兵副將岳鍾琪領兵四千先至察木多獲逃酋探知有準噶爾使者在其

地誘各番酋守三巴橋遏我軍鍾琪念此橋進藏第一險也敵若斷而守

之勢難飛越而其時大將軍隔數千里無由秉令因選能番語者三十人

衣番服馳禽其使者五人殺六人諸番驚以爲神兵自天而降相與匍匐

降無梗道者已而統領噶弼至敵中有黑喇嘛者號萬人敵鍾琪以計手

禽之遂下喇哩將鼓行入藏大將軍以蒙古兵未至令毋輕進鍾琪請於

噶弼曰我兵齎兩月糧自察爾多來此已四十餘日若再待大軍糧且盡

聞西藏部落有公布爲其右臂最强能檄令先驅爲以番攻番之策取之

岳鍾琪  
請乘機  
疾進

御製平  
藏碑  
西藏悉  
平

甚易無俟蒙古兵也。噶弼然之鍾琪即往招撫公布未浹旬其頭目以兵二千至。鍾琪請乘機疾進十日可抵西藏。噶弼猶豫未決欲待衆議。鍾琪昌言曰事在必行何議為。鍾琪願噴此一腔血仰報朝廷請以旦日行矣。噶弼壯其言遂進師。鍾琪首率所部兵為前驅集皮船渡河直趨西藏降番兵七千人分兵塞險扼敵餉道而中路青海軍亦三敗策零兵於青海之西斬俘千計。準噶爾兵進退受敵遂大潰散不敢歸藏即由舊路棄藏北歸崎嶇凍餒得還伊犁者不及一半。清軍遂乘勝入藏擁新達賴喇嘛於九月登座使掌藏地而以藏人所立之偽達賴歸京師。諸喇嘛之助逆者則皆誅之。割巴塘以東隸四川留蒙古兵二千戍藏詔封拉藏汗舊臣康濟鼐為貝子掌前藏頗羅鼐為台吉掌後藏御製平藏碑勒石於拉薩之大招寺。西藏悉平自達賴五世卒後桑結擅權以偽亂真諸部鬩鬪準部乘之西陲俶擾三十餘年至是始獲平定。

**附記**

西藏雖為釋教主國然非古佛國也佛法出五印度更在西藏之西。迦慈嶺越廓爾喀方至其地。西藏則在慈嶺以東故唐以前羅什元奘之譯經皆從涼州西出陽

關玉門至南天竺途摩諸高僧又皆自南海皆不經藏地。西藏佛教之盛蓋自元明始其  
所崇拜之紅黃兩教與古佛法尤不相同。然慈嶺以東除天山南路回部諸城郭自為宗教  
外其厄魯特青海喀爾喀諸蒙古及滇黔邊諸土司皆皈奉黃教使無世世轉生之神僧以  
鎮撫僑俗則數百萬衆必互相雄長。狼子野心且驟決而不可制。遂地好殺惟佛說戒殺能



降伏其心。此固非堯舜周孔之教所能馴擾而懷柔也。歟。知此義者可。以知康雍諸帝尊崇黃教。固。有非如元明兩朝之佞佛而求福者比矣。

遣官祭告天地

○辛丑六十年春二月遣官祭告天地太廟社稷

大慶特遣官祭天地太廟社稷以答神庥

山東王美公之亂

○山東王美公作亂

美公山東鹽徒也聚眾為亂自稱大將軍為山東官兵所擒獲詔都統托賴侍郎張廷玉學士登德往訊誅其魁七人餘

戍科布多烏蘭古木

○三月詔平逆將軍延信都統武格副都統吳納哈帥師駐西藏

○夏五月詔大將軍允禩駐兵甘州

議政大臣等議奏大將軍允禩奏紮巴爾庫爾之兵征取吐魯番其屬策妄阿喇布坦之人必然震恐逐

漸投順來歸但甘州肅州等處之滿洲綠旗兵見俱撥往巴爾庫爾應將

臣處所有之兵帶進甘州肅州駐紮為其聲援查肅州地方褊小甘州稍

覺廣闊應令大將軍允禩帶領見在西寧所有之兵前赴甘州駐紮辦理

調遣之事至西寧地方緊要應派大臣一員駐紮管理得旨依議

○六月臺灣民朱一貴作亂水師提督施世驃總兵藍廷珍討平之

初臺灣府知府王珍稅斂苛虐捕私伐山木之民二百人妄刑之鳳山民

詔允禩駐兵甘州

臺灣朱一貴之亂

印景龍  
戰死

全臺俱  
陷中興王

樹大清  
良民旗

黃殿等因民不忍遂謀亂以一貴朱姓可託明裔奉爲主率衆數百夜劫  
岡山塘汎又劫棟椰林汎戕把總掠軍械總兵歐陽凱遷延出兵則敵兵  
已熾游擊周應龍遁歸參將印景龍戰死府城大震游擊劉得紫方破賊  
而把總楊泰通賊爲內應殺總兵歐陽凱官兵大潰劉得紫還救馬踣被  
執副將許雲水師游擊游崇功血戰至日中矢砲俱盡各殺數十人而死  
府城遂陷台廈道梁文煊知府王珍等俱渡海而遁而北路民賴池張岳  
等同日陷諸羅殺參將羅萬倉凡七日而全臺陷一貴自稱中興王年號  
永和封其衆公侯太師將軍總兵以千計民爲之謠曰頭冠明朝冠身  
衣清朝衣五月稱永和六月還康熙時總督覺羅滿保疾馳至廈門提督  
施世驃已先二日率師出港滿保復調總兵藍廷珍會世驃於澎湖共兵  
萬二千舟六百艘守備林亮千總董方先以六舟冒死直進攻其礮臺守  
台者死無算遂揚帆渡鯤身鯤身海沙也膠淺不能行大舟是日海潮驟  
漲四百餘艘齊薄岸敵黨方自相攻擊不及列隊迎拒遂遁保安平鎮旋  
爲廷珍攻破乃退保府城不敢出世驃下令禁殺掠降者皆樹大清良民  
幟於門於是遠近脅從大半解散廷珍別率舟師設伏西港敵與林亮等

臺灣平

賜千叟  
宴

帝崩

政術最  
著者二

提倡文  
學之功  
尤大

方慶戰突遇伏乃大潰世驃亦分敗西南兩路之敵同日抵府城一貴走  
灣裏溪爲村民擒獻檻送京師磔于市其敗逃之周應龍及棄臺逃回各  
官訊治伏法

綱壬寅六十一年春正月賜千叟宴 旨召旗滿洲漢軍文武大臣官員  
及致仕退斥人員年六十五以上者三百四十人宴於乾清宮前名曰千  
叟宴

綱冬十一月戊子帝不豫甲午帝崩 旨帝疾大漸命召皇四子允禩既  
至告以病勢日臻之故未幾崩於寢宮在位六十一年壽六十有九諡曰  
仁皇帝廟號聖祖聖祖在位六十一年內則鞏固國基外則恢張國勢清  
代二百六十年之基業實帝一人奠之其政術之最著者有二一曰寬容  
以安漢人之心如歷次蠲免天下錢糧滋生人丁永不加賦尊孔重儒開  
鴻博之科以登用漢人使漢人得遵行其各種舊風俗而不加干涉之類  
是也一曰嚴厲以戢漢人之氣如莊廷鑑著明史而追戮其尸戴名世著  
南山集而舉族棄市之類是也此外提倡文學之功尤爲宏大除開館纂  
修明史外又勅令儒臣編撰羣書如易折中詩書春秋傳說三禮義疏性

好學出於天性

理精義朱子全書通鑑輯覽圖書集成以及古文淵鑑佩文韻府淵鑑類函駢字類編康熙字典子史精華數理精蘊歷象考成等都數十種甚至書畫律呂五行家言占候雜說苟其旨不悖於大道者莫不授意儒臣輯為定本於乎盛哉蓋帝之好學出於天性年十七八時讀書咯血不肯稍休至老耄而手不釋卷臨摹法帖多至萬餘寫寺廟扁榜多至千餘上自天象地輿曆算音樂法律戰術下至騎射醫藥蒙古西域拉丁文字無所不習且無不創立新法別啓津途其所譯著之算學借根方及皇輿全覽圖譯審精密遠過前代尤足為科學思想漸次發達之一證詩曰倬彼雲漢為章於天周王壽考遐不作人其帝之謂乎

**附註**

康熙帝在位六十一年其政治之精神首在務精勤成荒怠尚實際屏虛文一切起居飲食皆有常度未嘗少改雖燕居醜處未嘗免冠北征渡漠南巡治河雖卒役不能踰其勞祈雨禱病步行天壇並歷饗饗不御年踰六十猶帶病而力行之嘗自言昔人謂帝王當舉大綱不必兼綜細務予謂不然一事不謹則貽四海之憂一時不謹則貽百世

之患不矜細行終累大德故予每遇一事必加詳慎不肯稍忽即羣臣之奏內有一字之謬亦必為之改正發出云云噫精勤渾勵必敬必恭如康熙帝者於君主為人民公僕之義庶幾得之

**皇四子允禩即位以明年為雍正元年** **皇四子生於康熙十七年**

至是春秋四十有五矣帝天表奇偉隆準頎身目光炯然音吐洪亮幼耽

皇四子允禩即位

書史博覽弗倦。精究性道之原。旁澈禪宗之奧。每籌度事理。評騭人才。因端竟委。燭照如神。韜略機宜。皆所洞悉。猶逮事曾祖母。孝莊文皇后。祖母孝惠章皇后。備膺慈眷。侍奉聖祖仁皇帝。孝恭仁皇后。盡禮盡敬。尤能仰恆歡心。聖祖常稱其純孝。居藩邸數十年。無私交。無黨援。無干警。秉道守義。巖然自重。嘗隨聖祖親征。統率將士。軍紀肅然。初錫封多羅貝勒。繼晉封和碩雍親王。每直車駕巡方。輒命扈行。軍國大計。每多諮決。初皇太子允禛之再廢也。儲位久虛。諸王逐鹿。朝臣各有所黨。聖祖惡之。嘗語諸大臣曰。朕萬年後。必擇一剛堅不可奪志之人。爲爾曹共主。其意蓋隱指皇四子。然聖衷默定。不遽發表。恐諸王猜忌。潛加謀害也。及疾大漸。召諸王大臣。至御榻前。宣手詔曰。皇四子人品貴重。深肖朕躬。必能克承大統。著繼朕卽皇帝位。帝聞召馳至。俄頃聖祖上賓。帝慟哭仆地。良久。乃遵遺詔。卽位於梓宮前。改明年爲雍正元年。

**綱**命貝勒允禩。十三阿哥允祥。大學士馬齊。尙書隆科多。總理事務。

**綱**召大將軍十四阿哥允禵。及前鋒統領弘曙來京。以平逆將軍延信赴甘州。管理大將軍印務。**綱**諭總理王大臣等。西路軍務大將軍。職任重。

必擇一剛堅不可奪志之人爲爾曹共主

召十四阿哥允禵來京

命延信  
管理大  
將軍印  
務

封諸阿  
哥爲王

大十四阿哥勢難暫離但遇皇考大事伊若不來恐於心不安著速行文  
大將軍令與弘曙二人馳驛來京軍前事務甚屬緊要著平逆將軍延信  
馳驛速赴甘州管理大將軍印務並行文總督年羹堯於西路軍務糧餉  
及地方諸事俱同延信管理年羹堯或駐肅州或至甘州辦理軍務或至  
西安辦理總督事務令其酌量奏聞

○封貝勒允禩爲和碩廉親王十三阿哥允祥爲和碩怡親王貝子允禔  
爲多羅履郡親王二阿哥子弘哲爲多羅理郡王

○十二月以富寧安爲武英殿大學士兼吏部尚書白潢爲文華殿大學  
士兼兵部尚書

清鑑綱目卷五終

鹽城印鸞章編輯 金式陶 張延壽 趙雪 胡應庚 校訂

世宗憲皇帝 名允禩 聖祖第四子也 母孝恭仁皇后 初封雍親王 即位後建元雍正 止在位十有三年 壽五十有八歲

東華錄曰 仁皇后嘗夢月入懷 華彩四照 已而誕上 時康熙十七年戊午十月三十日也 上天表奇偉 隆準頤身 雙耳望垂 目光炯照 音吐洪亮 舉止端凝 大智夙成 宏才肆應 允

恭克讓 寬裕有容 幼耽書史 博覽弗倦 精究理學之源 旁徵性宗之旨 天章潛發 立說萬言 書法邁雄 兼妙眾體 每籌度事 理詳騰人才 因端竟委 燭照如神 翰略機宜 皆所洞悉

而性尤純孝 婉愉愛慕 悉本乎至誠 逮專孝莊文皇后 孝惠章皇后 備俯燕眷 侍奉皇祖 仁皇帝 孝恭仁皇后 盡禮盡敬 仰慙歡心 倘遇聖祖 違和必躬 親湯藥 問視惟虔 晝夜無

少懈 聖祖嘗稱爲誠孝 焉 平日無私交 無黨援 無干譽 秉道守義 疑然自重 嘗奉命隨征 統率將士 軍容肅然 初封多羅貝勒 晉封和碩雍親王 每值鑾駕 巡方 翠華駐蹕 輒命扈

行 軍國大計 亦多諧決 禮祀鉅典 恆令恭代 聖祖嘗諭諸大臣曰 朕萬年後 必擇一堅固 可託之人 與爾等作主 爾等永享太平 蓋天心默定 神器攸歸 久矣 康熙六十一年壬寅

十一月甲午 聖祖仁皇帝 賓天上 遂卽帝位

訓飭百官

癸卯雍正元年春正月詔訓百官 連頒諭旨十一道 訓飭督撫提

鎮以下文武各官 上自督撫 下至州縣小吏 皆發數千言諭旨 大要以行

政之緊縮與整頓爲歸 一洗康熙末年寬大縱容之弊

大學士王揆乞致仕許之 時揆年七十餘矣 初皇太子允禩再廢

儲位久虛 諸生謀奪嗣位 黨爭甚烈 聖祖怒甚 窮究主謀者 竟置太傅馬

齊於法 拘拿革職 因語諸臣曰 朕必立一剛堅不可奪志之人 爲爾曹共

王揆乞致仕



主蓋隱指帝時諸臣莫有知者惟揆微窺其意自以受恩深重當言天下第一事因上疏請立皇四子爲儲貳娓娓數千言疏上留中會言官有合詞言立儲事者聖祖疑爲揆所授意大怒發揆前疏召諸王大臣會議而責揆以植黨希恩舉朝震怖以爲禍且不測而揆陽陽如平時徐就階石上裂生紙以唾濡墨覆奏語懇懇無所撓聖祖意解謫揆戍邊以年老命子奕清代往及聖祖崩帝奉詔卽位召揆復故官慰諭久之揆謝曰天生聖人爲社稷福老臣何敢居功也至是以年老乞致仕帝優詔許之

二月以張鵬翮爲文華殿大學士兼吏部尙書

河道總督陳鵬年卒 鵬年治武陟河決口日夜立風雪中得疾而

卒喪歸繞棺哭者數萬人鵬年湖南湘潭人康熙進士初任江寧知府廉幹得民心人稱之曰陳青天旋爲總督阿山誣劾下獄江寧人痛哭罷市學使者按試句容八邑生童皆火其卷去事白起爲蘇州知府累擢至河道總督常以澤不被民爲恥既卒河南江寧西安皆建祠祀之

定起科之制 諭戶部國家承平日久生齒殷繁土地所出僅可贍給倘遇荒歉民食維難將來戶口日增何以爲業惟開懇一事於百姓最

定直省  
督撫兼  
銜例

御乾清  
宮聽政

有裨益但向來開墾之弊自州縣以至督撫俱需索陋規致懇荒之費浮於買價百姓畏縮不前往往膏腴荒棄豈不可惜嗣後各省凡有可懇之處聽民相度地宜自墾自報地方官不得勒索胥吏不得阻撓至升科之例水田仍以六年起科旱田以十年起科著爲定例

○三月撤西藏駐防官軍及西寧八旗兵設戍於察木多

○封川陝總督年羹堯爲三等公 ○賞其平定西藏之功也

○定直省督撫兼銜例 ○吏部遵旨議覆直省督撫兼銜查川陝總督統理西安甘肅四川三處事務控制番羌兩江總督統理江蘇安徽江西三處事務地連江海俱應授爲兵部尙書兼都察院右都御史其餘總督及各省巡撫仍照舊例由各部侍郎及別項官員補授總督者俱改爲兵部右侍郎兼都察院右副都御史由侍郎補授巡撫者亦改爲兵部右侍郎兼都察院右副都御史由學士副都御史及卿員布政使補授巡撫者俱授爲右副都御史由左僉都御史補授巡撫者改爲右僉都御史永爲定例從之

○夏四月復日講起居注官丁卯帝初御乾清宮聽政

綱秋七月以隆科多王頊齡字頊士華亭人為明史監修官徐元夢張廷玉朱軾覺羅逢泰為總裁官 目詔修明史故也

綱八月密封建儲錦匣於乾清宮正大光明扁額後 目帝召總理事務

王大臣滿漢文武大臣九卿入面諭曰聖祖為宗社臣民計慎選於諸子之中命朕繼承統緒於去年十一月十三日倉卒之間一言而定大計薄海內外莫不傾心聖祖之精神力量自能主持若朕則豈能及此也朕諸子尚幼建儲一事必須祥慎此時安可舉行然不得不預為之計今特將此事親寫密封藏於匣內置之乾清宮正中正大光明扁額之後此乃宮中最高之處以備不虞諸王大臣咸宜知之旋命諸臣退仍留總理事務大臣將密封錦匣收藏於乾清宮正大光明扁額後乃出

綱九月詔京尹行卿飲酒禮

綱青海酋羅卜藏丹津寇西寧筆貼式多爾濟死之冬十月命川陝總督年羹堯為撫遠大將軍卒兵進討四川提督岳鍾琪為奮威將軍參贊軍

務 目青海者漢之西海郡也在甘肅西寧縣西三百里其水周七百餘里羣山繞之瀦而不流中有二島不通舟楫唯冰合可渡古所謂弱水是

也環海而居者皆蕃族唐末併入吐蕃於是始崇佛教迨至明清一併於蒙古之俺答再併於蒙古之厄魯特於是始爲青海蒙古康熙末年旣平西藏未幾復有青海羅卜藏丹津之亂羅卜藏丹津者厄魯特和碩特部固始汗之孫也初固始汗以明末襲有青海地太宗崇德時嘗遣使入貢世祖時錫封爲汗賜甲冑弓矢俾轄諸厄魯特順治十三年固始汗卒其裔分爲兩支一駐西藏一分牧青海及河套迨噶爾丹興河套青海皆爲所殘破其內徙者或遊牧賀蘭山是爲阿拉善蒙古之祖康熙三十七年噶爾丹敗死固始汗子達什巴圖爾率其族屬來朝詔封達什爲和碩親王餘授貝勒貝子公爵等有差是爲青海爲中國外藩之始西藏之役青海兵與焉及西藏平達什適卒其子嗣襲王位卽羅卜藏丹津也羅卜藏丹津雄武有膽略自以青海及西藏舊皆和碩特領土而已又爲固始汗嫡孫當恢復先人霸業雄長諸部會聖祖崩世宗新立丹津思乘機脫離中國羈絆雍正元年丹津遂陰誘諸部喇嘛盟於察罕托羅海令各仍故號不得復稱王貝勒而自號達賴渾台吉以統之並約準部會策妄阿拉布坦爲後援於是青海與準噶爾之合縱勢成而遠近遊牧喇嘛二十餘

年羹堯  
征青海

命地方  
官照看  
西人

刊刻聖  
諭廣訓

萬亦同時騷動入寇西寧筆貼式多爾濟被虜劫去不屈身死帝聞警即以四川總督年羹堯為撫遠大將軍駐節西寧而以提督岳鍾琪為參贊率兵進討羹堯分兵三路一軍北進扼布隆吉河防其內犯一軍南行守巴塘裏塘等地斷其入藏之路更以一軍直趨西北屯吐魯蕃一帶絕其與準噶爾之交通羅卜藏丹津聞之奪氣帝乃益趣年羹堯進兵

十二月革十二阿哥允禩爵 允禩以不敬謹辦事革去郡王仍在

原固山貝子上行走

命地方官沿途照看西人 禮部奏浙閩總督覺羅滿保奏西洋

人在各省起蓋天主堂潛住行教人心漸被煽惑請將各省西洋人除送

京效力外餘俱安插澳門應如所請天主堂改為公所誤入其教者嚴行

禁飭帝以西洋人在各省居住年久今該督奏請搬移恐地方之人妄行

擾累命行文各省督撫伊等搬移時或給與半年數月之限其來京與安

插澳門者委官沿途照看毋使勞苦

甲辰二年春二月刊刻聖諭廣訓頒布天下 帝以聖祖御製聖諭

十六條頒行日久慮民間或怠乃復尋繹其義推衍其文共得萬言名曰

年羹堯  
岳鍾琪  
平青海

羅會衣  
番婦衣  
宵遁

聖諭廣訓並製序文刊刻成編頒行天下

綱三月年羹堯岳鍾琪襲擊青海平之。目帝之趣年羹堯等進擊也期

以夏四月草木發生時進兵岳鍾琪上疏以爲青海寥闊番衆若散以待我我軍深入四面受敵此危道也不如乘春草未生以精兵五千馬倍之兼程前進擣其不備可以必克帝壯之詔專任岳鍾琪出兵二月鍾琪兵出塞破賊於哈達河斬千餘人追奔一晝夜路見獸走曰此前必有虜也銜枚疾進果獲百餘人盡殲其哨探之卒由是我師所至衆莫能測鍾琪率所部蓐食銜枚連宵進行距羅卜藏丹津所居僅百有六十里乃拔隊疾馳直抵羅會帳羅尙高臥未起馬皆不設銜勒衆不意我師之猝至倉皇不知所爲遂大潰羅會衣番婦衣騎白駝遁走我兵窮追日行三百里數日至桑絡海紅柳蔽天彌望不可極乃收軍而返桑絡海者青海西藏接界處當河源之西七百餘里蓋我軍慮賊南入衛藏渡河西南追而敵已潛度噶爾遜河橫越戈壁北奔準噶爾矣故追之不能及也是役也俘羅會母阿爾太克敦及其弟妹及逆黨台吉數十人斬八萬餘級降男女數萬駝馬牛羊器械甲帳無算自出師至克敵巢凡十五日往返未兩月

詔封年羹堯

年羹堯岳鍾琪討平莊浪番

革允職爵

而獻俘京師。自來用兵成功之捷，未有如此役者。帝命恭告景陵，勒碑太學，以紀其功。已而詔除羌渾土司奴隸之苦，使與諸蒙古部分班入貢。置西寧辦事大臣，以統轄之。青海悉平。

綱 詔封年羹堯為一等公，賞一精奇尼哈番。進岳鍾琪為三等公。酬平青海功也。旋封羹堯之父年遐齡為一等公，加太傅銜，賜緞九十匹。

綱 夏四月，詔續纂大清會典。

綱 五月，莊浪番人作亂。年羹堯岳鍾琪討平之。時莊浪謝爾蘇部落番人首倡為亂，擅據桌子山、碁子山。又涼州南崇寺之沙馬拉木札木巴

等與蒙古通連，搶掠新城、張義等堡。又郭隆寺、郭莽寺逃出之喇嘛煽惑西寧之納朱公寺朝天堂，加爾多寺番人與莊浪番人勾通，並不歸順。大將軍年羹堯調遣奮威將軍岳鍾琪等統率官兵進剿於山險林密之地，奮戰五十餘日，盡行勦滅。事聞，帝大悅，加大將軍年羹堯一等阿思哈尼哈番世職。

綱 革郡王十阿哥允祿爵，永遠拘禁。謂其奉使口外，不肯前往也。

綱 西藏噶布倫作亂，殺貝子康濟鼐。後藏台吉頗羅鼐討平之。自康

西藏噶  
布倫之  
亂

塞德請  
立井田

熙末年平定西藏後藏中噶布倫等三人忌貝子康濟鼐專權至是聚兵  
爲亂戕殺康濟鼐欲投準噶爾詔將軍查郎阿率川陝滇兵萬五千有奇  
進討未至而台吉頗羅鼐率後藏及阿里在今後兵九千截敵去路擒首  
逆誅之詔以頗羅鼐爲貝子總藏事賜犒兵銀三萬兩留大臣正副二人  
領川陝兵二千分駐前後藏鎮撫之是爲中國大臣駐藏之始自是西藏  
遂完全爲中國領土

○六月戶部侍郎塞德奏請設立井田從之  
○戶部議覆戶部侍郎塞  
德奏請設立井田查內務府餘地一千六百餘頃入官地二千六百餘頃  
應於此內擇二百餘頃爲井田將八旗無產業人自十六歲以上六十歲  
以下者派往耕種滿洲五十戶蒙古十戶漢軍四十戶共一百戶各受田  
百畝周圍八分爲私田中間百畝爲公田共力同種俟三年後所種公田  
之穀再行徵取於革職大員內揀選二人勸教管理三年分別議敘每年  
十月後農事既畢校園學射並令戶部派員往視設立村莊蓋造土房四  
百間計口分給其耕種之人每人給銀五十兩以爲置辦種粒牛具農器  
之用其井田地畝儻有旗民交錯之地請將附近良田照數給換從之



升從祀  
孔廟三  
十一人

故太子  
允初卒

封朝鮮  
國王

綱秋七月命郡王十四阿哥允禵往守京陵。○允禵自西軍詔歸後觀  
帝時不肯跪拜服臣子禮帝不悅至是命往守景陵

綱八月升從祀孔廟三十一人。○禮部等衙門遵旨議從祀孔廟宜復  
祀者六人林放蘧瑗秦冉顏何鄭康成范寧宜增祀者二十人縣亶牧皮  
樂正子公都子萬章公孫丑諸葛亮尹焯魏了翁黃幹陳淳何基王柏趙  
復金履祥許謙陳澧羅欽順蔡清陸隴其入崇聖祀者一人張迪宜增置  
博士者四人冉雍冉伯牛子張有若此三十一人或親承訓論遞衍源流  
或遠契心得倡明正學升諸從祀之列予以延世之賞得旨諸臣參考周  
詳評論公正甚合朕心著依議行

綱十一月詔禁出殯演戲。○下詔兵民人等出殯時不得前列諸戲又  
嚴禁出殯前一日聚集親友設筵演戲

綱十二月故太子允初卒。○追封爲和碩理親王諡曰密

綱封朝鮮國王世弟李昉爲朝鮮國王。○朝鮮國王李昉卒詔遣散秩

大臣覺羅舒魯翰林學士阿克敦前往致祭賜諡恪恭並冊封其世弟李  
昉爲朝鮮國王

詔免大將軍年羹堯職

龍之愈至疑之愈深

綱乙巳三年夏四月詔免撫遠大將軍年羹堯職補授浙江杭州將軍以提督岳鍾琪署理川陝總督印務 四年羹堯自總督四川後兵權隆重康熙五十八年皇十四子允禩爲撫遠大將軍視師青海倚畀羹堯甚至及聖祖崩帝卽位召允禩還京以宗室覺羅延信代領其衆飭羹堯於軍事糧餉及地方各事俱關白延信協同管理是時帝已有疑羹堯之心特以羹堯在西邊久老於兵事威望甚著未便移易未幾又以平西藏功封三等公授撫遠大將軍未幾又以平青海功進一等公加其父遐齡太傅銜凡所以尊寵之者靡所不至然寵之愈至而疑之亦愈深四川巡撫蔡珽威逼所屬知府蔣興仁自盡刑部擬斬而帝以案由羹堯參劾特旨免蔡珽死罪並擢爲左都御史帝之疑忌羹堯已可概見至是帝以西陲軍事將竣有謂羹堯與諸王朋比密謀廢立者帝大怒隨諭大學士等曰近來年羹堯妄舉胡行既妄參金南瑛等員騷擾南坪寨番民詞意支飾含糊具奏又將青海蒙古饑饉隱匿不報此等事件不可枚舉年羹堯從前不至於此或係自恃已功故爲怠玩或係誅戮過多致此昏憤如此之人安可仍居川陝總督之任朕觀年羹堯於兵丁尙能操練著調補浙江杭

岳鍾  
署理川  
陝總督

詔免太  
保隆科  
多職

抹去掌  
中十字

州將軍川陝總督印務以甘肅提督岳鍾琪署理其撫遠大將軍印命齎送來京六月又下諭曰年羹堯大罪顯露而伊子年富年興等尙無畏懼之形隨處爲伊父探聽音信且怨憤見於顏色年富年興俱著革職交與伊祖年退齡管束倘仍不悛改定行正法

綱秋七月詔除隆科多太保職銜

隆科多爲佟國維之子國維爲孝

懿仁皇后之父帝之元舅也相傳聖祖疾大漸時帝與諸皇子方在宮門問安隆科多獨受顧命於御榻前對於皇位問題聖祖親書皇十四子四字於其掌俄而聖祖崩隆科多趨出帝迎問遽抹去其掌中所書十字祇存四字帝遂得立既卽位禮遇隆科多極爲優異詔廷臣凡章奏皆書舅舅隆科多帝手詔亦稱爲舅舅而不名命與十三阿哥允祥總理政務又命承襲一等公爵尋賞給阿達哈哈番世職授吏部尙書加太保所以尊寵之者匪所不至未幾隆科多恃寵驕恣且與年羹堯比密謀廢立帝眷頓衰及是因年羹堯之獄隆科多議免革年羹堯公爵帝不悅都察院因參奏隆科多曲護徇庇又有謂其恃寵驕恣在吏部辦事專擅且與年羹堯比密謀廢立者帝大怒遂下詔削太保銜未幾詔奪世爵罰往阿爾泰

劃定邊界贖罪隆科多既處罰而諸王之獄起矣

**附註**

隆科多抹掌擁帝事雖係傳聞然非絕無根據考隆獄初起時諡旨有云皇考升遐之日大臣承旨者惟隆科多一人又云皇考升遐之日召朕諸兄弟及隆科多入見

以防不測云云則是讞案詔書前後自相矛盾當日曖昧情事極可想見世傳雍正初直省

鄉試考官有以論語或問締之說至指其掌全節命題者帝中以他罪誅之其說正與此相發明存疑可也

革允禩

八月革貝子九阿哥允禩爵

隆獄起後諸王獲罪者首為允禩議

政大臣謂其縱容屬下騷擾地方毆打人民遂降旨革爵

降允禩

冬十二月降郡王允禩爵為固山貝子

允禩為十四阿哥聰慧多

才略康熙末年以征西藏故授為撫遠大將軍柄用隆重異於諸阿哥帝即位之初即首召回京解其兵柄既至京以覲見時不肯跪拜故命往景陵至是議政大臣又奏允禩前為大將軍時任意妄為苦累兵丁侵擾地方軍需帑銀徇情糜費詔降爵為固山貝子

殺年羹堯及其子年富

殺前撫遠大將軍年羹堯及其子年富

初年羹堯之自西軍還京

也軍威甚盛黃纒紫駟絕馳而行帝郊迎之羹堯與帝並轡行百官皆伏地謁羹堯不為動帝大不懌因有誅之意既調補杭州將軍未幾復詔革杭州將軍任授為閒散章京在杭州效力行走至是議政大臣等奏年羹

九十二  
大罪

堯反逆不道。欺罔貪殘。罪迹昭彰。彈章交至。謹將其罪案列歎陳之。凡大逆之罪五。欺罔之罪九。僭越之罪十六。專擅之罪六。貪黷之罪十八。侵蝕之罪十五。殘忍之罪四。凡九十二大罪。請立正典刑。以彰國法。帝以羹堯有平青海功。令其自裁。父遐齡以老免死。子年富立斬。其餘十五歲以上之子。發往廣西雲南極邊烟瘴之地充軍。族中有候補文武官者俱革職。有匿養年羹堯子孫者。以黨附叛逆例治罪。

**附記**

年羹堯之死。或謂其當征西凱旋時。軍威甚盛。黃彌紫駟。絕馳而行。帝郊迎之。羹堯與帝並轡行。百官皆伏地謁。羹堯不為動。帝大不懌。因有誅之之意。又謂羹堯任川

陝總督時。以日月合璧。五星連珠。奏賀。帝以其奏本內字體潦草。且將朝乾夕惕。寫作夕惕。朝乾大怒。謂其恃功驕蹇。顯露不臣之迹。因有誅之之意。其實皆非也。雍正猶忌。根於天姓。其獲罪之由。全在用兵青海時。與皇十四子允禩。灌沈一氣。及允禩詔歸。允禩戍西寧。一孤甘肅西寧縣。又有與羹堯密謀廢立之謠傳。帝為摧殘諸王黨。忍計不得不殺羹堯。以孤其勢。此羹堯被殺之最大原因也。

**綱**殺浙人汪景祺

**目**景祺浙江人。豪邁有才氣。嘗作西征隨筆。於康熙

時政頗多不滿。為人首舉刑部衙門議奏妄作西征隨筆之汪景祺。應照大不敬律。擬斬立決。得旨。汪景祺作詩譏訕聖祖仁皇帝。大逆不道。應當處以極刑。著立斬梟示。其妻子發往黑龍江。給與窮披甲之人為奴。其期服之親兄弟親姪俱著革職發遣寧古塔。其五服以內之族人見任及候

允祥奏  
陳水利  
營田事

詔改允禔  
禔禔禔禔  
禔禔禔禔

選候補者俱查出一一革職交伊本籍地方官約束不許出境

○怡親王允祥疏舉直隸水利營田事詔從之  
○直隸地方高亢向來

旱勞無備皆因水利未興所致帝特命怡親王允祥及大學士朱軾前往

查勘未幾奏陳直隸水利營田事宜三款並繪圖進呈得旨着九卿速議

具奏至是戶部等衙門遵旨議准覆奏  
略謂據和碩怡親王等疏言直隸之衛河淀

海此直隸水道之大略也衛河與汶河合流東下德棣倉景以下春多淺阻一遇伏秋暴漲不免

淤溢請將滄州南之磚河青縣南之興濟河故道疏濬於舊時建開之處築減水壩以洩驚河之

出口修海縣權家口亦築減水壩白塘口入海之處並開直河一道使磚河與濟河之委同歸白塘

均應疏濬深廣並多開引河使諸淀脈絡相通其已淤為田畝者四面開渠中穿溝洫庶圩田旱

澇有備其趙北苑家二口為東西二淀咽喉北口隄長七里板石橋共八座俱應升高加闊苑

家口北之中亭河上流之玉帶河西經廣平正定而滹沱滄陽大陸之西二淀無衝決之患矣子牙河

為滹沱下流清濁二源發源山西經廣平正定而滹沱滄陽大陸之西二淀無衝決之患矣子牙河

月河皆分子牙之流同趨於淀宜開王慶沱之東北入淀兩河放之勢永定河俗名渾河水濁泥多

故道遂運應自柳又口引之稍北繞王慶沱之東北入淀兩河放之勢永定河俗名渾河水濁泥多

之歸宿應照舊道開通逐年疏濬兩河之文霸任邱新雄等處各設營田專官經畫疆理召募老農

修築再請於京東之灤薊天津京南之文霸任邱新雄等處各設營田專官經畫疆理召募老農

一勸導耕種民力不辦者動支正項錢糧代為經理田熟歲收十分之一以補庫帑足額而止營田

先舉行為農倡率民間田廬有礙水道者計畝抵撥視其畝數加十之二三河淀

淤地必須挖掘者將附近官地照數撥抵則營田水利人皆趨事樂從矣從之

俱屏之宗籍之外  
○帝之始嗣位也康熙帝態度未明諸王多不承認

因相與散布謠言誣帝以種種不德並謂帝之嗣立實非先帝之真意特爲其權謀所竊據甚至謂皇太子之被廢主謀者非頑愚之允禔亦非陰柔之允禩實出於帝之陰謀故帝卽位之初雖竭力寬和以收人心然終不能使諸王滿意反足以啓其野心雍正二年廢太子允禔忽死於幽禁之所諸王睹此悲劇不能無所感觸顧皇位旣爲雄猜剛毅之帝所得則彼等不能不謀自樹立因並力要求土地如周初之封建帝堅執不許諸王無可如何於是各樹黨羽以自植氣勢帝復御製朋黨論一篇召集諸諸王宗室發布之並述及諸王比周朋黨有覬覦之志而諸王仍不悔改諸王者皆聖祖所生子也聖祖生三十有五子長允禔次允禔卽故廢太子三允祉四允禎卽帝五允祺六允祚七允祐八允禩九允禔十允禔十一允禔十二允禔十三允祥十四允禔十五允禔十六允禔十七允禔十八允禔等皆封爲郡王貝子貝勒其中八王允禔尤以柔奸手段籠絡人心聲勢甚盛一時允禔允禔允禔等爲所誘惑深相結納然以允禔矜立名譽才望爲諸王冠頗難遽加以罪因封允禔爲廉親王與怡親王允祥同理政務而安置允禔於西寧以孤其勢已而允禔在西寧以西洋人穆

造新體  
字爲密  
書

宣布允  
禩允禩  
罪惡

譯言猪  
狗之義

經遠爲謀主造新體字爲密書與允禩相往復令允禩允禩及舅舅隆科  
 多等謀之於內而已與年羹堯等應之於外內外盤結勢且不測同時帝  
 以祕密偵探察知幽隱遂爲先發制人計削隆科多職殺年羹堯降允禩  
 王爵至是復下詔宣布允禩允禩罪惡並歷數其陷害故太子及結黨營  
 私之祕謀布告中外命王大臣會議處置之策並詔改允禩名爲阿其那  
 允禩名爲塞思黑俱削籍離宗革去黃帶子阿其那塞思黑皆滿洲語譯  
 言爲猪狗之義蓋惡之甚也是年六月王大臣連署奏允禩罪狀四十款  
 允禩二十八款允禩十四款請駢誅之帝念手足之誼不忍置之死命革  
 爵圈禁幽置允禩於宗人府允禩於保定俱圈禁高牆未幾允禩允禩俱  
 由禁所報告病故允禩初拘留於馬蘭峪旋撤回禁錮壽皇殿其黨鄂倫  
 岱阿爾松阿等俱坐死平郡王訥爾素革爵在家圈禁並嚴禁諸王自此  
 不得更與外省官吏接納除歲時朝見外不許於邸第私謁云

**附註**

雍正初諸王謀傾帝位其勢甚熾然皆不能出世宗嚴密之布置在未改允禩允禩  
 名字以前有一重要諭旨不可不注意即雍正三年帝命宗人府論允禩擅殺兵士

罪撤去王府所屬下五旗佐領是也其諭略云上三旗風俗惟知有君上方直剛正志不可  
 奪後與下五旗並用遂染卑靡之風從前下五旗之人爲諸王所統轄其心亦惟知有君主

不知有主人何至於今遂卑靡一至於此昨日都統武格在朕前奏對尚呼犯罪者之允禩  
 爲主人武格卽一無知武夫何大義不明如此古人謂天無二日民臣二王臣子之於君上



即天經地義所在安更有所謂主人云云觀帝此言可知當時八旗子弟皆已變為諸王爪牙不從帝室命令而諸王亦恃此權力以與帝室抗行斯時帝既欲禁抑諸王不得不先撤八旗佐領迨八旗佐領既撤而諸王之兵柄解羽翼失拘拿幽禁可以任帝所為矣世每以禁抑諸王為世宗病平心而論當時諸王爭權噬勢各企自立其結果必非國家之福世宗之殿殺壓迫使不得發展固出於自衛抑亦謀帝室之安全也八旗者上三旗為鑲黃正黃正白屬之君上太祖以來用為自衛親兵凡禁衛侍衛等職皆由上三旗亦稱內府三旗下五旗為鑲白正紅鑲紅正藍鑲藍則屬之諸王開國以來其制如此至雍正時弊風始革

賜名教罪人額

三月革侍講錢名世職銜並賜名教罪人匾額 初名世嘗作詩投

贈年羹堯稱其功德並以平藏之役歸功羹堯謂當立碑於聖祖平藏碑之後及年羹堯以罪死大學士九卿等奏錢名世以侍從清班獻詩年羹堯極意諂媚甚屬悖逆之至應革職治罪得旨錢名世既以文詞諂媚姦惡為名教所不容朕書名教罪人四字令該地方官製造匾額張挂錢名世所居之宅並令在京見任官員做詩人刺惡之意各為詩文紀其劣蹟彙刻成集頒行中外使天下讀書人知所激勸

樹不忠不孝碑

命樹前大學士揆敘尙書阿靈阿墓碑 諸王既獲罪帝以前大學

士揆敘前尙書阿靈阿曾朋比允禩傾陷東宮特命於其墓所各樹一碑揆敘曰陰險柔佞阿靈阿曰不忠不孝

五月命禁錮允禩於壽皇殿 諸王大臣等奏允禩身為大將軍毫

革郡王  
訥爾素

革徐元  
夢職

殺查嗣  
庭

雍正去  
首

不效力止圖利己營私縱容屬下騷擾地方嚇詐官員固結黨羽心懷悖亂請卽正典刑以彰國法得旨前令允禩在馬蘭谷居住原欲其瞻仰景陵感發天良而允禩並不醒悟錮蔽日深令撤回禁錮壽皇殿其黨鄂倫岱阿爾松阿俱坐死

綱秋七月革多羅郡王訥爾素爵在家圈禁 旨宗人府奏多羅郡王訥爾素在西寧軍前貪婪受賄應永停俸祿得旨訥爾素行止卑污貪劣素著及署大將軍印務更肆婪賊索詐地方官銀兩犯法妄行情屬可惡著將訥爾素多羅郡王革退在家圈禁

綱八月革署理大學士戶部尙書徐元夢職 旨吏部議奏署理大學士事務戶部尙書徐元夢繙譯本章錯誤應革職交部治罪得旨徐元夢在內廷行走多年從寬免其交部著革職在內閣學士之列辦理票籤本章一切繙譯事務效力行走

綱秋九月下禮部侍郎查嗣庭獄殺之 旨查嗣庭浙江海寧人與吏部尙書隆科多相友善隆科多既得罪嗣庭之獄亦繼起先是嗣庭主考江西所出試題有維民所止句訐者謂維止二字係取雍正二字而去其首

諷刺時事

爾等漢官

帝大怒諭內閣九卿翰詹科道等略謂查嗣庭向來趨附隆科多隆科多曾經薦舉朕令在內庭行走授爲內閣學士後見其語言虛詐兼有狼顧之相料其心術不端從未信任及禮部侍郎員缺需人蔡珽又復將伊薦舉今歲各省鄉試朕以江西大省須得大員以典試事故用伊爲正考官今閱江西試錄所出題目顯露心懷怨望諷刺時事之意料其居心澆薄乖張平日必有紀載遣人查其寓所及行李中則有日記二本悖亂荒唐怨誹捏造之語甚多又於聖祖仁皇帝用人行政大肆訕謗以翰林改授科道爲可恥以裁汰冗員爲當厄以欽賜進士爲濫舉以戴名世獲罪爲文字之禍以趙晉正法爲因江南之流傳對句所致以科場作弊之知縣方名正法爲冤抑以清書庶常復考漢書爲苛以殿試不完卷黜革之進士爲非罪熱河偶發水則書淹死官員八百人似此一派荒唐之言皆未有之事而伊公然造作書寫至其受人屬託代人營求之事不可枚舉又有科場關節及科場作弊書信皆甚屬詭祕今若但就科場題目加之處分則天下之人必有以查嗣庭爲出於無心偶因文字獲罪爲伊稱屈者今種種實蹟具在尙有何辭爲之解免乎爾等漢官讀書稽古歷觀前代

江詔停  
卿會浙

貴州  
之亂

以來得天下未有如我朝之正者。查嗣庭受朕格外擢用之恩，而伊逆天負恩，譏刺咒詛，大干法紀，着革職拏問。交三法司嚴審定擬，後嗣庭在獄病故，仍戮尸示衆。子坐死，家屬並放流。

○冬十月，詔停止浙江省鄉會試。以光祿寺卿印國棟爲浙江觀風整俗使。帝以查嗣庭爲浙江人，前汪景祺亦浙江人，同以文字譏訕獲罪，因深惡浙江人，特詔停浙江省鄉會試，以示懲戒。又諭九卿略謂：朕聞浙省風俗澆漓，甚於他省，若不力爲整頓挽回，及陷於罪，加之刑，實有不能。朕意專遣一官前往浙江省問風俗，稽察奸僞，其如何設立衙門，鑄給關防之處，著祥議具奏。尋議查唐貞觀中置觀風俗使，巡省天下，觀風俗之得失。今遣官前往浙江省問風俗，稽察奸僞，應授爲浙江等處觀風整俗使，鑄給關防，以重職守。從之。因授光祿寺卿印國棟爲浙江觀風整俗使，使往浙江省問風俗。

○十二月，貴州狝苗作亂，雲貴總督鄂爾泰討平之。鄂爾泰姓西林覺羅氏，滿洲鑲藍旗舉人。初以侍衛和聖祖詩稱旨，遷內務府員外，又不附允禩，爲帝所知。雍正初元，擢江蘇布政使，專以摧抑強暴爲治。年羹堯

鄂爾泰  
調兵進剿

鄂爾泰  
奏行改土歸流策

苗族之  
遷徙

調杭州時因事使人至蘇爾泰厲聲色待之由是大見信任遷廣西巡撫旋陞雲貴總督貴州狎苗兇悍長寨等一帶尤甚焚毀劫掠視爲慣常所劫男女又有川販沿途接應故兇餓日熾鄂爾泰調兵進剿共攻破三十六寨投誠二十一寨招撫苗民五百餘戶三千餘口所獲器械什物無算又查出熟田五千八百餘畝熟地一萬四千五百餘畝荒地九千六百餘畝奉旨從優議敘

○鄂爾泰奏請平定苗疆當行改土歸流策許之

○苗族當太古時嘗

盤踞於黃河流域自黃帝戰勝蚩尤於涿鹿其種人始退居於黃河以南陶唐之世苗民逆命堯克之於丹水則又驅諸江漢之間舜竄三苗於三危其族益徙而南據彭蠡扼洞庭恃險以抗中國及殷高宗伐鬼方周公且懲荆舒春秋之世楚啓山林漢開西南夷三國吳平山越其種人遂先後爲漢族所融化有未經融化者則大江一帶之平地巢穴已失率錯竄於南嶺一帶之高地各據一方各長其部言語風俗既不相同種族名稱亦各殊異川之夔粵之獶黔楚之猺滇蜀之獯獯野人皆此族也惟此輩梗頑不可強化故政府之治也常用羈靡政策仍其舊俗官其酋長宋以

前有羈靡州之制元人以其大部曾爲宣慰司其次爲宣撫招討安撫等司分土受官其長官皆得世襲握強大之自治權明代因之土司之名蓋始於此苗族既南徙相率竄居於滇黔川桂之一帶山林地明永樂時貴州雖列爲行省而其東南湘桂等處仍爲苗蠻所據以古州爲中心周圍三千里環寨千三百餘名曰苗疆其西北川滇黔三省之交如東川鎮雄等處亦爲苗族所據明人嘗數次用兵殫天下財力未能蕩平清初沿襲明制分設土司川黔滇桂湘粵各省皆有之而隸屬於平西定南諸藩鎮吳三桂之亂諸土司頗爲所用及事平朝廷未能窮治且苗民無知習於劫殺不知耕作朝廷又未能爲根本上之解決施之教育而俾其同化而爲之土官者又往往多係漢人遷謫其地竊其權而爲之君長苛斂虐使恣爲不道鄰近之地方官或以邊境錯雜互相推諉或以職權不屬聽其跋扈以是種種爲患茲劇而苗疆遂爲西南邊防上一大問題至是鄂爾泰改土歸流之議以起鄂爾泰前既討平貴州狃苗然貴州東南境周三千餘里爲苗族所佔不能平定且雲南西南界以瀾滄江江內諸土司與江外諸夷交通爲患又四川雲貴間有東川烏蒙鎮雄三土府於行政區

鄂爾泰  
改土歸  
流計

佩滇黔  
桂三省  
總督印

劃屬四川而地理上則距四川省治幾二千里距雲貴省治皆近四川總督之統治力既以遼遠不能實施而雲貴督撫又以職權不屬聽其跋扈其他貴州廣西之間苗寨寥闊地方官常以境界之錯雜互相推諉以是邊患愈亟鄂爾泰觀此種種欲建一勞永逸之策謂雲貴大患在苗蠻欲治苗蠻當先改土歸流必改土歸流而後可以安民必歸併事權而後可以治苗蠻因上疏極言當時行政區劃之不當及歷朝以夷治夷之失計其疏略言雲貴大患莫甚於苗蠻欲安民必先制苗欲制苗必改土歸流而苗疆多與鄰省毗連又必歸併事權始可一勞永逸自元明以來相沿以夷治夷以爲鎮靜邊民被寇靡所控訴若不剷蔓塞源縱兵刑財賦事  
事整飭皆治標而非治本今欲改土歸流其法以計禽爲上兵剿次之令其自首爲上勒獻次之惟制夷必先練兵練兵必先選將誠能賞罰嚴明將士用命先治內後攘外必能所向克捷實雲貴邊防萬世之利云云帝得疏甚喜知鄂爾泰才堪大用卽劃東川烏蒙雄鎮三十一府改隸雲南復鑄滇黔桂三省總督印與之並令兼制廣西於是爾泰遂得實行其改土歸流之政策

○丁未五年春二月太常寺卿鄒汝魯革職治罪。○內閣太常寺卿鄒汝魯進河清頌內有舊染維新風移俗易語帝不悅交九卿公同嚴審定擬具奏尋刑部奏照律擬絞立決得旨著革職從寬免死發往湖廣荊州府沿江隄岸工程處效力。

○俄羅斯遣使來京。○俄羅斯察汗遣使臣薩瓦來京表賀登極貢獻方物並請求議訂喀爾喀界約帝命賞賚如例其請議喀爾喀疆界事則命超勇親王額駙策零與之會議於布拉河。

○閩浙總督高其倬奏閩省福興漳泉汀五府地狹人稠自平定臺灣以來生齒日增本地所產不敷食用請復開洋禁以惠商民並令出洋之船酌量帶米回閩從之。

○夏四月申禁鑄黃銅器皿。○先是四年正月戶部等衙門議奏制錢日少皆由私毀不絕之故蓋以銀一兩兌大錢八百四五十文約重七斤有餘製造銅器可賣銀二三兩卽如煙袋一物雖屬微小然用者甚多毀錢十文製成煙袋一具輒值百文有餘奸民圖十倍之利安得不毀請嚴立鑄黃銅器皿之禁紅白銅器仍照常行用其黃銅所鑄除樂器軍器天



平法馬戩子及五斤以下之圓鏡不禁外其餘不論大小器物俱不得用黃銅鑄造其已成者俱作廢銅交官估價給值儻再有製造者照違例造禁物律治罪詔從其議而民間鑄造如故至是復申禁之九月復嚴禁銷毀制錢惟一品官員之家器皿許用黃銅

詔除江南  
世僕名色

○詔除江南徽寧等處伴當世僕名色 ○諭內閣朕以移風易俗爲心凡習俗相沿不能振拔者咸與以自新之路如山西之樂戶浙江之惰民皆除其賤籍使爲良民所以勵廉恥而廣風化也近聞江南徽州府則有伴當寧國府則有世僕本地呼爲細民幾與樂戶惰民相同又其甚者如二姓丁戶村莊相等而此姓乃係彼姓伴當世僕凡彼姓有婚喪之事此姓卽往服役稍有不合加以箠楚及訊其僕役起自何時則皆茫然無考非有上下之分不過相沿惡習耳著該督撫查明定議具奏尋禮部議淮安慶巡撫魏廷珍遵旨議奏江南徽寧等處向有伴當世僕名色請嗣後紳衿之家典買奴僕有文契可考未經贖身者本身及其子孫俱聽從伊主役使至年代久遠文契無存不受主家豢養者概不得以世僕名之永行嚴禁從之

與俄使  
訂立恰  
克圖條  
約

互市問  
題

布拉河  
會議

○秋八月額駙策凌與俄使薩瓦訂立恰克圖條約並議定邊疆立石定界。○自尼布楚條約簽定後越三十年而有喀爾喀之交涉先是喀爾喀之內附也中國北境與俄領西伯利亞時起交涉蓋俄人夙通貿易於土謝圖汗部喀爾喀主權既歸中國則土謝圖亦爲中國所有於是中俄互市之問題起康熙五十八年俄皇大彼得遣正使義斯麻伊兒及副使蘭給齋國書至北京請改訂商約覲見時廷臣強其行跪拜禮節俄使有所抗議政府置不答留京半年義斯麻伊兒見不得要領遂返俄而使蘭給留京委以改正商約事是爲俄公使駐華之始蘭給在京屢求議約而政府待之不啻囚虜絕無與以論議之機會至雍正五年俄皇彼得已卒女帝加他鄰卽位復遣使拉克青斯奇來京申前議並議蒙古與西伯利亞界務世宗卽命超勇親王策凌內大臣四格侍郎圖理琛爲議約使會議於後貝加爾省之布拉河地方由兩國公使各遣員勘查邊境訂約十一條是爲恰克圖條約卽以恰克圖爲通商市場兩國均不權稅此爲中國有商埠之始條約中大要如左

一兩國邊吏當查彼此逃人捕送本國但逃亡在和約締結以前者勿

論

二、以恰克圖爲兩國通商之地。西起沙弼奈嶺。東至額爾古納河岸。以山之陽爲中國。以山之陰爲俄國。各立界標誌之。

三、以烏特河地方爲兩國中立地。彼此不得侵佔。

四、俄國商人得三年一至北京貿易。但人數以二百人爲限。留京不得過八十日。往來當由官定之路徑。不得迂道。他往違者沒收貨物。

五、京師俄羅斯館聽嗣後俄人來京者居住。俄公使欲於京師建會堂。中國當予以補助。聽俄國教徒居住。教徒得依本國例規。於堂內讀經禮拜。

六、兩國邊界各置頭目。秉公辦理一切遞公文者。來往當由恰克圖。右約既定。策零等回京具奏。至是議政王大臣等議覆額駙策凌等奏。臣等與俄羅斯使臣薩瓦等相見。議定疆界事宜。隨與內大臣四格侍郎圖理琛等。以應立界石地方。繕寫給與薩瓦薩瓦及布里雅特吳梁海等。俱已心服。俟其回時。卽將界址山河地名。繕寫繪圖。恭呈御覽。應照策凌等所議立石定界。曉諭喀爾喀汗王各札薩克黑龍江將軍等。令其約束屬

人不得越界生事。至恰克圖口定爲貿易之所。應派理藩院司官一員管理。詔從之。

**附記**

此大條約指定恰克圖爲市場。而市場地點所在。則俄自恰克圖以南。清自賣買城

金錢之交換。止如古代。以有易無之例。俄人以黑羅紗及獸皮牛羊皮等。來易我國之茶磚

茶絹織物及棉布等而去。其價值假定一疋上等羅紗。當若干分量之茶。一疋絹。當若干之

下隆科  
多獄

**綱**冬十月。逮隆科多下獄。永遠禁錮。隆科多前以徇庇年羹堯。削太

保銜。又以在吏部任用官吏。不經奏請。專擅選權。奪除世職。罰往阿爾泰

劃定邊界贖罪。本年六月。復以私抄玉牒。存貯家中。降旨詢問。又不據實

具奏。詔調回革職拿問。其擅將玉牒底本。私交隆科多之輔國公阿布蘭

着革去公爵。圈禁高牆。至是順承王錫保等。遵旨審奏。隆科多大不敬之

罪五。欺罔之罪四。紊亂朝政之罪三。姦黨之罪六。不法之罪七。貪婪之罪

十六。應擬斬立決。妻子入辛者庫。財產入官。帝召議政王大臣內閣九卿

等諭曰。隆科多所犯四十一款。實不容誅。但皇考升遐之日。召朕之兄弟

及隆科多入見。面降諭旨。以大統付朕。是大臣之內承旨者。惟隆科多一

人。今因罪誅戮。雖於國法允當。而朕心則有所不忍。隆科多免其正法。於

犯四十  
一款

暢春園外附近空地造屋三間永遠禁錮其妻子亦免入辛者庫伊子岳興阿著革職玉柱著發往黑龍江當差

**附記**

隆科多為帝元舅帝即位之初恩遇最隆任吏部時官吏銓考任意引用帝不之罪有清一代任用官吏不經奏請者前後三人第一為平西王吳三桂當據雲南時擅

選用吏僅報告中央吏部而已時人號為西選第二為撫遠大將軍年羹堯在西邊行營時引用私人但申報中央而已稱為年選第三即隆科多任吏部尙書時官吏銓選任意升補

稱為佟選蓋帝當即位之初隆科多獨受顧命故寵任備至及諸王既誅帝之大位日益安固對於佟選不容再寬特借私鈔玉牒事坐以四十一款幽之於暢春園外之禁獄是年冬

竟幽死獄中論者謂帝對於隆科多之加藤墜淵不無有酬恩滅口之兩種觀念觀隆科多獄詞有云妾擬諸葛亮奏稱白帝城受命之日即是死期已至之時故當日帝之嗣立其暗

昧情事概可想見尤可疑者上諭既云皇考升遐之日召朕之兄弟及隆科多入見面降諭旨而獄詞又稱聖祖仁皇帝升遐之日隆科多並未在御前云云是則獄案詔書前後自相

矛盾欲加之罪何患無辭要之隱微畢露欲蓋彌彰其能欺後世耳目哉

**圖**詔減嘉興湖州兩府額徵銀十分之一 **目**諭戶部查各省中賦稅最

多者莫如江南之蘇松浙江之嘉湖每府多至數十萬兩地方百姓未免

難於輸將其賦稅加重之由始於明初以四府之人為張士誠固守故平

定之後籍諸富民之田以為官田按私租為額稅有明二百餘年減復不

一我朝定鼎以來亦照明例徵收蓋因陸續辦理軍需經費所在未便遽

行裁減皇考常論及此雍正三年將蘇松二府額徵浮糧豁免彼時諭旨

甚明本欲一體加恩嘉湖二府因浙江風俗澆漓正須化導故爾暫止今

詔減嘉湖兩府額徵銀

更定苗  
民姓氏

見浙俗漸次轉移朕心甚慰查嘉興額徵銀四十七萬二千九百餘兩湖州額徵銀三十九萬九千九百餘兩俱著減十分之一二府共免銀八萬七千二百兩有奇永著爲例

○十一月雲貴總督鄂爾泰更定苗民姓氏

○雲貴總督鄂爾泰奏黔

省邊界生苗不納糧賦不受管轄隨其自便無所不爲由來已久臣自剿撫長寨後生苗目睹長寨苗戶安居樂業各思投誠內附夷苗共一百八十四寨一千七百餘戶俱聞風向化並獻弓弩盔甲夷民半無姓氏名字雷同應行更定彙冊報部令按年輸租帝以鄂爾泰辦理甚屬可嘉命由拜他喇布勒哈番加受一等阿達哈哈番世職

○十二月命江蘇安徽應徵丁地攤入銀畝徵收

○戶部議准署兩江

總督范時繹奏丁隨糧辦最爲均平良法請以雍正六年爲始將江蘇安徽各州縣應徵丁銀均攤入地畝內徵收從之自是無業之民遂終身無納稅義務

○戊申六年春正月以鉛廠山下地四十里賜安南國王

○先是雍正

三年四月原任雲貴總督高其倬奏安南國疆界有內地舊境一百二十

均攤江  
蘇安徽  
地丁銀

以鉛廠  
山地賜  
安南

里應加清理於賭呪河立界安南國王具奏陳請帝命雲貴總督鄂爾泰清查給還八千里於鉛廠山下小河以內四十里立界安南國王復激切陳訴帝以鄂爾泰所奏鉛廠山下地方山川形勢中外截然頒敕諭之安南國奉表陳謝帝嘉其詞旨恭順仍以四十里地賜之

准用  
公註  
人員  
誤

綱夏四月准從前因公註誤人員來京候用 帝以從前因公註誤之員其中未必無才守可觀者命吏部行文各省凡知府同知通判知州知縣任內除大計特疏糾參外其因公註誤降革者該員曾經居官五年而離任之後交代清楚無錢糧案件未清之處准本人親赴吏部具呈吏部不拘人數即行奏聞考試履歷帶領引見候朕酌量起用

以田  
鏡為  
東總  
督河

綱五月以河南巡撫田文鏡為河東總督管理河南山東二省事務 田文鏡漢軍正黃旗人康熙末為內閣侍讀學士雍正初遣祭華山歸白山西荒歉即命往山西放賑稱旨即授山西布政使旋調河南擢巡撫至是以河南吏治為天下第一特授為河東總督管理河南山東事務初文鏡為河南巡撫時聞紹興有鄔先生者有才名延為幕賓鄔先生曰公欲為赫赫名撫乎抑僅為尋常巡撫乎文鏡曰願為名撫鄔先生曰然則公

鄔先生

以嚴厲  
苛刻爲  
治

以李衛  
管理江  
蘇盜案

文武各  
官受  
節制

任我爲之不可掣肘。文鏡曰：奈何。鄔先生曰：吾將爲公草一疏。然疏中一字不能使公見。此疏得上公之名，乃可立。文鏡許之。疏成，署文鏡名上之。蓋彈劾國舅隆科多之疏也。疏上，隆科多果獲罪，而文鏡之寵遇遂日隆。自是文鏡一以嚴厲苛刻爲治，與帝意暗合。帝之寵信，幾與鄂爾泰、張廷玉二大臣等。嘗語廷臣曰：使各省督撫能如田文鏡、鄂爾泰，則天下治矣。其信任之專如此。

**綱**秋七月，命浙江巡撫李衛管理江蘇七府五州盜案。 **目**衛字又玠，江

蘇錫山人，豪邁有膽識。任浙江巡撫，廉明有政聲。且善戢盜，帝甚信之。諭

內閣曰：戢盜乃安民之首務。如江南、蘇、松等地方，盜案多於他處。而陳時

夏等並未將積惡渠魁緝拿懲治。范時繹管轄三省，戢盜之才亦覺不足。

是以下江地方盜風不息。浙省盜案向來亦多。自李衛蒞任以來，留心整

理，匪類知所畏懼。文武屬員協力緝捕，不至漏網。李衛甚屬可嘉。著將江

蘇所屬七府五州除錢糧刑名外，其一切盜案俱交與李衛管理。文武各

官受其節制，有盡心緝捕及疏防貽誤者，聽其舉劾。遇有緝捕訪拿盜賊

等事，各營兵聽其調遣。

按田文鏡升任河東總督，李衛管理江蘇盜案，俱爲特旨。帝之破格用人，大多類是。然節故蒙子爲政頗疏，節苛日不若文鏡之破



刻苛細斯又二人  
優劣所由分也。

准浙江  
照舊考  
試

岳鍾琪  
平喇世  
窩番

定銀一  
兩換錢  
一千

○八月准浙江士子得照舊鄉會考試。○帝初惡浙江人停止其鄉會

考試特命李衛巡撫浙江又命印國棟為浙江觀風整俗使至是諭內閣謂浙江士習澆薄朕為世道人心計不得不嚴加整理今二年以來李衛印國棟先後奏稱兩浙士子感朕訓誨之恩省愆悔過將前日囂陵奔競之習痛自改除可稱士風丕變明年即屆鄉試之期浙省士子准其照舊鄉會考試。

○冬十月四川喇汝窩番作亂川陝總督岳鍾琪剿平之。○岳鍾琪奏四川建昌鎮屬喇汝窩番人素行不法嗣經擒勦平定復有逆番了馬車糾黨搶劫隨撥兵進勦以次就禽番疆悉平。

○已酉七年春二月詔定錢價。○諭戶部錢為國寶固貴流通以利民然必權衡輕重使得其平方能便民而無囤積私銷之弊近聞馬蘭峪地方奉天直隸數府錢價過賤民間貿易物價必致虧損且恐姦弊從此而生嗣後錢價每銀一兩止許換大錢一千文著該部行文各省督撫轉飭各地方遵行以為經久平準之定則。

噶爾丹  
策零入寇

傅爾丹  
岳鍾琪  
兩路出師

下會靜  
獄劉呂  
留良

三月準會噶爾丹策零入寇以領侍衛內大臣傅爾丹爲靖邊大將軍川陝總督岳鍾琪爲寧遠大將軍分兩路出征。初青海叛會羅卜藏丹津之投準噶爾也朝廷遣使索之而準會策妄阿拉布坦抗不出獻雍正五年策妄卒子噶爾丹策零嗣位噶爾丹策零年少好用兵驍桀如其父又善馭士卒諸台吉皆樂爲之用屢率兵侵掠邊疆不已時大將軍年羹堯已被殺征西軍已撤帝恐準噶爾一旦有變則喀爾喀青海西藏必被擾亂爲中國隱憂議遣將討之大學士朱軾都御史沈近思皆以時機未至爲言惟大學士張廷玉獨主用兵與帝意合遂定議分兩路出師一由北路命內大臣傅爾丹爲靖邊大將軍自阿爾泰山進兵一由東路命岳鍾琪爲寧遠大將軍自巴里坤進兵期以明年會攻伊犁會羅卜藏丹津與其族屬謀殺策零事覺被執於是策零欲藉以爲緩師地遣使請和謂將執丹津致諸中國因聞師出而止若朝廷赦其既往當以丹津獻帝許之。

夏五月下湖南會靜獄劉已故浙江呂留良尸盡誅其族。會靜湖南靖州人以應試州城獲見浙人呂留良評選詩文內有夷夏之防及封

留良自稱故國遺民

張熙上書

歷舉雍正九罪

建井田等語。遂遣其徒張熙至呂留良家，求其著述。呂留良者，浙江石門人。其先故明時王府儀賓。留良入清，應試補諸生，數舉鄉試不第，憤而棄去。講學於鄉里。其子葆中舉進士第二人，官翰林。而留良自稱故國逸民，不肯降志。所著筆記等書，於清朝事不稍避諱，而記康熙時政尤多不謹之辭。留良死，書藏於家。比張熙至，葆中悉以留良遺書授之。熙又訪得留良之徒嚴鴻逵，與鴻逵之徒沈在寬等往來投契，遂起革命之想。時帝抑制宗室，猜忌功臣，允禩、允禵、年羹堯等先後獲罪，其徒黨造作流言，指斥乘輿，靜等誤信其說，謂有機可乘。又聞大將軍岳鍾琪、總督川陝爲年羹堯之部將，其遠祖岳飛於金爲世仇，清又金裔，當並仇清。又聞鍾琪再請陛見，不蒙允許，深自危懼，遂命其徒張熙往鍾琪轅門，託名投書，歷舉帝之罪狀，凡九條：一曰謀害父皇，謂帝之傳位由於強迫，必非聖祖真意；二曰偪母，謂偪其母佟太后殉葬；三曰弑兄，謂廢太子允禔之死由帝陰殺；四曰屠弟，謂允禩、允禵等死皆帝毒害；五曰貪財，六曰好殺，七曰耽酒，八曰淫色，九曰誅忠用佞。因力勸鍾琪擁兵舉義，光復明祚。書既上，鍾琪閱畢大驚，慮驟發覺，必不能得其主謀，乃陽爲贊同其說，且與之訂盟誓，共

呂留良  
日記

殺御史  
謝世濟

參劾田  
文鏡

生死乃徐詢其孰爲畫此策者熙乃以其師曾靜對鍾琪又陽爲迎聘其師因亟入告捕靜熙入京師帝親鞠之靜熙始悟爲鍾琪所誤伏地請死並供稱因應試州城得見呂留良評選詩文及與其徒嚴鴻逵沈在寬等往來投契等語帝卽傳命浙江總督李衛查拏呂留良嚴鴻逵沈在寬等家藏書籍所獲日記及案內人犯一併解京研訊並發看留良日記等書讞既定俱定大逆凌遲處死帝以靜熙等止誣朕躬而留良辱及先帝其罪更在靜熙之上時留良父子及嚴鴻逵等俱已死詔皆剖棺剖尸梟示沈在寬着凌遲處死而特赦曾靜張熙二人免死回籍以示寬大

綱秋七月詔殺已革御史謝世濟尋釋之 回謝世濟廣西全州人以翰

林官御史入臺未浹旬卽露章面劾河南巡撫田文鏡不法狀時文鏡以嚴酷得幸世宗閱奏頗不懌諭之曰文鏡能臣朕倚畀方深爾毋惑浮言誣奏擲還其疏濟世伏地不肯起爭益力帝震怒先是文鏡疏劾所屬知縣黃振國黃故儒士適直隸總督李紱以事過汴斥文鏡有心蹂踐讀書人文鏡密奏之謂紱與振國同年黨援交結欲爲被劾諸人謀報復已而紱果劾文鏡訟振國寃時帝方深惡科第黨援之習思痛繩以法會濟世

疏中亦及振國事。帝益疑爲朋黨。命九卿科道集刑部嚴訊。濟世辨甚力。尙書勵杜納。究問指使之。人濟世曰。孔孟耳。曰。何故。曰。讀孔孟書。自當忠諫。見奸弗擊。非聖賢之訓也。獄上。擬大辟。詔免死。發阿爾泰軍前効力。已而順承郡王錫保以濟世所註釋之古本大學入奏。謂其毀謗程朱。帝大怒。於雍正七年。年。月。諭內閣。略謂朕觀謝濟世所註之書。不止毀謗程朱。乃用大學內見賢而不能舉。兩節。言人君用人之道。借以抒寫其怨望。誹謗之私。其註有拒諫飾非。必至拂人之性。驕泰甚矣。等語。觀此。則謝濟世之存心。昭然可見。朕卽位以來。於用人之際。至公無私。不惟可以自信。亦天下臣民所共知者。謝濟世於公正任事之田文鏡。則肆行誣參。於婪贓不法之黃振國。以及黨護鑽營之李紱。蔡珽。邵言。綸。汪誠等。則甘聽其指揮。而爲之報復。乃真顛倒是非。紊亂黑白。好惡拂人之性。天理國法所不能容。蓄已逮身。而猶不知省懼。何其謬妄。至於此極。云云。廷議坐以誹謗。令軍前正法。將刑縛至市曹。諸受業皆哭送。且設祭邸舍。忽奉旨赦歸。酒尙溫。炷香未爐也。笑語諸弟子曰。生受可乎。諸弟子執爵言曰。先生真不動心哉。初濟世之至戍所也。偕同戍者謁將軍。問謁見儀節。或告之曰。三

我自有  
我在

殺舉人  
陸生楠

論史之  
獄

頓首同謁者難之濟世怡然曰此戍卒見將軍非我見將軍也庸何傷及  
入見免禮且延之坐同謁者有喜色濟世夷然曰此將軍待廢官非待我  
也我自有我在

附誌 謝濟世之獄而歎監勝之道至矣盡矣查閱論旨其罪狀亦止如是夫以拒諫飾  
非必至拂人之性騷秦甚矣等語解經而竟橫為怨訕朝廷為天理國法所不能容。

則天下甯復有能容之事此可見專制  
君主操縱臣言箝制言論之一斑矣。

綱殺廣西舉人陸生楠 陸生楠廣西人以工部主事擢用初坐謝濟

世案被遣至軍臺効力在軍偶著通鑑論十七篇復為順承郡王錫保所  
奏發謂皆抗憤不平之語其論封建之利更屬狂悖顯係非議朝廷時帝  
方以諸王要求封建力加抑制因於雍正七年秋諭內閣略謂陸生楠由  
廣西舉人部選江南吳縣知縣朕覽其奏摺前惟頌聖浮詞中間不過腐  
爛時文無一語切於國計民生而倨傲誕妄之氣溢於言詞知其人必非  
醇謹及引見之時舉動乖張朕將伊摺內之語詰問數條伊總默然不能  
對但聞朕教訓轉多憤懣之色後以與李紱謝濟世結為黨援發往軍前  
效力一則令其觀滿洲尊君親上之心如此其謹慄一則令其觀我朝兵  
營之制如此其整嚴一則令其觀各蒙部落熙皞醇樸之風如此其誠實

欲效策士游說之風

刊布大義覺迷錄

冀其化去私邪。勉於自新。詎陸生楠素懷逆心。毫無悔悟。借託古人之事。幾以洩一己不平之怨怒。其論封建也。謂為萬世無弊之良規。而以郡縣為害深禍烈。試問今日之禍害何在。陸生楠能明指之乎。大凡叛逆之人。如呂留良曾靜。陸生楠之流。皆以宜復封建為言。蓋此種悖亂之人。自知奸惡傾邪。不容於鄉國。思欲效策士遊說之風。意謂封建行。則此國不用可去之他國。不知狂肆逆惡。如陸生楠之流。實天下所不容也。云云。此外各論中。如論建儲。則與帝不立太子之主見相背。馳論兵法。則與清代八旗駐防之制相抵觸。論隋煬帝。又與帝謀登大位之嫌疑相激射。均大中帝忌。帝均於諭旨中駁斥之。結案謂陸生楠罪大惡極。情無可道。着即在軍前正法。是為陸生楠論史之獄。

**附記**

以註經而獲罪者。自謝濟世之獄始。以論史而獲罪者。自陸生楠之獄始。自茲以往。非惟時事不敢論。即陳古經世之書。亦不敢讀矣。此真歷代文字獄所未嘗有也。

九月刊刻大義覺迷錄。頒行天下。自曾靜呂留良之獄發生後。各

人口供及歷次所降諭旨甚多。至是帝將呂嚴沈等所著書及歷次諭旨

自為一書。名曰大義覺迷錄。刊布天下。列之學宮。使天下學子皆明其義。

綱庚戌八年春三月。兩江總督范時繹罷。以史貽直署兩江總督。

遣使諭  
準噶爾

綱夏四月詔改大學士尙書品級 目大學士爲正一品尙書爲從一品

綱五月命侍郎杭奕祿衆佛保往諭準噶爾降 目諭大學士等準噶爾

噶爾丹策零遣使特磊奉表陳奏謂已將羅卜藏丹津解送天朝因聞進

兵之信暫行中止若天朝俯念愚昧赦其已往卽將羅卜藏丹津解送等

語今朕欲將特磊遣回並差大員至準噶爾諭以受封定界敦族睦鄰速

將逃匿送出伊若一一聽命朕當寬宥其罪其進兵之期暫緩一年俟特

磊起身之後卽著寧遠大將軍岳鍾琪靖邊大將軍傅爾丹參贊大臣陳

泰蘇圖來京尋命侍郎杭奕祿衆佛保同特磊往諭準噶爾

除蘇州  
丐戶籍

綱詔除蘇州府常熟昭文二縣丐戶籍列爲編氓 目從江蘇巡撫尹繼

善請也

革允社  
爵

綱怡親王允祥卒革誠親王允祉爵 目宗人府等衙門議奏誠親王允

祉行事殘刻罪惡日稔應削去和碩親王革退宗室卽行正法得旨允祉

着革去親王爵其如何拘禁之處候另降諭

綱秋九月河南道士賈士芳伏誅 目賈士芳舊居京師白雲觀自言知

醫以薦入宮治病口誦經咒有天地聽我主持鬼神歸我驅使之語帝惡

道士賈  
士芳伏  
誅



之交三法司擬罪尋議奏左道賈士芳性生悖逆術習妖邪假託知醫之名顯露不軌之迹請照大逆凌遲處死得旨改爲斬立決

殺徐駿

綱冬十月殺庶吉士徐駿 刑部等衙門議奏原任庶吉士徐駿狂誕

居心悖戾成性於詩文稿內造爲譏訕悖亂之言應照大不敬律斬立決將文稿盡行燒燬從之

添設四川總督

綱辛亥九年春二月設四川總督 帝以川陝二省地方數千里甚爲

遼闊且西邊又有軍事發生總督一員難於控制特令添設四川總督一員卽以四川提督黃廷桂補授

傅爾丹之敗

綱六月大將軍傅爾丹與噶爾丹策零戰於和通泊爾敗績詔降傅爾丹爲振武將軍以順承郡王錫保代之 初傅爾丹岳鍾琪應召入京詔

以提督紀成斌副將軍巴賽護理印務然噶爾丹策零之遣使請和也原非誠意故不待朝命窺北路備弛發兵進擊奪回駝馬牲畜無算詔降紀成斌爲副將命傅爾丹岳鍾琪速馳赴軍營至是傅爾丹進軍駐科布多城策零遣其將大策零小策零將精騎三萬屯科布多西之博克托嶺而先縱間諜佯爲清軍所獲詭言策零連年與可薩克交戰駝馬羸弱今其

和通泊  
爾之戰

傅爾丹  
僅以身  
免

前隊千餘人屯博克托可襲而破也。傅爾丹信之，卽以本部兵及蒙古索倫兵萬餘往襲。副都統定壽、永圖、海壽等交諫不聽，行至和通泊爾，敵以少兵誘我，而伏精兵二萬谷中，俄而胡笳遠作，氍裘四合，乘高突衝，遂圍我前鋒四千人於和通泊爾。科布多西二百里萬矢雨集，衆寡不敵。傅爾丹以後援軍往援，敵已破前軍，直犯大營。傅爾丹命索倫、蒙古兵先禦之，而科爾沁、蒙古兵樹紅纛先靡而遁。土默特、蒙古樹白纛奮摩敵壘，索倫兵但知蒙古兵敗，誤呼曰：白纛兵陷敵隊矣。諸軍遂大潰。終夜甲仗聲不絕，惟滿兵四千，衛輜重，且戰且退。渡哈爾納河，副將軍巴賽查納弼以下皆戰死。傅爾丹僅以身免，得還科布多者二千人而已。敵獲我士卒，皆穿脛，盛以皮囊，縛馬後，唱胡歌而返。蒙古科爾沁王匿荏苻中，免。傅爾丹反信其言，謂白纛兵先敗，執土默特公沙津斬之。士卒憤怒，岳鍾琪聞敗，馳救不及，乃使紀成斌進攻烏魯木齊，以分敵勢。敵已委城先徙，無所得，詔降傅爾丹爲振武將軍，以順承郡王錫保代之。仍駐兵科布多，斬先遁之參贊陳泰。移傅爾丹營於察罕度爾，以防準部之進攻喀爾喀。別命大學士馬爾賽爲撫遠大將軍，率師屯歸化城爲後援。於是攻守之勢一變。

額駙策  
凌大破  
準噶爾

三音諾  
顏之始  
起

鄂登楚  
勒河之  
戰

冬十月郡王額駙策凌大破準噶爾兵於鄂登楚勒河蒙古三音諾顏部遂自立。噶爾丹策零既敗傅爾丹之兵於和通淖爾卽乘勝東侵喀爾喀轉戰入三音諾顏境而超勇親王額駙策凌因以崛起額駙策凌者故元太祖十八世孫圖蒙肯之裔也先是明末喀爾喀有紅黃教之爭圖蒙肯獨尊奉黃教爲之護持達賴喇嘛賢之因授以三音諾顏之號三音者唐古特語謂善諾顏則蒙古語謂官長也然三音諾顏部是時仍屬土謝圖汗部未能自立策凌初居京師尙公主尋攜眷屬歸塔米爾河累歲從征習漠北山川險易憤喀爾喀之爲準噶爾所蹂躪也銳自磨礪選猛士千人隸帳下爲親兵以兵法部勒之而以三音諾顏名其軍又以準噶爾軍善馳突而喀爾喀軍無紀律節制乃使游獵及止營皆以陣法部勒萬衆森嚴如對壘由是三音諾顏軍雄冠漠北未幾噶爾丹策零乘戰勝餘威令其將大小策零進攻喀爾喀以科布多及察罕度爾皆有備乃取道阿爾泰山深入小策零以精騎六千直入三音諾顏境額駙策凌卽率所部迎擊之於鄂登楚勒河激戰三日大破其衆斬其驍將喀喇巴圖魯小策零遁走詔晉策凌爵爲和碩特親王使率其軍自成一部不復隸

嚴禁鐵器出洋

土謝圖汗部其位次在土謝圖汗車臣汗扎薩克圖汗三部之上是爲外蒙古分立四部之始。

○十二月嚴禁鐵器出洋

○廣東布政使楊永斌奏定例鐵器不許出境貨賣而洋船私帶禁止尤嚴粵東所產鐵鍋每連約重二十斤查雍正七八九年夷船出口每船所買鐵鍋少者自一百連至二三百連多者至五百連並有至一千連者計算每年出洋之鍋約一二萬斤誠有關繫應請照廢鐵之例一體嚴禁違者治罪得旨鐵斤不許出洋例有明禁廣東夷船每年收買鐵鍋甚多則與禁鐵出洋之功令不符楊永斌所奏甚是嗣後稽查禁止及官員處分商人船戶治罪之處悉照所請粵東既行查禁則他省洋船出口之處亦當一體遵行永著爲例

召鄂爾泰入京

○壬子十年春正月苗疆平定召鄂爾泰回京以爲保和殿大學士兼兵部尙書

○鄂爾泰以雍正四年巡撫雲南尋兼雲貴總督奏請平定苗疆當實行改土歸流之策帝許之並鑄三省總督印畀爾泰令兼制廣西於是自雍正四年至雍正九年用兵凡六載而後苗蠻以次改流歸化其改土也令其自首爲上勒獻次之其不服者計禽爲上兵剿又次之其用

開闢苗疆數千里

策凌追擊噶爾

兵也先川邊諸土司繼滇邊諸夷而終於黔中諸苗洞戰功以川滇爲多而歲月以黔爲最久蓋川滇之苗蠻皆別居徼外自爲一地而黔夷則雜居於漢民之中且山深箐密險寫更倍蓰也其遣將也又能知人善任初爾泰閱兵貴州奇游擊哈元生才攜赴東川委以烏蒙鎮雄之事元生故材武膽智絕人感爾泰知遇奮冒矢石屢立戰功洊擢大將平靖西南元生之績最多自改土歸流之策行用兵凡六年開闢苗疆數千里有貴州全省之半同時廣西諸土官亦先後繳勅印納軍械滇桂黔川湘粵諸省悉以平定又兼定瀾滄江以東地以普洱爲府餘威震及緬甸諸國至是大功告成帝嘉爾泰之績召入爲軍機大臣並命爲保和殿大學士兼兵部尙書錫封襄勤伯

綱秋八月額駙策凌追擊準噶爾於額爾德尼昭大破之 圖噶爾丹策零自兵敗三音諾顏後親率大軍潛至杭愛山掠哲卜尊丹巴胡土克圖之地時哲卜尊丹巴已徙帳多倫泊空無所得而探知額駙策凌軍赴本博圖山遂率衆襲擊其帳於塔密爾河盡掠子女牲畜額駙中途聞警卽返旆馳救並告急於錫保請師夾攻又檄大將軍馬爾賽出師邀擊馬爾

如從天  
而下

額爾德  
尼昭之  
戰

革岳鍾  
琪職

賽閉關不出時策凌部下有脫先渾者能書夜行千里每登高嶺輒以兩  
手張其衣若阜雕鼓翼而立故敵人遠望不能見而能盡得敵人形勢虛  
實歸報遂嚮導蒙古兵三萬繞間道出山背如風如雨天明卽至如從天  
而下敵夢中起人不及弓馬不及甲追殺兩日夜敵大敗而西援師不至  
沿途轉戰十餘次追至杭愛山之額爾德尼昭卽古燕然山之南麓其地  
右阻山左迫水道狹不能容大軍又橫亘以大刺麻寺兵無走路策凌遂  
麾兵薄險進蹴之呼聲振大漠敵三萬人擊斬其半濟墜溺死者又半河  
水爲赤我兵僅傷數十餘人以無援兵夾攻噶爾丹策零遂得乘夜突圍  
遁去詔錫封策凌爲超勇親王諸將爵賞有差

綱多十月革大將軍岳鍾琪職交部拘禁

圖鍾琪故康熙名將岳昇龍

之子由同知改授松潘遊擊累遷永寧副將康熙末隨大將軍允禩及年  
羹堯征西藏有功擢四川提督雍正元年青海羅卜藏丹津寇西寧年羹  
堯奏調爲參贊大臣相機勦撫自松潘至西寧五千里內以肅清聞尋加  
奮威將軍出西邊青海平封三等公歷授甘肅提督巡撫俄拜川陝總督  
加太子少傅與滇督鄂爾泰會剿土司事定換雙眼翎晉少保旋拜寧遠

鄂爾泰奏  
參奏岳  
鍾琪

交部拘  
禁

開採肅  
州硫磺

大將軍征準噶爾為別將遲發致賊竄被劾本年三月大學士鄂爾泰等參奏鍾琪身為大將軍專制邊疆賊夷以五六千人從無克克嶺

天山東北支脈為今

鍾西及迪化縣界

入我卡倫侵犯哈密岳鍾琪智不能料敵於平時勇不能殲敵於

臨事律之軍法百喙難辭應削去公爵並革宮保世職暨總督職銜得旨岳鍾琪削去公爵並革宮保降為三等侯仍留軍營戴罪立功六月召岳鍾琪還京其寧遠大將軍印命署陝西總督查郎阿署理副將軍張廣泗護理至是鍾琪至京着即革職交兵部拘禁

**附記**

鍾琪總督川陝時即謗言四起讒譖於帝者不絕有訛言其將起兵叛清為年羹堯復仇者甚有謂鍾琪係岳飛之後將修宋金之舊怨者及督呂獄起鍾琪雖立擒以

聞荷褒忠赤然而世宗卒以是疑忌倚任不終之原因蓋在於此

十一月賜湖南生員譙衿匾額 湖南沅江縣生員譙衿七世同居

詔賜御書世篤仁風匾額

開採肅州硫磺山礦 本年六月大學士鄂爾泰奉命督撫陝甘經

略軍務至是奏言肅州嘉峪關金佛寺堡之所管汛地內南山隘口抵朱

魯郭迤邐而西有硫磺山一座周圍四五十里徧產硫磺環山遠近並無

番夷住牧若委員開採依法煎熬合算人工運費每淨礦一斛計值五分

馬爾賽  
伏誅

而產額甚多用之不竭請委員開採以利軍需從之

**綱**十二月大將軍馬爾賽有罪伏誅 **目**額爾德尼昭之戰噶爾丹策零

突圍出繞山遁推河盡棄輜重牲畜塞滿山谷以阻我師策凌急檄大將軍馬爾賽於拜達里克河令出兵邀其歸路副將軍達爾濟整兵待發馬爾賽不許翌日將士自開城追之擊斬千餘而敵酋已從前隊過於是詔斬馬爾賽於扎克拜達里克軍營以徇並黜順承郡王錫保爵令在軍前戴罪效力

命各省  
立書院

**綱**癸丑十一年春正月命各直省設立書院

**綱**命大學士鄂爾泰往北路軍營經略軍務

詔撤回  
藏守兵

**綱**三月詔撤回西藏及叉木多防守之兵 **目**帝以準噶爾既敗力蹙勢

窮不能遠涉藏地貝子頗羅鼐輸誠效力唐古特之兵亦較前氣壯見今藏地無事兵丁多集則米穀錢糧一切費用等項雖給自內地而唐古特人等不免解送之勞命將從前防守之兵撤回僅留五百名駐防

方苞

**綱**夏四月以方苞爲內閣學士 **目**方苞初以載名世南山集案被逮入

獄聖祖赦而用之命以白衣入直南書房至是以武英殿總裁擢居是職



綱禁民間刊刻書籍改避胡虜夷狄等字。目諭內閣朕覽本朝人刊寫

書籍凡遇胡虜夷狄等字每作空白又或改夷爲彝虜爲鹵之類揣其意蓋爲本朝忌諱以明其敬慎不知此固不敬之甚者也孟子曰舜東夷之人也文王西夷之人也夷之字樣不過方域之名自古聖賢不以爲諱至以虜之一字加之本朝尤爲錯謬漢唐宋元明邊烽不息每於不能臣服之國指之爲虜我滿洲居東海之濱若言東夷之人則可今普天之下率土皆臣雖窮邊遠徼猶不忍以虜視之惟準噶爾背天逆命自棄於王化之外或可呼之爲胡虜耳總之帝王承天御宇中外一家上下一體未可以絲毫形迹相歧視者也嗣後臨文作字及刊刻書籍如仍蹈前轍將此等字樣空白及更換者照大不敬治罪

綱五月大清會典成

綱六月命直隸總督李衛往古北等處閱兵。目李衛往古北宣化等處

閱兵直隸總督由顧琮暫署

綱甲寅十二年春三月河南學政俞鴻圖有罪伏誅。目以受賄營私故也

禁廣東  
編象牙  
席

湖南土  
司呈請  
改流

詔罷準  
噶爾兵

○夏四月禁廣東編製象牙席。○諭曰朕於一切器具但取樸素適用不尚華麗工巧屢降諭旨甚明前廣東曾進象牙席朕甚不取今則獻者日多夫以象牙編織爲器或如團扇之類其體尙小今製爲坐席則取材甚多倍費人工開奢靡之端矣着傳諭廣東督撫若廣東工匠爲此則禁其毋得再製若從海洋而來從此屏棄勿買則製造之風自然止息。

○六月湖南忠峒十五土司呈請改流許之。○湖廣總督邁柱奏忠峒宣撫司田光祖等十五土司齊集省城呈懇歸流因見永順保靖桑植諸處改土以來土民安輯各得其所今土衆等既不甘土弁之魚肉而土弁又不能仍前彈壓是以激切呈請歸流得旨忠峒等土司望風歸嚮願入版圖朕俯念輿情准其改流其一切善後事宜著邁柱詳議具奏。

○秋八月詔罷征準噶爾兵。○自額爾德尼昭之戰噶爾丹策零知喀爾喀之未易犯而清軍之未可輕敵也始屈意遣使請和而帝以兩路大兵暴路已久又嘗奉聖祖密諭言準地遼遠我往則我師徒勞彼來則彼師疲困惟誘之使來以便邀擊故亦無復深入犁庭之志及是準部既遣使請和乃降旨罷征遣侍郎傅鼐及學士阿克敦報之接商和款噶爾丹

準部兵  
事告一  
結束

貴州台  
拱苗叛

手刃妻  
女而後  
出戰

策零欲得阿爾泰山故地。額駙策凌堅持不可。自是往復爭論。至乾隆二年始定議。以阿爾泰山爲界。厄魯特游牧不得過界東。喀爾喀游牧不得過界西。而準部兵事始告一結束。計自康熙五十六年至此。先後糜餉凡七千餘萬。始粗定和局云。

乙卯十三年夏四月。停旌表烈婦例。

五月。貴州台拱苗叛。以貴州提督哈元生爲揚威將軍。統四省兵討之。先是。爾鄂泰之用兵貴州諸苗也。祇及古州清江。未及台拱之九股苗。而有司輒稱台拱願內屬。巡撫元展成。又易視苗事。遽於雍正十年。設大營。駐兵台拱。時秋稼未收。苗人佯聽版築。而日夜刈穫。穫畢。卽傳集上下九股數百寨。苗叛圍大營。並扼險以拒餉道。營中樵蘇皆斷。死守彌月。援至始解。此一事也。十三年。台拱苗以官吏徵糧不善。苛收暴斂。激生變端。遠近各寨。遍傳木刻謠言。四煽省城。大吏不之信。此又一事也。是時成苗兵隊。又縱弛無紀律。甚且略賣其妻女。苗人益大憤。日集清江台拱間。謀起兵抗拒。各寨蜂湧。志甚堅決。甚有手刃其妻女而後出戰者。其鋒不可當。苗又探知內地防兵半戍苗疆。各城守備空虛。於是乘間大入。陷凱

哈元生  
討台拱苗

董芳會  
討台拱苗

張照  
撫苗大臣

里在黔中道陷重安江驛今爲縣陷黃平州今爲縣陷岩門司今爲縣陷清平縣今爲縣餘

慶縣焚掠及鎮遠思州而鎮遠府治無城人心洶懼台拱清江各營汛亦多爲叛苗誘陷亂氛四起本省兵徵調殆盡奔救不遑驛路四隔省城戒嚴詔以貴州提督哈元生爲揚威將軍統領四省官兵討之

○六月以湖廣提督董芳爲副將軍命率師會勦台拱苗 ○諭王大臣等黔省逆苗不法擾害黃平一帶哈元生等領兵進剿逆苗雖聞風逃遁惟黨羽衆多地方遼闊現調四省官兵甚多滇黔之兵從上游前進湖廣之兵從下游前進其中相隔路遠哈元生調遣難周湖廣提督董芳熟悉苗地情形著授爲副將軍一切剿撫機宜與哈元生和衷協力共同辦理以副朕委任之至意

○秋七月以張照爲撫苗大臣免大學士鄂爾泰職 ○自苗亂再起攻

城掠地勢至猖獗諸將發兵進剿一時未能收功帝復命張照爲撫定苗疆大臣令卽往滇節制諸軍照本文臣不知邊事既至滇密奏改流非計且致書諸將首倡棄地分兵之議以故諸軍雲集滇黔間號令不一而中外畏事大臣相率附和遂謂前此苗疆不可闢現時苗疆不可守爭歸咎

於鄂爾泰改土歸流之爲非計。鄂爾泰以前功不成，自請罷斥。帝令給假養病，削去伯爵，而苗疆改土歸流事幾致全局翻變。

綱八月丁亥，帝不豫。己丑，帝崩。帝在位十有三年，壽五十有八。諡曰憲皇帝。廟號世宗。清有天下，至是蓋八十年矣。先是康熙之末，力崇寬大，以收人心，蠲租賜復，幾無虛日。州縣玩愒，百事廢弛。世宗知其然也，故即位伊始，矯之以嚴峻。上自督撫大臣，下至州縣小吏，均發數千言諭旨，而以行政之緊縮與整頓爲歸。凡有章奏，皆親筆批覽，或秉燭至深夜所批，動輒數千言，少亦數百言，無不洞中窾要。萬里之外，有如覲面。嘗語諸王大臣曰：卿等須知今日之巍然在上者，非尋常生長深宮之主，乃三十年在外歷試諸艱，備知情僞之雍親王也。但能常存此心，庶可常取恩眷。聞者皆悚息，不敢少縱。因是朝野震恐，綱紀肅然。吏治之隆，以雍正朝爲極。盛其時有一最驚人者，政策則邏察之密布是也。帝之始即位也，異說繁多，允禩、允禩等黨徒四布，造作流言，譏刺宮禁。帝因廣布偵探，嚴加邏察。朝野細故，無不上聞。舉國惴惴，如履春冰。卽在私室，亦無敢戲語。其邏察之手段，凡三一：多派密探，偵察隱微。雍正某年元旦，狀元王雲錦退朝，與

葉子戲

帽勿汚新

內閣藍某

刑部匾額

健僕

友人約弄葉子戲業已數局忽失一葉徧求室中不得遂罷後見帝帝問元且以何事消遣雲錦以實對帝笑曰不欺暗室眞狀元也袖出一葉還之又有一新官某在途購一帽次日入朝免冠時帝笑謂曰勿汚爾新帽二親出私訪以示不測雍正六年元宵節內閣同僚多歸家役吏藍某獨飲閣中不去忽一偉丈夫至冠服甚麗藍以爲內廷值宿官奉觴致敬偉丈夫欣然就坐問曰君何官曰非官乃文牘處收發吏耳問同僚若干人曰四十人問今夕令節皆歸宿君何獨留曰朝廷公事至重萬一事起意外咎將誰歸問君將來希得何官曰運好能得廣東河泊所官則大幸以該所近海舟楫往來收入較多也丈夫笑而領之又傾數杯去翌日帝視朝問諸大臣廣東河泊所官如有缺卽着內閣僱傭藍某補授諸大臣皆驚又帝嘗密將刑部大門匾額取下卽以匾額有無質之部員部員皆以有對帝命昇出匾額示之謂額在此已久汝輩尙未知平素出入疏忽可想因大加詰責三派遣間諜刺探地方官按察使王士俊赴河東將出都大學士張廷玉以健僕薦供役頗謹士俊甚器之及任滿入都僕忽辭去士俊訝詰之曰吾侍衛某也帝命吾隨汝汝數年居職無大咎吾先入都

伶工

復命爲汝先容矣。士俊爲之股栗者累日。類此者多。不可枚舉。然帝對於各地官府。既加委用。卽信任不疑。一日帝召伶工某演繡襦記。院本。曲技均佳。帝悅。命賜之食。伶食時。偶問。今任常州守者何人。帝勃然怒曰。汝優伶耳。擅問官守。意將何居。立叱杖殺之。其剛嚴類如此。

**附記**

雍正十三年中。實有清君權極重時代也。承康熙寬大之後。出以嚴厲。卽位之初。立頒十一道諭旨。戒飭各督撫提鎮。語語中窻。如見肺腑。且又偵騎四出。刺探隱事。迅

雷之戒。不及走避。一時弊絕風清。至其駕取人材。整飭吏治。訓誡之嚴。考察之細。爲千古所僅見。誠不媿一代專制之雄主矣。惟兄弟鬩牆。肆行辱德。年羹堯。隆科多等。又慘被株連。讀

姜家大被之文。不禁爲之慨嘆云。

乾隆元年

復鄂爾泰職

以張廣泗總理苗疆

**綱**皇太子弘曆卽位。詔以明年爲乾隆元年。**目**世宗大漸時。詔立皇四子寶親王弘曆爲皇太子。並召莊親王允祿。果親王元禮。及大學士鄂爾泰。張廷玉入受遺詔輔政。至是太子卽位。詔以明年爲乾隆元年。

**綱**詔復大學士鄂爾泰職。**目**諭奉遺命。鄂爾泰前因病解任。今旣受詔輔政。著卽回復原任。又諭奉皇考諭旨。張廷玉。鄂爾泰俱配享太廟。卽將此旨繕入遺詔。

**綱**召撫苗大臣張照回京。以張廣泗總理苗疆事務。**目**張照奉命至苗疆。首倡棄地分兵之議。且袒董芳。專主招撫。與哈元生。齟齬。楚粵官兵皆

七省經  
略

逐道士  
王定乾

召王士  
俊來京

隸芳麾下。旋議分地分兵。施乘以上用滇黔兵。隸元生。施乘以下用楚粵兵。隸董芳。於是已進之兵紛紛更調互換。而哈元生、董芳遂欲將村寨道縣盡畫上下界。文移辯論致大兵雲集數月。曠久無功。苗人乘間復四出焚掠。清平黃平施秉間紛紛告警。官軍顧此失彼。疲於奔命。是時畏事諸臣爭咎前此改流非計。全局幾盡翻變。會世宗崩。帝卽位。乃命召張照還授張廣泗、雲貴兩廣川鄂湘七省經略。督諸軍進剿哈元生以下。咸受節制。旋逮張照、董芳、哈元生及展成入京治罪。廷議擬斬。帝愛照文學。特予寬釋。餘均免死。發邊効力。

○逐道士張太虛。王定乾。世籍。○太虛定乾等當世宗在位時。以爐火修鍊之說供奉西苑者也。至是諭內務府驅逐回籍。

○冬十月。詔釋圈禁宗室。

○十一月。召河南總督王士俊來京。以富德爲河南巡撫。○諭謂河南

地方自田文鏡爲巡撫總督以來。苛刻搜求。以嚴厲相尙。屬員又復承其意旨。剝削成風。豫民重受其困。卽如前年。匿災不報。百姓至於流離。蒙皇考降旨嚴飭。遣官賑恤。始得安全。此中外所共知者。乃王士俊接任河東。



不能加意惠養且擾亂紛更以爲幹濟借墾地之虛名而成累民之實害彼地民風淳樸竭蹶以從罔敢或後誠屬可嘉然先後遭督撫之苛政其情亦可憫矣王士俊著解任來京候旨河南仍照舊例止設巡撫卽著工部侍郎富得補授

綱十二月詔纂八旗氏族通譜

綱詔除契紙契根法 目自田文鏡創爲契紙契根之法豫用布政使印信發給州縣行之既久書吏夤緣爲奸需索之費數十倍於從前甚爲閭閻之累至是帝諭民間買賣田房例應買主輸稅交官官用印信鈐蓋契紙所以杜奸民捏造文券之弊原非爲增國課而牟其利也自田文鏡創爲契紙契根之法閭閻大受其累不可不嚴行禁止嗣後民間買賣田房著仍照舊例自行立契按則納稅地方官不得額外多取絲毫將契紙契根之法永行禁止

綱殺會靜張熙 目先是帝於既位之次月卽頒諭旨曰會靜大逆不道雖置之極典不足蔽其辜乃我皇考聖度如天曲加寬宥夫會靜之罪不減于呂留良而我皇考於呂留良則明正典刑於會靜則屏棄法外以呂

沼除契  
紙契根  
法

殺會靜  
張熙

留良謗議及於皇祖而曾靜止及於聖躬也今朕紹承大統當遵皇考辦理呂留良之例明正曾靜之罪著湖廣督撫將曾靜張熙卽行鎖拿解京候審毋得疏縱洩漏至是逮至京殺之天下大震曾張戚屬咸慄慄危懼明年五月詔免曾靜張熙戚屬緣坐其案始結

綱纂修明史成 圖大學士張廷玉等所撰凡三百三十六卷是書自康熙十七年命博學鴻辭諸臣分纂至是始成書先後凡六十年張玉書任志書陳廷敬任本紀王鴻緒任列傳列傳稿先成表上之是爲明史稿雍正元年命廷玉爲總裁乃因其稿增損成帙至乾隆時始刊行之體例整齊頗爲史家所稱

清鑑綱目卷六終

清鑑綱目卷之七

鹽城印鸞章編輯 金式陶 張延壽 趙雪 胡應庚 校訂

高宗純皇帝 名弘曆世宗第四子母孝聖憲皇后紐祜祿氏初封寶親王即位後建元乾隆在位六十年又內禪四年壽八十有九歲

東華錄曰高宗以康熙五十年八月十三日生於雍和宮邸天挺奇表珠庭方廣隆準頤身發音鏗洪舉步嶽重規度恢遠灑然拔萃六歲就傅受書於庶吉士祚敏過目成誦課

必兼治康熙壬寅年十二謁聖祖於圓明園之鏡月開雲見即驚愛命宮中養育撫視周擊命學射於貝勒胤禛學火器於莊親王胤祿肄輒精能其年秋隨侍聖祖巡幸避暑山

莊賜居萬壽松風讀書其中獅子嶺北為世宗藩邸扈蹕時賜圍聖祖幸園中進膳特命孝敬憲皇后率孝聖憲皇后問安拜觀天顏喜溢連稱有福之人以上故豫信也雍正元

年次辛祈穀禮成為世宗登極初次大祀之典召上入養心殿賜食一贊意存為他日付託之本秋八月御乾清宮密書上名緘固召諭諸王大臣敬藏世祖所書正大光明匾額

碩寶親王旋命綜理軍機諸大計雍正十三年世宗不豫上與和親王弘晝朝夕謹和

疾大漸召莊親王胤祿果親王胤禮大學士鄂爾泰張廷玉等入受顧命己丑世宗崩上遂即位

綱丙辰乾隆元年春正月準噶爾噶爾丹策零遣使入覲並貢方物

綱二月封密理親王允祜之子弘曠孫永璫為輔國公

綱起用楊名時為禮部尚書兼國子監祭酒 國名時字賓實江陰人世

宗時為雲貴總督以布政使李衛恃寵驕倨常裁抑之衛不能平後名時

以洱海為滇中巨浸歲久積壅頗為民患奏清疏洩或有効名時妄興大

工圖侵帑項者世宗大怒命朱綱代為總督偕侍郎黃炳往鞠之綱至復

噶爾丹策零遣使入貢 起用楊名時兼國子監祭酒

留滇七年

張廣泗攻破貴州苗

効名時徇隱廢弛縱屬吏虧倉穀剝民無忌有旨命綱嚴訊綱故衛私黨預治刑具以待將訊軍民數萬洶洶集牙門外曰楊公受刑吾輩唯有反耳綱氣懾而止既訊無所得猶以收受鹽規銀論絞鹽規銀者即名時奏為疏治洱海費者也人皆為名時危名時讀書治經夷然如平時獄上世宗亦知其無罪特詔寬免名時留滇七年清貧至不能舉炊及帝嗣位甫旬日即起名時於滇南士大夫知與不知皆驚喜相告滇人士相率祖道羅拜繼之以泣至環馬首不得前正月至自滇以禮部尚書入教皇太子侍直南書房兼管國子監祭酒而不領部事時帝銳意圖治且在藩邸素知名時才名時亦感帝知遇將盡所學以報薦莊亨陽字復齋福建南人秦蕙田字樹並刊板聽諸生摹印得旨允行是年七月卒時年七十七贈太子太傅入祀賢良祠賜諡文定

綱三月頒十三經二十一史於各省會及府州縣學

綱經略張廣泗圍攻貴州牛皮箐苗寨大破之苗亂平 目張廣泗受命

為七省經略即調全黔兵集鎮遠以通雲貴大路簡選將士面授方略以

牛皮大箐

七省苗亂平

逮王世俊下獄

精兵四千餘攻上九股四千餘攻下九股而自率五千攻清江下流各寨

刻期並舉號令嚴明所向克捷是年復增兵為八路定圍攻之策苗衆盡

竄入牛皮大箐箐圍苗巢之牛盤北丹江清廳今爲縣屬黔中道南古州西都勻今黔中道

牛箐八寨清廳今爲縣屬黔中道東清江台拱互數百里實一大森林也上則危巖切

雲下則泥潦沒脛露霧雨冥蛇虺所國雖苗蠻莫測其深遂恃官軍不能

至以爲盤據地廣泗築長圍困之許其黨自相斬捕除罪由是黨魁罔漏

俘馘萬計其飢餓顛隕死厓谷者不可勝計六月復乘勝搜剿餘黨凡燒

千二百二十四寨赦三百八十八寨獲兵仗無算於是滇黔川桂湘粵七

省苗亂悉平奏請設九衛屯田養兵以戍之後復陳奏苗疆善後事宜一增設官兵一設立縣郡一移殖漢民帝以苗疆之事可省而可察若郡縣其地而移殖漢民以反

覆靡常之苗人一旦蠢動漢民無辜並受其荼毒矣噫卒不行

○秋七月立皇太子 帝仍遵世宗成式親書密旨著總理事務王大

臣親看宮中總管太監收藏於乾清宮正大光明殿匾額之後

○逮四川巡撫王士俊下獄 初世宗朝政令繁苛專事刻覈中外爲

之騷然帝卽位欲拯其弊而矯枉過正因寬成玩諸事遂日形廢弛士俊

密摺痛陳其害略謂近日條陳惟在翻駁前案甚則對衆揚言有止須將

能翻前  
案即是  
好條陳

親試博  
學鴻詞

朱軾卒

先帝時事翻案。即係好條陳之說。傳之天下。甚駭聽聞。帝覽疏。震怒。命逮士俊。來京。交法司嚴審。嗣定為斬監侯。然自是用法日趨於繁密。疊興大獄。其為閭閻之擾。反視雍正中有過之無不及矣。

親試博學鴻詞一百七十六人於保和殿。取十五人一等劉綸。字

潘安禮。字立夫。號東山。諸錦。字襄七。號草廬。于振。字鶴泉。號秋田。杭世

駿。字太宗。號董浦。俱授翰林院編修。二等陳兆崙。字星齋。號甸山。劉玉麟。後名

夏之蓉。字芙蓉。號體谷。周長發。字闡坡。號石帆。程恂。字傑也。江

楊度汪。字若千。號助齋。沈廷芳。字晚叔。號椒園。汪士鏗。字君宣。號筠川。陳士璠。字

齊召南。字次風。號瓊華。授庶吉士。

九月大學士朱軾卒。軾與桐城方苞交最善。嘗同直內閣。衆既退。

坐必下之行。必後之。苞固辭。軾曰。世爭為市道交。即此可示之以禮矣。至是卒。遺疏有曰。國家萬事。根本君心。政之所先。莫如理財用人。臣核國儲經費。綽然後有言利之臣。倡議加增。乞聖明嚴斥。至於用人。邪正公私。幾微之際。尤易混淆。在審擇君子小人。而進退之慎之。又慎。此臣垂死時芻蕘之獻也。奏上。上震悼。命輟朝一日。贈太傅。入祀賢良祠。賜諡文端。

封安南國王

綱丁巳二年春二月安南國王黎維祜卒封其嗣子黎維禕為安南國王  
黎維祜卒嗣子黎維禕遣使告哀附貢方物帝遣翰林院侍讀嵩壽  
修撰陳倓册封黎維禕為安南國王

綱夏四月釋傅爾丹陳泰岳鍾琪於獄

以鄂爾泰張廷玉為軍機大臣

綱十一月以大學士鄂爾泰張廷玉尚書訥親海望侍郎納延泰班第為  
軍機大臣 綱軍機大臣之設自世宗創之國初議政大臣雖為樞密要

軍機大臣之由來

任然開國以來將百年名卿碩輔代謝既盡後來諸王大臣半皆貴胄世  
爵不諳世務世宗在藩邸時習知其弊即位之始即設立軍機處以奪議  
政之權自此以後議政兩字僅為滿大臣之兼銜乾隆時乃並其空名而  
去之矣軍機之領袖曰軍機大臣擇閣臣及六卿勤幹習政體者兼攝其  
事簡內閣侍讀中書及六部曹郎以為之僚屬命之曰章京章京滿洲語  
司員之稱於  
是滿大學士鄂爾泰漢大學士張廷玉裒然膺首選為當國重臣蓋自順  
治至是幾百年而漢大臣始有執政柄者亦漢人權力漸伸之一徵也軍  
機直廬在乾清門外西偏隆宗門內北室三楹大臣居之南室一楹章京  
居之寅卯而入辰巳而散日以為常大臣不分滿漢而章京則滿漢各半

大臣不分滿漢



實權反  
在漢員  
之手

政權悉  
歸軍機

封朝鮮  
世子

李衛病  
免

滿章京唯司翻譯清文而已其撰擬諭旨登記擋冊皆漢章京司之滿章京不諳文理者多故實權反在漢員之手斯亦政界中特別之現象也凡軍國重事密詔各部院各督撫者軍機處函封鈐印由驛徑遞謂之廷寄不復經由內閣故無延閣洩漏之患世宗猶病題本不密於時命內外臣工以要事陳奏者皆不以本而以摺封章密奏直達御前乙覽既周擇其應行應駁者授軍機大臣行之稍機要者輒留中不發外間無從窺伺蓋至是而通政一司亦等閒曹矣軍機處既立政權悉歸軍機至是帝特命大學士鄂爾泰張廷玉尙書訥親海望等爲軍機大臣

○戊午三年春正月封朝鮮國王李昉子愷爲世子 ○時愷年未及歲未得冊封之例惟李昉以遲暮之年而愷知識漸長輿情所在願名位之早定奏請冊封至是遣散秩大臣祥泰內閣學士岱奇往冊封之

○夏五月貴州定番州苗滋事總督張廣泗討平之

○冬十月直隸總督李衛有病免以吏部尙書孫嘉淦爲直隸總督

李衛爲世宗所最倚任之能臣初世宗所倚任之臣鄂爾泰張廷玉外則爲田文鏡及李衛二人其所以獲蒙信任之故則以康熙季年允禩允禵

以技擊  
武術奔  
天下

稽曾筠  
卒

馬齊卒

之黨蝸蟻於上呂留良曾靜之徒譁張於下往往布散流言熒惑衆聽於是民間不逞之徒如竇爾東甘鳳池輩皆以盜賊之行而冒爲游俠之名以技擊武術奔天下甚至王公貴人亦倒屣迎之徒黨衆多蟠踞中外遼碣閩廣聲息相通苟不亟爲捕治其勢將蔓延而不可制一時科甲文臣皆狃於故常姑息因循不敢於例外爲非常之舉衛及文鏡皆起家簿尉深悉羣盜中情僞與其黨類蟠結之迹及其難易堅脆之故且時時斥私財蓄養勇悍智計之士爲其爪牙故盜中動息無不知者每有密詔指名令捕某盜無不尅期就獲一時大猾捕治幾盡故衛初爲浙江巡撫時世宗特命其管理江蘇全省盜案未幾擢爲直隸總督始終倚任不爲浮言所惑至是衛因病解任尋卒予諡敏達

○已未四年春正月大學士稽曾筠卒 ○曾筠在官視國事如家事久

任河道總督懋著勤勞帝深信之至是以痰疾卒予諡文敏

○三月予告大學士馬齊卒 ○齊歷相三朝名望夙重舉朝大臣未有

若此之久者卒後帝特命和親王大阿哥永璜公訥親等往奠茶酒

○冬十月莊親王允祿等有罪斥革有差 ○初莊親王允祿與弘皙弘

革允祿  
親王俸

徐士林

楚粵苗  
亂平

昇弘昌弘皎等私相交結往來詭祕至是宗人府議奏請將莊親王允祿及弘皙弘昇俱革去王爵永遠圈禁弘昌革去貝勒弘普革去貝子寧和革去公爵弘皎革去王爵帝命莊親王從寬免革親王仍管內務府事其親王雙俸及議政大臣理藩院尙書俱著革退弘皙革去親王不必在高牆圈禁仍在鄭家莊居住不許出城弘昇照宗人府議永遠圈禁弘昌革去貝勒弘普革去貝子寧和從寬免革公爵弘皎從寬仍留王號永遠住

俸

未幾福寧首告弘皙聽信安泰邪術大逆不道鞠訊得實帝命弘皙及其子孫在景山東菓園永遠圈禁安泰亦坐絞

綱庚申五年夏五月額附策凌奏喀爾喀準噶爾以鄂爾海分界從之

目旋命喀爾喀王與兩路軍營會議撤兵

綱秋七月以徐士林爲江蘇巡撫 目初士林入京帝召對問山東直隸

麥收若何曰旱且萎問得雨如何曰雖雨無益問何以用人曰工獻納者

雖敏非才昧是非者雖廉無補帝深然之補江蘇布政司尋授江蘇巡撫

綱冬十二月楚粵苗亂平 目湖南苗匪復亂帝命張廣泗剿之並飭湖

廣提督杜愷廣西提督譚行義會剿苗獠時楚粵自提督總兵以下俱受

張廣泗節制八月譚行義奏擒獲首逆苗境悉平隨命前往楚省商辦軍

賜鄂善死

趙國麟罷

始幸木蘭秋彌

務至是廣泗奏楚粵苗疆悉平

○辛酉六年春三月賜鄂善死擢仲永檀為僉都御史

○御史仲永檀奏參提督鄂善受賄帝親訊得實初帝以鄂善為世宗所信任欲治仲永

檀誣陷大臣罪命和親王怡親王大學士鄂爾泰張廷玉徐本尚書訥親

來保查審一訊而得實帝復親訊之鄂善亦自認帝垂淚諭之曰爾罪按

律應絞念爾曾為大臣不忍明正典刑然汝亦何顏復立人世乎宜有以

自處也遂賜自盡超擢仲永檀為僉都御史

○夏六月大學士趙國麟罷

○初鄂喜以納兪長庚賄賂獲罪仲永檀復以得諸于枋之言參奏大學士趙國麟等弔奠兪姓嗣審知匪實國麟

因具奏辭職

奏稱以蒙恩坐論之崇班而被以跪拜細人之醜行事有流弊宜防其漸數有往復當保其終明季言路與政府各分門戶互相擠排網紀浸以大壞在今日

樞無旁撓言無偏聽審為未然之慮不弛將至之防乞持降諭旨明示天下以超擢仲永檀為獎

其果敢宥其冒昧嗣後凡詆斥大臣按之無實者別有處分則功過不相掩而實罰無偏曲

帝慰留之至是前給事中盧秉純復奏劾國麟帝雖不以其加罪而以其

模稜依違毫無建白命降二級調用盧秉純亦革職治罪

○秋七月始舉秋彌

○帝奉皇太后幸木蘭行圍御史叢洞疏諫不聽

自是每歲七月畋於木蘭至九月或十一月始還京師初帝慕蘇州風景

欲南巡使大學士訥親往浙江查道覆奏曰蘇州城外惟虎邱稱名勝實則一墳堆之大者城中街道臨河河道仄逼糞船壅集午後輒臭不可耐不足以言風景也帝聞之遂止

徐士林卒

○徐士林清勤自勵雖身歷華膺而

處已儉約不殊寒素卒後詔入祀京師賢良祠時人以爲異數士林嘗聽訟飢家人供角

黍且判且啖既頓盡赤蓋誤殊爲飭華筋突下不復能辨晚坐白木榻一燈熒然手批目覽雖除夕而辰勿輟幕下客憫之治具觴之亦猛噉不問是何精膳蓋平素精神惟知愛民憂國而已

徐元夢卒

○元夢知名早仕宦垂六十餘年惟剛介

負氣不爲威怵初以不附明珠爲珠黨所陷得罪幾死聖祖旋知其任命

入南書房浸至大用至是卒賜諡文宣

○十二月大學士張廷玉請解部務不許

○廷玉桐城人故大學士張

英子康熙時入翰林由洗馬五遷至刑部侍郎世宗嗣位初政殷煩廷玉

承奉記注精敏稱旨擢尚書拜大學士西北軍興創立軍機處規程皆廷

玉所手定漢大臣中柄用之專與滿大臣鄂爾泰均嘗與爾泰同相世宗

倚任之隆賞賚之渥漢廷臣皆莫能及泊帝卽位以廷玉曾與爾泰同受遺命輔政贊襄匡弼帝深倚畀二年十二月由三等子晉封爲三等勤襄

張廷玉請解部務

桐城張  
姚二姓

劉統勳  
奏劾大  
臣

詔釐定  
樂章

伯然廷玉雖持躬謹省而家門大盛子若澄皆列清華躋顯要姻戚更相依附當時有桐城張姚二姓占卻半部搢紳之諺又是時滿漢分黨滿黨歸附鄂爾泰漢黨則多趨向廷玉往往互相傾軋激生事端至是左都御史劉統勳奏大學士張廷玉歷事三朝小心敬慎然大名之下責備恆多勳業之成晚節當慎外間輿論動云桐城張姚兩姓占卻半部縉紳此盈滿之侯而傾覆之機所易伏也請敕下大學士張廷玉會同吏部衙門將張姚二姓果係親房近支累世密戚見任之員三年之內停其升轉又奏尙書公訥親未及強仕之年總理吏戶兩部入典宿衛參贊中樞兼以出納王言趨承禁闈即使精力有餘亦苦分身乏術如或精神勞憊必致玷誤宜量行減省等語帝恐言官以參劾大臣爲倖進之階以疏示廷臣廷玉因請解部務帝不允其後廷玉以世宗遺旨令其配享太廟爲請帝斥爲要挾削去伯爵以原銜致任幾至恩禮不終一如統勳所言

○壬戌七年夏四月命莊親王允祿尙書三泰張照管理樂部  
○先是帝以朝會樂章句讀與樂音不相比合敕莊親王及張照等釐定尋合疏言律呂正義一書編摩未備請重修正義後編其壇廟朝廷樂章應將新

舊所定并朱子六經圖及明朱載堉樂書式考定宮商字譜備載於篇使律呂克諧神人和協從之至是遂有是命

綱冬十二月大學士鄂爾泰有罪免

鄂爾泰以其子鄂容安

字休如號虛亭

曾向仲永檀私探留中密奏爲御史所劾初爾泰曾奏保仲永檀品行端正至是帝命將鄂爾泰交部議處爾泰以是坐降二級留任仲永檀鄂容安並革職永檀尋疾故

綱癸亥八年春正月詔安插準噶爾降人於寧古塔

綱二月御史杭世駿對策忤旨革職

帝考選御史試以時務策杭世

駿對策有意見不可先設畛域不可太分滿州賢才雖多較之漢人僅十之三四天下巡撫常滿漢參半總督則漢人無一也何內滿而外漢也三江兩浙天下人才淵藪邊隅之士間出者無幾今則果於用邊省之人不計其才不計其操履不計其資俸而十年不調者皆江浙之人豈非有意見畛域等語帝大怒降旨詰問世駿尋革職

綱冬十月定大臣乞休舉賢自代例

諭在昔蕭何相漢終舉曹參羊

祜佐晉亦進杜預薦賢自代青史稱焉是以宋有詔觀察使薦忠勇自代

鄂爾泰  
有罪免

杭世  
駿職

定大臣  
舉賢自  
代例

以史貽  
直爲大  
學士

張照卒

鄂爾泰  
卒

之條金有勒宰相奏賢良自代之諭其以明歲爲始凡大臣自陳罷斥者令各舉德行材能堪以自代之人隨疏奏聞但不得舉同列及位在己上者著爲令

綱甲子九年春正月以史貽直爲文淵閣大學士兼吏部尙書 圖初貽

直總督湖廣時苗衆屢竊發蒲寅三鳳老一狙獷爲渠魁貽直至簡軍實嚴守備待芻廩若無暇爲翦滅計一日密檄鎮將提勁兵二千入山剿捕蒲鳳就擒黨惡者無遺種或問之曰吾前故遲之使不爲鋌走備且密審其山川阨塞及栖遁所由也及入爲正卿每遇庭議貽直徐出一言洞中肯綮常言天下辦事人多解事人少深刻非明縱弛非寬交際非私協恭非黨時論韙之

綱乙丑十年春正月刑部尙書張照卒 圖照才品優良兼諳法律尤工

書卒後贈太子太保吏部尙書諡文敏帝製懷奮詩列照五詞臣中有云書有米之雄而無米之略復有董之整而無董之綱蠶

之後一人舍照誰能若即今即其蹟宛似此于昨精神貫注深非人所能學其見重如此

綱夏四月大學士鄂爾泰卒 圖爾泰以滿洲舉人受知聖祖世宗寵任

尤至當總督雲貴時建改土歸流之策世宗大悅命兼督廣西經理三省



面兼春秋氣

鳴爾丹策零卒

苗疆事宜及改流功成入為內閣大學士兼兵部尚書封一等襄勤伯信任無與倫比每一具疏世宗必嘉獎嘗云朕有時自信不如信鄂爾泰之專及世宗有疾與張廷玉同受顧命輔帝帝即位寵任之專不減世宗爾泰益自勤奮以報帝眷爾泰為人方頤廣額鬚髯若有神色溫而語莊論者謂其面兼春秋氣性明決勇於任事好獎厲名節惡媮合取容以媚世者及為相益以進賢退不肖自任士之有學行者禮之惟恐不至雷鉉莊亨陽任啓運皆一時醇儒爾泰夙聞其名汲汲思一見屬朱軾方苞為之先容三人者皆謝不往爾泰益敬禮之及寢疾鉉舉所知以對爾泰笑曰是皆日往來於吾胸中者也至是卒賜諡文端

**附**

清時滿洲名臣自雍正上溯國初雖不乏人然大抵皆將帥之材當國秉政者半皆不學無術才幹雖兼人而道德文章疎足稱者是以與漢士大夫隔闕而不相親其

有兼資文武而能親體漢士大夫不有隔越之見者惟爾泰一人而已立德立功兩足不朽以視張廷玉之純任機數相去遠矣爾泰姓西林氏故世又稱之曰西林相國

**五月**以訥親為保和殿大學士兼吏部尚書

**冬十一月**定駐藏官兵三年換班例

**準**會噶爾丹策零卒次子那木札勒嗣之

**準**部自噶爾丹以後三世皆梟雄能用眾至是策零死次子那木札勒嗣立童昏無行卒肇內亂

瞻對土  
司之亂

帝以策零死命西北兩路邊卡慎固防守

綱丙寅十一年春正月詔普免各省錢糧一次

綱三月瞻對土酋班滾作亂命大學士川陝總督慶復帥師討之夏六月瞻對平

四川上下瞻對兩土司去打箭爐七日程當鴉籠江上游夾江而居東西各二十餘寨非置重兵不足以資鎮懾川陝總督慶復於明正土司及裏塘土司各要隘均置重兵禦之並招致四瓦述土司投誠效力於是瞻對勢孤未幾上瞻對土司肯朱亦投誠所頑梗抗命者僅下瞻對班滾與四朗耳帝以番民素性狡猾而勢又甚熾欲深加懲創殲滅根株爲一勞永逸之計至是特命慶復帥師往討夏四月慶復連克脈隴岡曲工山梁上谷細等處番寨又以攻克訥洪多溝口由茹色會合渡江破如郎大寨班滾攜眷遠遁命加慶復太子太保諸將各增秩有差五月慶復奏會同內大臣班第努三李質粹合力進攻了魯泥日塞施放地雷破了魯泥日寨班滾姜錯太等均燒斃碉內六月瞻對事悉平

後慶復以誤報班滾及泥

日塞頭目姜錯太焚斃碉內爲張廣泗查實奏聞帝怒於十四年九月賜慶復自盡

綱秋七月帝奉太后西巡幸五台山 改慶都縣曰望都因避堯母名

慶復討  
瞻對

準噶爾  
遣使入  
覲

亂金川之

大金川

小金川

演化禪  
師

也。

○冬十二月準噶爾台吉策妄多爾那木札勒遣使入覲。○那木札勒遣使瑪木特入覲貢獻方物帝命優禮之。

○丁卯十二年春三月金川土司莎羅奔作亂命雲貴總督張廣泗為川陝總督率師討之。○金川者四川西邊諸土司之一也以地得名其川

有二一出松潘徼外西藏地經黨壩而入土司境頗深闊是為大金川一出雪山西麓源較近是為小金川二川皆臨河山有金礦為金沙江上游

亦曰瀘水隋時置金川縣元隸雜谷安撫司萬山叢壘中遶洶溪皮船窄橋曲折一線深寒多雨雪惟產青稞蕎麥番民居焉亦苗種也俗奉喇嘛

教明時部人有哈伊拉木者得中國勅封為演化禪師世有大小金川地後分為兩部居大金川流域者曰促浸居小金川流域者曰攢拉譯言大

小河濱也清世祖時始授小金川酋卜兒吉細以上司職聖祖時復授大金川酋嘉勒巴演化禪師印俾分領其眾其後嘉勒巴孫曰莎羅奔以從

征西藏有功於世宗時授金川安撫使高宗時莎羅奔勢漸強謀併鄰近諸部落奪小金川酋澤旺印復略打箭鑪附近諸土司至是又改革布什

張廣泗  
討金川

孫嘉淦  
仇手及父

竊服其  
膽

咱及明正兩土司四川巡撫紀山遣副將率師救援莎羅奔抗拒官軍並圍攻霍耳章谷千總向朝選死之紀山因奏請發兵進剿帝以張廣泗征苗有功特命移督川陝率師討之

夏四月孫嘉淦以老病乞休許之

孫嘉淦字錫公山西興縣人父天繡以義俠聞鄉里生三子長楨淦爲邑人趙氏子所戕論抵趙富於貲黃緣且脫罪天繡憤欲死嘉淦年甫十八夜入獄執其仇手刃之與仲兄鴻淦一日夜行三百里至會城天甫明門啓而入遭貨瓶盜者仆焉盡碎其器執以詣縣訟未決城中已喧傳孫氏兄弟殺人狀俄而捕者至令解之曰安有越一宿而殺人三百里外者乎事竟得釋家綦貧日樵采山中夜歸讀書以爲常後成進士官檢討世宗之卽位也嘉淦首上封事三曰親骨肉停捐納罷西師時允禩允禔方得罪廷臣皆惕息無敢爲乞恩者嘉淦獨昌言之疏上聞者悉昨舌上召諸大臣責掌院學士某曰爾衙門乃容此狂士耶輔臣朱軾在側徐對曰此生誠狂然臣竊服其膽良久帝大笑曰雖朕亦不能不服其膽也立召見擢司業它日帝手指嘉淦示九卿曰朕卽位以來每事能直言極諫者惟孫嘉淦一人朕不惟不怒且嘉

三習弊疏

悅之爾等當以是人爲法及世宗崩帝卽位召嘉淦爲左都御史嘉淦上三習一弊疏帝嘉納之宣示中外至是以老病乞休許之

○戊辰十三年春正月封十四皇叔允禩爲郡王 ○允禩前在世宗時

獲罪圈禁至帝卽位命釋放家居十餘年來深自悔改至是復封貝勒上朝如故

○二月帝奉皇太后及皇后東巡至德州皇后崩 ○是月帝奉太后及

皇后東巡駐趙北口至曲阜謁孔林至泰安詣岱嶽廟登泰山三月駐濟

南幸鈞突泉侍太后閱兵幸歷下亭回鑾至德州帝在舟中夜讌后在他

舟聞之恐滋事變后素性嚴重雖在行次不忘永巷之規是日至帝舟因

事進諫語頗激切時帝已被酒怒后頗加詬誶后羞忿返失足蹈水死帝

醒乃大悔命莊王和王奉太后緩程回京自留德州親視殯殮畢扶櫬返

京飾終之典視他后獨隆大學士阿克敦以辦理大行皇后冊文中

有錯誤着照大不敬論斬監候旋加恩赦免是年秋湖廣總督塞楞額知府金

文醇以在皇后喪中剃頭皆坐斬江南總河周學健湖廣巡撫彭樹葵亦

以剃頭故皆革職罰修直隸城工刑部尙書盛安因議文醇罪案宜從輕

斬頭皆坐剃

皇后蹈水死

奉皇太后東巡

納親討  
金川

戰碉

以碉逼  
碉

起復岳  
鍾琪征  
金川

下獄論死旋赦免

綱夏四月以大學士訥親爲經略大臣赴四川督軍

目金川土司莎羅

奔作亂帝命張廣泗移督川陝率師進剿廣泗受命後分兩路出師一由川西入攻河東一由川南入攻河西而河西又分四路河東亦分三路七路並進期以年底蕞事然大金川西濱河東阻大山地勢險惡土人又長於防禦能疊石爲壘狀如浮屠高於中土之塔而穴其中名曰戰碉紆徐曲折大小林立難攻易守廣泗初至川用小金川酋澤旺弟良爾吉爲嚮導銳意進兵顧良爾吉又與莎羅奔女阿扣通反偵探官軍動靜密報莎羅奔以故攻戰數月迄無寸進至是帝復命大學士訥親爲經略大臣馳赴大金川督軍訥親既至軍氣凌廣泗上廣泗不悅以軍事委之訥親遂銳意進攻用以碉攻碉之策下令於三日內取噶爾厓然以碉逼碉每得一碉輒傷數百人總兵任舉副將賈國良皆戰死攻戰數月仍無寸進

綱五月起復故將軍岳鍾琪爲四川提督馳赴大金川營秋七月詔褫張廣泗職逮京治罪以大學士傅恆代督其軍

目訥親因任舉賈國良戰

死後始不敢專軍事仍倚廣泗勦敵而廣泗以訥親不知兵又氣凌已上

將相不和

殺張廣泗賜訥親死

更設內閣大學士制

三殿三閣

故以軍事推讓而實重困之將相不和人心解體至是帝起復岳鍾琪爲四川提督馳赴大金川營効力岳鍾琪既至軍密奏廣泗信用良爾吉漏洩軍情訥親亦劾廣泗老師糜餉帝怒命奪廣泗職逮交刑部治罪而以大學士傅恆暫管川陝總督印務是年八月免訥親職以傅恆代爲經略大臣

○冬十二月殺川陝總督張廣泗賜大學士訥親死  
○廣泗被逮至京帝親御瀛臺訊鞫廣泗抗辨不服帝怒命曳出斬之廣泗既死帝命訥親明白回奏而訥親奏中嗷嗷萬言無一要領惟欲急於見帝自陳帝命大學士傅恆訊明端委以其祖遏必隆之刀郵寄軍前賜之死

○更設內閣大學士制  
○諭本朝由內三院改設內閣大學士未有定數康熙年間率用四員至雍正以來多至六員或增置一二協辦嗣後定爲滿漢各二員其協辦滿漢或一員或二員因人酌派又大學士官銜例兼殿閣會典所載四殿二閣未爲畫一其中和殿名從未有用者不必開載著增入體仁閣爲三殿三閣

○己巳十四年春正月經略傅恆提督岳鍾琪舉兵入金川莎羅奔降金

傳恆定  
直擣中  
堅計

岳琦鍾  
輕騎至  
敵巢

金川平

川平 國大學士經略傅恆既至軍盡撤諸方圍礪兵定直擣中堅之計立斬良爾吉阿扣王秋以斷內應增調鄰省兵刻期進剿奏言金川之事從前張廣泗每得一礪卽撥兵防守致兵力日殫殊爲失計擬俟大兵齊集四面布置出其不意直搗巢穴取其渠魁定於四月間報捷

帝以土司小醜勞師二載

誅兩大臣又失任舉良將已不釋于懷及聞其地險力艱不足殫師旅益恨訥親張廣泗之不以實聞也且屢奉皇太后息兵寧邊之諭遂命傅恆班師還朝傅恆以功在重嶺棄之可惜入奏帝恐傅恆守將在外君命有所不受之說復寄諭反覆數千言時傅恆與岳鍾琪分兩路出軍已連克礪塞軍聲

大振莎羅奔懼欲降又恐降而見誅負固未決初西藏之役莎羅奔從征隸岳鍾琪麾下知其軍略又鍾琪督川陝時勘金川爭界甚公且奏給莎羅奔印信莎羅奔甚德之至是聞鍾琪舉兵至大懼遣使請降鍾琪乃請於傅恆輕騎至敵巢諭順逆傅問帶若干人鍾琪曰多則彼疑非所以示信也乃袍而騎從者十三人傅呼直入羣苗衷甲持弓矢迎道左鍾琪目莎羅奔而故緩其轡掀髯笑曰爾等認我否耶衆驚曰果我岳公也皆伏地羅拜爭先導入莎羅奔手茶湯進鍾琪飲之再索因宣布朝廷威德待以不死之意羣苗感泣頂佛立誓椎牛行炙留宿帳中鍾琪大斡如雷次日莎羅奔從鍾琪坐皮船出洞傅恆升幄宣詔赦其死罪二月傅恆捷奏



至京師帝大喜傳恆先已封公晉封岳鍾琪為三等公其參贊諸大臣交部議敘

賜慶復自盡

○秋九月賜大學士慶復自盡 ○以辦理瞻對土司事誤報班滾焚斃

故也 班滾以莎羅奔投誠得邀赦宥至是屢求奉霽寺喇嘛達爾罕堪布具稟代為乞恩帝亦宥之

○冬十一月以尙書汪由敦 字師者休甯人 協辦大學士 ○時大學士張廷玉年

踰大耋前令五日一朝協辦大學士陳大受積勞成疾內閣漢大學士唯

史貽直一人故有是命

○大學士張廷玉罷 ○張廷玉屢乞致仕不允至是以精力銳減允之

廷玉見帝以世宗遺旨配享太廟為言乞帝一言為券初諭旨中有從祀

元臣不應歸田終老之語故以為言帝為之特頒諭旨並成詩一章以安

其心廷玉具摺謝以是早風雪不親至令其子張若澄代奏帝令廷玉明

白回奏旨未下廷玉次早即來帝責軍機漏洩消息解汪由敦協辦內閣

任御史薛澂因奏廷玉詐偽負恩命交大學士九卿議奏尋命削去伯爵

以原銜休致

○庚午十五年春正月以張允隨為東閣大學士兼禮部尙書

張廷玉罷

西巡

額駙策  
凌卒

南巡

西藏之  
亂

也。  
綱二月帝奉皇太后西巡幸五臺山三月還京師。 圖此帝第二次西巡

也。  
綱定邊左副將軍固倫額駙超勇親王策凌卒。 圖額駙策凌兩破準噶  
爾兵功績卓著至是卒詔以王奮身血戰再挫天驕震威絕徼為國家長  
城特敕配享太廟創蒙古諸藩未有之典並視怡賢親王例崇祀賢良祠  
賜諡曰襄建碑紀功烈世子成袞扎布奏言其父遺命願附葬公主園寢  
許之初策凌有二子陷準部中及與準部議地界準使哈柳至京師語及  
之欲以動策凌策凌厲辭拒折哈柳意沮遂定議於是喀爾喀西陲拓地  
千餘里帝稱其始終竭誠宣力忠勤匪懈為不負云夏六月授其子成袞  
扎布為定邊左副將軍。

綱秋八月册立貴妃那拉氏為皇后。

綱冬十月帝奉太后南巡。 圖是月帝奉皇太后幸河南詣中嶽廟登嵩  
山駐開封閱兵幸古吹臺十一月還京。

綱冬十一月西藏珠爾默特作亂駐藏都統傅清左都御史拉布敦被戕  
四川總督策楞提督岳鍾琪討平之。 圖初西藏郡王頗羅鼐卒其子珠

岳鍾琪  
討平西  
藏

爾默特那木扎勒襲封以駐藏大臣傅清等不便於己先奏罷駐防之兵陰通書準噶爾請兵爲外應旋襲殺其兄揚言準部兵至聚黨二千謀變傅清拉布敦覺其逆謀欲先發制之而左右無一兵乃以計誘至寺中登樓手刃之傅清拉布敦旋爲其黨卓呢羅卜藏扎什所害帝命四川總督策楞提督岳鍾琪引兵入藏會達賴喇嘛使番部公爵班第達攝藏事擒逆黨以聞策楞等奏止所調大兵止帶八百人前進詔以傅清拉布敦二臣先事靖變贈一等伯卽以其地立雙忠祠又封傅清子明仁拉布敦子根敦爲一等子世襲罔替

綱以班第爲駐藏副都統

目自珠爾默特亂後藏中始不封汗王貝子

以四噶布倫分其權而總於達賴喇嘛增駐藏大臣兵千有五百

綱辛未十六年春正月帝奉皇太后南巡渡錢塘江祭禹陵夏五月還京

師目帝奉太后正月啓鑾二月渡江至蘇州見靈巖梅可合抱嘆賞不

至時內大臣博爾奔察侍側拔佩刀作斫樹狀帝驚問何爲對曰怪其不生於圓明園而使上有跋涉江湖之險也帝知其諷已不懌者久之三月至杭州幸觀潮樓閱兵渡錢塘江祭禹陵還駐杭州過蘇州遂至江寧渡

詔舉明經修正之士

江夏四月渡河駐泰安五月還京師

綱六月以吳鼎梁錫璵為國子監司業

初帝詔內外大臣薦舉明經

修正之士嗣於所舉中核其實允孚者得陳祖范江蘇常熟人吳鼎字尊彝江蘇金匱人梁

錫璵字確軒山四人帝命進呈箸述其在京者即由內閣引

見至是授吳鼎梁錫璵為國子監司業陳祖范顧棟高以年老不能至京

俱給國子監司業職銜棟高保舉經學不赴諭給國子監司業銜礙吏強昇之入都及召

將來朕巡至江南尚可損見棟高曰上尚欲南巡耶帝默然旋放還山

陳大受卒

綱秋九月兩廣總督陳大受卒 大受為方苞弟子嘗言歷事多而利

害明受病即在此苞嘆為名言謂可為庸庸者之藥石至是卒諡文肅

綱壬申十七年秋七月協辦大學士吏部尚書梁詩正乞終養許之以孫

嘉淦為吏部尚書協辦大學士 詩正字養仙錢塘人先是帝南巡時

詩正父年八十帝特晉一品封典給假留侍一月詩正奉太公迎駕吳江

帝書湖山養福四大字賜其父至是因父老病陳乞終養詔許之

綱雜谷土司蒼旺叛四川總督策楞提督岳鍾琪討平之 綱雜谷土司

蒼旺與梭磨土司勒兒悟卓克基土司二土司並在四川理番縣西娘兒吉構釁聚兵攻

梁詩正

雜谷土司之亂

毀稜卓各寨四川總督策楞及提督岳鍾琪遣兵以剖斷三家曲直為名乘虛奪維關直擣其巢誅之番衆懼伏

○九月召尹繼善來京以莊有恭署兩江總督

○癸酉十八年春二月殺江西撫州衛千總盧魯生並其子盧齡盧錫榮

南昌衛守備劉時達 ○先是乾隆十四年十月帝議南巡兩江總督黃

廷桂以該省紳耆士庶共望翠華臨幸入告帝大悅溫旨報可廷桂盱衡

厲色供張辦而督責過嚴屬吏苦之時大學士孫嘉淦以直諫名天下雅

稿累萬言指斥乘輿徧劾閣臣鄂爾泰張廷玉等傳播遠近自十六年八初嘉淦以檢討上封事三曰視骨肉停捐納罷西征至是帝尤倚重所言無不納魯生遂與時達等偽為嘉淦諫止南巡疏

月滇督碩色發其事窮治年餘至是始得真相詔磔魯生並殺其子盧齡

盧錫榮及時達是案文武官吏牽連獲罪者幾及千人蔓延至於七八省

○十二月協辦大學士吏部尚書孫嘉淦卒 ○盧魯生之案帝命窮治

其事而於孫嘉淦一無所問嘉淦惶恐不自安語人曰先帝及今上嘗戒

我好名今獨假我名殆生平好名之累未盡有以致之自此食不甘寢不

瞑益自務歛密所朝夕獻替者莫得而聞焉既卒帝謂近臣曰朝中少一

孫嘉淦卒

殺盧魯生及其子盧齡

正人矣歎息久之諡文定

嘉淦居恆以入約自誠曰事君篤而不顯與人共而不驕勞避其所爭事止於能去功藏於無名言刑其無用以守獨避

人以滂費廉取皆生平得力處也

岳鍾琪卒於軍

綱甲戌十九年春三月四川提督岳鍾琪卒於軍 目鍾琪盡瘁邊防屢

躓屢起至是因墊江墊今四川江縣奸民陳崑作亂鍾琪力疾赴重慶督勦至資

州今永寧道資中縣卒年六十有九四川總督黃廷桂以聞帝以岳鍾琪宣力有年

勞績懋著予諡襄勤而令其弟廣西提督岳鍾璜入四川代領其衆當雍

正時鍾琪總督川陝季父超龍提督湖廣弟鍾璜提督廣西子溶巡撫山

東兄子含奇總鎮兖州一門列戟而鍾琪受主知尤篤能以功名終性嚴

毅每登壇將弁股栗部伍整肅無敢譁遇敵謀定後戰士卒疾苦必躬自

拊循以故人爭效命又有知人鑑同時傅爾丹爲大將軍鍾琪過其帳見

壁上刀槩森然傅曰此皆吾所素習者故懸以勸衆鍾琪頷之出語人曰

爲大將軍者不恃謀而恃勇亡無日矣已而傅果敗

準噶爾內亂

綱秋七月準噶爾內亂輝特台吉阿睦撒納來降 目準噶爾部內亂之

起由於諸王之爭立先是噶爾丹策零有三子喇嘛達爾濟最長然外婦

出也乾隆初策零死其仲子策妄多爾濟那木札爾以母貴得立有暴行

一門列戟

大小策  
零被害

阿睦撒  
納來降

至乾隆十五年爲其女兒之夫賽音伯勒克所弑喇嘛達爾濟嗣位部衆不悅欲擁立策零少子策妄達什大小策零敦多布者於準部爲貴族以世握兵柄故大策零孫達瓦齊及小策雲子達什達瓦並爲部衆所嚮喇嘛達爾濟懼不利於已痛殺其勢力策妄達什與達什達瓦皆被誅戮於是達什達瓦部下薩拉爾者率千餘戶內附而達瓦齊遂聯合輝特部台吉阿睦撒納謀報復輝特部者姓伊克明安本杜爾伯特屬部阿睦撒納者策妄阿拉布坦之外孫而和碩特部丹衷子拉藏之子也先是厄魯特四部於天山北路一帶分地而治及土爾扈特北徙俄羅斯境其故地塔爾巴哈台爲輝特所游牧丹衷妻初生子班珠爾及丹衷死復有遺腹改適輝特部長遂生阿睦撒納輝特部長死阿睦撒納嗣位爲台吉然阿睦撒納生而兇狡旣爲輝特台吉復有窺伺準部之志及是欲構達瓦齊內訌而已從後圖之乃與達瓦齊合兵突入伊犁殺喇嘛達爾濟而擁立達瓦齊爲汗準部之騷亂達於極點於時阿睦撒納旣干涉準部內亂復兼併杜爾伯特脅降其台吉納默庫而自遷帳於額爾齊斯河漸露侵略準部之野心達瓦齊爲自衛計數遣兵攻之皆不能克乃自將精兵三萬進薄

封阿睦  
撒納爲  
親土

兩路進  
征準噶  
爾

其帳又使驍將瑪木特將烏梁海兵八千東西夾攻阿睦撒納慮不敵乃  
思借中國兵力滅達瓦齊而已據其地乾隆十九年秋遂與其同母兄班  
珠爾及杜爾伯特台吉納默庫率所部萬餘人來降

**綱**冬十一月封阿睦撒納爲親王班珠爾納默庫爲郡王 **目**先是薩拉

爾達什達  
瓦部下之內附也帝授爲散大臣詢以準部事備悉其內亂狀然尙未

欲用兵及阿睦撒納來降備陳進取伊犁之策帝大喜乃先遣大臣安置

其部衆於三音諾顏部之札卜堪河一作札  
益河封阿睦撒納爲親王班珠爾

納默庫爲郡王以羈縻之準部驍將瑪木特見諸台吉相踵內附必召大

兵知準噶爾事不可爲達瓦齊不可輔遂亦脫身來歸於是準部爪牙腹

心盡在中國遠征軍之出發至是乃一發而不可遏

**綱**乙亥二十年春二月以尙書班第爲定北將軍陝甘總督永常爲定西

將軍分兩路出師進征準噶爾 **目**時帝在位二十年矣帝承康雍餘烈

西北喀爾喀青海西藏等處均隸版圖惟準噶爾部橫互於喀藏之間禍

機常伏世宗末年雖有請和之使而衆議紛紜迄未能定迨帝卽位和議

雖定而西顧隱憂實有未已及噶爾丹策零死準部內亂起阿睦準納等



備言伊  
狀草可取

殺胡中  
藻賜鄂  
昌死

相繼來降。備言伊犂可取。狀帝以機不可失。因決意用兵。時諸大臣懲於  
 雍正九年。博克託嶺之敗。不欲出兵。而大學士傅恆獨力贊帝意。帝遂定  
 議。以本年二月。分兩路出師。以班第爲定北將軍。使出北路。阿睦撒納爲  
 定邊左將軍副之。額駙科爾沁親王色布騰巴勒珠爾。郡王品級青滾雜  
 卜內大臣瑪木特。將軍阿蘭泰爲參贊。一以永常爲定西將軍。使出西路。  
 薩喇爾爲定邊右將軍副之。郡王班珠爾。貝勒品級扎拉豐阿內大臣鄂  
 容安爲參贊。兩副將軍各帥前鋒三千。先進將軍參贊繼之。降人三車稜  
 納默庫等。皆以所部兵從。兩路兵各二萬五千。馬七萬匹。西路出巴里坤  
 北路出烏里雅蘇臺。各持二月糧。約於博羅塔拉河。在伊犁會師同進。按

第蒙古錫黃旗人。姓博爾濟吉特氏。由官學生。歷官至定邊左副將軍。奮勇果斷。大爲高宗所激賞。授領侍衛內大臣。賜白金千兩。旋授定北將軍。永常由陝甘總督。加內大臣。授定西將軍。與班第同時出師。

三月。殺湖南學政胡中藻。賜廣西巡撫鄂昌死。  
 鄂爾泰張廷玉初同受遺詔輔政。其後二人互相齟齬。朝官依附門戶者。彼此攻訐。浸成仇  
 敵。帝微知之。漸生厭倦。屢引世宗朋黨論以戒之。已而鄂爾泰卒。廷玉亦  
 乞休。而兩人門下之在朝列者。尙傾軋不已。彼此互相目爲宵小。爾泰滿

滿漢分黨

胡中藻與鄂爾泰之關係

指爲中藻罪狀

人滿洲之黨皆歸之。廷玉漢人，漢大臣之黨皆歸之。而滿漢之猜嫌以起。至是遂有胡中藻之詩獄。胡中藻者，故鄂爾泰門生，累官內閣學士。其所著堅磨生詩集中，有記出西林第一門之句。又有讒舌青蠅等語。西林者，鄂爾泰本姓西林覺羅氏，故以頌鄂而讒舌青蠅。則隱斥張廷玉也。會鄂爾泰姪鄂昌爲廣西巡撫，引援世誼，與中藻往復唱和。時帝方深惡朋黨，門戶之見積久未除，因欲借文字案懲一以警百。乃摘中藻詩鈔中字句若干條，如一把心腸論濁清句，則謂其加濁字於國號之上。又南斗送我，南北斗送我北句，則謂其以南北分提。又亦天之子亦萊衣句，則謂天子句中用兩亦字，悖慢已極。又不爲遊觀縱盜驪句，盜驪二字亦悖慢。又並花已覺單無蒂句，則謂譏刺孝賢皇后之逝世。又一世璞誰完，吾身甌恐破。又若能自主張，除是脫韁鎖等句，則謂其無非怨悵。此外復摘其典試時所出試題內有孝經義有乾三爻不象龍說，則謂乾隆乃朕年號，龍與隆同音，顯係詆毀。凡此皆指爲中藻罪狀。見於乾隆二十年三月之諭旨中。至論鄂昌，則謂其身爲滿洲世僕，歷任巡撫，見此悖逆之作，不但不知憤恨，且喪心與之唱和，引爲同調，其罪實不容誅。又摘鄂昌所著塞上吟

指爲鄂  
昌罪狀

中有稱蒙古爲胡兒句則謂其自加詆毀喪心忘本先後逮問旋又搜查中藻家內書籍得豫變紀略二本復齋錄六本廷議以中藻違天叛道覆載不容合依大逆凌遲處死旋改爲棄市鄂昌負恩黨逆亦賜死並撤鄂爾泰出賢良祠不準入祀以爲大臣植黨者戒

**附記**

觀胡中藻之獄。擄摘而至詩詞中疑似之字句。字字挑剔。謂爲有意詆毀。嗚呼。此真可以莫須有三字盡之矣。即如上論中所舉各條。任翻各人集中。此等語句。其孰能

免而坐是夷及宗族。牽連鉤黨。凡有血氣。其誰不曰危。無怪乎舉世學者。理最無用之。考據詞章外。不敢更研究其他。此實爲乾隆而後。中國衰弱。人才缺乏之一大主因矣。

張廷玉  
卒

**綱**夏四月。致仕大學士張廷玉卒。廷玉歷相兩朝。子姪戚黨。列仕籍

者數十人。皆能約以禮法。生平無聲色玩好之嗜。退食泊然。無謀營時手一編。安坐室中。闔若無人。僚友共事者。閱數十輩。平心接之。多所容納。人

**附記**

廷玉與鄂爾泰。同相雍乾。而不同道。爾泰公忠直諫。君子也。廷玉則頗任機數。委蛇仕宦。有孔光張禹之風。爾泰先廷玉十年卒。廷玉既獨相。遂以術盡去爾泰屬下士。

其後當國者。皆奉廷玉爲師範。衣鉢相傳。迄清末。而其風未沒。可慨也夫。

**綱**五月。定北將軍班第。大破準噶。達瓦齊於格登山。俘送京師。準噶爾平。

**目**班第永常兩軍。各率二萬五千。持兩月糧。出征準部。而副將軍阿睦撒納等。皆準部渠帥。建其舊蠱。先進。各部落望風崩角。所至台吉宰桑

大破準  
噶爾

部

格登山  
之戰

並獲青  
海叛酋

闢地萬  
餘里

管事官也

或數百戶。或數千戶。攜餽酪。獻羊馬。絡繹道左。師行數千里。無抗顏者。長驅至博羅塔拉河。距伊犁三百餘里。兩軍皆會。而是時達瓦齊在伊犁。日縱酒爲樂。不設備。比聞大軍至。急遣親信兩宰桑。出令箭徵兵。而自率親兵萬人。走保於伊犁西北百八十里之格登山。阻淖爲營。清軍獲其調軍者。具悉國中解體。士氣倍奮。爭渡伊犁河。長驅追襲。將及格登山。夜遣降人阿玉錫等。率二十餘騎。往覘道路。阿玉錫卽乘夜建大軍之纛。大呼入其營。萬衆瓦解。達瓦齊以二千人宵遁。餘皆不戰降。達瓦齊躋冰嶺。在伊南走回疆。僅存百餘騎。以烏什城阿奇伯克霍吉斯爲己所善。投之。而霍吉斯已承將軍檄。卽執之以獻。並獲青海叛酋羅卜藏丹津。同俘至京師。帝御午門受俘。皆赦其死。論功行賞。首獎大學士傅恆。襄贊之功。再加一等公。辭不受。班第封一等誠勇公。薩喇爾一等超勇公。而阿睦撒納。晉封雙親王。食親王雙俸。其後達瓦齊。霍吉斯。亦皆賜封親王。郡王。編入旗籍。天山北路悉平。是役出師僅百日。無一戰之勞。而生擒兩名王。闢地萬餘里。其功實阿睦撒納之野心。有以促成之。故準部雖平。而阿睦撒納之慾壑難平矣。

分封厄魯特四汗部

阿睦撒制西域

阿睦撒叛

綱秋九月封噶勒藏多爾濟爲綽羅斯汗車凌爲杜爾伯特汗沙克多爾濟爲和碩特汗巴雅爾爲輝特汗

厄魯特舊有四衛拉特四衛拉特之分部各有其汗非有君臣之分也自準噶爾部強盛伊犁始爲四部盟長抗衡中國者數世及是帝之用兵準噶爾原非欲郡縣其地將俟伊犁戡定後仍厄魯特四汗之舊設杜爾伯特和碩特兩部如故而別設輝特部以代土爾扈特設綽羅斯部以代噶爾丹各以降人爲之汗如喀爾喀四部例長爲外藩及伊犁平定阿睦撒納野心未已必欲爲厄魯特全境汗專制西域不欲分封四汗部帝微知之因決計實行分封之策以殺阿睦撒納之勢至是帝駕幸熱河行飲至禮厄魯特諸汗俱來朝帝即詔封噶勒藏多爾濟爲綽羅斯汗車凌爲杜爾伯特汗沙克多爾濟爲和碩特汗巴雅爾爲輝特汗管領四汗部

綱冬十月阿睦撒納反將軍班第尙書鄂容安死之

先是阿睦撒納

之來降也帝命其爲副將軍佐班第等出師征準噶爾當出征之初帝卽慮其有異志密令班第告以朝廷處置伊犁意見又使額爾沁親王額駙色卜騰與之偕行陰監察之及伊犁旣平安第與鄂容安阿爾撒納薩拉

自用菊  
形篆印

如驅牛  
羊入市

爾留商善後而令色卜騰隨大軍凱旋時阿睦撒納不欲分封四汗而欲自爲四部總台吉專制西域當色卜騰之歸也私以已意乞代奏期七月下旬俟命班第鄂容安留商善後時阿睦撒納輒隱以總汗自處擅誅殺擅調兵不服賜衣翎頂不用副將軍印自用渾台吉菊形篆印又通謀其鄰哈薩克今俄領中亞西亞境及俄羅斯等自諱其降但言率滿蒙之兵以平定準噶爾又陰使哈薩克布魯特散布流言非使阿睦撒納總長四部邊不得安將軍參贊以聞帝怒詔卽於軍中誅之毋濡忍貽後患而是時大兵已撤留屯者僅五百人其餘皆厄魯特兵也班第等遂不敢發先是帝欲實行分封四汗之策詔阿睦撒納以九月至熱河行飲至禮班第以是趣之入覲欲就內地執之令喀爾喀親王額林沁多爾濟督之偕行而阿睦撒納故與色卜騰有成約度朝旨旦夕且下顧以班第趣之急不得已自伊犁起行惟沿途遷延以俟後命不料色卜騰歸時隱忍不敢奏至八月中旬阿睦撒納待命不下疑事中變反謀由是始決八月十九日行至烏倫古河今在爾泰地阿睦撒納設幕招額林沁飲酒數行起曰阿某非不臣但中國寡信今入其境如驅牛羊入市大丈夫當自立安肯延頸受戮耶遂命呼酒

者再伏兵四起。旌旗耀目。擁阿出營而去。瀕行。徐解其副將軍印。擲於額

林沁曰。汝持此還大皇帝可也。遂據鞍馳去。額林沁多爾濟。瞠目視之。無

如之何。一說阿睦撒納行至烏倫古河。距其札布堪河舊遊牧不遠。乃詭言暫歸治裝。遂由額爾齊斯河。在阿爾泰北境。繞道北逸。久之。額林沁始悟其詐。急追之。已無及其札布堪河。在烏里雅蘇

臺西。今札薩克圖汗境。額爾齊斯河。在阿爾泰北境。是時阿睦撒納妻子及部衆皆駐牧扎布堪河。而厄

魯特之留屯伊犁者。又皆其黨。十月阿睦撒納遂舉兵反。一方則遣使扎

布堪。迎其家屬。一方又號令伊犁諸厄魯特。使並起為亂。初帝疑阿睦撒

納必反。已密諭烏里雅蘇軍營。收其妻子。得不遣。而伊犁諸喇嘛宰桑。聞

阿睦撒納反。爭起應之。班第鄂容安薩拉爾等。聞變。率五百兵與準部轉

戰。走二百餘里。至崆吉斯薩拉爾。先遁。旋被擒。部兵盡潰。班第鄂容安自

殺。時定西將軍永常。擁勁兵數千屯烏魯木齊。附近台吉宰桑數千。咸投

赴。永常不知驅策。反恐敵兵大至。自木壘南退軍巴里坤。移糧哈密。清直隸

今為縣。屬新疆。迪化道。故北路無聲援。阿黨益猖獗。帝命黜色卜騰爵。發軍前效力。賜

額林沁死。並逮永常治罪。以策楞代之。永常道死。又命玉保富德達爾黨

阿為參贊。

丙子二十一年夏五月。褫將軍策楞參贊玉保職。以達爾黨阿及哈達

班第鄂  
容安自  
殺

盡復伊  
犁地

青滾雜  
卜叛

成袞札  
布討平  
青滾雜

哈代之。策楞玉保既代領永常軍，卽馳至吐魯番。薩喇爾自伊犁脫身來迎。玉保因率所部長驅而西，盡復伊犁地。阿睦撒納遁去。玉保引兵追之。至特克勒河，探知阿睦撒納僅距一程，急進可追。及有報台吉諾爾布已擒阿睦撒納來獻者，玉保大喜，遂駐軍待之。先以紅旗報捷於策楞。策楞據以入奏，不知報擒阿睦撒納者卽阿睦撒納所遣以緩師也。已而知其詐，更急追之。而阿睦撒納已遁哈薩哈矣。策楞玉保互相詰究，遂託言馬力竭，頓師伊犁不進。帝以二人非任事才，詔褫其職，命達爾黨阿及哈達哈代領其軍，更命將軍兆惠自巴里坤赴援。

綱秋八月，和托輝特部郡王青滾雜卜叛，詔以成袞札布爲定邊左將軍，率師討之。十二月，青滾雜卜被擒伏誅。先是天山北路郵驛皆由喀

爾喀各部供役，自準部用兵以來，軍報絡繹，需人馬頗多。郡王青滾雜卜苦之，遂撤其所設郵臺，又以額林沁多爾濟之賜死，謂我喀爾喀本成吉思汗之子孫，例不治罪，以此散布流言，衆喀爾喀惑之。郵臺撤者，無慮十餘所。文報中斷，詔以成袞札布爲定邊左副將軍，發兵剿捕，又命尙書納延泰侍郎阿桂字廣廷，性章佳氏，滿洲正白旗人。等助之。青滾雜卜敗走，各臺得次第復設。



十月青滾雜卜遁至齊斯吉特成袞扎布遣納穆扎爾率兵追擒十二月  
至杭哈獎噶斯與俄羅斯交界處獲斬之自成袞扎布以下賞賜封爵有差

**附錄**

成袞扎布額駙策凌之長子也策凌光顯寺之戰功在社稷既卒成袞扎布嗣掌定邊左副將軍印父子專闔軍中榮施貌白質微髭數莖頗類蒙古世族短兵法學大

將軍印幾四十年未嘗戮一偏卒時以比之曹彬

南巡

**綱**丁丑二十二年春正月帝奉皇太后南巡 **目**此第二次之南巡也正

月啓鑾二月渡江幸蘇州駐杭州三月還幸江寧秋九月至京師

**綱**二月綽羅斯特輝特等部復叛右副將軍兆惠率師討之 **目**達爾黨

阿既代領策楞軍即由西路進兵攻哈薩克敗其兵二千人阿睦撒納易

服潛遁幾追及相隔一谷僅二三里倉猝不及馳載乃使哈薩克人來言

即欲擒獻但需其汗至乞暫緩師相待達爾黨阿信之遂下令駐軍阿睦

撒納因得逸去同時哈達哈出北路遇阿布賚兵千餘於巴顏山亦不迎

擊從征降入宰桑見兩將軍見賣無能皆輕之綽羅斯特輝特二部及哈

薩克先叛都統和起被誘殲焉阿睦撒納聞四部構亂自哈薩克歸會諸

部於博羅塔拉河欲自立為汗準部因是大擾策楞玉保方被逮入京亦

中途遇害先是定邊右副將軍兆惠以千五百兵駐防伊犁聞變自濟爾

綽羅斯等部復叛

準部大擾

噶朗河轉戰而南沿途殺敵數千是年正月。至烏魯木齊敵衆皆會連日數十百戰。至特訥格。今康縣不復能衝擊乃結營自固。時軍食且盡。又大風雪。驛傳聲息格不相聞。會帝先命侍衛圖倫楚率巴里坤兵往迎圍。乃解兆惠得新兵復往剿巴雅爾部落。敗之。率全隊回巴里坤。帝由是知兆惠可大用。

**附記**

兆惠滿洲正黃旗人。姓吳雅。由筆帖式入軍機。歷任將帥。以智勇著聞。制鎖子甲皆徹札。尤精訓練。嘗察布魯特。準部。回部。間之行國。一使者示之畏武。威詭服。曰天

朝騎射之利。密雖聞之。至發必命中。加甲洞穿。馬上三槍。連發五矢。左右迭射。墮馬及地。騰上復馳。雅厄魯特兵亦不能及。宜乎所向克捷云。

成衮札  
布兆惠  
同征準  
噶爾

夏四月。命左副將軍成衮扎布右副將軍兆惠出征準噶爾。阿睦撒納走死。準噶爾平。自綽羅斯特輝特二部之叛。帝知厄魯特人終不可

以德懷。非殄其種。族邊不得安。因定議大勦。至是遂命兆惠出西路。成衮札布出北路。分兩路出兵。大舉討之。會綽羅斯特汗噶爾藏多爾濟爲其兄子噶爾布所篡。台吉達瓦復殺噶爾布。諸部自相吞噬。內訌極甚。且痘疫盛行。厄魯特人罹者輒死。兆惠及成衮札布等乘之。累戰皆捷。諸酋先後敗死。阿睦撒納聞之。復自博羅塔拉河西走。兆惠窮追至哈薩克部。時哈薩克汗阿布賚已與阿睦撒納積釁。且懼招大兵。遣使入貢。誓擒阿酋。

累戰皆  
捷

阿睦撒  
納走死

殺彭  
屏及段  
昌緒

收藏明  
末野史

兆惠留  
鎮伊犁

以獻適阿睦撒納率二十人往投阿布賚使人收其馬匹阿撒睦納驚逸攜八人徒步入俄羅斯境尋患痘死理藩院行文索之俄政府以其屍送哈克圖在外蒙古土謝圖汗詔喀爾喀親王侍郎三泰等馳驗以聞

綱秋七月殺前浙江布政使彭家屏及夏邑附生段昌緒 目初彭家屏

奏河南巡撫圖爾炳阿匿災不報至是帝南巡返發自徐州夏邑民張欽

遮道陳奏經鄒縣夏邑民劉元德陳訴一如張欽帝意其有主使之入訊

出由生員段昌緒等指使而夏邑商邱等縣被災果實詔奪圖爾炳阿職

發往烏里雅蘇台軍營效力贖罪已而地方官忽於昌緒家中得吳三桂

檄昌緒爲之圈點評贊又訊得彭家屏以收藏明末野史及所刻族譜取

名大彭統紀遂賜家屏自盡殺昌緒等圖爾炳阿以緝邪功復任

綱九月帝還京師賜雲貴總督恆文自盡 目恆文督雲貴頗貪縱嘗令

屬員買金短發金價又縱容家人勒索門禮帝聞之大怒遂賜自盡

綱冬十月成哀札布班師以兆惠留鎮伊犁 目阿睦撒納既死伊犁平

定帝詔成哀札布班師東歸以定邊左副將軍鎮烏蘇里雅台而令兆惠

率兵四千人留鎮伊犁以清準噶爾部餘孽初準噶爾部衆二十餘萬戶

六十餘萬口皆厄魯特人種也。俗耐勞苦，勇戰鬥，以一人能劫數十人爲壯士。自天山以南，蔥嶺以西，諸部落一聞其至，無不畏伏。故自噶爾丹以來，內則兼併諸厄魯特，外則服屬諸回部，蹂躪喀爾喀，擊逐俄羅斯，赫然爲西域一大汗國。及阿睦撒納死，其餘衆猶狙伏山林，伺隙出沒，襲擊清軍。兆惠駐軍伊犁，搜剔縱殺，先後經數年之久。凡山谷僻壤，川河澤藪，可爲漁獵資生之地，皆搜剔不遺。計二十餘萬戶中，死於痘者十之四，竄於俄者十之二，死於兵者十之三。說者以爲是厄魯特人種之一大厄運云。自是以後，其部遂微，存者不復著。舊號附三音諾顏部者，曰厄魯特。附牧青海者，曰綽羅斯。如此而已。準部既平，乃於伊犁烏魯木齊塔爾巴哈台等處分兵屯種駐防。設伊犁將軍以統治之，建官築城，漸成都會。

綱 戊寅二十三年春正月，回部和卓木叛，詔以雅爾哈善爲靖逆將軍，率師討之。自阿睦撒納死，天山北路之地全入版圖，而天山南路諸回城故隸準噶爾汗國勢力之下。至是聞準部殘破，又度大兵，方經營伊犁，未暇南進，乃思乘機竊發。於是復有天山南路之師，天山南路者今新疆省之南部也。時回回各部皆居天山之南，天山爲蔥嶺正幹，由烏赤別里

回部之  
始起

喀什噶  
爾之建  
國

和卓木  
子孫代  
握政權

黑山宗  
白山宗

山而東。袤延數千里。直抵哈密。皆天山也。而準回二部。卽以此爲分界。在  
 天山北路者爲準部。在天山南路者爲回部。回部東西六千里。南北千餘  
 里。卽漢書所謂西域城郭三十六國是也。其人民唐以前皆奉佛教。以回  
 教著稱者。則萌芽於隋唐。而盛行於元明以後。回部舊汗本元太祖次子  
 哈薩岱之裔。世長回部。明之中葉。有瑪墨特者和卓木之子。回教祖謨罕  
 默特之後裔也。與其兄弟輩。自墨德分適各國。始逾蔥嶺。東遷至喀什噶  
 爾。喀什噶爾汗尊信之。是爲西域有回酋之始。喀什噶爾汗者。元太祖次  
 子哈薩岱之後裔也。自哈薩岱分封回疆後。其子孫世爲中國附庸。十八  
 傳而至阿布都拉伊木。爲葉爾羌汗。以其諸弟分長八城。曰土魯番。曰哈  
 密。曰阿克蘇。曰庫車。曰和闐。曰喀喇沙爾。曰烏什。曰喀什噶爾。而喀什噶  
 爾卽於是時建爲汗國。其時所遵。猶蒙古之黃教也。及回教傳入。喀什噶  
 爾汗遵信之。推行全國。其後藉回教之力。統一天山南路。於是回教勢力  
 乃益蔓延。迨喀什噶爾衰。而和卓木子孫遂起。而代握天山南路之政權。  
 先是回教之入喀什噶爾也。分黑山宗白山宗兩派。各習師說。互相標榜。  
 傾軋排擊。循環不已。至康熙時。白山宗酋阿蒲。爲黑山宗酋伊思馬所逐。

丹噶爾  
兼併回部

瑪罕木  
特謀獨立

卓木和  
大小和  
亂

奔西藏乞援於五世達賴會準噶爾方強盛噶爾丹奉達賴之命舉兵入喀什噶爾助白山宗擊破黑山宗擁立阿蒲爲酋於喀什噶爾城而盡執蒙古諸汗遷之天山以北拘留帳下當是時回疆各部幾全爲準噶爾所屬及噶爾丹敗有質於伊犁之白山宗酋阿布多實特自拔來歸聖祖嘉之遣人護送至哈密歸諸葉爾羌是爲大小和卓木之祖阿布多實特之歸葉爾羌也傳至其子瑪罕木特苦準噶爾之干涉欲獨立爲一部噶爾丹策零襲執而幽之並羈其二子長曰布那敦卽大和卓木次曰霍吉占卽小和卓木乾隆二十年清軍初次定伊犁釋大和卓木以兵送歸葉爾羌使統天山南路之舊部留小和卓木居伊犁使統天山北路之回教徒其後阿睦撒納叛小和卓木實與之通及二十二年二次定伊犁小和卓木遁歸始自疑貳時大軍再定伊犁天山北路既全入版圖於是欲藉戰勝餘威收服天山南路特遣使至葉爾羌議定貢賦未得要領而小和卓木適自伊犁歸與其兄大和卓木議所嚮大和卓木欲集部衆聽中國指揮小和卓木不可謂我祖宗世世受制於人今幸強鄰已滅無偏處者不以此時自立爲國乃長爲人奴僕非計且中國新得準部反側未定兵不

雅爾哈善討回部

庫車之戰

自投羅網

能來即來我守險拒之餉饋不繼可不戰挫也諸伯克阿渾名皆官等皆然

其說大和卓木不能奪將軍兆惠奏遣副都統阿敏道往招撫為小和卓

木所戕遂自立為巴圖爾汗國回戶數十萬衆皆風從而靡惟庫車拜城

阿克蘇三城之阿奇伯木克名官鄂對等不從走伊犁投依兆惠帝乃以回

曾霍集占罪狀宣諭回部各城命雅爾哈善為靖逆將軍額敏和卓哈寧

阿為參贊大臣順德訥愛隆阿玉素布為領隊大臣出師討之

綱秋七日雅爾哈善與和卓木戰於庫車和卓木遁去詔褫雅爾哈善職

以兆惠為定邊將軍移師討之 圖雅爾哈善奉命出征後即率滿漢兵

萬餘自吐魯番進攻庫車和卓木兄弟聞之引兵萬餘越阿克蘇之大戈

壁沙漠在阿克蘇縣東來援與領隊大臣愛隆阿軍遇於托和奈在庫車城東復戰於

鄂根河在庫車城外回部均大敗和卓木兄弟斂餘兵八百人退保庫車城雅

爾哈善聞之喜曰是自投羅網也時庫車城主鄂對在軍中知和卓木兄

弟必不長居圍城之內因謂雅爾哈善曰和卓木兄弟勢必逃遁其道有

二一由城西涉渭干河在沙雅縣東一由北山口向阿克蘇戈壁請分兩路設

伏以待雅爾哈善不聽而日奕棋亦不巡壘已而果如鄂對言和卓木兄

兆惠南  
征爾善  
雅爾正  
法職正  
兆惠擊  
和卓木

弟以四百騎宵遁。都統順德納聞報，尙以昏夜不發兵。及曉追之，則已渡鄂根河。去橋斷後，城又堅不可拔。提督馬得勝使綠營兵穴地攻之，不能克。官兵六百殲焉。其酋阿布都又乘夜突圍遁。帝聞之大怒，詔褫雅爾哈善職，卽營中殺順德納。馬得勝命將軍兆惠移師南征。雅爾哈善旋亦正法。

○己卯二十四年春正月，定邊將軍兆惠追擊兩和卓木，被圍於黑水營。副將軍富德率師援之，三月圍始解。○方和卓木兄弟之率兵而遁也。

兆惠前鋒已馳抵庫車城，兩和卓木同奔阿克蘇。阿克蘇伯克霍吉斯卽前擒獻達瓦齊而受封者也。閉城不納，給令赴烏什。清直隸廳今爲縣屬阿克蘇道烏什亦

不納。于是小和卓木奔葉爾羌，大和卓木奔喀什噶爾。今喀什噶爾道疏勒縣東西犄角爲背城一戰之計。及兆惠至，先後定沙雅爾。今阿克蘇縣阿克蘇、烏什等戈

壁北境諸城，又使降人鄂對越戈壁撫和圍。清置直隸州今爲縣屬喀什噶爾道時兵猶未集。兆惠所部不過步騎四千餘，乃使副將軍富德留駐阿克蘇，俟軍集繼進。

而自率少數兵先發，以二十三年十月六日抵葉爾羌城東，隔蔥嶺南河而陣。復分兵八百使副都統愛隆阿、扼喀什噶爾援路。蔥嶺南河者亦謂



營駐黑水

兆惠被圍富德來援

兆惠潰圍出

兆惠富德平回部小和卓木倡議獨立

之葉爾羌河。蒙古語謂之喀喇烏蘇。譯言黑水。故時謂兆惠所駐為黑水營。黑水軍既寡，不能攻城。兆惠欲引敵野戰，乃以輕騎渡河，劫其城南牧場。方渡，四百騎而橋斷。城中敵出五千騎來襲。兆惠率師奮突其陣，敵步兵萬餘繼之。敵騎復張翼以圍兆惠軍，使隔河兵不能救。軍中人自為戰，殺敵千計。浮水還營。總兵高天喜等戰歿，敵乘勝渡河，築長圍困之。相持三閱月。將軍納穆札爾、參贊三泰均于中途遇敵陣亡。副將軍富德聞警，自阿克蘇率援軍三千，冒雪來援。至呼拉瑪，今莎車縣東北三百七十里，遇敵五千騎，轉戰四晝夜，得渡葉爾羌河。而距兆惠軍尚三百里。因敵衆不能進，於是兩軍皆被圍萬里外。會巴里坤大臣阿里袞以兵六百夜至，乃與富德大呼馳薄，直壓敵壘。敵不知援軍多寡，自相格殺潰遁。兆惠聞礮聲，知援軍至，亦勒兵潰圍出，殺敵數千。兩軍會合，始振旅還阿克蘇。

○秋七月，兆惠、富德拔喀什噶爾及葉爾羌城，兩和卓木遁。冬十月，巴達克山汗擒斬之，函其首來獻。回部平。○方小和卓木之倡議獨立也，回

族鑒于前此準噶爾之苛政，知臣服他國非計，故萬衆一致樂爲之用。然大小和卓木居伊犁久，惟與流徙墾種之回民數千，患難相共，既得歸，遂

兆惠戰  
守不屈  
回族驚

和卓木  
踰葱嶺

撫定二  
城

樹蠹招  
降

偏信之編爲親兵而疏其舊部又戰爭之際賦稅煩重不減準噶爾以故衆漸解體及黑水之役兆惠以三千人當五倍之衆戰守數月不屈回族益驚駭無鬥志兆惠旣解圍歸而各路兵之集阿克蘇者日益衆新舊軍達三萬人駝馬稱是乃議分兩路進兵兆惠自率大軍由烏什取喀什噶爾富德率本部兵由和闐取葉爾羌每路兵各萬五千人時和卓木兄弟皆駐葉爾羌聞大軍至不敢復議戰守遂攜其妻孥親從載輜重棄城踰葱嶺而西謀赴巴達克山喀什噶爾葉爾羌皆克復事聞帝大悅兆惠旣撫定二城卽以輕騎蹤跡大小和卓木等沿途斬獲甚衆窮追至伊西洱庫河卽今噴赤河爲巴達克山界兩涯皆山日和什珠克嶺大和卓木先以家屬保河西嶺爲逃走計小和卓木以萬衆據北山及迤東諸峯決死戰時富德亦至先令阿里袞等由南岸趨西嶺而自擊東峯之敵軍仰攻逾時未克乃選銃手數十緣山北嶺俯擊之阿里袞亦由南岸山上以火器遙擊山北之敵其山麓又狹且逼水僅容單騎敵輜重徒屬擁塞富德阿里袞兩軍分扼其走路敵無所遁乃令鄂對霍吉斯樹回蠹大呼招降降者蔽山而下聲如奔雷小和卓木雖手刃之不能止也凡降回衆萬有二千兩

素勒坦  
沙擒兩  
和卓木

回部平  
巴克達  
山汗遣  
使入覲

行獻俘  
禮

新疆歸  
中國之  
始

阿桂為  
伊犁都  
統行屯  
田事

和卓木挈其妻孥舊僕三四百人走巴達克山。先是小和卓木之擁衆而西也。本謀據巴達克山而有之。會以其酋不親迓。怒斬其使。欲約鄰部擾之。至是巴達克山酋素勒坦沙興兵拒敵。與兩和卓木戰於阿爾渾楚嶺。禽其兄弟。將軍兆惠檄索之。素勒坦沙遂函其首獻於軍門。回部遂平。

綱庚辰二十五年春正月。巴達克山汗素勒坦沙等遣使入覲。將軍兆惠獻俘至京師。帝御午門樓行獻俘禮。 目巴達克山王既擒殺兩和卓木。

函其首來獻。至是因遣使入覲。同時定邊將軍兆惠函送兩和卓木首級。並俘回首捫多索丕等至京師。帝御午門樓行獻俘禮。赦捫多索丕等罪。釋不誅。詔仍以回中頭目為伯克。令分掌各回城民刑各事。而別置戍集。以伊犁將軍統之。統號天山南北兩路為新疆。是為新疆全省歸中國之始。

綱秋八月。以阿桂為都統。總理伊犁事務。行屯田事。 目阿桂者。大學士。

阿克敦之子也。初訥親之督師討金川也。奏請以阿桂參軍事。及訥親獲罪。提督岳鍾琪並劾阿桂。逮部治罪。帝以阿克敦年老無次子。得釋。準部之亂。帝命阿桂赴烏里雅蘇台。與靖邊副將軍成袞札布搜討。準部逸兵。

紫光閣  
成

幸五台  
山  
南巡至  
杭州

成哀札布奏阿桂遇事奮勉始漸任用準部既平又與富德合勦回衆至是還伊犁伊犁自土爾扈特部竄入俄羅斯後伏莽者尙衆帝念西域既平地方萬餘里若不分駐官軍伏戎必將再出且恐爲俄羅斯兼併乃命各軍營大臣等議皆謂其地遼遠難駐守阿桂獨上言守邊以駐兵爲先駐兵以軍食爲要臣觀伊犁海努克今伊犁道伊寧縣南等處水土沃衍且有河可引灌注若開墾屯田則兵食可漸充因條上屯田方略一請增派回人屯田二請官兵駐防協同墾種三請建置城郭四請預備馬駝帝嘉其勇往任事卽如所議行之令爲都統總理伊犁屯田事阿桂因酌留馬匹分設台站以通文報往來未幾又請將現在沿邊運出糧米俱赴伊犁及各省軍流人犯之能工匠技藝者悉發伊犁帝皆從之由是內地商民移住者漸多至今遂爲西北一殖民輿區

○辛巳二十六年春正月紫光閣成 賜大學士公傅恆以下畫像諸功臣並文武大臣蒙古王公大臣及諸台吉等一百七人宴

○二月帝奉皇太后西巡幸五臺山三月還京師

○壬午二十七年春正月帝奉皇太后南巡三月至杭州五月還京師

明備為伊犁將軍

烏梁海

烏梁海之種族

烏梁海之服役

唐努烏梁海

綱冬十月以明瑞為伊犁將軍。伊犁之置將軍自此始。明年正月復設伊犁參贊大臣。以工部侍郎納世通為之。駐喀什噶爾。總理回疆事務。而受節制於伊犁將軍。

綱分烏梁海為三部。設官治理之。烏梁海人在蒙古諸部之北。以捕

獵為業。貌類突厥族。而言語宗教則與蒙古同。蓋東芬人種之一支。或曰

即明代兀良哈族之徙遷者也。其族分三部。一曰唐努烏梁海。以居住唐

努山一帶得名。一曰阿爾泰烏梁海。以居住阿爾泰山一帶得名。一曰阿

爾泰。淖爾烏梁海。以居住阿爾泰淖爾一帶得名。而皆與蒙古相接壤。大

抵蒙古事游牧。非平原曠野弗能居。烏梁海事探捕。非深山密林亦弗能

居。瀚海迤北。近俄羅斯地。多深山密林。烏梁海人居之。以故烏梁海與俄

羅斯尤為密邇。其人民向常役屬於蒙古。喀爾喀。準噶爾。及俄羅斯諸國。

而應兵役。納賦稅焉。方準曾策妄阿拉布坦之跋扈也。恆利用烏梁海人。

以牽制中國。康熙四十五年。命散秩大臣祁里德率兵征之。未幾其酋長

羅爾邁率所屬降。是為征唐努烏梁海之始。乾隆十八年。北路軍參贊大

臣薩拉爾擒私入科布多汛之烏梁海人札木闡等。高宗嘉之。尋命其收

阿爾泰  
烏梁海

阿爾泰  
淖爾烏  
梁海

漠北  
悉平

史貽直  
卒

楊廷璋  
罷  
楊應琚  
為東閣  
大學士

服烏梁海及札哈心衆是爲征阿爾泰烏梁海之始厥後烏梁海人經北路大軍迭次征撫降者日衆至二十二年有特勒伯克札爾納克者阿爾泰淖爾烏梁海之宰桑也攜族屬納款高宗命定貢賞例宣示德意是爲阿爾泰淖爾烏梁海歸附之始及阿睦撒納死準部大定其所屬之烏梁海盡入版圖帝於是分其衆爲唐努阿爾泰及阿爾泰淖爾三部各給其酋長以官職使統所部而分隸於烏里雅蘇臺之定邊左副將軍及科布多參贊大臣於是漠北悉平

○癸未二十八年春正月命尙書阿桂在軍機處行走

○夏四月大學士史貽直卒 貽直年逾八旬嘗奏事拜起舒遲帝問

卿老憊乎曰皇上到臣年當自知之帝大笑年八十三卒予謚文肅貽直生有

幹局神識超驗雍正初大將軍年羹臬平青海歸黃繩紫駟絕馳道而行王公以下屈膝郊迎年過日不平視獨貽直長揖年望見驚異避趨下曰是吾同年戲崖耶戲崖貽直字也因扶上已亦羹臬所薦耶貽直免冠應聲曰薦臣者羹臬用臣者皇上帝領之

○甲申二十九年秋七月體仁閣大學士楊廷璋罷以楊應琚爲東閣大

學士仍留陝甘總督任 初東閣大學士梁詩正卒帝以漢軍大臣中

宣力年久者莫如楊應琚及楊廷璋二人而應琚尤優於廷璋以廷璋年

逾七旬長於應琚故以爲體仁閣大學士至是以收受洋船陋規解任賞給散秩大臣而以應琚爲東閣大學士

○冬十一月協辦大學士戶部尙書兆惠卒 ○兆惠既卒諡文襄以阿

里袞爲戶部尙書協辦大學士

○乙酉三十年春正月帝奉皇太后南巡閏二月至杭州 ○此帝第四

次南巡也時帝欲幸東浙召侍郎齊召南入詢以天台雁宕之勝召南以

未經遊覽對帝曰卿籍隸台州因何不到對曰山勢峯嶸谿流深險臣有

老母在孝子不登高不臨深是以不敢往遊帝時奉太后南來聞之遂命

回鑾夏四月還京師

○烏什回人作亂秋九月將軍明瑞擊平之 ○初回部既平以喀什噶

爾爲參贊大臣駐節所節制南路諸城諸城大者設辦事大臣小者設領

隊大臣治軍事皆以滿人任之又各城皆設伯克治民事刑事惟不得擅生殺以

回人任之伯克者回部官吏之稱也其租稅之制則二十而取一視噶準

爾徵額大減然地旣邊遠又當新附之後辦事大臣等每藉戰勝之威凌

虐所屬而伯克等又助之爲奸故至是而有烏什之變烏什者回部大部

兆惠卒

第四次南巡

明瑞擊平烏什回亂

烏什變亂原因

蘇成酌  
酒宣淫

同盟軍  
起

烏什反

明瑞征  
烏什

會之一在庫車西北千餘里戶口數萬準噶爾敗其阿奇木伯克霍吉斯  
俘達瓦齊以獻受王封及二和卓木之亂霍吉斯頗持兩端帝恐其反覆  
不可專任召入京而以哈密伯克阿布都拉代之阿布都拉暴戾無親辦  
事大臣蘇成素憤憤不治事又酗酒宣淫往往留各伯克妻子署令兵役  
裸逐爲笑樂喜麀怒狼回民冤抑無所訴是時葱嶺西境布哈爾阿富汗  
等國嫉中國之威震西域又惡巴達克山之自殘同族乃起同盟軍襲殺  
巴達克山國王屠其城其前鋒軍以二十八年達敖罕汗國之霍闡城俄今  
領土耳其斯烏什住民等聞之潛與相結尋以解送沙棗樹事遂相聚戕殺  
阿布都拉並蘇成以下官吏兵役皆殺之遂舉兵反阿布蘇辦事大臣卞  
塔海聞變卽領兵五百赴烏什烏什開城出迎城衆二千餘悉出戰卞塔  
海敗走喀什噶爾參贊大臣納世通伊犁將軍明瑞參贊永貴各以兵赴  
援納世通初慮明瑞至使已不得專有其功行文阻之繼又慮事不易竟  
復懇求援助明瑞以聞帝以卞塔海納世通二人節節貽誤命俱于軍前  
正法專任明瑞辦理更命阿桂往前協辦春三月明瑞率兵抵烏什烏什  
小伯克賴黑木圖拉遣衆二千出犯明瑞擊敗之奪礮臺七殺二百人餘



烏什平

國威震  
葱嶺以

西國富  
遣汗

諸國通  
貢

緬甸寇  
九龍江

緬甸與  
中國之  
關係

黨負創入城城南倚山面阿自阿至城茂林橫翳隔阿火礮不能及乃築  
 長圍困之敵窮守既久謀夜襲大營明瑞偵知之嚴備以待及至掩擊之  
 賴黑木圖拉中箭死烏什人復立其父為阿奇木頭部悉眾死守凡七月  
 而所期阿富汗兵不至諸回城無一響應者城外茂林一夕忽盡伐之城  
 池豁露明瑞因簡巴圖魯兵六百人中夜攜雲梯薄城而登敵未覺挺刃  
 交下守陴者驚竄遂毀其城堞天明收軍仍逼城築壘斷其樵汲敵糧盡  
 內潰縛獻首逆四十二人明瑞率兵入城殲其丁壯徙老弱萬餘口戍伊  
 犁烏什遂平烏什既平阿富汗同盟軍聞之亦退散詔令伊犁參贊大臣  
 移治烏什由是中國國威遠震於葱嶺以西迤北則吉爾吉思部落今俄  
屬西

伯利亞  
西境

焉

緬甸丙戌三十一年春三月緬甸入寇九龍江雲貴總督劉藻率師禦之敗  
 績自刎死詔以大學士楊應琚代之

緬甸自元世祖擊降後臣服中

國明嘉靖末始自立然猶奉表朝貢未敢顯絕清初明永曆帝走緬甸緬  
 甸人執送吳三桂軍前遂自負其功不復朝貢於中國及雍正時與景遵八即

吳尚賢  
茂隆銀廠

尚賢說  
緬王上  
表稱藩

緬甸革  
命

宮裏雁  
抗雍藉  
牙

龍波銀  
廠

百地城國  
居最邊城爭入貢而未至蓋百數年來中國幾不知有緬甸矣至乾隆十一

年有吳尚賢者出而緬甸始復稱藩通朝貢云吳尚賢者雲南石屏人始

以貧走徼外得開礦權於緬甸之卞瓦部一名萌設茂隆銀廠成績甚著

尚賢遂運動部酋使以礦稅作貢定稅額銀三千七百兩有奇欸邊入報

廷議欲加尚賢以違例出境罪經部酋奏懇始免尚賢復說緬甸王上表

稱藩緬甸王許之會緬甸革命起滇督吳達善復以中飽廠課罪誣陷尚

賢逮之下獄瘦死獄中而聲勢赫奕之茂隆銀廠亦因以解散中緬戰爭

之機遂導線於此方緬甸革命之始起也南部擺古部謀獨立乾隆初擺

古部率兵攻陷緬甸國都阿瓦在伊拉瓦底河  
沿岸緬甸故都殺緬王莽達拉諸部多降服

惟木疏土司緬甸西境在  
阿瓦之北酋長雍藉牙不為之下卒以乾隆十九年恢復阿

瓦建設新緬甸雍氏先世為雍田漢和帝永元九年授印綬為緬甸王至

藉牙已一千七百年矣藉牙既恢復緬都盡臣服舊部是為新緬甸國新

緬甸國既成立而桂家部首領宮裏雁及木邦部在緬甸  
東境酋罕底莽先後

起兵與之抗桂家者明永曆帝家屬之後裔以桂王初封得名世擅龍波

銀廠以資雄諸部既與木邦同抗新緬甸屢戰不勝宮裏雁窮蹙遂寄居

曩占殺  
刁派春

宮裏雁  
被殺

緬王輕  
中國

曩占喉  
孟駁犯  
邊

三路大  
敗  
楊應琚  
自刎

滇邊孟連地方為內附計。滇督吳達善向之索賄不得，則驅逐之。孟連土司刁派春又劫奪其家屬財產，以賄達善。於時宮裏雁妻名曩占者，糾眾襲殺刁派春，而邊吏不明曲直，竟誘致宮裏雁，坐以同謀之罪而殺之。時木邦酋罕底莽亦兵敗走死。於是緬酋益無忌已，而緬王雍藉牙死，子莽紀瑞立方思統一境內，偵知滇吏無狀，遂心輕中國，屢發兵侵襲滇邊土司地。滇督吳達善貪而懦，不敢問，並戒兵士無得與戰。及莽紀瑞死，弟孟駁立，勢益張。宮裏雁妻曩占欲為夫復仇，因喉孟駁，發兵犯邊，攻掠九龍江。即今開滄江在普洱道境等地，勢甚猖獗。時吳達善已移督川陝，翰林劉藻代之。藻本書生，不諳兵事。普洱永昌邊外一夕數驚，總兵劉得成、參將何瓊、福遊擊明浩等三路皆大敗。事聞，帝大怒，詔降藻為湖北巡撫，以大學士楊應琚代之。藻閉戶作書，處分後事畢，擲筆拔佩刀自刎死。

附錄 緬甸之役，劉藻自刎，楊應琚被殺，明瑞戰死，中國損失至巨。其

禍皆由於前督貪縱，邊吏無狀所致。至今滇人猶言當時吳尙賢宮裏雁不死，必無如此邊禍。則吳宮二人所關豈淺鮮哉。茲將二家始末分

述於下。

一吳尚賢茂隆銀廠始末尚賢初家石屏以貧故走徼外抵葫蘆國

卡

瓦在近木

其酋長大山王蜂筑信任之與開茂隆銀廠廠大贏廠例無尊

卑皆以兄弟稱尚賢爲廠主廠既旺聚衆至數十萬一有警則兄弟全  
出尚賢身瘦小臨陣輒先鬚雖少皆擢起見者無不驚走廠徒多才力  
數百斤礮可手挽而發之凡在夷方開廠者皆互相聯絡有夷衆憎某  
廠欲攻之而憚茂隆阻用重幣假道尚賢陽許而陰告某廠使備之夷  
大失敗回過茂隆截之無一脫者所獲不可勝記衆大歡讌中酒尚賢  
忽大哭不止衆驚請故尚賢曰吾與衆兄弟忍飢寒開此廠今一旦有  
此無妄財懷父母妻子各思歸我一人能支乎終爲蠻有矣於是諸人  
各舉酒爲誓盡探懷中所掠者棄之淵其操縱人皆類此諸莽賊皆緬  
也畏之甚不敢侵尚賢之鄰有某者性忠實曾爲武弁頗識學會以事  
革不能自存往省尚賢尚賢雖豪然故廠徒不識官府事某因以進貢  
說之冀可得大功尚賢心動因以部酋之名上書滇督請以鑛稅作貢  
定歲額三千七百兩有奇又說緬王使上表貢中國緬王莽達拉遂以  
尚賢之介紹附表達滇督願充外藩事甫就緒而緬甸適有革命之亂

尚賢又以中飽廠課之罪案爲滇督所陷瘐死獄中因是聲勢赫奕之茂隆銀廠爲之解散論者惜之

桂家波  
龍銀廠  
始末

二桂家波龍銀廠始末桂家一作貴家相傳明永曆帝入緬時爲緬酋所俘其家人及侍從皆散駐沙洲蠻不之逐謂水至盡漂矣已而水至洲不沒蠻共神之百餘年生聚日盛稱桂家世擅波龍銀廠兵力頗強羣蠻畏之他廠力弱不能支羣蠻者丐請卽往桂家部長宮裏雁貌偉而怪滿面皆髯每鬥矢石不能及身故爲羣蠻所畏時與緬酋隙及新緬甸興以力脅服諸土司宮裏雁不服爲所敗波龍廠遂見破宮裏鴈率衆謀內附而孟連土司在木邦東乃派春苛索之宮裏鴈不受土司約束會石牛廠周彥青相招宮裏鴈乃置其妻曩占一作曩占及男婦千餘人於孟連而自赴石牛廠宮裏鴈旣去乃派春乃分散其人於各寨而置曩占及二女於城中曩占知入牢籠潛語其人但望城中發火卽來接應已而派春索其畜產與之索其次女與之索長女又與之乃索曩占曩占怒乘夜進其家手刃三十餘口遂縱火其徒見火光盡集奔孟養轉徙至緬甸而宮裏鴈實不知也永昌今雲南保山縣守楊重毅聞變欲以宮裏

皇后崩  
拉氏崩  
后諫帝  
夜遊

阿永阿  
上疏諫  
帝

盡忠不  
能盡孝

阿永阿  
李玉明  
李玉明  
成邊卒

大清會  
典成  
逮楊應  
琚

鴈爲功乃佯好逆宮裏鴈將行其妾卜之不吉勸毋往不聽因泣而從之自永昌至省不敢輕動也獄已具乃殺之妾亦死而緬禍自此起矣

綱秋七月皇后那拉氏崩詔以妃禮葬之 先是三十年閏二月帝在杭州嘗深夜微服登岸游后力諫止至于泣下帝謂其病瘋令先程回京及回鑾后將以病廢刑部侍郎覺羅阿永阿欲諫以母老躊躇母諭以盡忠不能盡孝忠孝不能兩全阿永阿涕泣別母侃然上疏帝大怒曰阿永阿覺羅近臣乃敢蹈漢人惡習博一己之名召九卿議罪閣臣陳宏謀託庸皆依違其間刑部尙書錢汝誠獨曰阿永阿有母在堂盡忠不能盡孝帝斥之曰錢陳羣老病居家汝爲獨子何不歸家盡孝乃戊阿永阿黑龍江斥汝誠歸養而后得不廢至是后崩諭所有喪儀不得循皇后大事辦理止可照妃例行交內務府承辦御史李玉明上疏請行三年喪斥戊伊犁二人先後卒于邊

冬十二月大清會典成

丁亥三十二年春三月逮大學士雲貴總督楊應琚入京以伊犁將軍明瑞補授雲貴總督 應琚奉命督滇初至滇會瘴癘大作緬兵漸退

應琚徵功征緬

緬兵追入鐵壁關

應琚革職賜自盡

殺齊周華奪齊召南職

明瑞征緬甸

因乘間得以收復車里孟良整貝諸地時騰越副將趙宏榜以習識緬事  
 著稱首以緬甸新造木邦蠻莫諸部皆願內附緬酋勢孤易取等語款動  
 應琚應琚見事機順利密奏緬甸可取狀帝信之應琚自普珥移駐永昌  
 移文檄緬言大兵數十萬陳境上不降即進討緬酋乃大出兵攻木邦景  
 線皆陷之時趙宏榜將兵五百出鐵壁關在騰衝縣乘蠻莫部長赴阿瓦一作  
 瓦未歸之際襲據其所屬之新街其地扼金沙江口水口緬與中國互市處  
 據阿瓦上游為緬必爭之地緬以兵溯江而上抵新街宏榜燒器械輜重  
 走還鐵壁關緬兵數萬尾而入大肆焚掠應琚憂甚不得已以得不償失  
 入奏請棄新附諸土司地帝聞報震怒詔逮應琚入京治罪以伊犁將軍  
 明瑞兼雲南總督明瑞在伊犁未至以前以鄂寧代之已而應琚至京革  
 大學士職旋賜自盡

綱冬十二月殺浙江人齊周華並奪原任禮部侍郎齊召南職  
 目先是

浙人齊周華以黨呂留良遣戍歸刻其書撫臣熊學鵬摘其中忌諱語以

聞並誣原任禮部侍郎齊召南徇隱逆詞等罪詔磔周華並落召南職

綱冬十二月將軍明瑞率師征緬甸大破之  
 目自楊應琚賜死帝命大

明瑞率  
兵進擊

古木邦

渡錫箔  
江

連破四  
寨

緬大敗

學士公阿里袞前往雲南辦理軍營策應機宜卽授爲參贊大臣並諭巴圖濟爾噶勒領隊到雲南著在參贊大臣上行走及明瑞至軍先後調滿洲兵三千貴州及雲南兵二萬餘以都統額爾景額爲參贊明瑞自率軍由木邦孟良攻東路爲正兵而使額爾景額及提督譚五格由孟密出新街水路會于阿瓦額爾景額尋卒以額勒登額代之以九月二十四日啓行而連旬雨潦十一月二日始出宛頂越八日整隊至木邦守兵望風先遁獲其糧留參贊珠魯訥按察使楊重英以兵五千守之通餉道明瑞自率兵萬二千爲浮橋渡錫箔江遂進攻蠻結敵軍二萬立十六柵環濬深溝列象陣以待領隊大臣觀音保等麾兵先據山左敵來爭不得上翌日兩軍相持未決而敵柵甚堅其法立巨木爲柵而聚兵其中輒于柵隙以擊人人莫如何此敵長技也總兵哈國興請分兵三路登山俯而薄之軍士皆奮時出邊已逾月始與敵遇一呼直逼其柵有黔兵王連者先躍入十餘人繼之縱橫決盪敵恆亂不知所爲多被殲遂破一柵乘勢復攻得其三而十二柵之緬人皆宵遁當鏖戰時明瑞分兵爲十二隊首先陷陣目受傷仍策馬指揮不稍挫軍士無不一以當百呼聲動天地緬大敗走



無何師次革竜地近天生橋緬于山頂立柵拒守明瑞令副都統達興阿領兵二千由大路進佯爲奪渡之勢自督兵從間道繞至上游乘霧渡河進據山梁敵驚潰殲馘二千餘軍聲大振

**綱**戊子三十三年春正月御批歷代通鑑輯覽成

軍勢大振御批歷代通鑑輯覽成明瑞戰死道絕糧

**綱**二月將軍明瑞陷敵死詔以大學士傅恆爲經略阿里袞阿桂爲副將軍代領其軍 **目**明瑞率軍至象孔迷失道而軍糧已罄明瑞度不能至

阿瓦又慮孟密路之師或已先入于法不當退聞猛籠有糧且地近孟密冀可得北路聲息乃定計就糧猛籠敵探知軍中糧盡狀卽悉衆來追明瑞率軍且戰且行每日先以一軍拒敵卽以一軍退至數里外成列待軍至則成列者復迎戰明瑞及觀音保哈國興等更番殿後步步爲營每日行不三十里自象孔至小猛盲距宛頂約二百里二千餘里之地凡六十日而後至至則土司皆遁果得窖米二萬餘石濟軍時已深入二千餘里而北路孟密之師仍無消息乃謀取道大山土司向木邦以歸盡焚孟籠餘糧人攜數升以自給將至大山又有蠻化之捷先是敵之尾明瑞也每夕駐營猶相距十餘里至是明瑞營蠻化山巔敵卽營于山半明瑞謂諸將曰蠻輕

孟籠得糧捷蠻化之

休軍蠻  
化

明瑞力  
戰死

傅恆爲  
經略

阿桂補  
授雲貴  
總督

我甚矣。不決一死戰。將益肆毒于我。無噍類也。蠻久識我軍號。每晨輿吹波倫者三。而起行。則蠻亦起而追我。明日復吹波倫三。則我軍盡出營。伏菁以待。詰旦。敵聞波倫聲。果蟻附而上。甫及半。驀聞萬槍齊發。四面霆擊。敵惶遽不及戰。輒反走。趾頂相籍。擊殺四千餘人。坑谷皆滿。自是每夜駐營。輒在二十里外。不復敢逼矣。明瑞休軍蠻化數日。取所得牛馬犒士。而敵之先一日過者。已柵于要路。得波竜人引以間道。由桂家銀廠舊址而出。會敵之分路襲木邦者。已潰。木邦駐守之師。戕珠魯納。執楊重英。于是木邦之敵亦至。額勒登額之進孟密也。中途阻于老官屯。在猛密北之敵頓兵月餘。帝以明瑞久絕軍報。趣額勒登額援之。明瑞行抵小猛盲。敵已蝟集四五萬。而額勒登額援迄不至。明瑞乃令軍士乘夜出度。皆得自達。而自與領隊大臣率親兵數十人。力戰。胸背被槍而死。事聞。詔明瑞及同時殉難札拉豐阿。觀音保。俱賜優卹。逮額勒登額至京。磔殺之。並斬提督譚五格于市。命大學士傅恆爲經略。阿里哀。阿桂爲副將軍。舒赫德爲參贊大臣。同赴滇。籌辦經勦緬匪事宜。以鄂寧補授雲貴總督。已而舒赫德。鄂寧俱以密陳招致緬人投降事。忤旨。俱著革職。交部嚴議。以阿桂補授雲貴

總督

嚴禁偷  
剪辮髮

綱秋九月嚴禁偷剪髮辮。民間喧傳有人偷剪髮辮。始于江浙。漸蔓

延直隸山東各處。人心驚惶。帝以各省督撫緝捕不力。高晉明德彰寶馮  
鈐熊學鵬永德等俱交部嚴議。

綱冬十二月臺灣民黃教作亂。黃教糾衆作亂。臺灣道張珽以不親

往剿治革職。翌年黃教就擒。總兵王巍以措置乖方伏法。

黃教作  
亂  
黃教就  
擒

清鑑綱目卷七終

清鑑綱目卷之八

鹽城印鸞章編輯 金式陶 張延壽 趙雪 胡應庚 校訂

高宗純皇帝

己丑三十四年夏六月毀錢謙益所著書 帝以謙益所著初學集

有學集二書中多詆謗語命銷毀其版查禁其書並別謙益名入貳臣傳

親製詩指斥之

冬十一月協辦大學士尙書果毅公阿里袞卒於軍 阿里袞滿洲

鑲黃旗人由侍衛歷官至宰輔征緬之役勳勞卓著時與傅恆在緬據夏

鳩江進兵殺敵連奪三寨因觸瘴癘發疾卒於軍帝聞之震悼予諡壯襄

十二月與緬人訂和約罷兵 方明瑞之陷敵而死也緬酋孟駁以

時方用兵暹羅不欲與中國構釁因乘機求和縱還俘虜八人使擺夷具

貝葉書貝同棋樹名也其葉溫之似紗殿佛徒用以寫經緬為佛教國故書表多用貝葉請罷兵阿里袞據以奏聞帝以緬

人請和未親遣頭目非大舉無以雪忠憤趣傅恆等進兵時副將軍阿桂

至滇聞暹緬交戰事正烈議約暹羅夾攻緬甸而交通隔閼使不得通經

略傅恆議分兵水陸三道而進一軍由伊拉瓦底河順流而下直搗阿瓦

錢謙益初學集

阿里袞卒於軍

與緬人訂約罷兵

阿桂約緬羅攻

大破緬兵

緬人請議款

阿里袞卒于軍  
訂和約二條

緬甸貢不至

傅恆卒

一軍由河東進取孟密一軍出河西指木疏覆其舊都而留阿桂駐蠻莫治舟自與阿里袞率兵渡戛鳩江而西與敵戰大破之惟軍士觸暑雨多僵病又不識道路益難深入諸將皆不復向阿瓦惟欲就近攻老官屯敵壘以雪額勒登額頓兵之恥兩軍相持久不下阿桂乃撥戰艦越過敵柵截其西岸應援之師敵師乃遣人立柵上遞緬文請張幕適中地親來議款明日復以其酋孟駿書至阿桂集諸將議進止皆憚水土瘴癘爭願罷兵時阿里袞已觸瘴卒於軍經略又病足退居銅壁關帝諭經略許緬甸和與訂約班師其約凡二條一緬甸對中國行表貢之禮歸俘虜返土司侵地二中國以木邦今緬甸東境孟養今緬甸北境蠻莫孟養東孟艮木邦東諸部人口還付緬甸條約既定於是緬酋遣使十四人賫貝葉書詣經略饋獻方物自陳請入貢遂焚舟鎔大礮而歸遷木邦孟養蠻莫三土司於關外分置大理蒙化寧洱而空關外地留副將軍阿桂於雲南相機備邊既而緬甸貢竟不至

○庚寅三十五年秋七月大學士忠勇公傅恆卒  
○恆為戶部尚書米思翰之孫筦機務二十三年最承恩眷其卒也年未五十帝甚惜之一切

陳宏謀  
卒

帝奉太  
后東巡

尹繼善  
卒

身兼九  
職案無  
留牘

土爾扈  
特部來  
歸

喪葬儀節許照宗室鎮國公例賜諡文忠

○六月前大學士陳宏謀卒。○宏謀爲諸生時卽以經世爲己任。聞有

邸報至必借觀之。歷官三十餘年。所到處無問久暫。必究心於人心風俗

之得失。及利弊之當興革者。分條鉤考。次第舉行。所著五種遺規。行於世

本年二月以疾請告。允致仕。加太子太傅。至是歲卒。予諡文恭。

○辛卯三十六年春二月。帝奉皇太后東巡。○二月至山東。謁岱嶽廟。

登泰山。三月謁孔林。四月還京師。

○夏四月。大學士尹繼善卒。○繼善凡一督雲貴。三督川陝。四督兩江。

而在江尤久。前後三十餘年。頗以汲引人才爲務。遇事鏡燭。犀剖八面。瑩

澈。嘗一月間兼攝將軍提督巡撫。河漕鹽政。上下兩江學政等官。九印彪

列。簿書填委。而判決恢然。無留牘。猶與諸生論文課詩。聞者駭服。尤長奏

對。世宗嘗諭曰。汝知督撫中有當學者乎。李衛鄂爾泰田文鏡是也。對曰。

李衛臣學其勇而不學其粗。田文鏡臣學其勤而不學其刻。鄂爾泰大局

好宜學處多。然臣亦不學其悞也。至是卒。予諡文端。

土爾扈特部附  
俄羅斯

土爾扈特內附  
之原因

受土爾扈特之  
降

巴哈臺附近當準噶爾強盛時其酋和鄂爾勒克畏偪挈其部族走俄羅斯屯窩瓦河畔在海北俄人因稱爲己屬其後四傳至阿玉奇始自稱汗康

熙時嘗遣使貢方物聖祖欲察其國情遂於康熙五十一年命內閣侍讀圖理琛齎敕往報圖理琛由喀爾喀取道西伯利亞直達其國五十四年回京復命因述其所經道里山川風物產以及應對禮儀爲異域錄二卷呈之而阿玉奇附表奏謝焉其部人本信仰黃教與俄俗不相容常思慕故土會準部大定兆惠留軍搜剿厄魯特人有附牧伊犁之士爾扈特台吉名舍稜者率所部二千餘人往投俄羅斯之士爾扈特部時阿玉奇早卒其曾孫渥巴錫嗣汗位不得俄政府之許可意甚不平舍稜遂勸其仍挈族還伊犁並謂伊犁空虛可襲而取渥巴錫從之遂於乾隆三十六年率人口十六萬有奇自俄境脫走沿途爲哈薩克及布魯特人所刼失人畜輜重無算翌年始至伊犁渥巴錫既至伊犁將軍嚴兵備邊使人迎詰之渥巴錫與舍稜等議數日乃以慕化歸附對事聞朝議以恰克圖條約戰明中俄兩國不得彼此容隱遁逃今受俄人叛藩恐惹起邊釁帝謂舍稜本我叛臣俄人受之是背約在俄折之有詞遂決計受降乃封渥巴

厄魯特  
蒙古全  
入中國  
之始

金川復  
叛

錫爲汗以所部爲舊土爾扈特封舍稜爲郡王以所部爲新土爾扈特分  
賜牧地於伊犁及科布多附近是爲厄魯特蒙古完全歸附中國之始時  
俄羅斯方以波蘭之亂與土耳其人交戰未暇與清廷開國際之交涉云  
綱冬十月金川復叛褫四川總督阿爾泰職以侍郎桂林代之命大學士  
溫福率師進討目自大金川平定後會伊犁變起朝廷方專力西北未

暇他顧遂復有兩金川之亂先是大金川酋莎羅奔既降兒子郎卡掌大  
金川事郎卡性桀驁因中國有事伊犁遂乘機侵擾鄰境四川總督阿爾  
泰雖傳檄諭止而抗不受命帝以大金川勢漸猖獗諭阿爾泰檄九土司

松岡梭魯卓克基沃日華布什咱  
札綽斯甲布小金川燕噶巴旺環攻之時九土司中地與大金川相偪而兵力

相等者東則小金川西則綽斯甲布餘皆小弱非大金川敵阿爾泰不能  
利用小金川等以制郎卡之跋扈惟以苟且息事爲得策於是郎卡遂與  
小金川綽斯甲布結和親之約三部聯合他土司益不敢抗會郎卡死小  
金川酋澤旺亦老病子僧格桑用事與郎卡子索諾木締好益固至是索  
諾木遂誘殺革布什咱在大金  
川西南土官而僧格桑亦屢攻沃日亦作鄂克什  
在小金川東遂

與官兵戰事聞帝以前此出師本以救小金川今小金川反悖逆罪不赦



詔溫福  
桂林分  
路進討

以阿桂  
豐伸額  
為四川  
軍營參  
贊大臣

桂林攻  
小金川  
敗績職

以阿桂  
代桂林

總督阿爾泰歷載養癰事既發又按兵打箭爐半載不進褫其職尋賜死  
以侍郎桂林代為總督詔大學士溫福自雲南馳往四川與桂林率兵分  
路進討

綱壬辰三十七年春二月以阿桂豐伸額為四川軍營參贊大臣 溫  
福既受命討金川以阿桂兩使四川熟邊事請偕以行帝因命阿桂豐伸  
額並為參贊大臣未幾復命哈國興馳驛前赴溫福軍營授舒常永平均  
為領隊大臣前赴四川軍營舒常赴西路永平赴南路並命鄂蘭海蘭察  
由滇入川鄂蘭帶領長生保綏庫阿坦保利保住赴南路軍營海蘭察帶  
領額爾登布塞布騰庫伯赴西路軍營差侍郎劉秉恬往四川辦理西路  
軍營糧運事務給欵差大臣關防

綱夏五月四川總督桂林攻小金川敗績詔褫其職以參贊阿桂代之

桂林溫福分兩路出兵桂林出打箭爐溫福出汶川為東西夾擊之計  
兩軍次第逼小金川境而桂林部將薛琮已抵小金川墨壘溝敵襲其後  
路桂林不赴援致全軍陷沒泗水歸者僅二百餘人桂林匿不以聞被劾  
褫職詔以參贊大臣阿桂代之

○癸巳三十八年春二月開四庫全書館以紀昀為總纂官 ○紀昀字

曉嵐一字春帆直隸河間人貫徹儒籍旁通百家凡六經傳注得失諸史

異同子集支分派別以及詞曲醫卜之類罔不抉奧提綱溯源竟委每進

一書仿劉向曾鞏例作提要冠諸簡首帝輒覽而善之

○夏六月木果木兵變大學士溫福死之秋八月詔授阿桂為定西將軍

豐仲額明亮副之冬十月小金川平 ○初阿桂之代桂林也以皮船宵

濟連戰有功直搗小金川根據地美諾小金川酋僧桑格送其妻妾於大

金川而自赴澤旺所居之底木達在懋功縣北澤旺閉寨門不納遂由美臥溝

竄入大金川於是小金川平帝欲乘勝並滅大金川命溫福為定邊將軍

阿桂豐仲額為副將軍分三路出師溫福由功噶入阿桂由當噶入豐仲

額由綽斯甲在木果木西北入既而溫福以敵扼險不得進別取道攻苦嶺駐營

木果木大金川東境命提督董天弼分屯底木達以守小金川之地顧溫福性

復不廣咨方略惟襲訥親張廣泗以碉卡逼碉卡故事修築千計所將兵

二萬餘大半散於各卡索諾木陰使小金川頭目等由美臥溝出煽故降

番使復叛諸降番蠡起應之先攻陷提督董天弼之營次劫糧台即潛兵

溫福中  
槍死

小金川  
復平

劉統勳  
卒

統勳言  
阿桂可  
大用

統勳微  
行察訪

襲水果木運糧夫役數千人見之爭避入大營溫福堅閉壘門不納轟而潰聲如壞堤軍心益震敵四面噪入溫福中槍死海蘭察聞警赴援殿衆由間道退出收集潰卒尙萬有數千其戰歿者三千餘小金川地復陷於敵阿桂聞變知必有降番內應者先擊近寨諸番並盡收皮船以斷隔河之敵故一軍屹然不動乃整隊出屯翁古爾壟秋八月詔阿桂爲定西將軍豐伸額明亮爲副將軍代統溫福軍已而阿桂改道出沃日攻小金川東境而以明亮攻其南阿桂復轉戰抵美諾明亮亦所向克捷至十一月遂盡復小金川地小金川復平帝命凡因水果木失事帶職留任之海蘭察富興烏什哈達成德富紳海祿悉予開復

十一月大學士劉統勳卒

統勳諸城人精敏有膽識先是水果木

之變帝詔統勳至避暑山莊詢以處置事宜統勳言金川彈丸之地初時不足勞兵此時兵不可罷將軍阿桂可大用帝從之遂有小金川之捷先是統勳嘗以尙書出視楊橋漫工屬吏以芻茭不給爲辭月餘無端緒統勳乃爲微行見大小車載芻茭凡數百兩皆弛裝困臥有泣者問之皆言奉示運糶料赴工縣丞某索賄乃收貧不能具賄遂拋置河干欲歸不能

統勳旋署令巡撫卽縛縣丞至數其罪將斬之巡撫爲請罪乃杖而荷校以徇逾月工遂竣其精覈能治事率類此與文淵閣大學士劉綸甚相得時有南劉北劉之稱綸器量凝重不見有喜愠色出入殿門進止有恆處帝前所聞久益無所遺忘亦未嘗一出口也其謹慎類如此先統勳六月卒賜諡文定統勳賜諡文正

**綱**甲午三十九年夏五月命選宗室王公子入宗學肄業著爲令

**綱**秋七月內監高雲從伏誅 **圖**以大學士于敏中向其探問禁中消息也敏中亦着交部嚴議

**綱**九月兗州民王倫作亂大學士舒赫德討平之 **圖**初王倫以清水邪

教運氣治病教拳勇往來山東號召無賴亡命徒黨日衆壽張知縣沈齊

義捕之遂入城戕吏連陷堂邑陽穀趨臨清 清直隸州今爲縣屬東臨道 **圖**阻運道帝命

大學士舒赫德佩欽差大臣印由天津馳赴山東督師倫圍巡撫徐績軍

於臨清之梁家淺旋解圍趨運河直隸總兵萬朝興破之於運河西岸舒

赫德軍抵臨清倫使千人北出牽官兵而備驍悍五六百陳舊城東門迎

戰舒赫德遣侍衛音濟圖等以禁旅三百迫之北門外而自攻東門倫敗

命舒赫  
德剿王  
倫

王倫作  
亂

命宗室  
子弟入  
宗學從  
高雲從  
伏誅

王倫敗  
自焚死

阿桂破  
大金川

竄城內音濟圖搽擒之於城內某大宅中爲其黨十餘人所奪倫知不可遁遂登樓縱火自焚死

綱乙未四十年秋八月定西將軍阿桂進攻大金川破之索諾木遁

小金川既復帝命阿桂移師征大金川阿桂復分軍三路而進一軍自小

金川攻其東阿桂統之一軍自黨壩大金川北渡大金川上流攻其西北豐伸

額明亮統之一軍渡大金川下流自革布什咱攻其西南富德統之阿桂

軍至那穆山敵已嚴軍守備海蘭察由間道破山後之色溯普嶺敵卽退

守薩斯甲嶺嶺之西有最高峯敵未甚備海蘭察率死士六百猱引而上

比明及其礮一湧而入盡滅之數十里各寨聞皆奪氣遂同時破乘勝直

臨遜克宗壘索諾木鳩僧桑格而獻其尸及妻妾頭目至軍前乞赦已罪

阿桂檻致京師而攻益急壘爲大金川根據地勒烏圍之外障敵以死守

之百計圍攻不能入有墨格山可進因率兵冒險克之遂移營其地進攻

勒烏圍兵距勒烏圍二十里而明亮之西北軍亦次第逼近與阿桂軍聲

息可通會連兩數旬兵不得進秋七月兩軍抵勒烏圍其官寨礮堅牆厚

西臨大河迤南有轉經樓與官寨相犄角阿桂軍四面礮轟官寨破之又

克轉經樓逸出者皆溺水死勒烏圍之敵巢遂破而莎羅奔索諾木及各頭目已先期遁赴噶爾厓阿桂復進兵圍之

**綱**丙申四十一年春二月金川噶爾厓破索諾木隨莎羅奔出降金川平

**目**莎羅奔索諾木之遁入噶爾厓也其前有瑪爾古山得之則可以俯

臨其巢阿桂等議奪其上游而隔於西里之科布曲山乃於九月攻西里

燬其木城攻克科布曲山於是軍進無阻遂據瑪爾古山盡奪要害噶爾

厓卽在其下其頭目及番衆紛紛出降索諾木之母姑姊妹亦降惟莎羅

奔索諾木及其心腹死黨皆在圍中明亮富德兩軍狗各險皆下三路會

於噶爾厓築長圍周數里斷水道以困之索諾木乃從莎羅奔及其頭目

妻子挈番兵二千餘出寨奉印獻軍門捷奏至京師詔以小金川地爲美

諾廳後改名戀功以大金川地爲阿爾古廳卽今綏靖屯直隸四川進阿桂爲吏部

尚書協辦大學士並命照前平定準回之例於紫光閣圖畫功臣像以阿

桂爲首

**附**

**註** 天山南北之平定也。用兵五年。費帑三千萬兩。而兩金川以彈丸之地。廣不逾千里。人不滿三萬戶。而用兵亦五年。費帑七千萬兩。其原因約有三端。地理險阻一也。

鼠候不戾。二也。士兵同心。致死三也。爲戰事發生。利。大學士劉統勳謂爲不足勞兵蓋。先見之明者矣。

索諾木 莎羅奔 出降 改金川 爲二廳 阿桂首 閣圖紫光

金川二  
酋伏誅

綱夏四月金川酋索諾木莎羅奔伏誅。索諾木莎羅奔俘送至京師。帝御瀛臺親鞠之。命將二酋寸磔梟示。並懸僧格桑首於市。先是阿桂在金川執緬甸使者送京師獄中。至是誅索諾木及衆頭目。使緬使觀行刑。且告之故。緬使驚怖欲絕。因令歸諭緬酋。示以禍福。緬酋乃歸所執蘇爾相於中國。

緬酋歸  
俘  
編列貳  
臣傳

綱十二月詔國史館編列貳臣傳。詔書略謂崇獎忠貞。卽所以風勵

臣節。我朝開叛之初。明末諸臣望風歸附。如洪承疇以經略喪師。俘擒投順。祖大壽以鎮將懼禍。帶城來投。及定鼎時。若馮銓王鐸宋權謝陞金之俊。黨崇雅等。在明俱曾躋顯秩。入本朝仍忝爲閣臣。畏死倖生。覲顏降附。豈得復謂之完人。此輩在明史。既不容闕入。若於我朝國史。列名敘傳。竟與范文程李光地等之純一無疵者。毫無辨別。亦非所以昭褒貶之義。若以其身事兩朝。概爲削而不書。則其過蹟。轉得藉以掩蓋。又豈所以示傳信乎。今爲準情酌理。自應於國史內。另立貳臣傳一門。將諸臣及仕本朝各事蹟。據實直書。使不能纖微隱飾云。

綱丁酉四十二年春正月。皇太后崩。

皇太后  
崩

舒赫德卒

豐仲額卒

殺王錫侯

夏四月大學士舒赫德卒。舒赫德爲徐元夢孫方阿睦撒納降時

舒赫德奏其新附難信請弗與兵而移其妻子就食歸化城帝以所辦非是落其職及阿睦撒納叛其妻子尙在烏里雅蘇臺舒赫德偕兆惠馳往收送京師又討平克州王倫有功至是卒予諡文襄

五月以阿桂爲武英殿大學士兼吏部尙書英廉爲協辦大學士

冬十月戶部尙書豐仲額卒。豐仲額爲額亦都之後奮勇有祖風

金川之平圖形紫光閣封果毅繼勇公至是卒諡誠武

十一月殺新昌舉人王錫侯。初新昌縣民王瀧南呈首舉人王錫

侯刪改康熙字典另刻字貫一書經江西巡撫海成訊明奏呈王錫侯刪改字典實屬狂妄不法應請革去舉人以便審擬至是帝諭軍機大臣等略謂海成奏呈舉人王錫侯狂妄不法一摺朕初閱以爲不過尋常狂誕之徒妄行著書立說自有應得之罪已批交大學士九卿議奏矣及閱其遞到之書第一本序文後凡例竟有一篇將聖祖世宗廟諱及朕御名字樣開列深堪髮指此實大逆不法爲從來所未有之事罪不容誅卽應照大逆律問擬以申國法而快人心乃海成僅請革去舉人審擬所謂人臣



海成革  
職治罪

尊君敬上之心安在。而於亂人賊子，人人得而誅之。之義又安在。海成實屬天良盡昧，負朕委任之恩，着傳旨嚴行申飭。至王錫侯身為舉人，乃敢狂悖若此，必係久困潦倒，胸多牢騷，故以露於筆墨。其平時所作詩文，尚不知作何訕謗。此等悖逆之徒，為天地所不容，故使其自行敗露，不可不因此徹底嚴查。一併明正其罪云云。旋查獲王錫侯著書十種，俱有悖謬不法之處，乃解京治罪。海成暨藩臬各官，均以失察革職，交刑部治罪。

**附記**

海成滿洲人，為江西巡撫高宗所特拔，以為搜求文字之健將者。初高宗欲查嚴禁江南違禁各書，特命海成巡撫江西，乾隆四十一年，據海成奏稱民間繕呈歷嚴禁之

書前後共有八千餘部之多，則海成搜求文字之嚴密，不可謂不力。而高宗於王錫侯一案，則猶嫌其查辦不力，謂為天良盡昧，深負委任之恩，嗚呼！充高宗之意，將盡舉天下讀書人而一一誅戮之，然後快於心耶！專制之君，主其肺肝，真不知其為何物所製造也已。

**綱**十二月，河州教匪王伏林作亂，伏誅。**目**初，王伏林等在甘肅河州。

肅導一帶聚眾，念經，河州民附和之者甚眾。總督勒爾謹恐滋生事端，遣

兵往捕，為所擊退。勒爾謹隨即率兵往剿，獲其四教主石忠信，旋復擒其渠魁王伏林、張志明等，誅之。凡一日而事平。

**綱**戊戌四十三年春正月，復睿親王封號。**目**帝閱實錄，見睿親王多爾

袞於開國之時，厥功最著，而以身後歛服，僭用黃龍袞，奪其封號。於義未

王伏林  
作亂伏  
誅

復睿親  
封多爾  
袞封號

東巡至  
盛京  
善殺金從

一柱樓  
詩

恆因命復睿親王封號追諡曰忠補入玉牒並令補繼襲封並復豫親王  
多鐸原封又以禮親王代善後改封康親王鄭親王濟爾哈朗後改封簡  
親王肅親王豪格後改封顯親王克勤郡王岳託後改封平郡王俱復原  
號

綱秋七月帝東巡至盛京殺錦縣生員金從善九月還京師 帝自盛  
京回鑾時有錦縣生員金從善於道旁進遞呈詞條陳四事首以建儲爲  
請帝以其詞語狂誕殺之

綱冬十月戮已故浙江舉人徐述夔屍並奪前禮部尙書沈德潛職銜尋  
戮其屍 徐述夔字賡雅浙江人康熙舉人乾隆初年卒遺著一柱樓

詩中有清風不識字何得亂翻書及舉杯忽見明天子且把壺兒拋半邊  
等句爲人檢舉帝謂清風指大清言壺兒指胡兒言均含譏刺大怒詔戮  
其屍其子食田食書俱坐斬前禮部尙書沈德潛曾爲述夔作傳詔毀其  
御賜祭葬碑奪文愨諡革太子太師銜並撤出賢良祠德潛字確士號歸  
愚江蘇長洲人年六十餘以庶常召試及成進士已將七十高宗召對論  
歷代詩源流升降大賞之稱爲老名士命值工書房擢禮部尙書寵幸備

沈德潛  
詠黑牡丹詩

曹一士  
請禁挾  
仇誣告

至卒年九十七。御賜詩極多。至與錢陳羣並稱爲東南二老。帝每有所作。經德潛推敲者爲多。嘗語人曰。朕於德潛可謂以詩始。以詩終矣。後德潛卒。帝微聞其以捉刀語告人。由是憾之。刺骨及述夔獄起。帝復檢閱其遺稿。至詠黑牡丹詩。有奪朱非正色。異種也稱王之句。大怒。以爲誹謗。詔戮其屍。當時文字之禍。且較康雍而加烈。御史曹一士上疏請禁挾仇誣告。詩文以息惡習。略謂往者造作語言。顯有背逆之跡。如罪人戴名。世汪景祺等。聖祖世宗因其自蹈大逆而誅之。非得已也。比年以來。小人不識兩朝所以誅殛大愆之故。往往挾睚眦之怨。借影響之詞。攻訐詩書。指摘字句。有司見事生風。多方窮鞠。或致波累師生。株連親故。破家亡命。甚可憫也。臣愚以爲井田封建。不過迂儒之常談。不可以爲生今反古。述懷詠史。不過詞人之習態。不可以爲援古刺今。卽有序跋偶遺紀年。亦或草茅一時失檢。非必果懷悖逆。敢於明布篇章。使以此類悉皆比附妖言。罪當不赦。將天下告訐不休。士子以文爲戒。殊非國家義以正法。仁以包蒙之意。請勅下直省大吏。嗣後凡有舉首文字者。苟無的確蹤跡。以所告本人之罪。依律反坐。以爲挾仇誣告者戒。云云。疏奏不報。

豹殺智天

定盜殺一家數命律

和珅得寵之始

卒于敏中

**附記** 康鼎雅正聞慶與文字之獄。雖文網深密。然因天下未定。其所對付者。亦半屬實意。反對之人。獨者為自衛計。尚屬情非得已。至乾隆時。天下平定。已百餘年。漢人亡國之痛。久已消磨於專制積威之下。大可不必要作如是手段。而高宗竟仍作如是手段者。則高宗與聖祖世宗才略高下之比較。亦可知其學略矣。

**綱** 己亥四十四年春正月。以三寶為東閣大學士兼禮部尚書。

**綱** 夏四月。殺鄉民智天豹。**圖** 時有妄人智天豹。編造年號。妄稱大清天

定運數。使其徒張九霄於道旁呈獻。中有世祖章皇帝顯聖一條。刑部擬

以凌遲處死。帝命斬決。

**綱** 六月。定盜殺一家數命律。**圖** 諭刑部。凡盜殺一家數命以上之案。應

悉按其所殺人數。將兇犯父子照數定罪。多寡相當。著為令。

**綱** 秋八月。命和珅在御前大臣上學習行走。**圖** 和珅事始此。珅滿洲正

紅旗人。以官學生在鑾儀衛當差。選昇御轎。一日。帝將出。倉卒求黃蓋。不

得。帝曰。是誰之過。與各員瞠目。不知所措。珅應聲曰。典守者不得辭其責。

帝視珅儀度俊雅。聲音洪亮。乃曰。若輩之中。安得有此解人。遂派總管儀

仗。尋升侍衛。遷侍郎。至是。命在御前大臣上學習行走。漸尊寵用事。**珅初**

**昇御轎時**。有某省方奏巨盜逃逸。帝在輿中。誦論詔。虎兇出於押數。珅從旁僞言曰。典守者不得辭其責。由是稱旨寵用。

**綱** 冬十二月。大學士于敏中卒。**文真** 以程景伊為文淵閣大學士。嵇璜為

吏部尚書協辦大學士

還京師。○綱夏五月。賜和珅子名豐紳殷德。指爲十公主額駙。○目時和珅已補授

和珅子  
豐紳殷  
德尚公

南巡至  
海甯觀  
潮

各省督  
撫之貪  
賊

和珅始  
終蒙寵

尚書兼御前大臣矣。帝復賜其子名豐紳殷德。既尚公主。由是寵任之專。一時無兩。珅故無學行。但以攬權聚斂爲惟一目的。時承平既久。帝年已高。習於驕侈。每疏忠直而喜逢迎。中外官吏又習於貪黷。類賂津要以固權位。而和珅遂乘此時機。攬權聚斂。以罔上而賊下。各省督撫司道。畏其傾陷。不得不輦貨事之。結爲奧援。如國泰、王賈、望、陳輝、祖、福、崧、伍、拉、納、浦、霖、輩。皆以賊欸起大獄。賊欸之多。往往至數十百萬。爲歷代所未有。高宗執法未嘗不嚴。然誅殛愈多。貪風愈熾。或且惴惴恐罹法網。蓋圖攘奪爲行賄自全之地。其敢於行賄者。大率皆恃和珅爲護符。然一旦事敗。珅不能救。則亦相率引領就刑。惟珅始終蒙寵。未嘗一挂彈章。當時大臣如嵇璜、元勳、上公如阿桂。亦未能遽白其短。故珅得肆無忌憚。往往僭擬乘輿服物。外省貢品優美者。先入其第。然後供內府。甚至行文各省。凡有章奏。

副封班禪入朝

程景伊卒

巡幸五台山 程景伊卒 銓殺尹嘉

回教徒蘇四十三作亂起

阿桂討蘇四十三

先具副封白軍機處然後奏聞其專恣蒙蔽如此

○**綱**秋七月班禪額爾德尼自後藏入朝 ○**綱**班禪喇嘛額爾德尼以帝七

旬萬壽特自後藏來京祝嘏中外施舍山積未幾班禪以病痘卒於京邸

○**綱**八月大學士程景伊卒諡文恭 九月以嵇璜為東閣大學士兼兵部尚書

○**綱**辛丑四十六年春正月帝西巡幸五臺山三月至保定還京師殺大理

寺卿尹嘉銓 ○**綱**帝西巡至保定大理寺卿尹嘉銓在籍迎駕為其父尹

會一請諡且乞從祀文廟帝怒其狂妄命交刑部治罪嗣刑部奏稱尹嘉

銓所著各書中多狂悖語請凌遲處死得旨改為絞立決

○**綱**蘭州回教徒蘇四十三作亂陷河州命大學士阿桂討之 ○**綱**先是甘

肅循化廳回教徒馬明心者對於回經傳朗誦之法號為新教與舊教徒

之默誦者相仇殺死百餘人總督勒爾謹調各鎮兵勦之捕明心下獄新

教徒蘇四十三等二千人遂謀作亂陷河州犯蘭州城中兵迎戰不利蘇

四十三等斷河橋拒援師索明心甚急布政司王廷贊使明心登城諭敵

旋誅之以靖內變帝命大學士阿桂往討之蘇四十三窘急據山而守阿

桂攻之不能下因營山北築長圍以困之

魏勒爾  
謹職

蘇四十  
三伏誅

蘭州平

暹羅王  
鄭昭請  
入貢

暹羅內  
亂

暹人推  
鄭昭為  
主

夏四月魏陝甘總督勒爾謹職 阿桂至軍後奏勒爾謹遷延觀望

狀帝以勒爾謹養癰貽患臨事懦怯命革職交刑部治罪赦大學士李侍

堯以三品頂帶 侍堯初為大學士雲貴總督四十年三月以貪縱營私革職逮問 馳驛前往管理總督事務 未幾以捏

災冒賑侵蝕監糧事勒爾謹賜自盡布政司王廷毅斬監候

六月回教徒蘇四十三伏誅蘭州平 蘇四十三等既作亂西寧鎮

總兵貢楚達爾引兵迎擊克復河州蘇四十三遂率眾竄踞蘭州城外山

梁間六月阿桂命海蘭等進攻回巢破之斬蘇四十三於陣餘眾退據華

林寺帝命梟蘇四十三首傳示各省回民蘭州遂平

秋七月暹羅王鄭昭請入貢許之 暹羅在緬甸東南與緬甸為世

讎其王馬鄰達拉喜任流寓外族人故國民多不親附常發生內亂康熙

時因任希臘人孔士但丁乞法王路易十四為保護法王遣兵至暹暹羅

國民與之反抗殺孔士但丁遂法兵出境當此君民相仇之際緬甸王雍

藉牙遂乘機攻陷其國都猶地亞逐其王馬鄰達拉置兵守之會緬人與

清開戰軍用浩繁對於暹羅徵取無藝暹羅人大憤羣推中國人鄭昭為

主起兵拒之驅逐緬甸守兵盡復暹羅故地鄭昭者本中國漢族而流寓

封鄭昭  
爲暹羅  
國王

詔武官  
養廉

於暹羅者也。自其父時始居暹羅。初暹羅於聖祖時即修貢職。聖祖嘗書  
天南樂國匾額賜之。高宗時又賜以炎服屏藩之額。蓋暹地宜稻產米甚  
饒。我國商人時往販運。以故流寓侵多。而中暹邦交亦因以益密。暹羅初  
與中國約共攻緬甸。會金川事起。滇兵赴蜀。緬甸遂攻破暹京。滅其國都。  
其遺民忿緬無道。奉昭爲主。起兵盡復舊封。再造新暹羅國。昭爲人  
善戰。且有謀略。既復暹羅故地。遂定都盤谷。遣使航海至中國告捷。並獻  
方物。表中奏稱自遭緬匪侵陵。雖復土報讎。而紹裔無人。羣吏推昭爲長。  
茲遵例貢獻方物云云。是年秋使節達京師。帝嘉納之。優詔報答。册封爲  
暹羅國王。

**附**

鄭昭以中國漢族之人。而能擴張其殖民地於南洋。爲暹羅國主。其功烈直與鄭成  
功後先媲美。可謂偉矣。昭既開之於先。嗣是中國商民往暹羅者益衆。至於今華僑

之在暹羅者。達一百五十萬以上。多握其商界之實權。暹羅人口約五百萬。有奇。而華僑人  
數。據民國二年之調查。則一百五十萬有奇。占十分之三。其居民生業。以農爲上。漁次之。營  
商者甚寡。貿易事務。概由華人治理。  
實不啻我國海外之大殖民地云。

**綱**九月詔以武職官員虛額名糧歸入養廉。時帝以各省武職大小

官員俱有虛額名糧。命將此項額糧均歸入養廉。另行挑補實額。交大學  
士九卿科道議奏。大學士公阿桂奏言。國家經費驟加不覺其多。歲支則



難爲繼此項經費歲增三百萬統計二十餘年卽須七千餘萬兩請除滇黔四川閩廣等省控制邊疆應查明增添兵額又陝甘兩省業添滿漢兵一萬五千餘名其餘腹裏省分均可毋庸挑補實額帝以卽位初年戶部銀庫計不過三千萬兩近已增至七千餘萬兩卽以歲支頓增三百萬兩計之至乾隆六十年歸政之時所用亦不過四千餘萬加以每年歲入所存其時庫藏較卽位時自必尙有盈餘因決計行之

**附錄**

自古兵費精不費多則反累國力國必貧弱乾隆時兵額不爲不多而又挑補實額阿桂請毋庸挑補而帝以銀庫充盈決計行之迨至嘉慶後兩次議裁兵額卒不能裁仍依原數遂爲清室衰敝之一大原因嗚呼在帝當時不過因逞好大喜功之片念而竟貽子孫以無窮之憂佳兵者不祥器滿者必覆清之不競其自高宗晚年始乎

**綱**壬寅四十七年夏四月山東巡撫國泰有罪殺之 **目**國泰者大學士

和珅之私黨也恃勢弄權枉法聚斂御史錢澧號南園雲南昆明人參劾其貪縱營私帝命和珅往勘並令澧同行澧知國泰爲和珅私人乃先數日行微服止良鄉見幹僕乘良馬過索夫役甚張跡之則和珅遣往山東齎信者也澧審其貌未幾僕還道遇澧叱止之搜其身得國泰私書具言借款填庫備查等事中多隱語立奏之和珅知謀已洩故治獄無敢傾詆國泰及布政使於易簡遂均伏法後澧入直軍機處以和珅與阿桂不睦軍機辦事不

國泰有罪伏法

同一處慮開朋黨之禍上疏請飭改正遂奉稽查軍機處之命而嚴飭珙  
珙益嘆豐每以軍機勞苦事委之豐家貧衣裘薄嘗夜入暮出積勞感疾  
以殞

綱秋七月四庫全書成命續繕三分分藏揚州鎮江杭州等處 圖先是  
太宗在奉天時已留心典籍廣爲搜羅日積月累至乾隆朝而大備乾隆  
三十七年帝特詔開館修四庫全書復徵求天下書籍以紀昀爲總纂體  
例及提要目錄皆其手定又輯永樂大典遺書計五百四十部凡十有三  
年而告成既成之後先繕寫四分特建文淵文源文津文溯四閣以資藏  
度文淵在大內文源在圓明園文津在熱河文溯在奉天至是以江浙爲  
人文淵藪多力學好古之士願讀中祕書者自不乏人因於揚州大觀堂  
建文匯閣鎮江金山寺建文宗閣杭州聖因寺行宮建文瀾閣命續繕三  
分各頒一分貯之以便士子就近觀摩謄錄嘉惠藝林誠古今未有之盛  
軌也

綱冬十月褫浙閩總督陳輝祖職尋賜死 圖輝祖陳大受子也時王亶  
望以賊欸獲罪命輝祖查抄亶家產而輝祖不慎竟有抽換玉器字畫

等弊事發生。帝怒，即命褫職解任。交阿桂、福長安二人訊鞫，得實，尋賜自

盡。藩司國棟等，均議斬監候。

按此職案亦與和珅有關。

○癸卯四十八年冬十月，詔輯古今儲貳金鑑。

○帝以儲貳關係國家

甚重，特命皇子同軍機大臣及上書房總師傅，將歷代冊立太子有關鑒

戒者，採輯成書，名曰古今儲貳金鑑。未幾，又命國史館用貳臣傳例，另編

逆臣傳。

○甲辰四十九年春正月，帝南巡，至杭州。夏四月，還京師。

○此第六次

南巡也。先是康熙朝，聖祖以閱河為名，有六度南巡之舉。至是，帝循舊例，

南巡者亦六度焉。每度南巡，帝於所過都邑，雖亦減其租稅，增廣學額，優

禮耆年，召試文學，而供億煩苛，居民實不堪其苦。其時朝臣中，未始無婉

言阻駕，力請回鑾者。然一經抗論，斯嚴譴隨之。編修杭世駿論時事中有

巡幸所至，有司一意奉承，其流弊皆及於百姓等語。帝大怒，命置重典，賴

侍郎觀保諫免，赦放回里。又尹會一視學江蘇，還奏言上兩次南巡，民間

疾苦，怨聲載道。帝嚴諭詰之曰：汝謂民間疾苦，試指出何人疾苦，怨聲載

道，試指明何人怨言，因坐謫戍。又侍讀學士紀昀嘗從容為帝言：東南財

詔輯古今儲貳金鑑

另編逆臣傳

第六次南巡

抗世駿論時事

尹會一言民間疾苦

紀昀言東南財

賦竭矣

朝臣結  
舌莫敢  
諫

回人田  
五作亂

田五死  
阿桂福  
康安海  
蘭察討  
甘回

力竭矣。上當思所以救濟之。帝怒叱之曰：朕以汝文學尙優，故使領四庫書館。實不過倡優蓄之。汝何敢妄譚國事！內閣學士尹壯圖疏言：督撫藉詞辦差，勒派屬吏，遂致倉庫虧耗。帝降旨詢問。蹇額與歎者，究屬何人。壯圖回奏，係下吏怨及督撫，小民怨及牧令，怒乃稍解。仍命革職。自是而後，朝臣皆相與結舌吞聲，無後有爲民請命者矣。

綱甘肅新教回人田五作亂。陝甘總督李侍堯提督剛塔率兵討之。甘肅回教徒自馬明心倡立新教，集衆殺舊教徒，屠官吏，陷河州爲將軍阿桂所平。後以李侍堯爲陝甘總督，而侍堯御新教徒嚴，回民不悅。至是小山田五復提倡新教，聚衆謀亂，攻陷西安土堡。帝命侍堯及剛塔率兵剿之。已而田五中槍死，餘衆竄匿馬家堡。

綱五月，以大學士阿桂爲將軍，尙書福康安領侍衛內大臣，海蘭察爲參贊大臣，率師討甘回。秋七月，回衆平。田五旣中槍斃，帝以回衆無主，

當易剿滅，乃數日以後，馬家堡黑莊兩處回衆屯聚，又千有餘人。及大兵雲集馬家堡，回衆又棄營而遁。因派尙書福康安帶欽差大臣關防同領侍衛內大臣海蘭察帶領巴圖魯侍衛等分起馳驛前往剿捕。旋褫總督

回衆悉平

賜千叟宴

蔡新罷

釋李侍堯

詔免呈鐘表洋

李侍堯職提督剛塔拏交刑部治罪。至是以大學士阿桂爲將軍，福康安、海蘭察爲參贊大臣，領兵進剿。福康安兵抵隆德，猝與敵遇，卽擊破之。因分兵四路，由隆德進剿。回衆千餘，從山梁壓下奮戰。移時又大破之，奪得營四座，卡座十餘處。及阿桂至軍，軍容益盛，合力圍之。回衆窘急，因投出老弱一千五百餘名，冀於防範稍懈。時餘衆卽乘勢突出，阿桂、福康安知其謀，預伏兵以待。及敵衆突出，槍箭如雨，殲敵千餘。因攻克石峯堡，首逆張文慶即張阿派等均就縛。回衆悉平。九月，以剿滅甘回功，加軍機大臣和珅爲一等男，以福康安爲陝甘總督。前任總督李侍堯提督剛塔因失機，僨事，得旨李侍堯斬監候，剛塔發往伊犁効力贖罪。

○乙巳五十年春正月，賜千叟宴。○時帝已七十有五歲，御宇五十年矣。特御乾清宮，賜千叟宴，自親王郡王以下，外至蒙古回部番酋及朝鮮國等，年六十歲以上者皆入宴，凡三千人。

○夏五月，大學士蔡新罷，以梁國治爲東閣大學士，劉墉協辦大學士。

○冬十月，釋李侍堯於獄。○旋命署湖廣總督任。

○十二月，詔免呈鐘表洋貨等物。○時兩廣總督巴延三以令洋商採

貨等物

四次西巡幸五台山

曹錫寶劾和珅家人不法

錫寶革職憤死

以和珅為大學士兼吏部尚書封鄭華為暹羅國王

辦洋貨物件賠墊價款獲罪因令嗣後不能呈進鐘表洋貨等物

丙午五十年春三月帝西巡幸五臺山至正定閱兵還京師

帝第四次西巡也

夏五月御史曹錫寶以疏劾和珅家人不法狀革職留任

劾和珅家人劉全服用踰制時帝在山莊有某尚書知其事飛書告珅得

以豫毀其跡及留京王大臣奉旨勸查僭妄蹤跡竟不可得部議以錫寶

妄奏鑄三級特旨改革職留任錫寶恨為友所賣鬱鬱以死

下詔曰當和珅勢焰薰灼時舉朝無一人敢糾劾者前御史曹錫寶獨能抗辭執奏不愧諍臣之職今和珅治罪後查抄劉全家產竟至二十餘萬是錫寶所劾不虛宜加優獎以旌直言可追贈

副御部史加贈官階隆其子

閏七月以和珅為文華殿大學士兼吏部尚書福康安為吏部尚書協

辦大學士仍留陝甘總督任

九月封鄭華為暹羅國王

華鄭昭子也初昭起義師擊退緬甸守

兵光復舊地重建新暹羅國遣使入貢方物使命未返而昭為怨家所弑

時華擁兵在外聞變舉兵入討賊誅之遂即位自稱參立索由提耶王復遣使入貢中國至是暹使至京帝以其雪仇復國即册封為暹羅國王是

林爽文  
作亂

天地會

孫景燧  
被殺  
爽文自  
稱大元  
帥

梁國治  
卒

林爽文  
莊大田  
犯台灣

爲今暹羅國王之祖

按鄭華或稱爲昭養子或稱爲昭弟但東華錄及聖武記俱稱爲昭子茲從之

○冬十月臺灣彰化民林爽文作亂鳳山莊大田起兵應之陷彰化諸羅

淡水等地知府孫景燧死之

○爽文爲臺灣彰化縣巨族世居縣之大里杙莊以豪富雄一方聚衆結秘密社號曰天地會

無敢問嗣爲知府孫景燧所聞檄同知程峻及副將赫生額游擊耿世文

帥兵役往捕不敢入駐營於五里外之土墩諭村民擒獻否則村且先焚

並焚鄰近數小村聚以忱之爽文遂因人民怨怒集衆夜攻營殲其全軍

翊日爽文乘勢陷彰化尋又陷諸羅景燧及都司王宗武同知程峻長庚

劉亨基知縣董啓埏湯大奎巡檢馮啓宗悉爲所殺爽文自稱盟主大元

帥莊大田亦起兵鳳山約合趨府城

○冬十二月大學士梁國治卒諡文以王杰爲東閣大學士兼禮部尙書

○丁未五十二年春正月林爽文莊大田分兵犯臺灣府總兵柴大紀禦

之爽文敗績二月復彰化鳳山諸羅諸縣地

○爽文大田分水陸兩路兵犯府城大紀得報遣參將郝壯猷赴南路以拒大田之衆而自將部兵

禦爽文於鹽埕橋殺其衆千餘橋距府治五十里爲水陸交通扼要之區

柴大紀  
守城  
常督  
師台灣

鳳山復  
陷

斬壯猷  
徇軍  
命福康  
安海蘭  
察赴台

大紀自守之敵始不敢窺府城

二月命閩浙總督常青爲將軍至臺灣督師以李侍堯署閩浙總督

時福建水師提督海澄公黃仕簡陸路提督任承恩各以兵渡海至臺  
畏憚不敢前而大紀督率官兵義民收復彰化鳳山諸羅鹿仔港竹塹等  
處郝壯猷在南路亦頗有斬獲帝聞褫仕簡承恩職令常青自行督師而  
以大紀壯猷分攝水陸提督

夏四月鳳山復陷逮提督黃仕簡任承恩郝壯猷等入京壯猷尋伏誅  
先是仕簡承恩至臺灣卽檄柴大紀北取諸羅郝壯猷南取鳳山大  
紀連戰獲勝遂復諸羅壯猷南出二十里卽爲敵阻頓兵五十日始入鳳  
山鳳山城已空招民復集匪混其中吏不能覺城遂復陷游擊鄭嵩死焉  
壯猷遁歸府城至是與仕簡承恩同被逮入京而斬壯猷以徇軍中

秋八月以福康安爲將軍海蘭察爲參贊大臣馳赴臺灣代常青督辦  
軍務 常青至臺灣與恆瑞引兵出南路離府城十里遇敵卽退疏請

增兵萬人敵以其暇得蠶食各村於是臺人之不從反者亦劫使從己旬  
日間驟增兵十餘萬林爽文驅以攻諸羅諸羅爲府城屏障賴柴大紀力



常青向  
哀和坤乞

改諸羅  
縣嘉義

柴大紀  
力守孤城

封紀大  
義勇伯

守得不陷。青遣兵往援，皆畏敵勢不敢進。恆瑞復張皇敵勢，疏請兵六萬。青本和坤私人，老而耄，在臺畏葸甚，日夜流涕，欲棄城遁者再。諸將止之，因密札哀乞和坤，請以他將往代。坤宴見奏之，帝知二人不足恃，故遣福康安、海蘭察代之。

○冬十一月，詔改諸羅爲嘉義縣，封柴大紀爲一等義勇伯，世襲罔替。

○時林爽文屢以大隊攻諸羅，志在必得。又攻鹽水、鹿仔等港，以斷府城糧道。大紀皆分兵奪之，決澗堰，破礮車，以守城。兵四千當敵衆十餘萬，屢出奇兵，奪敵積糧，食盡則以花生地、瓜、油、杭充饑。福康安奉詔赴援，逗遛中道，疏請增兵而後進。又嚴旨不准行。大紀力守孤城，已互半載。至是敵勢日張，有詔令捍衛兵民出城，再圖進取。而大紀疏言：諸羅失則府城亦危，且數月以來，深壕增壘，守禦甚固，一朝棄去，克復甚難。且城廂內外義民不下四萬，不忍委之於敵，惟有固守待援。帝覽疏爲之泣下，特詔改諸羅爲嘉義縣，封大紀爲一等義勇伯，世襲罔替。並令浙江巡撫以萬金卹其家，詔中有大紀當糧盡勢絕之時，惟知以國事民生爲重，雖古名將，何以加茲等語，獎諭備至。

○戊申五十三年春二月林爽文就擒臺灣平

○初福康安與海蘭察

統兵赴臺馳援嘉義從海蘭察策聲言直抵大里杙而陰趨縣治遇敵軍於崙仔頂海蘭察率巴圖魯侍衛數十直衝敵陣矢無不中敵軍披靡遂怒馬殺入敵軍分伏竹蔗林邀襲官軍官軍分五隊出戰再敗之於牛稠山是日海蘭察直抵嘉義城明日福康安亦至爽文等遁入斗六門據守嘉義圍解至是海蘭察乘勝進兵攻克斗六門大里杙等處林爽文遁入集集埔據溪岸壘石環數里海蘭察帥軍騰險而上爽文與其黨數十人走箐谷悉就擒移師攻莊大田於牛莊追至極南之琅橋先遣兵截其走路大田亦就擒餘衆悉定臺灣平

○秋七月殺太子少保參贊大臣一等義勇伯柴大紀

○大紀前以保

護臺灣府城及固守嘉義縣城之功帝與廷臣無不稱其義勇詔封一等義勇伯獎諭備至而福康安忌之及福康安至嘉義大紀出迎自以參贊伯爵不執囊韉之禮福康安怒遽劾其前後奏報不實反誣以激變退縮等罪詞內並及提督蔡攀龍帝初不信謂福康安過事吹求而福康安已定擬大紀斬決又入侍郎德威侍衛額勒登保之譖命逮大紀入京至是

柴大紀  
被誣死

大紀至京師帝命軍機大臣會同大學士九卿覆訊大紀再三稱冤帝親自廷訊大紀雖引咎仍微訴其枉帝以大紀始終負氣命斬之而於擁兵不救嘉義之恆瑞前後失律之常青黃仕簡任承恩普保吉等反置之不問且或加擢用時論少之

**附錄**

臺灣自鄭境納降後朝廷以該地孤懸海外易招伏莽欽差之施琅以為屏蔽東南非力爭不可乃置一府三縣以治之隸福建布政使及康熙末年經朱一貴之亂復

增置彰化縣及淡水廳然朝廷卒以荒微視之未能為切實之經營遂有此次林爽文之亂前乎爽文者有乾隆三十三年黃教之亂後乎爽文者有六十年陳周全之亂然皆跳梁小醜未久即撲滅爽文之亂勞師三年損失至數十萬僅乃平之而柴大紀且以冤死則當時滿族之壓制漢人對於臺地之防治疏忽已可概見又何怪日人覬覦而啓發其割併之野

歎心

**綱**九月緬甸遣使奉表入覲詔暹羅罷兵 **目**自乾隆三十四年中緬和

約簽訂後緬人並未履行入貢歸俘條約帝滋不悅當時雖諭傅恆班師而仍令阿桂溫福等相繼備邊徐圖進取會金川事起不暇南顧及四十年金川平定復命阿桂赴雲南會同滇督李侍堯勘定邊界增厚兵力會緬甸內亂起前王孟駁卒嗣王聳角牙於四十四年為其臣孟魯所弑國人又殺孟魯而立孟雲內亂迭作國勢漸衰孟雲少時嘗為僧前此興毀皆未與聞既即位值暹羅入境尋仇東徙蠻德又聞暹羅已親附中國

緬甸遣  
使入覲

許通詔罷命毅南安亂  
緬好暹羅孫討安南內

得受王封益懼乃於五十三年遣使由木邦資金葉表文及金塔寶石馴象等物懇求進貢並請返俘虜如約表言自嗣國後深知孟駁父子前罪久欲返俘進貢因暹羅侵擾是以稽遲帝鑒其意真誠特許通好並諭暹羅使罷兵

綱冬十月安南內亂其遣臣阮輝宿奉王族來奔帝命兩廣總督孫士毅出兵討之

安南古交趾地也明初直隸中國其後黎利自立建大越國自稱大越皇帝定都河內號爲東京至嘉靖時權臣莫登庸篡國竊據河內黎氏子孫僅賴遺臣阮淦之力據清華州以抵抗之自是分爲南北朝莫氏王於北黎氏王於南南北對峙者六十五年後南朝將鄭松卒驅逐莫氏恢復河內統一安南而阮淦子潢復不悅鄭氏之專權遂據順化獨立稱廣南王於是安南又分爲廣南大越二國

時明萬曆二十八年也

清初定雲南

大越王黎維禔遣使勞軍康熙五年封其嗣王維禧爲安南王其後廣南漸大而黎氏漸微權臣鄭棟謀篡黎氏懼廣南之干涉乃陰嗾廣南土豪阮文岳與其弟文惠文慮顛覆廣南王室而已乘間竊據其北部乾隆五十年文岳三分廣南地已居中部僭稱大帝以南部與文慮使文惠奪還

阮文惠  
專權之  
始

出師安  
南爲黎  
氏復仇

孫士毅  
復安南

文惠請  
立黎維  
禛爲王

北部且專安南權安南王維禛受其黨監督至遜位不敢出本年十月文惠復以兵入東京盡毀王宮王維禛出走其遺臣阮輝宿時爲高平府督聞變奉維禛母妻宗族二百餘口由高平登舟遠遁至博滄溪河我國廣西太平府龍州廳今爲縣屬邊地也冒死涉水登北岸其不及渡者盡爲南岸追兵所害兩廣總督孫士毅以聞帝以黎氏守藩奉貢百有餘年宜出師問罪以興滅繼絕先置其王族於南寧府卽命士毅及提督許世亨率兵爲其復仇並分遣其陪臣黎佃阮廷枚等回國密報維禛

十一月孫士毅復安南詔封黎維禛爲安南國王 士毅既受命出

師卽偕提督許世亨率兵一萬出關以八千人直擣王京以二千人屯駐涼山藉爲聲援一面移檄安南各路示以順逆使早反正已而黎維禛之弟維祉來投士毅以維祉有才氣欲令權攝國事帝慮其兄弟日後嫌疑不許乃令人護維祉出口號召義兵會阮廷枚等以嗣孫復書至乞轉奏於是安南國土司及未陷各州官民爭縛僞黨獻地圖又關外各廠義勇數萬皆乞餉團練請爲嚮導時阮文惠兄弟亦啟關請貢以其國臣民表至言黎維禛不知存亡請立故王維禛之子維禛主國並迎其母妃回國

士毅率  
師入安  
南國都

黎維祜  
頓首謝  
罪  
封維祜  
爲安南  
國王  
阮文惠  
襲安南

阮兵入  
國都

帝知文惠欺維祜，愚懦易與，狡計緩師，令士毅嚴斥之。士毅引兵出關，所至輒破。進薄富良江，江在安南國都門外，敵軍守之。提督許世亨奪其戰艦一載，兵二百餘，親助之。濟江復奪小舟三十餘，更番渡兵二千，夜擣敵營，敵大潰，焚其十餘艘，獲總兵侯伯數十。及明，我師畢濟，至都門。黎氏宗族百姓出迎，伏道左。士毅入城，宣慰而出，城環土壘，高不數尺，上植叢竹，內有塼城。二國王所居宮室蕩盡，而黎維祜匿民村。是夜二鼓始出，詣大營，見士毅，九頓首謝罪。先是官軍出發，帝慮事成後，册封往反，稽滯時日，致兵士久暴露於外，特命禮部鑄印，內閣撰册，郵寄軍前。及是，士毅遂宣詔封維祜爲安南國王。

己酉五十四年春正月，阮文惠襲安南，孫士毅敗走。提督許世亨死之。  
士毅之入安南也，阮文惠已遁還巢穴。士毅擬造舟追討，帝以安南既殘破，空虛糧艱，道遠無曠日老師，代其搜捕。理因詔士毅班師入關，而士毅貪俘阮文惠爲功，不卽班師，懸軍月餘。又輕敵不設備，文惠偵知虛實，遣使詐約降，而於歲暮傾巢再舉，徑襲國都。我師方信其來降之誑，詞晏然相樂。會元旦，軍中置酒作樂，夜忽報阮兵大至，始倉皇應敵，賊皆以

許世亨  
戰死  
孫士毅  
敗歸  
職

阮光平  
乞降

文惠  
兄弟  
賈表  
獻方  
物

象載大礮衝陣我師衆寡不敵黑夜自相蹂躪黎維祁挈家先遁士毅奪渡富良江卽斬浮橋以斷後由是在南部之軍官民夫役凡萬餘皆濟溺死焉提督許世亨亦戰死士毅還走鎮南關盡焚棄關外糧械火藥數十萬士馬還者不及一半帝以士毅不早班師且阮文惠已敗復來必非旦夕所能糾合何漫無籌備致挫國威損將士命褫職來京待罪以福康安馳往代之

綱二月阮光平奉表乞降許之夏六月詔封光平爲安南國王 圖阮文

惠既襲據安南自知賈禍深懼清兵再討又方與暹羅構兵恐暹羅潛乘其後於是卽叩關謝罪賈表乞降詞至恭順福康安以聞帝以黎維祁巽奕無能再棄其國並册印不能守實爲天厭黎氏不可扶植且安南自五季以來曲矯吳丁李陳黎莫互相吞噬前代曾郡縣其地而反覆無常不足廬南顧之憂又深懲前敗更無再舉之意因責以先送出東京被獲官兵文惠得覆知帝有允降意卽送官兵出境並改名光平

明史安南國王皆有二名以其一名事中國

表國列 遣其兄子光顯賈表入京貢獻方物表言阮氏守廣南已九世與安南實敵國非君臣且蠻觸自爭非敢抗拒中國帝接表與光平勅約以二

約光平 封光平 王安南 爲中國 藩屬 諸國 封皇諸 王子親 王

八旬萬 壽免天 下錢糧 帝東巡 登泰山 謁孔林

緬甸遣 使入覲 緬孟雲 封緬王

事一於乾隆五十五年八月大皇帝八旬萬壽時光平當親詣京師祝釐  
二當於安南地方爲許世亨等立祠春秋致祭光平奉詔允諾遂賜光平  
勅印封安南國王旋令黎維祁率所屬來京歸漢軍旗編一佐領卽以維  
祁掌之於是安南遂復爲中國之藩屬國

綱十一月封皇諸子爲親王 初帝與和親王在藩邸時曾以皇子受

封親王今以明年八旬萬壽諸皇子年歲已長因遵成憲封皇六子顒琿  
爲質親王十一子顒理爲成親王十五子顒琰爲嘉親王十七子顒璘爲

貝勒

綱庚戌五十五年春正月以八旬萬壽普免天下錢糧

綱二月帝東巡登泰山至曲阜謁孔林夏四月還京師 帝回鑾至涿

州有僧人率一幼童迎蹕言係皇四子履郡王永城之子以次妃王氏嫉

妬襁褓逐出帝以童子入都命九卿大臣會鞠司官保成指爲僞斬僧於

市戍童子於伊犁後伊犁將軍松筠奏童子自稱皇孫招搖愚民命斬之

綱夏六月緬甸遣使入覲詔封孟雲爲緬甸國王 時孟雲以帝八旬

萬壽遣使賈表入覲祝壽貢獻方物且乞賜敕封並乞開關市帝許之詔



緬甸入  
中國藩

屬安南王  
阮光平

暹羅王  
鄭華遣

使入覲

下尹壯  
圖獄

壯圖語  
侵和珅

續開恰  
克圖市  
場

封孟雲為緬甸國王。並定十年一貢之制。自是緬甸遂為中國之藩屬。

○秋七月。安南國王阮光平入覲。○光平以帝八旬萬壽。入覲。賜予極

優。並敕封其長子光纘為世子。

○八月。暹羅國王鄭華遣使入覲。○華遣使奉表。恭祝萬壽。並貢獻方

物。

○辛亥五十六年春二月。下內閣學士尹壯圖獄。○壯圖雲南蒙自人。

當是時。和珅貪橫於內。福康安豪縱於外。督撫習為奢侈。致庫藏空虛。壯

圖以假歸雲南省親。帝思念之。特召來京。將大擢用。壯圖至京。首以整飭

吏事入奏。語侵珅。有上下通同一氣。勢不容不交結。權貴以作護身之符。

此督撫所以竭力趨奉和珅。而官民受困之大原因也。疏入。珅忿甚。遂革

壯圖職。下刑部獄。初。壯圖草疏時。弟英圖屢窺其戶。壯圖笑曰。子不必代

兄憂。兄之首早懸都市矣。弟代養老親。天年可也。時壯圖母在籍。年逾七

十矣。旋赦為內閣侍讀。

○冬十月。俄羅斯請續開恰克圖市場。許之。○自雍正五年。與俄羅斯

訂定恰克圖條約後。以恰克圖為兩國通商之地。乾隆二年。停止北京貿

約重約  
五訂俄  
條人

廓爾喀  
入寇  
廓爾喀  
略史

易令統歸恰克圖二十七年設庫倫辦事大臣凡中俄文牘皆經其手迄  
二十九年以俄人私收貨稅及責償邊民所失馬匹以少報多二事詔閉  
恰克圖市場三十三年庫倫大臣慶桂奏俄人恭順請修改雍正五年恰  
克圖界約第十條仍允與俄人開市如初其後四十四年及五十年復以  
他故閉市者再至是俄人悔過復請開市詔駐劄庫倫大臣與俄人重訂  
恰克圖開市條約五條如下

一、恰克圖互市於中國初無利益大皇帝體愛衆生不忍  
爾國小民窘困又因爾薩那特衙門籲請是以允行若復  
失和再再希冀開市二、中國與爾國貨物原係兩邊商人自相定價爾國商人由爾國嚴加  
管束後此貨物交易後各令不爽期約即時歸結勿令負欠致啓爭端三、令爾國守邊官皆恭  
順知禮我游牧官軍相稱好爾從前守邊官皆能親此又何致兩次妄行失和以致絕市于嗣後  
爾守邊官當慎選賢能與我游牧官遜順相接四、恰克圖以四十餘卡倫之市里并特哈里雅  
里不法故致有烏勒咱之事俄人偷竊馬匹一令爾國宜加禁止杜其盜竊五、此欠通市一  
切仍照舊事已頒爾薩那特衙門矣爾邊民人交涉事件如盜賊人命各就近查驗緝獲罪犯會  
同邊界官員審訊明確按本處屬下人由本處治罪爾處屬下人由爾處辦理條約如是當時  
罪各行文知照示衆其盜竊之物或一倍或幾倍罰賠一切皆照舊例辦理

### 俄人以商務關係一切皆遷就聽命云

**附記**

以此深約中並無甚深意不過嚴戒失和負欠竊盜等事語氣皆甚自尊大是時俄  
人以商務關係故遷就聽命而換約大臣松筠等直以感激激皇仁等詞覆奏當時君  
臣傲然自大與其輕視外  
族之心理概可想見矣

十一月廓爾喀入寇後藏詔以福康安爲將軍海蘭察奎林爲參贊大  
臣率師討之 廓爾喀者尼泊爾之一部也尼泊爾在西藏之南雪山

廓爾喀  
起入寇之  
因

之陽自古不通中國而與西藏及在印度之英人夙通貿易其地析分三部以加德滿都爲盟主然諸部時有內訌乾隆時其西境之廓爾喀族遂乘間侵入加德滿都王乞援於英人英軍以餉運不繼士卒多病死無功而返於是廓爾喀酋長遂盡屠土民之抗命者自卽尼泊爾王位會其嗣王年幼以叔父攝政然攝政好武以侵略鄰地爲政策而是時後藏班禪族屬適有爭奪遺產之事於是廓爾喀乃得乘之而入先是乾隆四十五年班禪額爾德尼之入京覲帝也內外王公布施甚多約數十萬金其後班禪示寂於京師越明年遣骸西歸其徒隨之擁巨資以行班禪兄仲巴呼圖克圖故爲班禪管內庫至是遂盡攘而有之既不布施各寺院及唐古特兵士並其弟舍瑪爾巴亦以信仰紅教之故擯之不使分惠舍瑪爾巴憤甚愬諸廓爾喀煽其入寇廓爾喀於是以商稅逾額及食鹽糶土爲詞興兵入邊唐古特兵不能闕帝以理藩院侍郎巴忠能西藏語任爲監軍率師往援但巴忠自恃爲帝之近臣與四川總督鄂輝成都將軍成德等按兵不戰而陰令藏人私許歲幣萬五千金以議和達賴喇嘛不可巴忠不顧逕以敵愾乞降節奏而諷廓爾喀人入貢受王封廓爾喀人既心

福康安  
海蘭察  
征廓喀

福康安  
收復後藏

躡喜馬  
拉雅山  
奪取鐵  
索橋  
大敗廓  
兵和

輕中國及期歲幣又不如約乃以負約為名大舉深入圍聶拉木

在西藏  
隆遇縣

西 迺執噶布倫丹津珠爾占領濟隆

一作  
濟隆

進迫薩迦溝駐藏大臣保泰素

巽奕聞敵至倉卒不知所為則移班禪於前藏以後藏委敵仲巴呼圖克

圖亦挈貨先遁衆心益潰廓爾喀人遂大掠札什倫布

後藏  
首城

分其軍為兩

部以其半運所掠歸國以其半屯藏界不去全藏大震兩大喇嘛飛章告

急時巴忠扈駕熱河聞變畏罪自沉死帝因命福康安為大將軍海蘭察

奎林為參贊大臣率兵由青海入後藏晝夜進行限四十日內抵藏遂退

廓爾喀屯兵並大舉征尼泊爾

綱 壬子五十七年夏六月福康安收復後藏進征廓爾喀大敗之奪鐵索

橋秋八月廓爾喀降 福康安既受命以五十七年二月由青海馳抵

後藏四月連敗廓爾喀屯界之兵盡復後藏地六月遂大舉深入尼泊爾

以海蘭察為前驅福康安自率大軍繼之躡喜馬拉亞山奪取距濟隆八

十里之鐵索橋此入尼泊爾界之第一要隘也進至東覺嶺兩崖壁立中

隔橫河乃潛從上游縛木渡河分三路進攻出敵不意大敗廓兵追戮無

遺由噶多進剿分兩路奮擊破其木城遂登雍雅山廓人大懼遣使乞和

廓人再  
乞和

許與廓  
爾喀和  
官兵駐  
藏之始

廓爾喀  
傾心內  
附孟雄  
布丹等  
我並為  
國藩

不許福康安既駐營雅山復率兵踰大山二重先後殺敵四千涉敵境  
 七百餘里將近其國都加德滿都前此山勢皆東西夾河自雍雅以後南  
 北夾河福康安軍攻奪其北岸之山敵固守南岸大海蘭察欲扼河立  
 營福康安不可逾橋攻之敵三路來犯倉卒不及備且戰且卻死傷甚衆  
 賴海蘭察隔河接應而額勒登保扼橋力戰敵乃退去是時廓人方爲南  
 境披楞所擾深慮腹背受敵再遣人詣軍卑辭乞和時福康安方挫師而  
 敵境益險且踰八月即大雪封山乃許其成留番兵三千漢蒙古一千成  
 藏是爲官兵駐藏之始先是福康安之奪鐵索橋也廓爾喀人懼一面遣  
 使乞和一面又密與英人訂約通商乞發兵援助於是英國印度總督惠  
 斯烈遣使至加德滿都欲居間任調停而福康安軍已直逼其國都距加  
 德滿都僅一日程廓爾喀人待英援不至不得已再卑詞乞和比英使至  
 而和約已成無可干涉失望而返自是廓爾喀遂傾心內附獻樂器貢方  
 物定五年一貢例與其東境之哲孟雄及布丹等國並爲我國之藩屬云



廓爾喀自服屬中國後其地介居西藏印度兩大國之間屢爲英人所侵道卒之內  
 實中國而不入英吉利其傾心中土概可想見道光時英人與俄羅斯構兵尼泊爾

欲乘虛攻襲印度事雖不成而其壯志雄謀足以寒英人之膽且尼泊爾既臣服中國按時  
 朝貢最爲恭謹清亡前三年適來貢觀力物以觀緬甸安南等國之時貢時輟相去不可以

御製十全記成

道里計矣。

冬十月御製十全記成。圖十全者謂兩平準噶爾兩平金川一平回

部一平苗疆一平緬甸一平安南一平臺灣一平廓爾喀也。御製既成令

謄寫滿漢四體字建蓋碑亭以昭武功。

定呼畢爾罕嗣續製籤例。廓爾喀既平帝欲乘用兵餘威以革藏

中積弊故留兵戍藏使駐藏大臣之權與達賴班禪相埒以控制之並創

立一掣籤法先是宗喀巴倡黃教禁娶妻倡言教王乃世世轉生不必以

肉身世襲其大弟子有二一曰達賴喇嘛一曰班禪喇嘛並居拉薩前藏部

會。嗣宗喀巴法為黃教徒宗主宗喀巴圓寂之時遺囑達賴班禪世世呼

畢爾罕轉生演大乘教以濟度衆生呼畢爾罕者華言化身也。初番高僧入

大寶法王領藏地後嗣世襲其號四藏始為舉教宗主其所奉皆紅教迨及後嗣漸流侈情綱紀

廢弛盡失佛教本旨時宗喀巴學經于札什倫布之薩迦廟似深觀時勢當改良教乃入大雪山

修苦行道誠成爲番衆所敬信因別立一宗排切術禁娶妻。達賴一世曰敦根珠巴故

吐蕃王室之裔世爲藏王自是黃教徒之勢益張傳至第五世日羅卜藏

嘉穆錯及卒有第巴專國事。達賴班禪極總理宗教之事不屑問世事故二 峻準噶

喇嘛諸蒙古不復敬信而別奉裏塘之噶爾藏嘉穆錯為真達賴與藏中所立互相是非蓋宗喀巴有一花五葉之識故自六世以後登座者無復真觀密諦祇憑垂仲降神指示垂仲者猶內地師巫也

達賴喇嘛之化身第一世第二世出於後藏第

三出於前藏第四世出於蒙古第五世出於前藏皆非限於一族一地而事者至生積久弊兄弟子姪往往繼登法座等於世襲而達賴班禪親族或相率貪錄據要津罔權利焉帝

久悉其弊欲革之而未有會也至是以廓爾喀既平欲乘戰勝餘威以革

藏中積弊特創掣籤法頒金奔巴瓶二一供西藏大招寺一貯京師雍和

宮其在大招寺者遇有呼畢納罕出世互報差異者納籤瓶中誦經降神

大臣會同達賴班禪於宗喀巴前掣之法先使垂仲四人演其降神之法一旦達賴示寂時則垂仲即將呼畢納罕之姓名生年

月日各書一籤藏於金瓶內喇嘛誦經七日後招集各胡圖克圖於佛前駐藏大臣蒞席而後掣籤若四人所指之呼畢納罕同為一人時則置空籤一枝於瓶內若掣出空籤則以為無佛更

別為掣而各札薩克所奉之胡圖克圖其畢呼勒罕將出世亦報名理藩院

與住京之章嘉胡圖克圖至雍和宮掣之自是凡呼畢勒罕嗣續法俱行

此制

癸丑五十八年春正月安南國王阮光平卒封阮光纘為安南國王

光平卒於上年九月至是光纘表至因封為安南國王

二月賜浙江巡撫福崧死先是兩淮鹽運使柴楨以挪移商人鹽

掣籤法

封阮光纘為安南國王

賜浙江巡撫福

崧死  
和坤  
私坐  
藏於  
崧

海蘭察  
卒

英使馬  
夏爾尼  
入覲

英人初  
至中國  
情伏與  
英人與  
中國正  
式通商  
之始

課二十二萬兩伏誅錄其簿書中有饋福公一千兩之語所謂福公實爲  
尚書福長安非福崧也而崧素爲和坤所嫌坤因嗾其私人慙使戴全德  
坐贓於崧帝命解京廷訊崧揚言當見帝盡發坤隱坤乃改易獄詞激帝  
怒命於中途賜死

綱三月內大臣海蘭察卒

海蘭察出身行伍中大小數十百戰無不

身先士卒廓爾喀之役馬匹受傷幾致顛蹶帝以海蘭察臨陣勇往身曾  
受傷命祀昭忠祠祠內不以陣亡入祀者惟海蘭察一人賜諡武壯

綱秋八月英吉利使臣馬夏爾尼入覲

我國與歐洲各國之交涉俄

國最早英國次之中俄交涉爲西北陸地之通商而中英交涉則在東南  
海上之貿易英人之始至中國也約在十六世紀之末其時未經中政府  
允許不能享有通商權利及康熙二十三年大開海禁沿海各港准各國  
通商於是英人由東印度商會之力始得在廣東之廣州建一商館與中  
國正式通商其後英人以粵海關稅過重不如浙海關稅之輕乃舍廣州  
轉趨於浙江之寧波舟山等處至乾隆二十年英人及歐洲各國商船聚  
泊於浙海者日衆高宗欲限制之乃更定浙海關稅視粵海加重於是英



洪任輝案

黃埔祝礮

英使馬加爾尼之要求條件

人氣阻復回廣州未幾而有兩種交涉案發生 一乾隆二十四年英商洪任輝以廣東貿易困難訴諸清政府語侵粵海關監督清政府卒坐洪任輝妄控罪錮之澳門附近獄中久始釋放 一乾隆四十九年黃埔英船因舉放祝礮不慎誤斃華人一名地方官遽捕礮手處以死刑 以此兩案英政府乃思亟謀改良交涉且欲推廣貿易權於寧波天津等處而減輕其稅則於是於乾隆五十七年派遣大使馬加爾尼副使斯當東至中國要求下列諸條件

一許英國派員駐京管理本國商務

二許英國商人在舟山寧波天津諸港通商

三英人願倣俄羅斯例於京師設一商館收貯貨物發賣

四願求在舟山附近無城砦之小島租借一處爲居留商人收貯貨物之地

五於廣東附近亦請租借一處並准令寄居澳門之英人得自由出入

六請於澳門廣州間內河輸運貨物得免通行稅或減輕稅額

七許英人在通商地傳教

見熱河離宮之觀

要求條件之駁

詔永停捐納例

馬加爾尼至中國適值高宗八旬萬壽又當武功十全紀盛時中政府以爲其朝貢祝壽來也既至天津直隸總督循例予以旗章題曰英國貢船強使立之船首比至京又強其至熱河離宮觀見時行叩頭跪拜禮馬加爾尼恐以小節損感情不敢抗議悉允從之於是清廷遂以英吉利爲朝貢之一此次使節專爲叩祝萬壽而來而於馬加爾尼之請求則以爲荒遠小國不識天朝體制妄行乞請無足深責於是一方則厚賜筵宴賞賚優加以盡懷柔之意一方對於所要求條件則嚴旨逐一駁斥付諸使臣而遣之諭旨略謂爾國王表內懇請派一爾國人居住天朝照管爾國買賣一節此則與天朝體制不合斷不可行向來西洋各國願來天朝當差之人原准其來京但既來之後卽遵用天朝服色安置京內永不准復回本國此係天朝定制想爾國王亦所知悉今爾國王欲求派一爾國人居京師旣不能若來京當差之西洋人在京居住不歸本國又不可聽其往來常通信息實爲無益之事馬加爾尼旣歸而中英交涉自此起矣俄英等國心懷惡感釀成清季外交上種種之失敗此亦其一大原因也

十一月詔永停捐納例

詔曰前因軍需河務支用浩繁曾暫開捐

准行捐  
制納監貢

韓璜卒

詔免天  
下漕糧  
貴州苗  
石柳鄧  
叛

苗民作  
叛原因

例原屬一時權宜之計不久即宜停止迄今閱二十餘年府庫充盈並不因捐例停止稍形支絀我子孫當奉以為法儻有奏請開捐者即為言利之臣更當斥而勿用惟有貢監一途乃眾所願弗占正途不過給予頂帶無礙銓政亦仿古人納粟之意事尚可行此旨敬謹存記我世世子孫遵循弗替以期永臻郅治

甲寅五十九年夏六月大學士嵇璜卒 璜曾筠子也嘗與和珅同在政府一日珅以楮素乞書璜頗不願因召珅所厚翰林數人飲於堂童子請曰墨具矣璜叱曰屬有客安能作書客曰吾儕正欲觀公之用筆以為法遂對客書之甫及半童子覆其墨大加詬讓客為請乃已珅日謝和

曰徒敗公佳紙蓋不願為和作書而預戒童子為之也其待小人不惡而嚴如此至是卒賜諡文恭

秋八月詔普免天下漕糧一次

乙卯六十年春正月貴州苗石柳鄧叛陷湖南永綏廳詔雲貴總督福康安四川總督和琳率師討之 先是雍正時改土歸流之策行滇桂

黔各地苗民懾其餘威率皆畏吏如官畏官如神而有司因為利往往

明安圖  
沒於陣

乾州陷

福康安  
和琳合  
兵剿苗

以繼介之爭訟病及全寨居民漢民之移住其地者又益寢繁對於土著  
感情多未融洽苗地半爲所侵占是故苗民恨之深切本年正月貴州銅  
仁府屬苗民石柳鄧倡言逐客民復故地揭旗以叛而湖南永綏黃瓜寨  
苗石三保應之乾州鎮守苗吳半生吳隴登吳八月等同時蠢動總兵明  
安圖率師往剿歿於陣遂圍永綏土民嬰城守乾州清直隸縣今湖南乾城縣三壘坪苗  
陷州城同知宋如椿死之貴州總兵珠隆阿亦被圍於正大營苗疆大震  
詔雲貴總督福康安四川總督和琳及湖廣督撫等合兵剿之復命侍衛  
額勒登保德楞泰馳往參贊軍務福康安進兵銅仁和琳進兵秀山兩路  
會攻直薄石柳鄧所據大寨而破之焚苗寨四十石柳鄧遁入石三保之  
黃瓜寨中扼河以拒福康安等復結筏潛渡縱民牧牛而伏兵以待苗衆  
渡河掠牛伏兵奪船以渡遂破木城苗衆棄寨遁先一日令總兵花蓮布  
援永綏至是復會剿永綏圍解苗衆聚蘭草坪西北崖板寨中佯于東南  
山凹樹旗示出入之路福康安因其計攻之設伏對山于石間藏礮仍督  
兵自凹入苗悉衆來拒伏兵望見俟其過飛礮擊之苗驚潰棄木城遁進  
駐山梁分兵進剿遂據黃瓜山大梁俯臨其寨乘夜克之焚燬大寨五十

餘擒獲百餘殲斃無算苗酋吳半生石三保等遁至雷公灘貴州略定會湖廣總督福甯攻乾州敗走苗勢又大振

台灣陳周全反

夏四月臺灣陳周全反義民楊仲舍印景仁等討平之 臺灣土匪

楊仲舍等計平陳周全

陳周全等糾衆謀亂攻擊民莊勢頗猖獗義民首領楊仲舍印景仁許暢舍施邁舍金鋪觀等召集義民二千餘人偽投匪夥與之飲酒乘其不備殺死匪徒百餘人陳周全就獲詔閩浙總督親赴臺灣查辦

立嘉親王顥琰爲皇太子

秋九月立皇十五子嘉親王顥琰爲皇太子 帝之始卽位也嘗焚

香告天謂若得在位六十年卽當禪位嗣子不敢上同聖祖六十一年之數至是帝御勤政殿召皇子皇孫及王公大臣入見宣示恩命册立皇十五子嘉親王顥琰爲皇太子以明年丙辰爲嗣皇帝嘉慶元年卽於元旦舉行授受之禮

伍拉納貪污正法

冬十月閩浙總督伍拉納巡撫浦霖按察使錢受椿有罪伏誅 鎮

閩將軍魁倫參奏閩浙總督伍拉納貪污不職聲名狼藉命革職拿解來京並巡撫浦霖按察使錢受椿俱交軍機大臣會同刑部定擬旋據刑部訊明伍拉納浦霖婪索陋規屬員餽送贓累巨萬奉旨並錢受椿卽行正

苗會吳  
擒八月就

吳隴登  
執吳八  
月來獻

詔明年  
歸政

法

綱十一月苗會吳八月就擒。夏六月福康安和琳復引兵敗苗兵於雷公灘奪石哨營七月克馬蝗冲等大小五十餘寨抵狗腦坡破其巢秋九月復進兵克蝦蟆峒烏龍巖巖碧山焚寨二十進攻摩手寨乘積霧進兵破寨四十苗會吳半生力竭乞降因復進兵攻平隴平隴者苗會吳八月所託之根據地也八月自言爲吳三桂後因自稱吳王煽惑遠近白石氏起兵巢穴屢破而平隴之勢轉盛石柳鄧石三保等皆歸之然八月性粗疏不設備至是爲同黨吳隴登所誘執來獻軍前其子廷禮廷義復襲取隴登誅之爲父復仇而仍守平隴負隅自若十一月福康安等攻大小天星寨克之十二月進取驢馬峒焚寨三百苗勢始漸絀

綱十二月詔明年歸政。帝諭內外大臣明年正月元旦朕歸政嗣皇帝後凡有繕奏事件俱書太上皇帝其奏對則止稱太上皇

清鑑綱目卷之八終

清鑑綱目卷之九

鹽城印鸞章編輯 金式陶 張延壽 趙雪 胡應庚 校訂

仁宗睿皇帝

名頤琰。高宗第十五子也。母孝儀純皇后。魏佳氏。乾隆六十年。受高宗內禪。即位後。建元嘉慶。在位二十有五年。壽六十有一歲。

東華錄曰。乾隆二十五年十月初六日丑時。誕上於御園之天地一家春。上隆準豐頤。舉止凝重。神明內蘊。容虛淵通。自六齡就傅。受書十三。通五經學。天藻審發。英詞炳蔚。接筆

立就。動成典則。乾隆三十八年。上年十四歲。上元前夕。宴親藩。特命奉觴。上壽。是年。高宗遵密建家法。親書上名。緘固藏。乾清宮正大光明扁額上。三十九年甲午。賜成大婚禮。是

為孝淑睿皇后。及高宗御極。盈六十年。自謂踐阼之初。嘗以周甲婦政。嘗天。不敢上符聖祖六十一一年之數。遂議傳位嗣皇帝。丙辰元旦。帝御太和殿。親授寶璽於上。爰以乾隆六

十一年。稱嘉慶元年。

丙辰嘉慶元年春正月。帝受禪即位。尊高宗為太上皇帝。立嫡妃喜塔臘氏為皇后。

乾隆六十年。帝正位東宮。元年元旦。舉行授受大典。帝

侍太上皇帝。詣奉先殿。堂子行禮。太上皇帝御太和殿。親授帝寶。帝跪受

寶。太上皇帝受賀畢。還宮。帝即位受賀。奉太上皇帝傳位詔書。頒行天下。

覃恩有差。是日。帝侍太上皇帝。詣壽皇殿行禮。辛亥。帝奉太上皇帝命。册

立嫡妃喜塔臘氏為皇后。

舉千叟宴。帝侍太上皇帝。御寧壽宮皇極殿。舉行千叟宴。

湖北白蓮教匪作亂。命湖廣總督畢沅巡撫惠齡率師討之。白蓮

嘉慶受高宗禪

舉千叟宴



白蓮教  
始起

劉松

劉之協

王發生

教者奸民假治病除災爲名造作經咒以惑衆而斂財者也倡之者爲元末樂城韓山童韓林兒明薊州王森山東徐鴻儒等繼之皆以焚香聚衆起兵事雖無成然徒侶甚衆流傳漸廣蔓延至黃河流域禁之不絕乾隆四十年安徽劉松爲白蓮教首領於河南鹿邑縣聚衆謀亂事發被捕遣戍甘肅其徒劉之協宋之清等復分赴川陝湖北等處布教日久黨徒益衆詭言劫運將至以同教人河南鹿邑王氏子曰發生者詐稱明裔朱氏謀爲變事覺發生誅死之協逸去高宗責所司窮索自河南而安徽而湖北三省大吏輾轉根究不肖州縣變本加厲按戶搜緝胥吏乘之爲奸人民坐是破家亡命者不可勝計會是時以征苗軍起調兵轉餉牽動七省各地失業無賴之民囂然思亂其時又嚴禁私鑄梟桀者益無所藉以謀生且乾隆六十年來人口增殖較之康熙末年殆多至十倍以上康熙末年人口二千五百三十八萬乾隆末年人口二億九千七百餘萬而其時財力之盈絀適與成反比例蓋以乾隆時用兵四出增兵添餉歲以巨萬計民間財力隱受其困加以權臣貪婪培植成風民間益咨嗟愁怨教匪乘之亂端遂作至嘉慶元年荊州之枝江宜都宜昌之長樂長楊一帶教徒紛起羣以官逼民反爲詞揭竿謀亂旬日

官逼民反

之間蔓延於湖北河南等省而襄陽教徒數萬勢尤猖獗詔湖廣總督畢沅巡撫惠齡率師討之

**綱**二月帝御乾清門聽政 **目**自是以爲常

**綱**二月四川陝西白蓮教繼起以孫士毅署四川總督率師討之 **目**自

湖北白蓮教勃起巡撫惠齡奉旨勦伐連破蕭家嚴栗子山諸寨並擒匪

首聶傑人敵勢稍殺然是時川鄂黔粵之民困於征苗之役失業者多咸

有囂然思亂之心除湖北教酋劉之協外不逾月而教首姚之富齊王氏

教首齊林之妻起於襄陽孫士鳳徐天德起於四川張士龍張漢潮張天倫起於

陝西數月之間蔓延及於四川陝西甘肅河南數省幾有席捲西北諸部

之勢詔以大學士孫士毅爲四川總督率兵討之

**綱**夏五月大學士閩浙總督福康安卒於軍 **目**福康安傅恆之子爲高

宗所特寵乾隆時歷著戰功官至閩浙總督自受命征苗後督七省官兵

與苗人相持於貴州湖南等處一年有餘雖有斬獲而餉道崎嶇先後益

兵數十萬苗人之力竭請降者則授官給餉月支鹽糧銀者無慮數萬人

然旋撫旋叛輸費巨萬而竟曠久無成苗勢轉盛本年正月攻剿結石岡

白蓮教  
蔓延

福康安  
征苗卒

雖焚苗大小七十餘寨奪山梁七苗酋吳隴登投降然羣苗連竄西突仍不稍詘福康安無可如何及教匪蜂起康安等尙阻滯於鎮筵城西北一帶加以山潦暴雨軍士不習水土觸暑毒而死者不可勝數至是康安以疾卒於軍封貝子晉贈郡王賜諡文襄

**綱**秋七月大學士署四川總督三等男孫士毅卒於軍 **目**士毅浙江仁

孫士毅  
討白蓮  
教卒

和人生而穎異顧瞻不凡讀書目數行下嘗從傅恆征緬一切羽書章奏

皆出其手士毅指揮於矢石之間動合機宜傅恆嘗嘆曰古所謂上馬殺

賊下馬作露布者其孫君之謂乎自白蓮教匪起四川士毅奉命討賊夏

四月匪徒竊據來鳳縣之小坳山士毅由間道進攻出不意冒雨登山先

分兵奪其坐仙坪匪衆驚竄無何呼噪聲四起士毅兵不及匪十之一因

令參將何元卿固守山梁獨率二十人回營調防守兵六百來援元卿見

敵陣忽動知士毅至大呼馳下匪前後受敵遂不支元卿愈奮厲剿敵直

至小坳與士毅合聲勢益壯焚其巢俘獲無算以功封三等男士毅念敵

巢森立惟茶園溪最多宜分道進剿時大雨旬日火藥不然俟其霽恐敵

得預爲備乃晝夜分軍爲四人持短兵至涌入呼聲震山谷敵俱竄聚茶

和琳征苗卒

苗酋被擒

苗亂肅清

園溪千總張超執長矛先登斬其魁軍中勇氣百倍敵敗績追逐四十餘里積屍遍野餘渡河遁匪徒大創退據紅巖堡之旗鼓寨士毅移營而前六月克之敵勢大挫士毅益奮勇進剿至是以疾卒於軍賜諡文靖詔以福寧署四川總督代領其軍辦理剿辦事宜

八月四川總督一等伯和琳卒於軍 和琳滿洲正紅旗人姓鈕鈞

祿氏苗禍起時與福康安同受命勦賊以功封一等伯至是卒於軍贈一

等宜勇公以額勒登保代其任

九月以明亮鄂輝總理湖南軍務與額勒登保會兵征苗

冬十一月以傅恆兆惠福康安和琳配享太廟

十二月湖南苗酋石柳鄧父子被擒伏誅詔封明亮爲襄勇伯額勒登保爲威勇侯其餘諸將爵賞有差 自福康安和琳相繼卒額勒登保

以領侍衛內大臣代和琳督川征苗將軍明亮又奉命自湖北來會遂於冬十月擊破平隴盡焚吳氏廬舍十二月擒石柳鄧父子及吳八月之子吳廷義等斬之先是秋七月苗酋石三保被擒解京伏法至是明亮等遂以苗亂肅清奏聞詔封亮爲襄勇伯額勒登保爲威勇侯德楞泰爲子爵鄂輝爲男侯印景仁爲武功將軍其餘諸將爵賞有差然苗酋雖誅而苗

衆之紛擾如故至嘉慶六年始告肅清云

○丁巳二年春二月皇后崩

○以劉墉爲體仁閣大學士沈初爲吏部尙書朱珪爲兵部尙書

○閏六月西隆州亞稿苗亂平加吉慶太子太保彭承堯太子少保均賞戴雙眼花翎

○吉慶與彭承堯分兩路前進累戰均捷乘勝進攻潛引兵繞小道出亞稿之後于夜間踰山而進直抵亞稿焚燬寨屋苗魁龍登連死其子龍朝鳳投誠其亂遂平詔賞吉慶等有差

○秋七月湖廣總督畢沅卒於軍

○湖南苗酋既伏誅帝命畢沅循撫諸苗寨沅受命卽至湖南乾州招諭諸苗清理民苗地畝給還耕種民苗咸伏地感泣各歸生業各省兵亦次第撤回沅遵旨留辰州罹炎瘴而卒年六十有八朝野惜之沅識量宏遠喜愠不形于色臨大事沈機獨斷雖萬口不能奪出任西陲拓地二萬餘里名相宿將往來邊徼凡遇機要皆與之上下諏咨沅抵掌指畫洞悉利弊如數家珍焉惟督湖廣時值苗氛方惡而沅一意主撫致苗衆劫掠四出邊無寧日論者以比明末陳奇瑜熊文燦云

畢沅卒

皇后崩

綱八月大學士公阿桂卒。阿桂正藍旗人，姓章佳氏，由舉人歷官至宰輔，器識宏遠，沈毅有膽略，遇大事必籌其始終得失，計出萬全。在政府二十餘年，晚與和珅共事，遇事持正，珅頗憚之。至是卒，予諡文成。阿桂既歿，和珅獨秉政，其勢益橫。

綱九月，以勒保為湖廣總督，鄂輝為雲貴總督。未幾，復調勒保為四川總督，任勦匪事宜。

戊午三年春三月，明亮、楞泰大破教匪於鄖西，齊王氏、姚之富隕崖死。先是，齊王氏、姚之富等督馬步二萬人，由西鄉洋縣分道渡漢川，掠鄖、盩，進薄西安，為總兵王文確所敗，遂折而東南，自山陽趨湖北，而明亮、楞泰返軍躡其後，鄖陽鄉勇扼其前，兩軍合圍於鄖西界上，敵距三岔，阿桂拒守，諸軍奮擊，大破之，齊王氏、姚之富隕崖死，傳首三省，帝以明亮等未能生擒首逆，未為大功，傳旨祇各賞賚有差。

綱夏四月，雲貴總督三等男鄂輝卒，以富綱為雲貴總督。

綱秋七月，四川總督勒保奏擒教首王三槐，詔封勒保一等威勒公。

先是四川牧令以南充知縣劉清為循良最，自教匪發難，清數以鄉兵從

征教徒夙重清名遇之輒引避當宜縣督川時常命清招撫教首王三槐  
 三槐隨清至總督營約率所部出降然實詭覘虛實並無降意既出營復  
 叛不可制至是勒保攻三槐于安樂坪數日不下策無所出乃復令清赴  
 敵營招撫三槐意未決恃前此出入軍中無忌約重質始出勒保乃令貢  
 生劉星渠質敵營劉星渠者即前隨清往三槐營中者也三槐遂詣軍門  
 勒保遽執之以生擒首逆張皇入奏星渠乘亂衆中逸出帝乃下詔晉封  
 勒保一等威勤公並晉軍機大臣大學士和珅公爵福長安侯爵將士賞  
 賜有差復釋勒保弟永保于刑部獄而三槐黨冷天祿等仍據安樂坪盡  
 有三槐之衆負隅抗拒如故

知縣劉清言也。

後王三槐伴至京廷訊供實官逼民反聞曰四川一省皆不善耶對曰惟有劉青天一人劉青天者即指南充縣

冬十一月額勒登保德楞泰合擊四川教匪羅其清於大鵬山大破之  
 時羅其清等據營山縣之箕山衆萬餘負固不下德楞泰率兵進攻  
 奪卞七寨六遂克箕山其清退駐大鵬山會額勒登保亦生擒張清潮之  
 子正濠自聞中率師至與德楞泰軍合其清勢窮謀乘雨夜撲德楞泰營  
 德楞泰偵知之潛伏敵寨南門用雲梯乘間入火其寨額勒登保亦襲破

額勒登保  
 合德楞  
 泰合保  
 大教匪  
 鵬山於

太上皇崩

馳驛召朱珪

西門殺敵四千。殲其清父。從國尋合兵。追擊其清于巴州。擒之。並擒其子若弟。俘斬六千人。移兵襲冉文儔于通江。盡殲其衆。

綱已未四年春正月。太上皇帝崩。圖太上皇帝在位六十年。又內禪四年。享壽八十有九歲。至是崩。諡曰純皇帝。廟號高宗。高宗既崩。帝馳驛安

徽。召朱珪來京。珪哭且奔。先上奏曰。竊聞皇上純孝。欲躬行三年之喪。此

舉信邁千古。然而天子之孝。不以毀形滅性為奇。以繼志述事為大。君心

正而四維張。朝廷清而九牧肅。身先節儉。崇獎清廉。盜賊不足。平財用不

足。阜惟願我皇上無忘堯舜自任之心。臣敢不勉仁義事君之道。帝嘉納

之。及至京。哭臨。帝執其手。哭失聲。自是大事有所咨詢。皆造膝自陳。不草

一疏。不沽直。不市恩。不關白軍機大臣。

圖

高宗在位六十年。實有清一代極盛之時期也。蓋滿族入關之初。未遑文治。經康熙

成乾隆六十年。太平之治。順高宗性喜奢。而往思。突過前人。而適滋流弊。如康熙朝之開

博學鴻詞科。為修明史故也。乾隆時則一開鴻博科。再開陽城馬周科。三開經學科。特科屢

啓。頗采虛聲。而如杭世駿輩之懸直。乃反不見容。納康熙朝之迭次南巡。為治黃河故也。乾

隆時。南服無事。亦復尤而效之。而供億之侈。騷擾之繁。轉十倍於康熙時。海內財賦之殫。民

間風俗之懷。實基於是。康熙朝之崇獎文學。所以收拾漢族士大夫之心。且以銷磨士氣。使



白髮之老。顛踣於道路者。不知凡幾。可謂名為愛之。其實害之。他如修四庫全書。改五經。試

題。初士子各專一經。乾隆五十二年。命全習五經。皆未免有粉飾張皇之意。當時盧

見曾等方極意逢迎。上旨安獎。風雅帝南幸至揚州時。見曾供帳之盛。盡態極妍。乃其後竟

以微罪被誅。亦何其備不幸歟。此皆文治也。至於武功。則乾隆一朝。號稱極盛。一時傳恆

爾。桂者流。名將輩出。然亦嫌於鋪張過當。信任太偏。如初年倚畀親。俾經略金川。致有噶

爾匪之挫。晚年柄用和珅。令久任軍機。致基白蓮教之禍。而帝方鋪陳兵略。夸詡戰功。創建

紫光閣。準備回部金川之平。先後圖繪功臣於其中。以姚美前代。麒麟凌烟。雲台之佳話。其

餘每克一敵。平一地。必告成。孔林獻俘。午門奏捷。於宗廟及太后宮。懋典隆儀。彬彬備舉。又

御製十全記。詔緝寫漢滿蒙番四體文字。勒石樹碑。昭垂久遠。此皆好大喜功。鋪張粉飾之

過。然帝天資英敏。初即位。勤於政事。每有奏報。立時批示。每夜必遣內侍出問。披衣坐待。動

至達旦。其精勤如此。其後事國日久。老驕荒。臣下佞諛。遂不免有粉飾張皇之意。又專任

和珅。貪婪拮据。浸釀大亂。清之不競。珅為罪魁。帝亦不能辭其咎焉。惟待明裔。頗厚。封漢軍

知府朱之璉。為延恩侯。世襲勿替。又除免廣東珠江中以船為家之蛋戶。及浙江九

姓漁戶。俾得登陸。與齊民同等之待遇。與康熙雍正兩朝。仿佛相類。庶幾仁政焉。

**詔除副封** **自和珅專政潛弄魁柄嘗行文各省令凡有奏摺先具**

**副封關白軍機處俾得資其蒙蔽至是帝諭軍機處此後羣臣奏事不得**

**另有副封關會軍機處**

**大學士和珅有罪賜死籍其家** **自乾隆四十二年和珅尊寵用事**

**至於今二十有三年矣當是時廉正大臣如嵇璜元勳上公如阿桂皆未**

**嘗一加彈劾以故終高宗之世恩寵不衰養成乾隆末年內外官吏貪墨**

**之惡習其黨皆培克聚斂吸收民間脂膏厚自封殖百餘年之元氣為之**

**斷喪殆盡人民因相率思亂始則有山東王倫之亂繼則甘肅田五終則**

和珅賜死

詔除副封

和珅亂

和坤伏  
法抄沒  
財產

罪二十  
大

川楚白蓮教而坤復稽壓軍報虛張功級濫邀爵賞致匪亂蔓延不可收拾帝未卽位之前卽深惡和坤爲人既卽位大權仍太上皇操之太上耄老惟和坤之言是聽坤以帝之立已實有擁戴功益自矜而帝以太上寵坤甚專畏其傾陷不得不虛與委蛇隱忍不敢發及本年正月初三日太上皇崩帝親政初八日御史廣興王念孫等首上疏糾參和坤列欵二十先是仁宗未卽位之前卽知和坤之奸既卽位以大上故隱忍未發至是得疏立下詔褫奪坤大學士職並逮其黨戶部尙書福長安同下獄然以太上崩未旬日不忍卽加誅戮而念孫等復上疏言神堯在位不戮驩兜虞舜登庸卽誅共鯀正見寬嚴互用張弛異宜帝得疏遂於是月十八日以坤二十大罪宣示天下賜自盡福長安等皆伏誅其子額駙豐紳殷德奪爵並籍其家財入官其財產先後抄沒者凡百有九號已估價者二十六號值銀凡二百二十三兆八十九萬兩有奇未估者尙有八十三號從古貪婪蠹國之臣未有如和坤之甚者然一朝籍沒反爲殺身之具多藏厚亡豈不信哉和坤既死大學士蘇凌阿以原品休致追奪和琳公爵撤出太廟吳省蘭李璜李光雲皆以和坤私黨降黜有差

和坤二十大罪一洩漏先帝機密以册立皇太

子為擁戴功。二騎馬過正大光明殿之禁地。三與台出入大內。四妻內廷使用。女子為妾。五民部以來。故意延閣各路軍報。並欺蔽實情。六先帝不豫之時。舉措不愜。七播改先帝詔書。八兼吏部及刑部事務。又兼理戶部三部事務。一人專斷。九隱匿邊情。十誤外藩撫綏之法。十一個用官吏。十二任意撤去軍機處記名人員。十三家屋僧侈。臨制其多。實關及隔段式樣。皆仿照舊宮制。度其園寓之點綴。與圓明園蓬島瑤台無異。十四蘇州墳墓。居然設立宮殿。開設隧道。附近居民。有和陵之稱。十五私藏品中。珍珠手串。有二百餘串。較之大內。多至數倍。又有大珠。比御用冠頂。大十六有內府所集之寶石。十七家中。銀兩衣服等件。逾十餘萬。十八夾牆之內。藏金三萬六千餘兩。私庫藏金六千兩。有埋藏於地窖。銀百萬兩。十九借款十餘萬。于通州附近。常鋪錢店。以生利。息二十餘萬。賁雖至賤。

附記

世之論和珅者。每稱之曰權臣。實則有清一代。本無所謂權臣。若和珅者。不過一佞臣耳。觀其進階之由。不過如羊頭羊胃之列。其得志後。舍貪黷外。亦無他技。而廣雍

乾三朝之元氣。乃盡斷送於此。一豎子之手。可怪也。已其罪狀。久經暴露。不必追論。茲就其查抄財產一節言之。其私產被抄者。凡百有九。已估價者。二十六萬。值銀二百二十三萬。八十九萬兩。有奇。未估價者。尚有八十三萬。以比例法算之。當得八百萬兩。有奇。查政府全額甲午庚子兩次賠款。總額值和珅一人之私產。足以當之。天下可駭之事。孰有過於此者。耶。然亦可見當時中國物力之厚。實有足以供其揮霍之需。不然。雖以法王路易十四之強。暴史家言。其私產。不過二千餘萬。不及和珅四十分之一。又何怪外人以中國為金銀寶窟。而視線穿集於中土也。雖然。和珅何能為此。有使和珅能為此者。在吾人徒習和珅。恐和珅將呼冤於地下也。

二月。帝始御西廠。幄次引見官員。三月。以慶桂為文淵閣大學士。

三月。額勒登保擊破教首冷天祿於岳池。擒斬之。先是教首蕭占

國張良更等。率眾八千餘。由閬州回竄營山。額勒登保力疾轉戰。盡殲其

眾。斬蕭張二人。時冷天祿方踞岳池。額勒登保乘勝冒雨進勦。進至廣安

勒爾登  
保擒斬  
冷天祿

職  
勅勒保

州今爲縣屬嘉陵道擒斬之。系殲其衆數千人于石筍河。敘功晉封一等男。

○秋七月。勅勒保職以明亮爲經略大臣。魁倫爲四川總督。○先是本

年正月。勒保受命爲經略大臣。兼督四川。而昧于機宜。安坐達州。不能出

一策。川北教徒在廣元寧羌間者。且西寇階州。清直隸州。今甘肅武都縣。圍鞏昌。折奔秦

州。蔓延甘肅東南。川東教徒亦所在竊發。于是將軍福寧疏奏賊愈勦而

愈熾。餉徒糜而罔益。乞特申乾斷。早決大計。至是帝詔奪勒保職。擢明亮

代爲經略大臣。以魁倫署川總督。令俱赴達州。

○八月。明亮罷。以額勒登保爲經略大臣。○當更易經略時。帝念額勒

登保于諸將中。戰功最著。欲使以代勒保。惟不識漢字。不能治軍書。而明

亮老于用兵。資望爲諸將冠。故姑以經略畀之。而意實未愜也。會永保代

秦承恩撫陝。方以張漢潮一股遷延未滅之咎。與明亮互訟。帝密諭陝督

松筠。審兩人曲直。副都御史廣興亦奏明亮挾私怨望。有意玩寇。帝恐明

亮終不足膺重任。乃命工部尙書那彥成以欽差大臣赴陝西。監其軍。兼

會同松筠勘問。而卒以經略屬額勒登保。永保尋亦奪職拿問。

○奪翰林院編修洪亮吉職。○時川陝教徒未靖。亮吉欲有所獻替。顧

奪洪亮  
吉職

明亮罷

編檢例不奏事乃上書成親王暨當事大僚言時事冀其轉奏未復指斥乘輿有羣小熒惑視朝稍宴語成親王以聞部議照大不敬律擬斬決奏上免死發往伊犁交與將軍保寧嚴加管束將軍希旨奏請俟亮吉至斃以法先發後聞得旨嚴飭不行明年京師旱朱珪以亮吉為言乃命釋還

亮吉就逮時西華門外都虞司驛議洶洶謂且以大不敬伏法其友趙中書懷玉見亮吉縲絏藉藁坐大哭投于地不能言亮吉笑謂曰味辛今見稚存死耶何悲也其臨離不變如此味辛懷玉字稚存亮吉字也

○冬十月德楞泰奏擒教首高均德檻送京師 ○未幾又擒渠魁王臨

高曹元魁等十餘人詔晉封德楞泰二等男爵授參贊大臣

○十二月額勒登保擊教首王登廷於巴州追獲之 ○王登廷徐天德

冉天元等會合抗拒額勒登保躍馬督陣勦之於巴州敵冒死衝突去王

登廷走至南江縣為團勇盤獲

○庚申五年春正月以阮元為浙江巡撫 ○時海盜擾閩越阮元疏請

捐造大船巨礮並籌捕土盜翦艇匪之羽翼璽書嘉獎

○夏六月海盜入寇台州定海總兵李長庚擊走之 ○自康熙二十二

年臺灣入版圖後海禁大開航天萬里沿海商業遂日以興內外市舶往

德擒高均

廷擒王登

阮元為  
湖江巡撫

海寇始  
起

李長庚剿盜

教主劉之協被擒

來於江浙閩越沿岸者絡繹不絕。乾隆末安南王阮光平父子以力征經營得國財用匱乏乃招瀕海亡命資以師船誘以爵賞令劫內洋商舶以佐國用大為商民患其始猶僅至粵海浸丹以內地悍民為鄉導深入閩浙有鳳尾幫水澳幫等名稱勢頗猖獗其始朝廷亦深知安南政府發縱指使之罪顧以川陝教匪方熾未暇致討以故盜氛益惡至是海盜集艇百餘艘直逼台州將登岸會颶風起雷雨大作盜艇覆溺者甚多長庚時為定海總兵率領定海黃巖溫州三鎮水師乘颶風雷雨大破盜艘於松門衛在今浙江溫嶺縣東南守備印得方生擒安南總兵侯爵倫貴利等四人磔之以所得敕印擲還安南國長庚以功擢浙江提督得方等各賞賚有差

綱秋七月教主劉之協被擒伏誅湖南平 自四年正月太上皇帝崩

和坤伏誅帝親政乃定剿撫教匪四法一下哀痛詔以罪已二實行堅壁清野之法三參用鄉兵而優其獎卹四開匪眾自新之路以披其黨於時和坤既死大憝已去復改良軍事計畫於是各路剿匪始稍有起色已復擢任額勒登保德楞泰等分途勦治先後擒斬匪首冷天祿冉天元雷世旺劉允恭劉開玉等至是其教主劉之協竄走葉縣河南布政使馬慧裕

設計誘擒之。檻送京師。磔於市。帝以罪人斯得。乃命諸道將士布告。匪寨謂匪衆劫運已盡。又御製邪教說。以但治從逆。不治從教之情。宣示中外。以安反側。於是數年以來。縱橫數省之劇寇。頓失其原動力。遂爲大局底定之先聲。

封朝鮮國王

○九月。封朝鮮世子瑛爲朝鮮國王。○朝鮮國王李算卒。詔賜諡恭宣。

命散秩大臣明俊。內閣學士納青保。前往致祭。並敕封其世子瑛爲朝鮮

國王。

貴州苗叛

○辛酉六年夏四月。貴州石峴苗叛。知府傅鼐討平之。○先是湖北四

川。教匪方棘。額勒登保等移征苗之師而北。草草奏戡定。月給降苗鹽糧。

銀以羈縻之。苗氛更惡。時鳳凰廳清直隸廳。今爲縣。屬辰沅道。治鎮筸。當苗衝。同知傅鼐

有文武材。知苗愈撫且愈驕。乃日招流亡。棲之附郭。團其丁壯而礪其要

害。十餘礪。則堡之年餘犄角。漸密。苗妨出沒。遂死力攻阻。鼐以鄉勇東西

援救。且戰且修。三年。苗大出。焚掠下五峒。大吏將中鼐開邊釁罪。又兵備

道田瀨者。阿大吏意。各出約。以旁擊之事。且敗。會四年。鎮筸黑苗吳陳受

率衆數千犯邊。於是有苗疆何嘗底定之詔。責巡撫姜晟。嚴獲首要。鼐爲

擒之始奏加知府銜俸是年彌堡成明年邊牆百餘里亦竣苗並不能乘  
晦霧潛出沒至是貴州變起煽動十四寨並糾合楚苗竄以鄉勇千五百  
馳赴銅仁貴州巡撫伊桑阿至叱其越境要功竄還楚界伊桑阿遂以招  
撫勘定奏還貴陽時首逆槍械皆未繳各寨方沸然邊民赴愬雲貴總督  
琅玕琅玕檄傅鼐會勦三日而盡破諸寨苗據崖屯溝竄使黔兵攻其前  
自率鄉勇夜探山後徑猿升而上黎旦遂連破五巢其破上下潮也萬山  
一峽苗以死守乃夜分兵左右圍攻親督勇礮擊之火其寨殲苗二千有  
奇建碉堡守之貴州平是役傅鼐之功獨多而巡撫伊桑阿攘爲己功爲  
彭初齡劾奏帝命琅玕審訊得實詔褫伊桑阿職絞立決

綱冬十月德楞泰擊斬教首龍紹周於平利晉封二等繼勇伯

先是

夏五月教首徐天德樊人傑及陳朝觀等竄陝西據黃石坂

地名在漢中道白河縣分

股圍攻民寨德楞泰派兵直取敵巢擒朝觀等十餘人馘敵二千至是又  
大破之于西鄉獲徐樊二人之妻徐天德由西鄉趨紫陽德楞泰率賽冲  
阿等蹙之于新灘大雨水漲天德溺斃方德楞泰之追剿天德也龍紹周  
在太平乘機復闖入房縣竹谿及天德斃德楞泰督兵逼回太平先後殲



擒敵帥陳文明等五人八月追紹周至巫山巴東巫山清縣屬夔州府今屬四川東川道獲其妻

子及其軍師王鵬老教首李天棟等斬之紹周僅以二百人遁至是殲紹

周于平利斬其總兵曹應彪等十餘輩全股肅清晉封二等繼勇伯

五月額勒登保奏擒教首張天倫伍懷志九月擒辛斗及冉天璜等晉

封三等伯 自劉之協伏誅後教首著名者陝西則冉學勝伍懷志四

川則冉添泗王文虎等尚不下十餘股學勝北擾甘境額勒登保由漢中

入棧遏之于渭河又蹙之于漢江南岸敵遁平利清縣屬興安府今屬陝西漢中道而洵陽

復有張天倫等五股合屯劉家河等處勢張甚額勒登保命楊遇春進剿

殲敵二千生擒千餘遂生擒天倫又命提督穆克登布擒伍懷志于秦嶺

未幾遇春復擒冉添泗王文虎于通江賊勢大蹙額勒登保遂督師西剿

逼入川北總兵楊芳字誠村貴州松桃廳人擒辛斗于南江副都統豐紳等擒高見奇

于紫陽又追剿教首李彬于建州境獲其妻子及敵帥冉天璜等于是敵

總兵韓進文等各率所部降敵勢益蹙至是額勒登保復條上搜捕事宜

帝嘉其深中肯綮晉封三等伯

壬戌七年春正月以額勒登保爲經略大臣兼西安將軍專辦陝賊事

擒教首  
張天倫

宜

綱冬十二月額勒登保奏報川楚陝教匪肅清論功行賞有差

先是

春正月額勒登保擊斬川匪辛聰於南江悉殲其餘黨二月德楞泰擊斬

龔其堯於奉節生擒老教師李世漢李國珍等全股洗淨五月德楞泰復

蹙樊人傑於竹山今湖北竹山縣人傑投河死秋七月額勒登保又追擊匪首荀

文明於花石巖在今陝西柞水縣西擒斬之自是教首蒲天寶楊步青劉朝遵唐明萬

湯思蛟戴四陳侍學葉二景英崔宗和等先後殲擒餘衆分竄老林者或

百餘人爲一起數十人爲一起不復成股額勒登保乃偕參贊德楞泰會

同三省督臣以大功戡定奏聞自成親王儀親王以下論功行賞有差封

賜額勒登保德楞泰一等侯勒保明亮一等男爵賽冲阿楊遇春輕車都

尉世職惠齡前以剿捕不力降爲二品頂帶至是賞還頭品頂帶吳熊光

賞太子少保銜

附記

白蓮教之亂至是始告肅清綜記是役起於湖北荆宜一帶漸及於襄陽熾於川陝

而蔓延於甘肅以秦楚間之老林爲窟穴以鄂豫間之鄧州新野爲門戶其間襄賊

齊王氏姚之富最先滅川賊王三槐陝賊張漢潮繼之川北之王廷詔川西之冉天元河南

之劉之協文繼之而維徐天德一股殄於均州者爲最後在事諸將滿員以額勒登保爲元

勳漢人則以楊遇春楊芳爲最著功績劉清良吏大得民心皆當時最著之人物也自元年

正月起至七年十二月川楚大定餘匪之竄入陝甘邊界山林深處者又二年始告肅清蓋

開時歷九載軍費達二萬萬殺亂民計數十萬而官兵鄉勇之傷亡五倍其民之被害者尤不可計數計其後甯陝今陝西甯陝縣經定今四川達縣等新兵之變雖不久即平然其原

因實由於白蓮一役賊勇補額兵之非計致國

亂蔡牽作

癸亥八年春正月海盜蔡牽作亂浙江提督李長庚襲擊於定海大破

之。自五年夏長庚擊破安南海盜於台州擒斬其總兵四人後未幾安南王阮光平卒子光纘嗣位漸失人心而故廣南王後裔阮福映亡在暹羅暹羅王妻以女弟助以兵號舊阮與新阮戰又求助於法人而得其援遂破光纘恢復舊基因遣使納貢求冊封於朝廷七年十二月詔冊封阮福映爲越南國王於是福映一變其前政府之方略杜絕海賊不准入境海賊驟失巢穴無所歸依漳賊有蔡牽者遂乘機兼併各黨而爲之魁牽同安人奸猾善押闖能使其衆既魁其黨以閩海爲根據地往來劫擄勢大猖獗號令各商船凡出洋者納通行稅四百圓入港者倍之乃免劫掠又交通陸地會匪使陰濟船械米糧故儲蓄日富隱然握海上之霸權是時李長庚已擢浙江提督欲謀剿捕而官有戰艦笨窳不能放洋乃與浙撫阮元議造大艦駕凌匪艇之上阮元遂督率官商捐金十餘萬造大艦數十名曰霆船並鑄大礮四百餘尊配之船既成遂連敗蔡牽於岐頭

以閩海  
爲根據地

霆船

東霍等洋兵威大震是年正月蔡牽以進香普陀故舟至定海長庚出牽  
不意命定海巡防營遊擊印得方率舟師掩襲之牽拒戰敗績幾被獲僅  
以身免得方率師晝夜窮追至閩海牽船糧盡艇且朽而在下風度不得  
脫乃偽乞降於閩督玉德玉德命興泉道慶祿往招撫之牽因言果許降  
當勿令浙師由上風逼我玉德信之遽以令箭麾浙師收港牽得以其間  
繕檣械待糗糧揚帆去浙師追之已無及矣牽既遁去更造巨艦高大過  
於霆船以與長庚抗久之卒為得方所敗乃不敢復犯浙

有幹略精技擊尤善潭腿初為營弁乾隆四十五年游擊李文獻月下巡哨驚見一黑虎偃伏地  
上驚極拔劍斫之虎逸至左營房沒推扉視之則得方方伏几臥射聲如雷鳴也異之遂舉為本  
營把總四十七年春季光祖率眾犯鹽城縱火焚太平橋知縣康杰領營兵往勦光祖黨朱三辣  
飛刃刺杰得方急舉腿跌杰於數十武外手接賊刃反刺之立斃復飛身登光祖舟載其兩臂光  
祖送就擒餘眾星散得方以功擢劉河營守備旋移温州以擒安南總兵  
四人升定海巡防遊擊至是以擊退蔡牽功擢瑞安營協鎮封武功將軍

**綱**閏二月男子陳德犯蹕伏誅 **目**帝方入宮有男子陳德者潛匿禁門

俟帝將入時徑前犯蹕為侍衛捕獲嚴訊主使者竟不可得遂並其子祿

兒對兒駢斬於市

**綱**秋九月工部尚書彭元瑞卒 **目**元瑞天才敏瞻所作文婉麗清新與

紀的俱有才人之目至是卒贈協辦大學士予諡文勤

綱冬十月雲貴總督琅玕討裸匪平之。先是壬戌七年二月雲南維西廳裸匪首逆腊者布恆乍緋勾結獠夷匪叛亂滋事西北路爲之梗塞不通命雲貴總督琅玕率師征勦之。是年五月琅玕擒獲首逆腊者布旋又攻克康普寨北路裸匪剿洗幾盡六月兜剿康普葉枝夷匪西北兩路全境疏通至是又生擒首逆恆乍緋家屬奏聞帝命於維西麗江四路各設頭人二名給把總外委頂帶俾約束裸衆於是雲南裸夷悉平。

綱甲子九年夏六月陝甘總督惠齡卒。贈二等男予諡勤襄以邢彥成署陝甘總督。

綱秋八月李長庚大破蔡牽朱潰於定海北漁山。朱潰者廣東海賊之渠魁也。初蔡牽據閩海朱潰據粵海互相雄長各不相謀及定海之敗蔡牽畏霆船甚因厚賂閩商更造新艦高大逾霆船先後載貨出洋以被劫歸報牽連得巨舟甚喜遂牽舟渡橫洋劫臺灣獲米數千石分餉朱潰由是潰與牽合連踪八十餘號爲聯合艦隊猝入閩海會溫州總兵胡振聲方以二十四艘就閩運造舟木材閩督玉德遽檄令攻擊而不發兵援之振聲力不敵戰死浮鷹島洋面詔以李長庚總統閩浙水師專剿蔡牽。

北漁山  
之戰

額德合  
擊白蓮  
餘匪

以溫州海壇二鎮爲左右翼。秋八月，長庚合諸鎮兵與牽漬之聯合艦隊百餘艘，激戰于定海北漁山。即北魚山，爲黑山羣島之一。附近協鎮印得方督兵衝貫其中，斷之爲二，幾粉碎。其聯合艦敵乘大風雨遁去。自是頗畏長庚，不敢復犯浙。其後朱潰與牽亦以漸不相能而離析，牽勢少衰。

綱九月，額勒登保、德楞泰合擊白蓮餘匪苟文潤等，斬之。川陝悉平。先是額勒登保等於六年十二月，以川楚教匪勘定奏聞。時川楚陝三省腹地雖已肅清，而山林邊界餘黨猶有存者。額勒登保等不敢遽班師回朝，復分道掃蕩。先後殲擒教首姚欣祖、陳大海、曾之秀、劉渣鬍子、宋國品、張世虎、趙聰、觀熊老八等。至八年七月，始會奏肅清。德楞泰、額勒登保先後更迭入覲，振旅以還。而各營之隨征鄉勇皆當繳兵器回籍。鄉勇故多驍桀，或本無家可歸，及事平遣散，所得川資既不足用，官吏又從而剋削稽難之，遂致糾衆謀叛。以羅思蘭、苟文潤等爲渠魁，持械戕官，出沒爲患。且皆百戰之餘，具悉官軍號令及老林徑路，故數雖僅少，而三省不得解嚴。德楞泰復出都，是年十二月，追敵至橫山大梁，雪夜襲剿，而鄉勇以敵衆多，舊時相識，袖手不動，敵踞巖下，壓副將張應貴死焉。德楞泰不得已。

川陝悉平

劉墉卒

王杰卒

頒給諭帖遣將弁魏忠才等特往招撫俱被害尋額勒登保亦出都至是年五月以坐失事機革德楞泰內大臣職降爲二等侯賽冲阿降爲騎都尉額勒登保革去紫韁至是額勒登保德楞泰合軍窮搜川陝老林先後擒渠魁羅思蘭苟文潤等川陝悉平詔賞還德楞泰一等侯內大臣賽中阿輕車都尉世職額勒登保紫韁餘將弁賞賚有差

○冬十二月體仁閣大學士劉墉卒

○墉字不菴諸城人大學士統勳子乾隆進士以書法重於時政事文章皆爲書名所掩至是卒予諡文清

○乙丑十年春正月予告大學士王杰卒

○杰字偉人陝西韓城人在政府誠於奉職與和珅共事十餘年和珅雖厭之卒莫能去也至是卒年

八十予諡文端

○以朱珪爲體仁閣大學士管工部事紀昀協辦大學士

○昀少時與大學士朱珪不相下有文人相矜意後見珪所爲文乃大嘆服自後交誼

益摯

○二月協辦大學士禮部尙書紀昀卒

○昀自乾隆三十年任四庫全書館總纂官先後十餘年集成四庫全書十六萬八千餘卷每成一書皆

紀昀卒

禁西洋  
人刻書  
傳教

額勒登  
保卒

那彥成  
免

作提要冠諸簡首又奉詔撰簡明目錄存書存目多至萬餘種皆一手所訂評隲精審識力在王仲寶阮孝緒上至是卒予諡文達

夏四月禁西洋人刻書傳教 西洋人在中國刻書傳布天主教初加禁止繼更申前命而西洋人不聽命旋將西洋人德天錫派員解往熱河在厄魯特營房圈禁代爲遞送書信人陳若望等均發往伊犁給厄魯特爲奴

初秋八月御前大臣都統公額勒登保卒 額勒登保滿州正黃旗人初隸海蘭察部下每戰輒陷陣海誨之曰子將才宜略識古兵法以其不識漢字取翻譯三國演義授之遂爲名將其爲人天性嚴毅寡言笑時人以其笑比河清諸將白事帳前莫敢仰視然能得土心雖疲乏之兵歸其帳下悉變爲奮勇及教匪平晉封三等公至是卒予諡忠毅

冬十月那彥成有罪免以吳熊光爲兩廣總督 先是粵東土匪洋盜勾結日熾盜首李崇玉黃正嵩依朱潰橫行海滄那彥成督粵緝獲甚衆嗣以官兵不得力遂行間諜招撫降正嵩計擒崇玉檻送京師先後招降五千餘人悉予銀幣並與千總外委銜爲巡撫孫玉庭所劾降藍翎侍



衛又以私許黃正嵩四品服及守備筭事覺謫戍伊犁調吳熊光爲兩廣總督

**綱**十一月百齡有罪免以全保爲湖廣總督 **目**初百齡以在廣東巡撫任內懲辦光棍製用聯枷並將署內物件搬運湖北又在湖北截留批摺革職拿問旋部議發遣新疆帝命免其發遣在實錄館效力行走

**綱**丙寅十一年春正月蔡牽寇臺灣二月李長庚擊牽於鹿耳門大破之牽走閩海 **目**蔡牽屢爲長庚所敗不敢犯浙遂於乙丑冬率舟百餘艘

轉寇臺灣以別部屯洲仔尾沉舟塞鹿耳門號召土匪萬餘圍攻臺南府城自稱鎮海王謀襲鄭成功故事聞帝命賽冲阿爲欽差大臣馳赴福建督勦時福建水師七萬餘而赴援者不過三四千帝嚴旨切責十一年

二月詔德楞泰督川兵往剿德楞泰未至而李長庚已以浙師三千渡臺水陸並進五戰皆捷至鹿耳門不得入諜知南北汕大港門可通小舟長

庚扼南北汕遣總兵許松年協鎮印得方乘澎湖進攻焚三十餘艘得方夜率銳師趾海水登州仔尾焚其寮牽反救長庚出南汕自後焚其舟得方進迫牽大敗遂登陸燔其小舟牽棄洲仔尾困守北汕以鹿耳門沉舟

百齡免

蔡牽寇臺灣

鹿耳門之戰

自塞去路也。長庚分兵包圍牽于鹿耳門。且夕奏凱而牽散錢四百餘萬。賂閩兵。越二日潮驟漲。沈舟漂起。得以殘艦三十餘奪門出海。庚擊追之。奪餘船十餘。卒以閩師不能助。扼各港。竟遁去。詔褫長庚翎頂。是役也許松年印得方爲前鋒。前後殲敵數萬。尸橫數十里。臺灣獲全。長庚所將止三千人耳。嗣長庚復擊牽于定海。漁山。牽舟額身皆受創。詔復長庚翎頂。而罷德楞泰之行。

**綱**夏五月。玉德免。以阿林保爲閩浙總督。 **目**玉德滿洲正紅旗人。以內中書。歷官至閩浙總督。而闇不知兵。嘗以營兵放鎗遲慢。手戰。奏請將星斗除去。星斗者鎗上所憑以瞄準之具也。奏上。帝大怒。嚴旨斥之。至是以李長庚擊海賊。屢立戰功。忌之一。意主招撫。後被賊給益。恚怒。阻長庚益力。長庚之得總統閩浙水師也。以浙撫阮元力。阮元知長庚才。欲專以平賊事任之。長庚與元議。欲更造巨舟。遠過霆船。會元以憂去。浙事乃止。至是長庚請於玉德。願與三鎮總兵及副將等。預支養廉。捐造大船三十艘。玉德尼之。當蔡牽之遁。自鹿耳門也。形至狼狽。篷柁皆毀。長庚追至福寧。牽得岸。奸接濟。勢復振。長庚遂列狀上聞。詔褫玉德職。逮京治罪。以阿林

清安泰  
疏白長  
庚之冤

寧陝之  
兵變

保代為閩浙總督阿林保者滿洲正白旗人亦忌長庚才之任未數月即密劾長庚勦盜不力請革職治罪疏五上帝疑其誣密詢於浙撫清安泰清安泰因上疏力白其誣且言長庚之才可用

其疏略謂長庚熟悉海島形勢風雲沙線每戰自持花老于操舟者

不能及且委身殉國兩年于外過門不入以捐造船械傾其貲所俘獲盡以賞功故士爭效死且身先士卒冒危險瀛山之戰身受多傷將士亦傷百有四十人擊賊不退故賊中有不怕千萬兵

只怕李長庚之語惟海艘越兩三旬即須燻洗否則苦結痲結駕駛不靈其收港並非逗遛且海戰惡風力風勢不應雖隔數十里旬日不能到也且故海上之兵無風不戰大風雨不戰逆風逆

潮不戰陰雲蒙霧不戰日晚夜黑不戰颶期將至沙路不熟前無泊地皆不戰及其戰也勇力無所施全恃巨礮轟擊船身簸蕩中者幾何我順風而逐賊亦順風而逃無伏無險可扼必以

鉤鏢去其皮網以大礮壞其舵牙篷胎船傷行遲我師環而攻之然後可獲其一二船而餘船已觸然遠矣即往來三省皆沿海內洋外洋則無船可掠無鬼可依從不敢往惟則急時始逃入焉

隔斷賊船不以擒獲為功而自率精銳專注繫逆坐船圍攻賊行與行賊止與止無如賊船愈大

愈多是以未能得手且兵餉例止發三月海洋路遠往返稽時而事機間不容髮週之一日雖勞費經年不足追其前效此舊已往之積敝也非盡矯從前之失不能收將來之效非使賊失其

所長亦無由攻其所短則岸好接濟奏入帝乃下詔切責阿林保命將剿賊事宜

專責長庚一人如再忌功掣肘玉德即其前車之鑒並飭造大同安梭船

三十艘其未成以前先僱大商船備剿

綱秋七月甯陝今縣屬陝西漢中道新兵譁變九月陝西提督楊遇春總兵楊芳討平

之圖先是白蓮教之役朝廷既以官兵之徵發不便廣募鄉勇佐臨時

之戰守同時又以川楚陝三省之邊地形勢阻奧建置疏闊難於統治之

楊遇春  
兵敗方  
柴關

楊芳單  
騎入敵

故而議增郡縣營汛保將來之治安終乃以各營隨征之鄉勇挑補各地增設之兵額謂之新兵就中陝西增兵六千駐甯陝甯陝扼秦嶺之腹地險而糧貴建議者懼例餉不足以養兵乃於例外月給米鹽銀人五錢議三年而減一錢嘉慶十一年六月當實行減給之期布政使朱勳以未奉部文併四錢停發新兵大譁時陝西提督楊遇春方奉命入都寧陝總兵楊芳調署提督而副將楊之震護寧陝鎮輒答譁者於是新兵陳達順陳先倫等二百餘人以七月殺副將遊擊劫庫獄燬城以叛楊遇春行次西安聞變急調集各汛新兵之未叛者歸大營以絕其響應楊芳亦馳守石泉阻叛兵南下詔以德楞泰爲欽差大臣赴陝督剿遇春以兵五千自洋縣進擊德楞泰以兵四千繼之時叛兵已增至萬人又選步騎三千爲前鋒改推蒲大芳爲首魁迎遇春于方柴關戰數合殺傷相當大芳陷陣力戰伏兵又繞出陣後官軍大潰遇春僅率親兵數十登山斷後叛兵追至忽反走乃收潰卒扼方柴關次日芳馳至謂遇春曰叛兵皆百戰之餘驍悍習地利而官兵勤勞九載瘡痍未復且吾兵與叛兵皆同功一體之人以兵攻兵終無鬥志請公按兵緩攻而某單騎入賊營曉以順逆遇春然

之時叛兵矛戟森立勢不可測或扣馬力阻芳曰我與楊公計之熟矣天佑蒼生我必不死爲國息兵卽死且何恨遂策馬前萬衆錯愕芳故得新兵心當新兵之叛也先護送芳家屬于興安而後舉事既至入見大芳等卽痛哭曰吾與若曹戮力數年同患難生死今對壘如仇敵吾不忍見若曹罹族滅禍請先殺我于是衆皆哭逾二日大芳誘縛先倫達順以衆降甯陝遂平

褫德楞  
秦職

冬十月褫德楞秦職仍留西安將軍任貶陝甘總督倭什布等有差  
蒲大芳等既降德楞秦卽以叛兵震懾兵威窮蹙乞命奏聞其叛卒二百二十四人盡釋歸伍帝閱奏震怒責德楞秦專擅廢法罷其御前待衛領侍衛內大臣及一切差使總督倭什布發烏魯木效力戍降卒蒲大芳等二百人于新疆後皆誅死楊遇春降總兵楊芳戍伊犁逾月始赦回

楊芳謫  
戍  
朱珪卒

十二月大學士朱珪卒  
珪以好士聞其沒也人皆惜之珪撫皖時門人汪庶子學金來請益留匝月歸珪曰何所聞而來何所見而去汪曰一談一笑無非天理某所見乃大進矣其感人如此既卒予謚文正

綏定新兵作亂四川總督勒保討平之  
四川新兵駐綏定府至是

綏定兵  
亂

西鄉營  
兵之變

封琉球  
國王  
李長庚  
追擊蔡  
牽

粵海之  
戰

長庚中  
礮死

結衆謀亂四川總督勒保率師進剿生擒首逆王得先孔傳世劉金定等  
斬之並殲除餘黨甚夥

丁卯十二年春正月西鄉營新兵作亂西安將軍德楞泰討平之  
陝西西鄉營新兵亦聚衆謀亂據瓦石坪西安將軍德楞泰督兵截剿殲  
擒首逆周士貴等並夥黨多名其亂遂平

**附**

新兵之變其原因皆由於白蓮一役裁勇補額兵之非計甯陝之役楊芳單騎入敵營其功至偉而仁宗反震怒成芳伊犁遂復釀殺定西鄉之亂雖不久即平然人心

之蠢動已可概見是白蓮一役之餘波也

夏四月申禁地方官擅造非刑

秋七月以故琉球國中山王尚溫孫灝襲封爲琉球國王遣使往封

冬十二月浙江提督李長庚追擊蔡牽於粵海中礮死牽走安南

長庚雖爲玉德阿林保所忌然志氣不少靡與蔡牽轉戰閩海者又二年  
矣至是追牽至粵海黑水洋中牽黨敗散止餘三舟長庚親率軍及其副  
將印得方當牽大艇自搗鼓搏戰擊破牽蓬又以火船維後船將燔之得  
方躍入牽船幾擒牽者再牽奴林阿小素識長庚暗中由船尾發礮中長庚  
喉血湧不可止遂仆得方急回救已不及當是時閩粵水師合剿其衆十

牽走安南

得方憤走嶺南

倍于敵少持之立可殄滅而福建提督張見陞本庸懦見中軍船亂遽引舟師退牽遂逸走安南長庚治兵有紀律恩威並用敵最畏憚之牽嘗遣心腹偽降欲行刺長庚搜衣得刃斬之海盜沈振元自言為盜時泊浙海夜夢長庚至一夕數驚遂革心投誠為水師健弁阿林保初督閩時置酒款長庚曰大海捕魚何時入網海外事無左證公但斬一酋以牽首報某即飛章報捷而以餘賊歸善後辦理則公受上賞某亦邀次功孰與窮年冒鯨波僥萬一哉長庚慨然曰石三保聶傑人之事長庚不能為且久視海舶如廬舍不畏險也阿林保不懌屢劾之並及得方既不得逞則屢飛檄趣戰動以逗撓為詞長庚斫舷怒誓決戰擒牽至是而長庚不能不死矣長庚既死得方遂憤走嶺南事聞帝震悼追封長庚為壯烈伯予諡忠毅遣使訪得方竟不可得

**附記**

長庚與蔡牽皆家同安里開相望而長庚用兵如神副將印得方尤勇冠三軍長庚之特甚一敗於定海北漁山再敗於臺灣鹿耳門窮蹙幾無所歸而長庚得方卒以

功高望重為前後閩督玉德阿保林所忌或以軍符牽製或以密疏中傷黑水洋一役卒致長庚中敵身死得方亦遷跡嶺南易曰天地閉賢人隱仁宗或知玉德之奸而不能正阿保林

浩氣所由不旋踵而繼起於東南也歟

戊辰十二年春二月辰沅永靖道傅鼐入覲  
 自嘉慶六年貴州苗

傅鼐入

叛傅鼎擊平之十一年湖南永綏苗石宗四等作亂鼎復擊破之殲苗二千有奇生擒石宗四是役也用良苗擊莠苗轉戰月餘破寨十六獲槍械數千永綏亂苗一舉而平事聞帝嘉悅之下其練兵治苗之法於各省

苗也專用明沈希儀雕剿法大小百戰殲苗萬計極出良民五千口良苗千餘口而所用不過鄉兵數千則訓練之力也大抵苗疆用兵異於他處穿山峭壁苗人騰越如平地一長也地不可容

大索其進無部伍行列退則鳥獸散伏密菁中從暗擊明敵難猝防二長也銃銳且長隨山起伏多命中惟腰纏藥無重衣裝三長也苗因苗地用苗技先盡沙輕走以習步兼習藤牌閃躍注狹

路則短兵制之每戰選必嚴汰數年始得精兵千號飛隊優養勤練而嚴節制之行山澗風雨而行列不制遺賞于道士無反顧苗與共甘苦若妻孥哭陳亡若子弟報公憤若有仇是以能致死

如一其後查出石宗四等侵佔田地千餘畝逐一清查照叛產歸公例另佃良苗耕種于是藥苗聞風震懼各願返所佔地兼並收作屯田分佃良苗納歲租充餉又于撤防後挑留苗兵駐守

卽以屯糧贖之積久制益密田益闢則又墾沿邊隙地二萬畝曰官墾田類苗資民田萬餘畝曰官贖田備犒賞暨歲修城墾神祠學校育嬰堂着濟諸費百務並舉以苗養苗卽以苗制苗大要

使兵農爲一以相衛使民苗爲二以相安故約官與民曰毋擅入苗寨毋擅役苗夫約苗曰毋巫鬼椎牛羣飲以靡財毋挾槍矛尋腥背釀衅又以詩書禮讓化其桎梏之氣請將乾鳳永保四廳

縣編立田字號外加中額一名苗益感奮至是入覲帝優異之加按察使銜

綱秋七月帝秋獮木蘭九月還京師

綱十一月吳熊光免以永保爲兩廣總督 先是秋七月有英吉利兵

船十三艘停泊香山雞頭洋其酋度路利以三艘馳入黃埔

今廣州珠江口地名

並有

杉板船入省河聲稱防禦法蘭西意殊叵測故事外夷兵船或寄內洋當

卽調兵立時驅逐熊光以連年督率鎮將追捕海盜轉戰重洋中匪氛雖



稍戢而師老氣弱。故務爲鎮靜。惟傳諭大班。飭命回帆歸國。而英船遷延。至十月始起。旋熊光坐奪職。以永保代之。明年春永保卒。以百齡代爲兩廣總督。有旨飭查英船來去之由。以熊光憊懦覆奏。遂遣戍伊犁。抵戍一載召還。

德楞泰卒

綱己巳十四年春三月。西安將軍德楞泰卒。德楞泰疾作時。詔晉封

三等公。命其子蘇沖阿前往省視。至是卒。賜諡壯果。

王仲漢伏誅

綱夏六月。山陽知縣王仲漢有罪伏誅。仲漢因辦賑浮冒。懼爲委員

李毓昌稟揭。因置毒斃之。以自縊聞。事發。詞連知府王穀。查有得賄實跡。得旨。王仲漢正法。王穀處絞。並革兩江總督鐵保職。

蔡牽自沈死

綱秋八月。王得祿邱得功合擊蔡牽於漁山外洋。牽自沈死。閩海平。

先是長庚死。朝廷訪求印得方不得。乃命其裨將王得祿任福建提督。邱得功任浙江提督。勉以同心敵愾。爲長庚得方雪讎憤。嘉慶十三年。蔡牽自安南回棹。得朱瀆資助。復聯合游弋浙海。會阮元復爲浙撫。用反間計。離之。瀆獨走閩。爲長庚部將許松年所轟斃。其弟渥代領其衆。逾年七月。渥率衆三千人。船四十二。礮八百尊。降於閩。牽因往來閩浙兩岸。勢益孤。

漁山外  
洋之戰

閩海遂  
平

粵海平

百齡單  
舸招降

得祿得功遂於本年八月合剿牽於漁山外洋在今定海縣海中牽舟尚三十餘而礮彈已盡乃用番銀代之兩軍以全力注牽船血戰一日夜燬其柁樓牽知不免舉礮自裂其船沈於海餘衆千三百人以次年繳械降於得功閩海遂平詔封王得祿爲二等子邱得功爲二等男又以兩廣總督百齡嚴斷接濟致餘黨先後出降賞騎都尉世職

綱庚午十五年春正月以劉權之爲協辦大學士勒保爲武英殿大學士

綱三月粵海巨盜張保降海疆平 圖自蔡牽死閩浙二海皆平而粵海

餘黨尚在巨盜張保挾衆數萬往來游弋勢張甚先是吳熊光督粵時立禁絕岸奸策以絕其生資及接濟並塞高州雷州各港及百齡督粵又盡改粵糧水道爲陸運其硝磺各廠亦改商爲官而巡哨周嚴遇盜輒擊之沈海賊黨大困於是始有投誠意然懼誅未敢遽進揚言必須制府親臨望見顏色乃降衷甲頓船以待實藉爲嘗試地百齡許之或謂賊人無信不宜身蹈不測百齡曰粵人苦盜久矣今乞降若不坦懷待之海氛何由息遂單舸出虎門從者十數人保率巨艦數百轟礮如雷煙燄蔽天日環百齡船作跪迓狀百齡危坐舟中屹然不爲動麾左右呼保駛近前曉以

海疆肅清

戴衢亨卒

傅鼎卒

陳鳳翔免

利害見者睚眦膽落詫為天人皆面縛匍命百齡立撫其衆許奏乞貸死旬日間解散二萬餘人繳船四百餘艘礮械無算復令招降烏石二以計誘至雷州斬之並斬為從者百餘人釋其黨全海肅清會閩海蔡牽餘黨沈帶等亦繳礮械乞降於是三省海疆悉平

辛未十六年夏四月大學士戴衢亨卒五月以劉權之為體仁閣大學士吏部尚書鄒炳泰協辦大學士 衢亨由修撰位至宰輔士論榮之時扈從五台途次得疾先歸馳至圓明園賜第遂不起予謚文端

六月湖南按察使傅鼎卒 鼎入覲後擢湖南按察使以苗弁兵民

籲留命每秋一赴苗疆慰邊人之思鼎之在苗疆也日不暇給設木甌于門訴者投牒其中夜出閱之黎明起視事剖決立盡兵民白事許直至榻前及為按察使一如同知時下無壅情故事無不舉至是卒年五十四事聞賜祭葬如巡撫例 鼎權奇有才武躬親行陳出入矢石間所設施務為經久計不撓旁議苗人聞其卒哭聲震郊野

壬申十七年春二月試翰林詹事等官 擢徐頌等四人為一等餘

升黜留館有差

秋八月河道總督陳鳳翔有罪免 以河工禮壩急難堵合詔以河

道總督陳鳳翔貽誤河工着在工次枷號限滿後發往烏魯木齊效力贖罪

書 冬十二月以鐵保爲禮部尙書祖之望爲刑部尙書潘世恩爲工部尙

書 癸酉十八年夏六月申禁宗室覺羅與漢人結婚

賞給生員鮑廷博舉人 廷博字以文歙縣人流寓浙江桐鄉鄔鎮

藏書極富四庫館開進書六百餘種並所刊知不足齋叢書至是浙撫方

受疇代進叢書第二十六集命賞給舉人 叢書刊至第二十七集未峻廷博卒其子七恭續刊至三十集而止

秋九月天理教徒李文成作亂陷滑縣知縣強克捷死之 海寇之

肅清也朝廷惟鋪張功烈未嘗改革秕政而天理教之亂又起天理教者

白蓮之緒餘也先是白蓮教會依託佛道二教造作經卷畫像流布內地

愚民無知翕然從之而不逞之徒更竊其緒餘別立名目以爲聚衆斂財

之計其在畿南一帶者有八卦榮華紅陽白陽諸名八卦黨徒尤盛徧布

於直隸山西河南山東等省以河南滑縣李文成及京師林清爲之首後

又變名爲天理教句結日廣嘉慶十六年秋彗星見西北方欽天監謂其

申禁滿  
漢結婚  
鮑廷博  
進書六  
百餘種

天理教  
之始起

二八中  
秋黃花  
落地

李文成  
據滑縣

林清襲  
京師

占主兵奏改十八年閏八月於次年二月諸黨人竊喜謂清朝不利閏八月又以其經有二八中秋黃花落地之說轉相附會以彗星之見謂應在十八年九月十五日午時相約於是日起事時李文成黨徒數萬其勢最盛而林清密邇宮禁賄通內侍外恃文成之援將乘仁宗駕幸木蘭

木蘭為滿

洲語。哨鹿之義。仲秋之後。虞人放鹿。鳴以致鹿。謂之哨鹿。因以為圍場之名。清代自聖祖後。每歲之夏。必避暑於熱河之拂水山莊。重九前後。則至圍場合圍。數千里內。蒙古主公。皆率其屬而來。會此典禮。至咸豐強盜舉行。同治後始廢。即今直隸圍場縣之地也。秋獮之時。襲踞京師。謀定中外。莫知也。是年秋

滑縣知縣強克捷微聞之。即捕文成下獄。刑斷其脛。賊黨以事迫不及。至九月十五之期。遂於九月七日先舉事。聚眾三千餘。破滑縣。出文成於獄。強克捷被戕死。諡曰忠烈。並屠殺其全家。于是直隸之長垣。東明。山東之曹。金鄉等縣。同時殺官圍城。而曹定陶皆陷。事聞。帝命直隸總督溫承惠為欽差大臣。會同河南巡撫高杞。山東巡撫同興。並力剿辦。

林清襲京師事敗伏誅。李文成既於初七日舉事。林清尙未知其

黨曹福昌度十七日帝駕次白澗。留守諸王大臣且出扈。欲以是日乘虛竊發。而清狂經識不欲改期。密令其黨二百餘。以十五日集菜市。由宣武門潛入。各藏兵器雜酒肆中。待日晡。則分犯東西華門。約太監劉得才及

皇次子  
緜穢

林清伏  
誅

楊進忠等分道引入閭進喜等爲內應而自伏黃村。在京城南今大興縣治以俟文成黨衆齊集而後進。至期東華門護軍覘其異遽閉關格拒。教徒闌入者僅十餘人。餘悉奔散。其入西華門者八十餘人。反關以拒官軍。初教徒得內監嚮導。已知大內在西。至是誤由尙衣監文淵館。斬關入。待衛急閉隆宗門。拒之不得入。遂叢集隆宗門。或手執白旗登垣指揮。總管太監常永貴。繆由東華門闖入之二人。子若震時皇子等在上書房。聞變。皇次子緜寧急命進撤袋烏銃腰刀。命諸太監登垣瞭望。俄見有手白旗攀垣。將踰養心門入者。緜甯發烏銃殪之。再發。再殪。貝勒緜志亦以銃殪敵一人。敵乃不敢進。將火隆宗門。會留守京師諸王大臣率禁旅自神武門入衛。敗敵于中和門外。薄暮忽大雷電。教徒震死者數人。餘竄匿。竭二日一夜之力。搜捕略盡。並擒通謀諸內監。至十七日。誘擒林清于黃村。是時京師連日雷電風霾。訛言四起。居民自相驚擾。帝方自熱河迴蹕。將謁東陵。中途聞變。卽日還宮。十九日車駕抵京。師人心始定。帝御瀛臺。親訊首逆。及通謀諸內監。皆磔之。傳首畿內。詔封緜甯爲智親王。貝勒緜志進郡王。銜諸大臣賞黜有差。因下詔罪己。略言寇賊叛逆。何代無之。今事起倉卒。擾及宮禁。傳之道路。駭人聽聞。非朕之

涼德何以致此。但諸王大臣同國休戚，勿再因循怠玩。平日文恬武嬉，事至則措置失宜，事過則泄沓如故。素餐尸位，重貽朕辜云。

綱十一月，陝西提督楊遇春、總兵楊芳率兵至河南，李文成走死滑縣平。

李文成之在滑也，直隸山東諸教徒同時響應。帝雖命直隸總督溫承惠爲欽差大臣，督率直魯豫三省兵進勦，而直魯豫三省大吏皆按兵不動。帝怒，乃詔陝甘總督那彥成及提督楊遇春、總兵楊芳率師討賊。時文成據滑，以脛創甚，不能走。四方爲流寇，遂出兵圍滑，而萃精銳于道口鎮。今河南滑縣西道口距滑十八里，臨運河，有積糧，乃恃以戰守。且爲長垣東明

曹定陶金鄉諸股號召，溫承惠駐兵大名，畏敵勢不敢進。已而那彥成至，衛輝聞敵勢盛，亦不敢發。請俟調山西甘肅吉林索倫兵五千而後進。詔切責之，始馳至軍。而楊遇春以固原兵至，奮擊之，頗有斬獲。敵望見髯將軍，輒披靡大破之，遂奪道口。進兵圍滑，滑城堅厚，外磚石，內包土沙。大礮攻之，遇沙而止。敵運道口糧至城中，足支一載。嚴令居民無敢內應。官軍圍滑三面，惟北門隔葦塘，未合圍。會桃源今江蘇泗陽縣匪首劉國明潛入滑謀護李文成出收外黨，西入太行爲流寇計。顧文成脛創不能騎，乃輕車出

李文成  
自焚死

滑縣平

箱賊萬  
五之亂

北門招黨四千人輝縣山中據司寨將募集徒黨爲牽制之策那彥成遣  
總兵楊芳追之伏騎白土岡誘之出司寨佯走伏起敗之又追擊于南首  
山殲敵二千有奇敵走山上殊死戰官兵畏敵鋒有退者芳拔佩刀立斫  
數人衆效死遂大捷進奪司寨文成縱火自焚死獲其屍劉國明亦死命  
將李文成首傳示河南直隸山東各地方文成死滑城未下那彥成等掘  
隧圍攻皆爲所破十二月楊芳至陽築柵進攻潛掘舊隧滿實火藥至期  
將卒皆擐甲以待平明西南城崩裂十餘丈芳率軍奮前奪城蟻附入巷  
戰至夜殲敵二萬免老幼男婦二萬有奇獲牛亮臣徐安國等檻送京師  
滑縣遂平是役也除教匪殲除外良民被戮者凡二萬餘人詔加那彥成  
太子太保封三等子楊遇春二等男楊芳劉清以下諸將士賞賚有差

綱十二月陝西箱賊萬五爲亂總兵祝廷彪討平之

箱賊萬五本木

工也時陝西南山三才峽

在峽山縣境

木工夫役以歲饑罷工掠食推萬五爲

首領集衆數千焚木廂陝西巡撫朱勳遽以教匪奏聞帝命陝甘總督長  
齡及提督楊遇春移兵往勦而陝西總兵祝廷彪吳廷剛等已連破其衆  
明年二月長齡楊遇春擒萬五磔之乘勝進擊斃敵六百有奇生擒陳四



等三百餘人尋殲渠魁吳孤孤于黃官嶺龔貴于階州漢江南北均肅清賞長齡騎都尉世職晉封楊遇春一等男

復開捐例

綱甲戌十九年春正月復開捐例 從侍郎吳璈奏也自十九年四月

起至明年五月止謂之豫東例閏二月學士蔡之定請行用楮鈔不許

江胡乘輝之亂

綱閏二月江西胡秉輝爲亂以阮元爲江西巡撫率師討平之 天理

教初平餘黨煽亂未已時江西胡秉輝購得殘書一本及倡亂俚語卽向

其黨邱澤盧勝輝等誇稱解得書內陣圖如得有爲首起事之人便可圖

取富貴楊易隨稱餘干今江西朱毛俚可以假託前明後裔朱毛俚自認

不疑遂共赴積善禪林同謀起事取書內俚詞稱爲後明建元晏朝年號

進封秉輝等官爵有差使邱澤盧勝輝等展轉糾人謀作亂詔以阮元爲

江西巡撫馳往剿治元率臬司同往擒獲胡秉輝等十七人誅之尋獲崇

義縣天地會匪鍾體剛進賢縣擔匪曾文彩龍南縣會匪鍾錦龍長甯縣

今贛南道會匪郭秀峯瀘溪縣會匪陶省三等各論如律民情乃安

綱夏四月丙戌賜龍汝言等二百二十六人進士及第有差

綱冬十一月河南捻子匪起 捻匪之亂始此捻者鄉人行儼逐疫裹

河南捻子匪起

方榮升  
之亂  
匿名揭  
帖  
九龍朱  
戮

紙燃膏爲龍戲之稱起於康熙間山東游民相聚拜輻拜捻其後淮徐間  
以一聚爲一捻久之捻日益多則相率報仇嚇財擄人勒贖浸淫爲寇盜  
或數人爲一捻或數百人爲一捻白晝行劫有明火執仗捻紙燃指以脅  
財者故名之曰捻匪御史陶澍字子霖湖南安化人嘉慶七年進士奏河南南陽汝南光州一  
帶及安徽潁州亳州等處向多紅鬍匪徒近來日聚日多橫行日甚每一  
股謂之一捻子小捻子數人或數十人大捻子一二百人不等詔方受疇  
胡克家等各遴選妥員將爲首之王妮子李東山馬大振三犯按名捕獲  
○乙亥二十年秋八月兩江總督百齡奏獲奸民方榮升等斬之○先  
是湖北江西安徽江蘇等省各督撫先後奏報拾獲匿名揭帖字體怪異  
語句悖逆上印九龍朱戮共有十餘紙偵刺久無蹤百齡憂甚忽一日召  
機幹將吏三數人入密室給契箭一枝令曰某已廉得逆犯主名可速往  
某處掩捕稽緩一時者斬疏脫一人者斬如百齡言果獲方榮升等首從  
百五十人于巢縣清照屬徽州府今屬安徽安慶道械送轅門並於窩藏方榮升之朱上信  
家起獲九龍木戮及偽造時憲書違悖經卷字蹟四箱讞實抵極法無漏  
網者詔賞復百齡太子少保銜旋封三等男賜其子扎拉芬五品蔭生

綱九月湖南巡撫巴哈布逮捕西洋人蘭月旺殺之。目以蘭月旺在湖南收徒傳教故也。先是基督之在中國也。在康熙初年。已極盛。一時全國信徒不下十餘萬。是時聖祖以獎勵天文算學之故。任用西儒。又以耶蘇伊德社之戒律。頗極寬和。許入教者。保存古來習慣儀式。於祖先之祭祀。孔子之崇奉。皆無所禁阻。故清廷雖未公布法令。聽臣民自由信仰。而實際上已不啻默許。然耶穌伊德社布教之法。大爲他宗派所非議。其異論者。遂訴諸羅馬法皇。於是法皇克勒門十一世。以康熙四十三年。下教旨。公言中國一切祭禮。與崇拜偶像無異。非基督教徒所當行。乃遣教正鐸羅入中國。宣令禁止。清政府與鐸羅辯難數四。卒不得要領。聖祖震怒。遂以四十六年。逮捕鐸羅。送諸澳門。令布教師。不守利瑪竇遺法者。出境。是爲中國反對基督教之始。自是更雍乾兩朝。政府益執嚴禁異教之方針。凡外國之布教師。非以學術列仕籍者。不得留滯境內。犯禁者。率處以禁錮。或誅殛之刑。然彼等百折不撓。往來傳播自若。及白蓮教禍作。彼等乃益被異端邪說之嫌疑。於是嘉慶十年。御史蔡維鈺奏請嚴禁西洋人刻書傳教。會廣東民陳若望私代西洋人德天賜遞送書信地圖至山西事。

查拿白蓮餘孽

禁內監呈遞諸王奏章

張師誠免

發下刑部嚴鞫。德天賜坐禁錮熱河。厄魯特營房若望及其他滿漢人民任教會會長者，悉發遣伊犁。給厄魯特爲奴。凡教會所刊漢譯經卷三十一種，並檢查銷燬。爾後地方官視基督教徒，殆與叛逆同科。至本年九月，而湖南官吏又於來陽縣縣今地方訪獲西洋人蘭月旺者，遂以夷人潛入內地，遠歷數省，收徒傳教，煽惑多人等辭處，以絞決之罪云。

○十二月詔查拿灤州白蓮教遺孽。○十二月丙寅詔曰：灤州石佛口王姓，其先世自前明以來，倡立白蓮教，自稱聞香教主，流傳至今二百餘年，已閱十輩。其子孫仍怙惡不悛，改教名爲清茶門，種種悖逆情形，應照大逆辦理。其江南湖北河南等省傳教各犯，飭各督撫迅速查拿。

○丙子二十一年春正月，禁內監呈遞諸王奏章。○正月丙戌，帝諭內廷行走諸王遇有應奏事件，俱在乾清門外交外奏事，官員呈遞不准徑交內奏太監。因防闕寺人等與外廷諸王臣工交接故也。

○夏四月，江蘇巡撫張師誠有罪免。以胡克家爲江蘇巡撫。○張師誠因父病危，篤將巡撫印務交藩司代理，卽日起程歸省。帝以其以私廢公，交部嚴議，遂革職。

那彥成  
免

斥逐英  
使回國

歐人通  
商事業  
之見排

○六月直隸總督那彥成有罪免以方受疇爲直隸總督  
○那彥成以前任陝甘總督時與藩司陳祜商挪賑銀津貼腳價並虛奏捐廉事爲戶部尙書景安所劾下獄論死尋以繳完賠銀改成伊犁留家終養旋丁母憂帝思其攻克滑縣功免發遣令閉門思過

○綱秋七月褫尙書蘇楞額和世泰穆克登額等職斥逐英使回國  
○以英使亞墨爾斯等覲見不肯行三跪九叩首禮故也自康熙朝大開海禁粵閩浙沿海一帶之互市日見興盛清廷雖以此爲無益於中國顧尙欲藉以爲懷柔遠人之計不加禁絕會歐洲以法國大革命之亂生英法二國之抗爭法皇拿破侖欲從財政上破滅英國於嘉慶十一年發行大陸條例禁歐洲各國與英人通商以葡萄牙王梗命之故遣兵併有其地於是英法戰爭之影響忽波及於中國嘉慶十三年英人恐法國自葡人之手奪據澳門乃遣海將度路利率戰艦十三艘進迫香山  
屬今廣東洋面遂以防禦法國保護中英葡三國貿易及願與中國協剿海寇爲辭投書粵督公然登陸分守澳門礮臺將實行占領之策清廷怒英人桀驁已甚嚴飭粵督吳熊光抗詞拒絕且封禁水路絕其糧食以苦之數月之後度路

利回印度。然自後英國兵艦輒出入虎門。會蔣攸銛督粵。乃以嘉慶十九年。奏定防閑策數事。一嚴禁民人私爲夷人服役。一洋行不得用歐式建築。一店號不得用夷字。一清查商欠。一內地民人不得私往夷館。並得旨允行。英人當乾隆年間。曾以浙江貿易要求之條款。爲政府所拒。至是而廣東貿易上。復受種種之箝束。乃於二十一年。遣使亞墨爾斯等。詣闕陳訴。然此次使臣違例自天津海口登岸。及入京。又以覲見禮節之紛議。臨時稱病而出。清廷以使臣對於天下共主。倨傲侮慢。又不先在廣東收泊。候督撫奏聞。而徑達天津。恐尙有他故。遂褫接伴尙書等職。益嚴旨斥逐。英使回國。

百齡卒

汪志伊免

高羅衣作亂

**綱**冬十一月。兩江總督百齡卒。以孫玉庭爲兩江總督。阮元爲湖廣總督。  
**綱**丁丑二十二年春二月。閩浙總督汪志伊免。以董教增爲閩浙總督。  
**目**汪志伊奏提審改教知縣朱履中。稟揭原管道府得受陋規一案。解任藩司李賡芸。字生甫。江蘇嘉定人。自縊。派熙昌王引之爲欽差大臣。前往審辦。旋革汪志伊。並巡撫王昭蘭職。知府朱以勳。以勒供凌逼。發黑龍江充當苦差。  
**綱**三月。雲南夷民高羅衣作亂。總督伯麟討平之。  
**目**初江西湖廣等處

人民多往雲南臨安邊外貿易獲利甚豐而夷民高羅衣乘機謀亂謂漢人謀奪夷人生計因借驅逐漢人為名集聚萬餘人自稱窩泥王任漢奸章喜為軍師搶擄江外土司地復率眾渡江窺伺邊郡事聞詔雲貴總督伯麟率師進剿尋獲羅衣及偽軍師章喜等皆伏誅明年三月臨安邊外夷匪高老五等復聚眾謀亂伯麟率師討之六月事平

董誥致仕

○戊寅二十三年春二月大學士董誥乞致仕許之 ○誥邦達子也父子俱以工繪事久直南書房以至大用是歲十月卒予諡文恭

劉權之卒

○秋七月予告大學士劉權之卒 ○權之字德輿湖南長沙人性精明

而出以渾厚敷歷京秩五十餘年以學行結主知當官能舉其職疊典文衡得人最盛至是卒予諡文恪

○己卯二十四年春正月詔天下覃恩有差 ○以帝六旬萬壽故也

○夏四月賜陳沅等二百二十四人進士及第出身有差

○秋八月予告大學士威勒伯勒保卒 ○勒保以征勦白蓮教匪有大

功晉封一等侯至是卒予諡文襄

○庚辰二十五年春二月大學士章煦以疾乞致仕許之以戴均元為文

章煦致仕

勒保卒

帝崩

皇太子  
即位

回疆變  
起亂之緣

淵閣大學士吳璥爲吏部尙書協辦大學士

綱夏四月賜陳繼昌等二百四十六人進士及第出身有差

綱秋七月己卯帝崩八月皇太子緜寧卽位以明年爲道光元年

目七

月壬申帝秋獮木蘭戊寅駐蹕避暑山莊不豫皇次子緜寧四子緜忻侍  
己卯帝崩遺詔命皇次子智親王緜寧卽皇帝位先是帝遵家法於嘉慶  
四年四月密立緜寧爲皇太子十八年禁門之役緜寧有禦敵功封智親  
王至是又扈蹕熱河帝因召御前大臣賽沖阿多布齊軍機大臣托津戴  
均元內務大臣禧恩和世泰等公啓鑄匣宣示四年四月立皇太子御書  
諭旨及崩遺詔太子卽位八月乙未奉移梓宮至京師庚戌皇太子卽帝  
位以明年爲道光元年改名旻寧尊皇后爲皇太后

綱九月回人張格爾作亂詔褫參贊大臣斌靜職逮京治罪以永芹代之  
目回疆之亂倡之者爲回人張格爾張格爾者故回酋大和卓木博羅  
尼都之孫也初高宗平定天山南北路大和卓木被誅其子薩木克偕喀  
什噶爾人民自巴達克山逃入浩罕國高宗慮其潛蓄勢力終爲邊患歲  
賂浩罕王銀一萬兩使加約束薩木克有三子次卽張格爾雄武有膽力



官吏治  
無狀

張格爾  
倡亂

以誦經祈福傳食諸部天山南路諸回教徒聞之漸有擁戴意而中國所設官吏又以統治無狀失回衆心蓋自烏什變亂以來清廷雖號稱慎選賢能改良積習期與回民休息實則法令暗弛弊風大作參贊大臣以下恃邊遠無稽察恣爲暴行所屬章京駐防又乘勢與各城伯克因緣爲奸朝廷歲征錢糧土貢不過數十取一而官吏輒於正供外需索百端上下朋比而瓜分又廣漁回女奴使而獸畜之惟其所欲回民怨苦久矣嘉慶末參贊大臣斌靜益以荒淫招衆怒張格爾知有機可乘遂率故國逃人自浩罕而北投布魯特假其衆數百以襲喀什噶爾邊境布魯特頭目蘇蘭奇入邊告警反爲章京綏善所逐蘇蘭奇憤走出塞因與張格爾合騷掠近塞領隊大臣色普徵額擊退之而斌靜遂以蘇蘭奇通逆滋事入奏此嘉慶二十五年事也是年秋仁宗崩宣宗旻寧卽位疑斌靜所奏不實命慶祥往勘具得斌靜奴畜回民漁獵回女諸罪狀詔逮入京治罪以永芹代爲參贊大臣回亂稍平

綱冬十月上大行皇帝尊諡

目諡曰受天興運敷化綏猷崇文經武孝

恭勤儉端敏英哲睿皇帝廟號仁宗



嘉慶一初如巡幸五台諸舉頗思規仿前代然核厥內容實為浩室由盛而衰之樞紐其所以致衰之故一由於和珅之怙勢攬權雖即誅夷而紀綱已替一由於白蓮

教之熾也峰起雖已蕩平而元氣大傷武歷述其中衰之現象約有三端一曰滿兵之不競也如嘉慶元年四月命直隸總督慶成率兵往河南南陽堵剿湖北教匪迨四年八月以師

久無功屢成與永保並革職逮問又五年二月遣朱射命嚴守潼河又撤兵留船致敵前隊兵不救致射斗戰死復以防潼河為名退屯潼川旋奉命嚴守潼河又撤兵留船致敵前隊

得皆渡因逮至都賜自盡又七年十一月以博羅會匪作亂吉慶辦理張皇草率革去協辦大學士仍留兩廣總督任吉慶旋於十二月以博羅會匪作亂則滿兵之愚懦有如此者清初禦敵

全恃滿兵積久驕惰情見勢絀是中衰之現象一曰河患之見告也當時庫款用度除軍需以外河費亦為一大宗如嘉慶六年六月京師大雨宮門水深數尺永定與象乾兩河並

溢命劉權之那彥寶往勘並開衡工捐例又十年六月直隸河干又八年九月東河衛家樓河又十三年三月以南河類溢命大學士麟戴衢亨往勘又十四年二月命福康安子德麟

自行捐賞修理南河要工又十五年二月以麟戴衢亨往勘又十四年二月命福康安子德麟月以河工禮壩急難堵合則詔以河督陳鳳翔蒞工次旋謫戍烏魯木齊又二十四年七

月直隸永定河溢命吳璣那彥寶往築又是年八月河南關儀北岸河決命吳璣琦著會同堵修則河患之類仍有如此者康熙時治河實事求是嘉慶以還官吏則視為利源國家則

成爲漏卮年復一年糜帑無算是中衰之現象二曰吏治之大壞也雍正一朝及乾隆家則初君相英察吏不敢因緣爲奸至和紳柄政而官常日替嘉慶即位和紳雖戮而積習已成

不可掩救如四年八月以編修洪亮吉上書成親王指斥乘輿譴戍伊犁將軍保爾弼旨將斃以法賴朱珪言始釋回又九年六月吏部書吏舞弊將告病治中趙曰濂虛選運同事覺尙

全虛以挾私誣告擬斬又九年六月吏部書吏舞弊將告病治中趙曰濂虛選運同事覺尙書侍耶等多被議職又十年六月大學士劉權之徇私保薦書吏王麗南等機離假印事

郎英和所劾權之降編修又十年六月大學士劉權之徇私保薦書吏王麗南等機離假印事發分別治罪又是年六月准安府縣王仲漢王假毒斃查賑委員王仲漢王假毒斃查賑委員

往鞫總督汪志伊巡撫王紹閔均革職知府涂受陋規一案藩司李贊雲自戕派熙昌王引之

此者然則宣途蒙蔽失實請謁公行之風蓋斷自嘉慶朝始是中衰之現象三

卷九 七宗嘉慶

五三九

清鑑綱目卷之九終

清鑑綱目卷之十

鹽城印鸞章編輯

金式陶

張延壽

趙雪

胡應庚

校訂

宣宗成皇帝

仁名昞 寧仁宗次子 母孝淑睿皇后 喜塔臘氏 林清之變 手燈逆黨 宗崩於熱河 即皇帝位 建元道光 在位二十年 壽六十有八歲

東華錄曰 宣宗以乾隆四十七年壬寅八月初十日寅時誕帝於懋勤殿中所天表挺奇 宸儀協度 履身隆準 玉璫珠衡 自六齡就傅 維時編修 秦承業 檢討萬承風 先後侍學 經

史融貫 奎藻日新 迨學問已成 猶復時敏 修東與禮部右侍郎汪廷珍 翰林院侍讀學士 徐顯朝 夕講論 聖業益精 幼即神武 智勇天錫 辛亥秋 侍高宗行圍 獲鹿 喜動天顏 蓋高

宗以十二歲時 木蘭從獵 初圍得熊 上明初圍得鹿 年甫十齡也 嘉慶元年丙辰冬十一 月乙丑 賜成婚 禮是為孝穆成皇后 越甲申 仁宗奉高宗幸中 所進膳上捧觴 冬十一

睡承歡 兩朝恩眷 日加隆焉 四年己未 四月初十日 仁宗遵密建家法 親書上名 緘藏 匣 默體先志 慎簡元良 由是壽皇展拜 則命隨行 裕陵數上 則命恭代 隱然以神器攸歸

面稽列聖 寅承對越 符寓深心 上天性純孝 長昏問親 養志無違 自丁巳春 當孝淑睿皇 后大事 悲深罔極 躡踰恆仁 宗俯鑒 肫誠 每值忌辰 及清明 中元 冬至 已春 當孝淑睿皇

杜猜疑 用意深遠 見於毓慶宮 匾詠者 不啻再三 而長夏延涼 則有瀛台 讀畫之命 仲春 肆武 廟之荐享 時復主盟 代以蠶繭 承景福 十三年 戊辰正月 乃文心傳 若揭 至於郊壇之祈

報典 黃子厄 蹕木蘭 垂為令典 是年十二月 復賜成婚 禮是為孝慎成皇后 升遐 特命座單 用金 黃子厄 蹕木蘭 垂為令典 是年十二月 復賜成婚 禮是為孝慎成皇后 升遐 特命座單

丕揚聖武 立平大難 留皇子 緜愷 飛章行在 奏聞 仁宗大欣慰 上既厭亂 禁中 功在社稷 而聖德淵冲 不自滿假 有不矜伐之概 嘉慶二十五年 仁宗駕幸 灤陽 上隨扈行在 社

天凌 禱問 視彌 謹已 卯仁宗 疾大漸 召御前大臣 啓鑄 匣 御書 立上為皇太子 戊刻 仁宗 崩 上稽顙 大痛 仆地 良久 方起 旋殞 大行皇帝 遺詔 奉梓宮 同京 上即皇帝位 於北京 宗

綱辛巳道光元年春正月以文孚為吏部尚書

綱二月雲南永北廳夷匪為亂總督慶保討平之

綱雲南永北廳

今為縣

道光

雲南夷亂

道越

土司所屬野夷因該土司目以地土典買漢民耕種生計維艱各懷怨恨首逆唐貴陳添培等以驅逐漢民爲辭煽惑夷衆焚搶劫殺裹脅至七八千人復渡江擾及大姚分股恃險抗拒時慶保由黔省審案回滇途次奉詔調兵往剿夏四月帝命成都將軍呢瑪善爲欽差大臣馳赴雲南幫辦軍務途次聞慶保已平大姚遂至永平會剿公母二寨擒其首領唐貴陳添培等全境肅清

○停貢花果 秋九月詔停福建貢花果 ○閩省每歲進荔枝素心蘭二項詔自此

永遠不必進呈

○冬十月御乾清門聽政 ○自是以爲常

○壬午二年閏三月賜戴蘭芬等進士及第出身有差

○夏五月河北野番爲亂陝甘總督長齡討平之 ○春二月河北野番

聚衆謀亂詔長齡回陝甘總督任相機勦辦三月長齡檄總兵穆蘭泰馬

騰龍等擊野番於克克烏蘇等處戰屢捷復敗之於烏蘭哈達在今綏遠特別區域及

幫隴山中斃賊二百餘賊大潰向雪山逃竄夏五月野番平

○秋七月予告大學士明亮卒 ○明亮少時尙履親王郡主王母妃薨

河北野番之亂

停貢花果

明亮卒

董教增  
卒

嚴拿夾  
帶鴉片  
幸圓明  
園

奉移之東陵道路積潦輿夫皆憚行明亮躬行泥淖嚮導昇夫不從令者以杖撻之在道數日隊仗整肅如行軍王喜歡曰吾壻將材也以勦教匪積功封三等襄勇侯至是卒予諡文襄

八月閩浙總督董教增卒以趙慎軫爲閩浙總督教增宏毅明果在當時督撫中最有聲譽謂人不可爲無益事不可出無益語不可用無益錢又云刻己爲儉儉于人爲刻人知儉與刻之分其于涉世也思過半矣至是卒予諡文恪

十二月申諭海口各關津嚴拏夾帶鴉片煙

癸未三年春正月帝幸圓明園廢秋獮禮而每歲幸園則自帝始帝既幸圓明園奉皇太后居綺春園

以林則徐爲江蘇按察使則徐字少穆侯官人年二十七成進士選庶吉士派習國書授編修益究心經世學識者知爲公輔器至是擢江蘇按察使決獄平恕民頌之曰林青天

甲申四年秋七月詔毀蘇州五通祠祠在蘇州府城西楞伽山

八月命林則徐籌濬江浙水道兩江總督孫玉庭疏言會商綜辦

江浙水利大員。惟江蘇臬司林則徐。器識遠大。處事精詳。曾任杭嘉湖道。及淮海道。浙西地方。均爲熟悉。水利亦夙所究心。實堪勝任。云云。故有是命。

綱乙酉五年夏五月。以琦善爲兩江總督。

綱六月。詔嚴禁糧船水手。設教斂錢。諭軍機大臣等。據御史汪世絨

奏稱。各幫糧船舵手。設有三教。一曰潘安。一曰老安。一曰新安。所祀之社。

名曰羅祖。每教內各有教主。名曰老官。每幫有老官船一隻。供設羅祖。入

其教者。投拜老官爲師。各船水手。聯名資助。統計三教。不下四五萬人。沿

途繚繞。尚不在此數。水手雇直。向例不過一兩二錢。近年挾制旗丁。每名

索二三十千不等。及銜尾前進。忽然停泊。老官傳出一紙名曰溜子。索添

價值。旗丁不敢不從。水手滋事。必送老官處治。輕則責罰。重則立斃。沈入

河中。沿途招雇繚繞。手必推曾經械鬥受傷者爲頭目。遇有爭鬥。以紅箸爲

號。人卽立聚。新安一教尤多匪徒。宜設法嚴辦等語。糧船水手。膽敢設立

教名。斂錢聚衆。不法已極。著漕運總督及有漕各省督撫。應如何示以懲

創。俾運官旗丁不受挾制。悉心籌議。以聞。

詔禁糧  
船水手  
設教斂  
錢

張格爾  
復亂

○秋八月張格爾復爲亂詔褫參贊大臣永芹職以伊犁將軍慶祥代之  
○自嘉慶二十五年張格爾叛亂後詔逮參贊大臣斌靜入京治罪以  
宗室永芹代之然永芹性暗懦不能得回衆心至是張格爾復集衆爲亂  
騷掠近塞永芹引軍出擊輒遁去冬十月喀什噶爾領隊大臣巴彥巴圖  
以兵二百出塞四百里擊之無所遇乃縱殺布魯特游牧婦孺百餘人而  
還其酋沃列克憤甚率所部二千人襲擊清軍于山谷間巴彥巴圖全軍  
陷沒回疆西部聞之皆震動於是爭起響應回疆大亂詔褫永芹職以長  
齡爲伊犁將軍代慶祥鎮守伊犁卽命慶祥往代永芹視師喀什噶爾以  
禦回兵

試行海  
運

○丙戌六年春三月初試行海運  
○海運之議嘉慶時卽已試備至是  
始實行開運未幾復罷

趙慎  
畛卒

○夏五月雲貴總督趙慎畛卒以阮元爲雲貴總督  
○慎畛方嚴嫉惡  
病中疏劾貪墨吏數十人閱日屬纊代者發急遞追回滇人皆痛惜之至  
是卒予謚文恪詔以阮元代爲雲貴總督時騰越有野人時爲邊患保山  
夷曰獠獠以墾田射獵爲生桑弩毒矢常好鬥野人畏之元至任以萬金



招獫狁三百戶置騰越邊界給地屯種以禦野人于是南甸隴川土司二十餘寨來降

西四城之失陷

綱秋八月張格爾寇喀什噶爾城伊犁將軍慶祥死之西四城皆陷

喀什噶爾回疆西四城之一也張格爾既出入喀什噶爾邊境知南路官軍薄弱不足恃欲乘間席捲西四城而又恐北路援兵速集乃遣使浩罕

乞援兵先自集衆五百餘以道光六年夏入回城拜其先和卓木之墓據

墓宮而營距喀什噶爾城僅八十餘里慶祥急令協辦大臣舒爾哈善等

圍之張格爾突圍出走詔授長齡爲揚威將軍陝甘總督楊遇春山東巡

撫武隆阿爲參贊督師助剿軍未集而張格爾已乞得浩罕國安集延兵

慶祥敗死

安集延兵驚悍善戰時有百回兵不如一安集延兵之語三千人于八月二十日攻陷喀什噶爾城慶祥迎

戰於渾河敗績自縊死烏凌阿穆克登先後歿於陣于是英吉沙爾葉爾

羌和闐三城同時陷落羣回悉變

綱丁亥七年春三月將軍長齡總督楊遇春復喀什噶爾三城夏五月提

督楊芳復和闐城張格爾遁 長齡等既奉命進討于六年十月抵阿

克蘇時提督達凌阿已敗敵于托什罕河

長齡楊遇春復喀什噶爾三城

在新疆阿克蘇縣南

張格爾復遣兵據柯兒

楊芳復  
和闐

陸以莊  
免  
汪廷珍  
卒

坪阻進兵之路長齡督將弁分三路進行悉殲其衆本年二月師次大阿拐敵屯洋阿巴特乘夜來犯營擊卻之越日由中路進襲殲萬餘人追殺二十餘里擒三千餘人張格爾復糾衆十餘萬抗拒于沙布都爾莊諸將奮勇抄擊逼至渾水河又破之遂進軍阿瓦巴特三路掩殺俘斬二萬有奇復追至洋達瑪河搜殺罄盡遂于是月移師渾河北岸回衆十餘萬阻河爲陣亘二十里穴壘轟礮鼓角震天勢張甚是夜大風揚沙大霧晦長齡欲待霽而進遇春不可曰此天贊我也乃遣索倫千騎繞趨下游牽其勢而親督礮隊驟渡上游據上風礮勢與風沙勢相搏如百十萬兵摧壓驟至敵陣亂比曉全軍盡渡風止霧霽乘勢衝入敵陣若土崩遂乘勝抵喀什噶爾克復其城英吉沙爾葉爾羌二城同時盡復夏五月提督楊芳破回衆于昆拉瑪擒斬其酋玉努斯復和闐城時張格爾已自木吉出邊至達爾瓦斯之藏堪地方潛遁去

**綱**夏五月陸以莊免以王引之爲工部尙書蔣攸銛爲兩江總督

**綱**秋七月協辦大學士禮部尙書汪廷珍卒 **目**廷珍直上書房久帝在

潛邸曾從之講學於其沒也恩禮甚厚予諡文端

姚文田卒

張格爾就擒

寸磔飼犬

綱冬十月禮部尙書姚文田卒。文田字秋農浙江歸安人既卒予諡文僖。

綱戊子八年春正月張格爾就擒夏五月至京師磔殺之。張格爾自

去年敗走後傳食諸部落諸部落漸不能供生計日蹙時中國購求張格

爾者爵親王金十萬長齡等密遣黑山回出卡縱反間言官兵全撤喀城

空虛諸回翹首以望和卓其白山回從張格爾出卡者家室皆令出卡以

離其心張格爾果復率步騎五百欲乘官兵除歲不備入卡煽衆潛襲喀

城長齡楊芳嚴兵以待敵由開齊山舊路潛入阿木古回城。在烏蘭白回

奔竄黑回要拒敵知有變卽奔出卡楊芳率兵三路星夜追至喀爾鐵蓋

山擊斬殆盡張格爾僅餘三十人棄騎登山逃至布魯特爲布魯特人所

欺執之以獻副將胡超都司段永福等擒之械送京師夏五月帝御午門

受俘初張格爾至京師囚以鐵檻以供衆覽帝亦欲見之大臣等恐張格

爾於帝前陳吏治之弊進以毒藥使失其口舌之能故于帝前口角吹沫

情形甚苦所問之事一不能答遂判寸磔之以飼犬秋八月詔改定回疆

諸城名以喀什噶爾城名恢武葉爾羌城名嘉藝英吉沙爾城名輯遠和

禁銅幣  
禁回人  
兼職

絕浩罕  
通商

浩汗結  
回疆作  
亂

闐城名威靖阿克蘇城名普安烏什城名孚化庫車城名鞏平喀喇沙爾  
城名協順回疆略定

綱冬十月禁用外國銅幣 目如光中景盛景興嘉隆等銅幣皆禁用之

綱己丑九年春二月禁回人不得兼職 目帝詔凡回子當阿渾之教師者

不得干預政事其阿渾子弟有當差及充當伯克同人凡大小職皆稱伯克者不得再

兼阿渾以示限制

綱夏四月賜李振鈞二百二十一人進士及第出身有差

綱庚寅十年秋八月回疆復亂詔絕浩罕通商命長齡楊遇春等率師討

之 目初張格爾之就擒也將軍長齡檄浩罕及布哈爾等國浩罕在今俄屬中亞東南

同部之一布哈爾為俄屬中亞南方之國今歸俄保護令執送張格爾家屬而浩罕遣使來言俘虜可返但

回教經典中無縛送和卓木子孫之例故張格爾家屬不可獻帝知其不

能致姑任之因諭那彥成楊芳嚴守卡倫絕浩罕互市於是那彥成奏請

驅逐安集延商民出邊且沒收其財產斷離其眷屬又禁止大黃茶葉出

口以困之時浩罕王摩訶末阿利驚悍善戰其所屬八城中之安集延尤

以勇名時有百回兵不如一安集延之諺至是以中國絕之太甚大怒欲

以武力回復通商之利聞張格爾兄摩訶末玉素普方在布哈爾乃使人  
迎至軍中以是年八月使其將哈庫庫爾及勒西克爾奉之率流寓之喀  
什噶爾人大舉侵邊回郡王伊薩克告密于參贊札隆阿不信既聞警始  
命幫辦大臣塔斯哈發兵拒戰至明約洛地方遇伏陷沒敵軍遂長驅奪  
喀什噶爾而進圍英吉沙爾葉爾羌諸回城附近諸回莊子女玉帛劫掠  
幾盡九月褫那彥成職以長齡楊遇春楊芳等爲欽差大臣先後調兵赴  
援

蔣攸銛  
卒

李鴻賓  
平黎亂

詔各省  
絕鴉片  
來源

○九月前兩江總督蔣攸銛卒 ○攸銛自館選至入閣皆衢享特進爲  
政明而不苛清而不刻所至有聲績至是坐鹽梟事以兩江總督降補侍  
郎召入都途卒士論惜之

○辛卯十一年春三月廣東黎匪爲亂兩廣總督李鴻賓討之夏四月黎  
匪平

○五月以潘世恩爲吏部尙書朱士彥爲工部尙書

○詔各直省督撫妥籌杜絕鴉片來源 ○諭軍機大臣等鴉片流毒最

甚前已屢降諭旨通飭各直省督撫各就地方情形設立章程嚴行查禁

與浩罕  
締和

浩罕乞  
和

惟鴉片多係來自外洋聚于廣東若不杜絕來源是不揣本而齊末見經有人條陳各弊是否實在情形著李鴻賓等確加查覈如何使煙土不能私入洋面不能私售各夷於貨船之外不得另設船隻之處悉心酌議務將來源杜絕勿令流入內地以除後患

綱冬十月與浩罕締和復許其通商 目浩罕兵之入邊也會其國與布

哈爾失和將治兵相攻無暇東逞及楊遇春楊芳等各路援兵大至而浩罕兵已解圍去玉素普故慈善不好殺至是知難獨力抵抗亦引兵踵之西歸浩罕慮中國大舉來伐遣使乞援於俄俄人不應浩罕懼知實力不足以抗中國遂決意乞和時朝廷因鑒於前此之失敗知回人之性反覆難制欲籌對付之法爲一勞永逸之計命長齡赴喀什噶督師並籌善後七月長齡至軍得浩罕使臣上書備述七十餘年通商納貢之舊好及五年來閉關絕市之苦請復修改互市條約當返俘虜長齡乃奏曰安邊之策固以振威爲上羈縻次之然如浩罕之地無城池皆以列騎衝陣遇放連環槍則先已逸且鐵列克嶺兩山中有廢澗僅容單騎行兩日方能出隘口於遠涉亦非所宜不如羈縻之便帝亦深咎前此絕浩罕爲己甚遂

可其奏因與訂定和約三條一兩國互還俘虜和卓木族在浩罕者浩罕當為中國圈禁一中國仍許浩罕通商並許其免稅一中國將前所抄沒浩罕人財產給還約既定帝命移喀什噶爾參贊大臣於葉爾羌以資控制又分兵駐各城廣興屯田以佐軍餉而浩罕自通商後連年與布哈爾構兵其王摩訶末阿利戰死王族庫達雅爾嗣位不能用其衆國內大擾未幾遂有和卓木之亂

**綱**冬十二月行票鹽法 **目**從兩江總督陶澍請也

**綱**壬辰十二年春正月定教首遇赦不赦例 **目**正月丁丑頒定白陽白

蓮八卦紅陽等教首犯遇赦不赦從犯亦不準援減例

**綱**二月 瑤人趙金龍作亂湖南提督海陵阿死之 **目**趙金龍為湖南永

州今零陵縣 瑤與常甯瑤趙福才並以巫鬼惑衆初湖南之衡永郴桂四州郡

界連粵東粵西踞五嶺之脊苗瑤雜處不與漢族通而瑤為苗族之一所

居皆山峒自成村落性戇鷲漢民每欺侮之黨連官役以肆其虐待凡遇

訴訟官為裁判恆左袒漢民瑤人憤怨積久生變適楚粵奸民結為天地

會屢劫瑤寨牛穀瑤無所愬金龍乘機倡言復仇

金龍為永州江華縣之錦田鄉人

於十一

行票鹽法 定教首 遇赦不 赦例

湖南瑤 人之亂 因瑤起

趙金龍 倡亂

海陵阿陣亡

盧坤羅思舉趙金龍擊

年冬聚衆謀叛使趙福才糾合廣東散獠三百餘人合湖南九冲獠都六七百人焚掠兩河口殺天地會徒二十餘人縣令林先梁游擊王俊率兵役由黃竹寨進掩其巢格殺男婦十四人生擒獠卒五人餘皆散逸至十二年春金龍復聚衆連破洪江黃竹等寨進屯長塘坪衆至千餘以紅布裹首爲號游擊王俊李方玉等兩路進攻頗有斬獲金龍竄入藍山境之五水獠山已有衆三千欲據九嶷山在湖南藍山縣西南爲根據地參將成喜以兵扼要道兵寡不能抵禦獠人遂抄至寧遠提督海陵阿聞之督師進勦駐軍下壩遣副將馬韜領兵前進至池塘墟韜中槍陣亡海陵阿揮衆冒雨深入伏兵四起乘高下擊皆陷沒海陵阿墜馬被戕新田縣知縣王鼎銘死之桂陽常寧諸土獠咸起應衆號數萬帝聞警命湖廣總督盧坤湖北提督羅思舉貴州提督余步雲會師進勦三月復命戶部尙書禧恩盛京將軍瑚松額馳赴湖南襄助勦辦

綱夏四月湖廣總督盧坤提督羅思舉擊趙金龍破斬之 目盧坤等奉旨率師至永州獠已裹脅萬餘人分爲三路每路二三千犄角出沒詔以獠皆山岷趨捷負險恐蔓延兩粵或盤踞山峒致稽搜捕勅諸將誘至山



外平野之地聚而殲之提督羅思舉建議大兵由新田後路潛躡逼其南  
竄與桂陽北路兵夾攻並扼其西通道州今爲縣屬衡陽道零陵桂陽今衡陽道汝城縣小路

于是三路猺爲官兵驅逼出山皆東竄常甯之洋泉鎮思舉以猺逼歸一

路且失其翻山長技乃密檄北路兵齊赴又漸移各守隘兵進逼合圍連

日殲猺六千趙金龍突圍中槍死擒其子弟妻及死黨數十人奏聞詔以

盧坤羅思舉蕩平迅速各予一等輕車都尉世職時禧恩瑚松額方抵衡

州及至軍奏捷已三日矣禧恩不悅詰趙金龍死狀虛實思舉旋獲其尸

及所佩劍印木偶等物以進乃止

綱秋八月廣東連州八排猺叛逮總督李鴻賓入京治罪以盧坤爲兩廣

總督率師討平之目自趙金龍死後猺黨趙幅金或作子青聚衆二千餘侵

入湖南之麻崗地方聲稱爲趙金龍復仇湖廣總督盧坤移師往勦敗之

於濠江又敗之於銀江幅金等竄入廣東連州今爲連縣屬嶺南道之八排地方八排

山勢周環毗連三省以山峒爲巢穴周圍小冲七八十處有黃瓜冲猺結

合幅金爲亂抄掠遠近兩廣總督李鴻賓遣總兵金德彪領兵進勦猺衆

乘夜襲營都司以下爲火彈擲傷墜崖死者數十人鴻賓以硝藥失火焚

金龍死

廣東連州八排猺叛

趙幅金敗竄連州

李鴻賓勦猺失利

鴻賓逮  
京治罪

禧恩賂  
搖出降  
報捷要  
功

輒幅金  
斬

搖亂平

臺灣陳  
辦作亂

傷入奏時禧恩在南既不得志於湖南因抗疏中傷李鴻賓詔逮鴻賓入京革職下獄旋發往新疆以禧恩權著兩廣總督而搖勢熾甚未幾詔移盧坤爲兩廣總督率兵討之禧恩聞坤將至急欲以平搖爲首功而搖峒天險又猝難攻下因用按察使楊振麟之策以洋銀鹽布賂搖出降搖人貪利踵至旬日間得搖數百人會獲黃瓜冲火燒坪各寨附近搖目數人諸將得草草蕺事卽以各排冲縛獻首匪率衆投誠搖山全境肅清奏聞迨盧坤至悉以善後事宜委之交印卽行帝嘉其辦理迅速詔晉封禧恩輔國公瑚松額楊振麟均世襲一等輕車都尉而其受降始末帝不之知也其後趙幅金去八排竄入湖南藍山提督羅思舉余步雲等追斬之搖之餘黨始瓦解冬十月盧坤復續平廣西賀縣廣東曲江乳源等縣搖並通籌鎮撫楚粵各搖山善後之策於是搖亂始平云

冬十月臺灣陳辦作亂詔閩浙總督程祖洛馳往勦之

臺灣嘉義

縣陳辦黃鳳張丙詹通等三股匪聚衆爲亂分擾臺灣各地知府呂志恆署嘉義縣知縣邵用之率兵勦捕皆被害帝卽命程祖洛馳往臺灣勦辦十一月復命署福州將軍瑚松額爲欽差大臣都統哈朗阿爲參贊大臣

馳往會勦

臺灣亂

○癸巳十三年春正月福建提督馬濟勝擒陳辦斬之臺灣亂平

○詔

封馬濟勝二等男世爵

那彥寶  
平川邊  
夷亂

○二月四川邊夷爲亂總督那彥寶提督桂涵討平之

○四川越雋廳

今爲縣屬  
建昌道

等處夷匪滋事帝命總督那彥寶提督桂涵等進勦三月桂涵卒

於軍五月竄邊廳

今爲縣屬  
建昌道

夷酋桑樹格就擒餘衆皆降秋七月越雋夷平

那彥成  
卒

○前直隸總督那彥成卒

○那彥成征勦教匪積功甚多旋因回疆查

鈔有弊革職至是卒贈尙書銜釋其子容安回旗予諡文毅

○夏四月以潘世恩爲體仁閣大學士

○甲午十四年春二月申禁坊肆售賃淫書小說

○初仁宗時業已嚴

禁至是更申禁之

英艦入  
廣東

○秋八月英艦入廣東總督盧坤拒却之

○我國海上貿易自康熙二

十三年始許英人得建商館於廣州其後英人以粵海關稅重不如浙海

關稅輕轉而趨於浙之甯波舟山等處乾隆時高宗加重浙海關稅於是

英人復回廣州至是英外務大臣巴馬斯統欲擴張其東方之商權因以

英欲擴  
張東方

商權

英人拿  
樓皮不

受命  
盧坤拒  
絕英使

拿皮樓  
率艦入  
虎門

英艦退  
澳門

王引之  
卒  
曹振鏞  
卒

拿皮樓為通商主務監督帶威魯濱孫副之於本年六月初九日抵澳門

將詣廣州時英人商於中國者僅許在澳門居住欲入廣東必先由廣東

稅關發給許可證書而後可行而拿皮樓不待稅關許可擅至廣州兩廣

總督盧坤傳命禁止之拿皮樓不受命且以平行款式書投於坤自言為

英皇代表不受命令性質之文書云云坤怒其不合呈文舊式嚴命拒絕

之一方則請旨封船將該國貿易暫行停止量加懲抑一方則發兵防圍

海口嚴守礮臺以備不虞秋八月拿皮樓忽率兵艦二艘乘潮突入虎門

在廣東東莞縣南進泊黃埔在廣東省治東南坤即徵調水陸諸軍扼要防禦並派兵圍其商

館交通悉絕會拿皮樓以炎熱致疾回退澳門按拿皮樓為英國貴族出身海大佐既退回澳門遂以憂憤卒坤

遂以英人內外消息不通惶恐悔罪懇求給牌下澳等詞入奏初英艦馳

入虎門帝詔盧坤革職留任戴罪督辦水師提督李增階革職至是以英

艦既退詔復其職

冬十一月工部尚書王引之卒以何凌漢代之

乙未十五年春正月大學士曹振鏞卒 振鏞學問淵博公正勤慎

服官五十餘年歷事三朝身躋崇要未嘗有過及卒帝深悼惜予諡文正

綱二月以阮元爲體仁閣大學士兼管刑部以戶部尙書王鼎協辦大學士

綱兩廣總督盧坤奏增定防範洋商章程八條詔從之

自拿皮樓一

役後盧坤深懲前事增定防範章程八條一外國護貨兵艦不得駛入內

洋二責成行商稽查洋人私運軍械或攜帶婦女至省三引水買辦須由

澳門同知給發牌照四限制夷館雇工五洋人在內河應用無篷小船禁

止閑遊六洋人具稟事件一律由行商轉達七行商承保洋船應兼用認

保派保法八責成水師嚴查洋船逃稅詔從其請遂公布實行英國自拿

皮樓卒後以魯濱孫繼任爲監督魯氏在職惟居留澳門或一至零丁洋

上書英政府議於珠江口佔一小島爲根據地不復與粵督相交涉云

綱三月山西超城教匪曹順作亂知縣楊延亮死之

曹順素習邪教

知縣楊延亮訪聞查拏順不自安因糾合韓奇等衆作亂乘夜燒毀監獄

大堂延亮合家被害帝命鄂順安馳往查辦以楊延亮入祀京城昭忠祠

予諡昭節夏四月於觀城縣境內偵獲曹順並其黨八十二人先後凌遲

斬決傳首梟示超城縣平

增定防範洋商章程八條

英人覬覦香港之由來

山西超城教匪之亂

松筠卒

五月致仕大學士工部侍郎松筠卒。松筠以筆帖式起家累官至大學士中間屢起屢蹶性坦率無城府厭苛禮之官常不挈眷屬卽至亦處之別院扃其門每旦入院禮佛坐堂中與夫人啜茗閑話而已自伊犁將軍入長吏部單騎入喇嘛中抵圓明園家人出迎於近郊不知其已至也。至是卒。予謚文清。

盧坤卒

八月兩廣總督盧坤卒。以鄧廷楨字解筠江寧人為兩廣總督。盧坤器

識凝重早歲留心經世之學自官職方擢監司任封圻所蒞皆有名績治案牘析及纖微而堅持定力警服外夷尤人所難能既卒予謚肅敏。

湖南武岡

丙申十六年春二月湖南武岡徭作亂詔訥爾經額勦平之。武岡

徭民藍正樽一名藍沉穢聚眾滋事詔巡撫吳榮光會同訥爾經額勦辦三月召

吳榮光來京以裕泰為湖南巡撫夏四月訥爾經額奏藍正樽就擒伏誅

徭亂肅清。

陶澍降

冬十月兩江總督陶澍降四級留任。以私刊奏疏故也。

丁酉十七年春正月以林則徐為湖廣總督。

楊遇春卒

三月予告陝甘總督一等侯楊遇春卒。遇春結髮從戎大小數百

鄂山平  
川夷

黃爵滋  
奏禁鴉  
片流  
毒中國  
之起源

秘密賣  
奸商包  
攬  
官吏納  
賄

戰皆陷陣。冒矢石。或冠翎皆碎。袍袴皆穿。未嘗受毫髮傷。帝嘗歎為福將。至是卒。予諡忠武。

綱夏六月。四川馬邊廳夷人滋事。總督鄂山討平之。冬十一月。涼山

夷人亦滋事。鄂山與成都將軍凱音布復討平之。

綱戊戌十八年春二月。以琦善為文淵閣大學士。仍署直隸總督任。

綱閏四月。鴻臚寺卿黃爵滋奏請嚴禁鴉片。先是明清之交。有一病

民。病國之厲物。發見於世界。為我中國之鉅害者。即鴉片是也。相傳明神

宗十八年。不視朝。即為鴉片所困。其後此風遂流被民間。清雍正時。已布

禁吸令。是時東洋貿易權為葡萄牙人所壟斷。輸入額數尚微。迨乾隆時。

英吉利東印度商會。自本國政府得壟斷中國貿易之特權。而印度孟加

拉<sup>印度東北</sup>地方。又為鴉片產地。於是輸入日增。而民間吸食之害。亦日甚。嘉

慶時。屢下嚴旨。禁其輸入。顧秘密買賣愈盛。英商私設屯船於廣州灣。一

帶粵省奸商。即以快蟹礮艇為之。包攬走漏。分布各地。所在勾通吏役。結

納哨兵。終且與沿海各官衙私締契約。每輸入鴉片一箱。納賄若干。於是

鴉片潮流與年俱進。鬻者愈多。吸者愈眾。耗財傷人。日甚一日。自嘉慶至

輸入增  
現銀流  
出外洋

歲漏銀  
數計萬  
國均受  
生均受  
其困  
詔議禁  
煙章程

林則徐  
查辦鴉  
片

則徐痛  
陳煙害

道光凡二十年之中輸入額之增加幾至五倍而現銀之流出外洋者歲以數千萬兩計自道光三年以前廣州一海口歲漏銀數百萬兩三年至十一年歲漏銀千七八百萬兩十一年至十四年歲漏銀二千餘萬兩十四年至十八年漸漏至三千餘萬兩此外福建浙江山東天津各海口合之又數千萬兩於是內地銀價遞增每銀一兩至易制錢一千六百文有奇國計民生均受其困御史朱成烈既疏請嚴行禁絕於前至是鴻臚寺卿黃爵滋復奏請嚴塞漏卮以培國本帝因詔令直省將軍督撫各議禁煙章程具奏

綱冬十月以湖廣總督林則徐爲欽差大臣馳赴廣東查辦鴉片事務

目則徐福建侯官人長不滿六尺而英光四射初按察江蘇以決獄公平有林青天之日及任湖廣總督厲行禁煙政令設局收繳煙具數月之間成效大著夏四月帝詔各省督撫議具禁煙章程則徐當卽應詔上言語極剴切略謂煙不禁絕則國日貧民日弱數十年後豈惟無可籌之餉抑且無可用之兵帝深嘉納之特詔則徐來京至是則徐抵京帝卽面授方略命則徐爲欽差大臣馳赴廣東查辦廣州海口禁煙事務所有該省水



林則徐  
焚鴉片

師兼歸節制以期實行杜絕鴉片貿易為中國除一大患

綱已亥十九年夏四月林則徐焚燬鴉片二萬箱於廣東虎門口外

林則徐奉命赴粵以十九年正月二十五日抵廣東即傳集廣州十三洋

行發交諭帖令轉諭各洋商估報其煙土存儲之數飭令即時稟覆而英

領事義律按義律原官甲必丹道光十六年始受英政府命為領事是為外人通商中國設立領事官之始先知其事託言回澳門久

不至粵各洋商觀望推諉遷延不覆趣之急義律始乘船來省仍置不理

則徐乃下令英商限三日內盡出所蓄鴉片至期英人不奉命二月三日

則徐張兵臨之英人不得已出一千三十七箱則徐度其非全數翌日命

各國商民退去斷英人糧食令出鴉片四分之一者給婢僕出二分之一

者與食物出四分之一者許貿易如舊九日復發兵包圍英國商館將加

驅迫領事義律知無可調停乃勸諭英商出鴉片全數以十二日具狀請

繳凡二萬二百八十三箱每箱百二十斤計資本金五六百萬元則徐馳

驛奏請送京銷燬而言官有以廣東距京遼遠途中易啓偷漏抽換之弊

為言者詔無庸解送即交則徐率文武官吏公同銷毀俾沿海共見共聞

有所震警四月則徐就虎門海岸鑿方塘二縱橫各十五丈前設涵洞後

義律

外人在  
中國設

領事之

始徐限  
則徐出

鴉片  
令盡出

二萬二  
百八十  
三箱

二萬二  
百八十  
三箱

虎門燒  
煙

訂例具結

驅英人出境

鴉片戰爭之起

陶澍卒

詔停英人貿易

通水溝實鹽其中引入成鹵以鴉片投入然後傾石灰沸之夕啓涵洞令隨潮出海凡月餘而畢事鴉片既焚英人自領事義律以下皆快快去廣州赴澳門則徐爲杜絕來源計重訂罰例布告各國凡商船入口者皆須具結有夾帶鴉片者船貨沒收人卽正法葡萄牙美利堅諸國皆具結願互市如舊獨義律不欲則徐怒遂與總督鄧廷楨下令驅逐英人退出澳門不許逗留境內而英人之僑居香港者忽起暴動致村民林維喜受傷身死則徐怒命斷絕英船薪蔬食物之供給凡英人所雇之奴僕掌櫃等悉令解職於是英人皆恐懼退去而戰爭之端自此起矣

夏六月太子少保前兩江總督陶澍卒 **目**澍遇事奮發義形于色而

胸懷洞無城府待人表裏如一凡所舉拔皆有名於時生平嗜風雅留心

文獻于地形水利尤究心嘗登塗山 在安徽懷遠縣東南八里以望淮登虞山 在江蘇常熟縣西北以

望海登雲臺山 在江蘇灌雲縣東北海中以覽淮海形勢隱然以一身爲江淮保障至是

卒予諡文毅自陶卒後東南乃稍稍多故矣

冬十月詔停止英吉利貿易十一月以林則徐爲兩廣總督 **目**初林

則徐之勒令英人退出澳門也義律率其妻子及流寓澳門之英人五十

義律示  
威九龍

英水手  
殺華人  
則徐請  
旨絕英

七家同寄居於尖沙嘴

在香港對岸

之貨船中而發軍艦二艘武裝貨船三艘

進迫九龍假索食爲名開始礮擊然義律初不過以此爲示威之計非真

願決裂及見則徐堅守不動又恐我水師圍攻尖沙嘴乃介葡人轉圜願

削具結內之人卽正法語餘悉如約則徐以與各國結語不一致又得新

訓令有不患卿等孟浪但患過於畏蕙之語則徐遂固執前說略不讓步

會有英船水手殺死華人事林則徐諭令交犯抵法義律僅拘訊黑夷五

人正犯匿不交出則徐請旨絕英人貿易帝卽下諭略言英吉利自禁煙

後反覆無常若仍準通商殊非事體至區區關稅何足計論歷來撫綏外

人恩澤極厚英人不知感戴反肆鴟張是彼曲我直中外咸知自外生成

尙何足惜着卽將英吉利貿易停止云云諭旨既下是時英國商船先後

至者二三十艘皆以和議未諧不得進口義律復遣使調停乞仍許回澳

則徐不許而京官之主張排外者氣燄日高至有奏請封關禁海盡停各

國貿易者帝欲從之則徐力奏不可且言各國不犯禁之人無故被禁勢

必協而謀我其議乃寢至是詔以則徐爲兩廣總督使則徐專辦鴉片事

俾專防守而資外禦

陳鏗卒  
羅思舉卒

英兵犯  
廣州不  
成

則徐嚴  
守廣州

綱冬十二月兩江總督陳鏗卒以伊里布為兩江總督

綱庚子二十年春三月湖北提督羅思舉卒 目思舉嘉慶中以鄉勇從

軍四川起家至節鎮威名亞二楊楊芳楊遇春軍中嘗號為羅必勝言晦夜劫

營必勝崖溝間道必勝冒旗誘敵必勝也至是卒予諡壯勇

綱夏五月英兵入犯廣州 目先是英吉利政府對於中國禁絕鴉片事

發生後務以和平為主又國人中之重德義守正道者皆以鴉片貿易為

污辱大不列顛英之本島名用以代表全英國旗之事力排擊之故英政府嘗諭義律不

得輒以軍艦馳入珠江召中政府之猜忌及絕市諭下英商船皆停泊海

中不得進口英政府得義律之報告始開議用兵於道光二十年二月向

議會求軍費之協贊反對黨力謀否決討論三日贊成者卒占九票之多

數遂決議用兵是年五月英軍艦十五艘汽船四艘運送船二十五艘舳

艫相接集澳門附近謀先攻廣州會則徐自督粵以來已大治軍備自虎

門至橫當兩島互以鐵鍊木筏守以鉅礮戰船又招募新兵五千練習攻

戰術購西洋礮二百餘尊列置兩岸又備戰船六十火舟二十小舟百餘

號令嚴明聲勢甚壯英人見其設備甚嚴遂舍廣州改道北犯

英艦陷定海

知縣姚懷祥死

英艦至天津  
英軍要  
求六款

陸建瀛  
建議

夏六月英艦北犯陷定海知縣姚懷祥死之

得志遂率艦隊三十一艘北犯以五艘攻廈門二十六艘犯定海廈門之

役金廈道劉曜春發兵拒戰英艦復颺去而定海無戰備遂被陷知縣姚

懷祥及典史全福皆被戕浙江巡撫烏爾恭額提督祝彭彪束手無策帝

卽命兩江總督伊里布為欽差大臣赴浙江視師又命福建提督余步雲

馳赴會辦是時英人既陷浙江遂分路內犯連圍甯波伊里布至餘姚禦敵會英艦膠沙而

乘因擒之並獲二十餘人女酋其國王第三女也英將致書餘姚令曰還王女則還使地令請命于提督不報

綱秋七月英艦至天津要求六條款八月以琦善為欽差大臣馳赴廣東

圖是秋英海軍艦長伯麥與領事義律以五艦赴天津至白河口投書

請和所列條款凡六 一還償貨價 二開放廣州廈門福建福州福建

定海上海江蘇為商埠 三兩國交際用對等之禮 四賠償軍費 五

不得以英船夾帶鴉片累及居留英商 六盡裁洋商經手浮費直隸總

督琦善以聞時天津道陸建瀛建議請以廢止鴉片貿易之事為先決問

題苟英人承諾則許以免稅代第一款以開放澳門代第二款以海關監

督與之平行代第三款其餘令仍回廣東與林則徐定議疏上帝不能從

梟林則  
徐職  
大吏中  
傷則徐

琦善代  
則徐

英兵二  
次犯廣  
州善撤  
海防

兩礮臺  
被陷  
關天培  
等相向

詔以琦善爲欽差大臣赴粵督辦伯麥義律亦率師退回澳門

○九月梟兩廣總督林則徐職以琦善代之 自定海失守英兵分道

內犯諸文武大吏懼禍及已不悅則徐所爲因共造蜚語中傷則徐有謂  
上年廣東繳煙先許價買而後負約以致激變者帝意頗疑會則徐以續  
獲販煙人犯入奏得旨外而斷絕通商並未斷絕內而查拿犯法亦不能  
淨無非空言搪塞不但終無實濟反生許多波瀾思之曷勝憤懣云云蓋  
至是帝意全變遂詔革林則徐及鄧廷楨職留粵聽勘而以琦善爲欽差  
大臣馳往代之

○辛丑二十一年春正月英兵犯廣州陷沙角大角兩礮臺詔逮琦善入  
京以祁墳代之 琦善奉命爲欽差大臣既至廣州悉反林則徐所爲  
恐和議之不能速成也於是裁撤水師解散壯丁盡廢一切守具冀博英  
人歡心而英人日夜增造小船招集販煙之蜈蚣艇蟹艇數百此外大箭  
噴筒竹梯攻具增造不可勝計水師提督關天培密請增兵琦善惟恐其  
妨礙和議固拒不許義律乘其無備突攻虎門外沙角大角兩礮臺

沙角大角

東西對峙若虎牙爲  
珠江口最要之鎖鑰副將陳連升戰死關天培及總兵李廷鈺游擊馬辰等尙

而泣

琦善喪心誤國私以香

京琦善革職速入

英兵陷虎門礮臺

關天培力戰死

分守鎮遠威遠靖遠各礮臺在虎門附近兵各僅數百人相向而泣天培遣人

至省城求增兵闔城文武皆力求琦善置不問惟日夜作書遣漢奸鮑鵬

持送義律於償還煙價外復以香港許之並歸浙江俘人以易定海琦善

與立契約宣宗不許琦善奏言粵省情形稱地利則無要可扼軍械則無

利可恃兵力不固民情不堅若與交鋒實無把握不如暫示羈縻帝以琦

善危言要挾孤恩誤國實屬喪盡天良着卽革職鎖拿來京所有家產卽

行查鈔入官以祁墳代爲兩廣總督復命宗室奕山爲靖逆將軍尙書隆

文及湖南提督楊芳爲參贊大臣馳赴廣東救援

綱二月英兵攻陷虎門礮臺水師提督關天培死之 目初琦善與英人

議和草約甫定而帝得英人進軍之報勃然震怒再下宣戰諭先後遣奕

山楊芳等調援兵赴廣東琦善狼狽甚不得已乃盛饗英使冀遷延時日

徐圖補救而義律覺事已中變偵知奕山楊芳援兵未至遂於二月五日

與伯麥連艦入犯進攻虎門不數日而橫當虎門各礮臺皆破提督關天

培力戰死之各要隘大礮三百餘門並則徐往年所購西洋礮二百餘門

俱爲英人所有而英領印度總督所新遣之陸軍又至長驅深入盡扼珠

防要已  
失楊芳  
束手

帝拒絕  
調停

奕山襲  
英軍

英軍陷  
四方礮  
臺薄廣  
州  
訂和約  
四條

江咽喉及參贊楊芳率湖南兵千餘馳至珠江險要已悉入英軍之手楊芳束手莫可如何會各國商船雲集港外以罷市日久皆不直英人所為即英人亦恐以長期戰爭之故生商業之損害於是美法兩國商人以行商伍怡和之介紹遞書調停言義律初無他求但得與各國一體通商無不同聲感戴楊芳據以入奏而帝以英人方謀占香港先是英人既與琦善定約一方則召還屯駐青海之艦隊一方於香港出示怒甚必欲一雪此恥遂嚴詞拒絕三月二十六日奕山及新任總督祁墳抵廣州楊芳以要害已失敵入堂奧我軍攻具未齊所募義勇亦未集勸奕山固守勿浪戰奕山從之

閏三月奕山謀襲英軍敗績英軍陷四方礮臺進薄廣州 先是奕山至粵從楊芳言固守不戰至是惑於翼長隨員之語思僥倖一逞因發水勇七百乘小舟載火具期以夜半粉碎敵艦於一擊之下而襲擊之結果僅破敵軍雙桅大船二杉板小船五縱掠其商館並誤傷美利堅人數名英軍反以翌朝大集盡焚港內木筏數百具油薪船三十餘艘直向省城城西北之天字礮臺泥城港及城北山頂之四方礮臺以次陷落奕山避入巡撫署使廣州知府余保純往講欵遂定休戰條約四條一于煙價



外加償軍費六百萬。元限五日內交付。一將軍及外省兵退屯城外六十里地。一以香港之割讓爲未定問題。俟後日協商。一英軍退出虎門。

夏四月。廣東平英團起。圍攻義律將軍奕山爲解其圍。先是奕山

等蒞粵。以爲粵民與洋人交通日久。皆不免漢奸破黨之嫌疑。故舍本省水勇不用。而遠募諸福建官軍。蒐捕漢奸。輒不問其是否而殺之。南海義勇與湖南兵之間。已坐是相仇殺。僅以將軍之慰諭得解。及休戰議定。奕山等方以約內六百萬之償金。係廣州住民生命財產之代價。議以四百萬由藩運海關三庫發給。以二百萬由廣州行商分擔。日夜搜括。惟恐不及。於是粵民種種不平之感。一旦併發。三元里民萬餘。各樹平英團旗幟。誓與英軍決一死鬥。會英軍登陸遊行街市。大肆騷擾。有乘機淫掠者。粵民益憤。平英團驟起。環攻英軍。遠近響應。衆頓數萬人。義律聞變。馳救。陷重圍中。不得出。奕山懼和議有梗。立遣人往解。義律始出圍。迨六百萬償金既畢。英軍乃撤去。廣州奕山等遂朦詞會奏。謂英人止求照前通商。且改稱償軍費爲清還商欠。其煙價香港問題。皆一字未及。帝謂事已妥洽。詔從其議。而以廣東兵政廢弛。臨事全無實用。追論歷任總督罪。遂革去。

平英團  
與英軍  
決死鬥  
義律被  
奕山朦  
詞會奏

廣東平  
英團起

林則徐  
戍伊犁

林則徐四品卿銜與鄧廷楨均謫戍伊犁而釋琦善令赴浙江軍營效力贖罪

英軍陷  
廈門定  
海

○秋七月英軍北犯陷廈門八月復陷定海總兵葛雲飛王錫朋死之

璞鼎查

○和議既成英人以香港割讓之約未定思藉戰勝之餘威移軍北進以爲威嚇適英大將璞鼎查及海軍少將巴爾克至軍威大振遂進迫廈門

葛雲飛  
請兵不  
許

陷海岸礮臺旋轉轟擊一晝夜官署街署盡燬閩督顏伯燾金廈道劉曜春退保同安英軍既破廈門留軍隊五百五十人駐鼓浪嶼而進攻定海

葛雲飛  
之死

時定海守兵僅四千人總兵葛雲飛字雨甲山陰人王錫朋字樵備直隸雷河人飛書大營請濟師不許相戒死守毋望援相持數日英人奪間道下薄土城雲飛錫朋

及處州總兵鄭國鴻字雪堂湖南鳳凰人皆力戰死方英軍之進逼也行營有藥桶

二雲飛納火線書曰軍餉城陷英人爭取之火發焚數百人義勇徐保夜

探雲飛屍得之于崖石下巍然屹立兩手猶握刀不釋

○英兵陷鎮海寧波欽差大臣裕謙死之

○時欽差大臣裕謙以兵千餘守鎮海提督余步雲總兵謝朝恩以兵二千分守甬江口甬江在今浙江鄞縣東流至鎮

余步雲  
通走

○兩岸礮臺步雲有異志不許士卒開礮及英軍由山麓攀援登岸步

英兵陷  
鎮海寧  
波

海縣入海

裕謙死

雲卽率兵西走英軍據招寶山在鎮海城東北二里卽余步雲駐守處俯攻鎮海裕謙沈水死鎮

海遂陷步雲走寧波英軍至步雲復棄城走上虞縣今居民相率樹順民旗

閉門不出慈谿餘姚並今縣居民逃散一空土匪四起浙西大震

壬寅二十二年夏四月英兵陷乍浦五月陷寶山上海江南提督陳化

成死之 初鎮海失守朝廷命大學士奕經爲揚威將軍馳赴浙江救

寧波敗績浙撫劉韻珂奏請以伊里布來浙主和議朝廷許之卽命耆英

爲欽差大臣署杭州將軍與伊里布及參贊齊慎同赴浙江降旨不許進

兵並不許擒斬洋人有兵勇殺一洋人卽行正法皆韻珂所奏請也時英

軍方得新任印度總督額倫波羅伯之訓令欲轉略長江以扼我南北之

交通遂勒寧波紳士犒軍銀二十萬圓盡撤寧波及鎮海屯軍惟留舟四

艘兵千餘守定海及錢塘江在浙江省治南流至海甯縣入海口奕經方以收復寧波入奏

而英軍已進迫乍浦乍浦有漢兵六千三百人滿兵千七百人望見英艦

如山阜皆氣索所發礮丸率不達乍浦遂見陷伊里布急至英艦議欵英

人要挾甚侈不能成議劉韻珂又奏請放還俘虜送致乍浦則英艦已北

去又改送諸鎮海則英艦已北達吳淞源出江蘇太湖至寶山縣入海寶山城在吳淞口外

浙西大震英兵陷乍浦寶山上海

奕經捏奏復寧波

劉韻珂送俘虜

牛鑑之昏庸

陳化成戰死  
牛鑑走嘉定

以礮險勝  
可以扼

英兵陷鎮江

洋面寥闊，知縣周恭壽請伏兵口內，毋守口外礮臺。江督牛鑑不從。總兵王志元守小沙背，寶山附近之徐州兵五百，即在浙從。余步雲棄招寶山之潰兵也。牛鑑不懲創之，反令守要害。終日騷掠，居民洶洶。周恭壽力請撤換。他兵亦不聽。英軍來攻，提督陳化成、礮沈其二艘，敵以小舟攻小沙背。徐州兵果望風西走。化成中礮死。牛鑑走嘉定。今江蘇屬縣吳淞遂陷。吳淞既陷，英人乃進據上海。先是英人之進逼吳淞也，吳淞以東西礮臺為犄角。西礮臺在海口，北距寶山六里。陳化成扼西礮臺以守。時總督牛鑑在寶山，化成謂曰：「以礮扼險，可以決勝。公第坐鎮，毋輕出入也。」又語參將周世榮曰：「吾與汝福皆不薄。周愕然。化成曰：「詰朝戰而勝，則受上賞。不然亦俱不朽。非福而何？」明日英船排江進。化成登臺執紅旗揮戰，轟礮及千聲。自卯至巳，壞六七艘。英人沮，欲退。牛鑑聞師利，趨出。及三里，英人從橋上覘其幟，駕礮狙擊之。鑑遁。師遂潰。英人併力急攻。世榮請奔化，成拔劍叱曰：「庸奴誤識汝，世榮逸。英人登岸，礮彈雨下。化成顛復起，猶手燃巨礮，創重，噴血死。英人遂進據上海。

六月英兵陷鎮江，進逼江寧。英兵既陷寶山，上海遂由吳淞口緣

海齡拒  
援兵

海齡唐  
殺漢人

英兵入  
城

海齡自  
殺

英軍偪  
江寧

東南大  
震

遣耆英  
伊里布

牛鑑與  
英議和

許五口  
通商

海入江過福山江陰關諸要隘以六月八日抵鎮江於是參贊齊慎  
 提督劉元孝督兵赴援而駐防副都統海齡嚴拒不納使戰於城外齊慎  
 等以兵力不支乃退守距鎮江四十五里新豐外援既絕英軍乃距堙攻城時城中  
 惟駐防蒙古兵千餘人而副都統海齡率以死守嚴禁居民遷徙日夜搜  
 捕漢奸虐殺無算合城鼎沸十三日英將臥烏古分全軍七千為三隊三  
 面圍攻以火箭射入城中延燒近城房居遂乘架雲梯入城海齡自焚死  
 是時英船八十餘艘礮聲震江岸自瓜洲在今江蘇江都縣南至儀徵今江蘇馬縣之鹽艘  
 估舶焚燒一空火光百餘里揚州鹽商賂以銀五十萬兩不及於禍英軍  
 直偪江寧東南大震

綱秋七月以耆英伊里布牛鑑為全權大臣赴英艦議和許五口通商訂  
 南京條約 英軍既攻陷鎮江直逼江寧運大礮於鐘山之巔為碎城  
 之計朝廷大懼乃決計與英議和令耆英伊里布示之以意而英使璞鼎  
 查以耆英等未得全權之委任拒不與議朝廷乃以耆英伊里布牛鑑為  
 全權大臣得便宜行事三全權遂親赴英艦與璞鼎查定休戰之約時二  
 十二年七月十四日也自是往返協議至二十四日和約始成許開廣州

訂南京條約  
我國外交  
之第一敗

逮牛鑑  
治罪

余步雲  
伏誅

廈門福州寧波上海五口通商訂約十三條是為南京條約既簽字英艦發祝礮二十一聲懸兩國國旗以賀鴉片戰局於是始告終止其條約列下

永存平和所屬人民各往他國者必受該國保護  
准英人帶家眷寄居沿海之廣州福州廈門  
寧波上海等五處港口貿易通商及設領事管事等官  
三將香港一島給予英國常遠主權任便  
立法治理四以洋銀六百萬圓償補鴉片原價  
五酌定洋銀三百萬圓作為商欠之數由中國官  
為償還六償補水陸軍費洋銀一千二百萬圓  
七以上酌定銀數共二千一百萬圓先交六百萬  
圓限四年內分期交清八凡係英國人在中國管轄各地方  
被禁者准即釋放九凡中國與英人  
有來往者或跟隨及伺候英國官行者均免關稅  
十廣州等五處應納進口出口貨稅餉費均宜乘  
公議定則例由部頒發曉示以便英商按例交納  
英國貨物自在某港按例納稅後准由中國  
商人備運天下各路所經過稅關不得加重稅例  
十一兩國商民往來用平行照會十二六百萬  
圓交清後英國水陸軍士退出江甯京口等處  
江面惟舟山及鼓浪嶼仍歸英兵暫為住守  
逾全數交清而各海口均已開關後即行退出  
十三以上各條議和要約兩國大臣蓋用關防印信各  
為執一冊

附記

中英條約既經公布後法美亦援例締約  
獨是中國全權及內外大臣對於戰事  
然盛行及文宗奕詝時遂公然弛禁以洋藥之名徵收關稅  
由是吸食鴉片之弊風不啻為法律所默許而諸外國人反從而醜詆之  
或且搆我國一二烟具陳諸博物院以為清國人  
民風俗之代表焉  
不亦大可慨也哉

九月逮牛鑑入京治罪以耆英為兩江總督冬十二月浙江提督余步

雲伏誅 目牛鑑不能扼守長江致英艦進逼江寧詔逮入京治罪冬十

一月部議定為斬監候十二月浙江提督余步雲伏誅琦善奕山奕經文

蔚等俱斥革有差

陳慶鏞  
諫起用  
琦善

○癸卯二十三年春三月以琦善爲熱河都統文蔚爲古城領隊大臣奕經爲葉爾羌幫辦大臣尋復罷之

○琦善等起用後御史陳慶鏞奏稱琦善等三人起用爲刑賞失措無以服民帝嘉其亢直敢言收回成命琦善交經文蔚均著革職卽令閉門思過以昭賞罰之平冬十月復詔賞奕經二等侍衛爲葉爾羌參贊大臣奕山二等侍衛爲和闐辦事大臣琦善二等侍衛爲駐藏大臣明年二月釋牛鑑於獄發往河南交鄂順安差委

○甲辰二十四年春三月臺灣洪協作亂旋討平之

○夏四月詔許雲南設廠開礦

○國初鑒於明季礦廠之害又惑於風水之說嚴禁各處開礦惟雲南廣西居民私自開採者多未能禁絕至是帝諭軍機大臣開礦一事前朝屢行雲南一省除見在開採外尙多可採之處著寶興桂良賀長齡周之琦體察地方情形相度山場民間情願開採者准照見開各廠一律辦理惟不可假手胥吏致有侵蝕滋擾諸弊

○五月與美人訂立通商條約

○自南京條約公布後歐美諸國競相

效尤美利堅公使先至援例要求定通商條約帝命耆英爲全權大臣與美人訂條約三十四款於澳門之望廈名曰望廈條約是爲中美訂約之

中美訂  
約之始

詔許雲  
南開礦

中法訂約之始

許比利時通商

惠吉卒

起用林則徐

鄧廷楨卒

緬寧回賊之亂

始

○秋九月與法人訂立通商條約。○英美既與中國訂立通商條約至是法蘭西人亦援例要求訂立商約三十五條於黃埔是為中法訂約之始。

○乙巳二十五年夏六月許比利時人通商。

○冬十一月陝甘總督惠吉卒起林則徐署陝甘總督。○鴉片戰爭後

則徐免成至是起用為陝甘總督既蒞任會野番肆劫先命鎮將防護馬廠時承平久營政弛則徐出按邊命演巨礮舉營無知者一老卒能之立授以官士氣爭奮尋勦番族漢奸殆盡。

○丙午二十六年春三月陝西巡撫鄧廷楨卒以林則徐為陝西巡撫布彥泰為陝甘總督。

○秋八月緬寧回賊作亂雲貴總督李星沅討平之。○時緬寧回賊作

亂亟調官兵分道進勦腹背擊之渠魁馬國海亡走潛結雲州今為縣屬回

賊馬登霄海連升等劫囚亂邊李星沅定謀檄諸將迅擊而縱諸回被脅

者不三月事大定。



楊芳卒

陝西回民之亂

林則徐督雲貴

夏五月前湖南巡撫楊芳卒。芳初與楊遇春齊名天下稱爲二楊。平定回亂勳勞卓著及海疆事起威名稍挫蓋水陸各異用也。至是卒。予諡勤勇。

冬十二月陝西回民作亂渭南知縣余炳燾討平之。陝西蒲城大荔臨潼渭南各境素多刀匪劫掠鄉集州縣悉隱諱粉飾勢益熾渭南逆回馬得全與弟得鳳爲刀匪魁。筮期謀不法知縣余炳燾偵知猝往擒治得全死拒余炳燾裹氈冒馘以進得全敗死擒得鳳正法餘黨解散消亂於未萌。巡撫林則徐奏聞詔升余炳燾爲知府。

丁未二十七年春三月以林則徐爲雲貴總督李星沅爲兩江總督。時滇中漢回構釁垂數十年焚殺無虛日林則徐至諭之曰止分良莠不分漢回適回民丁燦廷赴京疊控漢民沈正達有司提犯人解認保山民糾衆奪犯人燬官署殺回戶並抗拒鎮道兵則徐提兵出剿途次聞趙州客回勾土匪謀亂進破其柵殺賊數百保山民股粟還犯人迎師則徐召漢回父老諭以恩信復乘勢搜獲永昌順寧歷年拒捕戕官之諸匪誅之滇人繪像以祀。

粵民逐  
英人

七和卓  
木之亂

乾州苗  
亂平

夏四月廣東民驅逐在廣英人。鴉片戰後廣東人民怨恨英人沁骨每以小故時起爭鬪至是廣州民聯合抗拒悉逐在廣英人香港英將聞之帶領兵艦突入省河嗣經委員馳往佛山鎮名在廣東南海縣西將當日在場鬪鬧之匪徒關亞言等拿獲懲辦英船始退去。

秋八月七和卓木入寇喀什噶爾城詔授布彥泰爲定西將軍奕山爲參贊大臣馳往勦援冬十一月討平之。自道光十一年浩罕與中國和好通商後無所畏懼連年與布哈爾構兵其王摩訶末阿利戰死王族庫達雅爾嗣位不能用其衆國內悍徒復嗾張格爾子弟起復仇之師於是和卓木族加他漢等七人募集徒衆連合布魯特族舉兵入寇進攻南路喀什噶爾及葉爾羌等城然回教徒因前數次兵連禍結損失頗鉅無應之者及十一月伊犁兵至其衆不戰而遁是爲七和卓木之亂是月奕山奏喀葉二城圍解回亂平回部自嘉慶末張格爾發難以來至是凡三蒙兵禍云。

冬十二月召耆英入京以徐廣縉爲兩廣總督葉名琛爲廣東巡撫。

戊申二十八年春正月湖南乾州苗亂平。先是二十七年十二月

湖南乾州廳

今湖南乾縣

苗人滋事詔總督裕泰率兵勦辦至是苗人被勦悔

罪自首詔裕泰分別懲辦仍搜獲餘匪

○秋八月俄羅斯商船請在上海貿易不許

○時俄羅斯商船由海道

至上海請在上海貿易兩江總督李星沅不許飭令回帆事聞帝甚嘉悅

諭軍機大臣查俄羅斯向在北路陸地通商不比西洋各國航海貿易上

海非該國應到之地所請自難准行以後該國商船如再來曉瀆該督等

惟當以理峻卻勿令時存覬覦致啓效尤之漸

○冬十一月以耆英爲文淵閣大學士琦善協辦大學士仍留四川總督

任

○已酉二十九年夏四月李星沅有病免以陸建瀛爲兩江總督

○徐廣縉與英人更訂廣東通商專約嚴禁英人入城詔封廣縉一等子

爵葉名琛一等男爵 ○鴉片之戰終政府許英人五口通商得派領事

於五處專理商賈事宜於是福州廈門寧波上海等處以次建設領事館

惟廣州紳民平英團與英人在三元里決戰後

先是中國工人與英水兵在三元里有違言遂起決鬪工人負傷甚

梁平英團大憤遂縱火焚英國商館結果賠償損失了索是爲三元里之決戰

積嫌已深合詞請於大府毋許英人入城

不許俄商在上  
海貿易

李星沅  
病免

徐廣縉  
與英更  
訂廣東  
商約

粵民拒  
英入城

廣州民  
衆拒英  
大運動

英人蒞  
盟簽約

阮元卒

湖南李  
沅寶滋  
事

時耆英爲兩廣總督不能禁遏而英人又屢請履行條約允其入城耆英既不敢納又不敢拒因密告英人謂粵民驚悍請徐圖之期以二年後踐約已而耆英被召入京徐廣縉代爲總督英人遂以兵輪闖入粵河申前約廣縉密召諸鄉團練先後至者逾十萬人自乘扁舟赴英船告以衆怒不可犯耆老十餘輩隨入領事館陳說百端英酋方謀留廣縉爲質兩岸練勇呼聲震天英酋懼請仍修舊好不復言入城事於是粵人益自得謂洋人固易制也好事者因宣言於外欲遂乘勝阻敗通商事香港總督文翰貽書廣縉願重定通商專約粵人請以嚴禁入城之語載入約中文翰懼礙通商大局遂蒞盟簽約廣縉及巡撫葉名琛會疏入告帝嘉悅之因封廣縉一等子爵並封名琛一等男爵

○冬十一月予告大學士阮元卒 元以十八年乞休歸里後築別墅於南湖莊曰南萬柳堂蓋以別於馮文毅之都城別業也以經術文章主持風會者五十年至是卒年八十有六予諡文達

○十二月湖南李沅寶滋事總督裕泰討平之 先是十一月湖南新寧匪徒李沅發滋事官兵往勦焚殺之沅發弟沅寶居五排聞其兄爲官

兵焚殺自往新寧復仇湖廣總督裕泰即由湖北派遣得力將弁會同捕  
勦至明年五月沅寶就擒伏誅湖南地方一律肅清

綱庚戌三十年春正月帝崩皇太子奕訢即位詔以明年為咸豐元年

正月丙午帝不豫丁未大漸召宗人府宗令載銓御前大臣載垣端華  
僧格林沁軍機大臣穆彰阿賽尚阿何汝霖陳孚恩季芝昌內務府大臣  
文慶公啓鐳匣宣示御書皇四子奕訢立為皇太子是日午刻帝崩于圓  
明園苦次在位三十年壽六十有九諡曰成皇帝廟號宣宗己未皇太子  
即皇帝位以明年為咸豐元年

皇太子即位



嘉慶一朝吏治之壞已臻極點道光改元後宣宗欲銳意改革中外大臣如阮元陶

則崇尙考據不能講求實用雖其間未嘗無陶澍之議改海運以所省費為濬吳淞口之需  
請改淮鹽以票運法革前總商之弊又如阮元著天象賦探西人進步之源撰晴人傳參歐

儒代數之術然一齊終不敵衆楚且是時歐美文明日見進步風潮東漸勢力增長乃帝方  
狙君主專制之威存滿漢種族之見所行政策如八年以戴均元相度寶華峻陵工失宜始

擬斯罪旋逐同籍玉孫多人均被褫革十八年更嚴諭八旗秀女不許衣袖寬大竟如漢人  
裝飾途者家長治罪都統嚴懲云云可笑可憐孰過於此至如晚年寵任滿臣種影阿情勢

攬權致派大學士王鼎憤激自  
盡則帝之昏譎尤可悼歎矣

綱夏六月廣西洪秀全舉兵反 自世祖入主中國以來種族之見甚

深因以胎種種之惡感於是國人多秘密結社借宗教迷信之力號召徒

廣西洪秀全反

上帝教

秀全傳  
教募徒

教徒一  
律平等

衆潛蓄勢力爲反抗清廷之運動如白蓮紅陽等教爲數無慮十餘而白蓮教會爲尤盛乾嘉之際一再發難風動五省竭海內之兵力踰十年而後定而其支流餘裔蔓延各地者又有紅陽青蓮八卦天地等目其源流分合雖不可深知要其構成之原質不出釋道二宗及嘉道以還西人東漸者日衆基督教之傳播一時雖受法律上之裁抑顧其教義漸加入於宗教社會之間而廣東又以地理上之關係最先受其影響於是此等秘密結社之中忽含有基督教之新分子而太平天國之洪秀全起焉洪秀全者廣東花縣農家子也幼喪父母授徒於鄉里間屢應省試不第遂借賣卜游食江湖先是廣東人朱九濤者唱上帝教秀全及同縣馮雲山師事之九濤死秀全受衆推爲教主

一說九濤襲白蓮教故習創立異說謬言錫鐵香爐成可駕以航海以此詭衆斂錢九濤卒秀全以

九濤之說不足大合衆心而暢行己意乃更與馮雲山探取基督教自樹一幟謂之上帝教名其教會曰三點會秀全自爲之長

以道光十六年與雲山赴廣西傳教桂平人楊秀清韋昌輝武宣人蕭朝貴貴縣人石達開秦日綱爭依附之於是雲山等六人分詣各邑輾轉招集而秀全主桂平富人曾玉珩家受其資給焉秀全嘗病及愈乃云死七日復蘇能知未來謂舉世將有大災惟入教拜上帝者可免凡入教者一律平等男曰兄弟女曰

天父

造真言寶誥

三點會集議金田

金田起事

視鄭祖琛職

洪秀全破平樂

姊妹無有尊卑等差人納香燈銀五兩獨拜上帝不得拜他神遠近附從者浸衆皆稱秀全爲洪先生秀全既附會西教傾動衆聽遂稱耶火華曰天父基督曰天兄又令雲山及其黨盧拔賢等造真言寶誥諸書以實其說未及數年信徒達二千人以上勢力漸強團體亦漸固會朝廷以鴉片一役所有軍政腐敗內容盡情暴露加以兩廣連年饑荒流亡相屬地方文武苟求一日之恬嬉毫無補救於是羣盜大起所在剽掠而廣西尤甚桂撫鄭祖琛既老而昏不能任事是年六月三點會中諸渠魁皆聚於金田村會議因召集各徒黨乘機起事時秀全居平南縣花洲人胡以晃家跡甚秘密秀清等既謀定則率衆迎之至金田村旋移屯武宣縣東鄉募集同志一時驍桀之徒多不期來赴遂部勒兵馬器械返屯金田揭竿起

事

綱秋九月視廣西巡撫鄭祖琛職以林則徐爲欽差大臣兼署廣西巡撫馳擊洪秀全 圖洪秀全起兵金田村得衆數千懼廣東兵強嗾大股賊梁亞四遙爲聲援而自率徒衆襲破平樂府秀清亦率萬餘人攻鬱林之北流縣不能克轉奪永安數城殺官弁十餘人巡撫鄭祖琛以帝新立諱

林則徐 巡撫廣西 擊洪 秀全 林則徐 途卒 潮州

洪楊之 變不可 復抑

言兵事不以上聞州縣亦仰承風旨相率彌縫遂致釀成巨變秀全等既得平樂府其勢益張提督向榮字欣然四馳告祖琛祖琛不得已乃入奏帝以其不能先事預防詔褫其職起林則徐為欽差大臣兼署廣西巡撫馳赴督征

○冬十一月欽差大臣林則徐與疾擊洪秀全途卒潮州 ○則徐起用

後歷任陝甘及雲貴總督政聲卓著未幾以病罷歸及廣西事起復詔起則徐為欽差大臣馳往督擊則徐故嘗督粵威惠著聞中外想望丰采既奉詔力疾出山秀全士卒聞則徐至散亡大半有謀遁走入海者而則徐臥輿兼程日行百餘里從者勸節勞暫息則徐曰二百里冰天雪窖執戟荷戈未嘗言苦此時反憚勞乎仍星馳不止行次潮州之普寧縣疾甚卒於廣寧行館年六十有六噩耗至京帝大震悼賜諡文忠隨命兩江總督李星沅為欽差大臣馳代則徐以周天爵為廣西巡撫自則徐死而洪楊之變遂不可遏抑矣



則徐長不滿六尺而英光四射聲如洪鐘時方以英吉利為患則徐曰此易與耳終為患者其俄羅斯乎聞者惑焉臨終呼星斗南者三其最關治亂者以辦洋務勦粵

寇為大而皆齋志以終天下共惜之自則徐卒軍民失所倚洪楊兵勢遂不可制踰嶺涉湘絕長江據金陵又十四年竭海內全力僅乃克之論者謂假則徐數年洪楊不足平矣則徐



孝友自奉甚儉而資戚族歲數千金尤愛士所至選拔收用性警敏摘伏如神馭左右最嚴每黑夜潛行微察下無敢爲奸然待人恕而誠常道人善如不及善飲喜弈服官後皆却不修御子汝舟編官河庫道

清鑑綱目卷之十一

鹽城印鸞章編輯 金式陶 張延壽 趙雪 胡應庚 校訂

文宗顯皇帝

名奕訖宣宗第四子母孝全成皇后以道光三十年即位建號咸豐在位十一年崩於熱河行宮壽三十有一歲

東華錄云文宗以道光十一年六月初九日誕於御園之湛靜齋一後更為基福堂一生有聖德神智內充發音鏗洪舉步嶽重自六歲就傅學問日新經史海通雲藻炳蔚倫復

听夕講求履信書屋詩文禮有卷帙陳經偶暇練藝習勞嘗製槍法二十有八勢乃武乃十有八勢時與恭親王奕訖敦最講肄宣宗成皇帝慈頗愉悅爰賜嘉名惟孝惟友乃武乃

文皇帝時可及已道光二十年正月當孝全成皇后大事上悲深閔極辦福哀傷宣宗成皇帝俯鑒肫誠每致祭必命行禮用展孝思道光二十六年六月十六日宣宗遵密建家

法親書上名絨置秘函豫立儲貳二十八年二月賜成大婚禮是為孝德顯皇后道光三十年宣宗居圓明園慎德堂孝和睿皇后苦次卯刻疾大漸上哭詣慎德堂少頃宣宗升

遐上稽顙哀痛呼號躡踵無算扈從近臣遵奉殊筆諭旨請上即正尊位上恭視小斂畢奉大行皇帝靈駕進城戊刻奉安乾清宮西次間上翦髮成服亥刻敬視大殮畢奉安梓

宮於乾清宮正中行殮奠禮已未上即皇帝位於太和殿分遣官祇告天地太廟社稷是日登極禮成頒詔天下

咸豐

綱辛亥咸豐元年春正月詔天下廣求賢才 給事中呂賢基應詔陳

言一懋聖學一正人心一育人才一恤民德

綱三月以大學士賽尚阿為欽差大臣馳赴廣西接辦軍務 先是道

光三十年冬林則徐卒朝命李星沅為欽差大臣馳赴廣西以周天爵為

廣西巡撫天爵原任漕運總督有果敢用事之稱而李星沅老成持重計

慮務出萬全初至廣西與天爵頗開誠相處會洪秀全自金田取貴縣提

賽尚阿  
接辦廣  
西軍務

督張必祿戰死向榮與戰亦不利由貴縣進據大黃江一稱大湟水在桂平東北建太平

王號分兵進攻桂平武宣平南等縣前鋒及象州今廣西象縣聲勢大振星沅調

兵籌進止及駐軍地點而天爵持議多異同由是意見齟齬秀全勢益盛

星沅乃奏請專派將軍總統督辦防務帝因命大學士賽尚阿為欽差大

臣馳往湖南會辦防堵事宜未幾星沅病卒遂命賽尚阿馳赴廣西接辦

軍務又以天爵年老命回京以鄒鳴鶴字錫泉無錫人為廣西巡撫初賽尚阿既

至湖南聞秀水知縣江忠源頗知兵忠源字岷樵湖南新寧人召致軍前時忠源以天下

將亂於其鄉倡行團練以兵法部勒鄉人子弟湖南團練自此始及賽尚

阿召遂募故所用鄉勇五百人使弟忠濬帥以來號楚勇楚勇始至敝衣

槁項諸軍皆匿笑其時敵氛甚惡官兵數萬莫敢櫻其鋒忠源率楚勇進

擊大破之斬數百人諸軍由是始服其膽不敢輕楚勇

綱夏四月帝御乾清門聽政 目自是以為常

綱秋閏八月洪秀全破永安建號太平天國自稱天王大封諸同黨 目

秀全初起本烏合之眾當時諸軍將苟能協力進攻未嘗不可殄滅會將

帥屢易文武不和秀全等乘間鼓動聲勢日壯及賽尚阿至桂平督諸軍

江忠源 倡團練 湖南團練 練自此 始 楚勇

洪秀全 破永安

建號太  
平天國  
自稱天  
王封同  
黨

洪秀全  
棄永安

向榮烏  
蘭泰不  
合

秀全東  
竄蘭泰  
烏蘭泰  
擒洪大  
全洪大  
之題詞

前進直迫象州雖連得捷報而秀全勢不稍減進永安今廣西蒙山縣水陸並進

清將與戰多失利永安遂失秀全據永安因建國號為太平天國自稱天

王大封同黨以楊秀清桂平為東王蕭朝貴武寧人秀全妹婿為西王馮雲山潯州人

為南王韋昌輝桂平為北王石達開貴縣為翼王洪大全衡山人秀全之兄為天德

王秦日昌一作日綱貴縣人羅亞旺范連德胡以晃等任丞相軍師等職有差

綱壬子二年夏四月洪秀全棄永安破全州今廣西全縣乘勝入湖南 圖秀

全之稱天王於永安也事在元年閏八月時廣西羣盜二十餘股以次為

官軍所殄滅惟秀全一軍獨存顧已勇猛不可制是年十一月賽尙阿督

向榮烏蘭泰諸軍分兩路合圍永安軍凡數十營向榮統北路烏蘭泰統

南路兩人以戰略不同互有違言江忠源率鄉勇從烏蘭泰軍頗調停其

閒不能得因引疾去圍永安四閱月不能下參將李廷楷戰沒賽尙阿憤

極本年二月督諸軍四面進攻並擊其東西礮臺秀全知不可守遂率眾

突圍東奔烏蘭泰擒天德王洪大全送京師磔於市天全少穎悟年十三即能賦誦十三經尤工詩詞屢

試不售憤而舉兵及就擒自題小詞曰一事無成人漸老壯懷要間秋風六韜三略總成空哥哥行不得淚灑杜鵑紅其羸靡如此秀全東走至六塘墟桂

林六將進攻桂林烏蘭泰誓師追敵以刀刺臂血滴酒呼將士共飲曰不

鳥蘭泰 死 秀全攻 全州

秀全入 湖南

江忠源 礮斃 馮雲山

洪秀全 下道州

桂陽陷

李啓詔 不屈死 秀全攻 柳州 逼 長沙

鮑起豹 昇城隍

殺賊不生還也。追至將軍橋中礮彈死。武後壯。秀全攻桂林圍三十餘日不

能下。向榮與巡撫鄒鳴鶴等擊卻之。始解圍去。出興安轉攻全州。時全州

守兵僅五百人。而諸軍之援全者皆壁數十里外。不敢救。秀全軍以地雷

轟破城壁。取之。乘勝入湖南境。會湘水盛漲。刼舟順流下。計三四日可抵

長沙。清將江忠源扼守葦衣渡。湖水下流。懼其浮湘而下。邀擊之。鏖戰兩晝夜。

焚其舟幾盡。又礮斃南王馮雲山。秀全勢大挫。於是棄其輜重。舍舟登陸。

進逼道州。

五月。洪秀全下道州。今湖南道縣。秋七月。下桂陽州。今湖南桂陽縣。柳州。今湖南柳縣。進

攻長沙。今湖南長沙縣。秀全軍既舍舟登陸。進逼道州。提督余萬清棄城遁。

遂分下江華。永明各縣。秋七月。進攻桂陽州。知州李啓詔登陴發礮。殲秀

全一將。秀全怒。穿地道。以地雷裂城。號龍口。法城破。啓詔不屈死。乘勢進

攻柳州。命西王蕭朝貴率死士千餘人繞山道東北行。薄長沙。逼南門。而

陣。時長沙守吏方以敵軍當從耒陽。今湖南耒陽縣。正道來。日夜議築土城拒戰。及朝

貴驟至。皆大驚。巡撫駱秉章統兵勇八千將弁數百。不敢言節度。滇督羅

繞典留辦防堵。惟與諸生舉貢議戰守。提督鮑起豹至昇城隍神像置南

置城樓

向榮擊死蕭朝貴

秀全圍長沙不克趨岳州

秀全破武漢三鎮

常大淳戰死

城樓與敵對坐欲藉以安衆心而大學士賽尙阿駐永州今零陵縣湖廣總督

程喬采駐衡州今衡陽縣皆逡巡不赴援向榮故與賽尙阿意見不合稱疾居

桂林詔奪賽尙阿程喬采職以徐廣縉代之而促向榮赴援榮聞賽尙阿

罷乃疾行抵長沙與敵軍開戰蕭朝貴中礮死敵軍稍退時秀全在柳州

聞朝貴死卽與秀清等悉衆而北圍攻長沙益募礦夫穴城垣置地雷崩

復完者屢矣會援軍大集數近五萬秀全以圍攻日久地道屢無功懼衆

攜貳乃解圍而北渡洞庭趨岳州岳州文武委城遁秀全軍盡得城中舊

藏吳三桂所遺軍械砲位復獲大舟五千餘蔽江而東所過城鎮望風皆

靡遂破漢陽轉向漢口時值冬季江水涸中漲巨洲秀全軍乃連舟爲梁

環以鐵索自漢陽直達武昌環城而攻設壘無算巡撫常大淳督兵拒戰

向榮自湖南赴援軍東門外累戰累捷而以敵壘中隔不能合城兵又爲

風雨所苦軍士疲甚十一月城遂破巡撫常大淳衡陽人後諡文節及布政按察諸

司員皆死之武昌既失詔逮徐廣縉治罪程喬采革職遣戍以向榮爲欽

差大臣張亮基署湖廣總督潘鐸署湖南巡撫賂秉章署湖北巡撫督師

會攻

詔起會  
國藩治  
團練

墨經從  
戎

湘勇營

湘軍創  
立之始

羅澤南  
練湘勇

湘勇營  
編制法

綱多十二月詔起侍郎曾國藩治團練於長沙。國藩湖南湘鄉人以

翰林院庶吉士授禮部右侍郎尋兼署兵部左侍郎。本年八月母江太夫人卒。丁憂回籍。及是武昌失朝廷詔起國藩以侍郎在籍治團練。國藩初奉詔欲具疏請終制。適庶吉士郭嵩燾至曰。君本有澄清天下之志。今不乘時而出。拘守古禮。何益於君父。且墨經從戎古之制也。其弟國荃亦言之。國藩於是投袂起。募農夫編隊伍。治兵於長沙。逐日操練。創爲湘勇營。是爲湘軍創立之始。先是江忠源以所部鄉勇衛長沙。頗稱驍勁。號曰楚勇。湘鄉羅澤南王鑫繼之。均以諸生辦團練有名。巡撫張亮基令各募一營助戰守。號曰湘勇。及武昌破。亮基移督鄂。挈江忠源從。而楚勇留長沙者。以其弟忠濟及劉長佑統之。諸義勇皆起田間。初不能成營制。至是國藩至長沙。總統諸軍。乃有營制之頒行。其制參用戚繼光兵法。編制訓練。初以三百六十人爲營。已而改五百人爲一營。營分四哨。置哨官四人。統以一營官。自兩營迄十營。數十營。視材之大小而設統領焉。又以旗綠營皆皆竄驕惰。悉屏滑弁游卒不用。擇官紳之誠樸者。率鄉農爲兵。不務多。但求精。日事訓練。而湖南湘勇遂以勁旅稱。時土寇蜂起。敵衆未至。一夕

曾剃頭

不要錢

不怕死

洪秀全

沿江東

下

胡孝先

見秀全

錢江獻

策圖江

寧

洪軍聲

勢之盛

秀全占

武穴

數驚縣令每畏蕙養癰及國藩出先清內訌不經有司掩捕即置重典十旬中戮二百餘人謗讟四起一時有曾剃頭之目國藩不顧也其與人書有不要錢不怕死之語一時誦之

**綱**癸丑三年春正月洪秀全沿江東下奪蕪黃破九江取安慶下太平蕪

湖進薄江寧 **目**初秀全之在永安也有道州舉人胡孝先者往謁與論

大計孝先曰關中天府之國周秦之所以興欲爭天下必先取咸陽然後

出山右定燕薊天下可傳檄定也秀全稱善及得武昌欲乘勝北進旋偵

知河南有重兵不敢前乃用歸安錢江策舉兵東下圖取江寧正月朔秀

全連舟萬餘艘滿載資糧軍火財帛及所俘男婦五十萬棄武昌順江而

東軍隊翼兩岸夾舟而行聲勢極盛時承平日久不知民兵所在官吏皆

望風奔潰先是兩江總督陸建瀛議防江之策言小孤山 在安徽宿松縣東南吃時江中 扼

長江要隘然設防於小孤山不如於上游蕪蘄 在今湖北黃岡蕪蘄兩縣 等處乃遣兵

三千往防湖北武穴 今蕪蘄縣東南 下流之老鼠峽又遣壽春 今安徽壽縣 總兵恩長

率松江 今江蘇無錫縣 標兵二千繼之自將續到兵數百親軍數百與幕客員弁

湖江倍道而前次九江休兵數日則秀全軍已長驅至武穴恩長戰死舟



恩長死  
九江安  
慶陷

蔣文慶  
死

太平蕪  
湖失

江軍薄

錢江上

洪秀全

師盡潰建瀛方命移舟上駛而從兵聞敗報洵懼四散建瀛僅以十七人

二舟跟踉走江寧秀全軍遂以初九日破九江十七日破安慶安徽巡撫

蔣文慶等死之留安慶凡三日盡運藩庫銀二十餘萬兩漕米四十餘萬

石而東連破太平今安徽蕪湖今安徽以二十六日敗福山鎮名在江蘇總

兵陳勝元援軍於大江中因以二十九日進薄江寧

**附錄**

錢江上洪秀全書曰伏以大王起事之初等髮易服欲變中國二百餘年索虜之俗志謀遠大創業非常其不以武昌為止足之境明矣今日變之舉有進無退區區武昌

守亦亡不守亦亡與其坐而待亡孰若進而禦其不亡不乘此時為破釜沈舟之計長驅宜先取江寧以裕軍餉繼取汴梁以為犄角終取濟南以圖進取抱齊魯之運河可以坐困不

倉之食截南北之郵傳可以牽制勤王之師所運則秋毫無犯所至則招約賢能而民有不通

進髮易服單食壺漿以迎者江未之信也南京不下則江東不得渡豐沛不陷則青兗不得

此時也今日之事勢成騎虎萬一頓退則畏首畏尾存亡莫保戎衣兩試捨命沖鋒渡湖而

從龍聞進則同心同力踴躍爭先聞退則畏首畏尾存亡莫保戎衣兩試捨命沖鋒渡湖而

勵之羣策羣力一可當百萬戰何敢辭時哉九死以垂勳不願一生以伏莽也誠因時而

願指而先之也俟南京底定後招集流氓秣馬扼衆南堵可調歸北上左出則趨江北以

汝寧則發一軍沿海西師相機定斷伺間窺閩無輕舉兵不止於一露旆必出於萬全內固

以冲冀東促我沿海舟師相機定斷伺間窺閩無輕舉兵不止於一露旆必出於萬全內固

千古之一時也布置新造之其大略欲成基業願勿規模則西而秦蜀南而豫粵可傳檄而定此

之守寬洪之心而後有旋乾轉坤之力知民之為貴得民則興而動事機之為貴得賢則治如漢高祖

秀全定都南京

祥厚陸建瀛死於江寧城之慘殺

制法令

總武昌預獲得寸則寸之思。偏隅自足。因循歲月。疆域不增。糧竭衆危。四面受敵。大勢已去。不能復振。噬臍之悔。誠有非吾國之所忍言者矣。

二月南京失將軍祥厚兩江總督陸建瀛死之洪秀全定都江寧

秀全軍之薄江寧也連營二十四座列舟自大勝關在江寧西南至七里洲在江寧附

近水師號百萬晝夜環攻城外商民自募義勇隊出擊守陣兵發礮助之

誤傷數人義勇駭潰城中兵民拒守七八日彈丸盡至寶石大礮以發已

而外城破將軍祥厚率海州駐防兵守內城秀全穴地道攻之兩日亦破

祥厚及江督陸建瀛皆死城中男女四萬餘人童子三千人悉被殺投其

尸於江江寧既定秀全以為取天下如反掌遂與楊秀清議留一軍守江

南自率大軍向北京而先取河南洛陽以為都有老舟子湖南人久為秀

清操舟具言河南水少而無糧敵困不能救不如江南有長江之險民富

而食饒且明太祖亦席金陵以有天下宜先建國俾天下知所趨向秀全

納之於是定都南京改江寧府為天京羣下上尊號柴燎上帝大赦立妻

賴氏為皇后子福瑱為太子置百官定朝儀建龍鳳殿殿左設鼓龍文右設鐘鑄鳳羽殿梁區額題

曰龍鳳朝陽每有大事鳴鐘伐鼓會議天王即升寶殿諸王丞相兩旁分坐天將則侍立於後設宣教臺臺高五丈式圓臺增百步砌石鋪

項宣教時官民皆可入聽有意見亦可登座陳說文官又制法令十事一淫亂二忤父

左上官右士民由前後路直上停立有一定地位

定新曆

男女平權

禁販奴

蓄妾

元男女狀

文武官制

太平軍之編制

師北第一路伐之

母三行殺害四為盜賊五為巫覡六好賭博等號曰天條略似摩西十誡  
犯者有誅又定新曆以三百六十六日為一年有閏日無閏月每七日一

禮拜讚美上帝所至設高座說法謂之講道理其民政取男女平權天下

男子盡是兄弟天下女子盡是姊妹男女異途即夫婦亦異室嚴禁販賣

奴隸蓄妾賣娼及女子纏足等事類皆提倡人權俾益風化又開科舉亦

分男女兩榜各有狀元榜眼探花等名男科得池州狀元程文相以下八

十人女科得江寧傅善祥為狀元鍾氏為榜眼林氏為探花男女職官並

重女掌簿司批答文牘與男子等其軍政則天王自為元帥有軍政議事

局及軍機會商局軍制以五百人為旅有旅帥統之二千五百人為師有

師帥統之萬二千五百人為軍有軍帥統之每軍帥統五師帥每師帥統

五旅帥每旅帥統五百長每百長統十司馬每司馬統兵十人而總之以

一監軍號其軍曰太平軍其行省文武將帥各一文方伯武主將佐將副

之縣為令州為牧府為太守凡此種種設施大半皆東王秀清所酌定也

綱三月太平將林鳳祥李開芳吉文元率師北伐渡江下揚州

軍既定鼎江寧即以南京為根據地更謀北伐分兩路出師是年二月以

目太平

林鳳祥  
李開芳

下揚州

向榮圍  
南京

營江南大

琦善圍  
揚州

營江北大

天官丞相林鳳祥地官丞相李開芳及吉文元為第一路北伐之師率師北上直取幽燕鳳祥開芳等既受命先引兵東取鎮江府渡江奪瓜洲進攻揚州下之揚州既失南北聲氣為之隔絕而各省少年無賴或豪富而思亂者皆聞風響應或贈以金錢號曰進貢數千里外居民皆為震撼

○欽差大臣向榮率師圍南京 ○向榮四川人自秀全起兵之始向榮即以提督率兵與秀全角逐於廣西永安之間秀全潰圍出永安榮由廣西追躡至武昌歷著戰績秀全憚之朝廷因以榮為欽差大臣專攻秀全及秀全棄武昌東下榮復尾追比至江寧則城失已旬日局勢已成無可為力榮乃結營城東孝陵衛在鍾山之陽明太祖葬地為圍攻之計是為江南大營

○夏四月欽差大臣琦善率師圍揚州 ○琦善起用後歷任河南巡撫至是亦受命為欽差大臣率直隸陝西黑龍江馬步諸軍自河南進達揚州時揚州已為林鳳祥所下琦善因與直隸提督陳金綬內閣學士勝保分營揚州城外以圍之同時侍郎雷以誠亦籌餉募勇防揚州東路是為江北大營合兩大營之圍攻而太平軍之氣焰仍不稍挫



錢江既上洪秀全書秀全喜留參帷帳旋以東王楊秀清忌之甚江乃走維揚時朝命侍郎雷以誠辦理糧餉開府邵伯球江往見為之畫策疏請空白部照千餘紙以

勸捐助軍餉。不旬日得餉十餘萬。又仿江都之仙女鎮。各會館抽收盤金。法子行商坐買中。視其獲利之厚薄。每百文捐取一文。居者設局。按月收捐。為板盤。行者設卡抽捐。為活盤。月會其數。以濟軍餉。不期月。又得餉數十萬。軍餉獲濟。兵氣遂揚。而江性慙直。恆面折以誠。過失以誠。不能容。乃以江妾陳圖讖。情同叛逆。奏請斬首。聞者寃之。

林鳳祥  
入河南

○太平將林鳳祥入河南。取歸德府。攻開封。不能克。○自揚州為江北

陷鳳陽

大營所圍。林鳳祥遂留其黨。曾立昌守揚州。而自率李開芳。吉文元等二

破歸德

十一軍北上。鳳祥開芳等橫出上下江。取鳳陽。踞臨淮關。吉文元又出浦

攻開封

口。擾潁州。與鳳祥開芳合入河南境。下永城。破歸德府。殺參將正倫。通判

徐軍師  
施邪術

章光熊及知縣呂贊揚等。進攻開封。其城自道光季年河決衝毀後。就舊

施邪術

址新築。堅不可拔。而浮沙壅積。鳳祥等又不能用龍口法毀城。三十里內

亦無蔭蔽。城上礮擊敵不能避。敵中有徐軍師者。素習辰州邪法。披髮仗

劍。能起雲霧。從下望城。纖微可覩。自城瞰下。模糊不辨。敵攻城屢用此術。

是日敵正修法。忽雷火下擊。妖敵震死。大雨如注。平地水深四尺。巡撫陸

應穀由睢州倍道來援。將軍託明阿都統西陵阿提督善祿亦統軍馳至。

鳳祥等遂解圍去。過朱仙鎮。下中牟。鄭州汜水鞏縣渡河而北。進圍懷慶。

○五月鑄當五當十大錢。○以軍餉緊急故也。○太平將林鳳祥等圍懷慶。知府余炳燾知縣裘寶鏞固守不下。內閣學

開封圍  
鑄當五  
當十大錢  
林鳳祥  
圍懷慶

懷慶之  
血戰  
余炳燾  
裘寶鏞

獄囚破  
地雷

草人守  
梁

炳燾鬚  
髮盡白

勝保陷  
陣殺敵  
吉文元  
死  
懷慶圍  
解

士勝保赴援。大破之。殪吉文元。林鳳祥等由鞏縣渡河。進圍懷慶。知府余炳燾知縣裘寶鏞憑城固守。鳳祥百道並進。砲聲震百里。城幾陷者屢矣。三掘地雷。城圯數十丈。裘寶鏞跌城下。半體壓磚石。呂新救之。登久之始甦。敵蜂擁入城。余炳燾血刃迎拒。且戰且築。一日東西城同陷。敵乘風縱火。守者中火仆危甚。天忽反風。敵火自燔。復轉戰。大敗去。時城中有獄囚。能破地雷。黎明見草色。伏地聽聲。卽知地穴所在。因而掘之。先後破十五架。重賞獄囚。由是城無震塌之患。相持逾月。而糧食大盡。無貴賤咸掘草蔬和粥而食。間有食地黃山藥黨蓂牛膝之屬。以藥餌代菽粟。時又大疫。死者萬餘。守梁人稀。余炳燾縛草作人狀。披以衣甲。黃昏舁立梁口。令守者輪臥而自坐城上。倦卽伏椅背。敵環攻十夜。余炳燾身不貼席者亦十夜。鬚髮盡白。會援兵至。敵攻稍懈。鳳祥立木柵與官軍相持。秋七月。大學士訥爾經額尙書恩華統諸部軍連營犄角。遙爲聲應。山東巡撫李德亦越境來援。內閣學士勝保直逼敵壘。策馬陷陣。砲丸雨注。破兜帽。燒馬鬣。而猶進戰。屢獲全勝。敵酋墜下騎。又射殺吉文元。傷林鳳祥。敵大潰。遂解圍西走。勝保復追斬千餘。詔賞余炳燾等守城之功。

**附**

懷慶孤城失守則大河南北無復堅城敵可長驅北上安危所繫甚大由且彈丸一城圍敵十餘萬留攻五十八日幾內因得嚴備余恆齋等防衛之功亦偉矣哉方敵

之初警也營卒僅三百人不能守余炳燾素得民集衆泚泣誓守城刺臂出血滴酒中呼與共飲衆感泣三日得一萬一千人誓同生死城守由是得完勝保管勇兼綜親冒矢石視死

如歸戰罷回營則輕裘綬帶綽有儒將之風

第二路北伐之師

太平將胡以冕賴漢英率師北伐入安徽破集賢關再下安慶六月入江西取九江湖口進圍南昌

胡以冕賴漢英

自林鳳祥第一路北伐之師出發後東王楊秀清更分遣豫王胡以冕等西攻皖贛以爭上游是為二路北伐之師

再下安慶

遂再下安慶府據之又令漢英及石祥貞等入江西攻九關

在今安徽懷寧縣北十八里

進圍南昌

巡撫張芾盡力拒守會湖北臬司江忠源來援敵不能勝而圍攻益力並分軍入擾江西腹地

曾國藩援贛

秋七月曾國藩遣湘軍馳援江西

湘軍出擊敵第一聲

太平軍圍南昌分兵入江西腹地江忠源飛書湖南請援國藩得書即與巡撫駱秉章議派遣湘軍馳援命羅澤南朱孫貽郭嵩燾統之以行是為湘軍出境擊敵之第一聲七月湘軍抵南昌時南昌城外敵壘惟文孝廟數座官軍屢攻不能克郭嵩燾

偶獲敵諜訊之則敵皆舟居文孝廟敵壘環三面築牆而虛其後專以翼

郭嵩燾  
言長江  
天險

林鳳祥  
入山西

下平陽  
入直隸  
陷深州  
逼天津

蔽敵舟而已。嵩燾因建議曰：東南各行省州縣多阻水，江湖一日遇風，可數百里，賊舟瞬息可達，官兵率由陸路躡之，其勢常不及。長江數千里之險，遂獨爲賊所有。且賊上犯以舟楫，而官軍以營壘禦之，求與一戰而不可得，宜賊勢之日昌也。忠源大韙之，疏請四川、湖南、北三省分造戰船，習水師，令廣東籌款鑄礮，長江水師之議自此始。

綱八月，太平將林鳳祥至山西，下平陽府，遂入直隸，陷深州，進逼天津。

林鳳祥之圍懷慶也，立木柵與官軍相持，幾歷六旬之久。秋七月，援軍大集，攻木柵破之。吉文元中礮死，鳳祥幾被擒，乃率衆潰圍，轉戰入山西，下平陽府，訥爾經額入援，爲鳳祥軍所敗。訥爾經額僅以數十人遁，鳳祥因由山西入直隸，攻深州下之，距京師僅六百里。會欽差大臣勝保尾追至，擊破之，乃走襲天津。半年之間，下城二十六，蹂躪遍四省。京師震駭，是年九月，帝命惠親王、繇愉爲奉命大將軍，科爾沁郡王、僧格林沁爲參贊大臣，會欽差勝保之師，合謀防禦。林鳳祥冬十月，鳳祥攻天津，戰不利，乃退據靜海縣，分兵屯駐獨流。在靜海縣北楊柳青。在天津縣西南等處，與官軍相持。旋因清廷實行堅壁清野法，鳳祥軍糧漸匱，援兵不至，乃謀南還。



胡以冕  
至湖北

下黃州  
漢陽  
行官票  
寶鈔

太平軍  
破廬州  
石達開  
安民設  
鄉官

綱九月太平軍將胡以冕至湖北下黃州漢陽二府。胡以冕等之分

軍而西也。破安慶。迫南昌。江忠源奮勇守城。又得湘軍之助。據守益力。以

晃圍攻九十日。不能下。乃北出湖口。今江西破九江。今江西上逼湖北。忠

源馳援九江。無及。乃自瑞昌興國。並江西進遏其衝。而以晃已先據田家

鎮之半壁山。憑高俛瞰。並以舟師乘風上駛。忠源赴水營拒戰。敵礮驟發。

清師賊潰。忠源搏戰失利。突圍走廣濟。今湖北於是太平軍水陸大進。遂

下黃州漢陽二府。北擾德安。南及興國。岳州戒嚴。

綱冬十一月。行官票寶鈔。自軍興以來。國用匱乏。夏五月。命鑄當五

當十大錢。秋八月。鑄當五十大錢。九月。更鑄當百大錢。及鉛錢鐵錢。於是

私鑄者衆。雖施以嚴刑。弗能止也。至是。更命行官票寶鈔。凡民間完納地

丁錢糧。及一切交官解部協撥等款。均准以官票寶鈔五成爲率。官票銀

一兩。抵制錢二千。寶鈔二千。抵銀一兩。與大錢制錢相輔而行。

綱十二月。太平軍破廬州。安徽巡撫江忠源死之。方胡以冕之再破

安慶也。翼王石達開入城。張榜安民。擇村里桀黠者爲鄉官。令民間獻糧

冊。按畝賦課。又於大星橋。在安立權關。截江上行舟。徵其稅。數月之後。經

江忠源  
援廬州

江忠源  
之死

吳文鎔  
援黃州

營略定而東王楊秀清更以秦日綱代達開復謀旁出由桐城以逼廬州先是安慶再破文武大吏皆僑寄廬州藉為省治太平軍轉戰向廬州時江忠源已回軍漢陽至是詔授忠源安徽巡撫且諭之曰楚皖一體可審緩急為去留忠源奉詔以廬州危急上疏請行遂率所部千人冒雨疾馳至六安今安徽屬縣將帥多病忠源亦憊甚六安吏民遮留忠源不可力疾至廬州廬州民聞忠源入城人人自壯登陴助守者近萬人而胡以晃復率步騎十餘萬踵至合圍州城數重諸道援兵悉被截阻卒以地雷裂水西門而入忠源躍起揮兵搏戰達旦知不可為引佩刀自刎不殊一卒負之去忠源怒嚙其項卒傷墜地忠源再戰被七創投水死廬州遂失時十二月十七日也先是忠源嘗過曾國藩語移時去國藩目送之曰平生未嘗見如此人必當立名天下然當以節烈死至是果然事聞照總督例賜卹予諡忠烈以援救不力奪舒興阿職授福濟為安徽巡撫與提督和春規畫廬州

綱甲寅四年春正月湖廣總督吳文鎔擊太平軍於黃州兵敗死之

當廬州之危急也太平軍據黃州湖北援師不能遽達皖而曾國藩方駐

衡州今湖南衡陽治水師議以天下大局武昌為必爭之地必先保武昌而後

崇綸  
文鎔劾

吳文鎔  
之死

武昌再  
失

岳興阿  
死

曾國藩  
大破太

可以扼金陵上游固荆襄門戶通兩廣四川運道因移書吳文鎔謂當以堅守省會爲主俟水師成乃可言剿文鎔故國藩座師頗倚重之報書亦戒以無輕赴敵必俟成軍乃行及廬州破忠源死鄂撫崇綸忽劾文鎔閉門株守有旨詰責文鎔明知武昌重要不可輕離職守然迫於朝命不得已乃赴黃州督師師至堵城距府治可二十里會上元夜太平軍張鎧高會文鎔偵知謂有機可乘急出兵擊之而軍士以大雪之故僵斃相屬反爲太平軍所乘十六日太平軍出城前後夾擊官兵大潰文鎔下馬向北痛哭曰無以對聖恩遂死亂軍中湖北郡縣多爲太平軍所下文鎔性方嚴遇事能持正與林則徐並負天下望爲同官所整卒齎志以終

夏六月太平軍攻武昌布政使岳興阿按察使曹懋堅死之

春正

月太平軍既擊敗官軍於黃州總督吳文鎔戰死二月進攻德安府敗報至京師朝廷立命台湧爲湖廣總督駐兵隨州令巡撫青馨守武昌至是太平軍復下武昌布政司岳興阿等死之巡撫青馨棄城遁走長沙詔逮青馨正法革總督台湧職以楊需代之

秋八月侍郎曾國藩會師大破太平軍復武昌漢陽並復黃州

先

平軍

長江水師之始

黃冕觀戰船

褚汝航載福彭玉齡

塔齊布復湘潭

是國藩治團練於長沙。陸軍五千人，分左右前後中正副各五營，共爲十營。營各五百人，一以明戚繼光兵法爲訓練，軍容甚盛。已而國藩默察敵入長江，非水師無以制其死命。復與郭嵩燾、江忠源等建三省會勦議，請練水師以抗上游。時承平日久，人不知兵。水師尤屬創舉，衆相顧愕眙。國藩移住衡州，銳意規畫，設衡州湘潭兩局，剏造礮船。南中匠卒不知辦此國藩研精覃思，博采衆議，稍仿廣東拖罟快蟹長龍之式，增置槳座，遂成大小戰艦二百四十艘。旣成軍，邀長沙黃冕觀之。冕言：每營須添舢板十號，國藩大韙之。卽日改定營制，亦分左右前後中正副各五營，共爲十營。是爲長沙水師之始。水師旣興，水陸共萬餘人。水軍五千，以褚汝航、楊載福、彭玉麟等領之。陸軍五千，以塔齊布、羅澤南等領之。藩自爲統領。四年正月，太平軍犯湖北，鄂督吳文鎔戰死。六月，武昌再失，國藩督水陸師東出援鄂。然水師初出湖，遇大風，損數十艘。陸師至岳州，前隊潰退，引還長沙。太平軍進攻湘潭，國藩自靖江邀擊，又不利。全軍大挫，國藩憤自投水。左右援救得不溺，已而陸軍塔齊布破敵湘潭。水軍楊載福率舟師助之。八日之間，十戰十勝，遂復湘潭。七月，復岳州。會師金口，聚諸將謀取武昌。

羅澤南  
議攻武  
昌

國藩克  
復武漢  
黃州

曾國藩  
大破田  
家鎮

陳玉成

江鐵索橫

之策羅澤南曰武昌附近之洪山花園兩路皆賊重兵所在花園瀕江環城尤賊勢所注賊壘九座願與塔將軍分任之洪山花園兩路破武昌無自固之勢國藩從之因率水師中流直下盡燬鹽關漢關鮎魚套敵舟而令澤南攻花園塔齊布攻洪山在武昌縣東十五里國藩親自策應無何花園路下九壘皆克並克洪山進薄武昌城敵見勢盛宵遁遂復武昌漢陽二城並拔黃州

綱十月曾國藩大破太平英王陳玉成於田家鎮進兵圍九江 曾國藩恢復武漢後水師銳甚欲一舉而覆太平軍之根據地乃舍武昌乘勝東下命楊載福等破敵於蘄州塔齊布克大冶羅澤南克興國州國藩自赴田家鎮此地為張亮基江忠源戰敗之地當揚子江之北諸山峻立江南有大山名半壁山三面斗絕下有富池口江水南趨繞山東折故舟行由田家鎮以避急湍先是咸豐三年官兵失半壁山太平英王陳玉成於該地設堅固之要砦北面由田家鎮起至蘄州約四十里之間築壘長江沿岸以鐵索橫江由半壁山以連田家鎮屯兵十萬以守之以遏湘軍東下之師其主將即英王陳玉成也玉成聞國藩東下防禦益嚴即由江面

羅澤南  
破半壁山

彭楊議  
斷鐵鎖  
劉國斌  
孫昌凱

田家鎮  
破

水師內  
外隔絕

橫過之鉄索連繫以舟更作大筏上列鉅礮以礮艦守之其下流有五六千船舶皆捉商船以運輸糧食者十月國藩命羅澤南攻半壁山大破之由崖縋下斫斷江鎖一節翌日鉄鎖復續國藩曰我水軍爲蘄州敵人所牽制蘄寇與舟師相犄角宜分舟師衝其下流至半壁山與陸軍合則破敵必矣卽命彭玉麟楊載福順流而下敵軍由岸上發礮彭楊冒彈前進蘄州敵船果乘風遁走田家鎮彭楊乃入陸師塔齊布營聚議合攻以截斷江中鉄鎖爲目的時彭玉麟先備鑪鞴椎斧剪之屬使劉國斌孫昌凱領之昌凱本鉄工習鍛冶術使專斷鉄鎖玉麟戒之曰發礮勿仰視直趨彼筏上予親與公等防禦敵舟國斌近筏斬鎖下之鉗鉗落筏離昌凱鼓鑪冶鉄鎖鎖斷纜開筏上敵軍潰走溺水死者甚衆楊載福率三隊衝入突趨下流進至武穴回船擲火燒之玉麟至上流合攻會東風大起楊乘風彭乘流大敗敵軍幾盡殲其衆翊旦田家鎮遂破陳玉成遁走水師順流東下直至九江前鋒陸軍羅澤南已至湖口而水師一隊誤入鄱陽湖爲敵軍所遏封鎖湖內不得出由是內湖外江水師隔絕國藩在外江合水陸諸軍攻九江城城堅不可拔而外江戰船無小艇敵乘舢舨夜襲國

藩營擲火燒數十百艘。文卷蕩然。水師大潰。國藩急棹小舟。走入羅澤南軍。始免。憤欲自刎。澤南力勸慰。乃止。上疏自劾。留其殘軍屯駐湖口。於是

湘軍一挫。

湘軍一挫  
吉爾杭  
阿復上  
海

乙卯五年春正月。江蘇巡撫吉爾杭阿復上海。時太平將劉麗川

據上海縣城。與英領事溫那治交涉。允據陳木橋。以通軍火。巡撫吉爾杭

阿憂之。謀諸各國。法國提督辣呢爾許助戰守。至是會同進兵。敵戰敗。上

海以復。法人遂假助守之名。火東門外。附郭民居悉盡。政府以法有助戰

功。置不問。

僧格林  
破連

科爾沁郡王僧格林沁大破太平軍於連鎮。擒林鳳祥斬之。初鳳

祥之據靜海也。與官軍連戰連敗。退至連鎮。在今直隸吳橋縣北科爾沁郡王僧格林

沁檄諸將會攻。眾凡三萬人。鳳祥計眾寡不敵。以死士三百餘騎乘礮煙

突入中軍。蹂躪八面。會鳳祥馬中彈斃。清兵蝟集縛之。鳳祥見諸將謾罵

曰。我為天下倡義。死何惜。惟憾與豎子鏖兵耳。遂見殺。東華錄稱林鳳祥藏匿地洞泥污中被獲。與此

大異。然官書不可盡信。

僧格林  
復高  
唐州

二月僧格林沁復高唐州。尋破太平軍於馮官屯。擒李開芳斬之。河北

決黃河  
灌敵軍

李開芳  
之死

平。國初鳳祥之敗走連鎮也。衆尙數萬。卽分其馬步隊。使據高唐州。命李開芳主之。未幾清軍大至。鳳祥在連鎮。僧格林沁圍之。開芳在高唐。勝保圍之。開芳年少而膽豪。所部皆百戰精銳。勝保攻之不能克。及鳳祥被擒。僧格林沁移戰勝之師。會勝保進復高唐州。開芳退走。馮官屯。屯距高唐四十五里。距荏平十八里。中多豪富。壁壘深厚。防禦極嚴。僧格林沁決黃河水灌之。敵軍盡淹沒。開芳勢蹙。乞降。僧格林沁勒令先繳軍械。然後納降。軍械既繳畢。隨有一隊人。高張紅傘而至。則李開芳也。僧格林沁傳令進見。李冠黃綢繡花帽。身衣白綢短襖。紅褲紅鞋。年約三十二三。有童子二人。衣紅色繡花衣褲。履紅鞋。年約十六七。美好如女子。各持扇左右揮。從開芳入。至帳前。開芳微屈一膝。卽盤膝坐地。兩童子東西侍。時左右持刀環立。怒目視之。而開芳及二童子仰首四顧。略無懼色。惟曰。果赦予。當至金陵。說諸將降。因求飯。遂大嚼。笑語如恆。一軍皆驚。僧格林沁知不可屈。命解送京師。磔殺之。自是太平軍之在黃河以北者。悉被破滅。詔僧格林沁進封親王。世襲罔替。

附記

林鳳祥李開芳皆太平軍中之虎將也。其敗也在分兵各守。向使全股突圍。南返清軍。豈能遏阻。然李林志在北京。同南實非所願。故始終堅守。以待援師。初不料臨清。



數萬之衆。脆薄如是一舉而盡殲也。力竭受擒。磨志以受。亦可哀已。然林李未路。皆辱罵官。更慷慨就死。非如官書所載之宛言乞降也。林之擒以馬蹶。李之擒以中伏。見於日人所著

之支那近世亂志中。則當日。官書紀載之失實。概可知矣。

武昌復失

綱三月武昌復失。巡撫陶恩培死之。以胡林翼爲湖北巡撫。率兵往援。

目先是曾國藩率湘軍復武漢。敗太平悍將陳玉成。

即號四眼狗者。

之兵乘勝東

水師分內湖外江

下攻九江。誤入鄱陽湖。爲敵將石達開所遏。封鎖湖內。不得出。於是水師有內湖外江之分。而石達開更分軍窺湖北。至廣濟。總督楊需敗走蘄水。太平軍遂復下漢口。入襄河。攻武昌。下之。至是武昌凡三失。巡撫陶恩培

陶恩培戰死

戰死。詔以胡林翼爲湖北巡撫。率師往援。林翼湖南益陽人。以翰林改官。

官胡之抵牾

初自湖北通城援武昌。累升湖北布政使。至是升署巡撫。卽與羅澤南聚軍武漢。力圖進取。無何。朝命褫楊需職。以官文爲湖廣總督。使赴襄陽督師。凡上游荆宜襄鄖諸郡兵事。饒事悉主之。而令胡林翼駐軍金口。進規武昌。凡下游武漢黃德諸郡兵事。饒事悉主之。督撫相隔遠。往往以徵兵

調饒。互有違言。僚吏意嚮顯分彼此。牴牾益甚。已而林翼渡江。與官文相

見。下令僚屬曰。督撫相見。前事冰釋。敢再言北岸將吏長短者。以造言論

罪。官文聞之大驩。約爲兄弟。自是軍政吏治。林翼專主之。官文畫諾仰成。

官胡之和解

而已

張洛行  
為亂  
起捻亂之

捻與太  
平軍勾  
結

袁甲三  
剿捻

廬州府  
克復

○秋七月，捻首張洛行據雒河集為亂。方太平軍之竊據江南也。同

時，捻子匪亦起於淮北。捻亂之起，始於康熙間。嘉慶時已嚴禁之，然不能

絕。咸豐二年，洪秀全既得江寧，穎壽蒙亳安徽西北部各捻遂乘機鵠起，不飢

寒而抗征稅，父子兄弟相率劫盜，或數百人為一捻，或數千人為一捻，脅

從剽略，眾至數萬，縱橫江皖楚豫間。江北若淮、徐、海、安徽，若穎、亳、壽、河南

若汝、光、南、山、東，若沂、兗、曹、濟、湖北，若襄、棗、鍾、隨，以各省論，皆屬邊界，易於

竄匿，以全部論，則居天下之中，患在心腹。既與太平軍相勾結，為患滋益

甚。其首領張洛行以蒙城雒河集為老巢，受太平封號，分其眾為五旗，馳

突徐宿曹歸一帶，與太平相犄角。時袁甲三為安徽巡撫，治軍穎、亳，擊敗

洛行於雒河集，頗有斬獲。洛行等散走桐城，開歸汝、寧、信、陽，勢頗渙散。及

本年正月，甲三以事獲罪去職，提督武隆額將兵屯亳州。總江蘇、河南、安

徽三省戰守事宜。於是張洛行復起蒙、亳，犯歸、德，詔以河南巡撫英桂代

統武隆額軍。自是捻眾分掠，馳逐徐宿曹歸一帶，防軍夾屯，莫之能禦。

○冬十月，安徽巡撫福濟提督和春復廬州府。先是福濟和春等率

李鴻章  
初出

羅澤南  
之死

東南大  
勢在武  
昌

澤南遺  
恨

師援廬州駐廬數月久不得要領翰林院編修李鴻章字少荃安徽合肥人方在籍贊

福濟軍事因建議以重兵扼東北路別遣將督團練巡郡邑以為聲援于

是福濟授鴻章兵攻含山克之鴻章自是始有知兵名時石達開守安慶

聞湘軍急攻九江提兵往援分黨犯上游無兼顧皖北之暇和春福濟駐

軍廬州城外三里岡大小數百戰皆捷遂克之八年七月太平軍復陷廬州詔福濟職來京以李孟羣巡撫安徽

綱丙辰六年春三月布政使羅澤南破太平軍於武昌中礮死之 目太

平軍既三下武昌漢陽上下復入太平軍範圍是年八月塔齊布攻九江

卒於軍國藩躬至九江撫定其衆然水師之在內湖者內外隔絕形勢渙

散羅澤南自義寧遺書國藩曰東南大勢在武昌得武昌乃可控制江皖

願率所部回援武昌取建瓴之勢國藩從之澤南遂回軍與胡林翼共攻

武昌大小百數十戰占領洪山敵勢頗挫六年三月敵援軍至澤南薄武

昌城下會大霧敵軍突出衝澤南軍澤南三退三進軍幾潰而所部皆鄉

子弟不忍相棄澤南左額中彈血霑衣猶踞坐指揮歸而創劇瀕死握林

翼手曰武漢未克江西復危不能兩顧死何足惜恨事未了耳其與迪庵

好為之迪庵李續賓字也語畢而瞑事聞命照巡撫例優卹予諡忠節澤

南遺恨

會國藩  
困南昌

南既卒武昌圍解敵軍復由崇通入江西而江西之八府一州五十餘縣相繼俱失國藩困南昌幾瀕於危

**附記**

澤南湖南湘鄉人質樸深沈講學宗程朱而通知軍務期見諸施行在軍殺然以滅敵自任前後克城二十大小二百餘戰其臨陣以堅忍勝如其為學或問制敵之道

曰他觀大學知止數語盡之矣左氏再衰三竭之言其注脚也此其所以能以書生摧強敵率生徒數千人轉戰大江南北湘勇之名大震也清初所用皆八旗及東三省兵各直省

綠旗兵嘉慶初平定川楚教匪始以鄉勇輔兵之不足然十裁二三耳太平軍起而楚勇湘勇名天下營兵反為世詬病此兵制之一變也而楚勇自江忠源始湘勇則自羅澤南始所

部將弁牛鵬子弟先後死節者有謝邦翰羅鎮南易良幹羅信東鍾近衡近濂等而王珍李續賓續宜蔣益澧劉騰鴻尤以名將聞

江南大營失

夏五月江南大營失秋七月欽差大臣向榮卒於軍 自江寧揚州

失守後向榮尾追至南京結營孝陵衛號江南大營琦善進兵至揚州結

營城外號江北大營顧自嘉道以來旗綠各營暮氣已達極點太平軍雖

受南北兩大營之攻擊曾不能阻其侵略之雄圖琦善圍攻揚州幾一年

僅得一空城致太平軍全師北上騷擾津深詔奪琦善職令留營自效未

幾琦善以疾卒於軍詔將軍托明阿代之揚州復失江北大營遂失其根

據是時江南營聲威遠出北營上然江寧城大而堅非旦夕可破向榮頓

兵堅城不時分兵援勦寧國溧水屢經抽撥兵力過單以故攻戰頻年亦

無成效及高資之役軍事遂敗先是江蘇巡撫吉爾杭阿以重兵爭高資

琦善卒

高資之役

李陳石  
三面夾擊

向榮卒

太平軍  
內訌

欲斷秀全餉道。秀全命忠王李秀成往援。吉爾杭阿力戰陣亡。照總督例賜卹。予諡勇烈。

向榮急遣提督張國樑馳救。已不及。秀清議乘其虛。分兩軍突攻江南大

營。一軍自鎮江攻其東。李秀成主之。一軍自江寧攻其西。陳玉成主之。兩

軍合攻。向榮以兵力單弱。不能禦。檄張國樑回兵救援。而石達開兵適至。

三面夾擊。肉薄奪營。俄而營中火起。全軍大潰。國樑力戰突圍。翼榮出。榮

已病甚。遂收集散卒。由淳化走丹陽。太平軍遂盡奪朝陽門外六十餘壘。

復分道進迫。破營壘以百計。於是數年以來力扼咽喉。屏蔽蘇松一帶之

主軍。一朝瓦解。榮晝夜憂憤。疾益篤。秋七月。知不能起。遂以軍事付國樑。

躡身疾呼而卒。全軍震悼。向榮既卒。太平諸王聞之。開宴酌酒相慶。賀。噩

耗至京。詔賜諡忠武。以江南提督和春為欽差大臣。代領其軍。此為江南大營首次失陷。

綱八月。太平天王殺東王楊秀清。及北王韋昌輝。翼王石達開奔安慶。

目當江南大營第一次失陷時。江寧之圍解。太平之內亂起矣。先是洪秀

全之起而革命也。雖藉端基督敎。然仍不脫中國帝王思想。其部下亦各

懷異志。當其破永安。稱天王也。令羣下皆呼萬歲。而以九千歲呼楊秀清。

八千歲呼蕭朝貴。七千歲呼馮雲山。六千歲呼韋昌輝。五千歲呼石達開。

秀清特  
功而驕

密召昌  
輝達開  
誅秀清

昌輝刺  
殺秀清

達開夜  
遁秀全  
昌輝誅

達開歸

及南京定鼎。秀清自恃功高，專威柄，視秀全爲贅疣，頗有取而代之意。會江南大營破，向榮死，太平諸將開宴相慶，賀秀清令羣下皆呼以萬歲。秀全不悅，目視秀清曰：「弟將何以處我？」秀清曰：「弟爲萬歲，兄爲萬萬歲。」秀全終不釋其黨賴漢英，尤不能平。因助秀全密召北王韋昌輝、翼王石達開，令共圖秀清。達開仗爽，素不直秀清所爲。昌輝前自皖南敗歸，秀清不納，奪門而後入，故憾之尤深。時昌輝督師在皖，達開分略江楚之間。昌輝受密詔先至，秀清招之飲。昌輝擲盃發兵刺殺之，烹食其肉，盡殺其黨羽二千餘人。而各室其室。達開後至，責昌輝曰：「秀清可殺，其屬何罪？」不太酷耶。昌輝怒，將並殺達開。達開嘆曰：「一山不能容二虎，况豺狼狐鼠同居哉！我不忍自相殘殺，使人以草寇笑我也。」遂率所部乘夜縋城遁。母子妻女悉被昌輝所殺。秀全大懼，密與秀清餘黨謀族誅昌輝。閉城二十餘日，屠戮至三萬餘人。城中大亂，時距大營之失僅二閱月。向使向榮不死，蹈瑕抵隙，洪氏之滅亡久矣。乃向榮死而亂斯作，亦幸矣哉。秀全既殺昌輝，卽以昌輝之首傳示達開於寧國。達開乃歸江寧輔政，而秀全又忌之。專任其私人安福、兩王安王、洪仁發、福王、洪仁達、秀全之長次兩兄也。頗與達

達開再出

達開之死

太平軍敗亡之因

文慶卒重用漢人

開意志不合達開因出避安慶不復歸其後自率所部由安慶而轉掠江西攻湖北取湖南復歸廣西分攻廣東滇黔更由滇黔入蜀欲藉上游以取建瓴之勢至同治二年受土司紿陷於絕地輾轉山谷間不能出乃爲川督駱秉章所禽斬其所爲詩文至今猶傳誦人口云方石達開之去也初起諸王誅殺已略盡秀全所恃者惟陳玉成李秀成二人而已其所據城邑亦惟江寧安慶爲最重要其後玉成戰江北由皖謀鄂秀成戰江南由蘇謀浙然兵亂既久地方受毒甚深軍隊所至裹脅焚掠甚於豺虎於是人心乃大恨怒加以所奉之教與中國古禮及習俗均不相容士大夫之秀傑者咸不謂然故其勢雖震動一時而根本不固卽旅華西人亦多厭惡之迨胡曾李左諸將崛起而太平之基業乃日蹙矣

**附記**

李密殺翟讓爲其逼也卒以此失士心大業不就况乎同舉義旗誼均一體中道操戈已足遺笑天下又况株連黨羽殃及無辜屠戮至三萬餘人豪傑暗此當尙有不

寒心解體者哉自此次內亂後不兩月而武漢繼失軍後降清洪氏之大事去矣洪自起義以來其大將無一人背叛者因楊韋死而倒戈者乃不絕禍敗自取其又奚尤彼洪楊韋三人皆不足惜所可惜者石達開耳達開以落落人豪乃與豺狼共事致不得展其偉抱以死哀哉

冬十一月大學士文慶卒 **目** 文慶以咸豐初年入相嘗言欲辦天下

大事當重用漢人彼皆來自田間知民疾苦熟諳情偽豈若吾儕未出國

文慶時  
藩護會國

復武漢

太平軍  
遁走

澤南遺  
謀

武昌克  
復

門一步嘗然于大計者乎平時建白常密請破除滿漢藩籬不拘資地以用人曾國藩以鄉兵破敵首輔祁寯藻嘗于帝前短之文慶時時左右國藩謂國藩負時望能殺賊終當建非常之功後卒如其言至是卒予諡文端

湖廣總督官文湖北巡撫胡林翼復武昌漢陽 自羅澤南攻武昌

戰死後朝廷即命湖廣總督官文攻漢陽湖北巡撫胡林翼攻武昌時武昌圍久不下戰歿水陸軍士至三千人以上將弁六百名以上而城內亦

以糧乏不可守太平軍各開城東走武昌漢陽遂同日克復已而黃州興國蘄州蕪水廣濟等處亦皆相繼收復蓋至是而羅澤南未竟之志由林

翼官文起而續成矣先是澤南嘗獻計於曾國藩曰武漢東南之樞紐也形勢百倍於九江今欲制九江死命非先復武漢不可故於五年十一月

先占領武昌西南之洪山屯及澤南戰死門人李續賓代領其衆至是林翼遂與續賓合攻武昌克之敵軍遁走林翼既又命續賓乘勝東下收復

九江左右地 當林翼之既復武昌也既入城免附近四十六州縣之租稅而復牙帖稅及鹽稅釐金一以補充軍費一以休養生靈其呈奏朝廷有曰自古用兵以荆襄為

南北之關鍵而武漢其咽喉也武漢有警鄂疆震驚南服均阻無控制之術昔周室征淮先出武漢管武平吳豫謀荆襄據扼長江惟鄂為要今也四年之中三陷武昌四陷漢陽夫善門者必審



林翼保  
障武漢

晉封懿  
妃

妃生穆  
宗稱西  
太后  
恆春自  
殺

吳振械  
平回亂

南  
擒走河

其勢今於武漢設立重鎮則水陸東征之師武漢特為根本大營有據險之勢軍士無  
反顧之虞軍器糧餉之供給不絕傷卒病兵之休養得所平吳之策必在保鄂明矣 林翼既

賡續澤南之志力保武漢故於地方民政尤加意經營總督官文亦頗從  
林翼之言大小事悉以委之故湖北之屹然為中興重鎮實自林翼之保  
障武漢始

綱丁巳七年春正月晉封懿妃葉赫那拉氏為懿貴妃 日懿妃葉赫那

拉氏寧國知府惠徵之女也初惠徵歿於安徽寧國府 宣安徽  
任時妃年

僅三齡嘗流寓於廣東某豪富家後隨其母入京依其戚穆揚阿以居提

挈子女得以長成後穆揚阿之女入宮為貴妃妃年十七亦被選入宮至

是進封懿貴妃後生穆宗及穆宗立尊為皇太后垂簾聽政垂數十年即

當世所稱之西太后也

綱夏六月雲貴總督恆春自殺以吳振械為雲貴總督王慶雲為四川總

督 日時雲南回民肆擾逼近省城恆春以堵截計窮事處危急與其妻

在署自殺詔以吳振械為雲貴總督王慶雲為四川總督振械至雲南旋

討平之

綱冬十月擒匪入河南陷南陽府知縣施作霖死之 日時擒走河南圍

捻勢之橫

張國樑復鎮江

英法陷廣州

葉名琛督兩廣

固始命署河北鎮總兵勝保助勦而邳邳盜復起亳捻與袁甲三相持南延霍邱壽州西北掠舞陽及葉內鄉捻復犯宜陽嵩縣英桂赴禹密河南烽火相望太平軍乘之結合捻黨分擾廬巢勝保甲三會師正陽關議以勝保北屯潁州遏歸德陝西軍防武關而捻入商南施作霖督勇練迎擊力戰而死于是霍山和滁東西幾二千里皆蹂于捻其游騎遂擾及直隸之大名府等地京師戒嚴

十一月提督張國樑大破太平軍復鎮江瓜洲先是六年八月張國樑擊破丹陽城外諸敵壘將進攻句容督帥和春遣總兵傅振邦攻溧水敵出大隊守烏山築壘爲援至是年二月振邦等大破烏山援敵遂以五月克溧水國樑以閏五月克句容九十月間國樑連克敵壘十餘沉敵艦六十餘艘進薄鎮江至是克之而德興阿亦以同日復瓜洲

十二月英法同盟軍陷廣州當太平軍及捻亂正熾時而英法同盟軍之役又起先是兩廣總督徐廣縉與英港督文翰改訂廣州通商條約嚴禁英人入城下詔封褒未幾廣縉去粵朝命以葉名琛代爲兩廣總督同時英政府亦以包冷代文翰爲港督包冷性剛而愎既爲港督復請

名琛與  
督齟齬

亞羅船

巴夏禮  
借端起釁

巴夏禮  
蓄謀

入城名琛峻拒之名琛慷慨喜自負常以雪大恥尊國體爲言凡遇交涉事馭外人尤嚴每接文書輒略書數字答之或竟不答顧其術止於此既不屑講交鄰之道與通商諸國聯絡感情又未嘗默審諸國之虛實強弱而謀所以應付之方一切以嚴峻爲主以是與港督包冷積不相能無何英政府以巴夏禮任廣東領事巴夏禮尤負氣好爭小節與名琛爭入城不得且憤名琛無狀日夜練兵士思構畔顧以師出無名爲嫌會有亞羅船自外海入粵河桅張英旗而所載皆華民巡河水師千總見之疑爲奸民託英籍自護者遽登艇大索拔其旗投甲板上執舟子十三人械繫入省以獲匪報聞於是釁端以起亞羅船者實爲華人所有而船主則英人也西洋通例以下旗爲大辱亞羅船船主以船內華人既爲水師所捕又拔其旗遂大怒訴諸英領巴夏禮巴夏禮以爲有隙可乘卽移文詰責名琛謂案和約拿匪當移取不當擅執毀旗尤非禮且華民在英舟爲傭實無罪要求交還所捕十三人名琛謂此小事不足較隨遣一微員送十三人者於領事館而巴夏禮已與港督包冷及海軍中將密謀欲乘機翻文翰前約求入城遂嚴拒不受必責名琛具狀謝罪名琛大怒命繫十三人

名琛  
設備不

英軍陷  
廣州

粵民暴  
動啓釁

英法同  
盟

類爾金  
與葉名  
琛之交  
涉

於獄顧不爲戰備。巴夏禮乃遣使來告，謂越日中不如約，卽攻城。名琛復不省。越二日，名琛方在校武場閱武。聞馬箭忽聞礮聲從東來，吏報英兵艦進奪臘，得中流礮臺。名琛曰：烏有是！日昃彼自走耳。令粵河水師偃旗勿與戰。英軍大進，遂礮擊廣州省城。陷之分五路入城，縱火焚衙署。此六年冬十月事也。然英軍以此舉未奉政府命令，又兵少得城不能守，故不久復退歸軍艦。而粵民見英軍退，爭起暴動，縱火焚洋樓，亦不辨何國。凡美法英各商館一切摧燒之。於是英人知釁端已成，且以法美商館被燬，必怒與合縱，遂馳書本國政府，請增兵決戰。英廷徧告俄法美諸國，說以合縱利，請共遣使會北京。俄美政府初無意與中國宣戰，惟各簡使臣求改定商約。而法帝拿破崙第三好遠略，以廣西傳教之牧師被害，求償未得爲口實，決意與英國連盟。自是英法同盟之局成。粵事乃益棘。未幾英使額爾金率艦隊抵香港，貽書名琛，略言償商民損失，重立約章。則兩國和好如初。否則兵戎相見，無貽後悔。名琛謂其語狂悖，置不覆。法美領事亦以燬屋失財，移文責償。且言英已決意攻城，願居間排解。名琛謂彼皆比周以脅我，遂不聽。顧亦不設備。粵民揚言英使果至，當羣起擊之。額

最後之  
哀的美  
敦書

廣州復  
陷

名琛被  
虜

恢復江  
南大營

九江克  
復

林啓榮  
堅守

爾金留香港月餘不得要領而法使噶羅美使特利俄使布恬廷先後至英法同盟軍遂迫廣州咸豐七年十二月九日貽名琛最後之哀的美敦書限期答覆至期名琛仍不覆遂以十二日遣兵六千登陸十三日據海珠礮臺併力擊省城十四日復陷廣州名琛走匿左都統署同盟軍大索得之挾以登舟從者以手指河勸之赴水名琛瞠目不語事聞褫名琛職以侍郎黃宗漢代之名琛被虜至香港後又被挾至印度之孟加臘幽之於鎮海樓上日誦呂祖經不輟年餘病死時人惡其辱國辱身也爲之語曰不戰不和守不死不降不走相臣度量疆臣抱負古之所無今之罕有

綱戊午八年春二月欽差大臣和春提督張國樑進圍金陵大破太平軍恢復江南大營 目和春張國樑既克秣陵關復破敵於七甕橋雨花臺等處遂進偪江寧城而軍恢復江南大營

綱夏四月布政使李續賓總兵彭玉麟復九江府城 目九江圍攻年餘

不下太平守將貞天侯林啓榮等皆堅忍能軍啓榮據九江已十年被官軍圍食罄嬰城種麥自給隧道火藥發城崩輒堵合之及武漢既復胡林

火攻破城

磔林啓榮屍

起復曾國藩

憂國藩丁

湘軍水師名天下

翼由湖北進攻江西破湖口敵軍摧其羽翼得專力九江敵軍百計死守官軍環攻穿城敵以火器力拒先登將士多死傷官文爲書獎勵將士皆感泣思奮李續賓彭玉麟率十六軍水陸進攻發地雷磚石飛翻城崩百餘丈諸軍奮登聲動天地敵死者一萬七千人無一降者積尸填巷流血成渠林啓榮自刎死詔磔林啓榮李興隆之屍未幾楚軍亦破麻城殺敵五千人

綱起復侍郎曾國藩辦理浙江軍務 自四年十月湘軍水師誤入鄱陽湖曾國藩被困江西後至六年十一月胡林翼克復武昌遣李續賓回援江西國藩弟國華亦先乞師林翼國荃又募吉字軍同赴江西會師九江李續賓八千人軍城東楊載福戰船四百艘泊江兩岸都興阿馬隊鮑超步隊軍小池口水陸數萬人軍容整肅國藩自南昌迎勞望見大悅七年二月國藩丁父憂回籍胡林翼督師由湖北進圍九江破湖口敵軍內湖水師與外江隔絕者垂四年始復聯合彭玉麟楊載福乘勝轉鬥拔彭澤望江東流揚帆過安慶克銅陵荻港與江南水師通於是湘軍水師名天下至是李續賓彭玉麟等既克九江江西敵軍轉犯閩浙因詔起復國

藩辦理浙江軍務

○與俄羅斯訂愛瑯條約割黑龍江北岸地與俄

○俄羅斯於尼布楚

國藩理  
浙江軍

約愛瑯  
瑯瑯條

俄欲得  
東方海

俄探黑  
龍江

俄國偷  
認屬地

條約失敗之後其極東經營仍次第進行蓋自尼布楚條約劃定疆界以來俄屬之西伯利亞東向無通航海口俄人深以爲不便俄皇大彼得嘗言必奪取黑龍江嗣是俄之諸帝無一不以黑龍江流域爲其經營之目的女帝加他鄰在位時尤注意焉康熙末年既以堪察加半島爲其領土乾隆以後則輸送罪人於西伯利亞以謀開發道光二十年俄布尼古拉時有軍官慕勒福者探險黑龍江勘察東海口一帶所至厚賂土族更建烏屯營於韃靼海峽置兵殖民清人不之知也咸豐初英法二國與俄開衅兵艦嘗出入此沿岸以襲擊俄人歐戰既平俄人經營殘破益務侵略更遣海軍官巡察黑龍江窺我無戍兵遂自黑龍江至朝鮮界沿岸及近旁島嶼悉建俄旗認爲屬地咸豐三年太平軍事方棘俄人復乘間移文中政府略謂自黑龍江格爾必齊河上流以達於海未設界標卽爲未定區域應重定界約政府未有以應四年俄人發艦隊順黑龍江而下通過愛瑯黑龍江官吏止之不得五年黑龍江將軍奕山與俄西伯利亞總督

奕山與  
俄督會  
議未就

重起會  
議

伯羅之  
恫嚇

清使屈  
服

大國界  
變

慕勒福會議界務。俄欲以黑龍江及烏蘇里江爲界。不諧而罷。次年俄又遣海軍將普查欽以全權至天津。再申前議。亦不就。至咸豐八年。俄又移住其人民於烏蘇里河口。於是奕山承政府之命。與慕勒福會議於愛璉。當會議之初。兩國使臣頗極懽洽。及至國境問題。則雙方之主張均極強硬。無轉圜餘地。慕勒福見事久不決。乃稱疾。使其翻譯官伯羅代已與會。伯羅氏之言曰。清俄兩國世結盟好。今幸不以兵戎相見。全在俄皇之寬容。能讓而清國堅以康熙間之尼布楚條約爲辭。抑何其無理由之甚也。尼布楚條約成於脅迫。當時清國逞其兵威。逼我使臣爲此。斷不可以有效論。前此清廷屢破盟好。蔑視條約。阻我大使。焚我商館。苛征厚斂。及於領土之外。綜其暴厲。不勝屈指。均指乾隆朝五市關照事件今又執無效之約以相繩。吾俄胡能忍受。事之行否。請速決。即使興戎。吾俄亦不辭也。伯羅氏此言。理不直而氣盛。竟使清使爲之屈服。遂相與訂約三條。舉黑龍江北岸地悉讓於俄。於是康熙舊界自格爾必齊河。循大興安嶺。以至於海者。爲之一大變。而雍正五年約定烏特河爲兩國中立地者。更無論矣。是爲愛璉條約。





愛輝條約凡三條第一條黑龍江松花江左岸由額爾古納河至松花江海口作爲俄國所屬之地由烏蘇里河往

彼至海所有之地此地如同接連兩國交界明定之間地方作爲兩國共管之地其黑龍江

松花江烏蘇里河此後只准中國俄國行船各外國船隻不准由此江河行走黑龍江左岸

由精奇里以南至鬱爾莫勒津屯原住之滿俄人等(在今愛輝對江清光緒時庚子之役

被俄人驅迫入江者即此屯田之人)照舊准其各在所住屯中永遠居住仍着清國大臣

官員管理與俄國所屬之人令其不得侵犯第二條兩國所屬之人互相和好烏蘇里河黑龍

江松花江居住兩國所屬之人令其不得侵犯第二條兩國所屬之人互相和好烏蘇里河黑龍

三條中俄會同議定之條永遠遵行勿替兩國畫押互交照依此文繕寫曉諭兩國界上

等(按此約第一條原文一則曰黑龍江松花江左岸滿蒙俄文均但言黑龍江

不兼言松花江再則曰松花江海口滿蒙文俄文英文亦無有松花江字至下文黑龍

江松花江烏蘇里河三水並稱敘行船一事滿蒙文俄文英文亦無有松花江字是換約龍

時既允其以在外黑龍江爲界又允其於在內之松花江行船顯分兩事不相牽涉故後來

歷次辯論欲挽回松花江行船迄不能得未敘旗屯又是一事然亦僅以虛名予我而已

**英法同盟軍至天津陷大沽礮臺五月天津條約成同盟軍退** **自**

廣州失陷名琛被虜英法兩國欲乘勝迫脅中政府改換約章酌給償金  
增開商埠而俄美等國亦欲乘間增改通商條約於是四國使臣協議各  
遺書中國首相申明要求各條件並各率艦隊會集上海以待命是時清  
廷以宰相無與聞外交例令各就疆吏議之四國不以爲然於是各率艦  
隊由上海發天津雲集白河口投書直隸總督譚廷襄仍請轉達首相廷  
襄以聞詔戶部侍郎崇綸內閣學士烏爾棍泰往會同廷襄議欵英人謂  
其非首相不足當全權任辭不見天津去海口二百餘里大沽口設有礮

英法天  
津條約

英法俄  
美迫脅  
率艦集  
天津

領港之失計

大沽陷

重要四款

條約成  
立俄美  
援例

貽患無窮

俄國天津條約

臺為天津門戶港外有積沙一道海舶至此往往淺擱不能行當四國投遞照會時廷襄遣武弁駕小舟導之行遂無阻滯英人乘此數以小汽船及舢板探水以方議欸不之禁亦不設備至是英法同盟軍突駕小輪船數十闖入大沽口內官兵開砲擊之不能克礮臺陷京師戒嚴乃派大學士桂良吏部尙書花沙納赴天津議欸英人持其所定新例凡五十六條要以畫押允行其最重要者四欸一曰得遣公使駐京二曰於舊五口通商外續開牛莊奉天營口東北登州今為烟台臺灣潮州今為汕頭瓊州在粵海口等處為商埠三曰償商虧銀二百萬兩軍費銀二百萬兩由粵省設措欸後交出粵城四曰得傳教自由英約既定法國亦定約四十二條與英略同惟軍費及賠欸略減英人之半是謂天津條約自此條納成立後俄美諸國繼之紛紛援例要求改定商約美國與中國訂約三十欸約中且要求載明中國對於他國任給何項利益准美國一併均霑此利益均霑四字中國日後無窮之禍患胥伏於此

綱與俄羅斯另訂天津條約 目俄羅斯自愛璉條約訂定後越十數日

一方則經營滿洲一方則以兵船隨英法之後同往天津及天津礮臺陷

俄援利  
益均霑  
例

俄約要  
款

俄國大  
得權勢

揚州再  
陷

張國樑  
克復揚  
州

英法和約成。俄人復援利益均霑例。令其全權大臣普提雅庭與中國大學士桂良、尚書花沙納等另訂專約十二條於天津。其最要者一。嗣後兩國不必由薩那特衙門及理藩院行文。由俄國總理各國事務大臣或徑行中國之軍機大臣或特派之大學士往來照會均按平等。一。除兩國旱路於從前所定邊界通商外。今議准由海路之上海、寧波、福州、廈門、廣州、臺灣、瓊州等七處海口通商。若別國再在沿海增添口岸。准俄國一律照辦。一。俄國在中國通商海口設立領事官。派兵船在彼停泊。以資護持。云云。先是俄人在中國通商止恰克圖一處。自五口通商後。俄人乘釁已大。改康熙時尼布楚條約。至是則俄人在中國通商海陸兩方皆獲大利。其權勢反在歐美各國上。是為中俄之天津條約。

綱秋九月。太平英王陳玉成復陷揚州府。自張國樑恢復江南大營

後。欽差大臣德興阿屯兵浦口。力保江北大營。與張軍犄角。至是太平英王陳玉成次浦口。破江北大營。德興阿走免。遂陷揚州。德興阿集殘軍退守邵伯。未幾張國樑率江南軍渡江。克復揚州。及儀徵。會六合圍急。國樑赴援。至則城已破。運使溫紹原字北屏。湖北江夏人。死之。詔撤德興阿。欽差大臣職以

和春守  
江北營

李續賓  
戰死三  
河集

續賓專  
皖事

三河集  
敵糧  
破三河

敵四面  
圍襄

續賓決  
死戰

和春為欽差大臣兼轄江北軍

先是陳玉成人揚州長江重城望風瓦解溫紹原募鄉兵守六合以孤城歸存大小百餘戰屢破敵保六年之久及揚州陷官軍不復顧六合敵伺之大隊俄來圍城紹原激厲士卒誓以死守喘指草血書告勝保乞援不至時張國樞復揚州引兵援六合遇敵于陳板橋不能進敵急穴地城崩蟻附登紹

原視事不可為滬妻子投水而殉總兵羅玉斌知縣馮明本典史葉楸都司王家幹夏定邦守備余城恩千總海從龍皆巷戰而死

冬十月浙江布政使李續賓與太平英王陳玉成戰於三河集死之

先是湖廣總督官文湖北巡撫胡林翼既復武漢會籌東征之軍然陸師渡江先皖省而後及江南水師亦先安慶而後及江寧因議以圖皖之事屬之李續賓請加巡撫銜專摺奏事時太平英王陳玉成主皖事本年七月玉成取廬州據之復于距廬州五十里之三河集屯糧械築大城環以九壘防守甚嚴李續賓聞警往援既下桐舒遂進攻三河大戰破敵斬數千人九壘皆下而所部傷亡亦衆會陳玉成自六合率大隊至而太平侍王李世賢又糾合捻首張洛行自廬州馳至抄官軍後路四面圍襄愈集愈厚衆合十餘萬連營于金牛鎮白石山鋒火亘數十里諸將避銳退守桐城李續賓獨奮曰軍事有進無退戰死吾分也飛檄召援軍而敵已雲集天適大霧官軍戰退副將劉神山參將彭友勝游擊胡廷槐鄒玉光杜廷光等先後戰死衆勸續賓退圖再舉續賓曰軍興九年皆以退走損

續賓力戰死

續賓素行堅卓

士民巷哭

殺柏菴

科場冤獄

國威長寇志吾當縱橫血戰殺一賊則為國除一害且吾大小數百戰每出不望生還今日必死報國不欲從死者退為計將士皆曰願從死及暮敵攻益急續賓開壁馳突斬數百人及夜總兵李續燾副將彭壽祥斫營敵反擣虛入奪其營決河堤斷官軍去路壽祥等戰敗續賓知事不可為從容具衣冠望闕叩首取所奉廷寄硃批奏摺焚之曰不可使宸翰辱賊手乃躍馬貫陣力戰死之國藩弟國華及知府何忠駿知州王揆一同知董容方知縣楊德閻九品李續藝張萬溥皆殉焉道員孫守信與丁銳義激厲士卒守中右營至十二日遂陷俱死之是役文武官弁死者數百人兵勇數千人而中營為最多湘軍精銳殲焉續賓崛起田間以平賊自任能以少擊衆未嘗挫衄號令嚴明所至百姓歡迎耕市不變死之日兩湖江皖士民巷哭如失父母

續賓少從羅澤南學為人含容淵默其選士以知恥近勇。捷誠敢戰為上遇敵則人當其脆而己當其堅。糧仗與予人以

上者而取其慮者所屯軍地百姓耕種不輟萬幕無譁大小六百餘戰克四

十餘城口不言功及沒遠近痛哭事聞帝震悼命照總督例賜卹予諡忠武

己未九年春二月殺前大學士柏菴 目柏菴蒙古正黃旗人道光進士咸豐時累官至戶部尚書文淵閣大學士賦性鯁直為羣小所忌咸豐八年秋典試科場畢御史孟傳金奏中式舉人平齡硃墨不符詔將正考

端肅私憾

柏蔭清節

李孟羣戰死廬州

父子雙忠素貞奇節

官柏蔭副考官朱鳳標程庭桂解任聽勸時帝以柏蔭早正揆席勤慎無咎欲曲貸之鄭親王端華弟肅順長刑部以與柏蔭有宿憾遂據刑律坐柏蔭以因家人求請撤換試卷罪與庭桂之子炳采等均處斬庭桂等遣戍極邊內外簾官及新中舉人軍流降革至數十人初柏蔭常使朝鮮其國王餽五千金卻之請益堅携歸奏聞請存禮部還其使臣其清節如此至是以通榜受賂定讞天下冤之

綱安徽巡撫李孟羣與太平英王陳玉成戰於廬州死之 目先是八年

七月太平軍復失廬州詔巡撫福濟褫職來京以李孟羣為安徽巡撫孟羣奉命率師駐廬城西與敵軍相持陳玉成由六安來侵孟羣擊卻之玉成復率大隊來戰副將鄧清知縣李孟筌兩營忽陷乘勢破中營孟羣持矛屹立厲聲罵賊手刃悍賊三人死之其父按察使李卿毅襄殉湖北父子雙忠世壯之孟羣有從妹奉貞工騎射精韜略孟羣援湖北時奉貞從行數建奇功常拔孟羣于重圍中後從攻漢陽夜襲敵營中伏死先是合祀生員吳毓

衝慨然以澄清為己任首倡團練一戰燈艦賊州縣倚任之誠衛益慨奮每臨陣所向皆靡方廬城陷勢成孤立玉成怒銜之傾眾環圍其寨誠衛撫勉諸勇曉以大義眾感奮誓死不去敵圍

旬月糧竭援絕誠衛知不可為推牛嬰子令皆醉謂眾曰此我報國之日也馳入敵軍當者皆斃刃下血戰經時僅餘親兵十餘人悉無完膚誠衛下馬北向拜曰臣力竭矣自以戈名殉死

定遠失

六月陳玉成取定遠前淮陽道員郭沛霖死之

太平英王陳玉成

既下廬州又破李續賓之師於三河鎮至是復合捻黨取安徽定遠縣殺

道員郭沛霖未幾又取天長盱眙全皖大震

全皖大震  
石達開  
犯寶慶

太平翼王石達開犯寶慶知府李續宜總兵劉長佑擊破之

達開

自出金陵後與天王隔絕思獨樹一幟因舉兵連犯安徽江西福建諸省

不得逞九年三月由江西南安取道崇義入湖南陷桂陽州時湘軍分援

湖南空虛

各省兵力單弱故達開乘虛而入巡撫駱秉章檄召劉長佑

字子默湖南新寧人

等募

勇禦之六月達開圍衡州不能克乃轉攻寶慶衆稱六十萬知府李續宜

督諸軍大破之秋七月寶慶圍解達開轉攻永明道州又爲續宜兵所敗

巡撫胡林翼與太平英王陳玉成戰小池驛大破之

先是石達開

犯湖南攻寶慶衆號六十萬胡林翼命李續宜往援破賊解圍總督官文

定四路會勦之策曾國藩循江下多隆阿攻潛山李續宜出松城林翼向

英山會陳玉成率數十萬來抗勢張甚多隆阿悉力拒戰而敵日益至圍

鮑超數重聲息不通林翼使金國琛以八千人踰潛山冒大雪衷敵軍而

陣敵望見大懼曾國藩亦自宿松分兵來援林翼督之與玉成戰小池驛

李續宜再敗敵  
胡林翼破敵小池驛

四路會勦

奇兵備敵

石達開  
犯兩粵

曾國藩  
會師鄂  
州

緩入蜀  
之行

破敵天  
堂

勝保剿  
捻河南

袁甲三  
討捻安  
徽

# 大破之遂復潛山太湖

○九月太平翼王石達開犯桂林不克遂陷慶遠府進犯廣東 ○廣西

自洪秀全竄後免兵者殆十年達開在湖南屢遇懲創無可竊據乃由新

寧城步等處山僻小路來廣西圍桂林巡撫曹澍鍾固守投火箭焚壘劉

長佑由湘營蔣益澧自柳州皆來援破敵解圍敵南走復攻慶遠陷之再

走湖南犯廣東連山仁化樂昌始興諸縣皆為鄉勇所擊破

○十一月侍郎曾國藩會師于鄂州 ○曾國藩已解閩浙圍駐軍建昌

為節度江西倚以為保障時石達開入湖南擾千餘里勢欲窺蜀國藩奉

命將入蜀抵鄂州而達開屢經懲創蜀已有備故又緩國藩之行移屯上

巴河國藩率攻皖諸將分道征勦胡林翼往蘄黃策應及國藩會師軍心

益壯敵之襲天堂者三萬人官軍迎擊大破之殺數千

○庚申十年春正月命欽差大臣勝保督辦河南剿捻事宜 ○勝保督

師皖中日久無功命以都統督軍河南關保副之提督傅振邦督軍徐宿

總兵田在田副之德楞額督軍山東哈勒洪阿副之

○以袁甲三為欽差大臣代勝保討捻復鳳陽臨淮 ○淮河上下為捻



克復臨淮鳳陽

拾陷清江浦

收復清江杭州失

李秀成聲東擊西

匪所盤踞與金陵諸軍互為應援勝保一挫軍威不復振廬州定遠久淪敵中詔命勝保赴河南辦剿匪之事特以袁甲三為欽差大臣督皖省軍務令速殲醜類甲三奉命於九年十一月克復臨淮關至是又復鳳陽府屢奏大捷擒黨郭正明乞降而擒首張元龍仍據臨淮不下已而甲三誘而執之磔於市又獲其丞相張先等十四人誅之皖軍亦平白鑪橋楚軍並取建德縣

綱二月擒賊陷清江浦 先是太平軍將取杭州預結擒首張洛行龔瞎子等使擾清淮以分江皖兵力清江浦為河漕聚匯處居室器用踵事華富各擒首垂涎已久至是率眾由吳家墩驟至河督長庚退保淮安未幾各路援軍至遂收復清江

綱太平忠王李秀成下杭州巡撫羅遵殿布政使王友端等死之 時

和春張國樑圍金陵正急太平忠王李秀成思擾旁郡以援南京既破揚州六合合肥黃梅宿松太湖等郡縣復防堵浦口以遏勝保張國樑之師勝保進攻大敗幾為所擒秀成遂率兵三千由鳩江越清弋江

源出安徽石埭縣流經宣

城縣至蕪湖入江 出寧國之後解寧國圍疾趨廣德一鼓下之至泗安連破浙江防

連破浙營

張玉良  
援浙

秀成計  
售

江南大營  
復失

太平諸  
將擁兵  
在外

守兵十五營命從弟左軍主將李世賢攻湖州而自將譚紹洸等趨杭州由清波門穴地道三日破之杭城失巡撫羅遵殿布政使王友端等均自縊死張國樑聞警使提督張玉良總統援浙諸軍疾趨杭州既至見城上徧插秀成旗幟不敢逼駐離城四十里之塘西秀成使瞽者傅柝三日城中寂然乘夜全師退趨廣德玉良止兵不往追遂達建平方秀成之下杭州也因偵知江南軍饟在杭冀事急和春必解金陵之圍以救杭州及玉良兵至見江南兵勢已分故又急引師去杭回救金陵

綱閏三月江南大營復失提督張國樑戰死欽差大臣和春卒於軍自六年五月江南大營失欽差大臣向榮死詔以提督和春代之七年十一月張國樑復鎮江同時德興阿復瓜洲駐軍浦口八年二月張國樑復秣陵關恢復江南大營是年九月太平英王陳玉成攻浦口德興阿營破之復下揚州德興阿退守邵伯張國樑率江南軍渡江援揚州而六合之圍又急國樑更率師赴援至則城已失道員溫紹原死之詔撤德興阿欽差大臣以和春兼轄江北大營會安慶圍急太平諸將陳玉成李秀成俱擁兵在外謀營救江南空虛於是江南軍添募壯勇增築長圍以攻金陵

江南軍驕

和春扣餉不發

援杭失計

張國樑力戰死

南北營軍不復成

常蘇失陷

何桂清藉詞籌

意謂克復全城在指顧間。兵將志驕，各方有急，乞救輒分兵應援。孤軍轉鬪，往往累月不能歸，存營兵力漸薄。又以軍餉不繼，擬每四十五日發一月之糧。軍心攜貳，已而復以不破城不發餉，激其軍。軍士屢譁，而和春不爲動。張國樑泣諫不聽。其實餉銀尙有三十萬，而和春靳不與。至是太平忠王李秀成既以奇計由寧國直下杭州，張國樑飛飭提督張玉良馳援江南大營。兵力既分，秀成遂乘其虛，糾合各路精銳，猛撲大營。張國樑苦戰八晝夜，勢不能支。至夜各營火起，遂退守丹陽。敵軍踵至，國樑力戰，創甚，躍入河中死之。國樑幫辦江南軍務東南半壁，倚如長城。至此遂力竭捐軀。事聞，奉旨優卹，予諡忠武。同時陣亡者有湖北提督王浚壽、春鎮總兵熊天喜等。欽差大臣和春先期突圍走常州，未幾嘔血死。於是江南大營復失。自此次失陷後，南北兩營俱不能成軍。太平軍遂由丹陽下常州，蘇州其勢岌岌矣。

夏四月，太平軍破常州。兩江總督何桂清遁，遂下蘇州。巡撫徐有壬死。

蘇省爲東南財賦之區，歲輸金數百萬以充餉，而以常州爲屏蔽。時總督何桂清因籌餉駐常州，素倚和春。張國樑爲前敵，及大營再陷，桂

餉屢退

常州失

蘇州失

會國藩  
督江南  
軍務

清惶遽無措懼常州有失卽疏請還蘇州籌餉常州士民固留主城守事桂清不可紳耆數百人執香跪轅門乞留守桂清怒開槍斃十九人遂率親兵五百徑走蘇州文武皆奔散太平忠王李秀成踵至遂下常州桂清至蘇州巡撫徐有壬嚴拒不納疏劾其棄城喪師狀詔褫職逮問桂清乃退往常熟復避至上海太平軍至蘇州盡力猛攻時蘇州守兵不滿四千脆弱不習戰徐有壬激厲拊循令張玉良率以守高橋三戰皆捷會敵取九龍山壓高橋而戰玉良遂敗敵勢大張稱數十萬敗卒震怖應敵城遂失有壬遇害次子振翼族弟徐曾庾妾施氏幕友鮑鄂家丁楊安從死按察使朱鈞投井教授張鏡淳亦殉敵取蘇州侵掠四近連下松江等州縣已又入浙江取嘉興府東南益糜爛不可收拾

一說當大營潰陷時張玉良自杭州率師回救迎戰常州大敗秀成大掠蘇民深恨之秀成遂入無錫進薄蘇州道員李文炳阿海等以城降城撫徐有壬死之秀成傳檄郡縣皆定自出師不一月而逐北七百里拔城六十餘師止蘇城亂民千百掠不止請諸將剿之秀成曰民苦鋒鏑不安家室不得已而為暴吾當忍以兵誅之乃親率數十人巡鄉鎮使左

右傳呼曰忠王至矣亂民皆釋戈羅拜匝月而亂定召官吏千餘人至願留者官之去者聽之乏資斧者給之農失業者給牛種窮民失業者助其資散庫錢數十萬緡糧萬餘石蘇民安輯

**綱**以曾國藩為兩江總督兼欽差大臣督辦江南軍務

**目**自何桂清遁

走蘇常淪沒時曾國藩未入蜀方督兵江皖謀攻安慶朝旨卽命國藩為

以皖楚為根本

進駐祁門

會國藩圍安慶

陳玉成縱橫贛皖

胡曾謀攻安慶以致玉成

會國藩圍安慶

兩江總督兼欽差大臣籌劃救援蘇常一帶國藩奉命後以破敵必據上游應以皖楚為根本逐節進兵遂徵集兵勇部署方略調鮑超七千人朱品隆三千人令待命並令左宗棠益募湘勇四營訓練成軍以資應援夏六月布置既定進軍渡江駐祁門以固吳會人心兼壯徽寧聲勢

五月會國藩圍攻安慶太平英王陳玉成馳援敗績 先是太平內

訌同起諸王死亡略盡秀全所恃惟陳玉成李秀成二人玉成雄黠與秀

成頡頑而鷲勇驍銳則過之海內稱為四眼狗者也咸豐八年夏玉成敗

李續賓於三河鎮未幾又大敗德興阿勝保之師縱橫贛皖所陷城殺將

為獨多時會國藩督師江西胡林翼在武昌與國藩謀曰安慶扼長江中

流通南北聲氣又為陳玉成分地其父母妻子皆在焉當先攻安慶以致

玉成國藩韙之因合兵圍安慶玉成果悉銳西上苦戰累月不能得志反

旆而南與李秀成再取江南大營分兵下蘇常朝廷詔以國藩為兩江總

督督理江南軍務而國藩仍力圖安慶不少懈先是國藩弟國荃自咸豐

八年八月克復吉安府又克景德鎮遂進兵渡江代國藩圍攻安慶國藩

復令多隆阿以萬人軍桐城李續宜以萬人軍青草壩鮑超以萬人東西

玉成回  
援無效

玉成謀  
擾鄂贛  
爲外援

安慶圍  
益急

英法陷  
天津

僧王大  
挫英軍

英軍退  
香港謀  
報復

馳援而別令楊載福率水師扼濱江要隘以爲援助集厚力張遠勢以待敵玉成聞警自江南掃境而至與多李兩軍鏖戰掛車河大敗進薄圍軍又不能克玉成因與李秀成謀擾湖北江西以爲外援蘄黃德安及南昌九江等處烽火連天勢燄甚熾或勸國藩當撤安慶圍先其所急國藩曰安慶一軍關係淮南全局爲克復金陵張本不可擾動也竟不撤遂南渡江移駐祁門是時東南官紳告急軍書日數十至援蘇援浙詔書疊下國藩不爲動而安慶之圍且益急

○秋七月英法同盟軍陷天津

○初同盟軍之役朝廷與英法締和也

不曰和而曰撫第以緩其師欲誘之深入而擊之所謂以撫爲剿之策也故自八年五月天津定約後至九年五月遵例換約各國艦隊馳赴天津會僧格林心方於大沽口內經營臺壘置巨礮集馬隊爲種種之設備疆吏以大沽不便行走告諸艦請改由北塘口進英艦不聽遂起衝突時英人狃於往歲海口之無備被僧格林沁兵擊沈其艦數艘於是朝廷有英人全軍覆沒我軍奮勇異常應分別獎賞之諭此九年五月間事也是年六月英軍以大沽失利退至香港修船募勇徐謀報復會朝廷以髮捻事

留北塘  
一口不  
設備

縱敵登  
陸之失  
計

大沽陷  
落

急有戒心。冀和解。飭疆吏不得見敵。輒先開礮。至礙和局。又命留北塘一

口。為通使議和地。顧北塘地勢扼要。不亞大沽。僧格林沁經營防務。即此

一口。已用帑百餘萬。會有言宜縱寇登岸擊之者。僧格林沁心踴其說。適奉

朝旨。撤北塘之備。遂退就大沽。及本年六月。英法大舉入犯。懲前敗不敢

闌入大沽。窺伺北塘弛防。遂由北塘突入。擊破大沽礮臺。僧格林沁始悔

縱敵登陸之非計。然已無及。先是九年五月。英人自大沽敗退。沿途測量。旅順威海等

其必謀報復也。恐與師妨互市。議輸銀二萬兩。以償英餉。阻其再舉。英法使臣乃照會通商大臣

何桂清。言若事遲八年。原約當即罷兵。桂清以聞。帝諭之曰。下魯士首背約。輒帶兵船毀我

海口防具。前此損兵折將。實由自取。所有八年議和條款。概作罷論。如彼自知悔悟。可於前議條

約中。擇道光年曾有之事。無礙大體者。通融辦理。仍在上海定議。不得率行北來。再有兵輪駛入

瀾江沙者。必修加攻。則毋貽後悔。蓋自僧格林沁前此大沽之捷。朝野動色。相告謂自此外人。或

就我範圍。可修舊約。而不知英法已潛集戰船百艘。將謀大舉。入犯。僧格林沁經營防務。即

北塘一口。已用帑百餘萬。而朝旨命撤北塘之備。退於前勝。北塘紳士御史陳鴻翔。密疏言非

計不聽。編修郭嵩燾時在幕府。亦力爭之。僧格林沁欲防。送駛進內港。僧格林沁聽兵使往扼守。

額爾金。法將葛羅。率艦隊至。合兵萬有八千。窺北塘弛防。送駛進內港。僧格林沁聽兵使往扼守。

而巳。於是英法兵艦進攻大沽。時帝倚重僧格林沁。恐其有失。特旨令退守。又命大學士瑞麟。統京旗九千防通州。是月初五日。同盟軍自後路

攻大沽北岸礮臺。一開花彈飛入火藥庫。訇然震發。北礮臺陷。僧格林沁

駐南礮臺。念不能守。乃撤防。退次通州之張家灣。大沽遂失。提督樂善死。

英法陷  
通州

天津和  
議不成

勝保兵  
敗

通州陷

帝奔熱  
河

英焚圓  
明園

之初七日同盟軍遂進據天津

綱八月英法同盟軍陷通州帝走熱河 目英法同盟軍既進據天津京

師大震帝命大學士瑞麟統京旗九千防通州又命侍郎文俊及前粵關  
監督恆祺赴津議和爲英法所拒改令桂良前往桂良至天津得英參贊  
巴夏禮照會要以增軍費及開天津爲商埠並準各國酌帶數十人入京  
換約桂良據以入告廷議嚴旨拒絕同盟軍聞和議不就益北犯將由天  
津入京師都人洶懼各謀遷徙帝議北狩熱河羣臣交章諫阻適副都統  
勝保自河南召回飭帶禁兵萬人赴通州助勦旋降硃諭以巡幸之說出  
於外間浮議不可爲所搖惑已而英兵進薄通州之張家灣勝保紅頂黃  
褂騁而督戰同盟軍叢槍注擊傷頰墜馬師潰僧格林沁及瑞麟二軍亦  
退至京城外通州遂陷帝知禁兵不足恃於是鄭親王端華尙書肅順軍  
機大臣穆蔭匡源杜翰等擁帝及后嬪奔熱河恭親王奕訢留守京師仍  
督僧瑞二軍守海淀方帝之率后嬪出京也事出倉猝道路初無供帳途  
出密雲食豆乳麥粥而已

綱英兵薄京師燬圓明園 目先是同盟軍逼通州帝命怡親王載垣續



巴夏禮  
之倨傲

僧王擒  
巴夏禮

巴夏禮  
焚圓明

英法重  
訂和約

恭親王  
議和

赴通州議欵。桂良、穆蔭皆在座。巴夏禮帶同十餘人入城，載垣邀英法使臣同宴。巴夏禮酒數巡，巴夏禮攘袂起言：今日之約，須面見大皇帝，且每國須帶二千人入京，載垣答以此事須請旨定奪。巴夏禮拂然，遂就榻伴睡，不復語。載垣不得已，暫退。黎明有馳告者，謂英使衷甲將襲我，載垣無措。密知會僧格林沁設法擒巴夏禮，械繫京師。及文宗出走，京城晝閉，英人聲言攻城。且索巴夏禮甚急，勝保不可，或請殺之。諸王大臣不敢決時。恭親王奕訢已被全權之命，英人給照會，限三日內交還巴夏禮。奕訢令其退至天津再議，不許。又令退至通州，亦不許。同盟軍攻海淀。在京師西直門外十三里。

圓明園在焉。禁兵不戰自潰，乃釋巴夏禮。巴既出，遂縱火燔圓明園，以洩其忿。前此與巴夏禮同執之人，被羈在獄，及釋放時，已監斃十餘人。英人憤甚，再擾海淀，火三日夜不絕。管圓明園大臣都統文豐及主事惠豐死之。

綱九月，與英法同盟軍重訂和約成。同盟軍逼京師，帝既北走，命恭

親王奕訢留守京師，以全權議和。英領巴夏禮要奕訢至軍前，面訂和約。

法使亦以照會趣之。奕訢懼為英人所辱，不敢往。俄使伊格那替業福力

任調停，以禮部衙門接近俄使館，保奕訢無恙。因於其地開和議，於是巴

重要四條約

止曾國藩勤王

設總理衙門

設立外交專官之始  
與俄訂北京條約  
俄藉調停為要

夏禮與額爾金各陳兵仗入京師至禮部訂約六十五條於六年原定外續增九條其重要者有四一償兵費銀一千二百萬兩二續開天津九江漢口等地為商埠三借九龍半島與英四許教士入內地傳教法國亦續增十條償兵費銀六百萬兩並許兩國派遣公使領事駐中國十一日與英使換約十二日與法使換約皆奕訢主之既換約奕訢據以奏聞旋奉旨均着允准即通行各省督撫大吏一體按照辦理並諭止曾國藩等勤王之師是為庚申北京條約

**附記**

此次英法聯軍之役自咸豐六年起至十年止前後互五年廣州陷於英者凡三年和議雖成而賠款喪師辱國甚矣

冬十二月設立總理各國通商事務衙門 同時以英法與戎外交緊

迫特設總理衙門於京師其名為總理各國通商事務衙門命奕訢桂良及戶部左侍郎文祥管理並於內閣部院軍機處各司員章京內滿漢各挑取八員作為司員定額是為中國知外交重要設立專官之始

與俄人訂立北京條約 日方英法同盟軍之入京師也俄使伊格那

替業福頗以調人自居及和議既成因索厚報於中國與奕訢再續增專約十五條舉烏蘇里江以東地悉讓於俄是為中俄北京條約其第一條

挾俄約重  
款要二條

俄得多  
益之

爲遠東問題載明白烏蘇里河口而南上自興凱湖兩國以烏蘇里及松  
 阿察二河作爲交界其二河以東之地屬俄羅斯國二河以西屬中國自  
 松阿察河之源兩國交界踰興凱湖直至白稜河自白稜河口順山嶺至  
 瑚布圖河口再由瑚布圖河口順渾春河及海中間之嶺至圖們江口其  
 東皆屬俄羅斯國其西皆屬中國兩國交界於圖們江之會處及該江口  
 相距不過二十里蓋謂南境盡處距圖們江海口尚有二十里之遠此二十里乃俄與朝鮮交界第二條係西疆問題載  
 明西疆尙在未定之交界此後應順山嶺大河之流及中國常駐卡倫等  
 處及雍正六年所立沙濱達巴哈之界牌末處起往西直至齋桑湖自此  
 往西岸順天山之特蒙圖爾泊南至浩罕邊境爲界右約除商埠利權不  
 計外我國對於國界問題所割棄之幅員東西廣至四千有餘里南北長  
 至二千有餘里俄人外交手腕之所得較之英法兩國兵力之所得爲多  
 遂於其地建阿穆爾省及沿海省殫力經營不惜巨費昔之空曠之地一  
 變而爲繁盛之區由是東北邊患乃日加劇

附記

中俄北京條約定於咸豐十二年十二月其東界至次年五月派侍郎成琦會同俄  
 官照約設立界牌西界直至同治三年九月由勘界大臣盟誼會同俄官在塔城重

議紛紛改易並特設  
 圖爾亦畫置界外云

陳玉成  
犯湖北

下徽州

失嚴州

圖解安慶圍

玉成衝楚軍根本地

李秀成助擾江西

安慶圍卒不解

去宗棠幫辦軍務苗沛霖復叛

○辛酉十一年二月太平英王陳玉成下黃州蘄州德安諸郡縣武昌戒

嚴。先是十年八月太平英王陳玉成由廣德攻徽州下之復分兵攻

寧國府提督周天受與皖南道福咸死守七十餘日城破皆死並失浙江

嚴州時曾國藩軍圍安慶甚急玉成糾集定遠六安各股精銳往援由舒

城廬江前進至桐城縣西南之掛車河等處築壘四十餘座圖解安慶之

圍副都統多隆阿安徽按察使李續宜會兵合擊玉成大破之盡毀各壘

追剿直至桐城玉成既敗以湖北為楚軍根本地衝其腹心必撤圍自救

乃從英霍間道入犯湖北連下黃州蘄州德安隨州諸郡縣武漢襄樊皆

大震復嗾悍將李世賢黃文金等各挾全部蹂躪徽饒信三府李秀成又

糾眾十餘萬圍撫州攻建昌進破吉安瑞州以逼南昌九江凡此皆欲以

解安慶之圍而安慶之圍卒不可解

○夏四月命左宗棠幫辦曾國藩軍務。時宗棠於江皖之交親督各

軍大敗黃文金李世賢各股國藩因奏請以宗棠幫辦軍務詔從之

○安徽團練長苗沛霖復叛攻壽州陷之。苗沛霖安徽鳳臺人亦捻

匪之一股初沛霖以鳳陽諸生為團練長劫其眾以叛清帥勝保招降之

沛霖僞降

劫翁同書

攻蒙城

咸豐帝奔熱河

肅順姦計

尊封兩宮太后

東太后

授爲川北道而沛霖陰持兩端不肯冠帶使其下呼己爲苗先生至是以與壽州豪族某相仇殺遂攻壽州殺之劫執寓居壽州之巡撫翁同書與張洛行同受太平封稱北平王既據壽州欲北趨中原號招羣捻以蒙城扼其衝悉練衆百餘萬攻之聯營百餘里勢甚張將軍富明總兵王萬青等引兵赴援皆堅壁不敢戰

○秋七月帝崩於熱河 自英法同盟軍逼京師帝走熱河及和議成外兵退留京王大臣疏請帝還京帝將從之而爲怡親王載垣鄭親王端華及御前大臣肅順三人所阻三人中肅順尤狡黠擅威福日導帝怡情聲色爲因寵攬權計帝悅之遂不復還京至是帝不豫召載垣端華肅順及軍機大臣穆蔭匡源杜翰焦祐瀛等承寫硃諭立皇長子載淳爲皇太子無何帝崩於避暑山莊行殿寢宮在位十有一年壽三十有一諡曰憲皇帝廟號文宗

○尊皇后鈕祜錄氏及生母皇貴妃那拉氏爲皇太后 皇后鈕祜錄氏大臣穆揚阿之女初爲貴妃咸豐二年册立爲后文宗初好游宴后嘗婉言規諫至是文宗崩皇太子尊之爲皇太后是爲東太后貴妃那拉氏

西太后

駱秉章督川

秉章識國藩之賢

秉章治川政績

曾國荃復安慶玉成百計援解

爲寧國府知府惠徵之女惠徵死其母挈之入京依穆揚阿以居穆揚阿撫養長成與其女先後入宮生皇太子清制凡妃嬪生子爲帝者其子登極時例尊之爲太后故皇太子循例亦尊之爲皇太后以別於東宮太后也因稱之爲西太后

綱以駱秉章爲四川總督督辦軍務 國秉章廣東花縣人由庶吉士歷

任封疆曾國藩之治團練也秉章時爲湖北巡撫與之戮力同心國藩嘗

敗岬藩臬會詳請劾國藩罷其軍秉章不可曰國藩謀國甚忠當靜待之

已而國藩部將果大捷及國藩治師東征糗糧船礮器械秉章悉力資給

焉會石達開入川騷擾秉章奉命至川辦理軍務成效卓著至是實授爲

四川總督又以劉蓉字孟容湖南湘鄉人爲四川布政使崇實爲成都將軍並接辦川

陝交界防堵事宜

綱八月曾國荃克復安慶 國安慶失守已九年矣曾國藩使其弟國荃

合全力圍攻陳玉成李秀成百計援解俱爲多隆阿李續宜鮑超左宗棠

等所破不能逞至是楊載福復以水師截其糧道城外各壘又爲國荃所

破城中糧盡援絕告急金陵玉成急率師返安慶築壘集賢關之菱湖以

玉成得衆而驕

秀成遠離

安慶克復確立  
肅清基礎  
胡林翼卒

林翼治鄂成績

官胡分治

爲城中援應。李秀成亦自將兵至蕪湖。繪進兵圖寄玉成。已而聞玉成新得孫奎星降兵二十餘萬。秀成曰：「英王新得衆，必驕，止我兵，則安慶危矣。」奎星降將兵烏合，不可恃也。已而果得玉成書言兵已足用，勿勞馳救。請進兵豫楚，攝敵糧道。秀成不得已，引兵行。國荃遂以十一年八月朔克復安慶。城既破，敵將葉芸以下均死。玉成遁出，集賢關至廬州，爲多隆阿所破，敗走壽州。依苗沛霖以居。自是池州、桐城、宿松各郡縣相繼收復。國藩卽由祁門移駐安慶。於是南北之聲氣通，而肅清之基礎立矣。

湖北巡撫胡林翼卒

林翼，湖南益陽人，少負不羈才。江督陶澍以

女妻之，常恣意讀書。曾國藩常薦其才可大用，由庶吉士歷官至鄂撫。初入官，卽有康濟斯民之願。時以與國藩並稱，曰：「胡曾其恢復武昌，被任爲湖北巡撫也。」值武昌三次淪陷，公私掃地，無可措手。林翼乃整飭吏治，籌備饟需，農不病而課充，法不苛而吏肅。與總督官文極意交歡，籌議東征。所向克捷。官文滿洲人，咸豐五六年，太平軍佔領武昌，蔓及旁郡，蹂躪數千里。是時官文由荊州將軍改任湖廣總督，凡上游荊宜襄鄖諸郡兵事

林翼獨  
爲其難

官胡交  
權

林翼利  
用官文

林翼功  
不僅在  
湖北

饒事悉主之。林翼改任爲湖北巡撫，駐軍金口，進規武昌。凡下游武漢黃德諸郡兵事，饒事悉主之。二人值湖北糜爛之餘，竭蹶經營，各顧分地。而林翼尤崎嶇險阻，與勁敵相持，獨爲其難。督撫相隔遠，往往以徵兵調饒，互有違言。及克武昌，官文頗欲倚林翼爲重，由荊州移駐武昌。三往訪拜，而林翼謝不見。或說林翼曰：「公不欲削平巨寇耶？天下未有督撫不和而能辦大事者。且官督爲人，易良坦中，從善如流。公若善與之交，必能左右之。是公不啻兼爲總督也。」合督撫之權以辦賊，誰能禦我。林翼聞言，卽往見官督，推誠相結。納官文有寵妾，拜胡太夫人爲義母。兩家往來益密。饋遺無虛日。林翼於是察吏籌饒，選將練兵，遇所當行，應機立斷。官督畫諾仰成而已。未嘗有異議。每遇攻城克敵，及保薦賢才，林翼輒陰主其政。而推官文首尸其名。朝廷以官文督湖廣數年，內靖寇敵，外援鄰省，成功甚偉。累晉大學士，授爲欽差大臣。官文心感林翼之力，而林翼亦益得發舒其意志。凡東南各省疆吏將帥之賢否進退，與大局一切布置，每有所見，必進密疏，或與官文會銜入告。林翼所引嫌不能言者，亦竟勸官文獨言之。訐謨所定，志行計從。人謂林翼有旋乾轉坤之功，不僅功在湖北也。至



是卒諡曰文忠

**附記**

世或傳官文嘗為寵妾開壽筵藩司某公不肯往拜而胡公獨折節下之官妾之母胡太夫人自此始而官胡之交駟亦以此為分細云云此事在崇拜胡公者或諱言

之頃亦不足為胡公盛德之累蓋愧偏滿人使為我效力以贊助大功之成斯實中興事業之源泉而籌餉用兵諸方略直其次耳嗚呼民族勢力之消長豈不在乎人哉自胡公卒後

嚴公樹森代之未幾為官文劾去後載毅伯曾國荃代為巡撫又劾官文而去之湖北從此多事其罔盤富強之績亦稍墮焉於是論者益以胡公能用官文為美談云

冬十月皇太子奉兩宮太后還京師以恭親王奕訢為議政王在軍機

處行走

殺怡親王載垣鄭親王端華協辦大學士戶部尚書肅順革軍機大臣

景壽穆蔭匡源杜翰焦祐瀛等職 載垣端華肅順皆宗室也咸豐初

載垣襲允祥爵為怡親王端華襲濟爾哈朗爵為鄭親王俱任宗人府宗

令及領侍衛內大臣等職其後端華同母弟肅順供奉內廷尤善迎合由

郎中驟遷至戶部尚書協辦大學士三人盤結同干大政軍機大臣拱手

聽命而已既以科場事殺宰相柏葑又借鑄錢局事興大獄戶部司員皆

褫職逮問京師自搢紳以至商店皆被株連破家怨者刺骨英法同盟軍

之役三人力勸文宗幸熱河以恭親王奕訢留守京師及和議成外兵退

留京王大臣疏請還京又為三人所阻不肯還京十一年七月文宗崩三

兩宮皇太子還京

殺載垣端華肅順

三人同干大政

與兩大獄

力阻文宗還京

擁立幼主

肅順之誦

董元醇疏請垂簾聽政

恭親王至熱河

太后與恭親王密謀誅肅順

人受遺詔立皇長子載淳爲皇太子而與軍機大臣景壽穆蔭匡源杜翰焦祐瀛等八人自署爲贊襄政務王大臣總理政務是時清廷政治之中  
心歧而爲二一在熱河以肅順爲首領一在北京以奕訢爲首領而肅順  
殊不以奕訢爲意以爲幼主吾輩所擁立吾何事不可爲由是一時詔旨  
皆出肅順之意口授軍機處行之既不利幼主之回鑾又不欲留京王大  
臣來奔喪常以譎術制止而不知兩宮太后及奕訢黨與已窺伺於其後  
也是年八月御史董元醇以皇太子年幼天步方艱疏請兩宮皇太后垂  
簾聽政並派近支親王一二人輔政以繫人心太后將從其請而肅順等  
三人抗論以爲不可有臣等受遺詔贊襄皇上不能聽命於太后之語退  
復以清朝家法無太后垂簾故事令軍機處駁還之已而恭親王奕訢至  
熱河見載垣等卑遜特甚肅順尤蔑視之太后將召見杜翰曰恭王與太  
后叔嫂不通問且太后居喪尤宜遠嫌肅順稱善即阻奕訢使不得進見  
兩宮後奕訢設計得獨進見太后慮肅順等專恣因與奕訢密謀誅殺肅  
順端華載垣三人之策謀既定即召鴻臚少卿曹毓英密擬拏問各旨以  
備到京發表而令奕訢先還京太后旋即下詔回鑾肅順力阻曰皇上冲

太后還京命肅護送

暴載端肅三人罪狀

三人伏誅

杭州失

張玉良陣亡

王有齡殉難

齡北京無備臣等不敢奉詔太后曰倘有意外與汝等無關乃使肅順護送梓宮於九月二十三日出發而別命載垣端華等扈蹕先從間道行於是大學士賈楨周祖培尙書沈兆霖等復合疏請兩宮太后垂簾皖豫督師內閣學士勝保亦奏請簡近支親王輔政十月朔至京師太后卽下詔暴載垣端華肅順等罪狀解三人贊襄王大臣之職降旨拏問而以恭親王奕訢爲議政王奕訢奉詔卽命侍衛執載垣端華二人擁至宗人府幽之時肅順方次密雲緹綺至肅順閉戶拒捕緹綺毀外戶入肅順咆哮詈罵遂械送京師旋賜載垣端華自盡棄肅順於市景壽穆蔭杜翰焦祐瀛等俱革職穆蔭遣戍軍台並嚴治黨援尙書陳孚恩侍郎黃宗漢等均革職發遣有差

○太平軍克杭州巡撫王有齡將軍瑞昌死之

○曾國荃既克安慶國

藩命其移軍規取江寧秀全乃令忠王李秀成侍王李世賢分途攻浙以分兵力張玉良與戰于鳳山門外中礮陣亡二十七日杭州遂失守巡撫王有齡自縊死秀成趨救之不及撫屍歎曰忠臣也禮殯之遣兵護櫬歸上海獲布政使林福祥說之降不可請歸守邱壟秀成厚資之行越四日

秀成還  
蘇會國藩  
節制四  
槍

援引新  
進

皇太子  
卽位  
兩宮太  
后垂簾  
聽政

爾后之  
才德

滿城亦失將軍瑞昌自殺秀成令其部下奉遺櫬北還滿兵釋不殺欲行者資而遣之賑卹難民收葬餓殍費以鉅萬計留德王陳炳文鎮杭州而還師駐蘇卹鰥寡興學校豁租稅問民疾苦民益德之

綱命曾國藩統轄江蘇安徽江西三省並浙江全省軍務 目詔四省巡撫提督以下各官悉歸國藩節制時杭州失陷浙江全省糜爛故有是命初國藩之起湖南也以一旅客軍轉戰江皖呼應不靈故屢挫蹶至是既督兩江又節制四省軍務事權歸一志始得伸惟與國藩同起諸將如江忠源塔齊布羅澤南李續賓等既相繼淪沒將材缺乏於是不得不援引新進而沈葆楨左宗棠李鴻章諸賢起矣

綱皇太子卽位以明年爲同治元年

綱十一月兩宮太后御養心殿垂簾聽政 目自端華肅順載垣被誅後而兩宮垂簾之局以定兩宮者孝貞后鈕祜祿氏孝欽后葉赫那拉氏也孝貞爲穆揚阿女文宗之正后孝欽爲惠徵之女文宗之寵妃穆宗之生母也既垂簾聽政孝貞處東宮時稱爲東太后孝欽處西宮時稱爲西太后西后警敏有權略一身事跡均與清廷有絕大關係當時天下稱東宮

仍用專人任策與開中之局

沈葆楨撫贛

葆楨偕夫人廣信

求救饒廷選

德優大誅賞大舉錯悉主之西宮才優判閱奏章裁決庶政悉主之而召對臣下諮訪利弊西宮裁決悉中窾竅東宮則訥訥若無語聽政之初軍事方亟兩宮仍師用肅順等專任漢人策內則以文祥倭仁沈桂芳等為相外則以曾國藩左宗棠李鴻章等為將自軍政吏治黜陟賞罰無不諮詢故卒能削平大亂開一代中興之局

綱十二月以沈葆楨為江西巡撫 葆楨福建侯官人道光進士初署

廣信知府時太平將楊輔清自吉安至廣信岌岌城中官吏軍民走且盡葆楨適偕廉侍郎往湖口籌餉夫人林氏誓以身殉旋與諸將計曰此去玉山九十里有浙將饒總兵廷選駐軍二千人饒公吾父舊部或可乞援夫人固林則徐女也于是刺指血為書出牙門見有鄉民入城者重賞令馳投及敵至則饒軍與鄉勇已入城矣太平軍旋即解圍去葆楨夫婦以此名聞天下嗣詔赴國藩營辦理軍務至是國藩欲規復江西因舉葆楨

為江西巡撫 林夫人致饒將軍書曰將軍漳江戰績嘖嘖人口里曲婦孺莫不知海內有饒公矣此將軍以援師得名於天下者也此聞太守聞吉安失守之信預備城守偕廉

侍耶往湖口籌餉招募但為勢已迫招募恐無及縱倉卒得募而反驅市人而戰之尤所難也頃來探報知昨日貴溪失守人心惶惶吏民鋪戶遷徙一空署中僮僕紛紛告去死守之黨不足以資此輩只得聽之兵則倚劍與井為命而已太守明早歸郡夫婦二人荷國厚恩不得藉手以報徒死真咎將軍聞之能無心愧乎將軍以浙軍駐玉山固浙防也廣信為玉山屏蔽賊得廣信乘

左宗棠  
撫浙

駱秉章  
專任宗棠

委宗棠  
以浙事

勝以搆玉山。雖孫吳不能與謀，其育不能爲守，而嚴一籌恐不可問。全黃信卽以保玉山，不得者辨之。浙大吏不能以越境告將軍也。先宮保文忠公奉詔出師，中道喪志，至今痛心。今得死此，爲厲殺賊在天之靈，實式惡之。鄉間士民不喻此心，以輿來迎，赴封禁山，避賊指劍與非示之，皆泣而去。太守明晨必歸，歸後再當專贖奉送，得拔隊確音當執繼以稿前部，敢對使載拜爲七邑生靈請命。昔唯陽嬰城許遠亦以不朽，太守忠肝鐵石固將軍所不吝與同傳者也。否則賀蘭之師千秋同恨，惟將軍擇利而行之，刺血陳書，願聞明命，饒接書立率師往援，廣信圍遂解。

以左宗棠爲浙江巡撫

宗棠湖南湘陰人，少負奇氣，嘗佐駱秉章

於湘撫幕。秉章倚之如左右手。凡察吏治軍，惟宗棠之言是聽。屬僚以事白秉章，則曰問季高先生。季高宗棠字也。秉章每公暇適幕府，宗棠與幕賓二三人慷慨論事，證據古今談論風生。秉章不置可否，靜聽而已。一日秉章聞轅門舉礮，顧問何事。左右對曰：左師爺發軍報摺也。秉章領之，徐曰：盍取摺稿來一閱。其信任之專如是。後爲忌者所構，將獲罪。秉章爭之，不能得。曾國藩爲請於朝，力白其無罪，且謂才可大用。及國藩督兩江，詔宗棠以四品京堂襄辦國藩軍務，遂隸國藩軍。至是杭州再失，浙江全省糜爛，國藩因舉宗棠爲浙江巡撫，以全浙之事委之。

清鑑綱目卷之十二終

清鑑綱目卷之十二

鹽城印鸞章編輯 金式陶 張延壽 趙雪 胡應庚 校訂

穆宗毅皇帝

名載淳，文宗長子也。生母孝欽顯皇后那拉氏。咸豐十一年，文宗崩於熱河，避暑山莊，幸梓宮，還京師，即位。建元同治。兩宮太后垂簾聽政。在

位十三年，壽十有九歲。

東華錄曰：上以咸豐六年丙辰三月二十三日未時誕生於御園之儲秀宮。時孝貞顯皇后方切祈禱之禱，適符主器之占。聖懷慰悅，撫育恩勤。同一致焉。上聰明天資，氣度偉如。

英毅外流，沈潛內蘊。六齡就傅，文宗特命受書於翰林院。編修李鴻藻、厥後大學士那桐、藻、翁心存、倭仁、檢討徐桐、修撰翁同龢、諸臣同心納誨，輔翼聖功。盛德大業，富有日新。逮

乎繼序之初，思齊作則。上稟懿訓，念典逾勤。主善為師，以古為鑑。咸豐十一年秋七月，癸亥，文宗賓天。旋奉梓宮，還京。即皇帝位。諭內閣：朕繼承大統，母后皇后應尊為皇太后。聖

母應尊為皇太后，所有應行典禮，該衙門敬謹查例具奏。尋定兩宮皇太后垂簾聽政之制。時上年甫六齡云。

同治元年春正月，命兵部尚書麟魁、兩江總督曾國藩均協辦大

學士。帝初即位，以國藩為先帝重臣，委任益至，加協辦大學士，命統

籌東南全局，節制諸軍。麟魁旋卒，予諡文端。

革前安徽巡撫翁同書職，逮京治罪。同書，心存長子，江蘇常熟人。於咸豐九年

六月，失守定遠，縣名，安徽逃往壽州。倚苗沛霖為聲援，及沛霖圍壽州，又殺徐

立壯等以媚之。壽州既破，又力保沛霖非叛。前後奏疏自相矛盾，至是為

曾國藩參奏，遂命逮問。旋定擬斬監候。

翁同書  
革職

同治  
曾國藩  
統籌全  
局



左宗棠破敵開化

浙江巡撫左宗棠破楊輔清於開化。太平將楊輔清率兵犯浙江

開化窺伺衢州左宗棠自婺源進攻大破之追至馬金街今開化縣北有馬金鎮斬敵

曾藍以道殪五千餘人。宗棠上言浙江軍務之壞由于督撫全不知兵始則竭本省之餉以濟金陵大營皖南各軍翼藉其力為藩蔽乃于練兵選將之事

不自講求至金陵皖南大局敗壞復廣收潰卒既以重餉以守則逃以戰則敗恩不知感威不知懼遂決裂不可復支臣奉命督辦浙江軍務節制提督非就現存兵力嚴為簡汰求以營制不可

非申明賞罰予以實餉不可非另行調募預為換補不可然欠餉日久則有不能汰遣之患餉需不繼則有不能調撥之患經費不敷則有不能募補之患名為節制提鎮實則營官哨長亦且呼

應不靈不得其臂指之助而徒受其追促之擾雖有能將無餉何以馭兵雖有謀臣無兵何以制賊此臣之隱憂也。

太平軍攻上海常勝軍華爾擊敗之。自咸豐十年春江南大營破

張國樑死李秀成率師攻蘇滬破蘇州下松江太倉入吳淞口踞浦東之

高橋直逼上海上海美國人華爾率常勝軍迎擊大破之先是太平軍將

謀攻上海時上海官紳立會防局議結外國兵助勦遣人航海入京請於

政府政府許之因有常勝軍之編練常勝軍華爾者美國紐約人初仕本

國為將以罪廢來上海國人欲殺之會太平軍破蘇州上海將治兵候補

道楊坊愛其勇匿之家介上海道吳煦言于美領事赦其罪以是德吳煦

願效死及太平軍陷松江吳煦使華爾募呂宋人為兵即令華爾統之每

戰爭先處士王韜獻策曰招募洋兵人少餉費不如以壯勇充數而請洋

常勝軍敗敵

常勝軍之創始

改練壯勇

上海解

嚴

李鴻章

巡撫江

蘇

淮軍初

上海乞

大破敵

會國藩

擊敵

官領隊平日以洋法教演火器務令精練西官率之以進則膽壯力強似亦可收效于行間於是遂有洋槍隊之設號爲常勝軍至是李秀成犯上海華爾率常勝軍與之戰英水師提督何伯法水師提督卜羅德助之屢敗太平軍上海解嚴詔賞華爾四品翎頂以其願改服色隸中國也

○二月以李鴻章爲江蘇巡撫馳援上海擊太平軍大破之

○鴻章安

徽合肥人少從國藩習制舉業國藩愛其才及軍事起召佐戎幕章奏皆

出其手方太平軍之謀犯上海也上海會防局遣人至安慶向曾國藩乞

援師先是曾國藩練湘軍平洪寇四路出發無可備戰守特令鴻章至淮

上招募鄉勇八千人爲定營制授器械悉仿湘軍營章程名之曰淮軍選

湘軍名將程學啓郭松林以助之逾年訓練成至是上海會防局備銀二

十萬僱外國輪船七艘派江而上至安慶迎援師國藩因密薦鴻章於朝

詔卽以鴻章爲江蘇巡撫令率淮軍乘輪東下衝太平營而過徑抵上海

合常勝軍之力大破太平軍於上海之徐家匯斬馘三千人奪獲餉械無

算於時洋人皆服鴻章用兵之神鴻章乘勝進兵恢復吳江江陰等縣

○曾國藩遣將擊太平軍

○國藩既奉命統籌東南大局於是以破滅

國荃主寧事

宗棠主浙事

鴻章主蘇事

十道並出

國荃破敵和州

進克西梁山

國荃圍江寧

太平軍爲己任分路出師時其弟國荃既克安慶軍氣甚銳卽以恢復江甯之事付之杭州再失國藩舉左宗棠爲浙江巡撫以全浙之事付之蘇滬繼失國藩舉李鴻章爲江蘇巡撫以江蘇之事付之國藩駐節安慶居中調度於是曾國荃有直擣金陵之師楊載福彭玉麟有肅清下游之師多隆阿有圍攻廬州之師李續宜有派援潁州之師大江以南鮑超有進攻寧國之師張運蘭有防勦徽州之師左宗棠有規復全浙之師李鴻章有援剿蘇滬之師十道並出皆受成於國藩及二年九月李鴻章克復蘇州太平軍事乃益岌岌

曾國荃破太平軍於和州復梁山關 曾國荃克復安慶後國藩卽

以恢復江寧事委之國荃乘勝率十二營過河破太平軍於銅牯復巢縣克含山城又殲和州太平軍江流爲赤初太平軍之據金陵也以全力扼東西梁山

東梁山在當塗縣西南西梁山在和縣南隔江對峙

國荃以此關爲金陵鎖鑰統全勝之師逼

梁山而陳敵軍向江州退走官兵水陸擊破之遂取西梁山自是金陵重

關已得其半敵勢大沮

夏四月曾國荃復蕪湖進攻秣陵關克之遂圍江寧 國荃既奪西

梁山進次采石

山名在當塗縣西北二十五里

遂逼金柱關彭玉麟分水軍爲三隊一隊守

溪一隊衝入內河一隊輦礮立岸環城轟擊夜半射火箭焚其西門轆樓

敵軍從火燄中逸出積骸滿渠遂克金柱關東梁山亦下又復蕪湖國荃

遂乘勝進攻秣陵關彭玉麟率水軍由烈山赴之五月國荃既至秣陵太

平將汪伍等舉衆降秣陵遂破秣陵環水巍峙天然雄鎮也乘敵備未嚴

不血刃而下之次日取大勝關

在江寧縣西南三十里

進逼金陵駐軍雨花臺時江寧

城外敵堅壘以百數國荃駐軍僅南面一隅敵所習見無恆懼意常出大

隊來攻國荃屢擊卻之

時曾國藩以兵孤懸未可輕進屢誘退軍國荃答曰諸軍士自應

久非利也若舍金陵老葉弗攻置將士于閒城浪戰而意怠功必無成逼城而屯亦足以致寇軍勢雖危顧不可求萬全于是國藩許之

荊州將軍多隆阿復廬州府太平英王陳玉成走壽州苗沛霖誘擒玉

成送京師殺之

初玉成因援安慶不得將趨湖北德安招其黨羽諸

將不從玉成乘夜由六安走廬州洪秀全切責之玉成遂留屯廬州城東

至是多隆阿進攻廬州令部將石青吉

字祥瑞直隸沙河人

爲前鋒既至敵出數千人

迎拒大敗之玉成營城外恃水爲險多隆阿下令掘隄決水以灌敵軍然

濠長水深不能盡乃罷掘隄并力攻城破東門三壘玉成來援復大敗不

克金柱關東梁山

破秣陵關

取大勝關

逼金陵

復廬州陳玉成被擒

多隆阿攻廬州

沛霖誘  
成擒陳玉

玉成死  
延津

湖州失

趙景賢  
死難

程學啓  
破敵松

敢入城由版橋河逸去敵軍大亂自相蹂躪石青吉等梯西南以登城遂破分兵追玉成玉成以數百騎奔壽州投練總苗沛霖沛霖曾受太平封爵與玉成有舊故往乞援焉玉成至沛霖遣黨迎謁誘入城伏兵擒之并其部將諸王二十餘人解送潁州勝保軍前捻首張洛行聞耗糾黨數百人于中途謀劫奪沛霖擊走之勝保檻送玉成至京師未至京詔于河南衛輝府之延津將玉成凌遲處死玉成渾名四眼狗勇悍類楊秀清謀略過李秀成既死楚皖之間遂無勁敵

**附**

陳玉成亦一世之健者也胡文忠撫武昌為軍事盡瘁以死而使文忠頗年吁食者實玉成其人也文忠死而玉成亦亡於是長江數千里龍擊虎爭之活劇稍蕭條矣

似此傑物竟為反覆豎子苗沛霖所賣不亦大可慨也哉

五月太平軍下湖州福建布政使趙景賢被執不屈死之 **圖**初杭州

失太平將李世賢譚紹洸率師犯湖州據大錢口內外隔絕糧道不通景

賢在籍辦團練輸重金為眾倡累有戰功至是食盡城遂失景賢被執不

屈至二年三月被戕於蘇州事聞照巡撫例賜卹予諡忠節

太平軍克嘉定遂圍松江程學啓力戰破之松江圍解 **圖**太平忠王

李秀成自上海失敗後轉攻太倉悉銳攻青浦嘉定英法兵怵敵眾突圍

學啓鴻  
章夾擊

淮軍立  
威

鮑超復  
甯國

楊輔清  
通洪容  
海降

李續宜  
督辦安

出嘉定復陷青浦亦危而敵軍圍松江尤急常勝軍華爾議棄青浦挈守軍死戰出城併力守松江時程學啓以孤軍八百人駐新橋敵軍圍之數十而學啓登營牆發劈山礮抵禦敵進逼則開壁門轟擊敵旋退旋至如是者九李鴻章自勒兵援之學啓望見空壁大呼奮擊敵駭奔松江圍解先是淮軍至滬英法兵見其衣冠樸陋輒訕笑之鴻章曰兵貴能戰豈在華美迨吾一試笑未晚也自有此戰而淮軍始爲外人所信重無復揶揄者矣

六月提督鮑超復甯國府太平保王洪容海降先是太平輔王楊輔清率衆十餘萬踞甯國府分股屯寒亭等處鮑超引兵擊破之進軍高阻山楊輔清匿城中太平保王洪容海等數十萬衆繞城築壘絡繹三十里超又擊破之奪望城岡敵軍四出來襲太平循王魏超成列隊胡廬山楊輔清復由大東門出超奮擊皆大敗之敵軍奔潰超分兵躡追殲敵二萬有奇血流漂鹵楊輔清以單騎遁洪容海率衆出降甯國遂復並復廣德州

秋七月袁甲三以病免以安徽巡撫李續宜爲欽差大臣督辦軍務以

徵軍務

勝保赴陝西

僧王節制四省

多隆阿復紫荊關

破陳得才

開城迎敵

吳棠署漕運總督。續宜旋丁母憂，請假回籍。二年冬病卒，予諡勇毅。

命欽差大臣勝保赴陝西督辦軍務。勝保先奉命督剿皖捻，因袒

護苗沛霖與袁甲三李續宜齟齬，旋命馳赴河洛。至是因陝省回民猖獗，

多隆阿在隨州棗陽一路布置，太平軍陳德才等又攻圍南陽，爲所牽掣，

不能赴陝。故又命勝保赴陝督辦陝西軍務。

命欽差大臣親王僧格林沁統轄山東河南全省軍務，並調度直隸山

西兩省防兵。詔四省督撫提鎮以下各官及副都統遮克敦布河南

團練大臣毛昶熙漕運總督吳棠均歸節制。初僧格林沁督師山東，初戰

不利，後漸削平諸教黨及土匪。至是始命以全力剿捻。

八月多隆阿復紫荊關。初太平扶王陳德才糾合豫捻姜汰陵等

二十餘萬衆分三路窺陝西，多隆阿慮關隘爲所奪，命先鋒雷正綰以陶

茂林等三千人兼程前驅，自率大軍繼之。甫抵商南，陳德才已躡于後，襲

踞荊紫關，將以截饗道。遂還師攻破之，復其城，得才宵遁。令馬隊追之，步

隊列營少息，單騎入商南，姜汰陵猝至，商邑城甚陋，且當敵衝，城中僅衛

卒數十衆，咸驚怖。多隆阿從容布置，城門洞開，命十數騎列陳以待，敵不

設伏截敵

奇捷

克慈谿華爾死

白齊文繼任

白齊文降敵

白齊文放逐

敢逼數日敵北趨後軍亦至隆阿已豫檄陶茂林等設伏武關截敵出路  
自率五千人追擊二百里其地亂山崎雜兵難展布乃棄馬登山覘敵所  
向以旗指揮三戰三捷敵軍墜崖澗死者無算姜汰陵僅以身免是役也  
以數千疲卒當敵軍五六萬聞者偉之

綱常勝軍援浙攻慈谿克之華爾中槍死 目上海既平華爾偕寧紹台

道史致鄂率師援浙浮海復寧波餘姚等城適敵軍破慈谿華爾率常勝  
軍數百人攻城方以遠鏡瞭敵卒為槍丸所中洞胸達背猶揮眾登城遂

克之明日卒以中國章服殮從其志也後葬松江李鴻章請於朝得旨于  
寧波松江兩府建專祠仍從優議卹華爾卒後美國白齊文繼之攻克嘉

定青浦以賞薄缺望遂刼餉銀投太平軍為之謀主嘗勸李秀成盡棄江  
浙兩省地斬伐茶桑焚燬廬舍然後并合大隊轉戰直趨北方據齊豫秦

晉上游之勢以控東南其地為外人勢力所不至乃可以逞秀成戀故土  
說不行後白齊文被擒以無專治外人之法致之美領事美領事放之東

洋 太平軍初犯松江時眾數萬華爾五百人禦之敵圍之數十重華爾分其眾為數陣陳分五  
重人四營最內者平立其外運甯至最外者悉踞地皆以槍外指望之如砲首執針然將居

中吹角為號一動無不動數十槍齊舉敵披靡遁走卒後吳煦檢其饑得金陵城圖凡  
敵將所居百十處距城垣丈尺方位纖悉皆具不知何時何人所繪可謂有心人已



復嘉定

死卜羅德

譚紹洸  
來犯

國荃大  
敗援寧  
敵軍

江南大  
疫  
秀成自  
蘇至

綱九月英提督何伯復嘉定 目初李鴻章至上海遂節制常勝軍令參

將李恆嵩副華爾會英法二國兵攻嘉定青浦克南橋鎮法提督卜羅德  
中槍死詔賜貂皮綵緞卹其家英提督何伯代之恥卜羅德嘉定之失詣  
李鴻章約攻嘉定鴻章遣淮軍與之合攻英新提督周伯又率英法兵助  
戰何伯燃炸礮轟坍城牆數十丈分布雲梯一擁而登遂復嘉定太平慕  
王譚紹洸率十餘萬人來衝立五大營設浮橋分犯重固鎮提督黃翼升  
總兵程學啓等先至破之李鴻章督軍至戰益急敵大敗追至三江口毀  
浮橋擒斬數萬人平二百餘壘自是太平軍不敢復窺松滬

綱冬十月太平忠王李秀成侍王李世賢率師援江寧曾國荃擊走之

目先是夏五月曾國荃引兵襲秣陵關克之太平將汪伍舉衆降遂進逼

金陵駐軍雨花臺圍攻甚急江寧大震洪秀全飛檄促李秀成李世賢入

援時左宗棠力攻衢州世賢不克離浙玉成先遣別將回援戰不利及秋

八月江南大疫徽寧尤甚鮑超等病不能軍金陵圍師亦死者山積閏八

月疫猶未已將士方資休息而李秀成自蘇州糾衆至號六十萬結二百

餘壘環攻國荃營十晝夜不休國荃督軍策應飛丸傷頰血流交頤裹創

世賢自浙至

二李退走

國藩議撤圍不果

多隆阿督陝軍

勝保功績

巡軍衆心以安九月李世賢復自浙江至開隧道以攻國荃軍國荃令軍士亦于營中掘隧迎之相持四十餘日敵復來襲糧道國荃一夕築小壘無數敵衆來攻力戰卻之國荃弟貞幹卒於軍敵軍復大至至是國荃乃下令開壁大戰俘斬數萬人重圍始解世賢走廣信秀成走江北復分軍追擊破之當是時士卒以軍中爲家以將帥爲父母故能合力以禦疆寇而曾國藩深以孤軍深入爲慮猶欲令國荃乘勝撤圍或議退守蕪湖國荃曰賊以全力突圍是其故技向公和公正以退致挫今若蹈其覆轍賊且長驅西上何蕪湖之能保况賊烏合無紀律豈可見其衆而自怯後國藩視師江寧見圍屯堅定始無退軍之議

綱欽差大臣勝保有罪逮問詔以多隆阿爲欽差大臣督辦陝西軍務

目勝保督辦陝西軍務後驕恣欺罔回氛益熾詔逮京治罪授多隆阿爲欽差大臣督辦陝西軍務先是太平軍之據揚州也勝保始以學士從琦善敗敵浦口旋復揚州用是驟簡爲欽差大臣治直隸軍事迭督攻天津獨流等地解捻衆固始之圍及英法聯軍入都首先率師勤王以故寵眷最優文宗崩於熱河特允其叩謁梓宮當時羨爲異數詎意因此矜功恃

勝保驕  
恣

勝保自  
盡  
何桂清  
伏誅

桂清棄  
城喪師

寵日卽驕淫前以欽差大臣督辦皖軍日久無功徙而督治豫軍又寡效  
果嗣又命赴直隸山東旋復折回安徽河南均於奏牘粉飾鋪張實則兵  
事苟且滅裂而其養癰貽患尤在受苗沛霖之降始終袒庇以釀亂階及  
督辦陝西回亂時又欺罔驕恣濫漁女色英桂德興阿等屢劾其侵餉肥  
已擁兵玩寇而勝保祇認攜妾赴營一欸奉旨褫職逮問其後僧格林沁  
查訪咨詢情形屬實遂於二年七月賜令自盡

綱前兩江總督何桂清有罪伏誅 何桂清滇人也家世寒微弱冠入

翰林循資入遷而至侍郎督學江蘇值太平軍之亂屢上疏言兵事文宗  
奇其才擢浙江巡撫旋以大學士彭蘊章奏薦洵升兩江總督加宮保銜  
自是慷慨喜談兵聲譽翔洽與胡林翼相上下天下稱爲何胡兩宮保咸  
豐十年江南大營失張國梁和春俱死桂清方以籌餉駐常州擁兵自衛  
坐視不救反疏陳自任力保蘇常辭氣甚壯及聞丹陽失大懼倉皇棄常  
州又拜疏言退守蘇州籌餉致常州失陷既至蘇州巡撫徐有壬劾其棄  
城喪師狀奉旨褫職逮問桂清乃由常熟奔上海遷延兩稔抗不就逮及  
同治元年春兩宮聽政言路論劾不已始被逮入獄刑曹郎余光倬引律

擬斬其黨多疏救御史卞寶第駁之京曹李棠階亦密疏言平賊不可先庇逃帥至是始命棄市後余光倬爲桂清黨所嫉卒撫他案劾罷之終身廢不復用。

**附記**

薛福成謂勝保何桂清之兵敗處死及曾國藩左宗棠李鴻章三人之爵賞皆出自東太后意旨嘗以此推爲東太后之盛德嗚呼孰謂東太后之柔懦無力乎人言東太后不識漢文每有奏輒必西后講語常經月不決一事然關於軍國大計及舉賢進能每行一事天下無不頡手稱慶審然則東后亦賢而多智者矣其所以事事容納西后蓋亦深知西后才能可用故稍假以權而不與爭其

敵鮑超破

**綱**癸亥二年春正月提督鮑超與太平輔王楊輔清戰於高阻山大破之

涇縣解圍

**目**正月元日太平軍七萬圍涇縣架梯蒙絮悉銳攻城守將易開俊以木石下擊敵始退時提督鮑超在高阻山聞警馳援大敗之悉焚其壘敵解圍走超自涇歸適西河太平軍來將圖一逞望其旂幟愕曰鮑超來矣

一閩而散先是楊輔清據西河衆十萬餘人常伺高阻山營超令總兵宋國永

字長慶  
衛陽人

守營親伏太子廟以伺其變已而敵三萬來圍超令總兵梁

美材潛伏斷敵後鼓角一聲三軍突出宋國永乘勢來擊敵亂奪路走美材伏發斷路敵大敗悉復西河麒麟山等隘

**綱**左宗棠復金華府 **目**初太平侍王李世賢據金華圍衢州其勢甚熾

宗棠復金華

浙東肅清

僧王破擒張洛行

擒勢猖獗

洛行伏法

雲南回亂

左宗棠自開化遂安往援大破之衢州圍解及世賢往援金陵金華空虛浙軍蔣益澧劉典字克齋湖南寧鄉人等圍攻湯溪至是克之并克龍游蘭溪遂復金華府旋進克浦江諸暨並克紹興府桐廬縣浙東肅清詔授左宗棠為閩浙總督以曾國荃為浙江巡撫仍駐軍江寧

二月科爾沁郡王僧格林沁大破擒衆於雉河集擒擒首張洛行斬之  
擒首張洛行以蒙城雉河集為老巢受太平封號跳梁楚豫江皖間幾十年旋分其衆為五旗馳突徐宿曹歸一帶與太平相犄角同治初復與太平英王陳玉成之黨陳德才合兵入陝西及湖北河南等處勢至猖獗時郡王僧格林沁節制山東河南直隸山西四省軍務總統東三盟及馬步各隊專剿擒黨大小數百戰逐漸剷除至是軍至蒙亳適張洛行等聚集尹家溝遂率隊往攻侍郎國瑞等又迫攻雉河集老巢二路皆破洛行遁至宿州為知州英翰擒獲正法其從子張總愚代領其衆與任柱賴汶光等合股走山東

雲南回民叛總督潘鐸被執死之  
雲南回亂杜文秀主之文秀雲南永昌回教徒也初雲南一隅漢回雜處時起爭端道光時林則徐為總

杜文秀  
作亂

徐之銘  
昏庸

潘鐸  
雲貴督

回酋糾  
紛

督訊保山漢回交鬪案有祇分良莠不分漢回語藉以稍安咸豐五年臨  
安漢回又以爭銅鑛起衅而杜文秀馬金保等遂起兵文秀初作亂於永  
昌爲官軍所敗遁匿蒙化縣之圍埂圍埂回入萬餘助之復起兵蒙化陷  
大理府徑撲省城總督恆壽自經死布政使鄧爾恆被殺掠於是羣回嘯  
聚蠡起叛亂省城回民亦與叛回通魚肉良民脅制官府巡撫徐之銘貪  
淫昏懦既已爲回衆所劫失其主權又復挾回以自重雖經朝廷罷斥而  
新授巡撫賈洪詔等皆不能入滇僑寓成都遙探軍務奏報朝廷而已而  
之銘爲諸回擁護託言不能交篆踞位奏事如故潘鐸既受命署雲貴總  
督毅然入滇視事後欲力振威權安輯回漢而寇盜逼處殊難措手回人  
掌教者爲馬復初名德新以字行爲回教中行輩最先推爲大酋羣回皆  
隱聽號令之銘與謀遣人至大理招撫杜文秀許割大理永昌麗江三府  
封之德新復親至姚州今騰越道姚安縣議和文秀出示謂馬復初已允分給迤西  
之地矣總兵馬如龍亦回民之渠魁也慄悍善鬥斯時德新如龍雖首鼠  
兩端尙未顯露逆跡潘鐸頗欲羈縻之德新示欲封平南王鐸嚴拒之馬  
如龍亦欲兼并迤東諸郡而臨安土豪梁士美不服以忠義激官紳糾衆

潘鐸被

岑毓英  
自保

勞崇光  
督雲貴

鮑超克  
金壇

收復建  
平

據險以拒如龍請剿之鐸不許如龍徑率所部往攻鐸檄士美固守又檄他郡練衆之與如龍爲讎者使與士美合圖如龍其謀爲之銘洩之德新德新怨懼交并密召回酋馬榮率黨二千餘人冒鐸所訓練衆旗幟入城居五華書院日出騷掠鐸親往彈壓諭令出城馬榮嗾衆使前鐸大罵遂被戕藩司岑毓英字彥舫廣西西林人以練兵數百扼守藩署臬司以下皆避入焉之銘迎馬德新入居總督署號令一切德新初意召馬榮使與官爲難而已調停之以市德于總督并解如龍之危及構成大釁又欲討馬榮以示已無叛意乃密召如龍赴省岑毓英亦致書如龍獎其忠誠如龍遂還省與毓英共攻馬榮其黨死傷過半榮逃回武定旋爲官軍擒斬之銘仍署總督馬如龍署提督事聞詔潘鐸照總督陳亡例優卹予諡忠毅之銘革職來京旋以勞崇光爲雲貴總督

夏四月鮑超復建平進克金壇 時青陽被圍鮑超馳援至三山地名

在安徽繁昌縣北敵解圍遁追破太平報王藍仁德於曹塘斬級六萬太平將張勝

祿等殺仁德以降收復建平進攻句容大戰于塔岡城斬馘七千敵衆內亂夜縛太平翰王項大英烈王方成宗來降戮之于市引兵驅寶堰破堅

會國荃  
攻雨花臺

攻其所  
必救

拔聚寶  
門九壘

石達開  
犯四川  
敗死

達開蓄  
意入川

壘進克金壇常州敵由丹陽來犯大破之斬首逾萬

綱曾國荃攻雨花臺拔九壘

目初李秀成率衆援江寧不得逞遂竄江

北爲鮑超擊敗于六安

清直隸州今爲縣屬淮泗道

復率衆東竄聲言回救蘇州時李鴻

章圍蘇州急恐其猝至急函商曾國荃請力攻上游以分其勢國荃度秀

成不回援蘇州卽走揚州計莫如急爭金陵老巢攻其所必救乃于是月

二十七日夜激厲各軍齊隊出濠六路並進各路以一營爲前鋒兩營爲

策應令李臣典

字祥雲邵陽人

等攻雨花臺匍伏蛇行偷近石城石壘束草填濠

架梯欲上敵驚覺然礮外擊衆少卻李臣典立斬二卒舉旗直前諸軍擲

火箭焚敵樓肉薄齊登乘勝猛攻拔聚寶門外之九壘敵衆走溺水者無

算城中太平軍悉銳出城猛撲國荃營國荃力禦之卒不得逞敵勢由是

大挫

綱太平翼王石達開犯四川督駱秉章擒斬之

目石達開自咸豐九

年七月撤寶慶之圍入廣西攻桂林不克再走湖南犯廣東邊境爲粵軍

所敗遣黨分擾黔滇皆不得志其部將中旂賴裕新出寧遠亦爲官軍所

殲達開本蓄意入川圖竊據乃自率大隊渡金沙江擬由邊地土司小徑



誘降被斬

克九洲

破燕子磯

長江肅清

入川爲避實蹈瑕之計時川督駱秉章已懸重賞示諸土司使抄其後及達開至紫打地方將渡大渡河而河水暴漲川軍唐友耕等亦至列營河對岸其地左阻松林河在四川建昌道松林司北右阻老鴉漩河在松林河南東流入大渡河而土司復自後偃古木塞路達開糧罄路窮奔老鴉漩官軍追至誘之降送成都斬之并所部數千人無脫免者

**附記**

達開爲秀全初起時五王之一素蓄大志以仁義籠絡其下人心附之自出金陵獨樹一幟滋擾六七省蹂躪百數城至是擒滅太平之勢益孤矣

五月彭玉麟楊載福復九洲九洲在江寧西北江心急浪中

敵築壘數十列舟環之爲金陵犄角又有闌江磯草鞋峽七里洲燕子磯中關下關諸隘相倚以爲固彭玉麟陳船上流分二隊南從秦淮向下關北繞永安州向草鞋峽更列軍爲南北後應提督楊載福躬自督戰以枯荻灌油燒屯舟因燒旁壘入襲燕子磯破之明日昧爽繞岸而攻人皆死戰敵分三隊發火槍死傷數百人至夜載福令部將喻俊明成發翔王吉任星元更番夜攻彭玉麟夜選精壯四千持短兵登岸黑霧中潛燒敵壘諸將皆冒礮踐尸蟻附而上人忘其死洲竟破敵衆萬餘無一脫死者時載福已克浦口江浦二縣長江一帶肅清

秀成大  
敗於江  
陰

劉銘傳  
先發制  
人

郭松林  
陷陣克  
敵

鴻章復  
江陰

○劉銘傳郭松林大破太平忠王李秀成於江陰

○時太平章王護王

普王潮王侍王等自無錫至江陰顧山

在江陰縣東  
南七十里

連營聚衆出犯李秀成

已渡江至無錫合五王之衆水陸數十萬冀擾江陰走常熟劉銘傳與諸

將合謀謂宜乘敵未定擊之敵軍北自北溇南自張涇橋東自陳市西自

長壽縱橫六七十里爲壘數百憑河扼險毀橋梁納礮船勢頗盛于是劉

銘傳進北溇攻其左郭松林進南溇攻其右周盛波等進麥市橋爲中路

黃翼升以水師助之松林先敗敵於陳市翌日越南溇趨長涇敵大驚諸

軍四面縱擊松林持刀陷陳東西決盪血染衣襟敵大潰追至祝塘銘傳

破北溇敵營三十二盛波等破麥市橋敵營二十三松林破南溇敵營三

十五共殺敵數萬禽敵王以下百餘酋獲馬五百匹船三十艘軍械無算

餘衆潰遁自顧山以西無敵蹤

○秋八月李鴻章復江陰太平廣王李愷順自溺死

○太平軍久據江

陰劉銘傳郭松林等大破李秀成敵勢頓蹙至是太平護王陳坤書率衆

十餘萬人來援連亘數十里李鴻章以洋槍隊擊敗之又督諸將水陸進

攻連戰皆捷遂復江陰城太平廣王李愷順墮水死

鴻章復蘇州

圍攻蘇城秀成入援

郜雲官通欵

秀成遁紹洸被刺

學啓謀誅降將

○九月江蘇巡撫李鴻章復蘇州殺太平降將郜雲官等八人 ○初李

鴻章率淮軍至上海合常勝軍之力大破李秀成軍解常熟昭文之圍未幾常勝軍華爾以援浙陣亡美人白齊文代之白齊文以通敵被逐而易之以英將戈登與淮軍程學啓同取太倉復崑山新陽進攻蘇州先取吳江江陰等縣並攻克太湖附近各卡隘水陸萬餘人逼蘇州城而軍圍攻甚力太平忠王李秀成率衆入援屢戰不利濬墅關又爲淮軍所奪遂入城與譚紹洸堅守淮軍以炸礮轟擊城外石壘皆破水師亦屢勝敵軍洵懼納王郜雲官等有貳心因副將鄭國魁通欵于學啓學啓與戈登乘輕舸造城北湖濱與雲官等面訂降約使殺秀成紹洸許以二品賞學啓爲之誓戈登證之雲官不疑而不忍殺秀成許圖紹洸秀成微覺之先遁去紹洸以事召雲官雲官攜天將汪有爲往卽坐刺殺之并殺其黨千餘人開齊門降學啓入城撫視降將列名者八人曰納王郜雲官比王伍貴文康王汪安均寧王周文佳天將范起發張大洲汪懷武汪有爲也擁衆尙二十萬乞學啓白李鴻章求授總兵副將等官署其衆爲二十營仍屯閶胥盤齊四門學啓以雲官尙未薙髮恐不可制密白鴻章請誅之以定衆

悉斬八  
降將

戈登負  
氣

復無錫

僧王破  
擒蒙城

鴻章猶豫不忍發學啓固請從之于是延八人謁鴻章鴻章呼左右取八冠紅頂花翎進令八人戴之曰今爲我大清官矣好共立功趣備酒食宴八人於帳內坐從卒帳外鴻章僞出巡軍學啓令閉營門發一礮雲官驚曰何事伏甲起雲官腰間尙帶小洋槍舉擬學啓一會頓足曰今到此尙何爲吾固知爲程某所賣于是悉斬八人整衆入城遂定蘇州副將鄭國魁先與郜雲官誓不相害憾學啓負約涕泣不食臥三日戈登亦以殺降不義怒詈學啓將出兵攻之鴻章委曲調停令國魁爲雲官設佛事親詣祭弔泣數行下衆乃輯服而戈登自是不復見學啓

綱冬十月李鴻章復無錫擒太平潮王黃子澄

攻無錫轉戰十晝夜遂克高橋

在無錫縣西北

新安

在武進縣東

太平潮王黃子澄七萬

人死守鴻章環攻不息周盛波

合肥人

郭松林破惠山斬二千人連戰皆克

諸軍奮勇齊登子澄出北門走周壽昌手禽之遂復無錫

綱十一月僧格林沁大破擒衆於蒙城擒擒首苗沛霖斬之

起分兩大股其股酋一曰張洛行一曰苗沛霖張洛行既爲僧格林沁所

擊斬餘衆潰走山東尙有苗沛霖一股沛霖據有壽州欲北趨中原號召

城 擒攻蒙

陳國瑞 大挫敵 勢

苗沛霖 被殺

復宜興

克嘉興

羣捻以蒙城扼其衝。悉練衆百餘萬。攻之。聯營百餘里。勢甚張。將軍富明  
 總兵王萬青等引兵赴援。皆望壁不敢戰。僧格林沁既擒斬張洛行。遂督  
 大軍南下。以總兵陳國瑞爲先鋒。破沛霖數壘。其勢始挫。先是沛霖之欲  
 受招撫也。嘗誘太平英王陳玉成。並其部將二十餘人。解送勝保軍。磔殺  
 之。而留其親兵爲己部卒。至是部卒見沛霖勢挫。謀爲玉成復仇。因殺沛  
 霖以降。其衆乃平。

**附記** 苗沛霖之圍蒙城也。環城築壘。勢張甚。他軍援蒙者。壁數十里外。國瑞至。適壘攻破。  
 之。毀敵營數十。轉戰而前。直搗其巢。沛霖率死黨迎敵。國瑞驅軍奮擊。敵崩潰。整軍  
 再戰。又大敗之。敵乃拒河固守。不出。日用大礮。向國瑞營中轟擊。子落如雨。國瑞方閱文書。  
 甫離席。敵子碎其坐。國瑞大怒。命左右置交椅營外。瑞坐大呼曰。我陳國瑞也。任爾施礮。無  
 我則有爾。有我則無爾矣。敵聞言。放數十礮。不能中。乃  
 相顧大駭。遂止不轟擊。日以長河高壘自固。其勢始挫。

**綱** 臺灣亂平。 **目** 時臺灣匪亂。總督徐宗幹奏克復彰化縣城。旋又奏生

擒戴萬生。剿滅巨股。會匪南北兩路肅清。

**綱** 甲子三年春正月。郭松林復宜興。荊溪。 **目** 李鴻章既復蘇州。令郭松

林戈登分兵攻宜興。荊溪二縣。太平軍出戰。松林中彈傷。裹創再戰。破敵

于上湖橋。太平代王黃精忠殊死來援。又敗之。遂復二城。

**綱** 二月。程學啓攻嘉興。府克之。卒於軍。 **目** 學啓既復蘇州。卽由蘇州率

程學啓  
受創

學啓卒

杭州克  
復

敵竄江  
西  
多隆阿  
卒

兵攻嘉興府肉薄登城中彈傷腦軍士昇歸其部將劉玉奇督軍奮攻潘鼎新字琴軒安徽廬江人劉秉璋亦水陸交進遂拔嘉興府城學啓智勇天發料敵多奇中諸將無與匹儔當是時淮軍中以學啓所部為最強威震東南方李鴻章之東下也必欲挾之以行曾國荃不可其兄國藩力爭之強而後可其後江寧事急復調學啓鴻章又不肯遣之行國藩與左宗棠書曰吾弟未嘗不私怨阿兄坐令彼得一人而強此失一人而弱是知喜雄駿而惡關茸重干莫而薄鉛刀吾何異于人耶其推重如此至是創重卒年三十

### 五諡忠烈

閩浙總督左宗棠復杭州 初浙軍蔣益澧攻富陽久不下得法國總兵德克碑洋槍隊之助始克之遂進薄杭州康國器等攻餘杭太平康王汪海洋自杭州出援敗歸而左宗棠自嚴州至杭督戰師次海寧太平守將蔡元隆以城降官軍又復桐鄉與江蘇軍合至是遂大舉攻城守將聽王陳炳文知不能守乘夜出走遂克杭州汪海洋亦棄餘姚走德清旋與炳文由徽州竄江西

三月多隆阿帥兵擊回民於盤屋受傷卒 回民之亂起於關隴先

起亂初

漢回交

金積堡  
老巢

多隆阿  
困於小  
寇

是咸豐末，豫撫嚴樹森募陝西回勇六百名，赴汴防守。已而遣歸陝，團練大臣張芾復招集之。同治元年，太平扶王陳得才與捻匪合，竄入武關，全陝大震。回勇聞警，皆散走。道經華州，強伐漢民家竹，被殺二人。附近回民大怒，欲糾衆爲之復仇。時有任五者，本雲南叛回，遁至渭南之倉橋渡，遂乘機鼓動回勇，合謀倡亂。漢民村落多被焚屠。於是華陰、耀州等處漢民亦聚衆殺回民。漢回交鬪，張芾聞變，馳至臨潼，意欲招撫之。爲任五所害，圍同州，掠西安。甘回亦叛，應之。而馬化隆以起馬化隆者，回教中新教之教主也。回民多歸附之。據金積堡爲老巢，勝保及多隆阿先後奉命入關。勝保畏葸不敢進，被逮入京。全軍並屬多隆阿。多隆阿威名素著，督戰尤力。屢挫回氛，破倉橋渡，入西安。其鋒甚銳，驅剿回民如風掃箒。陝回幾盡。將移剿甘回矣。會盩厔、藍、大順未破。多隆阿移師圍之。盩厔城小而固，大順百計守禦，久不能拔。朝廷以多隆阿用兵神速，訝其師久無功，嚴旨詰問。多隆阿亦自恥，困于小寇，親督諸將力攻盩厔。頭眼受傷，忍創回營。傳令諸將：此城速克，傷重亦可痊；如不能克，傷輕亦不欲復活。諸將四面環攻，遂復縣城。大順逃至漢陰，爲團練所截殺。多隆阿以傷重卒於軍。

多公戰績

撲滅滇回

克復常州

洪秀全自殺

圍攻江甯

初隆阿以黑龍江馬隊從征楚皖身經數百戰生平愛士卒如骨肉而威令嚴明智勇兼備屢摧巨敵至是卒事聞予諡忠勇

綱以副都統穆圖善代領多隆阿軍 目多隆阿既卒副都統穆圖善接統其軍奉命旋楚防剿滇匪藍二順二順初踞山陽復游弋豫楚邊界聞大順敗回軍疾撲西安省城穆圖善會同陝西巡撫劉蓉及德興阿等堵擊屢獲大勝旋撲滅之穆圖善奉調赴甘肅辦理西口軍務

綱夏四月李鴻章復常州 目時太平護王陳坤書守常州李鴻章督劉銘傳郭松林及戈登之常勝軍攻克之生擒坤書同時鎮江揚州官軍亦克丹陽

綱五月太平天王洪秀全自殺太子福瑱卽位以忠王李秀成輔國 目初曾國荃以同治元年夏圍攻江甯駐營雨花臺守城兵出戰輒被創秀全促李世賢李秀成等入援又被國荃擊敗二年九月李鴻章克蘇州無錫常州相次恢復未幾左宗棠奪取杭州全浙漸定彭玉麟又以水師鏖戰長江一帶所向皆捷曾國藩遂下令合東南各路之師以圍江甯是時太平軍中陳玉成既被擒於皖北石達開又緝獲於川南圍城之中惟李



克天保城

秀成主  
城守

秀全仰  
藥

克復江  
寧

世賢李秀成二人盡力防禦時江寧城東西南三面皆爲曾軍所圍惟東  
北鍾山尙爲敵軍佔領本年正月曾國荃攻克鍾山巔之大石壘卽所謂  
天保城者在太平門外鍾山之巔於是城北之圍亦合城中形勢益形緊急李秀成屢  
勸洪秀全暫離江寧親征鄂贛握上遊以號令天下襟帶蘇浙以利餉源  
秀全不聽秀成請奉太子監軍萬一京師不幸奉幼主以圖恢復如唐肅  
宗靈武故事亦不省秀成乃令李世賢就食江西而自留江寧主城守至  
四月杪城中糧絕食草根樹皮而軍民殊死守秀成語餓民曰曾國荃設  
局城外招撫難民爾曹盍往就食衆曰王捐軀以衛社稷吾儕從王死耳  
日自殺者恆數百人秀成傷之欲放民出城秀全不可秀成卒放之秀全  
見圍城垂破知事不可爲嘆曰吾以義拯同胞兄弟今反爲兄弟敗然數  
十年後必有繼吾志而起爲同胞爭自由者遂仰藥死年六十有五時五  
月二十七日也太子福瑱卽天王位年十有六遺命以秀成輔國秀成日  
綜政務夜出巡軍憔悴骨立而知人善任恩威並行人心服之若子于父  
綱六月大學士曾國藩督諸將克復江寧太平幼主洪福瑱走江西忠王  
李秀成死之 自曾國荃攻克天保城江寧之圍始合江寧城周百里

克地保城

穴地攻城

城破

洪福瑱出走

國荃百計攻謀築隧道以轟之而李秀成主城守每登陴遙望見其上草色卽知下有地道因於城內築月城以禦之曾軍穴地悉阻月城勿能進五月三十日曾國荃復攻克龍膊子山陰堅壘卽所謂地保城者遂築礮臺其上日夜轟擊而潛穴其下實火藥三萬斤封築完固填以大石口門留一穴以粗竹數丈爲引綫貫入穴中竹內以大布數匹包火藥實之及期各軍嚴陣以待火始入但聞地中隱隱若雷鳴歷一小時忽霹靂砰訇如天崩地拆城垣二十餘丈隨煙直上大石壓下擊人於一二里外死者數百人諸軍由缺口衝入李臣典彭毓橘等蟻附而登江寧城遂破國荃兵入城搜殺三日夜掘秀全屍斬其首焚化之章王林紹璋顧王吳汝孝皆自殺妃嬪投御河死者以百十計將弁三千軍民十餘萬皆死無一降者城郭宮室連燒三日不絕秀全后賴氏攜幼主福瑱付秀成返身入河死秀成倉猝挾福瑱出至家別其母母麾去之方投纒秀成弟揚王名成至見之斷纒下大呼曰兄護幼主弟護老母以聽天命可也遂同登城衝大北門缺口出行三十餘里遇勁兵部衆皆擊散秀成卽以所愛駿馬與福瑱使名成奉之並其母馳去而自爲之殿福瑱旣去秀成自率九騎登

秀成被擒

秀成死

江寧平封爵行賞

方山在江寧縣東南四十五里至暮下山渡河竄鄉間鄉民匿之澗西村為提督蕭孚泗

親兵王三清所擒送國荃軍國荃盛陳儀衛訊之秀成背立而言曰何必

爾速以紙筆來吾當書之吾史館實錄爾輩焚燬盡吾不述奚以傳信自

是在站籠中自六月二十七至七月初六凡十日日述七八千言既畢被

殺年四十歲村民聞秀成死夜劫王三清去殺而投諸河秀成廣西藤縣人與陳玉成同里篤實忠

厚尚信義富謀略恩撫士卒皆樂為之死太平軍自五王死後賴秀成支持危局縱橫盡決于長江數省直六七年秀全倚為柱石廷爭直諫有大臣風去蘇州日男女老幼流涕送之及解至國

藩營松王等見之皆長跪請安國藩恐民心未去燕羽之為變決計先除之不欲解京以免意外生變及就戮人心痛惜之

江寧平行告祭之禮封爵功臣 江寧既復朝廷動色相慶詔修告

成之禮遣官祭諸陵大封功臣曾國藩太子太保銜封一等侯世襲罔替

國荃太子少保銜一等伯李成典一等子蕭孚泗一等男欽差大臣科爾

沁親王僧格林沁再賞一貝勒令其子受封大學士兩廣總督官文一等

伯世襲江蘇巡撫李鴻章一等伯陝甘總督楊岳斌兵部右侍郎彭玉麟

均加太子少保銜一等輕車都尉世職四川總督駱秉章浙江提督鮑超

輕車都尉世職西安將軍都興阿江甯將軍富明阿廣西提督馮子材均

騎都尉世職京口副都統魁玉雲騎尉世職又別敘從前有功死事之臣

太平天  
國亡

洪福瑱  
走江西

洪福瑱  
死

李世賢  
竄閩廣

洪亂平

**附記** 嘗聞父老口傳湘軍之破金陵也。外城既陷，內城洪黨已早突圍前出，圖謀再舉。故其所死皆良民，非太平軍也。而曾文正出奏，乃籍口於賊黨無一肯降者，一筆抹殺之。嗚呼！冤矣。至於清廷聞金陵既下，以為天下從此太平，論功行賞，動色相慶。而於政治問題，從未為根本上之整頓，故禍機四伏，隱憂仍未已云。

**綱** 秋八月，洪福瑱走廣信，江西軍席寶田擒斬之。太平天國亡。 **目** 方福瑱與秀成之相失也。適太平堵王黃文金以兵至，迎至湖州。李鴻章力攻湖州，克之。浙軍亦下吉安。福瑱懼，走安徽廣德。鮑超復大破之於許灣。文金挾福瑱復走浙江淳安，又為浙軍黃少春所破。文金死，福瑱輾轉走江西廣信。江西軍席寶田率親兵緊躡之，及之石城，俘斬過半，卒獲福瑱於荒谷中。磔之南昌市。時秀全之兄洪仁政、弟洪仁玕及黃文金弟黃文英等先為席寶田所擒，於是太平餘衆僅存李世賢、汪海洋一股，走入閩廣。後為左宗棠所殲，于是大亂始平。綜計太平軍一役前後亘十有五年，影響及十有六省，蹂躪至六百餘城邑，實為清人入關後第一次之大戰爭也。洪氏既滅，詔賞江西巡撫沈葆楨一等輕車都尉，並賞鮑超一等子爵，席寶田雲騎尉。

**附記**

洪氏初起，據兩廣，下湖南，定粵江寧，其勢熾甚，所以卒底滅亡者，無他，在始和終不和而已。當廣西發難之始，清軍雖向馬賽等斷斷不和，而洪楊之徒大和，及湘軍驅

新疆回

起後胡曾左李大利而洪楊韋石不和故清軍得以乘之  
左氏云師克在和孟子云地利不如人和嗚呼豈不然哉

綱新疆回首阿渾安明反都統平瑞死之 國方陝甘之有回亂起同時

回會阿渾安明騷擾新疆阿渾者回教大教師之稱安明本陝西回人託  
星命之術游蕩金積堡及河湟之間及陝亂起出關至烏魯木齊主於參  
將索煥章之家煥章甘肅提督索文之子素蓄異志師事安明故安明於  
諸黨中勢力頗大會烏魯木齊漢回民以徵餉起釁索煥章乘機謀叛先  
是都統平瑞因防餉勒州縣畝捐回民無賴倚勢苛斂漢回因此互鬩適  
提督聶布冲額標兵赴天山南路討匪潰歸索煥章遂據漢城反擁安明  
爲主而手刃提督聶布冲額進圍滿城陷之平瑞闔門死事聞予世職諡  
忠壯索煥章擁安明爲主自號大元帥先後攻陷天山南路八城北路九  
城哈密吐魯番呼圖壁庫爾喀喇烏蘇等城均爲所據已而安明自稱清  
眞王號召天山南北路諸路皆應之其勢頗張

安明稱

徵餉起

穆圖善

綱冬十月革伊犁將軍常清職以明緒代之 國以阿渾安明及索煥章  
之反未能先事預防也尋以保恆署烏魯木齊都統詔欽差大臣穆圖善  
移師出關討之

乙卯四年春二月恭親王奕訢罷以淳親王奕譞總理海陸軍事務

恭王奕訢自英法同盟軍後於內政外交頗有經驗至是西太后以淳親王奕譞總理海陸軍事務遂罷恭親王軍機處議政並撤去一切差使淳親王者西后之妹夫也已而淳親王奏奕訢雖經獲咎尚可錄用給事中廣誠等又上疏言廟堂之上先啓猜嫌根本之間未能和協駭中外之觀聽增宵旰之憂勞于是奉太后懿旨謂奕訢信任親戚不能破除情面平時于內廷召對多有不檢之處朝廷杜微防漸正小懲大戒曲爲保全之意奕訢着卽加恩仍在內廷行走並仍管理總理各國事務衙門旋命仍在軍機大臣上行走毋庸復議政名目以示裁抑

詔設長江水師 詔兵部右侍郎彭玉麟署理漕運總督再疏辭官

上鑒其誠許之玉麟乃與曾國藩奏定長江水師之制自荊岳二州至崇明縣五千餘里設提督一員總兵五員以六標分汛營哨官七百九十八員兵丁萬二千月餉雜費歲銀六千餘萬以長江釐稅供支不煩戶部復與國藩合奏營制章程二十四則事宜三十則奉詔定爲六卷載入方略頒之天下

僧王戰歿

張總愚與賴汝光

僧王孤軍深入

陳國瑞僅免

曾國藩剿擒

夏四月科爾沁郡王僧格林沁追擊擒匪至山東曹州歿於陣。僧格林沁既誅張洛行於雉河集。又殲苗沛霖於蒙城。淮潁以北。烏合擒衆。掃刮罄盡。同治四年春。大股匪張總愚、賴汝光等以馬隊由河南入山東。衝決馳突。如飄風疾雨。數日之間。烽火遍野。僧格林沁率師尾追。自率親兵數千。先大軍行。一日一夜行三百里。時官軍與擒匪皆重趼羸餓。寒暑不能休息。勢且俱踣。及追至曹西。擒匪勾結鄆北伏莽數萬。四路麇集。僧格林沁進擊。大敗。避入空堡。敵軍圍之數重。及夜。僧格林沁突圍出。會降卒叛。反衝官軍。敵衆乘之。僧格林沁遂全軍覆沒。提督陳國瑞僅以身免。見有擒首載三眼花翎。揚揚過圩。去哭曰。吾王死矣。因潛跡至麥塍中。見其屍受八創。一馬僮同死。事聞。詔以親王飾終典禮。從優議卹。諡曰忠親王。並命配饗大廟。繪像紫光閣。子伯彥訥謨祜襲親王爵。並賞博多勒噶台王號。

詔以曾國藩爲欽差大臣。馳赴山東。督辦直隸山東河南三省軍務。以李鴻章署兩江總督。先是國藩聞僧格林沁輕騎追敵。一日一夜行

三百里。步兵弗能從。驚曰。此兵法所忌。必蹶。上將軍將密陳於帝。止之。弗

改淮軍用

國藩兜剿政策

蘇魯豫皖各設防兵

劉銘傳破捻

及而僧格林沁果以敗卒。僧格林沁既死，捻衆遂北擾畿輔。時太平軍已平，東南大定，帝因詔曾國藩爲欽差大臣，督辦直隸山東河南三省軍務，使來山東專事剿捻。而以李鴻章暫署兩江總督，初國藩練湘軍，平洪楊，用武十年，氣稍衰餒，後以淮上風氣强悍，宜別立一軍，乃令李鴻章選練淮軍，以爲湘軍之繼。及剿捻事起，國藩退湘軍，進淮軍，而淮軍遂以剿捻著稱。時國藩既受命赴山東，因念匪勢已漸成流寇，若捻流而兵亦與之俱流，則捻之資糧無盡，而我之兵力有窮，且捻勢飄忽不常，不利尾追，利迎頭痛擊，乃定議以四省十三府州之地，分設四鎮，各駐重兵，安徽以臨淮爲老營，劉松山駐之，山東以濟甯爲老營，潘鼎新駐之，河南以周家口爲老營，劉銘傳駐之，江蘇以徐州爲老營，張樹珊駐之。各總大兵多儲糧草子藥，一省有急，三省往援，援軍糧藥卽取給於所援之地，並創設黃河水師，而別令李昭慶訓練馬隊一支，爲往來游擊之用。變尾追之卒，爲攔頭之師，期以有定之兵，制無定之捻，於是辦捻始有定策。

六月提督劉銘傳大破捻衆於雉河集。目捻首自張洛行苗沛霖兩

大股後更分爲四股，曰張總愚，曰任柱，曰牛洪，曰賴汶光，是已。總愚爲張



任賴之  
剽悍

淮軍剿  
擒戰績

金積堡  
之變

洛行從子號小閣王任柱初爲擒首繼爲各股總頭目飄忽善戰十餘年  
間以馬隊糜爛數省皆其一人之力牛洪戰死山東賴汶光本太平餘黨  
與任柱相勾結柱善戰汶光善謀狼狽相倚如燎原之火其所長尤在馬  
隊衝決馳突如飄風疾雨觀其脅衆數十萬蹂躪數十里東西飄忽甚於  
明末之流寇至是張總愚等謀據淮北乃自城武趨永城宿州西攻新渦  
陽圍巡撫英翰營渦陽者故雉可集張洛行之舊屯也英翰被圍輕騎出  
走大徵諸軍曾國藩以所部湘軍裁撤殆盡無可調遣李鴻章應徵遣所  
部劉銘傳周盛波及河南將宋慶安徽將張得勝等赴援史念祖自圍中  
應之銘傳盛波自徐州直擣西洋集在渦陽縣東首大破擒衆于渦河西岸雉河  
之圍始解而淮軍之名因以大著

綱九月提督雷正綰所部譁潰 目初正綰由鄂入陝在甘肅攻剿回民

屢摧堅敵及進攻金積堡失利朝旨革去幫辦部將胡大貴等因師挫糧  
缺遂譁潰在固原殺掠圍逼涇州與回民赫明堂等之衆合併正綰涕泣  
開導百計撫循至平涼始紮定時金積堡回民馬化隆亦率黨將犯陝西  
自蘭州至西安烽火不絕詔陝西巡撫劉蓉督兵嚴防

李棠階卒

奉天馬賊

平汪海洋

霆營譚潰

閩省肅清汪海洋賢殺李世

綱冬十一月禮部尚書李棠階卒。棠階以碩望名儒於同治初由太常寺卿一歲遷至尚書為軍機大臣。朝廷有賞罰多所獻替。至是卒。予諡文清。

綱十二月奉天馬賊作亂。褫將軍恩合職以都興阿代之。時奉天馬賊由口外竄入畿輔。震驚陵寢。故詔褫將軍恩合職以都興阿代之。未幾又命文祥等率神機營兵督剿。翌歲四月文祥等奏馬賊匪首伏誅。餘黨遣散。撤兵還京。

綱浙江提督鮑超大破太平康王汪海洋於廣東嘉應州。今廣東梅縣餘衆

悉平。初洪福瑱被擒後太平餘衆止存李世賢汪海洋一軍走福建

下龍巖漳州。福建按察使張運蘭死之。四年夏江西霆軍十八營譚變全

軍潰散。由江西入閩廣與李世賢汪海洋等合。五月閩督左宗棠率浙軍

復漳州。李世賢遁。又追破之永安。閩境肅清。海洋走入粵。敗粵軍於鎮平。

合霆營潰卒。勢復振。已而世賢為海洋所殺。海洋踞鎮平。霆營潰卒與海

洋所部爭糧。多降于粵軍方曜。及康國器克鎮平。席寶田破之。贛南矛傷

其背。遂復走廣東。突陷嘉應州。官軍攻之不克。時鮑超丁母憂在籍。詔起

海洋中  
礮死

太平餘  
衆盡滅

派官生  
遊學歐  
洲

福建設  
船廠

左宗棠  
甘督陝

楊岳斌  
乞免

復超爲浙江提督令率師往攻嘉應海洋中礮死其黨推嘉王譚體元主  
城守事尋自南面出走至黃沙嶂路絕險鮑軍四面蹙之降者萬餘人體  
元及諸將皆死至是太平餘衆始盡

**附錄**

霆軍提督鮑超之舊部也先是新疆回亂甚急詔鮑超募勇出關剿辦即其舊部十  
八營由宋國永等率之自江西行至金口因勇不願西行夏四月全軍潰散由江西

入閩廣與太  
平餘衆合

**綱**丙寅五年春正月始派官生赴歐洲各國遊歷 **目**從總理各國事務

衙門之奏請也特派知縣斌椿率同官生往歐

**綱**夏六月始設廠於福建試造火輪船 **目**從閩浙總督左宗棠之奏請

也旋命巡撫沈葆楨總司船政事務准其專摺奏事

**綱**秋八月楊岳斌免以左宗棠爲陝甘總督吳棠爲閩浙總督瑞麟爲兩

廣總督 **目**自陝甘回亂起多隆阿攻盩厔受傷卒於軍以穆圖善代之

穆圖善師久無功詔以楊岳斌爲陝甘總督率兵剿回會提督雷正綰所

部譁變諸回乘之自蘭州至西安烽火不絕岳斌方發蘭州將督兵靖南

路而蘭州標兵復以缺餉變督署幕客多見殺岳斌馳還誅首事者百數

十人蘭州始稍定至是岳斌以疾乞免詔以左宗棠代岳斌爲陝甘總督

宗棠剿  
回政策  
卒 祁寯藻

賊 奉天馬

破豫捻

長圍困  
制扼守  
黃運

後宗棠至陝定三路進攻之策回勢始蹙

綱九月予告大學士祁寯藻卒 目初咸豐時曾國藩以丁憂侍郎起鄉

兵復武漢捷書方至文宗喜形于色謂軍機大臣曰不意曾國藩一書生  
乃能建此奇功寯藻對曰國藩以在籍侍郎猶匹夫耳匹夫居閭里一呼  
崛起從之者萬餘人恐非國家福文宗默然變色者久之及同治初兩江  
總督何桂清以失律擬斬寯藻獨上疏力救之至是卒予諡文端

綱奉天馬賊馬傻子窮蹙請降誅之 目奉天馬賊馬傻子屢抗官軍擾害

奉天熱可吉林三省曾國藩以烏爾圖那遜所部兵數較少派色爾固善  
等管帶吉林黑龍江馬隊九百餘人馳赴奉天屢擊敗之賊大窮蹙赴花  
里雅春軍營乞降文祥等以該逆罪大惡極與被脅反正悔罪輸過者迥  
異因將該逆押赴軍前正法梟示並將其死黨王振東齊海等一併正法  
其餘黨三百名概予免罪

綱大破捻衆於河南捻衆潰爲二股 目自曾國藩定策駐兵四鎮捻衆

受攔頭之擊處處觸網不得大逞然尙出沒四省難遽撲滅於是國藩復  
創長圍圍制之法築長牆置柵欄畫地分防扼黃運二河以限其馬足五

檢分東  
西二股

李鴻章  
剿捻

捻勢之  
衰

官文免  
職

年秋捻衆以窺運不得逞乃圖決黃斷流徒涉九月十二日衆薄河決堤二十餘丈官軍急擊之衆大潰不得合張總愚一股自中牟竄許陝經靈闖入秦是爲西捻而任柱賴汝光一股復由河南回竄山東是爲東捻自此捻衆遂分爲東西二股

綱冬十一月詔曾國藩回兩江總督任以李鴻章爲欽差大臣專辦剿捻事宜。先是諸軍剿捻惟事追躡非苟且姑息以養敵鋒則躁進無謀以鈍兵力故用兵十餘年勞而無功自國藩受事後初立駐兵四鎮之議次設扼守黃運河之策謂必蹙敵一隅長圍以圈制之然後可以聚殲督師年餘大小數十戰力遏敵鋒捻勢實因此而衰而時議咎國藩迂闊又習見僧格林沁督師以數月歷五省怪國藩安居徐州謗議盈路國藩念權位所在衆責歸之遂以疾請朝命國藩仍回江督本任以李鴻章代爲欽差大臣專辦勦捻事宜

綱湖廣總督官文有罪免以譚廷襄署湖廣總督。先是曾國荃奏參

官文貪庸驕蹇命綿森譚廷襄馳抵湖北查辦至是以訊有端倪命官文先行撤任侍郎胡家玉以收受官文餽遺革職官文旋革去總督仍留大

學士伯爵命來京供職

綱丁卯六年春正月捻衆入陝西以左宗棠爲欽差大臣督辦陝甘軍務

目捻衆既分爲東西兩股東捻任柱賴汶光糾衆擾東豫西捻張總愚

擾秦中至是詔左宗棠爲欽差大臣兼辦剿捻事宜宗棠上疏曰臣維西北戰事利在戎馬東南戰事利在舟楫觀東南事機之順在戰船練成以後可知西北事機之轉亦必待車營馬隊練成以後也

在舟楫觀東南事機之順在戰船練成以後可知西北事機之轉亦必待車營馬隊練成以後也  
撥回之患在平原曠野本突騎之利官軍以步隊當之鮮不被其輕軼矣于是而圖制賊之長宜練車營助步隊過其突騎固也然車營步隊足以退突騎守雖有餘以之抄截追剿戰尙不足則馬多北產放燃之戰悍於回所幸者燃回之馬雖多至數萬然均用之野戰非如官軍隊伍鈴束之不可撼燃回諸逆人各一心非如官軍節制賞罰之不可亂燃回馬上用長矛非如官軍槍械火器之不可敵誠于時購北口良馬僅三千餘馬隊尙未習練之庶制勝有具而賊不足平又言臣由鄂入秦先剿陝逆此時臣軍步隊僅三千餘馬隊尙未習練之庶制勝有具而賊不足平又言臣以地形論中原爲重關離爲輕手倉賊論則燃宜急剿回宜緩以用兵次第論欲靖兩陝必先清腹地臣軍入甘應先分兩大枝由東路廓清各路分別剿撫俟大局裁定然後入駐省城方合機局是放進兵陝西必先清關外之賊進兵甘肅必先清陝西之賊駐兵蘭州必先清各該路之賊然行無梗詔從之師

綱提督鮑超、大破東捻於安陸。東捻任柱、賴汶光、牛洪、李允等自河

南潰趨湖北。盤踞德安、安陸之間。郭松林被圍于沙岡集。張樹珊戰死于

楊家河。捻勢張甚。屯尹隆河。以窺安陸。至是鮑超率霆軍由襄樊。劉銘傳

率銘軍由隨棗。分路進剿。會於安陸。霆軍駐白口。銘軍駐下洋港。期以庚

大破東  
捻

左宗棠  
剿西捻

劉銘傳  
爭功

鮑超  
軍之銳

多龍  
鮑虎

鴻章  
信銘傳

大破  
西捻

午日辰刻進軍夾擊銘傳冀獨得首功先一刻進攻大敗所部大將唐殿魁吳維章田履安等死之銘傳與諸幕僚俱脫冠服坐地待死適霆軍踐期至勢如風雨張兩翼以蹴敵呼聲震十餘里敵大潰超追奔五晝夜殺敵二萬餘生擒八千有餘拔銘傳及其將士二千于重圍之中奪還銘傳所失驃馬五千餘洋槍四百號衣八千餘一切輜重軍械及銘傳之紅頂花翎皆送還銘軍超晤銘傳猶自抑無幾微德色銘傳內慚反以後期咎超超與多隆阿久爲湘軍名將有多龍鮑虎之稱銘傳准軍新貴故嫉之鴻章右銘傳據其言以入告軍機汪元方遂堅持科超以失機冒功之罪請斬超同列均以爲疑僅擬嚴旨責之時超方連敗捻于直河于豐樂河于襄河邊殺戮一萬生擒四千解散萬餘拔出難民二萬繫柱汶光及允之妻追至棗陽唐縣今河南泌源縣自念破強敵救銘軍出險功高冀獲褒獎忽奉嚴飭始悟銘傳之歸咎而鴻章元方之顛倒黑白也憤不平遂請疾解兵所部三十營鴻章悉遣散之

二月提督劉松山大破西捻於西安 自湘勇退後獨留松山老湘一軍松山率以剿捻屢敗東捻于濟寧徐州南陽之間而西捻自五年十

劉松山  
解西安  
圍

同文館

倭仁請  
假

沈葆楨  
辦船政

月入陝防軍拒戰于灞橋三十餘營一戰而潰遂圍省城時松山方奉命自周家口回江南解兵柄曾國藩亟檄之援陝松山馳抵西安一戰解圍至是大破捻衆于西安又攻郿縣破之

夏五月以曾國藩爲大學士駱秉章協辦大學士均仍留總督任

侯選知州楊廷熙奏請撤銷同文館不許 先是同治元年從總理

衙門王大臣之請設立同文館於京師招收生徒專用正途科甲人員除學習外國語

言文字外本年又增習天文算學當時阻力頗多御史張盛藻大學士倭

仁先後請罷前議詔不許而命倭仁在總理各國事務衙門行走並管同

文館事倭仁屢辭不獲遂託病請假至是因天時亢旱詔求直言楊廷熙

遂請都察院代奏撤銷同文館以弭天變並列詆各部院大臣奉旨申斥

謂當此求言之際姑不深責惟疑出倭仁授意命速銷假到任倭仁乘騎

到館偶墜馬傷足遂不視事按此亦可見當時風氣蔽鋼之一斑

以沈葆楨爲船政大臣 船政之議發自左宗棠謂非沈葆楨莫肩

其任葆楨既受船政大臣之命設船塢於距閩省四十里之馬尾山麓地

曰中岐塢內濱江者爲船槽如鐵廠機器廠之類皆參列其後以洋將日



意格爲監提德克碑副之事係叛舉百緒繁興機器來自外洋殊形詭製相顧瞠目旁觀者懼不克終事以爲難葆楨與日意格堅明約束五年告成

肅清邊回

綱秋七月雲南布政使岑毓英攻拔豬拱箐進平海馬姑諸壘邊回肅清

回自元年二月雲南回衆叛亂戕殺總督潘鐸後越二年徐之銘死賈

岑毓英剿回

洪詔林鴻等皆以逗遛川境不敢入滇奪職詔以劉嶽昭補巡撫岑毓英署布政使馬如龍署提督時嶽昭尙在貴州毓英就署作壘以自守陰使人聯絡馬如龍使入援五年夏如龍援兵至與毓英夾擊大破之回衆驚

走省城略定已而毓英統兵攻克鎮雄州陣斬回酋李開甲漆維新等復

進剿豬拱箐等在貴州畢節縣西回酋陶新春所據地也初新春據海馬姑紅崖尖

山在畢節縣西南山壁立斗絕大河帶其前鳥道一線攀援而登一夫扼險萬人莫

進敵中呼爲鐵桶江山黨類日衆山隘不能容新春因復分據豬拱箐其

地界滇黔川三省之交八山環合三面嶄然惟青松梁一面爲往來之徑

絕頂孤峯勢凌霄漢三泉下注匯山麓爲河敵人分據山險山下沃壤曰

吳家屯屯有間道可達海馬姑外有二龍關在鎮雄縣南大溜口小溜口三隘

回巢之險

夾擊奪  
吳家屯

誘降

大敗東  
捻

堅壘密布出掠退守操縱自如惟大溜口一隘徑路險僻毓英領兵至令部將張保和林守懷領二千人夜由大溜小徑抄出二龍關後掩襲吳家屯自督三千人攻二龍關質明敵傾巢出拒戰方酣忽聞後軍礮聲震天敵驚回救兩軍夾擊三隘皆下遂奪吳家屯斬獲無算海馬姑敵衆來援毓英要擊于中途大破之皆潰走又令部將蔡標劉重慶分軍圍剿海馬姑亦克其紅崖尖山敵援斷遂逼豬拱箐老巢敵鑿千餘斤巨石實礮礮松脂引火于蒂自山嶺墜下又驅牛馬衝突壞二十餘營毓英親搏戰斬悍酋敵始卻退營山半毓英令于營前掘深坑敵用前法來攻石盡落坑中軍士無所傷敵計窮堅守不出敵黨多裸人裸俗連袂蹈歌相唱和毓英令裸人之從軍者徧山環歌諷以解散敵中聞歌而逸者萬餘人裸目大紅袍來降毓英用其計破敵斬馘二萬生擒其大元帥陶新春等川督駱秉章聞捷使人犒師點檢敵屍築爲京觀是役也談兩軍戰狀者皆咋舌遂合剿海馬姑斬陶新春盡平其壘三省邊境肅清

計自攻拔豬拱箐至滅敵凡百二十四日

冬十月劉銘傳大敗東捻於贛榆縣捻將潘貴升殺任柱以降

東

捻自湖北竄入山東任柱賴汝光爲之魁李鴻章令劉銘傳率兵破任柱

任柱死

賴汝光  
爲首

東捻平

賴汝光  
死

駱秉章  
卒

於濰縣之松樹山。又破之於弁山。捻勢漸解。殘衆由諸城南趨。銘傳追至日照地方。槍傷任柱。柱逃奔江蘇贛榆縣。銘傳追至。復大破之。有潘貴升者。密書乞降。請殺任柱。以自贖。銘傳許之。貴升伺柱不備。以槍洞其腰。立斃。縱馬來歸。捻衆遂大潰。任柱亳州人。爲捻匪各股總頭目。自稱魯王。飄忽善戰。既死。餘股推遵王賴汝光爲首。十一月。賴汝光出沒昌濰壽光之間。屢爲官軍所敗。不得志。于運防將窺青濟黃河之濱。朝旨恐黃河有失。命抽運防之師協防。旋走海州。又爲潘鼎新所破。遂南走淮揚。

十二月。賴汝光走揚州。被執。東捻平。 汝光自海州敗後。率餘衆渡

六塘。循淮安寶應高郵南走。時諸軍大集。汝光知事不可爲。因飛檄歷詆揚州防守諸將。而以吳毓蘭爲賢。乘夜投毓蘭營。使毓蘭縛已。以獻。遂被殺。軍中傳誦其檄言。至深痛。鴻章等嚴禁祕其事。使毓蘭上捷書言。雨中俘斬之事。聞自鴻章以下。賞加世職有差。

協辦大學士四川總督駱秉章卒。 秉章外樸內明。于賢不肖之尤

著者。口雖不言。而辨之甚精。既能推轂賢才。賢才亦樂爲之用。左宗棠以在籍舉人。就湖南巡撫張亮基之幕。秉章接任。復賓禮之。專任以軍謀。集

川吳棠督

西撿猖

宗棠破  
西撿  
撿竄擾  
晉省直  
隸

丁寶楨  
防撿

餉練兵選用良將屢卻勁敵其後督師入蜀值蜀中藍朝鼎李短搭搭等  
寇蠡起蹂躪四十餘州縣未及一年而全蜀肅清蜀人感之如父母既卒  
成都爲之罷市居民多野哭巷祭予諡文忠

綱以吳棠爲四川總督馬新貽爲閩浙總督 目吳棠未到任以前以成

都將軍崇實兼署馬新貽未到任以前以福州將軍英桂兼署

綱戊辰同治七年春正月西撿張總愚北竄京師戒嚴 目自東撿平後

鴻章以其軍有大功疏代諸將乞休養勿調遠役而西撿首張總愚在陝

西已爲陝甘總督左宗棠擊破由宜州乘堅冰渡河入山西南走絳州曲

沃垣曲東趨濟源循河至原武遂北自新鄉趨順德至定州 清直隸州今爲  
縣屬保定道

京師大震廷飭劉銘傳迅赴河北進剿鴻章持不遣河南軍將張曜方至

湯陰陝西軍將劉松山等先至清苑東撫丁寶楨率軍先至河間詔切責

鴻章等均奪職而嘉獎寶楨詔凡七下發京師五城團防神機營出屯涿

易命恭王奕訢巡防並節制諸軍及各督撫以左宗棠總前敵戰事夏四

月更命盛京將軍都興阿爲欽差大臣赴天津會同宗棠鴻章剿撿而以

侍郎崇厚副之

扼守河  
北運西

限制敵  
騎

張總愚  
死

夏六月張總愚敗走荏平赴水死西捻平

先是李鴻章建防守黃

運蹙捻海東之議郭松林等屢破捻於吳橋等處河運之防始固鴻章以

爲前東捻在黃河之南故扼之河北運西以蹙之于海今西捻在黃河之

北非扼張秋不能合圍張秋至臨清運河二百四十餘里爲黃水倒灌積

漸淤成平陸非引黃入運則運河無水因令官軍挑濬淤沙引黃入運及

捻竄運東遂力主防運之議旋捻南下過滄州

今爲縣屬  
津海道

滄州南有捷地壩

者在運河東岸當減河口以時啓閉蓄洩濟運者也減河自捷地壩至海

濱牧猪港計百餘里橫互東西水漲足阻敵騎竄津之路是時運水適盛

漲卽督軍士開壩導運入減並就河北築牆以爲滄青靜海屏蔽自此敵

鎮名在直隸  
鹽山縣東北

騎所至遂有限制而郭松林潘鼎新周盛波等又屢敗之海豐

楊丁莊沙河等處是月又逼之于老海窪及玉林鎮隆福寺水師又敗之

于高家渡二十八日諸軍追捻至荏平境之廣平鎮圈之于徒駭

一曰土河  
自山東聊

出曰徒駭河東黃運之間河汊紛歧水溜泥陷捻奔走無路遂將大股殲除總

愚攜八騎走至徒駭河濱下馬投水死西捻遂平詔賞平捻功復李鴻章

職並命鴻章以湖廣總督協辦大學士

**附記**

之拾首自張洛行苗沛霖兩大股後更分爲四股曰張總愚任柱牛洪賴汶光及共河  
流寇向非曾李二公剿治有方則清之爲清未可知也

**綱**秋七月以曾國藩爲直隸總督馬新貽爲兩江總督英桂爲閩浙總督  
**綱**詔前兵部侍郎彭玉麟赴江皖會籌長江水師事宜 **目**自江寧平定

後玉麟累乞休致 玉麟疏言臣以寒士來願以寒士歸又言士大夫出處進退關繫風俗  
之盛衰臣墨經從戎志在滅賊已滅而猶不歸近于貪位長江既設提

演責有攸司臣獨在軍近于戀權改易初心貪戀權位則前此辭官疑于作偽三年之制實愚所  
同軍事已終仍不補行終制涉于忘親四者有一焉皆足傷敗風俗天下之亂不徒在盜賊而在  
士大夫道無禮退無義臣豈敢稍  
犯不韙以傷朝廷之雅化云云 帝鑒其誠許之先是玉麟與曾國藩奏定長江

水師之制自荊岳二州至崇明縣五千餘里設提督一員總兵五員以六

標分汛營哨官七百九十八員兵萬二千人月餉及雜費皆取給長江釐

稅不煩戶部玉麟既休致長江水師規制浸弛弁勇至橫行遮民船咸謂

水師可廢詔復起玉麟視師玉麟一出効營哨官八百十二人於是江湖

肅然旋入覲命署兵部右侍郎未數月再疏力辭帝許之仍命每年巡閱

長江專摺奏事 玉麟奏定巡閱章程一歲自上遊本籍衡州出巡至江浙一歲自下遊江浙  
出巡至衡州度歲常輕舟小艇往來儼忽不獨將佐畏之加神節地方有司

亦望風震攝民間不軌之徒亦驚伏不敢出威聲震動數千里他帥莫能及也

**綱**冬十二月陝回董福祥犯綏德提督劉松山擊走之復鎮靖堡陝回肅

玉麟巡閱長江

水師營制

玉麟再起視師

陝回肅清

董福祥之變

福祥乞降

哥老會謀叛

岑毓英再平回亂

清 自西捻平後左宗棠入覲自期以五年平陝甘之亂十月還西安

會陝西回匪董福祥率眾犯綏德窺榆林宗棠檄劉松山由茅津北渡入

山西乘冰橋赴陝討福祥松山至綏德詎匪巢散布大小理川間分兵攻

之破其巢以百數遂度榆林至靖邊屯安定又屢敗之敗匪併竄鎮靖堡

堡為董福祥老巢其眷屬則踞靖邊縣城松山抵鎮靖福祥之父乞降已

而福祥亦降遂復鎮靖堡收其眾十萬餘人陝回肅清榆延北境正當河套迤南古用兵之地自陝甘

回民倡亂人民相與團結以與回拒表敗之餘流為盜賊浸假夫業無賴之徒及亂軍潰卒附之又勾結甘匪遂致戕官踞城成爲土匪自鎮靖受撫官軍遂得專剿回亂矣

己巳八年春正月陝西提督高連陞劉松山所部變亂連陞被戕

高連陞所部果字軍勦陝回有功駐楊店因所部哥老會謀變捕之急遂

變連陞及部將多被戕嗣經他軍邀截五日而事定同時劉松山所部十

營駐綏德亦因哥老會煽亂叛踞州城松山馳往鎮撫旬日而定

夏五月岑毓英大破省東回壘並克楊林團山等處 省東諸回盤

踞十里鋪等處毓英遣部將李維述等分路進攻先將蕭家山敵柵焚燒

敵向省北馬村一帶狂奔自十里鋪小徧橋至長坡六十餘里堅壘一律

掃蕩其楊林團山等處踞回復為毓英弟道員岑毓寶等勦破楊林富民

安得海  
伏誅

帝之密  
謀

得海僭  
擬無度

全境肅清六月毓英復克嵩明州

今爲縣屬滇中道

及龍陵廳

今爲縣屬騰越道

白鹽井等處

○秋七月太監安得海過山東巡撫丁葆楨擒誅之

○安得海直隸南

皮人狡黠多智西太后甚嬖寵之時人以此武后時之張易之得海既用事朝士日奔走其門聲勢煊赫恭王爲所中撤去議政權中外屬目帝年漸長心尤惡之時於宮中以劍斷泥人首左右私請其故則曰殺小安子小安子者得海別名也會山東巡撫丁葆楨入覲帝遣人與葆楨密謀誅得海葆楨因言聞得海將往廣東必過山東境請執而誅之以其罪奏聞是年七月得海果出都舟過德州葆楨卽奏得海僭擬無度招搖煽惑疏甫具卽飭知東安府程繩武捕之程踵其後三日不敢動復檄總兵王正起發兵追之及泰安擒獲之械至濟南得海大言我奉皇太后命織龍衣廣東汝等自速死耳官吏讐焉葆楨念朝旨未可知欲先論殺之知泰安縣何毓福長跪力諫請少待葆楨毅然不之顧是夜遂棄得海于市駢誅其黨二十餘人方得海之揚帆南下也自稱欽差身服龍衣船上有日形三足烏旗船旁有龍鳳旗幟並帶有前站官標兵蘇拉僧人及妻妾太監女樂等數十人品竹調絲沿岸觀者如堵葆楨奏上越九日而通飭查拏



目疾妙

左宗棠破回

劉松山陣亡

回會詐降

劉錦棠接統湘軍

之命始下時得海已伏法五日矣先是西太后接葆楨疏頗惶駭東太后召軍機及內務府大臣議之皆叩頭言祖制太監不得出都門犯者死無赦應請就地正法諭留中兩日未下醇親王奕譞亦力爭始下查拏之命得海既誅天下交口稱頌曾國藩曰吾目疾已數月聞是事積翳爲之一開稚璜真豪傑也

稚璜積字

陝甘總督左宗棠大破回衆於靈州 自陝回肅清後左宗棠遂進

兵甘肅駐海州受總督印調劉松山趨定邊花馬池定三路進攻之策使

松山由花馬池趨金積堡直搗其巢周開錫由秦州趨鞏昌宗棠自與劉

典等入甘三路並進所至皆捷至是松山抵靈州大破回衆克復州城回

衆皆西竄遂乘勝進攻金積堡

綱庚午九年春正月提督劉松山圍攻金積堡歿於陣 松山督兵圍

攻金積堡破其附近各寨回會馬化澂屢代回衆乞撫松山令繳馬械則

以朽槍羸馬應而晝夜修壘浚濠又決秦渠灌官軍營松山怒親出兵進

攻馬五寨飛礮中左乳遂卒事聞贈太子少保予諡忠壯左宗棠檄其兄

子錦棠 代統其軍

字毅

松山初隸王珍部下誠老湖營其後行軍萬守王珍舊法將戰先召諸將集謀各手一圖以示奇正分合及戰無不如約因是知諸

天津教案

毆死法領事

國藩病免鴻章代督

將才否曾國藩嘗令他將效之。

夏五月天津人民焚毀教堂毆死法國領事豐大業。先是天津有

匪徒迷拐人口人民疑外國教堂所為並傳言有空眼剖心等事是月天

津人民在教堂口角因起衝突侍郎崇厚在天津辦理通商法領事豐大

業洵來崇厚署中向崇厚施放手鎗並向知縣劉傑放鎗擊死知縣僕

從一名於是民衆奮起羣毆豐大業致死並焚燬教堂又誤殺俄國商人

三名誤燬英美兩國講堂各一所天津大擾斯時曾國藩因病請假朝命

赴天津查辦法使羅淑亞請以府縣官抵償國藩不許國藩始辦教案立意與崇厚分謗不獎士民義

憤蓋以粵捻初平宜堅持和局不宜與鄰邦構釁又慮四國合從敗約變生不測於是力主和平辦理為教堂昭雪空眼剖心之誣以平其心其焚燬各國教堂公館復提欸與修俄國誤傷三人

均給與撫卹而法使羅淑亞肆意要挾除懲犯若干人外必令府縣官議抵國藩力拒之並令李鴻章馳赴近畿一帶駐紮以資防禦疏言善全和局以為保民之道備禦不虞以為立國之本而

津民不知此義遂以怨崇厚者怨國藩旅京湖廣會館且將國藩匾額拔除摧燒之於是崇厚懼事決裂奏國藩病勢甚重請

罷免而以鴻章代之鴻章未至法國調兵艦至天津恫嚇北京政府聞之

深恐決裂特遣崇厚為出使法國大臣前往法都道歉而以成林辦理通

商事務旋結議定滋事人民十五人正法二十一人軍流天津知府張光

藻知縣劉傑皆遣戍

張文祥  
刺馬新  
賄

校武

毒刃

死馬之  
預告

除一通  
回民者

綱秋七月張文祥殺總兩江督馬新貽 目七月廿七日爲兩江總督月

課武職之期總督馬新貽親臨教場閱射教場在督署之右有箭道可通署後便門新貽閱射畢由箭道步行回署將入便門忽有跪伏道左求助川資者乃一武生新貽同鄉也曰已兩次助汝矣今又胡來語未畢忽聞有人大呼伸冤者未及詢問已至新貽身前左手把新貽衣右手發小刃搥其胸入而反捲之抽刃出腸繞隨刃末新貽大聲曰我已被刺言訖而絕從人昇新貽入室武校聞聲奔集擒執刺者並執武生付首縣熬審刺者爲張文祥河南汝陽人武生實不知情蓋適逢其會耳乃先釋武生當新貽未被刺之前數日忽接公文一角其封模糊不知爲何署印章拆視之但畫死馬一匹而已及新貽卒所持刃深入胸中四寸許拔出時刃已刃曲首敷毒藥人遇之立死並不見血蓋其處心積慮非一日矣是時事出非常訛言四起朝廷立調曾國藩還督兩江而令江寧將軍魁玉讞是獄務究主使之人文祥張目言曰我爲天下除一通回民者餘無一言後朝廷兩發重臣按此獄文祥終不吐實或時爲夸謾不遜語而已遂徧逮其妻子媼黨逾半年乃定案以辛未二月十五日磔文祥於金陵城北摘

刺馬案  
之原因

彭某之  
死

行刺三  
四次

心以祭其事始寢至此案發生之原因則有令人嘆異者初新貽為河南某城令文祥與彭姓者同為某賊魁攻某城獲新貽欲殺之新貽乞哀免因勸令投誠二人即與新貽締盟結義相約終身彭為長新貽次之文祥又次之已而新貽以二人功漸升至監司二人亦為參遊先是彭有妻年少而美新貽誘至署私之彭怒而語文祥文祥曰此汝妻乎亦他人物耳彼既同心爭而不義不如逐之吾與子遊可耳此間豈可留哉彭不能決文祥屢促之去亦不應一日新貽薦彭詣某公彭忻然行文祥愀然曰殆矣往與之訣已亦他去未旬日彭果以誅死聞文祥哭之慟曰不殺馬非丈夫也因日煉藥刃一後新貽歷任封疆文祥嘗伺其所至不得間一日新貽往某廟行香文祥伏案下發刃不中幸得遁如是者三四次至是卒手刃之方獄興時侍郎某心敬文祥之俠欲薄懲之曾國藩持不可卒磔文祥而新貽已先奉旨建專祠予美諡矣

**附記**

元明而後五六百年間游俠之衰久矣以匹夫而刺大臣者實自文祥始可不謂之人傑也哉或謂文祥銳身而報知已義過預讓戎馬中而殺鄉相勇過專諸彭未行之

而知事必敗智兼曹沫刻意誅馬歷三四次事成而後已其行又難於荊卿當未行事之前先盡死馬一匹預告死期則又與俄羅斯之紅手印黨類出一轍語曰有謀人之心而使人下而其端乃由於尋常餘子言耳若真豪傑又豈可以此論耶抑又聞之文祥一刺震動天

裁撤二  
口通商  
大臣

劉錦棠  
破回

馬化澂  
伏誅

白彥虎  
繼亂

○冬十月裁撤三口通商大臣增設津海關道  
○詔裁撤三口通商大臣歸直隸總督經營頒給欽差大臣關防兼轄山東之東海關奉天之牛莊關嗣後直隸總督于春融開凍後移駐天津封河再還保定省城歲以爲常並增設津海關道

○十一月劉錦棠大破回衆於金積堡執馬化澂父子斬之  
○自劉松山戰死馬化澂勢復熾遣黨四擾冀牽動圍師屢卻官軍並陷峽口又結河狄回竄渭源窺鞏昌勢至猖獗劉錦棠統兵邀擊大敗之乃傍壘築隄北抵黃渠南接金積里許高丈餘闊三丈回計大窘化澂乃率其子馬耀邦乞撫錦棠勒繳馬械嗣又屢敗其出犯之衆斷其糧道東南北三面回寨皆平外援已絕至是化澂親詣錦棠營請罪錦棠派弁守之令繳馬械毀堡垣餘衆皆降分別安插化澂父子旋俱凌遲處死化澂之父曰馬二與穆三之祖穆大阿渾傳習新教臨死以所服白帽紅衣授化澂囑徒衆歸其管束穆與其弟穆四穆五均爲新教阿渾自京師天津及黑龍江吉林之寬城子山西之包頭湖北之漢口均有教徒化澂自託神靈羣回尊信之比就俘其黨見之猶長跪既死回黨遂瓦解惟白彥虎跳走回疆關

官文卒

倭仁卒

日本初訂約

伊達宗城來使

隴亂事略定詔進封左宗棠等爵賞有差

○辛未十年春正月大學士官文卒 ○予謚文恭

○夏四月大學士倭仁卒 ○倭仁與李棠階曾國藩等講求義理之學

一時稱為理學名臣至是卒予謚文端

○五月以李鴻章為全權大臣與日本議訂修好條約於天津 ○日本

自明治維新後國勢驟強同治初年介荷蘭領事與中國通商同盟軍之

役遣使來京援西洋各國例請訂商約朝廷未許九年七月復遣外務大

丞柳原前光少臣花房義質等齎外務卿書來中國與總理各國事務衙

門預商通好事宜至天津謁見通商大臣成林總督李鴻章成林代為上

書命留津候命總理衙門議覆許通商不必換約前光再三力爭總理衙

門始允與訂約至是日本特以大藏卿伊達宗城為正使來締盟約前光

副之朝命李鴻章為全權大臣辦理日本通商事務江蘇按察使應寶時

署津海關道陳欽隨同幫辦旋于九月定修好規條十八條通商章程三

十三款附以中國日本海關稅則約成以其中有不能盡同西約者宗城

歸日政府意頗缺望旋以事免宗城官

先是日使柳原前光來中國疆臣有以前明倭寇為辭奏請拒絕日本通商者李鴻章奏駁之

謂順治迄嘉道年間。嘗與日本通市。江浙設官。商額船每歲購銅百萬斤。咸豐以後。蘇浙閩商往長崎貿易。寄居者結繆不絕。論者拒絕之。謂於今昔時勢。彼國事實。蓋未深究。今俄見泰西各國。與中土立約。彼亦援例而來。設拒之太甚。必因泰西介紹。固請自不如就此時。推誠相與。彼使臣等來謁。每稱欲與中國結好。協力對外。立言亦頗得體。既允立約。在前斷難拒絕。於後。時大學士兩江總督曾國藩。亦上疏力爭。其大致與鴻章摺中言相同。且言日本素稱鄰邦。非朝鮮琉球越南臣屬之比。若不與泰西諸國之例待之。彼將謂厚。驟。薛。積。疑。生。嫌。但約中不可載明。比照泰西各通例辦理。尤不可載利。益均沾等語。疏入。朝旨。隨之。

俄據伊犁

回亂引起

俄人乘機

俄羅斯兵入據伊犁。自回酋阿渾安明騷擾新疆後。遂以引起外交略之糾葛。先是阿渾安明據新疆叛。自稱清真主。號召天山南北路諸路皆應之。惟和闐回衆不服。別立酋長。而遣人告急於浩罕。時浩罕王方與俄羅斯構兵。乃遣張格爾子布蘇洛偕其黨阿古柏率兵東侵。回人以布蘇洛為和卓木族教祖之胄。爭起兵迎之。至喀什噶爾。衆擁布蘇洛即王位。然布蘇洛荒於酒色。軍民咸怨。旋逐之。阿古柏乃自稱王於天山南路。據有新疆之半。時天山北路糜爛已甚。自稱清真主之阿渾安明已為漢人徐學功所圍攻。兵敗烏垣。走死。阿古柏即進據烏垣。而有之。而戰禍蔓延。各部雲擾。浸淫達於俄境。於是俄人乘機由西伯利亞進兵。佔據伊犁。初俄人乘中國有事。漸蠶食邊界。卡倫外。斷脫地。及哈薩克布魯特諸部。伊犁塔爾巴哈台。遂與逼處。至是以兵六百入據伊犁。電其駐京使臣告吾總理衙門。聲言為中國收復伊犁。俟新疆定後。即交還。并言欲往收復烏

收回伊犁

曾國藩卒

爭雄海上之志

中風

諡文正

魯木齊朝廷聞警詔伊犁將軍榮全赴伊犁收回城邑並命劉銘傳由肅州出關規復新疆各城

綱壬申十一年春二月大學士兩江總督曾國藩卒 目國藩以在籍侍郎

郎出治鄉兵征伐徧十八行省終以底定四方中興之功推為第一自軍

旅漸平百務剏舉凡勸農課桑修文振窮戕暴去貪及鹽務開墾清訟水

陸練兵等國藩皆手定章程期可行之經久英法聯軍之役和議既成國

藩陰有爭雄海上之志設內軍械所於安慶機器局於上海仿造火輪船

奏請挑選聰穎子弟赴泰西各國肄習技藝期十五年還國其遠略如此

本年正月二十三日國藩病肝風右足麻木良久乃愈二月初二方閱案

牘執筆而手顫欲言而口禁初四日遂卒時年六十有二事聞帝震悼輟

朝三日予諡文正 奉上諭大學士兩江總督曾國藩學問純粹器識宏深秉性忠誠持躬清正由翰林蒙宣宗成皇帝特達之知洊升卿貳咸豐三年間創立楚

軍剿辦粵匪橫戰數省迭著勳勞文宗顯皇帝加擢用補授兩江總督命為欽差大臣督辦軍務朕御極後簡任綸扉深資倚任東南底定厥功最多江甯之捷特加恩賞給一等毅勇侯世襲

罔替並賞戴雙眼花翎歷任兼圻於地方利病盡心籌畫老成碩望實為股肱心膂三千兩治費由

享遐齡長承恩眷茲聞溘逝震悼良深曾國藩追贈太傅照大學士例賜卹銀三千兩治喪由

江寧藩庫發給賜祭一壇祔祀其平生政績事實宣付史館任內一切虛勞悉予開復應得卹典該

衙門察例具奏靈柩回籍時著沿途地方官妥為照料其一等侯爵著伊子曾紀承襲母府帶領引見其餘子孫幾人著何璟查明具奏候旨施恩用示篤念恩至意欽此



同治帝  
大婚

西后專  
恣

家庭慘  
變

綱夏五月以李鴻章爲大學士仍留直隸總督任

綱秋九月帝行大婚禮册立阿魯特氏爲皇后富察氏爲慧妃 國至是

帝年十八歲矣同治初兩太后聽政東太后以帝非其所生事事謙讓皆令取決於西后而西后益自專雖帝后之婚姻亦加壓制而家庭之慘變以起蓋帝雖西后所生而孺慕之忱則對於東后爲尤摯同治十一年帝年十八婚姻問題發生東后欲婚尙書崇文山之女西后欲婚鳳秀之女令帝自決帝擇東后所擬定者爲后西后不悅大婚之夕皇后對頗稱旨帝命背誦唐詩無一字誤益寵幸而西后誠之曰鳳秀之女屈爲慧妃宜加眷遇皇后年少不嫻宮中禮節勿常往其宮時帝后新婚愛情正摯竟爲母后嚴諭所中斷自是遂不入皇后宮亦不幸慧妃抑鬱成疾遂不豫

越二年帝崩未逾百日皇后亦自盡以殉論者謂如斯慘劇實西后釀成之信不誣也

綱冬十二月雲貴總督岑毓英收復大理杜文秀自殺滇回亂平 國文

秀據大理爲亂至是已十八年矣攻陷五十三城西及四川東及貴州造

禁城擬王制官軍進攻皆因東南黨援牽掣屢次失敗自岑毓英肅清回

壘後曲靖激江臨安以次收復遂得專力迤西及九年秋驍將李維述楊

岑毓英  
平滇回

杜文秀  
自盡

帝親政

與日本  
換約

玉科等以川兵入滇迭克各城斬悍寇至是玉科等又盡破趙州今雲南鳳儀縣蒙化清直隸屬今爲縣屬騰越道等處大理藩籬盡失遂穴地道破其外城文秀窮蹙飲毒自盡其黨趁其未絕昇之出城詐降時毓英亦至大理令三日內繳軍械而密令玉科帶兵入城受降定期與城外兵夾擊坑敵軍數萬盡破三城獲文秀子女等斬之大理肅清明年毓英復遣兵攻順甯雲州騰越皆下之全滇底定於是雲南回亂悉平

**附記**

雲南回亂起用兵凡十有八年至是始平

○癸酉十二年春正月帝始親政以李宗羲爲兩江總督並充辦理通商事務大臣

○夏四月以李鴻章爲換約大臣與日本互換條規

○自十年五月與

日本訂約後十一年二月日本以外務大臣柳原前光來議改約鴻章拒之至是日本復以副島種臣爲特命全權大使來換約種臣既至天津見鴻章自陳前此前光之來商改約非其本意遂互換條規種臣旋入京與泰西各國公使同覲見于紫光閣賀大婚及親政盛典並呈遞國書種臣既歸留前光爲公使以井田讓爲總理事管十五口商務品川忠道爲理

事駐上海兼管甯波鎮江九江漢口四處林道三郎為副理事管廣州瓊州湖州三處而駐于香港

外臣覲見

綱六月各國駐京使臣始於紫光閣前瞻觀並呈遞國書

綱秋九月左宗棠收復肅州關隴回亂平 國自十一年四月提督徐占

左宗棠平甘回

彪等進攻肅州屢破城外各堡左宗棠調宋慶軍由神木赴甘助剿西甯

既降陶生林等亦來會金順馬隊亦至本年三月白彥虎竄塔爾灣肅州

回出城應之占彪等合擊大敗之白彥虎遁關外四月長圍始合閏六月

破其外城八月宗棠自至肅州督戰劉錦棠亦自西甯至因猛攻多損精

銳議增修濠壘圍之至是回目馬四出城就撫諸將縱兵屠之並斬馬四

等關隴回亂悉平旋以平甘肅功命左宗棠以總督協辦大學士並由騎

都尉改為一等輕車都尉金順穆圖善宋慶張曜等恩賞有差

附記 關隴回亂之起用兵十有四年其時期雖較

雲圍之役為短而地方糜爛實遠過之云

綱冬十一月御史吳可讀以言事降調 國可讀字柳堂甘肅皋蘭人時

提督成祿有罪逮問至京刑部定擬斬立決聲明應否改為斬監候恭候

欽定可讀即奏請將成祿立正典刑王大臣等以其刺聽朝政請旨究詰

吳可讀降調

關隴悉平

帝命降調。毋庸究詰。而成祿則定爲斬監候云。

綱甲戌十三年春三月日本寇臺灣爭琉球主權。夏四月以沈葆楨爲欽差大臣辦理臺防事務。目同治十年十一月琉球民船航海遇颶風飄流至臺灣爲臺灣牡丹社生番所刼殺死者五十餘人。日本以琉球爲其屬國藉詞來詰而琉球宗主權問題以起。琉球者在臺灣南東南之島國也。舊分山北山南中山三部。明太祖時其國王尙氏受冊封爲中山王。世奉中國正朔。及清人入關朝貢受封亦如明制。康熙以來尤稱恭順。每易一王必表貢乞冊封。道光時嘗以冊封琉球賦試翰林。同治初國王尙恭嗣位猶徇例至中國請封。帝遣一翰林一副將由甯波航海往封之。然其國以弱小而遠兼朝貢於日本。日本遂自以琉球爲其屬國。至是因臺灣生番刼船事日使柳原前光往詰總理衙門大臣毛昶熙。昶熙答曰。番民之殺琉民既聞其事。但二島俱我屬土。屬土之民相殺。裁決固在我國。我恤琉民自有措置。何預貴國事。而煩爲過問。日使言琉球亦彼藩屬。無端遭殺。自不能坐視。且曰。貴國既知恤琉民。而不言懲臺番。何也。昶熙憚起交涉。不暇考慮。遽答曰。臺灣生番本化外之民。我政府未便窮治。日使曰。

生番殺人貴國舍而不治。我將問罪島人爲盟好故。特使某先告之。於是日本於同治十三年三月。以陸軍中將西鄉從道爲都督。率艦師至臺灣。擊破番人。斬牡丹社酋。十八社長相繼降附。臺東幾陷。朝廷聞警。始聲言臺灣爲已屬地。不許外人擅討。請日本撤兵。日本不聽。且訛言欲襲臺灣西部。朝廷知不能坐視。卽命總理船政大臣沈葆楨爲欽差大臣。統福建舟師赴臺灣。查察形狀。日本亦遣專使大久保利通來京。謁恭王。議臺灣生番之所屬。反覆辯論。幾致決裂。英公使威妥瑪調停其間。始訂和議。我國許償兵費四十萬兩。撫恤金十萬兩。令日本撤兵歸國。然臺灣日兵雖退。而琉球之宗主權。已不啻默認爲日本所有矣。斯時清廷固猶懵然未之覺也。

附記

利通至天津謁總理王大臣。辯論番地所隸之經界。互相齟齬。逾兩旬不決。利通乃陽言歸國。再舉而陰託英公使威妥瑪出任調停。利通始要償軍需金三百萬。聞總

增餉情漸怯。虛聲恫喝。冀我遷就。求和備入其彀中。彼必得步進。步一錢。葆楨亦疏言。倭備雖乘。自必帖耳而去。請堅持定見。力爲拒卻。葆楨又遣書北洋大臣李鴻章。謂利通以主待客。情著急。可想然必放示整暇。不肯遽就。我範圍是欲速書北洋大臣李鴻章。謂利通以主待客。自不必急于行。成鴻章以告廷議。大難原爲保民義舉。清國不指以爲不是。二前次所有遇兵。立不必急。子如下一日本國此次所辦原爲保民義舉。清國不指以爲不是。二前次所有遇害難民之家。清國許給以撫恤銀十萬兩。日本所有往來公文。彼此撤回。註銷。作爲罷論。至先行議定。籌補銀四十萬兩。三所有此事。兩國一切往來公文。彼此撤回。註銷。作爲罷論。至

停修圓明園

該處生番。清國自行設法。妥爲約束。簽約既定。利通始歸。

帝不豫

同治帝崩

李鴻藻受遺詔

○秋七月。詔停圓明園工程。酌修三海。○時有廣東民李光昭者。具呈

內務府。請報効木植。重修園庭。以備皇太后燕憩。帝允之。賞光照道員任。爲圓明園工程監督。命往來各省採辦木植。命既下。中外錯愕。御史沈淮。首上書力爭。帝大怒。切責之。游百川亦袖疏廷諍。謬謬數百言。皆不納。至是。直隸總督李鴻章。廉得光昭招搖捏報各情。據以上聞。命卽革職。交鴻章究辦。旋定光昭斬監候。並停止圓明園工程。酌量修理三海。

○冬十月。帝不豫。○帝自十一年大婚後。以西太后偏愛慧妃。不許入皇后宮。又陰使內監。時復監視之。帝大不悅。故終歲獨宿乾清宮。內侍有陰導帝以微行者。起居多不律。因以致疾。不能臨朝。遂命軍機大臣李鴻藻代批章奏。

○十二月。帝崩。兩宮太后命立醇親王奕譞子載湉爲嗣。皇帝入承大統。○帝自十月不豫。尋漸瘳。一夕宿慧妃宮。翌晨疾大漸。詔軍機大臣李鴻藻入見。口授遺詔。令鴻藻書之。謂國賴長君。當令貝勒載澍入承大統。凡千餘言。鴻藻奉詔。馳赴儲秀宮中。請急對出袖中。詔以進。西太后大怒。

碎其詔叱鴻藻出宮移時帝駕崩時十二月初五日酉時也在位十三年壽一十有九諡曰毅皇帝廟號穆宗

光緒帝  
卽位

嗣皇帝卽位以明年爲光緒元年 先是穆宗既崩外間秘不之知

西太后  
權謀立

遺詔非  
原詔

是日薄暮兩宮皇太后御養心殿西暖閣召親王奕訢奕訢訥郡王奕  
譔奕詳貝勒載治載徵御前大臣伯彥訥奕劻軍機大臣寶鋆沈桂芬李  
鴻藻內務大臣英桂崇綸等入議要政諸臣既入問帝病狀西太后含笑  
應曰皇帝無恙語畢默然少頃復言曰聖躬頗虛弱恐有不測宗室中誰  
可承大統者內務府大臣文錫首對曰請擇溥字輩之賢者而立之太后  
色變久之乃曰今以醇親王奕譞之子載湉承繼文宗顯皇帝爲子入承  
大統爲嗣皇帝諸臣皆唯唯太后因厲聲曰然則皇帝已駕崩矣諸臣乃  
失聲大哭已而奉遺詔曰朕蒙皇考文宗顯皇帝覆載隆恩付畀神器冲  
齡踐祚寅紹丕基臨御以來仰蒙兩宮皇太后垂簾聽政宵旰憂勞嗣奉  
懿訓命朕親裁大政十餘年來敢不惟日孜孜勤求上理朕體氣素強本  
年十一月適出天花加意調攝乃邇日以來元氣日虧以致彌留不起豈  
非天乎顧念統緒至重亟宜傳付得人茲奉兩宮皇太后懿旨醇親王之

子著承繼文宗顯皇帝爲子入承大統爲嗣皇帝。醇親王之子名載湉。西太后妹所生也。既卽位以明年爲光緒元年。

兩宮太后垂簾聽政。封穆宗后爲嘉順皇后。光緒帝既卽位時年僅五齡。諸王大臣奏請兩宮太后再垂簾聽政。詔從之。封穆宗皇后爲嘉順皇后。准醇親王奕譞奏請開除所管各項差使。並命以親王世襲罔替。



清鑑綱目卷之十二終

清鑑綱目卷之十三

鹽城印鸞章編輯 金式陶 張延壽 趙雪 胡應庚 校訂

●德宗景皇帝

名載湉。醇親王奕訢之子也。穆宗崩無嗣，生母西太后定策，以載湉繼承文宗為嗣。皇帝遂即位。建元光緒。崩在位三十四年。壽三十有八歲。

東華錄曰：德宗本生父宣宗成皇帝第七子。隨賢親王、母福晉葉赫那拉氏，以同治辛未六月二十八日子時誕上於太平湖邸。生而神靈，天挺奇表。豐上兌下，隆準廣身。睿智淵通，志量恢遠。同治十三年十二月，穆宗以天花大漸，彌留時，遺詔以嗣皇帝仁孝聰明，必能仰承付託，聖懷歎契，神器攸歸。上御極之二年，受書於侍，耶內閣學士翁同龢、侍郎

夏同善、朝夕講書。聖學日充。事兩宮皇太后，盡敬竭誠。歷久彌摯。旋奉兩太后懿旨，皇帝龍馭上賓，未有儲貳，不得已以隨王奕訢之子載湉承繼文宗。顯皇帝為子，入承大統。為

嗣皇帝。俟嗣皇帝生有皇子，即承繼大行皇帝為嗣。

子即承繼大行皇帝為嗣。

光緒 嘉順皇 后崩 乙亥光緒元年二月嘉順皇后崩 后為尙書崇綺女，端莊謹默，動

必以禮正位中宮，後不得寵于慈禧皇太后。穆宗崩，慈禧太后訓責備至。

后本已慟極，誓以身殉，遂不復食。至是崩，距穆宗之崩未百日也。諡曰孝

哲毅皇后。

左宗棠 征新疆 綱 以左宗棠為欽差大臣，督辦新疆軍務。自同治十年，俄人佔據伊

犁後，同時浩罕人阿古柏又據喀什噶爾，自立為王。阿古柏約東土人極

嚴刻，出一謀決一策，非浩罕人不能參。選官設將，亦浩罕人居多。惟所征

錢糧等款，與中國舊制無異。故自同治十年以來，數載經營，儼然為一國。

阿古柏 稱王

左宗棠 征新疆

光緒 嘉順皇 后崩

英俄陰謀

宗棠力主征剿

沈葆楨督兩江

劉坤一督兩廣

且深得結縱連橫術與土耳其等諸回教國志意相孚又以通商政策羈縻英俄英使威妥瑪數爲請於清廷聽其開國備藩屬時中國帑藏竭蹶歲靡軍餉於新疆達千餘萬朝廷大臣有提議棄南八城封阿古柏爲外藩者英使復爲之請而陝甘總督左宗棠力持不可上疏略謂重新疆所以保蒙古保蒙古所以衛京師俄人拓境日廣由西而東萬餘里與我北境相連僅中段隔有蒙古徙薪宜速曲突宜先又云臣一介書生位極人臣今年已六十有五何敢妄貪天功惟伊犁旣歸俄有阿古柏又據喀什噶爾若置之不問必有日蹙百里之勢後患何堪設想疏入朝廷壯之因命宗棠爲欽差大臣督辦新疆軍務使率兵西征

夏四月以沈葆楨爲兩江總督兼辦理通商事務大臣

六月大東溝匪爲亂官軍討平之 大東溝沙河子巨匪宋三好等

爲亂派官軍往勦燬其巢穴擒斬首要匪亂略平

秋八月英翰罷以劉坤一爲兩廣總督

九月越南黃崇英爲亂官軍討平之 越南匪徒黃崇英等作亂廣

西官軍出境會勦生擒崇英越南匪亂遂平

與英訂  
烟臺條  
約

馬嘉理  
被戕

威妥瑪  
無理要  
求

各國公  
論

日韓訂  
約

○丙子二年夏六月以李鴻章為全權大臣與英使威妥瑪商訂煙臺條約  
○先是英翻譯官馬嘉理以事往緬甸既還途過雲南元年正月行至騰越廳屬蠻允地方被戕英人指為由雲貴總督岑毓英所指使提出

抗議五月派李瀚章入滇查辦又派薛煥幫同辦理旋瀚章等覆奏謂馬嘉理由緬還滇中隔野人土司地界該處向多匪徒與野人勾結劫掠行

旅當馬嘉理由滇赴緬時由地方官妥為護送嗣由緬還滇未經知會地方官致匪徒乘機劫殺地方官並無調兵阻止及指使戕害情事英使威

妥瑪與總理衙門王大臣會議仍堅求將全案人證提京覆訊王大臣等不允遂於四月出京詔李鴻章俟其到津時與之互商既而威妥瑪至煙

臺未即南下詔鴻章赴煙臺與議秋七月鴻章至煙臺威妥瑪仍堅執事由岑毓英主使要求將全案人證提京適德俄美法等國使臣均在煙臺

公論亦以無確實憑據請提京為非威妥瑪始允另議辦法旋訂定會議

條款三端專欵一條  
第一端昭雪滇案第二端駐京大臣及各口領事與中國官員往來之禮及審辦案件交涉事宜第三端通商事務又擬明年派員赴西

照列為專欵  
是為煙臺條約旋奉旨允准滇案始結

○秋七月日本與朝鮮訂立盟約  
○朝鮮自清初征服後稱臣奉朔世

大院君  
鎖國

清廷失  
詞

斷送主  
權

受册封同治初國王李熙嗣位年少而性懦生父大院君李昰應執政昰應性卞急志欲強國而昧於世界大勢以基督教徒至者日多仇視之持鎖國主義當同治四年俄艦嘗至其國東北部之元山求通商昰應遣法國教師伯爾紐勸之去伯爾紐不之應昰應疑伯爾紐爲間諜殺之並虐殺教士及信徒多人建碑於京城鍾路文曰洋夷侵犯非戰則和主和賣國是時駐華法使提出抗議詰責清廷而清廷未加考慮竟以朝鮮非我屬國對己而美國船沙曼氏抵朝鮮爲土人所狙擊慘遭焚殺美使亦以詰問清廷清廷復答以朝鮮雖奉中國正朔而宣戰媾和一任該國自理中朝向不干預蓋是時清廷方苦英法同盟軍之役內政紊亂異常不欲輕啓釁於歐美各國故遇事不免委卸况此事不發生於境內而發生於附庸之屬邦因設此不負責任之言以爲應付外交之妙腕而不知朝鮮宗主權實已斷送於此數語之中自是以往日本遂得所藉口逕向朝鮮迫訂條約不復關白中國時朝鮮大院君執政頗輕視日本而日本自明治維新後屢欲舉兵朝鮮而未有其機及光緒元年日本竟以雲揚艦馳入朝鮮江華島內挑釁朝鮮人礮擊之日本因以黑田清隆爲全權大使

日  
朝  
鮮  
主  
自  
主  
為  
離  
中  
國  
之  
初  
步

左  
宗  
棠  
平  
天  
山  
北  
路

復  
烏  
魯  
木  
齊

井上馨爲副使往詰朝鮮。朝鮮遣人與會。時李是應已失勢。大權移於外戚閔氏之手。頗思親日。是應於會議之舉。致書痛斥。無效。閔氏遂於光緒二年。從日本要求。定盟約十二條。許開元山仁川兩處爲商埠。而其第一條。卽認朝鮮爲自主之邦。與日本有平等權。是爲日本離朝鮮於中國之初步。

○八月。左宗棠克復烏魯木齊。天山北路平。○左宗棠既奉督辦新疆

軍務之命。卽請以前署陝西巡撫劉典爲幫辦。本年二月。劉典至蘭州。宗

棠以甘肅善後事畀之。遂率師出征。三月。駐軍肅州。四月。劉錦棠出嘉峪

關。閏五月。次巴里坤。進駐古城。今日肅州台縣地時回酋馬人得踞烏魯木齊。白彥

虎踞紅廟子。土回馬明踞古牧。在今新疆迪化縣北安集延遣纏回助之。六月。錦棠圍

古牧。阿古柏遣夷目阿托愛率兵來援。錦棠令余虎恩擊敗之。復以開花

礮攻城。克之。守兵六千殲焉。師次烏垣城東。安夷土回纏頭皆宵遁。遂復

烏魯木齊。迪化州及王城。王城者。阿渾妥明所築也。錦棠遣諸將分追至

鹽池。在新疆綏來縣北阻戈壁而返。于是昌吉呼圖壁。在綏來縣東瑪納斯。在綏來縣西北城

守兵皆棄城遁。阿古柏所遣援兵至達板。亦不敢進。無何。瑪納斯南城亦

收燬  
淞鐵路

左宗棠  
復新疆  
南路

克吐魯  
番

復天山北路略定。惟伊犁仍為俄羅斯佔領。捷聞。劉錦棠等賞世職。有差。  
○九月。收回英商所築淞滬鐵路燬之。  
○英國商人在上海吳淞間建

築淞滬鐵路。以便行旅。兩江總督沈葆楨照會領事阻止。不允。由總理各國事務衙門商之。威妥瑪亦不允。詔李鴻章與威妥瑪妥商。乃以二十八萬五千兩買斷。行止聽中國自便。尋以不適用燬之。

○丁丑三年春三月。左宗棠進兵天山南路。阿古柏自殺。九月復新疆南路東四城。  
○自二年三月。左軍出關。平定新疆北路。左宗棠將乘勝督

諸軍進攻南路。會大雪封山。諸軍不能逾嶺而南。而阿古柏與白彥虎乘暇移徙達板新城。兩山間。以大通哈守之。大通哈者。猶言大總管也。阿古柏次子海古拉日役萬夫。造王府於吐魯番。自守托克遜。  
在新疆吐魯番縣西。令白彥

虎馬人得守吐魯番。阿古柏居喀喇沙爾。  
在新疆焉耆縣東。為中權以策應。及三年

三月。冰雪融解。左宗棠督諸軍分三路進攻。劉錦棠自烏垣攻達板破之。擒其酋愛伊德爾呼里。大小頭目無一脫者。張曜自哈密西進。趨吐魯番。

下奇克騰木。  
在新疆鄯善縣東。攻闢展。  
在鄯善縣南。劉錦棠遣將會之。進攻吐魯番。敗敵

城外。馬人得及纏回萬餘降。遂克吐魯番。滿漢兩城。錦棠至托克遜。海古

死阿古柏

白彥虎  
遁走

古巴華  
工條約

拉亦遁三城皆下吐魯番既克南八城門戶洞開阿古柏在庫爾勒憂甚不知所爲欲遁還浩罕而浩罕以連年與俄構兵已爲俄人所滅北歸無路欲與左軍抗戰則部下多叛南八城之人心已皆離散知事不可爲遂服藥死其子海古拉昇之西行將達庫車伯克胡里使使截之半途殺海古拉阿古柏有子六人長哎哥卽伯克胡里次卽海古拉伯克胡里失寵於其父既殺海古拉嗣父位保南境而王使白彥虎守庫爾勒彥虎自踞開都河在焉耆縣南西岸覬入俄羅斯地是年秋劉錦棠等自托克遜進兵白彥虎先期走庫車遂復喀喇沙爾庫爾勒追至庫車拔難回十萬人進薄阿克蘇守城回目出降白彥虎走烏什官軍追敗之遂復烏什一月中新疆南路東四城皆下

綱冬十月大學士沈桂芬與日斯巴尼亞班即西牙使臣伊巴里訂立古巴華工條約 目其條約共分十六款

第一款所有同治三年九月初十日在天津定立條約有不得收留中國逃人之語仍遵其舊第二款

第一款前約承工出洋未能盡善之情既經今回除去自應將前者議及賠償一層兩國互相混論第二款前後彼此庶民出口前往無論單身或攜帶家屬皆以出於情甘自願爲要總不准妄用她強之法及施詭譎之計如有兩國人民船主人等違背此約者則兩國必將其人從嚴究辦均照本國律例從重定擬罪名日國又允所有待各大國同類之人最優之處中國人民或已在古巴者或嗣後前往者亦應一體均霑第四款中國所開之通商各口如有中國男女入等自願備川資往古巴居住者清國自此聽其自便並無禁止之意第五款所有華工出口前往一切情事是



有並未領此約各章之處該口關道及地方等官自可自行詳查未領關道所給蓋印華照內  
 開之華在節不及該處日國官員會同中國領事官先將船牌等件存署不發並准將該船扣留如照日  
 日國律例辦理俟各員與待辦後方駐劄古六官欸一機第七欸領事官前往古巴夏灣等處地方便出  
 島他往惟其中倘有罪該處日國領事官不在此例第八欸之處該領事官應令中國人等分辦者或  
 為原告赴署理論者所有該處日國領事官不在此例第八欸之處該領事官應令中國人等分辦者或  
 一中國人等在總領事領事等員代其延請律師及傳話之人無論他國律例能准請去且或自  
 事方可前往該處一至現今在古巴島案次序確有未結與優待各國人所能得者一曾受委屈者  
 均一清國所派夏灣琴之總領事官念與該島各該管官妥訂章程令署內每由華人領事官發  
 及嗣後再來之華民均皆報名掛號立花名冊其冊存於中國總領事署查驗令古巴地方官將該  
 給執照一紙以為華人多事之據並其姓名執照應呈各領事官等查驗令古巴地方官將該  
 島各執照現有一紙以為華人多事之據並其姓名執照應呈各領事官等查驗令古巴地方官將該  
 于前出往該島莊察各條一體遵照外倘宜遵守其本國載客之章以免詳察第十欸各國之物或  
 華民出洋除此約各條一體遵照外倘宜遵守其本國載客之章以免詳察第十欸各國之物或  
 在古巴承病之法各華人內恐有從前在中國或讀守此二項規矩即不准載客出洋第十欸各國之物或  
 項工人等所有日國自出資載回中國以昭誠衷俟此次條約互換後即行開辦二項內自願出島之  
 華人之國之入亦由日國出資送回督令該國主人等按照古巴之華工合同期滿古巴之華工人等  
 主之國之入亦由日國出資送回督令該國主人等按照古巴之華工合同期滿古巴之華工人等  
 內亦有古地地方官與中國總領事官詳設法以便送回內誠恐有無在古巴各處之華人等  
 應由古地地方官與中國總領事官詳設法以便送回內誠恐有無在古巴各處之華人等  
 之華工俟此條約互換之後即應一體予以期滿之執照一所有該地方官一面禁止各處華人等  
 倘一察某處情形互換之後即應一體予以期滿之執照一所有該地方官一面禁止各處華人等  
 便一面知照領事官不准前往居住與待古巴工人一律辦理若果有此情形即不得將工作滿其餘

左宗棠  
平新疆

伯克胡里  
白彥胡  
虎通俄國

劉錦棠  
破安會

如執照准單等一切事宜。新到之華人。與期滿之華人。所獲利益。亦應一律同霑。一現今在古。巴。所有拘於各處工所之華人。俟此次條約互換之後。一體放出。並將應立之章內。所立各項執照。亦皆發給。至於犯罪。已未定案之人。仍送官監候。結第十五款。清國日國。此次所立各條內。日後如有願行刪改之意。則應至少於一年之前。預行知會。以便詳商。清國如于華民出洋一事內。以後若將此次條約未載之利益。施及他國。則日國即應一體均霑。第十六款。右載條約。由兩國所派乘權之大臣。在京師親自畫押。鈐用關防。以昭信守。

戊寅四年春二月。左宗棠克復新疆南路西四城。新疆平。南路東

四城既復。伯克胡里。踞喀什噶爾。而和闐。伯克呢牙斯圖反正。乘隙圍葉爾羌。遙應官軍。伯克胡里引兵擊敗之。遂踞和闐。而喀什噶爾滿漢兵弁守漢城者。使使迓官軍。安會阿里達什保回城。以攻漢城。伯克胡里棄和闐。走英吉沙爾。是年冬。劉錦棠遣余虎恩等分三路進逼喀城。伯克胡里白彥虎分路遁入俄羅斯。遂克喀城。錦棠亦收復葉爾羌。英吉沙爾。董福祥收復和闐。于是南路西四城皆下。俘阿古柏妻女及其幼子。並金相印父子。誅之。新疆悉平。捷聞。詔晉左宗棠二等侯爵。劉錦棠二等男爵。其餘諸將給獎有差。

冬十月。安集延會入寇。劉錦棠擊破之。新疆既平安。集延會阿里

達什。自俄羅斯境入寇。糾纏回出。奈曼謀襲喀什噶爾。劉錦棠率兵迎擊。大破之于玉都巴什。奈曼回目庫彌什設伏殺阿會。以獻。明年正月。安集

吳可讀尸諫

預定大統所歸

遺疏存毓慶宮

日滅琉球

延會布魯特復寇邊劉錦棠復破之于烏帕爾

○己卯五年春三月前御史吳可讀自殺詔錄其遺疏存毓慶宮

○吳

可讀初以力爭穆宗嗣子問題不得至是在蘇州馬神橋三義廟內仰藥自殺遺有密疏請明降懿旨預定將來大統之歸略謂同治十三年十二月初五日懿旨嗣後皇帝生有皇子即承繼大行皇帝為嗣將來大統之歸未奉有明文必歸之承繼之子故請皇太后再行明白降一諭旨將來大統仍歸承繼大行皇帝嗣子疏入皇太后命王大臣等議奏旋諸臣覆奏均以繼統似涉建儲不敢參議皇太后諭皇帝將來誕生皇子自能慎選元良繼承統緒其繼大統者為穆宗毅皇帝嗣子皇帝必能善體此意所有吳可讀原奏及王大臣等會議摺并諭旨均另錄一分存毓慶宮

○閏三月日本滅琉球夷為冲繩縣

○日人既得志於臺灣之交涉心

輕中國遂有併吞琉球之志光緒初遣使勿韶打至琉球傳日廷旨欲琉球勿入貢中國改易正朔琉王答以久隸中國藩封世修貢職未便擅自更張日廷大怒未幾遂下令置琉球國土於該國鹿兒縣管轄之下

此議出自

外務副卿副島種臣當倡議之初政府內部多反對謂因此必將重損清國之感情副島悍然不顧斷行其策並迫琉王尙泰入朝琉王大懼

廢琉王

向中國告急時中國以新疆軍務未畢中西交涉事繁未能兼顧日本遂發軍艦數艘至琉球執琉王尙泰以歸已而廢之夷其地爲冲繩縣封尙泰爲藩王列入華族尋卒於日本

冲繩者中山之轉音也琉球羣島舊分山南山北中山三部明初中山王統一琉球朝貢中國清世

尤稱恭順每易一王必表賀乞册封臺灣生番之役清廷雖給洋撫卹廢事然自是日日本遂心輕中國既縣琉球遂寔寔乎有覬覦臺灣之志矣

改辦川鹽

夏四月改辦四川鹽務爲官運商銷 自從丁葆楨之請也初葆楨任

丁葆楨  
籌議

川督時以川省鹽務積弊甚深改爲官運商銷富廠竈戶以爲不便捏詞呈控時尙書恩承侍郎童華查事在川遂據以入告諭令葆楨確查具奏葆楨奏稱自上年開辦官運局後本年奏銷核計邊計各額引已全數銷清復帶銷積引一萬餘張商人從前一切無名使費悉予刪除民食皆賤私梟潛蹤實屬商民皆便旋恩承等又以弊少利多爭奏乃命戶部酌核具奏至是戶部覆奏請飭葆楨妥籌辦理因諭葆楨將官運商銷各事悉心區畫不可動於浮言亦不可操之過蹙蓋中旨頗利葆楨變法之溢收又不欲顯斥阻撓者故爲調停之詞

朝鮮始  
與泰西  
通商

綱秋七月許朝鮮與各國訂立通商條約 先是朝鮮太師李元裕奉使來華直隸總督李鴻章與元裕書信往來略示外交方略時朝鮮屢拒

泰西各國立約通商之請至是日本迫立通商條約泰西各國羣議其後朝廷顧念藩封又以朝鮮政教禁令難強以所不欲不便以通商修約明示朝鮮乃命李鴻章以箇人意轉致朝鮮俾與各國通好修約以銷外患

**附記**

自光緒二年日韓盟約訂立後甚惹列強之注視因而援例要求與朝鮮通商時清廷懲於琉球之見併對於日人非常戒懼有識之士皆以朝鮮問題非半島問題也

東三省問題非東三省問題之失辭宣言之利害問題日本苟據有半島則後患方滋防不勝防惟清廷前有朝鮮非屬國之失辭宣言之利害問題日本苟據有半島則後患方滋防不勝防力於半島以殺日本西漸之勢力主此策者為外交當局之李鴻章首被引進者美國也美以歸相傳此約草案即成於李鴻章之手其約文大要言朝鮮為中國之屬邦惟內政外交均得自由今茲立約以後大韓國君主與大美國伯理璽天德俱平等相待兩國人民永敦和好若他國偶有不公及輕侮之事宜彼此援助或居間調停永保安全云云自

李揚才之亂

**綱**冬十月李揚才擾越邊提督馮子材討平之 **目**李揚才本廣東豪族

為人豪邁負奇氣不修小節初出鄉年二十餘從太平軍為偏裨轉戰各地後降官軍馮子材擢用之累進至副將率兵數營屢入安南戍於北寧太原諸州官軍之討黃崇英也揚才與有功焉及官軍退解任歸又出為潯州鎮總兵任滿有詔赴廣東揚才歎曰朝防東京夕戍潯州征鞍甫息又將他徙誠轅下駒之不若也遂蓄異志招亡命掛冠歸鄉售其貲產以購糧仗光緒四年秋在廣東原籍糾眾萬餘出關突佔越南者巖等處為

誅揚才

沈葆楨  
卒

崇厚獲  
罪

俄據伊  
黎要挾

亂飛檄達順化。上下震恐。遣使來乞援。朝命革揚才總兵職。命馮子材統師出關助勦。所向皆捷。至是廣西巡撫張樹聲奏稱於龍登山搜獲揚才誅之。越邊亂平。

十一月兩江總督沈葆楨卒。以劉坤一為兩江總督。張樹聲為兩廣總

督。葆楨初守江西廣信府。其妻林夫人乞援卻賊。以此名聞天下。

林夫

人文忠公則徐之女當守廣信時撤內署金帛以犒士親職炊爨以飽饑疲咸豐八年葆楨分兵援武康夫人為城守洪軍趁虛圍之夫人刺指血作書致其父故部浙將饒軍門廷選饒接書立率師往援廣信圍解以此葆楨超置巡撫船吏治繩悍將遠近傾服旋以籌餉用人與曾國藩不合乞假回籍及督兩江為治嚴肅江南風氣為之一變至是卒予諡文肅

十二月詔褫出使俄國大臣侍郎崇厚職交刑部治罪。初俄羅斯

之據伊犁也。中政府曾照會俄國問其侵入之理由。要求答覆。俄政府答以中國威命久不行於此地。載諸約章內之通商。每不能如約保護。今伊犁之吉爾吉思人屢掠邊境。防禦無策。不得已始佔領之。然俄政府初無意吞併。待中國威令能行於此方。可以保國境之安全。時即當退還云云。是時俄人方與阿古柏訂約通商。預測中國之兵力。一時難達於伊犁。故為此宣言以相搪塞。及阿古柏敗死。天山南北兩路先後救平。中政府因執前言。要求俄政府退還伊犁。俄政府以事出意外。乃令其駐京公使答

崇厚使俄

喪權失地

覆中政府謂中政府能保護將來國境之安全且償俄國累年耗於伊犁之改治費俄國方可退還於是中政府乃有特派崇厚使俄之舉五年五

月崇厚以侍郎受命為出使俄國大臣旋又受命為全權大臣與俄政府

開議歸還伊犁事結果俄人請以伊犁歸還中國而索償兵費五百萬盧

布割伊犁西界數百里予俄又割南界數百里以特克斯河流域歸俄並

開口岸多處及其他損失權利處甚多崇厚不能爭悉屈意許之與立約

十八條一俄願將伊犁交還中國二中國收還伊犁後願赦宥伊犁民人前罪三凡伊犁民人

舉作何歸還應由清國欽派左宗棠等俄國欽派考甫曼等互商六俄既歸還伊犁中國願給俄國銀五百萬羅布從立和約後一年內陸續付清七伊犁既還中國當以可西河之西及屬山南

之地以至子克斯河盡讓與俄八相議將大城交界稍為更改九交界既由二國官員勘定後應立界竿以昭信守十除喀喇什噶爾及庫倫兩地已照先立和約俄國立有領事外國官員勘定在嘉峪

關科布多哈密吐爾番烏魯木齊庫車各地各再設立領事十一領事與中國地方官有五商事件其文移悉用平行華官待領事以客禮十二凡蒙古天山北路天山南路等俄商貨物往來俱

不必付稅十三凡所議設有領事官之地方並立一通商局並照張家口律設立十四凡俄商販運貨物至張家口嘉峪關天津漢口等處者可過同州府西安府漢中府各路其將中國貨物運

入俄國亦由此路行走十五此約自從兩國御允後五年內不必更改十六俄商已願另立低茶之稅此事當由中國總理衙門核定十七按照先立之約凡有民人牛隻奔逸過界總由地方官

出力尋還若實在無蹤亦不必由地方官賠償十八此約既立經俄皇簽名後一年內由中國皇上蓋用御寶送至俄京蓋印畫約事聞朝野駭然

廷臣交章論劾詔撤崇厚歸國褫職逮問而令廷臣疆臣會議萬全之策

崇厚定為斬監候尋因曾紀澤奏請始行開釋

曾紀澤  
使俄

議取消  
前約

辦理伊  
犁交涉

與德國  
訂續約

曾國荃  
防山海  
關

庚辰六年春正月以曾紀澤爲出使俄國大臣議改收還伊犁條約

自伊犁交涉失敗後朝廷褫崇厚職下獄論斬並欲取消前約俄人大譁乃增兵伊犁別遣軍艦游弋海上聲言決裂以爲要挾時曾國藩已卒政府卽召左宗棠入軍機而以劉錦棠督關外軍務命曾國荃李鴻章等嚴守海防一面遣駐英使臣曾紀澤就近往俄商改前約紀澤國藩長子國藩討洪楊時紀澤在籍讀書未嘗干預軍事性聰達熟於中外情形光緒四年任爲英法兩國公使至是復被任爲出使俄國欽差大臣辦理伊犁交涉

二月沈桂芬景廉與德使巴蘭德續訂通商條約六款善後章程九款  
自咸豐十一年七月與德人訂立通商條約四十二款至是復議續訂條約六款善後章程九款餘仍遵其舊

秋七月召左宗棠進京以劉錦棠爲欽差大臣督理新疆軍務

命曾國荃督辦山海關防務事宜  
時因俄人不允改伊犁條約且有增兵伊犁並派艦隊來華封閉遼海以爲挾制之舉故有是命

並命鮑超  
募勇駐紮

天津山海關兩  
處適中之地



**綱** 秋八月允設陸路電線 **目** 從大學士李鴻章之請也

**綱** 冬十月大學士寶璽尙書李鴻藻與美使安吉立續修條約四款又續

**補條約四款**

**目** 續修條約

第一款清美公同商定如有時美國查華工前往美國或爲

整理或定人數年數之限並非禁止前往至人數年數係專指華人續往美國承工者而言其餘

各項人等均不在限制之列凡續往承工者只准令其按照限制進出不能稍有凌虐第二款中

國商民如傳教學習貿易遊歷人等以及隨帶已在美國各處華工均聽其往來

自便俾得受優待各國最厚之利益第三款當在華用各華人兼已在他國各處華工均聽其往來

有偶受他人欺侮之處兩國應即盡力設法保護與待各國人最優者一體相待俾得各受按約

應得之利益第四款兩國既將以上各款議定美國如有時按照所定各款安立章程照知中國

如所定章程與中國商民有抗可由中國駐美欽差大臣公同妥議美國外部公同妥議

中國總理衙門亦可與美國駐京欽差大臣公同妥議第一款中美將來益敦和好所有兩國商民貿易等事于兩國通商口岸

議第一款中美將來益敦和好所有兩國商民貿易等事于兩國通商口岸

民無運洋藥入中國通商口岸及由本國船隻運往彼國商民亦不准作一切買賣洋藥者均由各國自行永遠

禁止再此條兩船載定國貨物不得引一物其進口及由第三口進彼口之稅與其所納之鈔

商各口無論該船載定國貨物不得引一物其進口及由第三口進彼口之稅與其所納之鈔

均照中國通商口岸及各國船隻一律徵納並不額外加徵亦不另往他國各稅鈔及同中國通商口岸

無論載進口之稅與別國貨物均照美國各海關或出外各國於他項稅鈔第四款倘遇有稅鈔中國人與

律徵納進口之稅與別國貨物均照美國各海關或出外各國於他項稅鈔第四款倘遇有稅鈔中國人與

美國人因事相爭兩國官員應行審定額外加徵亦不另往他國各稅鈔第四款倘遇有稅鈔中國人與

員審定原告之官員于審定時以前往觀審承審官應以觀審之禮相待該原告之官員如欲

添傳證見或查審訊案中作證之人可以再行傳訊倘觀審各按本國法律辦理不

公亦可逐細辯論並詳報上憲所有案件各審定之員均係各按本國法律辦理不

辛巳七年春正月協辦大學士沈桂芬卒

**目** 賜祭葬予諡文定

會紀澤  
修改俄  
約

改前約  
七條

添償費  
伊犁條  
約完成

○出使俄國大臣曾紀澤與俄政府修改伊犁條約於聖彼得堡

○初

曾紀澤奉命抵俄京聖彼得堡議修改崇厚之約俄人以崇厚爲頭等全

權大臣而紀澤係二等公使拒不與議又欲遣其海部尙書到北京議約

駐京俄使亦以去留相要挾並增防邊戍以兵艦游中國海面以相恫嚇

嗣經紀澤反覆辯論往返磋商始行定議計改前約者七端 一歸還伊

犁南境即詩克斯  
河流城 二喀什噶爾界務不據崇厚所定之界 三塔爾巴哈

台界務照崇厚明誼同治三年勘分西北  
界約由大臣明誼定所定兩界之間酌中勘定 四嘉峪

關在甘肅西  
泉縣西通商仿照天津辦理西安漢中兩路及漢口字樣均刪去 五

松花江行船至伯都訥今吉林  
新城縣專條廢去 六添設領事僅於吐魯番添

設一員餘俟商務興旺時再行添設 七天山南北路貿易納稅事改均

不納稅爲暫不納稅此外則添償俄銀四百萬盧布奏入奉旨允准簽字

結約是爲伊犁條約此七年正月事也伊犁交涉既畢廷議對於新疆善

後頗費躊躇卒從劉錦棠言改建新疆爲行省設立郡縣卽以錦棠爲甘

肅新疆巡撫責以改建行省各事務自光緒十年至十一年九月而新疆

南北郡縣之制始定自是中國始知邊遠地方之爲重要云

**附記**

伊宰條約俄人輕棄已得之權利而讓歸中國固由於曾紀澤能折衝樽俎挽回權利而實則因俄人自俄土戰後財彈力竭其君臣雅不欲再啓靈端故得從容商改

和不了結當時廷臣不知此因速謂俄為强大之國尙不難辦嗚呼此其所以釀成他日外交種種失敗之惡果也歟

東太后崩

三月皇太后鈕祜祿氏崩

即東宮太后也后於咸豐初年正位中

遺詔由來

焚遺詔 西后嫌 疑

奧巴西 訂約

宮文宗好游宴管婉言規諫及同治初與西太后垂簾聽政召見大臣呐  
呐如無語悉以政權讓之西后晚年尤謙讓務自韜晦先是西后在咸豐  
時甚得文宗歡及駕幸熱河因西后恣縱頗不悅嘗與肅順言欲廢之而  
未忍迨熱河病革始密書遺詔付東后俾時監視西后不知也同治初軍  
事方亟西后遇事精密內用文祥倭仁諸賢相外用曾國藩左宗棠李鴻  
章諸賢將故大亂克平頗為東后所倚重惟內行不謹時踰防檢及光緒  
時而益甚東后欲有以感之出示文宗遺詔言吾姊妹今俱老矣共事二  
十年幸同心無一語勃谿旦夕當見先帝於地下無所事此因焚於燭上  
西后陽為感泣而陰恚之未幾東后遂暴卒或傳即西后所酖宮省事秘  
莫能詳也后卒年四十有五諡曰孝貞顯皇后

綱秋八月李鴻章與巴西使臣喀拉多訂立條約十七款

去年夏以

李鴻章爲巴西議約全權大臣。至是約成。凡十七款。

○十一月以張之洞爲山西巡撫。○之洞在翰林。屢上封奏。遇事敢言。

至是以內閣學士簡任巡撫。

○壬午八年春三月。李鴻章罷。以張樹聲署直隸總督。李瀚章罷。以涂宗

瀛爲湖廣總督。○鴻章瀚章均丁母憂。回籍。詔鴻章穿孝百日。後卽行。

回任。旋鴻章迭請終制。詔開缺。駐天津。署理通商大臣。

○夏四月。朝鮮與美訂約。以道員馬建忠提督丁汝昌往蒞盟。○自去

秋七月。許朝鮮與各國通商。修約後。至是朝鮮首與美國訂立條約。由馬

建忠丁汝昌往蒞盟。其後英法二國先後與朝鮮立約。皆由建忠介之。

○秋七月。朝鮮內亂。大院君李昰應被執歸。安置保定。○日本勢力既

西漸。朝鮮京城。因有親日派之發現。此派號稱新黨。組織總理機務衙門。

董其事者。爲李載冕。金宏積。朴定陽諸人。皆曾親赴日本。目擊日本國之

發展。以師法日本爲職志。與守舊派之大院君李昰應不相協。新黨之改

革方針。以兵制爲入手。聘日本中尉堀本禮造。施以新式訓練。然求效過

急。被裁之兵士。常發怨嗟之聲。同時又以册立太子妃於閔家之故。致舊黨突焉激發。蓋閔家原爲王妃所自出。太子妃又繼之。聲勢赫奕。李

李鴻章  
丁憂

朝鮮訂  
美約

定朝鮮  
內亂

新舊黨  
之爭

排日

執大院君歸

朝鮮脫離中國之第二步

與俄訂界約

是應之一派。不能默視。至是舊式兵士以月餉不發。叩訴不平於大院君。大院君時居

雲峴宮。失勢已久。頗怫鬱。因利用此兵士。率以犯王宮。襲閔氏。殺總理機

務衙門諸官吏。一時狂焰甚熾。舊黨又乘機入。其鋒遂一轉而為排日。

先攻日使館。日使花房義質避之。王宮南大門固鑄不得入。因走仁川。還

長崎。日政府遂興問罪之師。朝鮮王大懼。乞師中國。中國李鴻章知日韓

構釁必無良結果。即命馬建忠、吳長慶、丁汝昌等率海陸軍至朝鮮。執大

院君以歸。與日本議和。納賠款。遣朴永孝等赴日謝罪。日本因而要求與

清兵共駐朝鮮都城。是為日本離朝鮮於中國之第二步。方亂事之始。熾也。李

梁勢取軍國機務。鉅細悉秉於已。殺異己者數百人。復擅威權。朝鮮使臣魚允中。乃決計乘日本

內難時。太平亂事已久。平清廷復有意於朝鮮。李鴻章知日韓構釁必無良結果。乃決計乘日本

海軍未集之時。速定內亂。使日本無可藉口。且恐首亂之李是應。為日本挾去。或與之通謀。以圖

廢立。於是命馬建忠、吳長慶、丁汝昌等率海陸軍赴朝鮮。執李是應。以歸。是應既被執。清廷知從

前放棄主權之非策。乃立憲整頓。時朝鮮仿中國總理衙門之制。新設統理衙門。又分內外衙門。

內衙門聘德國穆麟德。外衙門請中國馬建忠。各為顧問。官悉聽全權大臣李鴻章節制。吳長慶

等諸將。又以兵三千駐屯韓京內外。是為中國駐兵朝鮮之始。未幾日使花房義質復回任。朝鮮

以朴泳孝為大使。金晚植、金玉均為副使。齎謝罪書於日本。自擊日本之文明進化。復與日本

人士相接。納銳意革新。歸國後。數進言於國王。勸法日本。日本加派竹添進一郎為辦

理公使。同時又據日韓條約。剛有兵隊為守備。而京之用。是為日本駐兵朝鮮之始。

**冬十月與俄羅斯定喀什噶爾東北界約四條**

**巴里坤領隊大臣**

**沙克都林札布與俄國分界大臣在喀什噶爾城會議訂立東北界約四**

條至是告成

**附記**

山界約原文一界綫自那林哈勒噶山口起二順天山之嶺至未雜爾特山口凡東南

正脊稍折而南又西會上脊於柏斯塔格山口四西絕庫木阿爾克河一面無路洋圖作札那爾特

河而過稍西經喀伊車山口此山口中國一面有路俄國一面無路庫庫爾圖克山

**十一月王文韶罷命翁同龢在軍機大臣上行走**

李鴻章署直督

**癸未九年夏六月以李鴻章署直隸總督** 國時外交緊急詔起復鴻

章署直隸總督命張樹聲仍回兩廣總督任着曾國荃來京陛見鴻章疏

辭不許

安南與法訂約

**秋七月安南與法蘭西訂立法越新約** 安南王阮福映之得有安

南也認中國為宗主國入貢受封惟其得國時曾借助於法國教士之兵

力約事成後割讓化南島且許通商自由已而法人自恃功高頗凌侮安

南人福映深悔之法人來責前約福映不答且言法人終為禍根戒其臣

下毋得優禮法人無何福映卒遺命戒子孫勿以尺寸土予法人會法王

拿破崙第三以歐洲均勢之局已定乃抱經略東方之野心遂與安南起

齟齬先是福映卒子弘文立遇法人甚酷並下命逐天主教幽殺教師信

阮福映遺命

人酷遇法

爭法越戰

劉永福  
黑旗軍  
大敗法

法越條約

徒悉處死刑。弘文卒。子福璇立。對法人酷遇不少衰。駐華法使納古爾奈。貽書責問。置不答。尋卒。子弘住立。待法人尤酷。當咸豐二年時。嘗懸銀國中。購教師頭。法國聞報。遣使詰責。亦不報時。法國方從事於俄土之戰。不遑他顧。及咸豐六年。俄土戰平。法王拿破崙第三。遂派遣軍艦。駛至安南。奪順化之沿岸礮臺。轉攻西貢。安南將阮方和。築長圍以困之。幾克矣。會英法同盟軍。北京之戰告終。返兵過其地。擊破方和軍。安南不得已。割東南岸地與法。以議和。且償兵費銀二千萬佛郎。同治五年。法乘東蒲寨之亂。又發兵掠取下交趾諸州。東蒲寨素服暹羅。至是懼為所併。遂請為法之保護國。十一年。安南又有虐殺法人事。法將勃奇。自雲南探險紅河。欲引兵艦自西貢趨香港。轉向紅河。以奪河內。併東京。其勢甚熾。會是時中國太平。餘黨劉永福及葉成林等。均亡命於安南東京。永福張黑旗部下。尚八萬人。駐松郭老撾之地。成林張黃旗部下六萬人。駐海順附近。黃旗劣而黑旗勇。皆屯田為糧。不納稅。至是因法人來逼。遂羣起仇法。保越越人復資以兵。因大敗法軍。法人乃易強硬手段為和平手段。與安南王締結法越條約。其重要者如下。

- 一 法國公認安南為獨立國。
- 二 定河內

等城爲商埠。三、開放紅河而上至河內得自由航行之權利。四、安南

既爲獨立國不得與他國有聯屬之關係。以上條約純然爲排斥中國

之安南宗主權而徐施其侵略政策使安南漸變爲法之保護國此同治

十三年事也。自法越條約訂定後未幾安南邊界有黃崇英李揚才之亂

勢頗倡獮安南王阮弘住遣使乞援於中國中政府卽令雲貴總督劉長

佑提督馮子材等先後率兵出關討平之法人聞之大怒以爲安南王背

約立率師攻河內又爲劉永福黑旗軍所敗殺法將喜屋罷法人易師轉

攻順化破之會安南王卒王位繼承之爭起至是遂與法人媾和承認安

南爲法之保護國更訂約如下。一以東京割讓法國。二嗣後安南爲

法之保護國非法國許可不得與他國交通自此約訂後安南遂爲法之

保護國視中國如無有矣。

**附記**

劉永福者太平之餘黨也初太平軍既失南京餘黨四散就中有吳錕者率兵數千

中未幾吳錕卒部將二人代領其衆且招其餘黨襲取紅河上流之老開府（在今雲南蒙

自邊外安南境內）爲根據地二人旋不協互相競爭遂分兩黨一據老開府（在今雲南蒙

紅河入興安府爲黃旗黨皆以所軍旗著稱互相仇殺此外尙有白旗黨云當黃黑二旗擾

之在安南頗佔勢力中以黑旗黨爲尤盛其首領卽劉永福永福名義廣西人體格短小而



望所歸。既據有老開。安南孱弱不能制。示意招撫。黑旗黨亦恐安南與清室協而謀己。乃伴喜而從之。安南王不知永福之深意。遇之漸厚。多予以耕種。永福亦以容身有所。屢進蓋謀。大得安南王之歡心。至向安南王之二女。永福竊於此時。招集同類。日以恩惠。使義名藉藉於人口。黃白兩黨之人。多聞風來。隸其麾下。永福悉授以土田。生齒日衆。拓地至七百餘英方里。遂成一繁盛之都邑。先是永福斷絕關係於安南。及羽翼漸成。不復納稅。安南王始悔前此之失計。然無可如何。永福乃與安南斷絕關係。專決其地方之政。設官分職。與教勸業。兵制亦整飭有緒。迥非安南柔弱之比。蓋永福多年之計劃。至是始告成功。儼具一獨立國規模矣。當老開未為所據前。樹木叢雜。谷幽深山。多狼虎。樵夫須結伴始能行。及黑旗黨繁殖以來。各地已無復前患。又老開多猿猴。黑旗黨所植之粟穀。常為所擾。猿擊咆哮。田中即數十噸茅。一夕可拔。罄防制無策。黨人乃設法狙擊之。積久其害遂絕。而收穫益豐。衣食富饒。人數亦日臻繁盛。計黑旗黨八萬餘人。黃旗黨六萬餘人。白旗黨三萬餘人。其他附麗者。又二萬餘人。綜永福所轄治。不下二十餘萬人。皆面黑身輕。感林超淵。強捷若猿猴。中。儼於今東京之北部。中。儼然一強國云。

八月命彭玉麟往廣東會辦海防。自法越新約訂立後。政府以越

南久列藩封。法人逕駐兵東京。實屬偏我太甚。即令曾紀澤向法廷抗議。要求撤退東京遠征軍。而法人不理。並不認中國於東京事件有置喙權。紀澤大怒。隨發最後之通牒於法政府。曰。東京之法軍。若侵中國之陣地。則中國政府即視為開戰之原由。法國亦宣言。若發見中國兵於東京。則法國不得已而開戰。其責由清政府任之。交涉既決裂。政府知中法戰事必不可免。因暗助劉永福黑旗軍餉械。令攻法軍。並命雲南巡撫唐炯駐紮山西。廣西巡撫徐延旭駐紮北寧。安南北圻上十省之一相機援助法人。聞之屢有

中法戰端

彭玉麟防粵

責言朝廷卽命李鴻章往廣東督辦越南事宜節制廣東廣西雲南三省防務嗣又命在上海與法使脫利古商辦脫利古聲言將乘兵船入京朝廷復命鴻章還直督任至是脫利古又揚言至廣東故命玉麟赴粵而命南北洋妥籌防務

○九月伊犁參贊大臣升泰與俄國分界大臣佛里德訂立塔爾巴哈臺界約 ○自曾紀澤在俄改約後兩國各派分界大臣科布多幫辦大臣

額福與俄國大臣撒裴索富在阿拉克別克河口會議科布多新界約于八月間竣事至是伊犁參贊大臣升泰等與俄國分界大臣佛里德在塔城會議亦定立塔爾巴哈臺在科布多西清直隸廳今伊犁道塔城縣界約七條

○甲申十年春正月左宗棠因病乞罷以曾國荃署兩江總督

○三月法兵陷北寧山西詔褫廣西巡撫徐延旭雲南巡撫唐炯職命雲貴總督岑毓英出關督師 ○先是延旭奉命出關自駐諒山而令提督

黃桂蘭道員趙沃守越南之北寧及法兵來攻全軍潰退北寧失守詔徐延旭黃桂蘭趙沃均革職拿問以潘鼎新代爲廣西巡撫王德榜字明青湖南江華人

署廣西提督桂蘭自殺唐炯奉命出關未奉諭旨率行回省致官兵退紮

山西失守至是亦革職逮問命岑毓英出關督師與劉永福之黑旗兵相策應

綱軍機大臣奕訢寶鋆李鴻藻景廉翁同龢均罷 國時奕訢等久居政

府委蛇保榮屢為言路所攻至是因法越事急朝廷將力圖振作故將軍

機大臣全數斥退 奕訢開去一切差使並撤去恩加親王雙俸寶鋆原品休致李鴻藻景廉開去一切差使降二級調用翁同龢革職留任 而命禮

親王世鐸戶部尚書額勒和布閣敬銘刑部尚書張之萬在軍機大臣上

行走工部左侍郎孫毓汶在軍機大臣上學習行走太后旋命軍機處遇

有緊要事件著會同醇親王奕譞商辦

綱五月李鴻章與法國水師總兵福祿諾訂立天津議和草約 國法越

之爭自山西北寧失守後越南臣民望風降順法人氣燄益張本年三月

稅務司德權璘力任調停詔李鴻章通盤籌畫酌定辦法旋授全權大臣

至是鴻章與法國水師總兵訂立簡明條款於天津計凡五款 一中國南界毗連北圻法

國約明無論遇何機會並或有他人侵犯事情均應保全護助二中國南界既經法國與以實在

惡據不虞有侵估滋擾之事中國約明將所駐北圻各防營即行調回邊界並於法越所有已定

與未定各條約均置不理三法國既感中國咨商之意並敬李大臣力顧大局之誠情願不向中

國索償賠費中國亦宜詳以毗連越南北圻之邊界所有法越與內地貨物聽憑運銷並約明日

南另遣使臣議定詳細商約稅則務須格外和衷期於並將以前與越南所立各條約將來與越

者。燕行館與五。此約既經彼此簽押。兩國即派全權大臣。限三月後。悉照以上所定各節。會議詳細條款。

是爲天津議和草約。其詳細節

與法訂  
詳約未  
就

目。俟該國別遣大臣前來會商。

○閏五月。以曾國荃爲全權大臣。與法使巴德諾會議詳細條約。○李

鴻章與福祿諾訂立議和草約後。福祿諾臨行。與李鴻章言。擬派隊巡查越境。鴻章不以上聞。時岑毓英已出關駐兵保勝。潘鼎新駐兵諒山。而法軍遽以巡邊爲名。收取北圻地。攻犯諒山。潘鼎新等不讓。擊敗之。屢有捷奏。法人大怒。遣使向政府索賠償兵費金一千萬磅。其提督孤拔且率兵船至福州馬尾。有占踞地方爲質之說。法國派來會議詳細節目之專使巴德諾。逗遛上海。朝命曾國荃爲全權大臣。前往與議。而巴德諾照會堅索償金。國荃議許給撫卹銀五十萬兩。奉旨申飭。

與法宣  
戰

○秋七月。下詔與法宣戰。○自法使提出要求償金一千萬磅後。朝旨

嚴詞拒絕。又以巴德諾照會無理已甚。因議一意主戰。是秋七月。法公使謝滿祿下旗出京。遂下詔與法宣戰。於是中法之戰。釁以起。

○法軍寇福建。陷馬尾礮臺。大學士張佩綸與戰敗績。○戰禍既起。是

年六月。法提督孤拔先以海軍攻福州海口。時大學士張佩綸率黃超羣

法軍寇  
尾閩陷馬

孤拔殞命

法寇臺灣敗遁

改新疆為行省

等駐防馬尾在福建長樂縣西北相持匝月及大戰我兵輪九艘被燬者凡七更破福建船政局鏖戰三時許羅星塔礮臺及閩安臺諸礮臺皆為所轟燬佩綸倉卒遁師船盡殲全閩大震法艦復退據澎湖島提督孤拔以是役中礮卒

法軍寇臺灣臺防督辦劉銘傳擊走之 同時法將賴師皮率艦隊

至臺灣基隆山名一作雞籠在臺灣彰化縣北海上致書其守將約二十四小時內須將基隆讓

出守將置不答法艦礮擊基隆礮臺佔據之時督辦臺防事務劉銘傳聞

法軍礮擊基隆大恐率兵從法軍背後進擊彈掠面而過銘傳大言曰人

自尋彈丸耳彈丸決不能尋人但存忠憤之心彈丸自能避我士卒聞之

益奮激並力攻法軍法軍始棄基隆乘艦遁後法艦雖常出沒基隆近海

然不敢登陸矣

以左宗棠為欽差大臣督辦福建軍務穆圖美楊昌濬幫辦軍務

九月以劉銘傳為福建巡撫仍駐紮臺灣督辦防務

冬十月以劉錦棠為甘肅新疆巡撫仍以欽差大臣督辦新疆事宜

先是錦棠與陝甘總督譚鍾麟奏改新疆為行省設立郡縣略謂新疆

裁烏魯  
木齊都  
統

朝鮮新  
黨作亂

與甘肅形同唇齒宜依左宗棠議劃爲兩省否則以二十餘州縣孤懸絕域勢難自存擬仿江蘇建置大略添設甘肅巡撫一員以烏魯木齊爲省治設布政使一員以鎮迪道加按察使銜其伊犁將軍無庸總統全疆移烏魯木齊提督駐喀什噶爾舊有之參贊辦事領隊各大臣酌量裁撤疏入下吏部議行至是乃設甘肅新疆巡撫暨布政使等缺以錦棠等爲之裁撤烏魯木齊都統等缺

十一月朝鮮新黨金玉均等作亂駐韓通商委員袁世凱討平之  
自朝鮮內亂後日人要求與中國共駐兵朝鮮都城爲日本離朝鮮於中國之第二步然日人之陰謀猶未已也復設法使朝鮮內鬩以爲干涉地步時大院君雖廢而朝鮮王庸闇受制悍妃閔氏仍主守舊及朴永孝金玉均等自日本歸年少氣豪急謀改變國政時閔氏擅權與朴等議不合日之陰謀者又從而挑唆之朝人不悟遂分爲新舊兩黨舊黨附中國新黨倚日本各挾黨見爲鬩牆之爭光緒十年新黨魁金玉均等刺殺舊黨黨魁閔泳翔擁兵突入王宮悉殺閔族貴官擁國王頒新政而乞援於日本使館日使竹添進一郎出兵助之於是王族咸請兵於中國駐韓之

袁世凱  
平定之

張佩綸  
譎戍

法寇鎮  
海敗績

法陷諒  
山

通商委員袁世凱世凱許之以兵迫王宮金玉均遁走朴永孝戰死國王來奔日使走仁川我軍大破新黨護國王還宮舊黨復柄政是爲金玉均之亂自此大變亂後日本遂遣井上馨爲大使責償金十三萬於朝鮮又以中國出兵援助舊黨復遣伊藤博文至北京與政府會議朝鮮善後事宜

十二月褫張佩綸何如璋職發往軍臺效力 自馬江喪師後翰林院編修潘炳年等由都察院代奏張佩綸何如璋等債事情形給事中萬培因又奏佩綸等諱敗捏奏濫保徇弘各節詔左宗棠楊昌濬查辦覆奏請交部議處朝旨謂情重罰輕佩綸先以濫保徐延旭等革職至是與何如璋均發往軍臺效力贖罪是月前雲南巡撫唐炯廣西巡撫徐延旭俱逮捕至京以喪師失律罪均定爲斬監候至十二年冬赦免

法兵寇鎮海守礮臺兵擊卻之 先是總兵吳安康率南洋兵船五艘援臺灣于浙江海面遇法國兵船被擊自沈二船餘退入鎮海口法船遂進攻鎮海口爲守礮臺兵擊退之

乙酉十一年春正月諒山陷提督楊玉科死之法兵進寇鎮南關

自馬江失敗，朝廷命左宗棠、彭玉麟等視師，招劉永福使內附，以禦法軍。

及基隆之役，劉銘傳奪還礮臺，法軍猶封鎖港口不去。其在安南者，復併

力猛攻諒山兵，潘鼎新、王德榜戰敗遁走，諒山失陷。提督楊玉科陣亡。法

軍遂進攻鎮南關。在今廣西憑馮縣南二月，詔革潘鼎新、王德榜職，以提督蘇元春督

辦廣西軍務，李秉衡署廣西巡撫。

二月，以李鴻章爲全權大臣，與日使伊藤博文議朝鮮事，遂訂中日天

津條約三款。朝鮮金玉均之亂，日本以清兵乘亂殘害居韓日僑，爲

名命伊藤博文爲全權大臣，至中國責問。初至北京，訪總理衙門，晤慶親

王奕劻等，而奕劻不願伊藤來京，令至天津。晤直隸總督李鴻章，因特派

李鴻章爲全權大臣，與日使商議朝鮮事務。蓋是時滿洲諸王大臣無一

能通外情者，平日尸居祿位，但知阻外國船艦之北航，遇有交涉，一以委

之李鴻章，俾當外交之衝，已得因而卸責。故當時日人有北京爲滿政府

天津爲漢政府之諺。伊藤至天津，遂與鴻章開談判。伊藤所提分兩條件：

一爲過去，一爲將來。過去問題，謂清兵殘害居韓日僑，應請賠償。將來問

題，則爲要求撤去中國在韓駐兵。其要求撤去中國在韓駐兵，卽爲撤消

與日訂  
韓約

伊藤狡  
謀



中國在韓勢力之初步亦卽爲撤消中國對韓宗主權之初步故其所挾目的實在將來一項鴻章不知其計與伊藤反覆辯論祇嘵嘵於過去問題以明朝鮮亂事中國不能負責其於將來之撤兵駐兵問題毫不注意伊藤遂乘機與鴻章議訂條約二款一中日兩國自條約調印之日起於四個月內雙方撤兵二朝鮮練兵爾後不由兩國派遣三將來朝鮮若有重大事件須中日兩國出兵時兩國須於出兵前互相知照事後卽行撤退是爲中日天津條約自此約訂後中國在朝鮮之宗主權不啻斷送無餘矣此爲日本離朝鮮於中國之第三步

日本離朝鮮  
間朝鮮  
之第三步  
大破法  
軍克諒  
山

綱廣西提督馮子材大破法軍於文淵州克復諒山 圖當法提督孤拔之戰勝馬江也納克列耳及米洛兩將軍亦於廣西邊外連戰連勝遂陷諒山提督楊玉科戰死諸軍皆潰法軍遂乘勝進逼鎮南關築礮臺於關外十餘里之文淵州爲堅守計先是廣西提督馮子材及廣西右江鎮總兵王孝祺至龍州募兵未集孝祺聞敗卽率數營赴關外然子材所統兵八營尙在東路駐紮該地者僅中軍二營勢極單薄已而子材率一營至關約孝祺攔集潰兵急遣使請巡撫潘鼎新率八營來赴鼎新不允子材

馮子材  
激勵軍  
心

功敗垂  
成

與法議  
和

開戰勝  
劃地未  
有之奇  
例英人  
受英人  
之給

乃率所部出關督勦鼎新。聞之始命回兵西援。於是子材察地形視要害。築長牆三里。以爲廣西軍屯聚之所。適法軍封北海。在今廣東合浦縣南斷廣西軍歸路。時廉州即合浦縣無統帥。請子材歸廉州。子材慨然謂我軍雖寡。然不得他移。因進擊法軍。破之。比法軍再至。擊之不走。而法軍駐諒山者。復悉衆疾馳入鎮南關。子材宣言於諸軍曰。法軍倘入關。有何面目見粵民哉。孝祺遂力戰退法軍。旋又與法軍劇戰。大破法軍於文淵州。子材號令嚴明。士卒用命。法軍雖精。終不能抗。子材因奮勇拔諒山。慨然有掃盪北圻全境之志。會朝廷議和。停戰令下。子材乃止。

○三月。以李鴻章爲全權大臣。與法使議和。夏四月。鴻章與法使巴德諾訂立法。越天津條約十款。○中法戰釁既開。鎮南關之役。馮子材等既力破法軍。臺閩之役。法將孤拔又戰死。我國軍威大震。法軍既不得志於臺閩。又不得志於安南。其國內政黨又分和戰。兩派互相爭執。時起內鬩。內閣反覆更迭。國事不定。兵饜奇絀。英人赫德炯知其故。出而調停。給中政府。仍照天津議和草約。與法公使巴德諾重議詳細條約於天津。法公使於天津草約外。別無要求。至是約成。凡十款。中國承認法越所結之一

切條約為有效。而放棄其安南宗主權。此後安南所有外交等事。悉憑法人主持。法人亦不索中國償金。以示讓步。而於雲南之蒙自廣西之龍州。開為通商場。法兵退出基隆澎湖。此後法兵永不得過北圻與中國邊界。中國亦不得前越北圻。是為法越天津條約。自此約定後。安南東蒲寨。遂俱為法人所略取。至光緒二十四年。老撾亦入法之範圍。於是窺伺我滇桂西南邊事。乃益急矣。

夏五月。曾紀澤與英外部續訂煙臺條約。專條十款。

秋八月。以李鴻章為滇越邊界通商議約全權大臣。時英方圖緬

因野人山邊事。與雲南接壤。屢起齟齬。故有是命。

大學士左宗棠卒於軍。自中法戰起。宗棠奉命督辦福建軍務。時

年已七十。有三積勞過久。本已多病。及聞命。即慷慨戒行。冒暑兼程抵閩。

晝夜孜孜。以謀援臺。旋聞澎湖被陷。搥胸頓足。至廢寢食。痰疾因之而起。

至是遂卒於閩。詔贈太傅。予諡文襄。

以醇親王奕譞總理海軍事務。奕劻李鴻章會同辦理。和局既定。

朝廷深懲馬江之失敗。籌議海防善後事宜。至是定議。先從北洋精練水

設海軍衙門

英滅緬甸

三啓戰衅

要求立君存祀

師一支以爲之倡。此外分年興辦。命醇親王奕譞總理海軍事務。沿海水師悉歸節制。並命奕劻、李鴻章會同辦理。善慶曾紀澤幫同辦理。而以李鴻章專司其事。設海軍衙門於京師。

○冬十月。以穆圖善爲欽差大臣。會同東三省將軍辦理練兵事宜。

○英人滅我緬甸。

○緬甸自乾隆時入貢。久已臣服中國。道光初。英人

既併印度。其地與緬甸接壤。於是英緬戰爭之事起。先是緬甸與印度孟加拉省間有阿羅漢地方。向屬緬甸。後謀自立。緬人討之。有逃人入印度之孟加拉。緬兵追至。索之。英人不與。遂開戰。衅英兩次割緬地。時清廷多故。未暇問也。及法越戰事起。法人奪取安南。與中國開釁。英人乘機索緬甸之寶石木場等廠。緬人不從。戰端三啓。英人乃由印度率軍艦。溯怒江而上。直抵緬甸之曼德來新都。緬王拒戰。力竭出降。英人遂滅其國。廢其王。佔領其地。置總督署於仰光。以爲印度帝國之屬土。此光緒十一年事也。時清廷以緬甸爲我國屬國。不能任英人夷滅。是年十月。詔駐英公使曾紀澤向英廷提出抗議。要求立君存祀。俾守十年一貢之例。英廷不許。明年六月。由慶親王奕劻及孫毓汶與英使歐格納會議。訂立條約五款。

涉滑稽交

與法議邊約

卒丁寶楨

帝將親政

其第一款即為代貢問題。文曰：一因緬甸每屆十年向有派員呈進方物成例。英國允由緬甸最大之大臣每屆十年派員循例舉行。其所派之人應選緬甸國人。於是此項重大之交涉遂以此種滑稽之解決而終結。

十九款。丙戌十二年春三月李鴻章與法使戈可當會議越南邊界通商章程。中法天津條約第六款內開北圻與中國之雲南廣西廣東

各省陸路通商章程兩國派員會議另定條款。至是李鴻章奉命與法使戈可當等在天津會議。凡十九款。一、二、通商設官。三、優待。四、五、中國及法國居留地。六、七、內地商務。八、改運。九、

貨稅。十、稽罰。十一、十二、貨稅辦法。十三、免稅事項。十四、洋藥不准販賣。十五、禁令。十六、控贖。十七、捕務。十八、十九、訂約。

夏五月四川總督丁寶楨卒。寶楨任川督凡有興革不避嫌怨復

都江故隄還民田數十萬畝。裁減夫馬。民困大蘇。川鹽久敝。叛滇邊黔邊官運法國家溢收百餘萬。至是卒予諡文誠。詔以劉秉璋為四川總督。

六月皇太后諭明年舉行皇帝親政典禮不果行。是年壬申太后

諭自本年冬至大祀圜丘為始。皇帝親詣行禮。並於明年正月舉行親政典禮。尋醮親王奕譞。禮親王世鐸等累疏請皇帝親政。後太后再行訓政

數年許之。

與英議  
緬甸條  
約

鮑超卒

馮子材  
平瓊亂

客匪黎

開漠河  
金鑛

緬奕助孫毓汶與英使歐格納會議緬甸條約五款。英滅緬甸後曾紀澤有立君存祀之爭卒以進貢方物爲抗議之結果至是會議條約成凡五款一二儀文英國允代進方物三疆界四遊歷通商五訂約條件

緬秋八月前湖南提督鮑超卒。超勇銳冠世苦戰十年英彭勿及然性桀傲非曾文正胡文忠不能用也至是卒予諡忠壯。

瓊州客黎作亂詔提督馮子材剿治之。瓊州孤峙海南黎巢其中民鬪其外地瘴而瘠民弱而惰客匪黎匪遂爲地方之害客匪大率皆籍隸嘉應州及新寧恩平開平高明鶴山等縣言語風俗自爲一種土人不與爲婚姻或云卽係乞人非若他省僑寓民戶皆謂之客民也黎匪所居最深處曰黎母山其地居瓊州之中盤亘數百里定安會同樂會萬陵陵水崖州等處皆有峒口出入諸黎以儋州臨高爲最馴陵水儋黎歧黎爲最悍崖黎富強亦易滋事客匪以黎峒爲負嵎藉黎人爲聲勢黎匪以客匪爲嚮導藉遊勇爲附從同時爲亂其勢甚熾初張之洞有大拯瓊民剿撫兼施之奏至是乃命提督馮子材率師前往旋勦平之。

冬十月李鴻章派員勘辦黑龍江漠河金鑛。漠河地方在內興安

嶺北黑龍江右岸勘辦金鑛始此

○丁亥十三年春正月詔興大沽天津鐵路 ○時總理海軍事務衙門

設津沽鐵路

奕譞等奏稱鐵路於調兵運餉利商便民諸大端為益甚多而於邊疆之防務小民之生計實無危險窒礙之處又言開平礦務局於光緒七年創造鐵路二十里後因兵船運煤不便復接造六十里今請再將由大沽至

天津百餘里之鐵路逐漸興辦得旨允行

○夏四月定出洋遊歷人員章程 ○總理衙門奏定出洋遊歷人員章程

程凡十四條 有每年經費四萬餘兩以十員或二十員為額二考試人才以長於記載敘事

定出洋遊歷章程

六預支薪水七船價車價報銷八游歷地方川資九游歷各地詳細記載十各國語言文字科學

審擇學習十一游歷回華應自明心得及著述十二由使臣領事保護照料十三各員先後具報

啓程十四父母老病不願出洋者准呈明免行

○五月奕劻孫毓汶與法使續議界務專約五款商務專約十款

○六月前雲貴總督劉長佑卒 ○長佑在官以廉率下所得祿賜盡卹

劉長佑卒

戰士接僚屬雖雜職微弁必假詞色統兵三十年未嘗誅將佐然諸將亦憚之無敢犯約至是卒予諡武愼

○秋七月兩廣總督張之洞奏設南洋各島領事 ○先是使臣張蔭桓

設南洋領事

華僑受  
虐待

黃河溢

訂葡約

奏請籌議外洋各埠捐船護商情形。朝命兩廣總督張之洞派員調查。旋派王榮和余璣等於十二年七月二十七日由粵起程。周歷南洋各島。二十餘埠。凡小呂宋、日新巴新嘉坡、麻六甲、檳榔嶼、仰江、皆英日裏各附埠。加拉巴各附埠、加拉巴三寶瓏各附埠、泗里末、皆荷新金山之鉢打穩、雪梨、美利濱、亞都律省各附埠、哀司倫、哀司倫各附埠、皆英皆往調查。至是回粵。之洞因奏呈華人在該處所受各國虐待情形。宜於小呂宋設總領事。新嘉坡原設領事。今宜添設副領事。餘如仰江、日裏、加拉巴俱設副領事。而新金山、雪梨埠宜派設總領事。使華工得所庇倚。謀生益覺有資。云云。得旨允行。

八月黃河溢。黃河南岸鄭州下汛十堡河水漫溢。翁同龢等奏黃河南注有二大患。五可慮。請速籌堵。塞九月命薛允升、李鴻藻往鄭州工次。尋命鴻藻督辦工程。命李鶴年署理河東河道總督。已革前河道總督成孚留工効力。

冬十月奕劻、孫毓汶與葡使羅沙議訂中葡條約及專款。條約五

十四款。一保護二疆界三禁令四洋藥五遣使六優待七儀文八九設官十優待條件十一



澳門條約

英人窺藏

十九捕務保護二十念一念二念三念四船鈔及貨稅及稽罰事項念五至三十俱稽前條規三十一至三十四俱貨稅則例三十五至三十七俱改運稽罰三十八內地商務三十九四十四行船貨稅四十一中外權度四十二禁令四十三四十四船鈔稽罰四十五捕務四十六稅則四十專七控斷四十八獄訟四十九錢值五十五十一控斷五十二傳教五十三五十四訂約附則

**約三款** 俱洋藥販運規例限以領取准照等事項

**綱**十二月兩廣總督張之洞奏請與葡萄牙議訂澳門租界條約 **目**澳

門地方自前明嘉靖時即經葡萄牙人佔居歲輸租課迨至清初改稅課為地租總令輸銀五百兩至道光時鴉片戰爭以後葡人心輕中國租銀常不繳納且有姦商從此密輸鴉片於內地難以巡緝光緒十三年因英人嚇德居間乃與葡人訂約四款葡國須為中國嚴防私烟而中國則永讓澳門與葡管領惟葡國不得轉讓於別國云云此約既訂澳門遂竟淪為異域至是張之洞據以入奏又呈補救之策五端一細訂詳約二劃清界限三界由外定四核對洋文五暫緩批准詔從其議

**綱**戊子十四年春正月英兵謀入藏詔撤駐藏大臣文碩以長庚代之

**目**西藏地處萬山中向有世界秘密國之稱自國初隸版圖於外交上向無糾葛迨乾隆時英人波格爾及大尉丹拿先後奉英印度總督命入藏始為印藏交涉之濫觴其時中政府未嘗過問於是英人乃著著進行窺

伺藏土其導線有三一爲哲孟雄之喪失哲孟雄在西藏之南印度之北本西藏屬部嘉慶時爲廓爾喀所攻其王不能敵求助於印度之英人英人援之復其王位並奪廓爾喀東部之地以畀之道光時哲廓復構衅英人又和解之已而哲孟雄自割大吉嶺以南及附近印度之平原與英後因英使至哲人囚之於是英人大怒舉兵進攻奪其地數處咸豐時英人復以兵臨哲不能支結城下之盟而還光緒初英人復與哲開衅竟俘哲王以歸置之印度及西藏兵入哲英人乃歸哲王以相抵制而置統監於其都以握政權哲於此時蓋已名存而實亡矣以上英哲種種交涉中國均漠視其宗主權置之不問及光緒十六年忽與英人訂立印藏條約承認哲孟雄爲英屬土於是哲孟雄遂亡英人卽於孟加拉省之加爾各答建築鐵路直達大吉嶺以謀西藏於是西藏之南藩盡撤二爲布丹之喪失布丹亦西藏屬部同治時曾以兵襲印度不克爲英人所逼不得已割第斯泰河以東之地與英以和英人更束縛之箝制之使與中國斷其關係中國亦未計及其宗主權於是英人由印度入藏之東路乃通三爲西藏本部之交涉初高宗時頗嚴印藏交通之禁及光緒二年與英訂

煙臺條約始許英人入藏而藏人以英人探檢礦苗滋不悅光緒十年印度民政署書記官馬哥黎率衆入藏爲藏人所拒中政府絕不爲之戒備至是藏人怏怏歸於是謀藏益急有此三導線而中政府絕不爲之戒備至是藏人懼英人之逼又以哲孟雄布丹私結英人英人且有帶兵入藏之說因於邊外隆吐山地方設立卡房修築礮臺駐兵防守英印度總督謂其地在哲孟雄境內欲遣兵驅逐駐京英使復至政府催促撤兵總理各國事務衙門不明原委遂與駐京英使定約停止英兵入藏而飭令藏人速撤隆吐卡房時駐藏大臣文碩狗藏人意奏稱隆吐係屬藏界以內地爲藏地撤無可撤奉旨斥其迂謬先行撤還英人發兵攻隆吐卡房燬之藏兵不得已乃自撤退

頤和園  
成

自撤藏  
兵

二月頤和園成詔奉皇太后臨幸

初帝以皇太后憂勞國事宜稍

加頤養命於萬壽山大報恩延壽寺修葺殿宇改清漪園舊額爲頤和園以備慈輿臨幸凡動用海軍經費數百萬兩至是工竣乃下諭擇於四月初十日奉皇太后臨幸駐蹕

定海軍  
制

夏四月定海軍經制

自中法戰後廷議銳建海軍十年立海軍衙

丁汝昌  
提督海軍

設九南  
電綫

太后將  
歸政

門於京師訂購德廠鎮遠定遠兩鐵甲濟遠一快船十二年醇親王奉旨周歷旅順大連灣威海衛煙臺諸要隘十三年續訂英德廠致遠靖遠經遠來遠四快船並延英水師兵官琅威理均來華合超勇揚威凡得鐵甲二快船七至是乃定海軍經制以丁汝昌為海軍提督琅威理為總教習乃編為中軍左右翼後軍四隊以及考校之制簡閱之制員弁之制

考校制分

四例一藝官升擢由學堂出身考優等者屬之二弁目升擢凡正砲弁屬之三招考學生由挑選甄別擇留者名為海軍官學生四考升練勇凡知張帆及泗水法者屬之簡閱制分三例一操練二南北游弋三校閱至員弁則提督一總兵二副將五參將四游擊九都司二十七守備六十千總六十九把總九十九皆隸北洋大臣俸餉用額歲一百七十七萬八千餘兩

李鴻章奏接九南電綫 李鴻章於光緒九年奏飭盛宣懷等勸集

華商接辦由滬至粵沿海各口陸路電綫惟因春夏水發於閩浙地面不免阻誤仍須由洋商海線傳遞至是擬由江西九江造至庾嶺與廣東南雄之綫相接仍歸商辦

六月皇太后宣旨明年二月歸政並諭籌備歸政典禮 六月己亥

奉懿旨謂皇帝甫經親政決疑定策不能不遇事提撕勉允臣工之請訓政兩年近來皇帝幾餘典學益臻精進於軍國大小事務均能隨時剖決措置合宜深宮甚為欣慰明年正月大婚禮成應即親裁大政以慰天下

臣民之望着欽天監於明年二月內謹敬選擇歸政吉期具奏

○秋七月以吳大澂署河東河道總督李鶴年成孚均發軍台李鴻藻時

禮部尚書及河南巡撫倪文蔚均革職留任 ○鄭州河工自上年八月漫口

後口門寬至五百五十餘丈先後由部撥工需銀九百萬兩乃自歲杪開

工至本年夏間奏報僅餘六占不日可望合龍乃六月下旬西壩捆鑲船

失事阻碍不能進占以致口門淘刷日深秋汛已臨不克堵合至是御史

劉綸襄燕起烈奏參倪文蔚等靡帑誤工故有是譴

○八月英領印兵侵藏藏兵敗績 ○西藏自隆吐卡房被英兵攻燬後

屢思復仇而印度兵又將哲孟雄全部收取藏兵畏偪遂相攻擊已而藏

兵萬餘全行潰敗咱利亞東朗熱等隘同時失去旋由駐藏大臣升泰派

員赴邊阻止英兵並自至邊境與英員保爾會商界務

○冬十一月北洋海軍成 ○詔以丁汝昌為北洋海軍提督林泰曾為

左翼總兵劉步蟾為右翼總兵

○寧波礮臺成 ○浙東防海關鍵在寧波寧波礮臺浙江巡撫劉秉璋奏議

所奏建寧波礮臺檄飭浙省友應局訂購總志克疎廠寧紹台道薛福成條議的後膛鋼砲二尊派知縣杜冠英總理築台事宜福成督率積查嗣經福成馳赴成鎮海口相

河工失

英侵西藏

海軍成

甯波礮台成

河工成

度地勢，擇於南岸小港口之笠山，築大砲台一座，安置新砲三尊。顏曰：安遠。稍近則金鷄山前，築砲台一座，顏曰：平遠。又於北岸，招寶山、舊砲台之上層，添設砲洞，置砲一尊。二台對置，正扼江口。又稍進，則於金雞山下，與招寶山後，甬江中流之兩石磯，各築砲台一座，置砲二尊。其名曰：綬遠。曰：安遠。前敵後路，節節設險。經始於十一年，至是告竣。

共用金十五萬五千餘兩云。

綱十二月，鄭州河工告成。 目吳大澂、倪文蔚合奏經營四月有餘，大工

始克告成。

綱己丑十五年春正月，以張之萬為大學士，徐桐協辦大學士。

綱行大婚禮，冊立葉赫那拉氏為皇后。 目后副都統桂祥女，西太后之

姪女也。同時封侍郎長叙女他他拉氏為瑾嬪，次女為珍嬪。

綱二月，帝親政，宣示醇親王豫杜妄論原奏。 目先是光緒元年正月初

八日，醇親王奕譞奏稱：歷代繼統之君，推崇本生父母者，以宋孝宗不改

子稱秀王之封為至當。慮皇帝親政後，僉壬倖進，援引治平嘉靖之說，肆

其奸邪，豫具封章，請俟親政時宣示天下，俾千秋萬載勿再更張等語。至

是河東河道總督吳大澂奏請飭下廷臣會議醇親王稱號禮節，奉皇太

后懿旨，茲當歸政伊始，吳大澂果有此奏，若不將醇親王原奏及時宣示，

則後此邪說競進，妄希議禮梯榮，其患何堪設想。用特明白曉諭，將醇親

帝親政

帝大婚

宣示醇  
王原奏  
薛福成  
出使

議設蘆  
漢鐵路

王原奏發鈔俾中外臣民知之

綱以薛福成充出使英法義比四國大臣 目福成字叔耘江蘇無錫人  
有使才長於肆應廷臣交薦之故有是命

綱三月以崔國因充出使美日秘國大臣

綱奉皇太后幸頤和園閱視神機營水陸操

綱夏四月湖廣總督張之洞奏請興辦蘆漢鐵路詔從之 目之洞之奏

大旨以泰西富強端賴交通便利力闢御史余聯沅等資敵擾民及奪民生計三端謬說而注重設防遷墓養路津通路可緩設等條以蘆漢幹路爲急圖終及籌欸招股之法語極詳摯旋奉太后懿旨命海軍衙門覆議具奏略謂張之洞劉銘傳黃彭年等所奏各有見地而之洞所議自蘆溝橋起經行河南達於湖北之漢口鎮畫爲四段分作八年造辦等語尤爲詳盡此爲自強要策必應通籌天下全局本不限定津通一路但冀有益於國撫損於民定一至當不易之策云旋海軍衙門覆奏決計先辦漢口蘆溝之路於是年八月動工至是朝野始知鐵路之利云

綱五月翰林院編修奏請續修四庫全書 目懿榮奏稱高宗純皇帝欽

議修四  
庫全書

岑毓英  
卒

約束差  
徭

整飭吏  
治

定四庫全書粲然大備。惟近來開通日廣，文物日新，並有市舶泛來前代流傳海外之書，可否請旨飭下掌院學士議定重開四庫全書館，卽院修書。又謂本朝儒臣所撰十三經疏義，請賜取列學宮，以光文治。得旨：俟會典纂輯告成後，由翰林院奏明請旨。

○六月，雲貴總督岑毓英卒。○毓英在滇二十餘年，恩信感人甚深。父

老兒童，皆稱曰我老宮保。至是卒，予諡襄勤。

○冬十一月，飭禁各省州縣差徭諸弊。○諭謂近聞各省州縣差徭極

爲繁重，縱役殃民，暮夜追呼，百般需索。里民黠者營求賄免，其良懦者則

備受嚇詐，苦累不堪。且聞各州縣署內親友家丁，所需日食器用，及委員

過境車輛等件，大半取給於民，任意折價。又或因公下鄉，濫帶書役僕從，

輒有數十人，擾害鄉閭，分外需索。一切費用，無非派民供應。葺屋窮黎，何

以堪此。朝廷子惠元元，加恩拊循，猶恐不及，豈能任聽不肖牧令，縱容差

役等暗中腴削，假公濟私。嗣後着該督撫府尹等，隨時嚴密查察，認真禁

革。如有以上所指諸弊，立將該州縣嚴行懲辦，不得稍事姑容。時吏治廢

弛，頗有上聞者，故諭及之。



卒曾紀澤

平臺番

卒彭玉麟

綱庚寅十六年春二月駐藏大臣升泰與英國總理印度大臣蘭士丹議

訂藏印條約八款 目升泰奉命至藏後勒令藏兵解散總理各國事務

衙門亦派稅務司赫政往幫同商訂藏印條約詔授升泰全權大臣至印

度孟加拉與英員會議至是約成承認哲孟雄全歸英國管理并定藏哲

分界約凡八款一疆界以自布坦(地名)交界之支莫學(山名)山起至廓爾喀(屬國名見前)邊界止分哲屬梯斯塔(山名)及進山南流諸小河藏屬莫

竹(山名)及近山北流諸小河分水流之一帶山頂為界二保護三界務禁令四通商五游牧(另派員議訂)六籤文七互換條約限期八條款信守

綱三月戶部右侍郎曾紀澤卒 目紀澤於伊犁事件挽回已失利權為

中外所仰望推為使才第一至是卒着加恩給太子太保銜

綱臺灣巡撫劉銘傳奏平南澳番社 目臺灣梗化各番負嵎抗拒經銘

傳派兵往勦先後攻破番社番民窮蹙乞撫至是銘傳奏報勦平事宜旋

飭各員開辦屯懇

綱夏四月前兵部尚書彭玉麟卒 目玉麟剛介絕俗遇部下若布衣昆

弟而紀律極嚴其巡閱長江水師也劾罷營哨官百八十二人江湖肅然

將佐畏之如神地方有司亦望風震懾民間諸不軌之徒作奸犯科愍不

畏法者輒相驚曰彭宮保來其威望如此至是卒予諡剛直

○秋七月以許景澄充出使俄國兼德奧和等國大臣李經方充出使日本國大臣

楊岳斌卒

○八月前陝甘總督楊岳斌卒 岳斌爲湘軍宿將法越之釁奉詔率

師入閩幫辦軍務由泉州附漁艇渡臺灣與巡撫劉銘傳籌戰守和議成還籍至是卒於家予諡勇愨

曾國荃卒

○冬十月兩江總督曾國荃卒 國荃於攻克全陵之役厥功甚偉其

後歷任浙江山西等巡撫懋著政績至是卒予諡忠襄

劉坤一督兩江

○以劉坤一爲兩江總督 坤一湖南新寧人亦湘軍宿將從曾國藩

等平洪楊有功至是任爲兩江總督性耿介坐鎮東南屹然爲中國之重

○十一月定各國使臣覲見禮 時出使大臣薛福成奏西國優待使

定外臣覲見禮

臣除呈遞國書外其君主延請讌會一次聽樂觀舞會各二次禮意頗爲

周浹蓋西例公見不言公事卽晤其外部亦然從前雍正年間羅馬教王遣使到京世宗憲皇帝允行西禮又乾隆五十八年高宗特旨亦准行西

禮賜以筵宴是否有案可稽似亦足備考證得旨允行

醇王卒

○醇親王奕譞卒 十一月乙酉醇親王奕譞疾甚帝親幸醇邸視疾

增設南洋領事

召見外臣

李鴻章閱海軍

丁酉王薨奉皇太后懿旨定稱號曰皇帝本生考諡曰賢子載灃卽日承襲王爵載洵晉封不入八分鎮國公載濤晉封不入八分輔國公尋定皇帝持服期年御縞素十一日輟朝十一日期年內御便殿時用素服

薛福成奏請增設南洋各島領事 光緒十二年張之洞奏請於南洋各島分別設立總領事及正副領事至是出使大臣薛福成奏查得尙

未設有領事者如新嘉坡附近各島曰檳榔嶼曰麻六甲曰柔佛曰芙蓉曰石蘭莪曰白蠟華商因受欺凌剝削無不環訴哀求擬請各設副領事一員卽以就地公正殷商擬之統轄於新嘉坡領事又條其利弊損益周詳肫切得旨允行

辛卯十七年春正月召見各國使臣於紫光閣 正月二十五日帝

幸紫光閣由總署官引各國使臣入見行免冠鞠躬禮 使臣觀見者曰吳禮德田員曰華爾身曰大

鳥圭介曰潘薩曰費果孫署使臣曰吳禮巴曰雷明曰林椿曰米師麗及參贊繙譯等三十二人

夏四月直隸總督李鴻章出洋會閱海軍 初鴻章奏北洋海軍自

成軍後已屆三年其堪備戰陣各船計前購之鎮遠定遠濟遠三鐵船致遠靖遠經遠來遠四快船合之舊有超勇揚威快船鎮中鎮邊等礮船及

每三年  
校閱一  
次

教案

哥老會

練船雷艇等共大小二十餘艘爲中國創立海軍之始每年春夏秋三季由提督丁汝昌督帶各船在沿海往來操巡周歷奉天直隸山東朝鮮各洋面東北至於倭俄各島冬令駛往南洋巡閱江浙閩廣沿海各要隘西南至於英荷屬埠終歲勤勤勿稍休息定章每屆三年奏請欽差大臣會同出海校閱嚴明賞罰示以勸懲至是以四月十六日率同水陸營務處直隸臬司周馥津海關道劉汝翼等由大沽乘輪放洋徑往旅順會看船塢礮台等工校閱毅軍親慶各營陸操隨赴大連灣洋面會齊各兵船演陣打靶並調南洋六船隨同操演旋登陸閱看銘軍新築礮臺再渡海至威海衛閱看綏鞏等軍新築礮臺並查勘各處一切布置工程事竣卽赴膠州澳察看形勢旋將巡閱已竣臺塢操練各詳情報聞

按奏中有但就渤海門戶而論已有

深固不拔之勢等語而不知甲午一戰之底裏盡露也可嘆

詔各省督撫迅辦教案善後事宜 同時安徽蕪湖江蘇丹陽湖北武穴鎮等處教堂相繼被匪徒焚燬詔各督撫查拏首要各犯訊明正法並命出示曉諭居民勿輕信浮言妄生事端

六月詔各省嚴拿哥老會匪 哥老會者中國祕密會社之一也其

成立在乾隆時大抵皆不逞之徒隱為地方害及同治初裁撤湘軍游勇

無所歸即以此為淵藪而勢乃益張至是詔諭各省嚴密查拿略謂果老會匪最為地方

之害近來江蘇安徽湖北江西等省屢有熾焚教堂之事半由會匪從中主謀游蕩之徒相率附和動成巨案犯事以後真犯十不獲一若不先事籌辦其根株後患何堪設想著各省將軍督

撫嚴飭地方文武隨時留心實力查緝

張曜卒  
○張曜初由知縣從戎創立嵩武軍轉戰

張曜卒

河南安徽湖北直隸等省迭克名城剿平粵捻各逆嗣復剿辦甘肅及關

外回亂掃穴擒渠戰功甚偉至是卒所部嵩武軍命歸李鴻章節制調遣

予諡勤果  
○直隸邊外熱河等處金丹道教教首楊悅

春等作亂竄擾蒙古並陷朝陽等州縣經奉直兩省官軍勦平之

○帕米爾者

在甘肅新疆邊外距疏勒州約一千四百里屬布魯特回族分為大帕米

爾小帕米爾蘇滿等十數區咸同以來俄人蠶食哈薩克浩罕中亞細亞地方各

部以設圖爾給斯坦斜米七河費爾干等省浸及帕米爾以通道印度英

人慕之十六年駐京英使以剖分帕地請吾政府恐啓俄人之爭拒不許

英俄爭界

帕米爾

坎巨提

亂  
敖罕匪

卒  
閣敬銘

至是俄兵遂侵入帕境。坎巨提在葱嶺東南。一名乾竺。與哪格爾隔水相望。本納貢於吾。又與英人立約。且交通於俄。其地西北通帕米爾。及俄兵侵帕。英人亦發兵入哪格爾。及坎巨提。以固印度北境。新疆巡撫陶模字子與英俄邊吏力爭。並請政府爭之。兩國外部及駐京公使。旋議以帕地爲三國甌脫。英允而俄不從。久之。不得要領。惟坎曾虐民。並侵掠英人。由新撫奏請廢斥。而令其弟率餘民歸部。會英人立之。使仍守職貢。

**綱**十二月。敖罕匪首李國珍滋事。匪首李國珍等在敖罕滋事。分掠

東翁牛特各旗。踞烏丹城北大寺。又敖罕旗貝子廟及下長皋等處。前後賊匪盤踞尤多。經提督聶士成等議定。先搗貝子廟老巢。旋飭將領四面環攻。鏖戰多時。賊勢不支。我軍奮勇突陣。各營乘勝攻入。斬賊首王正等數名。殄斃匪黨五百餘名。賊紛紛四竄。官軍追之。擒殺殆盡。敖罕喀拉沁兩旗一律安謐。提督葉志超奏聞。

**綱**壬辰十八年春正月。雲南猓夷滋事。雲南鎮邊地方有新附猓夷

糾衆擾掠。經官軍進剿。平之。王文韶奏聞。

**綱**三月。前大學士閣敬銘卒。敬銘在戶部綜核名實。吏胥畏憚。既授

大學士忽失太后眷屢忤旨遭詰責遂引疾去至是卒予諡文介

○夏五月廣東三合會匪滋事兩廣總督李翰章勦平之

○廣東陽江

廳有匪徒譚蓮青等沿襲久經禁絕之三合會舊名聚集多人各爲十旂盤踞大仁山白空巖築牆掘濠勢甚猖獗經李瀚章會同提督鄭紹忠參將顏金等督率勇營併力進攻先後擒斬匪首梁祿四等悍賊譚蓮青亦被兵差拿獲訊明正法解散脅從地方遂安

保護電桿電線

○秋七月定竊毀電桿電線治罪專條

○刑部奏稱創設電桿電線已

閱十年風氣漸開推行日廣東北則達吉林黑龍江俄界西北則達甘肅新疆東南則達閩粵臺灣西南則達廣西雲南編布二十一行省並及朝鮮外藩殊方萬里呼吸可通然必一無隔閡方能不誤事機設遇電線折斷貽誤軍國大計厥咎匪輕近年貴州山陝甘肅等省愚民聚衆拔毀捍線之案層見迭出均由該督撫隨時嚴懲以儆効尤至北洋電報路多係海濱津沽蘆台一帶亦有電線被竊之案惟因例無治罪明文不過枷責了結匪徒無所忌憚地方官亦因例無考成緝捕不盡力以致竊割如故若非明定治罪專條不足以示懲創而資整頓應比照律例盜毀官物加

照盜毀官物例治罪

獎金鑛  
員弁

李金鏞

成效  
彰照

等治罪同時吏部亦奏定竊毀電報桿線地方官處分專條凡有犯者將該管地方官革職治罪如能立時獲犯賠修完案減爲革職留任文武一體議罪以是分別懲戒有差

綱九月李鴻章奏請獎資黑龍江漠河金廠出力文武員弁

國奏稱光

緒十三年春鴻章派道員李金鏞

字秋亭  
武進人

帶同員司由墨爾根

今黑龍江  
嫩江縣入

山勘度地興工締造經營時歷二載規模始具開廠後招回流民數千募練護礦防勇一營並於漠河口各處建造房屋廣集商販沿江平曠之地設法墾種屯牧並興以絕域窮荒人迹罕到之地兵民輻輳商賈繁興屹然爲邊陲重鎮十六年秋李金鏞病故後派袁大化接辦力持危局規畫井然三年以來先後出金砂六萬二千餘兩除陸續歸還借款分給商股官利外所有勇夫餉械糧運及各局經費均由該廠籌給不費公家之欸並提存餘利解充黑龍江軍餉以伸報効實屬辦理得法成效昭彰况該廠未經開辦以前俄人越界私探出入自由該處距將軍都統所駐均極鴛遠防範雖周時虞侵佔今自開礦以來上至奇乾河下至愛琿沿江二千餘里員弁丁夫往來不絕所募護礦營勇訓練精強沿邊卡倫聲勢



聯絡與黑龍江北岸俄城隱然對抗外以折強隣窺伺之漸內以立百年富庶之基其有益於國計民生殊非淺鮮在事文武員弁及司事人等應請從優獎叙以示鼓勵詔從其請

勸帕米爾界務

十一月總理衙門奏請勘分帕米爾界務 旨奏謂英俄覬覦帕米爾

地方已久及光緒十六年英使來議共分帕米爾地當以英俄皆屬強隣帕米爾近接俄疆恐啓爭端未允其請十七年俄兵闌入帕地總理衙門據約力爭俄人始引咎退歸是年冬英入坎巨提逐其頭目意在窺伺帕地疆巡因派馬隊數旗巡歷帕境駐於蘇滿至是俄人來言七八年來中國逐漸拓土帕地亦有屬俄之處未經勘界中國亦不應駐兵使臣等均不允俄以愛烏罕富汗兵突至蘇滿脅擄布回甚且揚言東犯意殊叵測遂由總理衙門知照疆撫慎固邊防毋挑邊釁急應籌辦查勘界線依我使臣洪鈞中俄界圖南北經度斜線自烏什別里地名一直往南尙可得帕米爾少半較諸乾隆道光年間舊界已形展拓宜及早勘分云

匪普安會

癸巳十九年夏五月普安會匪劉燕飛滋事官軍勦平之 旨貴州巡

撫崧蕃奏普安直隸廳今爲普安縣妖匪劉燕飛滋事經官軍勦平地方安謐

緬甸秋七月薛福成奏陳滇緬分界情形



奏謂查光緒十一年英兵進據緬甸之初前臣曾紀澤先與英外部會

商立君存記既不可得英人自以驟關緬甸全境喜出望外是以有允曾紀澤三端之說則願稍

關中國商務者二端則以大金沙江為公用之江在八募近處勘明一地尤中國立準設關八募者

即中外往返商查之際未能毅然斷而行之僅與外部互書節略存卷旋即交卸回華次年英醫使

歐格訥與總理衙門議立緬約五條三端未列入約中臣去年奉命與英外部議界蓋在歐使立

約之後已六七年查閱使署接外管卷內有承認據稱西洋公法議在立約之後又不可原議之在立

屢與馬格里赴外部重閱使署接外管卷內有承認據稱西洋公法議在立約之後又不可原議之在立

約之前亦不能勢使然當其併緬為一深慮緬民不服乃所以然也臣思與英人自翻前議雖以公

為解實亦時勢使然當其併緬為一深慮緬民不服乃所以然也臣思與英人自翻前議雖以公

年經彼則勞費無窮因不致不稍分餘利以示聯絡彼人之所以驕用兵威脅服收其全土盤石之形

已無把握適值秋冬以後英兵游弋滇邊野番土目驚駭異常臣承總理衙門電照拓邊界之舉

其遠理責令緬甸又屢赴外部若照萬國公法應由中英兩國均分其地曾紀澤嘗有此意而未申

數千里不在緬甸境內若照萬國公法應由中英兩國均分其地曾紀澤嘗有此意而未申

於說是有就滇境東南讓與我稍展邊界之說江東之檳榔嶼南邊外讓與我一地曰科干在南汀

河與潞江中間蓋即孟良士司對岸止悉則歸五十里又自英方里司又有邊車里孟括連兩土司鎮

太平江以南四關皆在界線之內。意必無異域。即鐵壁虎踞。二關亦難審其。實址所在。臣聞滇省所繪界圖。該二關皆在界線之內。意必無異域。即鐵壁虎踞。二關亦難審其。實址所在。臣聞滇省未越。既而詳加考察。微聞虎踞。鐵壁。早為緬甸所占。英人復屢加工程。綢繆。永固。英兵所守之界。越。既而詳加考察。微聞虎踞。鐵壁。早為緬甸所占。英人復屢加工程。綢繆。永固。英兵所守之邊。關。還。中國。逾。滇。員。等。尋。覓。虎。踞。天。馬。二。關。勘。得。關。在。南。西。十。里。距。八。募。五。十。餘。里。距。南。碗。山。河。外。部。從。而。附。和。之。據。稱。此。關。深。入。緬。境。屬。緬。甸。管。轄。年。昔。向。存。詎。印。度。總。督。異。常。狡。悍。不。肯。讓。地。又。思。百。餘。年。前。意。極。為。堅。韌。強。橫。之。時。不。願。我。境。逼。近。孟。拱。孟。養。蠻。木。邦。孟。良。諸。大。士。司。皆。被。吞。併。則。虎。踞。關。之。入。緬。當。不。可。得。之。地。又。與。西。洋。強。國。為。鄰。臣。愚。知。為。最。要。關。鍵。莫。若。劃。定。界。限。彼。此。然。不。相。踰。越。若。爭。必。不。在。此。時。今。又。懸。莫。定。門。戶。洞。開。安。知。今。日。指。為。我。邊。者。他。日。不。復。為。彼。內。地。愈。占。愈。進。後。患。奚。窮。臣。與。訂。明。漢。龍。八。天。馬。南。坎。往。來。要。道。礙。難。隔。斷。今。擬。將。新。路。歸。中。國。而。於。通。融。讓。還。天。馬。關。內。所。築。之。路。彼。稱。係。龍。八。天。馬。南。坎。往。來。要。道。礙。難。隔。斷。今。擬。將。新。路。歸。中。國。而。於。稍。北。一。大。路。許。其。借。用。以。示。通。融。仍。於。條。約。嚴。立。限。制。以。防。流。弊。虎。踞。關。雖。不。可。得。亦。稍。制。地。以。償。中。國。一。日。龍。川。江。中。之。大。洲。得。此。則。自。猛。卯。通。立。限。制。以。防。流。弊。虎。踞。關。雖。不。可。得。亦。稍。制。地。以。天。馬。關。外。更。依。大。山。以。為。固。似。較。近。日。交。涉。邊。界。之。界。有。異。無。異。豈。能。制。服。野。人。仍。恐。出。而。為。患。擾。累。英。人。不。如。歸。英。控。轄。等。語。臣。欲。杜。彼。狡。謀。告。以。前。經。附。片。陳。明。請。我。皇。上。敕。下。雲。貴。督。臣。俟。換。約。勘。界。後。派。撥。得。力。精。兵。數。百。名。駐。割。昔。馬。任。撫。綏。彈。壓。之。事。必。不。僅。交。土。司。管。理。因。又。責。以。信。義。不。允。翻。悔。彼。族。始。無。異。言。此。臣。相。機。了。結。之。實。情。也。

**○ 冬十月 與英議定藏印通商交涉游牧條約**

**○ 由四川越嵩營參將**

**何長榮稅務司赫德與英國政務司保爾在大吉嶺藏邊界議定藏印通**

**商交涉游牧條約九款** 一開埠 二貿易及租建 三禁令 四免稅

**限制** 五貨稅辦法 六控斷條例 七郵政 八郵政保護 九

與英議  
藏印條  
約

疆界指游牧地。又續欵三條。一議事意見。二訂約或變通更改。三此約

與原約即藏印條約第七款視同一律。

李鴻章奏請重整上海織布局

略謂臣於光緒八年因華商稟請分招商股。在上海設立機器織布局。以華棉紡織洋布。

酌輕成本。抵敵洋產。上年復派紳商添籌資本。建廠開機。每日夜已能出布六百疋。銷路頗暢。正擬推廣紡紗。漸收利益。乃據江海關道稟報。九月初十日。該局清花廠起火。適值狂風。施救不及。廠貨被災。當經派員會查。所剩基地。局房。估價。派員進口。值銀二千一百餘萬兩。中國出口。絲茶。價值。八年。洋布。進口。值銀三千一百餘萬兩。洋棉。紗。進口。值銀二千一百餘萬兩。中國出口。絲茶。價值。不能相抵。布縷。為民間日用所需。機器所紡。織者。輕輟。勻淨。價值尤廉。故遠近爭購。豈知多銷。一分洋貨。即少用一份土產。是以因勢利導。不得不用機器仿造。必使所仿之紗。與洋紗同。所織之布。與洋布同。庶幾華棉。有銷路。華工。有生機。商亦沾餘利。此事雖難中止。亦難緩圖。應仍在上海另設機器紡織總局。籌集欵項。官督商辦。以為提倡。並釐訂章程。號召華商。多設分廠。以資推廣。方可以土產敵洋貨。力保中國商民。自有之權利。謀始圖成。得人尤難。查津海關道盛宣懷。歷辦輪船。招商局。及各省電報局。著有成效。於商務。洋務。尚肯苦志。研求。擬派令赴滬。會同江海關道。舊局。一面設法擴充。俟該道等籌辦稍有限。頭緒。隨即續奏。

英法共謀暹羅廢止入貢。暹羅亦中國之屬國也。自咸豐初太平

軍起。中原大亂。始未通朝貢。光緒十一年。英法之分據緬甸越南也。暹羅介居兩大國之間。勢甚岌岌。湄公河流域。遂為英法兩國之角逐場。清廷不敢問。已而英法兩國。於光緒十九年。訂立協約。劃分暹羅所屬之老撾地。約一百四十餘里。指為中立地。誓兩國不相侵佔。而許暹羅獨立。廢止其入貢中國之例。於是暹羅雖幸免滅亡。非中國所能保有矣。

**附記**

與英法等國條約通商且整頓工商各業。則貴族特權以蘇民困。子庫臘陸昆繼之。

豐於緬越之刑弱日謀政治之改良親歷歐洲遣子弟留學於各國更官制定法律與學校氣象一新是為暹羅獲免為緬越之第一因。二法人既併安南仍圖進取以湄公河左岸之地本屬安南要求暹政府使歸法領。暹人不服。法人進兵河上驅逐暹羅戍兵更以兵艦封鎖湄南河口溯江而上直迫其曼谷都城。暹政府知不敵不得已割湄公河左岸及河中諸島與法。且允於右岸二十五杆以內之地及拔且邦安哥爾兩州不置要塞壘事在光緒二十年。於是暹羅之下老邁地悉為法有。是時英人既服屬上緬甸之擇人而擇人部落跨有湄公河兩岸於是英人提議上老邁之地及湄公河上游地方不能任法人據奪英法會商置中立地帶派員制定界線未幾法人忽建堡寨於其地英人大譁英法政府復協商定湄公河為兩國界線而以湄南河流域為中立地帶各認定勢力範圍彼此不得越佔是為暹羅幸免為緬之又一因。以此二因暹羅雖幸免滅亡然以緬越二國之間隔與中國不接境因而斷絕關係而中國南服之藩屬遂盡喪失而無餘矣。

**綱**十二月與法使會勘廣西邊界繪圖立石 **圖**廣西邊境與越南接壤

初派鴻臚寺卿鄧成卿與法使浦理燮狄隆先後會勘於光緒十三年七

月將畫押圖約咨送總理衙門嗣於十六年九月派員會同法國派出之

法蘭亭議立界牌經督撫等官派員勘繪詳細地圖逐段按標立石辦理

完竣計廣西全界一千九百餘里自土思州屬之吞倉山起至龍州廳屬

之平而關止六百零四里為廣西東界自平而關起至雲南交界之各達

村止一千二百九十七里為廣西西界其東界分繪三圖前署太平思順

道向萬鏢與法員法蘭亭同勘會者也西界分繪五圖現在太平思順道

與法議  
越南  
越界  
勘邊

蔡希邠與法員西威儀會同勘繪者也。彼此圖成立約中法各繪兩分。立押蓋章互換一分。凡立石之處均開注地名以便稽核。所立石牌遵照總理衙門咨行以漢洋文大書深刻埋地數尺以期經久。至是由巡撫張聯桂具奏得旨獎叙辦理文武員弁有差。

清鑑綱目卷之十三終

清鑑綱目卷之十四

鹽城印鸞章編輯 金式陶 張延壽 趙雪 胡應庚 校訂

德宗景皇帝

賞 普加封

武大臣有差 以皇太后六旬萬壽故也

勸修永 定河江

命許振禕會同李鴻章籌辦永定河工 振禕任河東河道總督數年十九年冬召令會勘永定河工至是命覆勘上游情形

尋以辦商就緒仍還河督本任

與英續 訂滇緬 條約

駐英使臣薛福成與英外部續議滇緬條約二十款 初英人滅緬

甸曾紀澤與英外部議滇緬分界事英人願以潞江以東地自雲南南界

抵暹羅北界西濱潞江東抵瀾滄江下游屬中國其間北有南掌國南有

揮人各種聽中國處置及紀澤解職懸擱日久英人漸不肯踐前言至是

福成與英外部大臣勞德伯力議定條約二十款爭得邊外龍川江中之

大洲及蠻秀土司全地與野人山之昔馬一地又收還孟連

在普洱道瀾倉縣西南

洪

即雲南邊外車里士司之地

兩土司上邦之權約既成於正月二十四日在倫敦畫押實

行

其第五款載現因中國不再索問永昌騰俄邊界外之隙地英國於北丹尼地及料干照以上所劃邊界讓與中國之外又允將從前屬中國兼屬緬甸之孟連江洪所有緬甸上邦之

爭回各 地



權均歸中國。永遠管理。英國于該地所有權利。一切退讓。惟訂明一事。若未經兩國皇帝與皇后預先議定。中國必不將孟連與江洪之全地。或片土讓與別國。

**綱**二月駐美使臣楊儒與美外部續定華工條約六款 **目**光緒六年美

國有限制華工赴美之議。嗣因華工在美國境內迭遭苛虐。慮損邦交。中

國政府欲自禁華工出境。旋由兩國政府合力辦理。禁止來美華工。互立

約款。由駐美使臣楊儒與美外部大臣葛禮山訂立條約六款。第一款茲彼

約批准互換之日起。計限十年為期。除以下約款所載外。禁止華工前往美國。第二款寓美華工

或有父母正妻兒女。或有產業。值銀一千元。或有經手賬目一千元未清。而欲自美回華者。不

第一款限禁稅務司。但華工于未離美境之前。須先在離境口岸。詳細列名下眷屬產業賬目各

計情。倘屬疾病。或執照所准。同美在限內。回美。則可再展一年之權。限以一年為期。以離美之日

稅關口岸。中國領事官。給與憑批。作為水路。回美。均不准入。境。第三款此處之稅務司。該華工如不在

人。倘工欲自行。申明。例。准。來。美。之。利。益。可。將。中。國。官。員。或。現。時。受。來。寓。美。國。利。益。有。所。防。礙。此。項。華

美國公使。或領事。官。簽。名。者。呈。驗。時。酌。為。以。上。所。叙。例。准。來。美。之。據。查。光。緒。六。年。十。月。中。美。在。北。京

假道。美。境。惟。須。遵。守。美。國。政。府。隨。時。酌。定。以。上。所。叙。例。准。來。美。之。據。查。光。緒。六。年。十。月。中。美。在。北。京

所立。華。人。來。美。續。約。第。三。款。以。本。已。叙。明。茲。復。會。訂。在。美。華。工。或。別。項。華。人。無。論。常。居。或。暫。居。為

最。優。者。一。體。相。待。無。異。茲。美。國。政。府。仍。允。按。照。續。約。第。三。款。所。訂。盡。用。權。力。保。護。在。美。華。人。生。命

財產。第。五。款。略。第。六。款。此。約。彼。此。互。須。遵。守。以。十。年。為。期。至。限。期。屆。滿。倘。于。六。箇。月。前。彼。此。並。不

將。停。止。限。禁。再。展。十。年。為。期。  
**綱**夏四月李鴻章校閱海陸軍 **目**本年為海軍會校之期命李鴻章定

朝鮮東  
學黨作  
亂

排斥西  
教

我國派  
兵助剿

本  
咨照日

期校閱並周歷旅順等處校閱沿海陸軍及各處臺塢等工事至是覆奏  
盛稱技藝純熟行陣整齊及臺塢等工一律堅固奉旨著交部議叙

五月朝鮮東學黨作亂命直隸提督葉志超馳赴助剿

玉均亂後政權復歸於舊黨舊黨以事大爲旨內分事清事俄兩派鬭爭  
甚烈又誘殺金玉均於上海國是日非東學黨乘之遂作亂於全羅等道  
東學黨者朝鮮之在野黨也創始於崔福成刺取儒佛老諸說以爲號召  
黨魁崔時亨自號緯大夫其宗旨頗曖昧大要以排斥西教爲主故以振  
興東學爲名排外之徒見魁柄下移而官吏奸污蓄害國家外侮叢生勢  
甚危迫欲藉此以清君側相與聯合而舉兵纏白布樹黃旗嘯聚於全羅  
忠清慶尙等道民間亦斬木揭竿以應之陷全州迫京師勢至猖獗朝鮮  
王發兵討之不能克因中國駐朝委員袁世凱告急於直隸總督李鴻章  
鴻章奏派提督葉志超總兵聶士成等率兵至牙山助剿又以光緒十一  
年天津條約有嗣後中國出兵朝鮮必先咨照日本之語使駐日公使汪  
鳳藻照會日本略謂中國屬邦朝鮮有內亂朝鮮政府之力不能鎮壓今  
應該政府之請求發兵進討以盡保護屬邦之職務日本以此照會爲不

日本亦出兵

日本侵朝鮮主權

幽朝王

日本尋釁

滿足。答言：貴國出兵朝鮮，業已知悉。惟以朝鮮爲屬邦，敝國實難承認。於是日本以保護居留之官民爲辭，亦派遣混成旅團，自仁川直達韓京，與清兵相對峙。東學黨聞中日兵大至，各鳥獸散，遂復全州。

六月，日本兵入朝鮮王宮，幽禁朝王，改革朝鮮內政。東學黨之亂既平，中國因請日本撤兵，日本以須改革朝鮮內政爲辭，請中日兩國協同改革。而中國以內政應歸其自主，拒之。日本遂單獨進行，其駐韓使臣大鳥圭介首責朝王獨立自主，勿認爲中國藩屬。又手勦改革內政五條。上諸朝鮮王，王下羣臣議，不能決。十一日，圭介遂逕率日兵入朝鮮王宮，殺衛兵，幽朝王，令大院君李昰應主國事。大院君初被中國所執，後遣歸，有憾於中國。至是遂爲日人所利用，政令無巨細皆爲日人所管鑰。藉以抵抗中國。方日兵之初至朝鮮也，以保衛居留官商爲名，未敢昌言與中國爲難。及據王京，扼險阻，布置已定，且知我兵之在牙山者，兵力寡薄，遂決計尋釁於漢江一帶。遍下水雷，而以重兵塞王京諸門。每中國人出入，必加搜索。我旅朝商民大駭，爭內渡。駐朝公署員役一空。是月十七日，袁世凱奉電調回，至仁川登輪回國。而以唐紹儀代理朝鮮商務總辦。

日兵襲擊我運兵艦於豐島沖我軍敗績 自六月中旬日人虜朝

王鎖漢江水雷遍布海道斷絕葉志超孤軍寄守牙山李鴻章見事日棘

調馬步礮隊共十餘營由招商局輪船運載東渡顧以為未足別賃西國

商輪數艘以輔之又派北洋海軍鐵艦八艘護送密諭各艦管帶如遇日

本兵船敢於攔截即行開礮轟擊毋得退縮規避已而輪開至豐島沖地

方一名大孤山在黃海內云遇日艦高陸被擊沈海派出各艦惟操江廣乙濟遠三艦

與日軍相抗餘皆返旗遁走久之操江被虜廣乙自燬濟遠被傷英艦高

陸沈海披俘將士八十餘人溺死者凡千數百人 先是所租英國商輪高陸載兵兩營輔以操江運船分載

礮械令濟遠等兵船翼之進六月二十日濟遠廣丙併威遠練船往牙山次日濟遠等三船並愛仁飛鯨先後抵牙山內島二十三日晨濟遠廣丙自牙山出口由仁川駛抵豐島沖地方西北望

見日兵輪吉野漢速秋津州橫海來擊歷一時許廣乙已受傷欽側濟遠甲擊未受殊傷而受彈已多乃分頭逃避時我操江運船並所僱英國高陸商輪適至日吉野方追濟遠其秋津州乃截

我操江而浪速直追高陸令我將士降我將士嚴拒之日遂以魚雷沈高陸廣乙雖出險而受傷已重遂自焚燬至濟遠之奔吉野追之急管帶方伯謙見敵近惶恐匿鐵甲最厚處繼遭敵礮毀

栲因懸高白旗逃回威海伯謙既慶生還遂稱擊斃日海軍以捷聞

日兵襲擊我陸軍於牙山提督葉志超遁 是時兵釁既開我軍駐

紮牙山孤露無援距牙山東北五十里有成歡驛為自朝京南來大道於

是總兵聶士成請提督葉志超往扼守之志超率軍於二十四日移駐成

形地牙  
勝公山  
州絕

棄葉  
公志  
州超

開與  
戰日  
本

歡已而日隊偪振威去成歡四十里次日志超始馳至士成言於志超曰  
 今海道已梗援軍勢難飛渡牙山絕地不可守公州背山面江天然形勝  
 宜速往據之志超遂往公州而士成駐成歡又次日武備學生于光炘周  
 寅章等夜冒雨出探見日兵已分道來犯歸促士成速備戰並糾健兒先  
 往伏橋側守要隘且請士成速接應遂行而諸將觀望不前夜半日兵猛  
 進光炘等扼橋守以接應不至死焉是日黎明日兵据成歡西北面山坡  
 士成督隊相持而東北面山坡又突為日人搶据以砲直擊勢不支遂敗  
 士成既敗東南趨公州就志超志超已棄公州乃合軍北走渡大同江至  
 平壤與大軍合匝月始達而志超且以成歡之戰殺敵過當張皇入奏且  
 論功行賞云

**綱秋七月宣布與日本開戰**  
**日牙山既敗朝廷乃宣布與日開戰**  
略謂

朝鮮為我大清藩屬二百餘年歲修職貢為中外所共知近數十年該國時多內亂朝廷字小為  
 懷憂派兵前往勘定並派員駐紮該國都城隨時保護本年（光緒二十年）四月間朝鮮又有

土匪變亂該國王請兵援剿情詞迫切當即諭令李鴻章撥兵赴援甫抵牙山匪徒星散乃倭人  
 無故添兵突入漢城（朝鮮都城）嗣又增兵萬餘道令朝鮮更改國政種種要挾難以理喻我

朝夕撫綏藩服其國內政事向令自理日本與朝鮮立約係屬與國更無以重兵欺壓強令革政  
 之理各國公論皆以日本師出無名不合情理勸令撤兵和平商辦乃竟悍然不顧送無成說反

更陸續添兵朝鮮百姓及中國商民日加驚擾是以添兵前往保護詎行至中途突有倭船多隻  
 乘我不備在牙山口外海面開礮轟擊我運船變詐情形殊非意料所及該國不遵條約不守

劉錦棠卒

葉志超守平壤

平壤之役

公注任意鳴張專行詭計豐開自彼公論昭然用特布告天下俾曉然於朝廷辦理此事實已仁至義盡而倭人淪盟肇釁無理已極勢難再予姑容著李鴻章嚴飭派出各軍迅速進剿厚集雄師陸續進發以拯羣民於塗炭云云同時日本亦下宣戰之諭略言我國啓誘朝鮮使之為獨立國而清國每稱朝鮮為屬邦陰于涉其內政適有內亂便以拯救屬邦為言出兵朝鮮朕即依明治十五年之條約（即天津條約）出兵備變更欲免朝鮮永遠之禍亂保將來之治安以維持東洋全局之「平」先告清國以協同從事清國託辭拒絕我於是勸朝鮮革其稅政內固治安之基外全獨立之權朝鮮業已允諾而清國終千方妨礙之託辭左右藉緩時機以整水陸之兵備一旦兵備告成直以武力達其慾望派遣大兵於韓士擊我軍艦於韓海可知清國之所圖謀者在使朝鮮治安之責無所歸我國所鈔提携朝鮮人獨立國之地位及表示此意思之條約均付諸蒙昧之列以損傷我國之權利而利益而使東洋獨立國之和平不能担保然察清國所為實不外甘破平和冀遂非望事既如此朕雖始終以平和表示帝國之光榮而要不得不以武力為解決云云合雙方宣戰之理由觀之則我國前此放棄朝鮮之非計至是蓋益瞭然矣

前甘肅新疆巡撫劉錦棠卒

錦棠於西陲戰功為中外所共稱而

於新疆改建行省事尤著勞績至是卒予諡襄勤

以葉志超總統平壤諸軍

宣戰詔下朝議先由陸路進兵命馬玉

崑統毅軍左寶貴統奉軍衛汝貴統淮軍之盛軍豐仲阿統奉天之盛軍

共四大軍皆由陸路渡鴨綠江入朝鮮秋七月諸軍咸會屯於平壤會葉

志超分公州兵繞王京北走亦至平壤時志超方以成歡之戰鋪張戰績

朝廷嘉之遂拜總統之命令統率諸軍然知超庸懦無佈置惟於城內外

築壘為自守計及日軍來逼始與諸將畫界分守

八月與日軍戰於平壤我師敗績總兵左寶貴死之

平壤為朝鮮

守劃界分

園四日兵分  
枝來

舊京城垣壯闊，繇亘幾十餘里。我軍共萬四千餘人，盡屯平壤。提督葉志超統之，諸將日置酒高會，而軍士殘掠，役丁壯，漁婦女，韓民大失望。日兵乘之分四路來攻，志超見日兵來逼，初與諸將分畫守界，城之北面左寶貴、豐伸、阿江自康守之，城之西面志超自守之，城之南面迤西南隅，衛汝貴守之，城之東面大同江東岸馬玉崑守之。復以左寶貴部分統聶桂林、策應東南兩面，蓋以東南當敵衝，尤我兵力所注也。是時志超居城中，調度寶貴駐城北山頂，守玄武門。八月十三日，敵前鋒抵大同江東岸，頻有小戰。時前時卻，十六日，敵分枝猛進，馬玉崑力戰卻之，而玄武門已失守。蓋日兵分四大枝以包平壤：一枝由韓京西北抵平壤東南，此由大道來之敵；馬玉崑禦之於大同江東岸者也；一枝亦由韓京西北至黃州，遂渡大同江，分道至江西甌山，以襲平壤西南面；一枝由韓京東北至江東縣，渡大同江以擊平壤北面。一枝由其本國來自元山登岸，以截平壤西北大道之我軍歸路者也。四枝皆刻期會平壤，而我軍方墨守城垣，附郭而屯，惟知大同江東岸大道之敵，不虞其分路以襲我後也。無何，敵踞城北山頂，左寶貴爭之不能勝，諸將始慮後路將絕，志超欲冒圍北歸，寶貴不

左寶貴  
陣亡

大敗

大東溝  
海軍戰  
役

十艘分  
五隊

從而自扼玄武山頂。敵分道來撲。外重三壘及內重之西一壘先陷。內重牡丹臺一壘據全城形勝。我軍以全力持之。而爲敵礮所專注。寶貴中彈殞。我軍奪氣。敵軍遂奪玄武門入城。志超乃於城上豎白旗乞緩兵。是夜志超率諸將棄平壤北走。敵兵要於山隘。槍礮排轟。我潰兵回旋不得出。死亡甚衆。平壤軍儲糧餉悉以委敵。敗報至京。舉朝大震。詔褫志超職。以宋慶統諸軍尋逮。志超與衛汝貴入京治罪。汝貴於十二月伏誅。

○與日海軍戰於大東溝外。我師敗績。管帶鄧世昌死之。○豐島沖之

役。我運軍船被擊時。海軍提督丁汝昌方率全部海軍。逍遙於威海衛一

帶。堵塞口門。爲自衛計。朝廷屢令巡弋洋面。汝昌屢報出巡。未遇敵艦。而

日艦亦時來窺威海。及八月十三日。汝昌率全軍抵旅順。朝命以銘軍十

二營濟師平壤。自鴨綠江登岸。凡商輪五艘爲運船。海軍全隊十二艘翼

之。十五日抵大東溝。陸軍登岸。十七日海軍將馳歸旅順。已刻與日本海

軍全隊遇。我戰艦十艘分五隊。鎮遠定遠兩鐵甲艦爲第一隊。致遠靖遠

爲第二隊。經遠來遠爲第三隊。濟遠廣甲爲第四隊。超勇揚威爲第五隊。

汝昌居定遠督戰。平遠廣丙開戰後始來會。日本兵船十二艘。海軍中將



鄧世昌致死

損失五艘餘皆受創

日寇遼東

伊東祐亨爲司令官既交綏揚威超勇先中彈火起超勇卽沉沒管帶黃建勳於溺死

陳漸亂致遠彈盡管帶鄧世昌粵人素忠勇以爲敵艦惟吉野速率最大

苟沉之足以奪敵氣遂開機向吉野衝突吉野駛避而致遠中其魚雷遂

炸沉世昌死之世昌與大副陳金濟遠遁撞傷揚威舵葉沉之中管帶林履廣甲

亦逃閣淺沉沒管帶吳敬榮隨濟遠逃至三山島末攔獲靖遠經遠來遠不能支亦駛出陳敵船

來追經遠亦沉經遠管帶林永升致戰不卻已擊破敵艦名赤城時敵船萃于鎮定

兩艦定遠受重傷日暮敵船懼吾魚雷襲擊解而南去我軍亦歸旅順二

十四日以臨陳先逃斬濟遠管帶方伯謙是役吾軍失船五存者惟鎮遠

定遠來遠靖遠濟遠及平遠廣甲七艘皆受創甚已不能軍

**附記**

據慈禧外紀言當時海軍經費由李欽后授意太監李蓮英提作修頓和圖之用海軍窳敗不任戰西太后知之李鴻章亦知之及與日人孟浪一擲橫遭敗辱事之可

痛莫甚於此然官書紀載則諱莫如深廷臣中亦無有抗論及此者是則尤爲可痛也

綱九月日軍寇遼東陷九連安東等城 目先是朝廷命宋慶率毅軍自

旅順劉盛休率銘軍自大連灣依克唐阿率鎮邊等軍自黑龍江皆赴東

邊九連城在今遼東安東縣東時平壤諸軍敗歸渡鴨綠江始止鴨綠江爲中國與朝

鮮界九連城在江北與江以南朝鮮之義州隔水相望我軍當時駐鴨綠

三路援軍

九連安東皆陷

貶李鴻章

日陷鳳凰城

江以北者三路援軍及平壤退回各軍約七十餘營除依克唐阿一軍外皆乘宋慶節度九連城南倚鴨綠東枕靉河河東有虎山爲險塞再東至安平河口踰河爲蘇甸爲長甸其九連城以西爲安東縣再西則大東溝爲鴨綠江口宋慶駐九連城聶士成守虎山劉盛休守江岸依克唐阿守平河口長甸各隘豐伸阿聶桂林守安東諸城邑二十二日日本第一軍集義州二十六日其枝隊出東路循鴨綠上游從安平河口對岸徒涉而渡依軍遽潰奔寬甸今遼寧鳳縣二十七日日軍大隊遂從義州稍東與虎山相值對岸架浮橋渡江銘軍先潰諸軍繼之宋慶遣軍來爭敵兵已畢渡乃退保鳳凰城今遼寧鳳城縣二十八日日人入踞九連城別遣枝隊陷安東等縣豐伸阿聶桂林奔岫巖州

綱貶李鴻章職褫去黃馬褂

日方日本交涉初起鴻章力主和議謀撤

牙山兵未果其後袁世凱葉志超請濟師又不報至是海陸軍皆失利廷議以鴻章未能迅赴戎機致日久無功詔拔去三眼花翎褫去黃馬褂

綱冬十月日本兵陷鳳凰城

日宋慶既退保鳳凰城以爲不可守卽以

退扼摩天嶺

在鳳城縣西北一百七十里

守遼陽東道入告初一日遂棄城走初二日日

兵入踞鳳凰城初六日依克唐阿亦棄寬甸北遁未幾岫巖今奉天金州

復州今遼寧金縣復縣及大連灣等相繼皆沒於敵豐仲阿等退奔析木城

**綱**日兵陷旅順 **目**旅順為遼東海岸咽喉斜迤入海山巔左右迴抱如

展雙臂至於南端截然斷止哈呀其口形勝天然為自古守遼海者必爭

之地清時為北洋海軍重鎮方海軍之敗於大東溝口外也退守旅順日

軍以次前進奪據旅順迤東之大連灣因窺旅順旅順船塢總辦龔照璦

及諸將不為守禦計惟艤漁舟海曲備逃遁二十一日日軍踞南關嶺二

十五日椅子山案子山松樹山等礮臺相繼不守旅順遂陷照璦及諸將

雜亂軍中逃奔煙臺各處照璦尋奉旨拏問

**綱**十一月日兵陷海城 **目**日兵既據岫巖於本月十四日全隊分道西

犯一枝由大道來一枝由旁道進十五日我軍於二道溝白草灣諸處禦

自大道來之日兵屢戰皆敗而由旁道來之日兵我軍分兵以禦同日敗

退豐仲阿聶桂林聞警棄析木城夜奔海城十六日日兵入析木城次日

日人踵至海城我軍於城東之嵩麥山城西之晾甲山稍稍扼守甫交綏

即委海城而去日兵復入海城於是遼西大警牛莊營口皆戒嚴

日陷旅順

龔照璦不為守禦

日陷海城

遼西大警

日陷蓋平

軍令不一

章高元苦戰

日寇山東

綱十二月日兵陷蓋平。蓋平東南去金州二百七十里，東北距海城

約百里，自旅順不守，日人遲回於金旅間，又四十日，至本月初四，始分兵北犯，歷熊岳城，日距蓋平迤北八里，時守蓋平者爲章高元，徐邦道、張光前所部。初十日，宋慶令邦道自蓋平移軍守牛莊，邦道行抵高杆，宋慶以高元告急，令回援蓋平，乃折而南行。十一日，宋慶又令歸田莊台，復折而北。十二日，宋慶仍令援蓋平，又折而南，邦道奔馳於田莊台營口，蓋平間四日夜不頓舍，軍士飢懟。十三日夜，其前鋒四營甫抵前敵，未及食，而日兵已撲章高元軍，時高元守南門外，扼蓋平河，列隊東門外，鳳凰山上，日兵亦分兩枝來犯，其由南進者與高元相持，高元鏖戰甚猛，日不得逞，其別隊繞南而東，經度蓋平河，爭鳳凰山，光前見敵，卽潰，日奪鳳凰山，遂犯東門入城，出南門，繞出高元軍後，腹背夾攻，時徐邦道大隊方自西至，不及成列，入日圍中，與高元同時敗潰，嵩武軍分統楊壽山、李仁黨皆死之，蓋平遂陷。

綱日兵寇山東，陷榮城及威海衛。是時金旅旣失，海蓋淪陷，識者知日禍必中於山東。月前日艦屢游弋，窺伺成山登萊一帶，至是月十五日

陷榮城

失威海衛

日陷劉公島

日本之第二師團第六師團自其國廣島渡海集大連灣合其犯遼數枝隊將以兵輪衛之渡成山頭澳上陸而先北擊登州以綴我師二十三日夕有日船三艘突攻登州以炫我耳目二十五日水陸大隊麤至由龍鬚島用小火輪帶舢板渡兵我駐島之綏鞏軍以礮擊之沈其舢板二其小輪遂折回而兵艦發大礮向岸轟擊我軍不支奔榮城日兵登岸踵至是時榮城團練已逃散城門大啓駐榮之閻得勝所部四營驚潰日兵遂陷榮城進逼威海衛威海衛三面負山前臨黃海劉公島橫其前分爲東西兩口西口水深東口水礁氣象雄偉實稱天險清時爲北洋海軍重鎮方旅順危急時海軍移駐威海至是日軍既踞榮城遂進逼威海衛我軍禦之於頭橋楓嶺皆敗績日軍海陸夾攻迨威海南幫礮臺既陷丁汝昌遂燬北幫各礮臺舍威海衛而至劉公島於是威海亦陷威海既陷日兵又旁襲文登寧海等縣皆陷之

○乙未二十一年春正月日兵陷劉公島海軍全隊被擄

○劉公島在

威海口外原設礮臺十一座威海既陷地惟此島尙存丁汝昌因率海軍全隊守之先是大東溝戰後我國海軍留旅順修整及旅順失陷移駐威

海偶出巡弋西不過登州東不過成山而已及日兵陷威海丁汝昌率各艦隊至劉公島倚各礮臺以自固至是日將伊東佑亨以南幫礮臺攻吾澳內諸艦並以魚艇入口狙擊定遠艦中雷鑿沈來遠威遠靖遠等相繼沈沒吾魚雷艇十二艘出口遁全數被擄島內兵譁噪曰生路諸洋員亦請姑許乞降總兵劉步蟾自殺汝昌乃與劉公島守將總兵張文宣均仰藥死營務處道員牛昶炳召諸將及洋員議作降草署以海軍提督印懸白旗詣日本降於是海軍艦隊全數被擄日本以康濟練船載汝昌諸櫬還煙台而縱水陸將士居民西渡

綱命李鴻章爲頭等全權大臣與日本議和 先是朝廷以日軍連戰

皆捷我軍節節失敗不得已特派張蔭桓邵友濂往日本議和由美國公使爲介紹本年正月初六日張蔭桓等抵日本廣島日本亦令伊藤博文陸奧宗光爲全權大臣來會及互校勅書因蔭桓等所奉勅內有電達總理衙門轉奏裁決字樣伊藤等謂委任之權殊不完全拒絕會議送蔭桓等回國而告美使謂中國誠派有位望大員畀以全權仍可隨時開議其意蓋指李鴻章也至是朝廷乃以鴻章爲頭等全權大臣親赴日本議和

日陷牛莊營口

倚用湘軍亦失利

收復寬甸長甸

日陷澎湖羣島

約而以王文韶署直隸總督

綱二月日兵陷牛莊營口

牛莊營口俱在遼東為北洋著名商港時

朝廷以淮軍屢次挫衄知不足恃欲更倚用湘軍魏光燾陳湜李光久等

皆令募軍北援吳大澂以湖南巡撫自請從軍幫辦劉坤一軍駐山海關

已而出關抵田莊臺在營口北所部皆逼海城而軍屢次進攻不利敵兵自海

城出犯依克唐阿禦之又不利遂與長順以援遼陽今遼寧屬縣為名率軍東

去牛莊在營口東北勢益孤敵兵來襲光久光燾與戰皆敗遂失守大澂聞之

自田莊臺夜奔石山站時宋慶成營口聞大澂走亦棄營口還田莊臺營

口遂陷未幾田莊臺亦失守自此遼陽錦州今遼寧屬縣聲援梗阻矣

綱定邊軍收復寬甸長甸

初宋慶回援旅順以聶士成守摩天嶺收

復連山關連卻日本兵未幾朝廷以畿疆危逼調聶士成入援以陳湜代

守摩天嶺時鳳凰城敵兵亦少故鮮戰事新授東邊道張錫鑾統定邊軍

逼寬甸屢戰破敵遂復寬甸長甸及香爐溝敵兵阻河為守鑿水以東無

敵蹤定邊軍之名遂以大著

綱日本兵陷澎湖羣島

澎湖羣島為臺灣咽喉合五十餘島而成就

不戰而走

李鴻章  
被狙擊

停戰

與日訂  
和約

朝鮮自主

中大者爲澎湖白砂漁翁三島相合而成一港灣卽澎湖港是也其港爲我國南部之一大要港能容巨艦數十艘自中法戰爭後朝廷嚴其防禦築有礮臺置兵四千以資守備中日戰起日本一方自遼東進窺直隸謀搗我國之首都一方則注意臺灣海峽以防中立國軍用品之輸入因以海陸軍進攻澎湖我兵不戰而潰澎湖被佔轉攻漁翁我兵託降書於土人亦不戰而走於是此天然形勝之羣島悉爲日人所佔有

○日人鎗擊全權大臣李鴻章於馬關未死 ○鴻章既受全權大臣之

命卽偕美國顧問福世德等赴日本二月至馬關在日本山陽道西境濱海處以春帆樓

爲會議所日本仍以伊藤博文陸奧宗光爲全權大臣既互勘勅書請先停戰日人要以大沽天津山海關爲質議不諧遂請暫緩停戰先議和欸一日鴻章自會所歸途次爲日人小山豐太郎鎗彈傷顛創甚警聞播歐美議甚沸日人懼乃允於奉天直隸山東停戰以二十五日爲限

○三月李鴻章與日本全權大臣伊藤博文訂立馬關和約十一欸另約

三欸 ○日本既允停戰俟鴻章鎗傷稍愈復開議初七日伊藤博文等

以締和條欸出示鴻章限四日議覆其最要者（一）朝鮮自主（二）



割遼東  
臺灣

賠款三  
百兆兩

馬關條  
約

宣示日  
約

奉天南邊各地臺灣澎湖各島均割隸日本（三）賠兵費庫平銀三百兆兩其他尚有添開口岸七處及要減子口半稅爲值百抽二並將一切稅鈔豁除及機器進口改造土貨等十五日鴻章覆文允割奉天之安東寬甸鳳凰城岫巖及澎湖列島賠庫平銀一萬萬兩通商權利一如各國成約時鴻章創已漸愈十六日博文面交末次約稿謂此次但允不允兩言而決其稿視初次所擬於割地內減去寬甸而賠款減去二萬萬兩要減子口稅及內地釐稅亦刪去經數次會議辯論日人堅不肯讓僅減小節目數處二十一日遂定議計和約十一款另約三款其重要者凡四一承認朝鮮爲自主國二割讓遼東半島及臺灣澎湖諸島與日三賠償兵費二萬萬兩四開沙市重慶蘇州杭州長沙等處爲商埠是爲中日馬關條約二十三日互簽約稿展停戰期二十一日約於煙台互換鴻章乃歸天津

○宣示與日本定約 日方鴻章之未東渡也朝命三品以上官議和戰

迨割地賠款之議定朝野憂忿臺灣臣民爭尤力中外封章電奏阻欵議凡百十上

兩江總督張之洞語甚抗激河南道監察御史易順鼎亦上疏萬言

朝意頗爲動命王文韶劉坤一議決

臨朝痛哭

割讓臺灣

臺人自立

和戰兩人覆奏頗依違。且奏海嘯成災和議遂定。至是朝廷乃宣示與日本定約緣由。略謂近日和約定議。廷臣交章論奏。謂地不可割。費不可償。仍行廢約決戰。以冀維繫人心。支撐危局。其言固出於忠憤。而於朕辦理此事。熟籌審處。萬不獲已之苦衷。有未深悉者。自去歲倉猝開釁。徵兵調餉。不遺餘力。而將非宿選。兵非素練。紛紛召集。不殊烏合。以致水陸交綏。戰無一勝。近日關內外事情更迫。北則近逼遼瀋。西則直犯畿疆。皆眼前意中之事。况二十年來慈闈頤養。備極尊崇。設使畿輔有驚。則藐躬何堪自問。用是宵旰旁皇。臨朝痛哭。一和一戰。兩害兼權。而後幡然定計。其萬分爲難情事。言者章奏所未及。詳而天下臣民所當共諒者也。茲批准定約。特將先後辦理緣由。明白宣示。嗣後我君臣上下。惟期堅苦一心。痛除積弊。以收自強之効。

夏四月。割讓臺灣於日本。○初。中日戰起。詔以布政使唐景崧署臺灣。

灣。巡撫調提督楊岐珍。總兵劉永福。渡臺。景崧自任守臺北。以永福守臺南。及割臺議起。臺人惶懼。主事邱逢甲首創自主議。登臺誓衆於新竹。出示告臺民。遂議立民主。開議院。製國旗。及和議既定。請廷令景崧以下率

唐景崧

劉永福

日還我  
遼東

俄使詭  
計

兵民內渡時臺人議曰各國保護并議抵押與法國皆不成景崧令官弁去者聽留者錄用於是楊岐珍及道府各員均內渡景崧受臺灣總統印於臺民文曰臺灣民主之章國旗藍地黃虎文長方五幅虎首內向尾高首下設內外部外部軍部等建號永清時日艦已進窺滬尾日兵復由基隆北之澳底登陸臺北城中兵勇互相殘殺撫署火起景崧微服出走日兵遂入城而臺北以亡時劉永福以幫臺灣軍務駐臺南臺南僻在一隅餉械已涸不足守鎮道以下及守中路之臺紳邱逢甲林朝秀等相繼內渡臺南土匪滋擾紳士相率詣永福軍前上總統印章永福不受仍稱幫辦入府城議防守日人時以軍艦窺安平海口而陸軍先踞新竹永福所部及團民拒敵互有勝負無何彰化失守餉械俱竭飢軍悉潰土匪蜂起引敵府城遂陷永福登德國商船內渡臺南亦亡

○俄法德三國勸告日本以遼東半島退還我國 ○當中日戰事之將

起也朝廷嘗求調解於英俄此實導外人以干涉之漸及戰事既成朝廷

忿日日益增甚又欲嗾俄人以脅日俄躊躇而未決迨李鴻章將奉使至

日俄使喀希尼語鴻章謂俄能以大力拒日本不使中國大陸有尺地之

損傷但中國必須舉軍防上及鐵路交通上之利益以爲酬報。會張之洞又自江督署電奏請以賂倭者賂俄。令助我攻倭。脅倭盡廢全約。劃分新疆之地以酬之。至是俄遂聯合德法。與日人開交涉。蓋俄人之干涉遼東其原因有二。遼東扼滿韓中樞。倘歸日領。俄卽不得伸手於滿州。阻其勢力之東漸。又不得逞志於朝鮮。坐令日人以戰勝之餘威。迫朝鮮之改革內政。而因以不利於俄。我政府卽不爲之請。俄亦未必甘居局外。是時法在越南不能無忌於日本。又與俄爲同盟國。其助俄國固宜。德法本世仇。法俄既合。恐俄人助法制德。其勢又不得不參入干涉之列。以親愛之意示俄。加以一方可制日之強勢。一方可見好於我。爲他日索酬之地。於是三國遂互相聯合。合辭以勸告日本。謂遼東割歸日本。一欸關係於中國京畿之危險。關係於朝鮮獨立之阻礙。關係於東洋和平之破壞。關係於友邦情誼之傷害。欲免除上列各項之軼轢。當以退還遼東。請是時俄人洞悉日本之虛實。陸軍留守於遼東半島。海軍游弋於臺灣一帶。久爲戰役所疲。元氣斷難驟復。其機可乘。俄因密遣太平洋艦隊。陸續進行。德法兩國皆預籌戰備。而俄艦之在日本各港者。尤有卽日開戰之決心。况海

增賠款

路斷絕遼東之日軍勢無生還之望日廷觀此情形會議再四苦無謝絕良策不得已乃從友邦忠告與李鴻章改訂約章以遼東歸我而增索兵費一萬萬兩

是年九月由三國公論以三千萬兩償之十月始撤兵

然因此一役俄德法三國藉端索酬

而各國租借軍港之事以起

董福祥  
平回亂

五月甘肅回民作亂提督董福祥討平之 甘肅河湟等處漢回雜

處積不相能回民又有新舊教之分上年冬新舊教互鬪繼乘東方有事合而抗官三月撒拉回破積石關圍循化城至是河州回閔伏英馬永琳相繼揭竿陷漢民堡塞數十攻狄道河州城西寧回韓文秀劉四伏大通回包良等各擁衆數萬四出焚掠巴燕戎格碾伯各屬均響應固原提督雷正綰河州鎮總兵湯彥和既與回約和復襲之以弋利敗於起台堡正綰亦被圍於河州其勢甚熾警報至京朝命喀什噶爾提督董福祥統帶甘軍赴甘肅勦辦是年秋福祥行抵狄道進至安定知回衆均聚洮河兩岸遂督兵渡河轟破敵卡又破三甲集堅卡未幾由狄道西山及康家崖兩路並進會於太子寺回人望風奔潰河州圍解於是循化河州狄道三處肅清擒斬閔伏英及撒拉回首馬古祿馬永琳等福祥交部議叙尋甘

肅提督李培榮以援西寧失利革職以福祥調補仍總統甘軍

綱閏五月順天府尹胡燏棻陳請變法自強 國燏棻所上條陳略言事變日亟不思改計大局何堪設想目前之急首在籌餉次在練兵而籌餉練兵之本源尤在敦勸工商廣興學校就管見所及約有數大事一開鐵路以利轉輸二造鈔幣銀幣以裕財源三開民廠以造機器四開鑛產以資利用五折南漕以節經費六減兵額以歸實際七創郵政以刪驛遞八創練陸兵以資控馭九重整海軍以圖恢復十設立學堂以儲人才疏入上嘉許之並命各省將軍督撫籌議覆奏

綱六月派員赴南洋各島招徠僑商 國命閩廣督撫派員赴南洋各島暨新舊金山招徠華商承辦各省船械機器等局

綱秋七月召李鴻章入閣辦事以王文韶爲直隸總督崧蕃爲雲貴總督 綱八月褫前四川總督劉秉璋職永不叙用 國四川成都於本年五月

間有打毀教堂事省外各處又疊出教案外人要求徵辦官吏故有是譴 綱冬十月孫文始謀起事於廣州 國我國革命運動成功於辛亥八月而其思想之發生則在辛亥二十年前其見諸行事者則以乙未孫文廣

鄭弼臣

四大寇

興中會

州之役爲最始。孫文字逸，仙號中山。廣東香山人，世業農。其兄僑居布哇，事農業，招之往，入基督教所設之學堂，遂爲基督信徒。年十六返國，二十入廣州博濟醫院，從英人康德尼習醫，畢業後任事於澳門之中國醫局。其後因國內禍端時起，目擊清政不綱，國是乖舛，慨然有廓清中國之志。於是舍所學而從事革命，奔走呼號，歷遊寰宇，二十餘年間，五至日本，三至檀香山，四至美洲，三至歐洲，先後創立興中會、同盟會，慘淡經營，十蹶十起，率推翻滿洲專制，建立中華民國，取功亦偉矣哉！初，孫文之入廣州博濟醫院也，與同學鄭弼臣交甚契，適中法戰起，清軍失敗，國威大挫，文因與弼臣鼓吹革命事。自是革命主義，乃得漸輸於草野豪傑間。未幾，文入香港皇仁醫院，得同志陳少白、尤少紈、楊鶴齡、陸皓東四人，同致力於革命之鼓吹。聞者駭之，謂爲大逆不道。戚友交遊，至以四大寇呼之。光緒十八年，孫文與陸皓東、楊飛鴻等創立興中會於廣州，會員多粵籍及僑居外洋之閩廣人。會中宗旨，在聯絡中外有志華人，講求富強之學，以振興中國。據孫文自述，謂其黨初欲以和平手段，請願朝廷變法維新，改行立憲政體，詎清廷不納，且加以譴責。於是吾黨慨然知和平之法無復

可施不得不稍易以強迫時廣州遣散軍隊其遣散者多流亡為盜未遣散者又皆憤懣不平會中運動之收為已用二十年中東戰起舉國愁怨而粵督李瀚章又貪婪無厭賄賂充斥民怨日滋文以為有機可乘即與陸皓東等赴檀香山糾合華僑以圖革命然是時人心否塞除鄧蔭南及其兄德彰數人贊助外應者頗寥寥二十一年春李鴻章赴日議和文恐時機坐失即與蔭南等返國開乾亨行於香港為幹事部復設農學會於番禺城中為總機關而自往來廣州香港間密購軍火募兵於汕頭西江及香港是年十月約期會兵省垣謀一舉下廣州然後由湖廣直撲京津傾覆滿洲政府不意期前一日軍械之運來廣州者忽為海關破獲搜得手鎗六百餘枝事機遂洩汕頭西江之兵又被阻不得進於是陸皓東等被獲死之文與鄭弼臣陳少白僅以身免避走海外是為乙未廣州之役越六年庚子而有惠州及漢口之事

**附錄**

孫文自廣州失敗後與鄒弼臣走日本明年丙申始斷髮改裝再往檀香山集合同志推廣興中會卒以風氣未開進行遲滯復赴美洲糾集華僑說以祖國危亡清政

腐敗應從民族根本改革之理開者頗動容是時清政府根文刺骨下令通緝文由美洲赴英甫抵倫敦即由中國駐英公使龔照瑗設計誘入使館嚴加拘禁將密移舟中送回中國其師康德尼適返英文即密囑使館英僕致書康德尼康即以其事報告警署及英外務部英人聞之大譁以為侵犯其國權英政府出而干涉使館乃釋文而文之名因以大著文在



倫敦自著一書名曰孫逸仙倫  
敦被難記述被誘始末甚詳

湖北鍊鐵廠成

湖北鐵政局為製造軌械兵船根本前張之洞移

督兩湖時奏仿西法開辦大冶鐵礦周度廠地於漢陽大別山陰面建設

是廠一切經營廠工煤井工鐵路運道碼頭二十餘處盡心籌畫閱時四

年之久至是始告成功詔獎出力各員有差

廠中局廠林立各致其用一曰練鐵  
廠法先將生鐵入爐鑄化再入打風

爐吹淨雜質看准火色傾入銅模成塊再將鋼塊入爐烘炕再上軌鋼軌機噐此鋼每塊約重半  
墩出入旋螺軋機五六次即成鐵路鋼軌闊約四五寸厚半之長三四丈廠內設有鋸機隨時截

短以合於用臨用時止須鑽眼機噐一次工即成矣一曰化鐵廠爐座甚大凡礦子拖運到廠先  
在煨礦爐煨過權準輕重由升降籠提至爐頂傾入化鐵爐熔化每四時出鐵一次鐵汗由爐下

口門流入生鐵池每次凝成生鐵三百餘塊成鐵後分別揀派或作生鐵或鍊熟鐵或鍊西門士  
精鋼以作槍礮等用或鍊粗鋼以作鐵路鋼軌等用又有鐵貨廠機噐作法與軌鋼軌大致相同

惟彼則專供鐵路之需而此則造各種鋼條鋼板可濟各省製造局之取求又有魚板鐵釘鉤成專  
造鐵路接頭處應用零件又有翻沙廠專鑄各種全鐵機噐等件又有熟鐵廠專鍊熟鐵釘鉤成各

種方圖鐵條等件並收各廠車鋸  
零星熟鐵入爐重化以備他用

十一月兩江總督張之洞奏設江南自強新軍

奏謂今日練兵必須改  
用洋操其故有七勇營

積習人皆烏合來去無蹤一也里居不確身莠難分二也軍多缺額三也將擁厚賞私謀利之  
也操練不能何能臨陣五也營壘器用但守舊法討內不可禦外安能六也視爲營私謀利之

安有練兵報國之心七也洋操改之必能補知此七弊臣詳加籌畫現擬先練二千數百人爲一  
軍照洋法分十三營即名爲自強軍并派候補知府沈敦和奏調差委知府錢恂爲自強軍洋操

提調營爲一營八營分爲三哨數俱照德國營制二百五十人分爲三哨營有  
二營營爲一百八十騎分爲三哨數俱照德國營制二百五十人分爲三哨營有

醫官健練醫獸醫等項俟次南人較聰穎練役人等法外共馬步軍營銀十二名月給官錢一銀元  
較強健練醫獸醫等項俟次南人較聰穎練役人等法外共馬步軍營銀十二名月給官錢一銀元

合庫平銀三兩六錢。勇目遞加。當督率宜弁。認真訓練。隨時親往考察。校閱俾成勁旅。

### 十二月張之洞奏設陸軍及鐵路學堂

奏請自強新軍開辦情形。業已由陳奏在案。德國陸軍人員無一不由

學堂出身。今欲仿照德制。練成勁旅。非廣設學堂。實力教練。不足以造就將才。光緒十二年間。天津地方曾設立武備學堂。即臣在兩廣總督任內。亦曾設立陸師學堂。雖學生額數有限。而此次創練新軍。營哨各官。取之兩處學堂出身之人。究視未學者。領會較易。長進甚速。是學堂之益。確有明徵。查江南省城。原設有水師學堂。今於儀鳳門內和會街地方。創建陸軍學堂。講舍住屋。操場。專習。繳法。一年。三年。期滿。分別甲乙。是為畢業。又鐵路一項。臺墩各門。約以二年為期。二年後再北洋亦經設有鐵路學堂。但人數不多。殊不敷用。今擬另延洋教習三人。招集學生九十人。別為鐵路專門。附入陸軍學堂。以資通貫。其款項籌撥方法。陸軍學堂開辦四萬數千兩。在籌防局動款撥用。至常年經費四萬餘兩。又鐵路學堂經費二萬數千兩。即在山海關新認加解。每年四萬兩。鎮江關新認加解。每年七千兩。項內動支。更勤募商捐。以足之。疏入報可。

○特派李鴻章為出使大臣往賀俄皇加冕 ○明年四月為俄皇加冕

期朝廷先派王之春為公使前往致賀。而俄使抗議。至是乃改派李鴻章往賀。先是俄羅斯居處朔漠。僻在西北。久欲得一良港於南方。以圖軍事上及商業上之發展。顧一出地中海。即為西歐同盟國所阻。再圖印度洋。又為英吉利所阻。不得已改變方針。涉萬里不毛之地。築西伯利亞大鐵道。使已國與太平洋之交通。頓形便捷。且欲於黃海南部得一四季不冰之良港。以與該鐵道相聯屬。因而覬我滿州及山東之方面。乘代索遼東之機會。向我為重大之要求。主持此計者。為俄使喀希尼。喀希尼者。俄之

俄索酬  
底蘊俄皇加  
冕日  
請訓半

外交家也。當遼東半島歸還之初，卽欲乘機與我訂立滿洲密約。顧此密約非李鴻章不能訂。會鴻章以戰事失敗，罷職閒居，因不遽動議，而先以恩意結歡政府。是時政府因中東一役軍費內耗，償欸外迫，國庫不支，急需外欸。俄國以財力不充，不能借給。喀希尼乃代商法國銀行家，募集一萬萬兩鉅債，供給政府。政府誤以俄爲可恃，乃與俄國共組一銀行，名爲中俄合資。實則大權全握諸俄人之手。俄本絀於財力，開辦時資本不充，而滿洲之達官貴人，爭以鉅欸存儲其中。於是資本乃大裕。俄人因得以此項資本，經營滿洲。而喀希尼所望成於李鴻章之密約，亦於是時而訂立。當西歷一八九六年，卽光緒二十二年，俄皇加冕時，各國皆派遣頭等公使往賀。我國亦循例派遣，卽以王之春充使。臣喀希尼知時機已至，因提出抗議，謂加冕爲敝國重大禮典，非得貴國位望最高之人爲列國所稱許者，不足當賀使之任。王之春非其選，能勝任者當數李中堂。朝廷不得已，於是改派李鴻章往俄。喀希尼又知中國實權在於西后，而李鴻章爲西后所庇，遂密賄內監，游說西后，甘誘威迫，謂還遼義舉，必須報酬。宜假李以全權，議論此事。而李於臨行請訓時，西后召見，至半日之久，一切

密謀遂以大定。

○丙申二十二年春正月始設官書局以孫家鼐爲管理大臣。○先是光緒初日割琉球法割安南英割緬甸列強競爭外患日迫中外士大夫多有知舊政之不良潛思改革者一八八八年英美宣教士及領事等創辦廣學會於上海有志之士相與譯新書講新學排外自大之氣爲之一變及甲午戰起粵人康有爲等復繼廣學會而創設強學會於上海尙書孫家鼐鄂督張之洞等均贊助之於是京師官紳相與設強學書局於京師翻譯新書講求時務嗣經御史揚崇伊奏請封禁至是御史胡孚宸復奏請將強學書局改歸官辦總理各國事務衙門因奏請改設強學書局爲官書局奉旨允准並特派孫家鼐爲管理大臣。

劉銘傳卒

○二月前臺灣巡撫一等男爵劉銘傳卒。○銘傳多謀能斷部下將士皆精銳善戰紀律嚴明尤爲淮軍冠方捻亂初平曾國藩疏陳戰狀謂巨憝肅清餘氛盡掃定謀以李鴻章爲主論功則以劉銘傳爲先蓋倒守運河諸策皆銘傳所建也又深識時務條陳海防十事好圍碁及吟咏周卹寒素如恐不及至是卒予諡壯肅。

綱始設郵政局。○光緒二年時英人赫德總稅務司因議滇案請設送信官局是爲郵政發端之始至是總理各國衙門奏稱泰西郵政在乾隆初年普國倡議代民經理統以大臣位齊卿貳光緒十九年葛顯禮呈送萬國郵政條例聯約者六十餘國大端以購圖記紙粘貼信面送局以抵信資其費每封書信重五錢者取銀四分道遠酌加其取資既微又有定期而無遺失至有事時並可查禁敵國私函臣等周咨博訪知爲當務之急自應及時開辦請旨飭下臣衙門轉飭總稅務司赫德專司其事仍由臣衙門總其成卽照赫德現擬章程定期開辦至赫德原呈內稱萬國聯約郵政公會係在瑞士國應備照會寄由出使大臣轉交該國執政大臣爲入會之據自可援萬國公例轉告各國將在華所設信局一律撤回如蒙俞允卽行分別咨議沿江沿海內地陸路筭飭辦理至民局仍舊開設不奪小民之利並准赴官局報明領單照章幫同遞送期與各電局相爲表裏疏入從之

綱江西道監察御史陳其璋奏請與各國同列萬國公法。○奏謂我國與外洋互市每事吃虧指不勝屈皆未預與各國訂明同用公法故也惟

與俄訂  
密約

詭託戶  
部洽商

德宗不  
肯畫押

刀匪

有請旨飭下總理衙門將萬國公法一書悉心參攷。如果與交涉全局有益。卽與各國立約。並咨照李鴻章就近與各國外外部當面議定。嗣後不得視中國在公法之外。一切事件照公法而行。

夏四月。出使大臣李鴻章與俄訂立中俄密約於莫斯科。去年十

二月。鴻章既受命往俄。賀俄皇加冕。遂於今春啓節赴俄。未幾至俄京聖彼得堡。俄政府卽舉歸還遼東事。向鴻章索酬。並舉喀希尼所擬定之中俄新約草案。與鴻章開議。本月俄皇加冕之日。鴻章往莫斯科舉行慶賀禮。俄政府又勒令鴻章畫押。當開議之初。俄廷恐外人干涉。詭託籌借國債之名。不令與外務大臣接洽。而使戶部大臣當其衝。及協議既定。草約達於北京。帝見密約中。除以滿洲路權及膠州灣租借俄人外。並將黑龍江及吉林長白等處所產五金礦。准俄開採。又准俄專派馬步兵於鐵路側。駐紮保護。因大怒曰。是舉祖宗發祥之地。一舉而賣與俄人矣。堅持不肯畫押。

五月。山東刀匪滋事。山東曹單兩縣刀匪滋事。詔江蘇山東兩省

督撫合力勦平。毋使滋蔓。

○秋七月工部尙書孫家鼐奏請開辦京師大學堂

○先是大學士李端棻奏請推廣學校以勵人材京師宜建立大學堂等語朝命飭下管理

官書局大臣孫家鼐察度情形妥籌辦理至是孫家鼐奏陳六事

一宗旨宜學為主西學為輔中學為體西學為用二學堂宜建造講堂齋舍必爽敞宜人儀器圖書須度藏合度三學問宜分科擬分立十科甲天學算學附焉乙地學礦學附焉丙道學各教源流附焉丁

政學西國政治及律例刑焉戊文學各國語言文字附焉己武學水師附焉庚農學種植水利附焉辛工學製造格致各學附焉壬商學各輪船鐵路電報附焉癸醫學地產植物各化學附焉四教

徒宜訪求中國教習應取品行純正學問淵深外國教習須深通西學兼識華文方無扞格五生務等科之例咨送與考乙派差如應試不中式量其所長咨總署派往使館充當繙譯或分佈南

北洋海陸軍船政製造各局幫辦一切丙分教泰西有師範學堂者專學為師學生如不應舉為官即考驗後任為教習至經費一層應請飛飭南北洋大臣無論何款按月各撥銀五千兩解交

戶部作為京師大學堂專款

疏入從之

○八月出使俄國大臣許景澄與華俄道勝銀行訂立東省鐵路公司合

同十二條

○以李鴻章在俄與訂密約許俄得在東三省境內建築鐵路並借膠州灣為軍港故也至是遂命景澄與訂合同十二條其期以八

十年為限

○九月督辦軍機處與俄使喀希尼簽訂中俄新約十二條

○李鴻章使俄時與俄訂立密約十二條草約抵北京帝堅持不肯畫押至是俄使

東省鐵路公司

訂中俄新約

喀希尼遂大施其外交手腕一面賄通西后加以甜誘之言與恐嚇之語  
西后惑之嚴責帝命交軍機處開議不經由總理衙門一面逼迫軍機處  
使速簽訂其勢洶洶故為束裝就道狀以示決裂且告總理衙門謂此約  
不予批准即下旗歸國於是西后日迫帝命即畫押帝不得已於西歷九

月三十日揮淚批准

其約十二條一近因俄國西卑里亞火車道竣工在即中國允准俄

西北齊齊爾省城又至吉林伯都訥地方又向東南續造至中國黑龍江之愛輝城向西南

黑龍江及吉林各火車道均由俄國自行備辦其車道一切章程亦均仿俄國火車條程中

國不得與開至其管理之權亦暫行歸俄國以三十年為期過期後准由中國籌備資本估價

將該火車道並一切火車機器廠房屋等產贖回惟如何贖法容後再行妥議三中國現有火車

道擬自山海關續造至奉天盛京城由盛京接續至吉林倘中國日後有不便即時造此鐵路者

准由俄國備費由吉林城代造以十年為期贖回至鐵路應由何路起造均照中國已勘定之道

接續至盛京並牛莊等處地方止四中國所擬贖回之火車道自奉天山海關至牛莊至蓋平至

以金州至旅順口以及大連等處地方均應仿俄國火車道以期保護周詳應准俄國專派馬步

營兵數隊駐紮各要站以期妥護商務六自造約完納七黑龍江及吉林長白山等處地方所產

均準同治元年二月初四日中俄陸路通商條約完納七黑龍江及吉林長白山等處地方所產  
五金之礦向有禁例不准開挖自此條約後准開挖八東三省雖有練軍惟大牛軍營係仍照  
古制辦理倘日後中國欲將各省全行改仿西法惟向俄國借在亞細亞洲無周員不凍之海口  
一切其章程則與兩省所請德國武員條程無異九俄國在亞細亞洲無周員不凍之海口  
以時該洲若有軍務俄國東海以及平洋水師諸多不便其隨時駛行之營房棧房鑿於此是  
船險等類准中國于期滿後估價備資購入但如無軍務之危俄國不得即時屯兵據要處地方  
國難疑惟賃租之款應如何辦理日後另有酌議十遼東之俄國順口以及大連灣等處地方



原係險要之區。中國極應速為整頓。各事以及修理各廠臺等。諸要務。以備不虞。既立此約。則俄國允准。將此二處相為保護。不准他國侵犯。中國亦允准。將永來。永讓與他國。占踞。惟日後。俄國軍忽有軍務。中國准將旅順口及大連灣等處地方。暫行讓與。俄國水陸軍營。泊屯于此。以期俄政守之便。十一。旅順口大連灣等處地方。若俄國無軍務之危。則中國自行管理。與俄國無涉。惟等所到之處。中國官員。理應格外優待。保護。不得阻滯。其游歷各處地方。十二。此約。奉兩國御筆。在批。准後。各將條約。照行。除旅順口大連灣及膠州諸款外。全行曉諭。各地方官。遵照。將來換約。應在何處。再行酌議。自畫押之日。始以六個月為期。兩國全權大臣。議定此約。備漢文俄文。法文。約本。各兩分。畫押。蓋印。為憑。三。國文字。自此新約簽定後。而各國視線。遂羣集於中國。

國



自密約中有租借膠州之議。然後德人強佔膠州之事起。自密約中有關於旅順大連灣之權利。然後俄國借大租借之事起。自密約中有關於威海衛廣州灣九龍。繼之。自密約有開礦築路之權利。然後俄國藉口以膠滿洲。而釀成他日俄戰役之問題。自密約有駐兵保路之事。然後議和之役。俄得藉口。以踞滿洲。而釀成他日俄戰役之問題。自密約有十年來之事變。懸崖轉石。愈趨愈急。至尋其所自。無不有蛛絲馬跡之可尋。黃河九曲。溢蕩崑崙。則合九州鑄一大錯者。惟中俄密約當之矣。推原此約。所以成立。全由馬關議和後。蓄意積憤。於日本。遂為俄國陰謀。甘言之所中。謂當局者。有意賣國。未免深文。然當日外交家之頭腦。可見一斑矣。

**綱始設鐵路總公司。以盛宣懷為督辦。目時直督王文韶鄂督張之洞。**

**會陳蘆漢鐵路。另籌辦法。並保直隸津海關道盛宣懷督辦。事聞命盛宣。**

**懷來京備詢。宣懷因親賚咨文。赴總理衙門。并陳官辦商辦。以及合洋股。**

**借洋債之難。遂陳辦法四條。** 一。請特設鐵路總公司。二。由鐵路總公司。招集商股。四十萬股。每股銀百兩。三。由公司先借官款一千萬兩。續借洋

款二千萬兩。四。鐵路照公司章程辦理。應選總董十二員。常董二十四員。公司招股。以及銀錢工程。監察等事。 **總理衙門據實代奏。朝旨允。**

設鐵路公司

設銀行  
立達成

行故有是命

十一月盛宣懷奏請開設銀行立達成館

奏請西人通商工之本其法  
紐皆在銀行中國亦宜仿行法

選各省公正股實之紳商舉為總董召集股本銀五百萬兩先在京都上海設立中國銀行其餘  
各省會口岸以次添設由商董自行經理並謂墨西哥國以九成之銀鑄錢運往中國易去十成  
之銀歲耗以億萬計近來廣東湖北南洋先後鑄造銀元分量輕重悉准墨銀業已通行衆  
皆稱便嗣後凡出款俱用官鑄銀幣每元重京平九成銀一兩再酌鑄金銀及小銀錢使子母相  
權各省關收納地丁錢糧鹽課關稅釐金俱收官鑄銀幣元寶小錢概不准用至育才一節應令  
京師及上海兩處各設一達成館取成材之士專學英法語言文字課以法律公法政治通商之  
條或亦收回利權之一法至達成館辦法令各省督撫妥籌具奏

與英更  
訂緬約

丁酉二十三年春正月與英續訂緬甸條約十八款

自中俄密約

簽訂後俄人對於中國之報酬既已躊躇滿志而法人亦於是年與中國  
訂立新約改定陸路通商界線開雲南思茅為商埠得雲南兩廣之采礦  
占先權又得桂越鐵路權又得緬甸江洪界內之孟阿一部以為索還遼  
東之報酬英人聞之頗不悅藉口報酬與中國改訂新約盡翻薛福成前  
約而改劃中緬甸線至是約成割去科干山一帶地并以那布喀相近三  
角地一段永租與英國雲南邊界蹙地甚多又添梧州等口岸三處凡訂  
條約十八款

一、二、三、疆界、四、五、六、疆界、說明、七、八、九、十、十一、通商事例、十二、  
礦務及鐵路、十三、設官儀文、十四、議照、十五、以下與原約同

張蔭桓  
使英

二月以張蔭桓為出使英國大臣往賀英皇六十慶典

時英國女

割去邊  
地

皇維多利亞即位已六十年舉行六十年慶祝大典故也

呂海寰使德

三月以呂海寰為出使德國大臣

夏五月前大學士張之萬卒 予諡文達

設武備學堂

湖廣總督張之洞奏設武備學堂 奏謂外洋武備學堂分為三等

小學堂教弁目中學堂教武官大學堂教統領學術淺深難易以此為差今我國為救時計雖不能遽設大學堂而教武官之學堂似不可緩今擬專儲將領之材選文武舉貢生員及文武候補員弁官紳世家子弟文理明通身體強健者考取入學堂肄業其功課章程令洋教習酌議課程餘暇即令其誦讀四書披覽讀史兵略以固中學根柢茲於湖北省城東偏黃土坡地方購地建造學堂派員安定課程以期有實効而無流弊得旨允行

李鴻藻卒

秋七月協辦大學士李鴻藻卒 鴻藻曾授穆宗讀至是卒予諡文

正

添鑄銅元

監察御史陳其璋奏請添鑄銅元 奏謂園法之壞至今已極各省

督撫或請購外洋機器以鑄銀圓或請減制錢鑄兩以節銅耗然近來各

與八利

除四弊

德占膠州灣

省錢價之昂日甚一日每銀一兩僅易制錢千二百文每一銀圓僅易七八百文民間則搭用竹籌官中則發給紙券真偽雜出民情騷騷一再思維計惟仿照大小銅圓以補制錢之不足子母相濟自易流通議者或謂不如用當十大錢不知當十錢重輕不一大小不齊勢不能信用於各省且私錢充斥禁用爲難若以機器改造銅圓則其利何可勝算需銅少而值錢多利一成色定而抵值准利二分作三品市塵適用利三不穿中孔工省價廉利四銅色精營人知寶貴利五往來便於取攜利六鼓鑄愈多銀價自長利七行用既廣物價亦平利八以言乎弊則不禁自絕者四花紋精工難以偽造一也銖兩分等私鑄難混二也值錢既多毀鎔無利三也抵值既準兌換無可低昂四也詔從之

綱冬十月山東天主堂德國教士被戕德軍入佔膠州灣 膠州灣爲

勞山角與靈山衛之角犬牙相對環抱而成爲天然之形勝曾於中俄密約內租與俄人顧自密約訂立後我國外交上以表面觀之似得一二年之平靜是時俄日嫌態雖深然俄因西伯利亞鐵路尙未告竣日因軍備之擴張尙未完全不得不暫保和平之局而我國文恬武嬉依然歌舞昇

原因有四

軍艦突入幽禁守將

李秉衡

平了無振作於是外交上之風雲不在俄日而轉在歐洲諸國就中以德租膠州灣為發難之始其原因有四一俄法德三國干涉遼東之結果俄法均已得我國之酬報德獨未有二中東戰後各國經營我國皆有根據地以維持其勢力惟德獨無三德國東亞商業正在勃興之時商船來此日衆不得不於我國境上占一良港四德政府以擴張二億五十萬元之海軍經費要求議會之承認不得不急示威於海外以悅其心有此四大原因於是德占中國土地之心其熱度遂達於極點會山東鉅野今山東屬縣舊曹州適有鄉民殺害德國天主堂宣教師二人之事德政府遂命其駐華公使向我政府抗議並派遣海軍少將岱特利非率軍艦三艘突入膠州灣拔華幟立德幟佔領膠州灣礮臺執我守將章高元幽之警電至京舉朝大震當德艦駛近膠州時礮臺守將提督章高元方與泰賓為麻雀戲蓋兵往報高元曰彼經偶經此地耳何預吾事俄頃船抵岸即以照會至高元賭方酣置之及賭倦少憩一審客啓視始知德人勒令于二十四鐘內將全島讓出高元始大驚傳令開隊亟出署則德兵已滿衢市隊既齊將士皆挾空鎗急返庫中取子藥則庫已為敵軍所佔領高元亟詣德將理論德將曰吾率本國訓練條行事實無理之可言汝但全師退出而已高元不計送幽之

也  
**綱**十一月詔褫山東巡撫李秉衡職  
**目**以山東教案發生罷之以謝德

康有爲  
出請  
法

三大綱  
要

詔董福  
祥練甘  
軍

設經濟  
特科

綱工部主事康有爲上書請變法 目有爲廣東南海人以中日戰後各

國紛起詭謀至是德人又突據膠州灣情勢益亟非及時發憤革舊圖新  
無以爲國乃上疏言竊自馬江敗後法人據越南此時隱憂時事妄有條  
陳發俄日之謀指朝鮮之患以爲若不及時圖治數年之後四隣交逼不  
能立國已而東師大辱遂有割臺補欵之事於是外國蔑視海內離心職  
憂憤迫切謬陳大計及時變法圖保疆圉妄謂及今爲之猶可補牢如再  
徘徊遲疑苟且度日則外患內訌間不容髮後欲改悔不可收拾頃果有  
德人強據膠州之事要索條欵總兵章高元等已爲所擄萬國報館議論  
沸騰皆以瓜分中國爲言恐懼危惶不知死所用敢竭忠盡言以俟採擇  
其綱要有三一採俄法日以定其國是皇上宜以大彼得之心爲心以明  
治之政爲政二大集羣才而謀變政三聽任疆臣各自變法如此則百廢  
具舉萬衆更新銷萌建威必有所濟疏入上爲之動容

綱十二月詔陝西提督董福祥添練甘軍 目從督辦軍務大臣之奏請  
也其添練各軍分紮大慶關平陽府一帶

綱戊戌二十四年春正月詔設經濟特科 目先是貴州學政嚴修奏請

開議專科。經總理各國事務衙門會同禮部議奏。允先行特科。次行歲舉。特科約以六事。曰內政。外交。理財。經武。格物。考工。由三品以上京官及督撫學政各舉所知。咨送總理衙門會同禮部奏請試。以策論名爲經濟特科。歲舉則每屆鄉試年分。由各省學政調取各學堂書院高等生。送鄉試分場專考。

設京師  
大學堂

綱始設京師大學堂。旨令高等學堂畢業者入焉。以謹遵諭旨。端正趨向。造就通才爲宗旨。計分八科。曰經學科。政治科。文科。醫科。格致科。農科。工科。商科。

與德訂  
膠澳條  
約

綱二月與德國訂立膠澳租借條約。旨初德國因山東教案。既派兵佔據膠州灣。復命駐京德使向我政府抗議。要求過當。勢將決裂。迭經總署與之商論。而德皇復遣其弟至我國。並於議會宣言曰。日後如有損我德國權利者。當以鐵拳相見。故我國當時欲乞援於他國。卒無仗義執言爲我訟直者。政府不得已。與訂膠澳租借條約六款。最要者四。一以膠澳附近方百里之地。租與德國。以九十九年爲期。二以膠濟路權及路旁百里內之礦山開採權。悉讓於德。三賠償卹款。四懲治地方官吏。其租借期中

四要款

之九十九年實與永佔無異蓋以國際公法租借地滿百年者即可收入

版圖也其教案辦法則在濟甯創建教堂准用勅建天主堂五字酌給工料銀六萬六千兩至家莊各建教堂一所由官撥給地段十畝即照濟甯辦法每處各給銀六萬六千兩被盜失去之款另給三千元了案又以現在教士租賃房屋甚難請於鉅野荷澤鄆城單縣武陟曹縣魚臺七

處為教士各建住房一所共給工料銀二萬四千兩均作為費卸被殺教士之用現獲盜犯照例懲辦失察之地方官從重參處其案始結

○三月俄人租借旅順大連灣 ○膠州灣本於密約中租借於俄至是

為德人所佔俄人變計遽以海參威兵艦隊襲據旅順大連灣二軍港援

德為例迫中政府改訂新約九條重要者三一以旅順大連灣二港租借

與俄國租期二十五年二以此二港為西伯利亞鐵路經過滿洲之尾閘

三鐵路經行處許俄人駐兵保護是為旅大租借條約租約既定俄人改

旅順為尼古拉灣改大連為達爾尼命海軍中將阿力克寒夫為遠東總

督兼太平洋艦隊司令官以經營之

○夏四月英人租借威海衛 ○時德俄俱有租借地於是英人大以為

不利乃持均勢之說強租山東之威海衛以為抵制租期如旅順大連灣

當未租威海衛以前英人已以香港地面非展拓界址難資保衛為辭索

租香港對岸之九龍地方租期如膠州灣此光緒二十四年四月事也明

俄租旅大

英租威海

英租九龍



年冬十月又有法人租借廣州灣事蓋當英國租借九龍時法人又以為不利先二年法人已得滇邊陸地及鎮南關至龍州路權至是復索借廣州灣以為海軍根據地議久未決會英人迫清廷開珠江一帶為商埠逼近兩廣法人見事急遂做德國故智突以兵艦入廣州灣迫政府租借租期如九龍並索九廣路權政府不得已悉允之時列強競逐紛租軍港爭先恐後意大利為歐洲南部之王國至是亦思染指遣使向中政府索租浙江之三門灣政府力阻事始寢因自關直隸之秦皇島江蘇之吳淞口福建之三都澳等為商埠以杜各國之要求而權利之喪失有不可以言喻者矣

**附記** 是時列強紛借軍港瓜分之禍近在眉睫其所以得保持和平者則以列強之間因競爭而起衝突於是勢力範圍之說起英俄協約長城以北為俄國勢力範圍長江流域為英國勢力範圍美政府則以開放門戶為調停和平計分三項一於他國既得之權利不加妨害二非自由港現行海關悉由中國徵稅三於他國勢力範圍內之港稅及鐵路運費不論何國人彼此相等然列強競逐之心無時或已相逼而來如環無端究其原因皆甲午一役陪之厲也

**恭親王奕訢卒**

**自英法同盟軍入京後恭王主持大計備極憂勤**

至是卒予諡曰忠並命入祀賢良祠及配饗太廟

**詔改各省書院為學校**

**詔旨各省府廳州縣將現有之大小書院**

是詔定國

一律改為兼習中學西學之學校以省會為高等學校郡城為中等州縣為小學並民間祠廟不在祀典者一律改為學堂

○自咸豐同治以來中國疊經外患三次劫盟當局者漸

知西人長技有在思所效法及甲午之戰東敗於日而各國租借港灣之

事又相逼而來瓜分中國之說沸騰於中外於是國人大譁志士奮起痛

論變法之不可緩帝亦知非實行變法不可救國於是毅然下定國是詔

詔旨略謂數年以來中外臣工講求時事多主變法自強者詔書數下如開特科汰冗兵改武

科制度創立大小學堂皆經再三審度籌之至熟甫議施行惟是風氣尚未大開輿論莫衷一是

或託於老成憂國以為舊章必應墨守新政必當撤除衆喙喚喚空言無補試問今日時局如此

國勢如此若仍以不練之兵有限之餉土無實學工無長師強弱相形實當懸絕豈真能制挺以

鎗堅甲利兵乎朕惟國是不定則號令不行極其流弊必至門戶分爭互相水火徒蹈宋明積習

於時政毫無裨益即以中國大經大法而論五帝三王不相沿襲譬之冬裘夏葛勢不兩存用

特明白宣示嗣後大小臣工自王公以及士庶各宜努力向上發憤為雄佩聖賢義理之學植其

根本又須博採西學之切於時務者實力講求以救空疏迂謬之弊專心致志精益求精毋徒襲

其皮毛毋競騰其口說總期化無用為有用以養成通權濟變之才云云

○自帝嗣位

之初日割琉球法割安南英割緬甸列強競爭外患日迫中外士大夫多

有知舊政之不良而潛思改革者及中東戰起康有為曾上萬言書言時

政格不得達及馬關訂約割地喪師康有為復上書痛言國事並創設強

擢用康有為

強學會

各省學  
會盛興

保國會

新舊之  
爭

罷翁同  
龢

學會於上海孫家鼐張之洞岑春煊張謇袁世凱等皆爲會員未幾復設時務報館以其弟子梁啓超爲主筆啓超時年二十三善屬文風聲所樹舉國傾動未及一年而變法自強之思想四方勃興於是廣西有聖學會湖南有湘學會四川有蜀學會廣東有粵學會蘇州有蘇學會北京有集學會經濟學會上海有醫學會農學會不纏足會禁煙會等次第簇起皆各地有志之士發憤組合中華革新之機實肇端於此而康梁之名亦一時震於宇內政府大臣多有思羅置而推薦之者爲守舊派所反對不得進用及本年四月帝以外交急迫決意變法下定國是詔於是以侍讀學士徐致靖之薦召見康有爲垂問天下大計有爲極言變法維新之效及其下手方法帝深韙之先是康有爲於未召見之前與其黨楊銳等開保國會於京師研究保國保種之策至是因召見激於知遇凡有所見無不上達而帝亦言無不從自四月以至八月革新之詔不下百數十通雷厲風行中外震動而頑固親貴多不悅竭力排之新舊之爭達於極點

**綱**協辦大學士戶部尙書翁同龢能 **目**時帝發憤變法稍攬政權同龢在毓慶宮授帝讀最久又爲軍機大臣因鑒於世變極贊成變法並薦康

有爲才堪大用。以此爲太后所惡。遂命開缺回籍。

一說太台本不喜新政。因帝銳意變法。頗不悅。遂有天津

閱兵。潛圖廢立之隱謀。事爲同縣所聞。密以告帝。故太后銜之。特罷其職。

**綱**命二品以上大臣。陛見時。並詣皇太后前謝恩。

**目**太后自歸政後。久

未召見。臣工至是因康有爲召用。附者日多。朝班有新黨舊黨之分。太后

忿甚。命帝令凡二品以上官。當授任之初。謝恩陛見時。當親詣太后前謝

恩。外官亦一體奏謝。於是朝士又有后黨帝黨之別。先是穆宗崩。帝在襁

褓時。諸大臣欲立長君。而太后擅用權。利用幼君。故命立帝。及帝稍長。英

明漸露。太后不悅。思以嚴威箝制之。因於宮中暴酷待帝。匪所不至。光緒

十六年。帝年二十一。行大婚禮。太后始歸政。然一切用人行政之大權。仍

在太后手。視帝如虛器。其時內則總管太監李蓮英。外則軍機大臣孫毓

汶。皆太后耳目。所以束縛帝者。甚至每遇帝召見羣臣時。輒令內監於屏

風後竊聽。會光緒二十年十月。太后六旬萬壽。先期演習禮儀。定期已刻。

帝率文武百官齊集。而蓮英至未刻始至。帝與百官鵠立三時之久。因大

怒。杖蓮英四十。蓮英懇之。太后太后銜帝益甚。蓮英又日進讒言。謂帝有

怨望心。於是太后乃有廢立意。帝所寵之珍妃瑾妃。則降爲貴人。褫衣廷

陸見變

后黨帝

太后耳

李蓮英  
獲咎進

寇連材  
泣諫太

杖二妃之師文廷式則褫職不叙其兄志銳則謫戍烏里雅蘇臺凡爲帝所信任之人逐之無不盡奏事處太監寇連材嘗涕泣長跪太后前請勿擊帝肘太后大怒斬之連材曾撰宮中日記詳述帝在宮之苦及太后待遇情形至爲詳盡其後蓮英讒日多太后廢立之謀益急幸恭親王力爭太后憚之其謀始止本年四月恭親王逝世帝又銳意變法守舊黨遂日進讒言於太后於是廢立之謀又活同時實授榮祿爲直隸總督並有九月與帝同至天津閱兵之議及帝師翁同龢罷其謀益著然帝變法自強之意仍不稍變

廢八股

廢立之  
謀復活

綱五月詔廢八股文科舉改試策論 經義試士始於宋之王安石至明初乃定爲八股文體式尊其體曰代孔孟立言嚴其格曰清真雅正禁不得用秦漢以後之書不得言秦漢以後之事於是士人皆束書不觀爭事帖括至有通籍高第而不知漢祖唐宗爲何物者更無論地球各國當時有志之士皆謂八股與中國不兩立於是康有爲及御史楊深秀曾於本年三月上書請廢八股爲許應駉所駁遂不行四月初梁啓超復聯合舉人百餘人連署上書請廢八股書格不得達至是康有爲張元濟因召

見皆力陳其害。康至謂遼臺之割二百兆之價。琉球安南緬甸之棄。輪船鐵路礦務商務之不興。以及民之貧。國之弱。皆由八股害之。帝喟然曰。西人皆曰為有用之學。我民獨曰為無用之學。康即請曰。皇上知其無用。能廢之乎。帝曰。可也。康退告宋伯魯。使抗疏再言之。疏既上。帝立命軍機大臣批准。剛毅謂此乃祖制。不可輕廢。請下部議。帝曰。部臣據舊例以議新政。惟有駁之而已。吾意已決。何議為。詔遂下。

略謂我朝沿宋明舊制。以四書文取士。康熙年間。曾經停止八股。收試策

論未久。旋復舊制。一時文運昌明。儒生稽古窮經。類能推究本原。闡明義理。制科所得。實不乏通經致用之才。乃近來風尚日漓。文體日散。試場戲藝。大都循題敷衍。於經義罕有發明。而淺陋空疏者。每復濫竽充選。若不因時通變。何以勸實學而拔真才。著自下科為始。鄉會試及生童歲科各試。向用四書文者。一律改試策論。

**附記**

自八股既廢。天下風移。數千萬之士人。皆不得不舍其兔園冊子。帖括講章。而爭講萬國之政教。及各種新學。爭閱地圖。爭譯出之西書。昔之夢夢然不知有大地。以

中國為世界上獨一無二之國者。今則忽然開目。憬然知中國以外。尚有許多國。而頑陋偏僻之意見。可以頓釋。當時有志之士。捧讀詔書。皆酌酒相慶。以為去千年愚民之弊。為作新

之第一大事云。

**綱**命舉人梁啟超辦理譯書局事務。 **目**初康有為於光緒二十一年開

強學會於上海。首倡翻譯日本新書。蓋以日本與我同文。譯之較易也。後

強學會被禁。事遂中止。至是御史楊深秀復上書言譯書之要。梁啟超適

以是日召見。帝遂命進呈所著變法通議。大加獎厲。遂有是命。

罷文悌

**綱**御史文悌罷 **目**文悌滿洲人初爲御史頗憤東朝專政聞同僚楊深秀有門人某撫北方豪士千餘因欲利用之以劫太后適同侍祠竟夕語深秀以宮中隱事及侍郎長麟去官之故又言太后刻虐皇孫載澍爲帝示戒故帝見太后輒顫此與唐武氏何異並朗誦徐敬業討武氏檄燕啄王孫四語以激深秀深秀難之既而文悌慮語洩乃日騰謗于朝謂新黨將不利于太后冀以自解猶慮不免至是竟露章劾深秀謂與彼有不可告人語又謂康有爲與開保國會徒欲保中國不保大清並牽涉同僚宋伯魯等疏上帝斥之曰中國卽大清保中國卽保大清是何害此疏難保非受人唆使不勝御史之任著回原衙門行走

練洋操

**綱**命神機等營改練洋操 **目**初順天府尹胡燏芳奏請精練陸軍及神機營改用新法操演又出使大臣伍廷芳奏京營綠營參用西法先後諭令軍機大臣會同神機營王大臣八旗都統妥議至是詔凡八旗滿洲蒙古漢軍驍騎營兩翼前鋒護軍營等均著以五成改習洋操五成改習洋機抬槍並著奕劻切實辦理

廣設學校

**綱**詔各省府廳州縣設立學校 **目**詔謂前諭入京師大學堂肄業者必

由中小學遞升。惟各省中學小學尙未一律開辦。著各督撫飭地方官各將所屬書院詳查。一律改爲兼習中學西學之學校。至於學校等級科目。應以省會之大書院爲高等學。郡縣以次遞降。所有小學中學應讀之書。仍遵前諭。由官書局編譯。中外各書頒發遵行。至於民間祠廟。有不在祀典者。卽由地方官曉諭民間。一律改爲學堂。

○六月命康有爲督辦上海官報。○初康有爲黃遵憲等在上海開強學會。刊行強學報。旋被封禁。其後黃遵憲梁啓超汪康年等續開時務報於上海。按期發行。論議時政。至是協辦大學士孫家鼐奏請改爲上海官報。朝旨從之。特派康有爲往上海督辦其事。時有爲屢有陳奏。其大端在請誓太廟以戒羣臣。開制度局以定規模。設十二局以治新政。立民政局以地方自治。其他如遷都興學更稅法裁釐金改律例重俸祿設警察練鄉兵及經營西藏新疆等事。帝皆嘉納之。然以見制太后不能遽行。嫉有爲者遂謂有爲獨對時。有盡廢六部九卿衙門之奏。致爲守舊大臣所惡。故出之。

○秋七月詔設農工商總局於天津。以端方徐建寅吳懋鼎爲督理。○



官裁汰各

罷懷塔布等

先是康有為奏陳請興農殖以富國本。至是奉諭旨謂通商為立國之大端。而萬寶利源皆出於地。地利日闢。物產日阜。即商務亦可日擬擴充。是訓農又為通商惠工之本。中國農務尙無專董其事者。以為倡導。殊不足鼓舞振興。著即於京師設立農工商總局。派直隸霸昌道端方直隸候補道徐建寅吳懋鼎為督理。其各省府州縣。早立農務學堂。廣開勸業。有刊農報。購農器。由紳富之有田業者試辦。所刻農學商學書各事宜。亦著一體認真舉辦。

詔裁汰京內外各官

帝既用康有為策。銳意改革。因謂京外大小

各官舊制相沿。不無沉濫。朕維授事命官。不外綜核名實。現當開創百度。事務繁多。度支歲入有常。豈能徒供無用之冗費。以致礙當務之急。遂命裁撤詹事府通政司光祿寺鴻臚寺太僕寺大理寺衙門及湖北廣東雲南三省巡撫。並東河總督。缺其各省不辦運務之糧道。向無鹽場之鹽道。亦均裁撤。其餘京外應裁文武各缺。命大學士六部各省將軍督撫分別詳議以聞。

罷禮部尚書懷塔布許應騤侍郎堃岫徐會灃溥頤曾廣漢職

懷

塔布等均太后黨阻撓變政甚力。主事王照爭之。懷塔布等阻格其條陳。使不得達事聞。帝怒。遂罷諸人職。諭謂百度維新。必須明目達聰。始可收敷奏以言之效。第恐大小臣工狃於積習。不能實力奉行。用再宣諭。以後各衙門有條陳事件。於次日即當進呈。稍有抑格。將該部院堂官懲辦。不

天津閱兵

帝密謀廢

擢用楊劉林譚四卿

得略予優容懷塔布等着均罷職以王照不畏強禦賞給三品頂戴以四品京堂候補

○諭於九月中奉皇太后至天津閱兵 國時帝既銳意變法滿大臣及

內務府諸人均不悅日讒譖於太后太后因與榮祿密謀廢帝時榮祿總

督直隸節制北洋三軍一提督董福祥之甘軍二提督聶士成之武毅軍三按察使袁世凱之新建軍謀共脅帝至津以

兵威廢立遂諷御史李盛鐸奏請帝於九月中奉太后至天津閱兵帝請

於太后太后欣然許之遂有是諭

○命內閣候補侍讀楊銳刑部候補主事劉光第內閣候補中書林旭江

蘇候補知府譚嗣同均賞加四品卿銜着在軍機章京上行走 國揚銳

劉光第林旭譚嗣同四人皆康有爲同志時帝既銳意舉行新政而軍機

大臣皆耄老舊僚且忱於太后不能輔佐維新帝又無實權不能驟易軍

機故特擢此四人使參預新政事宜拜命之日帝親以黃匣緘一硃諭授

四人命其竭力贊襄無得瞻顧凡有奏摺皆經四卿閱覽凡有上諭皆經

四卿撰擬名爲章京實與宰相無異於是諸軍機大臣皆嫉忌之勢不兩

立未及十日而禍變以起

綱李鴻章敬信罷

二十二日上諭李鴻章敬信均着毋庸在總理各國事務衙門行走時禮部全堂懷塔布許應駉等既罷斥軍機大臣李鴻章等又罷免諸守舊大臣人人危懼榮祿亦自恐不免於是謀變益疾

綱八月命直隸按察使袁世凱以侍郎候補專辦練兵事務

自七月

初有擇於九月中奉皇太后至天津閱兵之諭帝不知有異謀也是月二

十七日帝欲開懋勤殿設顧問官命譚嗣同查歷朝成案將據以請於太

后二十九日帝往頤和園既出微有所聞因謂慶親王奕劻曰朕誓死不

往天津又以密諭諭康有為等言朕惟時局艱難非變法不足以救中國

非去守舊荒謬之大臣而用通達英勇之士不能變法而皇太后不以爲

然朕屢次幾諫太后更怒今朕位幾不保汝等可與諸同志安速密籌設

法相救有為等奉詔痛哭時帝手無寸柄諸將中惟袁世凱久使朝鮮諳

中外之故且力主變法嗣同因密奏帝請破格超擢世凱冀緩急可救助

帝從之即召見世凱特賞侍郎責成專辦練兵事務

世凱爲人譏詐反覆深知皇上無權且大變將與皇

上將不能自保雖受不次拔擢終不肯爲皇上用且與於榮祿逆謀致大變竟成於其手可概也

綱命康有為迅往上海督辦官報

時宮中變態已作太后語帝謂有

太后復  
訓政

新政舉  
行

舊派側  
目

爲在外昌言無忌肆行詆毀乃大不敬着速拿辦帝受命唯唯退卽密詔有爲謂朕命汝督辦官報實有不得已之苦衷非楮墨所能罄也汝可迅速出外不可延遲汝一片忠愛熱腸朕所深悉其愛惜身體善自調攝將來更效馳驅共建大業云云此諭爲八月初二日由林旭帶出翌日又密詔敦促言不可一日留有爲遂行

綱直隸總督榮祿至京師皇太后復垂簾訓政以帝有疾宣告中外

目

先是戊戌春榮祿等嘗欲聯合六部九卿上表請太后復行垂簾謀諸徐郵郵曰奈清議何事遂沮至是新政舉行滿洲大臣及內務府諸人多跪請於皇太后乞加禁止太后笑而不言有涕泣固請者太后笑且罵曰汝曹管此閒事何爲者豈我之見事不及汝曹耶自此無敢以爲言者或問於榮祿謂皇上如此妄爲變亂祖制可奈何榮祿曰姑俟其亂鬧數月罪惡貫盈不亦可乎及至七月革禮部六堂官擢四京卿守舊者愈側目滿大臣及御史楊崇伊等先後至天津謁榮祿遂相與定謀檄調聶士成之軍五千人駐天津又命董福祥之軍移駐長陞店在北京彰義門外四十里三次急電至總理各國事務衙門言英俄在海參崴開戰英艦七艘泊于天津請飭袁

稱帝有病

詔捕有為

置帝瀛臺

世凱返津防禦世凱至津榮祿即乘專車抵京與懷塔布許應騏楊崇伊張仲忻至頤和園上變於太后謂帝信康有為等逆謀將圍頤和園不利於太后太后怒即日與榮祿入京下詔稱帝有病不能視事太后復垂簾訓政時八月初六日也是為戊戌八月之政變

詔各省督撫逮捕康有為 自政變發生後太后令諸臣首先索捕

康有為而康有為已於先一日奉帝密諭出京徧索不得因稱有為謀弑

帝令各處緝捕又不得復以有為謀圍頤和園詔各省督撫嚴密查拿時

有為已於初五日出京走上海其弟子梁啟超亦出走 方有為之出京也乘英

派飛騎遍搜天津塘沽不獲電告煙臺上海兩道令搜到口各輪船有為至煙臺煙臺道適以事

他往有為得幸免及將入上海英領事漢蘭德乘小輪到船手照片覓有為攜入房問姓名有為

以告問在京曾否殺人有為以奉密旨出京對初無殺人事漢蘭德取上海道所得政府密電示

港通海外

皇太后置帝於南海之瀛臺 初六日垂簾之詔既下初七日帝思

出京 時有英國教士某向一內務府御膳茶房某詢問皇上聖躬安否而為太后之黨

所覺於是太后即命將帝置之南海之瀛臺南海者大內之離宮也瀛臺

在海之中心四面皆環以水一面設板橋以通出入既送帝至瀛臺太后

張蔭桓  
等下獄

詭治帝  
疾

將廢立

殺六君  
子

親往監視安置既畢而後出隨將板橋撤去以杜交通命親信太監監守飲食服御多被抑制又將帝所寵珍妃撤去簪珥施以刑杖不許進見

○捕侍郎張蔭桓徐致靖御史楊深秀京卿楊銳林旭譚嗣同劉光第均下獄

○以蔭桓致靖俱主張改行新政故也時康有爲梁啓超既出走詔卽逮捕蔭桓致靖及楊深秀等下獄命榮祿在軍機大臣上行走授裕祿爲直督總督北洋各軍仍歸榮祿節制而以裕祿爲幫辦自是軍政大權均歸榮祿一人掌握

○詔求天下名醫診治帝疾

○先是五六月間京師謠傳帝有疾頗重然日日召見臣工未嘗有病其後譚嗣同嘗因召見面詢聖躬病體如何帝言朕向未嘗有病汝何故忽問此言嗣同皇恐免冠謝及政變難作太后密以帝已晏駕電各省督撫謂爲康有爲進紅丸所殺蓋欲藉是以蔽罪有爲實行廢立也已而知獨立未可遽行乃以病重布告天下詔求天下名醫入宮診治然醫入視疾輒逃歸私語人以帝實無病太后知之亦置不問

○殺楊深秀楊銳林旭譚嗣同劉光第及梁廣仁六人

○康有爲梁啓

無庸訊鞠

超既出走太后榮祿憤無所洩初九日置帝於瀛臺初十日矯詔捕張蔭桓徐致靖及深秀等六人下獄十二日命刑部十三日訊鞠及十三日復

矯詔殺深秀等六人命無庸訊鞠其詔旨略謂朝廷致國治力求變法自強凡所設

不意主事康有為首倡邪說惑世誣民而宵小之徒羣相附和包藏禍心潛圖不軌前日竟有糾約亂黨謀圍頤和園規制皇太后及朕躬之事幸經覺察立破奸謀又聞該亂黨私立保國會言

保中國不保大清其悖逆情形實堪髮指康有為學術乖僻其平日著述迥違輦下事非聖無法之言前因講求時務令在章程各行走旋令赴上海辦理官報局乃竟無非離經叛道前曾

實有叛逆之首現已在逃著各省督撫一體嚴密查拏極刑懲治舉人梁啟超語多狂悖一併懲辦

罪大有為之弟康廣仁及御史楊深秀軍機章京譚嗣同林旭楊銳劉光弟實係與有為同惡相濟罪大惡極前經將各該犯革職拿交刑部訊治旋有人奏若稽時日恐有中變朕思該犯等情節

較重難逃顯戮罪案既定無庸訊鞠尤宜宣示天下是日楊深秀等六人同時遇害先俾衆咸知嗣後大小臣工務當以康有為為炯戒

是深秀就逮之初猶抗疏詰問帝被廢之故援引古義切陳國難請撤簾

歸政遂被縛獄中有詩十數章愴懷國事矐念外患忠誠之氣溢于言表

論者方之前明方孝孺楊繼盛光第臨刑太息曰吾屬死正氣盡其嗣子

伏屍痛哭一日夜以死嗣同聞變竟日不出門以待捕者力勸梁啟超出

亡日本曰不有行者無以圖將來不有死者無以召後起啟超既行復與

大俠王正誼即幽燕大俠大刀王五謀奪門迎辟事卒不成正誼勸之出奔願以身護

之行不可日本志士數輩亦苦勸東游復不聽再四強之則曰各國變法

幽燕大俠

無不從流血而成我中國未聞有因變法而流血者此國之所以不昌也  
有之請自嗣同始既被繫題詩獄壁曰望門投宿思張儉忍死須臾待杜  
根我自橫刀向天笑去留肝膽兩崑崙指康有為與正誼也廣仁有為之  
弟在獄中言笑自若高歌聲出金石臨刑語嗣同曰今八股已廢人才將  
輩出我輩死中國強矣時人謂之六君子

**附記**

譚嗣同之言曰中國數千年未聞因變法而流血者有之自嗣同始嗚呼傷矣蓋嘗  
論之宋秦檜之殺岳飛也以莫須有三字斷獄後世讀史者猶以為千古之奇冤夫

曰莫須有則猶有鞠獄之辭矣明嚴嵩之殺楊繼盛也魏忠賢之殺楊漣左光斗也必在獄  
中栴楊榜掠毒刑慘刻逼使供招羅織成罪案然後殺之蓋其心猶知天下之有清議欲借  
此以掩人耳目也今六烈士之就義也於八月十二日有偽詔命刑部於十三日訊鞠及十  
三日刑部諸官方到堂坐待提訊而又有旨命毋庸訊鞠即縛赴市曹處斬矣夫不訊鞠而  
殺也雖最野之國亦無此政體也雖衆人所唾罵之秦檜嚴嵩魏忠賢猶不至如是之無忌  
憚也蓋彼恐一訊鞠則虛構之獄無由成讞而改革之根株不能絕也觀其誣康有為之罪  
名也初則曰敢殺皇上繼則曰結黨營私終則曰謀圍頤和園十日之間罪名三變信口捏  
造任意誣指究之諸人所犯何罪則犯罪者未之知治罪者亦未之知旁觀更無論可慨也

**綱**詔謫戍張蔭桓新疆徐致靖永遠監禁 **目**楊深秀等六人既被殺詔

即將張蔭桓發往新疆嚴加管束徐致靖永遠監禁未幾復革尚書李端  
棻職發往新疆端棻年已七十扶病就道又下詔逮捕王照照已出走乃  
捕其家屬並抄沒其家產數日來凡與變法有關諸臣誅逐擒捕殆盡未  
幾又下詔革湖南巡撫陳寶箴職永不叙用又革其子吏部主事陳三立



職圈禁於家餘如文廷式黃遵憲王錫蕃張百熙端方李岳瑞張元濟徐建寅熊希齡等數十人皆逐捕謫革有差是役被殺者六人禁錮摘革者二十二人株連查拿者不可勝數

制 詔復舊

兵 停止閱

行之一切新政悉行推翻而復其舊命詹事府衙門照常設立禁止士民上書言事廢官報局停止各省改建學校又詔復八股取士之制諭各省督撫查禁全國報館嚴拿主筆即購閱康梁報章者亦一體嚴拿廢農工商局禁止結社集會拿辦會員廢漕運改折之議復武試刀弓石之制凡一切可以反帝所為者無不推行朝野志士皆咨嗟嘆息而莫可如何

綱 停止九月至天津閱兵詔各軍均歸榮祿節制 閱兵之謀本為反

帝黨所主張至是帝既被幽榮祿因言於太后謂黨事已定不宜輕動太后知廢立之事未可遽行遂令收回成命傳賞聶士成軍銀六千兩袁世

凱軍四千兩董福祥軍三千兩已而復命宋慶所部毅軍董福祥所部甘

軍聶士成所部武毅軍袁世凱所部新建陸軍及北洋各軍均歸榮祿節

制 聶士成一軍駐紮蘆台距大沽北塘較近扼守北洋門戶為前軍董福祥一軍駐紮蘆州兼順通州一帶為後軍宋慶一軍駐紮山海關內外專防東路為左軍袁世凱一軍駐紮小站

以扼津郡西南要道爲右軍榮祿另募親兵萬人爲中軍駐南苑以衛京師總  
爲五軍均歸榮祿節制時太后欲集權中央而以榮祿爲心腹故委以此任

○十二月革湖北巡撫曾鈺職

○曾鈺新授巡撫上封事請變通成例

疏入侍講學士貽穀光祿寺少卿張仲炘先後劾其擅請變法莠言亂政  
着卽革職永不叙用

○冬十月奪前協辦大學士軍機大臣翁同龢職交地方官嚴加管束

○時榮祿剛毅等修憾不已尤集矢於同龢遂以甲午中東之役主戰主  
和及密保康有爲爲辭奪職管束並奪前湖南巡撫吳大澂職同龢旋病  
卒於家

○己亥二十五年春二月以毓賢爲山東巡撫

○毓賢初爲曹州府以

武健嚴酷見稱性尤不喜洋務太后深器之特擢爲山東巡撫

此爲拳亂時  
毓賢殺教士

張本

○夏四月命剛毅往江南查辦事件

○時政府急欲籌款練兵議整頓

關稅釐金鹽課等項以江南地大物博特派剛毅前往認真辦理尋江南

查辦事畢又命往廣東籌餉剛毅所至搜括共得數百萬兩東西騷然革

命之機卽伏端於此

奪翁同  
龢職

擢用毓  
賢

搜括財  
賦

綱光祿寺卿袁昶奏陳整頓釐金辦法六條

奏謂釐金本非國家歲入之款。軍興時不得已而用之。咸豐間

整頓釐金

督漕督雷以誠防堵淮揚。創為此法。胡林翼曾國藩等推廣其法。然明病商。暗病民。故曾國藩等曾奏請事。平即蠲除此弊。政乃老成謀國之忠言也。顧近來議者。迫於各國加賦。去釐之議。謂洋貨銷滯。由於內地釐金妨銷。夫釐金固非仁政。然腹地稽徵。自我為政。若議加洋稅。縱改值百抽五。為值百抽十。商請強隣助我。彼必索償。他益事多。牽掣流弊。甚夥。故釐金雖病民之政。執若利權外特之為害。尤甚。兩害取輕。不得已。惟有整頓釐金之一法。謹條其便宜六事。一請飭慎用賢員。以祛積弊。二總核比較。以重權課。三各省物產衰旺不同。當隨地制宜。四外銷款項。不妨釐用。賢報部。五酌復坐賈落地捐。以抵制漏卮。六定劣兵司事。巡丁之罰。使嚴明約束。疏入不報。

綱五月端王載漪訓練神虎營有效。議叙有差。 綱端王載漪與榮祿等同為太后黨。奉旨訓練神虎營。著有成效。太后嘉之。詔議叙有差。

綱六月詔直省整頓關稅釐金鹽課等項。酌提歸公。 綱詔各省將軍督撫實力整頓關稅釐金鹽課等項。命將現在所有收數。無論為公為私。凡

取諸商民者。和盤托出。一律澈底清查。裁去陋規中飽之弊。酌量提歸公用。限三個月擬定奏報。並命將輪船招商局。電報局。及開平礦務局。盈餘

利息。酌提歸公。

綱冬十月法兵艦侵入廣州灣。據之。遂與訂立廣州灣租借條約。 綱法

人自佔領安南後。經營滇粵。已非朝夕。會英人高掌遠蹠。起而追躡其後。又迫清廷開放珠江一帶為商埠。英國之商船如織。幾有壟斷滇越之勢。

與法訂廣州灣租約

整飭稅項

廣州灣租約

與法訂廣州灣租約

立大阿哥

廢立

使臣反對

法人大懼欲佔領一港以爲抵制然無端啓釁恐不免旁人干涉至是因廣州附近有法國兵官爲游匪所戕遂師德國故智率兵艦數艘突入該灣據之朝廷無可如何卽命提督蘇元春與法使議訂廣州灣租借條約七款其租借以九十九年爲期建築礮臺留駐軍艦租地內之民人有不遵其約束者卽行驅逐並於雷州府所屬

今廣東海康縣

准其敷設鐵路且

劃定雲南廣西二省不得割讓於他國

十二月立端郡王載漪子溥儀爲大阿哥繼承穆宗毅皇帝爲嗣

自戊戌八月政變以後內外藉藉謂將有廢立之舉每日命醫士造脈案藥方傳示各衙門人心洶懼於是太后電各省督撫密詢意見兩江總督劉坤一覆電謂君臣之分已定中外之口難防太后又令李鴻章探問於各國使臣各國使臣均表示反對而上海紳商經元善又聯合海外僑民公電太后請保護聖躬雖奉嚴旨命捕元善而非常之謀竟寢至是帝年三十有九歲矣時承恩公崇綺久廢在私第大學士徐桐覲政地綦切尙書啓秀在樞廷與徐殊洽咸思邀定策功而大學士榮祿居次輔雖在親王下最爲太后所信任言無不從大權實歸之三人旦夕密謀相約造榮

溥儀兼  
祧穆宗

第說以伊霍之事崇徐密具疏草要榮署名回奏永甯宮本年十一月二十八日啓秀朝退先詣榮達二人意榮大驚佯依違其詞速起去戒闈者毋納客二人至闈人辭焉次日朝罷榮相請獨對問太后曰傳聞將有廢立之事信乎太后曰無有也事果可行乎榮曰太行之誰敢謂其不可者顧上罪不明外國公使將起而干涉此不可不慎也太后曰事且露奈何榮曰無妨也上春秋已盛無皇子不如擇宗室近支子建爲大阿哥爲上嗣兼祧穆宗育之宮中徐承大統則此舉爲有名矣太后沈吟久之曰汝言是也遂於二十四日召集近支王貝勒御前大臣內務府大臣南上兩書房翰林部院尙書於儀鑾殿上下驚傳將廢立內廷蘇拉且昌言曰今日換皇上矣迨詔下乃立溥儀爲大阿哥兼祧穆宗也

再立再廢諸子各樹黨羽互相傾軋聖祖因此憂憤而卒世宗既以智數登大位有鑒於前遂垂永不建儲之諭臣下有請者立斬晚年金匱緘嗣皇帝名藏正大光明匾上憑几末命乃啓鑿傳遺詔立之繼此傳爲家法穆宗之卒不嗣子而立弟光緒四年惠陵奉安吏部主事吳可讀在陵次疏言異日今上有皇子當後穆宗草疏後即仰藥死聲旨下廷臣即當日所稱大禮議也且予可讀卹贈諡宗儲武久虛至此乃溥儀者宣宗之曾孫惇慎親王奕誥之孫父載立大阿哥兼祧穆宗以符前議

溥儀者宣宗之曾孫惇慎親王奕誥之孫父載漪襲端敏郡王奕誌之封其時恭親王溥偉貝子溥倫次皆可以當選而載漪平日得太后歡心故立其子溥儀生十五年矣入居阿哥所在景運門外即青宮

不終之  
兆

也。闕弘德殿命崇綺充師傅召陝西陝安道高慶恩入京與翰林院侍讀  
寶豐崇壽俱授讀命徐桐照料弘德殿溥儒素不悅學有所喜二犬次日  
卽宣索入宮識者早已慮其不終而徐桐是日適考校八旗官學遽以使  
之主祭而百神享之使之主事而事治百姓安之命題蓋隱寓推戴之意  
云。

清鑑綱目卷十四終

清鑑綱目卷之十五

鹽城印鸞章編輯 金式陶 張延壽 趙雪 胡應庚 校訂

●德宗皇帝

綱庚子光緒二十六年正月懸賞購拿康有為梁啟超 先是康有為

逃香港梁啟超走日本均託外國保護政府購拿甚急致牒英日兩國索

捕而英日兩國以國事犯無交出理由不肯引渡

國事犯者謂因政事上而犯罪之人也各國通例凡因政

事上犯罪者均不得引渡蓋國事犯之與政府處對待之地位是非曲直本無定評其罪狀不易明瞭非若盜賊殺人等犯之確可徵實且所犯為公罪更非盜賊殺人等犯之屬諸私罪者可相

提而並論當在本國時本國政府得以擾及境內之安甯成立其罪名及至外國外國政府不得以擾及他國境內之安甯成立其罪名既不能成立即不適用引渡罪犯之條例此以法理言之

者也若以外交局勢言之政府遞擅不常向為甲黨所組成者或逾時而組成於乙黨局外之國亦無取怨乙黨見好甲黨之理由也 同時梁啟超在日本

著戊戌政變記一書於太后失德言之特詳太后覽之憤怒泣下至是聞

康梁在沿海一帶有條往條來潛圖不軌之謠於是復下諭着海疆各督

撫懸賞金十萬兩以購康梁並諭如有購閱其所發報章者亦一體嚴拿

懲辦

綱二月各國公使夫人覲見皇太后於儀鑾殿

綱山東拳匪作亂詔巡撫毓賢來京以袁世凱為山東巡撫 拳匪之

聯拿康

政變記

拳匪作亂



流拳匪源

匪利用拳

拳匪擾近畿

祖相傳為八卦教之一支實即白蓮教之遺孽也先是雍正時不逞之徒自號教師演習拳棒擾累地方為世宗所禁迨乾嘉而後白蓮天理之亂相踵而起雖先後數平而支流餘孽蟄伏各地巧立名目以避偵緝因有所謂義和拳者與順刀會虎尾鞭八卦教等蔓延於江淮之交及黃河一帶其後又有所謂義和門者與大乘紅陽白陽等教紛紜肇亂均為仁宗嚴密查拿然根株不能盡絕及光緒初直隸冀州有土匪名黑虎者糾眾滋事勢甚猖獗時李秉衡適牧冀州設法招撫編為義和團此為義和團所自始光緒二十五年毓賢為山東巡撫時境內有學習拳棒與外教為仇者不之禁且獎成之於是匪眾益盛至是因沂州教案由駐京各公使訴諸政府請將毓賢撤任遂詔毓賢來京以袁世凱代為山東巡撫毓賢憾之因貽書朝貴謂匪皆義民且有神技可用今國勢日衰由于民志未伸若再殺拳民無異自翦羽翼也載漪剛毅等皆深信之欲利用拳匪排斥外人

先是載漪因其子溥儀立為大阿哥時輿各使入賀不應且有違言憤甚剛毅后黨夙有憾于帝遂仇及外人故皆深信毓賢言

地方官希旨不散言勦匪勢益熾尋以毓賢為山西巡撫

三月拳匪竄擾近畿 時毓賢已去山東袁世凱代為巡撫一意主

九連聖母

離卦派

師父師兄

招撫拳匪

勦殺傷至多其餘黨悉竄入直隸京津一帶而直隸總督裕祿又深信之有流娼自號爲九連聖母爲匪衆所奉裕聞而迎入署以三跪九叩禮見乞垂憫生靈拯此一方聖母謂已令神將用天火燒夷兵不久將盡汝無憂裕大喜以爲天生聖人以救中國於是匪勢復張以扶清滅洋爲名所至騷擾漸入近畿其徒設壇建醮誘惑鄉愚鄉民信之如對天神匪衆色尙紅紅巾紅帶自謂八卦教中離卦之一派亦間有黃帶藍帶者女童習紅燈罩婦人習藍燈罩紅者衣服盡紅藍者衣服盡藍其法以降神爲主佩符誦咒謂有神降附其身所降之神多半小說所云樊梨花劉金定之類男子則孫行者豬八戒李太白劉伯溫之類其稱頭目曰大師曰老師父小頭目曰大師兄二師兄每傳拳法一處必集二十五人是爲一團每團有一團首聚散皆從其令每會集必焚香念咒咒絕俚長短不等謂念畢卽有神人來護能以肉體禦鎗礮然斃於鎗礮者累累相屬而愚民翕然從之不知其非

夏五月命剛毅趙舒翹出京招撫拳匪自拳亂發生後朝廷大臣疑信各半正月初上諭總理衙門略謂上年山東巡撫毓賢電稱義和拳

召見大  
師兄

編義和  
團

董福祥  
入京

以仇教爲名到處滋擾。並及直隸南境一帶。疊經諭令山東督撫派兵彈壓。此種匪徒私立會名。聚衆滋事。恐無知愚民被其煽惑。蔓延日廣。迨至釀成巨案。勢不得不用兵剿辦。所傷實多。朝廷不忍不教而誅。着直隸山東督撫凱切出示曉諭。嚴行禁止。及袁世凱代爲巡撫。竭力痛勦。山東拳匪肅清。餘黨竄入京津一帶。端王載漪莊王載勛及大學士徐桐皆深信之力。愆太后請借拳力以逐外人。太后允之。至是命協辦大學士剛毅軍機大臣趙舒翹出京招撫。剛毅至涿州。拳匪勒令跪香。剛毅卽偕趙舒翹等跪同禮拜。已而回京覆命。言天降義和拳以滅洋人。請太后收集編爲團練。總管太監李蓮英亦贊成其說。太后遂密令招其首領入京。召見大師兄曹福田。獎其義勇。賞銀二千兩。慰勞有加。並命潛將匪衆咸集京師。習其技術。號爲義民。編爲義和團。而令端莊兩王分別統率之。端王時掌神虎營兵旅。莊王爲步軍統領。由是兵與匪合。京內外謠言四起。匪勢極盛。所至焚教堂。殺教民。燬鐵路。折電線。燒學堂。搗洋房。甚至攜帶洋貨者。亦加殺戮。各國公使以詰總理衙門。總理衙門則模稜答之。於是各使館咸集兵自衛。已而提督董福祥又率所領甘軍入都。與義和團聯合相與。

端王管  
總署

外使促  
剿匪

總署模  
稜

橫暴於都下。太后雖心知其非，而太阿已倒持，亦且無如之何。

綱命載漪管理總理各國事務衙門，啓秀溥興那桐均在總理各國事務衙門大臣上行走。是時載漪剛毅等既皆贊助拳匪，直隸總督裕祿和之日愆，惠太后令與外人爲難。總理衙門廖壽恆等皆模稜其言，太后不悅。先是庚子三月，山東拳匪蔓延至直隸，駐京英美德法四國公使各奉其國密諭，聯名致哀的美敦書於清政府，請兩月以內將拳匪一直剿除。否則將派水陸各軍馳入山東直隸代剿。已而俄國又加入警告各國軍艦且環集於大沽，候總署答覆。而總署遲遲未有覆文。及四月間，各使又會銜由領袖公使照會總署，迫中國速行剿匪。總署不得已，允予剿辦。顧剿辦其名，縱匪其實。亂勢日張。五月初，各國因議調兵入京保護使館，而直督裕祿下令鐵路委員毋許載運西兵。各使向總署責問。總署告以翌日照覆。各使復嚴詞照會，謂不立允載兵進京。各國卽須多集兵士。不論中國允否，定須用強進京。總署不得已，電致直督解除前禁，備車送各國衛隊入京。都是爲當時總署模稜之狀況。太后以廖壽恆等無果斷，命廖壽恆等毋庸在總理衙門行走。而以端王載漪管理總署，啓秀溥興那

戕日書  
記

戕德使

桐等助之於是拳禍益熾京城內外遂成匪世界無復外交之可言矣

○董福祥軍殺日本使館書記生杉山彬 ○甘軍統領董福祥爲剛毅

所信任嘗力保之於太后前謂董福祥係奴才之黃天霸奴才者滿人對於君上之稱黃天霸者劇

中之武角也拳匪既入都董福祥所部之甘軍與相聯合殘酷無人理方使館衛

兵由津入京時日本書記生杉山彬出城迎視甘軍見之呵問何人對以

日本使館書記官甘軍斥之曰書記官乃僭坐紅拖帷車耶紅拖帷爲四品以上之車飾

卽提其耳下車杉山知不可理喻乃好言曰請見大帥當面謝罪甘軍曰

無庸杉山又曰然則將來當請大帥至敝使館敝公使當爲謝罪言未畢

營兵等遽抽刀破其腹而死事聞日本公使請輿尸入城成殮不許爭良

久乃許之端王後見董福祥伸拇指稱之曰汝真好漢

○武衛軍殺德公使克林德 ○董福祥軍既暴橫京中同時武衛軍亦

與聯合先是端王承太后之命管理總理衙門事務各公使照會政府不

予承認端王銜之至是以總署王大臣名義請各公使至總署會商各公

使聞有伏兵謀害之說均未前往惟德使克林德帶護兵前行甫至總署

卽有武衛軍一隊作迎迓狀克林德與中本置有手槍至是誤發槍機武

衛軍誤疑擊已還槍擊之。克林德立斃。是時適有英國武員帶同藍衣兵在旁瞥見，欲上前援救，亦爲武衛軍所擊傷。克林德之尸卽由德兵火速搶出，隨縱火焚燬總署。於是董軍武衛軍聯合騷擾，政府不能禁。

○詔與各國宣戰

○自拳匪入京後，政府懸賞殺一洋人者賞銀五十

兩，殺一女洋人者賞銀四十兩，殺一洋孩者賞銀三十兩。於是亂兵希賞，因有戕殺德公使克林德之事。至是管理總理衙門端王載漪以爲豐端已開，若不明白宣戰，且將示弱各國，遂於殺德公使之次日矯命下詔與各國宣戰，並傳檄各省，一致排外，招集各省義和團助戰。自是兵匪縱橫，禍燄益熾。首事諸人墮突叫囂，九卿科道紛紛條陳攻取使館之策。尙書啓秀言：五臺僧普濟有神兵十萬，請召普濟會殲逆夷。知府曾廉編修王龍文請用決水灌城之法，引玉泉山水灌館，必盡淹斃之。學士彭青藜御史劉家謨請詔義民所至，按戶搜殺，以絕亂源。御史彭述謂義和拳咒礮不燃，其術至神，無畏夷兵。徐道焜言：洪鈞老祖已命五龍守海口，夷船當盡沒。陳嘉言言：已得關壯穆帛書，言夷當自滅。編修蕭榮爵言：夷狄無君父，二千餘年，天將假手義民盡滅之，時不可失。郎中左紹佐請戮郭嵩燾。

丁日昌之屍以謝天下主事萬秉鑑謂曾國藩辦天津教案所殺十六人請議卹時上書言神怪似此者以百數載漪等遂令義和團燒順治門法國教堂攻擊使館董福祥軍復縱火翰林院冀以延燒使館太后立宮中高石上觀之

召李秉衡

○召巡閱長江水師大臣李秉衡來京 ○秉衡初以招撫義和團罷職

命至奉天查辦事件又命巡閱長江水師至是因重用義和團與洋人開釁明召秉衡帶兵入京行至景州所部陳澤霖助拳匪攻燬村落數處載漪等以秉衡助拳仇洋倚為長城聞其至氣益盛

聯軍入寇

○英俄日法德美奧意八國聯軍入寇陷大沽礮臺 ○先是各國政府

聞清政府助匪仇洋駐京各國使館有警八國聯軍入援以英提督西摩爾為總司令統兵入京時京津鐵路已燬至楊村聯軍被阻折回因紛調水師艦隊駐泊大沽口守將羅榮光遣兵防守二十日晚遂開戰彼此用礮轟擊互有死傷翌日礮臺側火藥庫中敵礮兵丁受傷甚眾敵軍艦隊即乘勢駛至港口大沽礮臺遂為敵軍佔據此為中國與聯軍開戰之始 ○詔各省招集義和團助戰 ○自端王載漪等矯詔招集各省義和團

招義和團

莊親王  
督兵

東南中  
立

傳檄爲  
僞

助戰後未幾山西巡撫毓賢奏報誘殺晉省洋人悉盡其疏有曰現已計誘山西省洋人盡數擒獲均已赴署處決無漏網者太后優詔褒獎未幾直隸總督裕祿亦奏報謂天津義和團近已聚集三萬人日以焚教堂殺洋人爲事又謂擬卽一鼓作氣使洋兵盡覆巢穴以壯我軍之威而奪彼族之氣太后皆優詔嘉獎

○以莊親王載勛爲步軍統領督兵助戰 ○當拳匪初攻使館時僉謂

且夕間便可剷除洋人董福祥且屢以使館見燬入告乃事閱二十餘日洋兵死者無幾而匪徒骸骼徧於東交民巷口端王載漪奏言拳民十數萬首領太多號令歧出請派親近大臣調度於是詔派莊親王爲步軍統領與剛毅統率義和團全隊並派左右翼總兵英年載瀾會同辦理

○劉坤一張之洞與各國駐上海領事訂立東南保護條約 ○先是與各國宣戰詔下並傳檄各省一致排外而山東巡撫袁世凱兩江總督劉坤一湖廣總督張之洞兩廣總督李鴻章皆以傳檄爲僞相約不奉約至是忽有拳匪南下與官兵合攻上海租界之謠各國洋人因於上海租界多方設備劉坤一等恐東南再起兵釁全局益形糜爛遂與張之洞聯銜



派盛宣懷及上海道余聯沅與各領事接洽申明各不相犯並訂立約章  
互相保衛沿江各省賴此以安

凡訂約八條一上海租界歸各國公同保護長江及蘇杭內地各國商民教士產業嚴防各省文武官員一體認真保護並禁止謠言嚴拿匪徒三各口岸已有各國兵輪者仍照常停泊惟約束水手人等不准上岸四各國已後如不待中國督撫商允竟自多派輪駛入長江等處以致百姓懷疑傷害洋商教士生命產業事後中國不認賠償五吳淞及長江各礮臺各國兵輪切不可近台停泊六上海製造局廠一帶各國兵輪勿往游七駐泊七內地如有各國洋教士及游歷各洋人遇偏僻未經設防地方切勿冒險前往八凡租界一切設法防護之事均須安靜辦理切勿張皇以搖人心

六月聯軍陷天津直隸提督聶士成游擊宋占標死之

聯軍既陷

大沽礮臺遂合軍艦四十七艘軍士三萬人齊集大沽推德將華德西為

統帥進攻天津直隸提督聶士成偕總兵馬玉崑等督兵與戰苦戰歷二

十餘日以內變發生士成死於敵游擊宋占標與同殉難聶士成者清將

中之驍健者也初與王孝祺章高元並稱淮軍後起三名將孝祺於中法

之役高元於中東之役均以善戰稱顧均為當時主帥所倚扼論者惜之

士成故隸葉志超部下曾預中東之役志超敗士成以偏師千人扼守摩

天嶺在今遼寧城縣西捍蔽盛京日軍屢犯之俱為所擊退盛京得保無恙士成乃

奉命練一軍參用德國兵制召募精壯日日訓練之躬與士卒同食飲臥

起預知東三省將有戰禍特率兵躬履其地詳繪地形至析至備欲一旦

聯軍陷天津

淮軍三名將

聶士成戰蹟

死不成名

精銳可惜

重懲拳匪

爲國效力也。庚子春初，拳匪勃起，所至焚掠。士成時爲直隸提督，駐天津，發兵討之。一擊而敗，拳匪走散，轉集於京師。結連宮庭，端剛等遂同構士成，降旨嚴斥。士成奉旨扼腕嘆息，謂其下曰：「吾無死所矣。」有勸其避往保定。即今河北清苑縣者，士成喟然曰：「死吾分也，特患不得其名。且舉吾數年辛苦所成之精銳，誤供兇暴，投諸一燼，爲可惜耳。今國岬已開，天津當首衝，以吾奉命來鎮此地，吾目未瞑，必伸吾職，不許外兵履此土。然充吾之力，詎足以拒八國之聯軍？吾死必矣。特如斯以死，吾目其終不瞑也。」斯時士成內扼於端剛，外迫於裕祿、裕祿方禮、拳匪頭目爲上賓，倚之破敵。士成奉命攻天津租界，拳匪始猶出陣，繼以數受敵創，乃不敢往常，作壁上觀。或四處焚掠，以飽其慾壑。當敵者惟官軍而已。士成頗憤，以爲倡滅洋，以釀禍開釁者，拳匪也。及臨難退却，而以大敵誘官軍，官軍再四血戰，斷頭臚折肢體者，至十二三。而彼猶內竊忠義之名，以誤朝廷，外肆盜賊之行，以害閭里，不重懲之，無似慰軍人，謝百姓。一日惡戰，甫回營，遽下令曰：「今日盡力擊拳匪，於是所部軍四出擊匪，凡斃匪千餘，匪愈恨，乃乘士成與聯軍大戰時，以多人擁其家屬而去。士成有母，年八十三矣，衰且病，亦在行。」

捨身殉國

殺景昶袁昶

爭冒死力

中與其妻女子息同遇害。士成方退，聞耗急追之。聯軍有與匪通者，出士成不意，橫擊之。士成內外被敵，進退失據，又自憤身為提督，擁兵十餘載，身被數十創，而內不見諒於朝。外復見侮於匪，則大慷慨，又以爲近日賊臣匪黨欲排異己，動以通外爲詞，欲捨身殉國，以執讒口。於是奮力向聯軍猛擊，聯軍知士成不易破，乃壞萬國公法，用緣氣礮以擊士成。軍士成知無幸，遂親身當敵，力斫數十人，一榴彈飛至士成，與其騎立化灰燼死。中外咸哀而壯之。

○秋七月，殺吏部左侍郎許景澄、太常寺卿袁昶。○袁昶，浙江桐廬人。

官太常寺卿，與吏部左侍郎許景澄同以忠讜著。先是庚子五月間，三次召見王大臣，昶與景澄卽力陳拳匪不可信，宜勦不宜撫。因會銜密奏六月初旬，拳匪攻使館，益力。兩人復相約曰：當冒死力爭，又會銜上疏不聽。而袒護拳匪者，啣之謀害甚急。至六月上旬，西兵麇集，勢將直撲都城。乃又會銜上疏，請速勦匪，並請誅袒護拳匪之人。三疏皆草之昶手，忠義之氣溢於言表。遂以七月四日與許景澄同棄市。

○景澄，浙江秀水人。今嘉興縣。嘗面警出使歐西，熟於中外情勢。嘗面諫太后有不可輕信妄言，致禍列強公怒之語。爲端王剛毅等所深惡。先是毓賢上一封奏，言山西教會事，十日之前太后曾寄一密諭令其但遇洋人卽殺之，勿使漏網。此旨似通諭各省，然近

聯軍寇  
楊村

開陝西巡撫端方河南巡撫裕長及蒙古各處所奉諭旨乃大不同凡殺字皆係保護字恐有奸臣竊改云云太后覽奏一面則獎毓賢一面制密查竄改諭旨之人以憑究辦會李秉衡入京得太后信任因指景澄與袁租二人以實之太后大怒傳諭立斬二人惟諭中不便明言恐傷朝廷威信但蔽二人以租庇外人之罪時庚子七月三日也日哺時景澄被捕入步軍統領衙門袁租與焉未幾同送刑部遂以翌日同棄市

○聯軍寇楊村直隸總督裕祿走死 ○聯軍既陷天津連得北京使館

乞援之信遂大舉北寇分路進兵先據北倉董福祥率所部與戰敗績退

回京師馬玉崑禦之於楊村亦敗績裕祿受傷走至蔡村死

○殺尚書徐用儀立山內閣學士聯元 ○時聯軍已逼京師而義和團

勢益熾凡所欲殺朝廷無不從之用儀立山及聯元皆不肯附和端剛

以亂中國遂命殺之用儀既死端剛等將盡殺不肯附和諸人會聯軍入

京遂不果行

○聯軍至通州李秉衡死之 ○秉衡奉詔率師勤王至京師命幫辦武

衛軍率所部迎戰聯軍於黃村敗績退至通州聯軍踵至所部夏辛酉張

春發等軍潰秉衡知不免遂自殺聯軍直逼京師

○聯軍陷京師太后挈帝出奔宣化 ○聯軍既破通州復由通州長驅

而北直犯京師董福祥軍與戰於廣渠門外會日暮北風急礮聲震天雷

徐用儀  
立山  
元被害

聯軍陷  
通州

聯軍陷  
京師

通后帝西

兩驟至遂大敗義和團亦走散翌日爲七月二十日黎明京師城破聯軍自廣渠朝陽東便三門入禁軍皆潰董福祥出走彰儀門縱兵大掠而西是日百官無入朝者聯軍以大礮擊宮城宮中人紛紛出走太后倉皇挈帝西遁詔慶親王奕劻留守京師已而宮城亦破聯軍入大內及頤和園珍寶重器喪失無算復分兵西至保定北至張家口東至山海關以追擊義和團爲名而當時所謂義和團與夫信任義和團之人均已不知所至惟見順民之旗徧揭於各戶門首而已

亦云幸矣。

按自古國家乖謬錯亂及奇恥大辱之事舉無有過於庚子聯軍之役當是時國之不亡

罪已詔

下詔罪已求直言 先是帝自戊戌幽閉後每見臣工恆循例三兩

言而止及拳亂起帝力主勦拳與端剛反復辨難甚痛切終以太后袒端剛釀成大禍至是京城破拳匪亂竄諸袒拳王大臣亦無策以解宮城之危太后倉皇爲遁走計帝索冠服欲親赴使館太后亟止之帝曰彼軍法文明朕往必無害且可議欵太后以爲發狂翌旦天未曙太后徒步泣而出帝及后皆單袷從至西華門外乘驛車從者大阿哥端王莊王及剛毅等數人而已妃主宮人皆委之去珍妃帝之所愛而太后之所患也頻行

斃珍妃

擗食豆  
麥

唐才常  
起事

保皇黨

中國協  
會

興漢會

漢口之  
役

太后命投之於井而後去。帝雖痛之，無如何也。時王公仕民四出逃命，城中火起，一夕數驚。滿洲婦女懼外兵見辱，自裁者無算。是日晨，車駕出西直門，馬玉崑以兵從。暮止貫市，太后與帝已不食一日矣。民或獻豆麥，至以手掬食之。天又漸寒，求臥具不得。村婦以布被進，溜猶未乾也。三日至懷來縣，軍機大臣及其他王大臣始有至者。又四日至宣化，以帝名義下詔罪己，即由宣化幸太原。

**綱**唐才常謀起兵湖北，事洩被誅。先是戊戌政變，康有爲梁啓超逃

亡海外，憤太后專政，德宗孤危，結合同志，設立保皇黨，謀恢復光緒帝政權，擁帝以施行君主立憲制。而孫文自廣州失敗後，遨遊歐美，專主民主共和制度，欲傾覆滿洲，實行種族革命。兩派政見頗不相容。康有爲使其黨唐才常與哥老會聯絡，設中國協會於上海，謀起兵勤王。而孫文之黨畢永年亦運動哥老會及三合會諸領袖，設興漢會於香港，謀大舉革命。庚子義和團之亂，八國聯軍入京，粵人運動李鴻章以兩廣獨立任用孫文行新政。李有允意，會清連促李北上，與聯軍議和。其事遂寢。當聯軍之入京也，唐才常等已舉事於漢口，是謂庚子漢口之役。初，才常雖由康有

革命運  
動機謀盡  
洩

爲運動設會上海以勤王保國爲名久之才常與康梁宗旨不同乃結合  
江湖會黨設自立會以容閔爲會長嚴復副之才常自爲總幹事總會在  
上海更於漢口設立分會其規條內不認滿洲爲國家與孫文宗旨頗合  
蓋亦革命運動也時唐才常林述棠等在漢口黃興在湖南吳祿貞在大  
通聯合湖北湖南安徽及長江上下游之哥老會廣發富有票招集黨羽  
分立五軍號自立軍以湖北爲中軍林述棠統之安徽爲前軍秦鼎彝統  
之湖南爲後軍陳猶龍統之江蘇江西各立一軍才常自爲各軍總司令  
定於庚子七月二十九日在漢口武昌漢陽同時起事集湖北新堤蒲圻  
之會黨爲援助而湖南之岳州長沙安徽之大通亦遙爲聲應然事機不  
密湖北應城巴東長樂之會黨首先發難安徽大通繼之湖北沔陽之新  
堤蒲圻之蕭樓岡湖南臨湘之灘頭皆接踵而起荊州沙市以及嘉魚麻  
城等縣亦相率響應均先後破獲擒殺甚多江督劉坤一鄂督張之洞皖  
撫王之春湘撫俞廉三等復派兵嚴密搜捕機謀盡洩張之洞遂圍搜漢  
口分會唐才常林述棠等二十餘人俱被捕下獄才常在獄中題詩有賸  
好頭顱酬故友無真面目見羣魔之句未幾皆被殺其同志之在湖南者

大通之役  
新堤之役

聯軍至保定

亦爲俞廉三所擒斬其弟才中亦見殺先後被逮死者凡數百人

○秦鼎彝起兵大通沈蓋起兵新堤皆兵敗死之 ○自唐才常漢口失

敗後同時又有秦鼎彝大通之役沈蓋新堤之役秦沈皆才常黨秦爲自立軍前軍司令漢口未發以前在大通舉義爲皖撫王之春所敗鼎彝走日本沈爲自立軍右軍司令漢口既敗以後倉猝起兵新堤爲清兵所敗走武昌旋被執送京師杖殺之自此兩役後株延被殺者甚多長江一帶異常戒嚴

○八月聯軍至保定太后挈帝幸太原九月西幸西安 ○當八國聯軍入京時分屯軍隊於京城內外美日兩國兵均嚴守紀律不擾居民惟德軍因使臣被害出師時德皇曾誓於軍謂破都城時當以入野蠻國之法待之故德兵淫掠殊甚其餘各國亦略同焉京師盛時居民殆三百萬自經是亂坊市蕭條狐狸晝出向之肩摩轂擊者如行墟墓間矣聯軍既據北京分兵追車駕至保定殺布政使廷雍又入永平執知府重燠而還時兩宮在太原太后聞洋兵將追至甚惶懼會江蘇巡撫鹿傳霖以勤王兵至入謁太后言太原不可居西安險固僻在西陲洋兵不易至乃定入陝



后帝幸  
西安

剛毅志  
死  
寇國入

壽山昧  
大勢

之計。帝憤然曰：我能往，寇奚不能卽入蜀？無益。太后老，宜避西安。朕擬獨歸，否則兵不解，禍終及之。太后以下皆相顧失色，顧無辭以折帝。會晚而罷，翌日乃聞扈從士嘈雜，戒行聲轍，駕竟西矣。帝首途，淚猶溢目也。閱數日至西安，設行在政府於撫署，遂駐驛焉。方太后之自宮城出走也，語侍臣曰：吾不意乃爲帝所笑。及至太原，帝召端王剛毅痛訶之，欲正其罪。太后不可。剛毅亟叩額，會王文韶同入。太后曰：文韶老臣，更事久，且帝所信。爾謂如何？文韶知旨，婉解之。帝退，猶聞憤恨聲。端剛步出，汗涔涔下，無何剛毅志而死。

綱 俄羅斯入寇齊齊哈爾，黑龍江將軍壽山死之。東三省全陷。圖 方拳

亂之始起也。端王載漪等傳檄各省，一致排外。其檄達關東時，黑龍江將軍壽山應之，率兵攻俄人於哈爾濱。復由瓊瑋渡黑龍江，以攻俄國之阿穆爾省。俄人大怒，遂乘機佔據關東。初，俄人吞滅關東之志，蓄之已久。光緒二十四年，既租有旅順、大連灣，卽藉此爲根據地，將欲建新俄羅斯於關東。故租借未百日，遽定旅順爲第二軍港。翌年，又改置關東省於遼東半島，頒行治民律，稱哈爾濱爲首府。又經營其所握之東清鐵路權，每十

里必建屋駐哥薩克兵華人之死於非命者不可勝數東三省官吏幾無力保護華人俄又嘗派遣軍艦向東亞進行清政府懵然不知懼及拳亂起遂與俄人以良好時機壽山暗於外勢復興兵連與開釁俄人遂據爲口實當壽山往攻哈爾濱時爲俄人所敗其攻阿穆爾省者亦爲俄所敗俄兵遂大舉南侵分兵三路東路由琿春阿格司託夫將之中路由三姓薩哈陸夫將之西路由瓊瑋克措哥夫將之東中兩路長驅至哈爾濱西路則取道墨爾根節節進逼渡江陷瓊瑋進陷齊齊哈爾副都統鳳翔陣亡將軍壽山自殺俄軍屠僇極慘復經吉林入奉天所至劫殺以哥薩克騎尤爲殘暴嘗迫海蘭泡屯兵之滿州商民男婦數萬人入黑龍江以死俄遂乘勝席卷東三省而以俄兵十八萬鎮壓之於營口奉天等處佈置尤密又挾吉林奉天兩將軍以號令所屬於是東三省主權幾全歸俄人掌握

綱詔以奕劻李鴻章爲全權大臣與聯軍議和 圖當太后西幸時命慶

親王奕劻留守京師與德奧比西葡法英美荷俄日十一國議和約而十一國宣言非李鴻章來京不能言和初李鴻章於中東戰後引咎罷職光

緒二十五年始起爲兩廣總督至是因各國要求乃詔調鴻章爲直隸總督兼北洋大臣並與奕劻同任爲議和全權大臣俾與聯軍妥商和議並詔劉坤一張之洞會商辦理鴻章既奉命卽由廣東來京聯軍聞鴻章將至始停戰駐軍京津以待之

○十一月奕劻李鴻章電奏和議大綱十二條詔皆允之

○鴻章既北

上閏八月至天津旋卽入都會同慶親王奕劻與各國公使開議開議時奕劻以親王資格爲議場傀儡凡事一以讓之鴻章不敢措一詞而聯軍於提議和約之前首先要求加重懲治罪魁自端王載漪以下凡數十人鴻章屢與辯護聯軍統帥華德西曰吾所列罪魁皆其從者爲全中國體面其罪首尙未提出也此而不允吾將索其爲首者其意蓋指太后鴻章亟以電告行在太后不得已允與嚴懲遂詔端郡王載漪革職與載勛溥靜載澄同交宗人府圈禁載濂革爵載瀾英年降調趙舒翹革職留任毓賢革職發往極邊充當苦差罪魁既加重懲治於是聯軍乃開出和議大綱十二條一戕害德使一事由中國派親王專使至德代表皇帝致慚悔之意並於被害處樹立銘誌之碑二嚴懲肇禍諸人其戕害陵虐各國人

民之各城鎮五年內不得舉行文武各考試三戕害日本書記生事中國  
必須用優榮之典以謝日本政府四污瀆發掘各國人民墳墓之處建立

碣碑當付各費銀兩京師一帶每處一萬兩外省每處五千兩五軍火及專為製軍火之材料不准運入中

國自本年七月初四日起禁止進口二年六中國允賠補各國人及外國執事之中國人  
身家財產所受公私各虧共海關銀四百五十兆兩七各國常駐兵隊護衛使館中國民人概不准在界內居住八

京師至海邊須留出來往暢行通道係黃村廊坊楊村天津軍糧城塘沽蘆台唐山灤州昌黎秦皇島山海關九

礮臺一律削平九由各國駐兵留守通道十張貼永禁軍民人等仇視諸

國之諭旨定兩年之久在各府廳州縣張貼十一修改通商行船各約十二改變總理各國事

務衙門並各國駐使覲見皇帝禮節未言以上各款若非中國國家允從

足適各國之意難許有撤退京畿一帶駐紮兵隊之望奏入太后命皆照

允仍命鴻章奕劻設法與磋商詳細節目

○鄭弼臣起兵惠州兵敗走死 ○自孫文廣州失敗後繼之而起者有

鄭弼臣弼臣亦粵人初為太平餘黨三合會首領繼與孫文組織興中會

遇事爭先為興中會健將當乙未敗後孫文遨遊歐美考察政治風俗定

三民主義五權憲法為革命後建設之標準已亥至日本使其黨畢永年

鄭弼臣起事

惠州之役

弼臣病卒

史堅如行刺

聯合哥老會興中會三合會諸領袖設興漢會於香港庚子春北京拳亂起文卽以弼臣爲惠州總司令令至惠州與畢永年楊飛鴻等招集各會黨聚於大鵬灣附近之三州田山寨相機大舉久之風聲漸露粵督德壽派重兵駐深川後水以備之進至沙灣將攻三州田山寨弼臣知事機已洩卽率衆乘夜襲擊破清兵五千人提督劉萬負傷遁遂進圍博山縣會孫文有電命取道西北向廈門弼臣復破清兵於佛子坳擒其將斬之並奪獲槍械無算是時會黨凡五千人槍一千枚進至永湖又破清兵數千惠州戒嚴復進攻至白芒花衆已萬人再進至崩崗復與清兵劇戰孫文聞惠州順利卽率援潛歸抵香港爲奸人告發香港政府監視之不得登岸弼臣在惠州苦戰月餘旋接孫電知外援不至餉械匱乏爲清軍所乘衆大潰散博山圍亦解弼臣遁走南洋尋病卒楊飛鴻在香港爲刺客所斃畢永年收集同志八千人時謀大舉因所購彈藥中途沈沒遂遁至日本孫文亦他逸

史堅如謀炸兩廣總督德壽被執死之 方惠州戰事之正烈也廣

州省城又有史堅如謀炸粵督德壽事史堅如者番禺世家子也貌秀而

膽豪性復沈毅年十七遊東瀛與孫文善孫文既使鄭弼臣入惠州謀大舉復別令堅如回廣州謀炸斃德壽以爲援應堅如回粵與其兄賃宅督署後潛運炸藥穴地理之引燃上發扃戶出火熄堅如復入室燃之炸發後毀署後圍牆數丈斃官吏二十餘人而德壽未死捕堅如殺之其兄赴香港得免

○十二月下詔變法 時兩宮在西安經此大創後太后已稍稍覺悟於國家致弱之原因由於行政之不良不能不從事改革以圖補救故有是詔旅華西人聞之皆謂此實以巨額之代價而增此一層之見識然命下後內外諸臣泄沓如故其能實力奉行絕鮮蓋以太后此舉聊籍以遮掩外人耳目而已仍非出自本心也

○詔禁仇視外國官民 並嚴禁各省匪徒藉仇教爲名糾衆立會開復徐用儀立山聯元許景澄袁昶原官尋又復張蔭桓原官

○辛丑二十七年春正月詔加重懲治肇禍諸臣 先是太后駐蹕太原時已徇外人之請懲治縱容拳匪諸臣及駐蹕西安因外人以懲治爲太輕特加重懲治顧外人仍以爲未足於是爲第二次之加重懲治然仍

不滿外人之意。至是復為第三次之加重懲治。而清廷威權掃地盡矣。計當時外人要求懲治者。端郡王載漪。輔國公載瀾。均定斬監候。罪名由清廷加恩貸其一死。發往極邊新疆。永遠監禁。永不減免。莊親王載勳。都察院左都御史英年。刑部尚書趙舒翹。均定為賜令自盡。山西巡撫毓賢。禮部尚書啓秀。刑部左侍郎徐承煜。均定為即行正法。協辦大學士吏部尚書剛毅。大學士徐桐。前四川總督李秉衡。均已身故。追奪原官。即行革職。又將甘肅提督董福祥革職。俟應得罪名定讞懲辦。外人堅索治董福祥罪。清廷以其帶兵未敢加罪。僅予革職。留在處分。命選甘肅原籍。嗣以外人索治不已。乃革其職。而以定讞懲辦。敷衍外人。並將庚子夏間凶慘案內所有承認獲咎之各外省官員。分別懲辦。詔皆從之。英年趙舒翹。賜令自盡。啓秀徐承煜。正法。時啓秀徐承煜在京。為聯軍拘禁。由奕劻等照會各國。請交還行刑。

○詔闡教地方。停止文武考試五年。  
○直隸山東山西。均在停止之列。自此會試。均改在河南省城舉行。

○三月。設立會議政務處。  
○自去年冬下詔變法。至是命設立會議政務處。以王大臣六人為督辦。下設提調二人。章京若干人。以為改革之預

備政務處既成立特派奕劻李鴻章榮祿崑岡王文韶鹿傳霖為督辦政務大臣劉坤一張之洞遙為參預

綱夏四月命醇親王載灃為頭等專使大臣往德謝罪 醇王為帝同

母弟受命使德呈謝罪國書 文曰大清國大皇帝敬致書於大德國大皇帝陛下朕惟

王來京朕疊次接見情誼尤為款洽乃上年五月義和拳匪闖入京師兵民交闐貴使臣克林德

竟至被戕殞命該使臣銜命來華辦理交涉事件悉臻妥協朕甚嘉許不意變生倉猝遽爾捐軀

朕自惟薄德未能先事預防保護多疏疚心曷極已於該使臣死事地方勒建銘誌之坊用以旌

善舉昭示後來茲派醇親王載灃為欽差頭等專使大臣親齎國書前往貴國呈遞該親王分旌

屬近支誼同休戚特令馮誠將命以表朕慚悔之意又此次貴國勞師遠涉朕匪安民和議早成

生靈無恙尤徵大皇帝願全大局並令該親親王代朕道達謝忱惟望大皇帝盡棄前嫌益敦夙

好從此我兩本共享昇平之福永

聯玉帛之歡惟大皇帝鑒察焉

綱五月以那桐為專使大臣往日謝罪 那桐為滿洲廂黃旗人受命

使日呈遞謝罪國書 文曰大清國大皇帝敬致書於大日本大皇帝陛下朕惟中國與貴國

來華應獲保護之益不意變生倉猝遽爾捐軀朕自惟德薄不能先事預防致令友邦官員慘遭

年五月京師猝遭拳匪之亂兵民交誼貴國使館書記生杉山彬竟致被戕殞命該書記生隨使

不測有傷睦誼切疚心業派大臣致祭並頒發內帑以示優卹茲派頭品頂戴戶部右侍郎那

桐為欽差專使大臣親齎國書前往貴國呈遞該大臣忠誠素著朕所深信特令敬謹將事表明

特伸公論東方大局賴以保全義聞仁聲昭布遐邇到京之日首先安民又於和議要端盡力維持

大皇帝盡棄前嫌益敦夙好唇齒輔車之誼歷久

綱六月改總理各國事務衙門為外務部

綱中國之有外務部始此即



以外務部冠各部之首特設總理大臣一人特派奕劻爲外務部總理王文韶爲會辦大臣瞿鴻禨爲尙書並授爲會辦大臣徐壽朋聯芳爲左右侍郎

辛丑和約

綱秋七月奕劻李鴻章與各國聯軍訂立辛丑和約十二款

自各國

開出和議大綱十二條後鴻章歷與磋商詳細節目閱數日之久心力交瘁行在政府屢傳電諭授意駁辯鴻章謂樞臣不明敵情徒亂人意閱竟輒毀之幕僚不及見也鄂督張之洞亦迭電干議鴻章笑曰香濤作官數十年猶書生也之洞深恨之時各國持之甚堅久未定議而鴻章積勞病深不能起瀕危猶口授計畫秩然不紊各國聞之皆深感愴卒如鴻章議簽約履行是爲辛丑和約凡十二款附件十九則最重要者八款如下

一懲辦禍首諸臣端王載漪輔國公載瀾謫戍新疆莊王載勛左都御史英年尙書趙舒翹湯自盡晉撫毓賢尙書啓秀侍郎徐承煜大學士剛毅均正法大學士徐桐前川督李秉衡提督董福祥均革職內閣學士聯元大常寺卿袁昶尙書立山徐用儀侍郎許景澄皆復職其他外省肇禍官員分別懲治二凡肇禍及戕殺陵虐各國人民之各城鎮停止文武鄉試

十二款

五年三分遣親王專使至德日兩國謝罪四許各使館屯兵自衛華人不得雜居其內五禁止軍火及製造軍火各材料入口期以一年六償各國兵費銀四億五千萬兩分三十九年償還年息四厘本息合計總數九億八千二百二十三萬八千一百五十七燬大沽口礮臺及京師至海邊有礙通行各礮臺八得干涉白河黃浦兩水路之改良和約既定各國議撤兵北方人民稍獲安枕

○秋七月詔復廢八股文科舉改試策論 ○詔自明年爲始鄉會試等均改試策論不準用八股文程式又命停止武科童試及鄉會試未幾又詔自明年會試後凡入翰林及以部屬中書用者均令入京師大學堂分門肄業

○太后挈帝自西安回京 ○當辛丑和約之將成也各國公使與奕劻言曰必待兩宮回京而後和約可定奕劻曾以此言電告行在太后猶豫未決而王宮大臣既漸趨行在太后卽欲遷都西安而留京者合詞籲請回鑾疆臣更連名力請至是約成乃下詔還都命都御史張百熙爲蹕路大臣先馳還修治蹕路逮蹕路既成車駕發西安由河南直隸一帶入京

旅費達一千數百萬之鉅。扈從之人雖力戒婪索而仍不能止。以宦官爲尤甚。陝西河南兩省之官民幾不聊生。

○八月詔各省書院改設學堂。○自七月下旬詔各省籌建武備學堂。

停止捐納實官後。至是復命各省所有書院于省城改設大學堂。各府及直隸州改設中學堂。各州縣改設小學堂。並多設蒙養學堂。已而又命各省選派學生出洋肄業。

○九月全權大臣直隸總督李鴻章卒。○鴻章以平粵捻起家。歷縮兵

符。外人稱爲中國偉人。第一晚年手辦國際交涉事尤多。甲午之戰。鴻章獨主和。當時物議頗非之。然兵不夙練。不如主和爲佳。事後思之。未可蔽罪。鴻章一人也。馬關和約。幾斃亂黨之手。至是以辛丑和約。積勞成疾。和約甫成。遂卒於京師。贈太傅。晉封一等侯爵。入祀賢良祠。予諡文忠。尋命於京師建設專祠。子經述襲爵。

○以王文韶署理全權大臣。袁世凱署理直隸總督。○李鴻章既卒。特命二人分代其職。

○冬十月車駕至開封。詔撤消溥儀大阿哥名號。○方溥儀之在西安

改設學堂

李鴻章卒

廢大阿哥

也其父載漪已廢錮猶頑劣加甚時與宦官等私自出外作狹邪遊居行在宮中多不法嘗乘皇后膳時拔后簪珥以為戲樂嗣為帝所見乃明告太后而杖之溥儻憤怒謂帝曰汝知帝位之將屬於我耶而猶岸然自大若此帝雖怒而無可如何其他失德多類此至是車駕至開封溥儻復多行不法騰笑外人太后大怒且以其為禍首載漪之子不便再留宮中特

降諭旨廢之

諭旨略謂李懿旨已革端郡王載漪之子溥儻前經降旨立為大阿哥承繼穆

播遜准先變端載漪實為禍首得罪列祖列宗既經嚴譴其子豈宜膺儲位之重溥儻著撤去大阿哥名號並即出宮加恩賞給入八分公銜俸毋庸當差至承嗣一節關係甚重應候選擇元良再降旨

聯軍撤兵出京

和約既定聯軍至是始撤兵出京仍留保護使館

兵若干名詔賞奕劻親王雙俸榮祿王文韶劉坤一張之洞袁世凱等雙眼花翎宮保銜有差

十一月車駕還京師

自本年四月宣示回都日期後至八月杪始

由西安啓鑾十月達開封十一月自開封啓行由柳園渡河至直隸正定府乘汽車入京是役沿途供張行李之費達一千數百萬先是太后藏金宮中數三千餘萬聯軍護存之及還宮金無恙太后大喜因日益奢恣大

帝不問政

詔許滿漢通婚

吳汝綸爲大學堂總教習

宋慶卒

詔編中西律例

修頤和園窮極奢靡日費四萬金歌舞無休日帝久失愛於太后當逃難在西安時尙有時詢帝意及回鑾後復嫉惡如前帝以是不再問朝政惟例摺則自批之蓋借庸闇以圖自全云

十二月詔許滿漢通婚 詔謂奉懿旨我朝深仁厚澤浹洽寰區滿漢臣民從無歧視惟舊例不通婚姻原因入關之初風俗語言或多未喻今則風同道一歷二百餘年自應俯順人情開除此禁惟宮中遇選秀女仍由旗民挑取不得採及漢人以示限制而恤下情

壬寅二十八年春正月以吳汝綸爲大學堂總教習 自北京大學堂成立後總教習爲劉可毅及拳亂起可毅死於衆匪之手至是遂改派汝綸爲總教習

四川提督宋慶卒 宋慶初統武衛軍勤勞王室中東之役捍衛之功獨多至是卒晉封三等男予諡忠勤以馬玉崑總統武衛右軍

二月詔編纂中西律例 我國以刑罰太苛審判官於罪名未定之先得用刑訊顯與各國通行法律抵觸通商以來各國以中外法律不同爲口實要求領事裁判權由是我國之治外法權遂爲列強所剝落至是

奕劻王  
文韶與  
俄公使  
義訂交  
還滿洲  
條約

俄人迫  
增祺訂  
暫約九  
款

欲廢止各國領事裁判權挽回權利故命改訂刑律詔各國出使大臣查  
取各國通行律例責成袁世凱劉坤一張之洞等慎選熟悉中西律例者  
保送來京聽候簡派開館編纂

三月奕劻王文韶與俄公使雷薩爾議訂交還滿洲條約 日當辛丑

和約之開始會議也俄人獨提出東三省問題謂中俄有特別關係當與  
中政府另開交涉於是一面進兵佔據東三省一面又提倡撤兵之議蓄  
謀至狡當時各國已稍稍注目我政府未之知也特派駐俄使臣楊儒在  
俄京與俄政府議訂交還滿洲條約議未協而俄人竟迫盛京將軍增祺

與訂奉天交地暫約九款一由將軍保護地方助造鐵路二保路俄兵房屋糧食由我供  
備三遣散華兵交出軍火四燬全省鐵古五地方安靖後交回

牛莊等處六地方歸我自備巡捕彈壓七俄派兵駐濟陽預  
聞要公八如華捕力不足由俄派兵相助九以俄文為憑政府以該約多礙主權特

將增祺交部議處而令楊儒向俄外部婉切磋商已而俄人又脅楊儒另  
訂交還條約各款要素尤苛楊儒以萬難應允歷與辨難顧俄人不為稍  
止持之甚堅李鴻章且幾幾許之是為將成未成之秘密條約其大要凡  
八曰俄國仍有滿洲行政權曰俄國仍有留兵保護權曰俄國仍有進退  
華官權曰俄國仍有監督警察權曰俄國仍有訓練軍隊權曰俄國仍有

各國公使相顧

沈家本  
伍廷芳  
修訂法律

袁世凱  
督直隸

金州佔領權曰俄國仍有新疆伊犁等開採礦山權曰俄國仍有牛莊以外不許讓與他國權此約發現各國公使咸相顧愕眙美德奧意四國先向中政府提出警告勸勿畫押日英兩國倡議尤烈同時各省疆吏聯銜力爭東南士民亦多開會演說急電抗阻俄人迫於公論不得已改變其方針至是復與中政府改結交還滿洲條約凡四款

一俄國照佔領以前之原狀將滿洲主權交還中國

二中國政府當任保護俄國在滿洲人民及事業之責為此俄國當自本約畫押之日起以十八個月為期自滿洲撤退兵隊其期限分為三期其先六個月自盛京省其次六個月自吉林省其最後六個月自黑龍江省依期撤退三俄國未撤退兵隊之間配置中國軍隊之地點及其兵數由中俄兩國將軍協定至俄國兵隊悉行撤退後中國軍隊之駐屯地點及其兵數當由中國政府自行擬定但當將其兵數通知俄國四山海關營口及新民屯之鐵路歸還其所有主保護該鐵道線路乃中國政府之責任不得誘引他國使保護之或使修整線路又俄國所交還之土地不許他國占領之其撤兵期限訂定畫押六個月先撤盛京西南段至遼河再六個月撤退盛京其餘各段再六個月撤退黑龍江省

夏四月派沈家本伍廷芳修訂法律 諭現在通商交涉事益繁多

派沈家本伍廷芳將一切現行律例按照交涉情形參酌各國法律悉心考訂妥為擬議務期中外通行是為清末修訂法律之始家本廷芳俱精通法學為一時人才之冠

五月實授袁世凱為直隸總督兩廣總督陶模因病乞休以德壽署理

德壽署  
兩廣

聯軍交  
還天津

與英使  
續議通  
商行船  
條約

與俄使  
議訂交  
還山海  
關鐵路  
條約

兩廣總督 陶模字子方秀水人持躬清正於吏治多所整飭受代後  
即卒予諡勤肅

六月以胡維德為出使俄國大臣孫寶琦為出使法國大臣

聯軍交還天津 天津自聯軍佔據後設立都統衙門治理地方至

是袁世凱與聯軍直接交涉聯軍始允交還由世凱照約接收

八月呂海寰盛宣懷與英使馬凱續議通商行船條約十六款 呂

海寰等根據議和條約十一款內之通商行船各條約與英使馬凱續開

會議於上海修改商定凡十六款一關章及稽罰二國法三貨稅四錢債五行船六租  
建七保護八免釐加稅凡十六節目九礦務十訂約

及開單十一禁令十二獄訟十三傳教十四禁令十五稅則  
十六訂約及互換又附件甲二符論銀幣乙三件論洋債

奕劻王文韶與俄使雷薩爾議訂交還山海關鐵路條款 自交還

滿洲條約訂定後俄允於十八個月內分三期撤兵然屆期俄人殊無踐

約意其第一期不過略減兵數而已至第二期不獨全未撤退更於吉林

增加兵額於是英美日三國復忠告我政府迫俄人實行踐約而俄人悍

然不顧一面擴張軍備以預備第三國之交涉一面更令駐京俄使馬薩

爾與我政府議訂交還山海關鐵路條約凡七款第一款俄國與中國為交還接  
收鐵路各特派全權大臣該全



中國大臣任便揀派辦委員預備養路及保護鐵路之各建造及物料均按實價接收第三款按照  
 一千九百一十一年八月二十五日所定議和網北京留駐保護俄國兵隊一如各國現得及將  
 京師至海峽各兵隊限期之內在海關至營口之鐵路准俄國兵隊及直隸省駐守以保護  
 所得在北京至山海關路之各項利益以便更調該隊先儘行專辦第四款俄國兵隊在山海關  
 則准運俄國兵隊及俄國軍實之船應別項搬運之先儘行專辦第四款俄國兵隊在山海關  
 營口之間或自行來往或在山海關車站所用各房間應交還中國鐵路局准與英俄武員在天  
 津山海關所用中鐵路總局安設電線同時交還第六款本應照本年俄歷四月十六日英中兩  
 關北京一路所裁鐵路線桿上各設電線一節俄國政府亦應照本年俄歷四月十六日英中兩  
 國所定交還鐵路規程第八條各國在北京至山海關所得各利益一律享用辦理第七款由北  
 京至營口郵政寄信一事俄國政府亦應按照各國由北京至山海關一律享用辦理第七款由北  
 用嗣後俄國信件日多倘需另用火車寄送該鐵路總局應允于一日內備車一輛以便每禮拜  
 日隨需用之車輛數目自北京至中國東省鐵路往返運送俄國應付此車之值不過所定運送  
 之數。

**綱**九月兩江總督劉坤一卒以張之洞署兩江總督端方署湖廣總督

**目**坤一於平粵功外拳亂時保護東南又參預於國際重要交涉東南賴

以保安者垂十數年至是卒追封一等男爵予諡忠誠

**綱**以袁世凱為督辦商務大臣與張之洞會同辦理 **目**未幾又以伍廷

芳為會辦大臣並會議各國商約事宜

**綱**冬十月以汪大燮為日本遊學生總監督

**綱**十一月收回電報局為官辦 **目**初電報局由盛宣懷等集商股開辦

收回電報局

劉坤一 卒 張之洞 督 端方 湖廣 督

榮祿卒

官為監督至是完全收回官辦特派袁世凱為督辦大臣吳重熹為駐滬會辦大臣

○癸卯二十九年春三月大學士榮祿卒  
○榮祿本椒房懿戚為太后所信任戊戌政變太后再訓政榮祿之力為多拳匪亂起圍攻使館甚久榮祿陰以調停為己任不與端庶人及剛趙等同惡亦其先見之明也至是卒贈太傅追封一等男爵予諡文忠

詔訂商律

○詔旨謂政務處議覆載振奏請設立商部業經降旨允准茲著派載振袁世凱伍廷芳先訂商律作為則例俟商律編成即行特簡大員開辦商部

與葡牙增改條約

○夏四月與葡萄牙增改條約九款  
○先是光緒十三年春因議辦洋藥稅釐併徵派稅務司登幹往葡國議立節略四款其第二款載明允葡國永駐管理澳門旋葡使來京意在展拓澳界經外務部駁阻遂停議勘界先增改稅則各條至是約成

歷第一款所有葡國與清國于華歷光緒十三年十月西一千八百八十七年十二月所立之通商和好條約

仍照舊遵守弗替其現經議定增改釐入本約各條亦一併遵行第二款所有西歷一千九百零一年九月在北京所立議定條款內第六款所訂加增入口之稅則二國均允行遵照辦理但所後兩國現行之通商和好條約未經增改之先與及現今議定本約一經兩國御筆批准互換之

較諸別國所納之數稍增其西歷一千八百八十七年中國各埠之洋藥稅餉起見照設立  
 革第三款葡國今為襄助清國征收積查澳門出入口之洋藥并徵收應納清國各項稅餉第五款該分關  
 分關一該辦理稅務事宜至于出入澳門之洋藥各口一式照章辦理無異第六款該分關  
 應優待所有由澳門出口各項船隻一如助通商各口之利益第七款凡欲防嗣後有辨論之處  
 應行遵辦之章程須由兩國酌議妥定以免有損兩國之利益第八款該分關所有  
 是以此次所定之增改條約用清葡法三國文字譯出倘遇有清主御筆批准之先則以法  
 文解明所有之疑第八款所有現議定之增改條約未經兩國君主御筆批准之先則以法  
 八十七年所立之條約所附之專約均仍應遵守至是兩國人民應享受該約所給優待之  
 利益仍一律無異第九款所有現議定之增改條約俟清葡兩國君主批准後在北京互換之

雲南周呈祥滋事按察使劉春霖討平之  
 初雲南箇舊地方為錫

雲南周呈祥滋事

鑛著名產出地居民頗眾外國人欲修造鐵路以便交通地方聚眾阻撓  
 官軍往捕遂揭竿起事推周呈祥為首陷安甯府石屏州聚眾萬餘人旋

派按察使劉春霖等率兵剿平之

五月命侍郎銜良會同袁世凱辦理京旗練兵事宜

閏五月廣西匪亂起詔革巡撫王之春提督蘇元春職  
 廣西匪亂

革王之春蘇元春職

數年始於沿邊遊匪繼且蔓延內地提督蘇元春邊防各營與匪鈎連根  
 株盤互元春袒護養癰及之春為巡撫不知整頓吏治以清亂源惟一意

主撫以圖早報肅清至是為兩廣總督岑春煊參奏詔均奪職以柯逢時

為廣西巡撫旋又以蘇元春縱兵殃民缺額扣餉拏交刑部治罪

設立商部

與美續  
議通商  
行船條  
約

設立練兵處

○秋七月命鄭孝胥以四品京堂督辦廣西邊務  
○孝胥字蘇戡福建

閩縣人時廣西匪勢漸戢孝胥遂移駐龍州以備防務

○設立商部  
○以載振為尙書伍廷芳陳璧為侍郎並裁撤路鑛總局

歸併商部

○八月與美國續議通商行船條約十七款  
○商約大臣呂海寰盛宣

懷等與美國來使康格等續議通商行船條約又與日使日置益等議通

商條約至是約成美國條約凡十七款  
建一遣使及儀文二設官及儀文三貿易及租

六開章七礦務八貨稅又稽罰條例九保護禁令十保護十一貿易保護及禁令十二內港  
行船開埠地型十三國法十四傳教十五獄訟十六禁令十七訂約及互換又附件六則

日本國條約凡十三款  
七一加稅事項八訂約九優待十開埠事項十一保護禁令十二訂約事項

十三訂約互換又附件一凡中日續議內港行輪章程十條二三為第  
三款之附件四五為第八款之附件六七係第十款之附件凡七則

○冬十一月設立練兵處  
○自李鴻章平髮捻之亂始以洋槍隊立功

其後督直隸乃摹仿西法練兵設學堂購新械形式頓改舊觀北洋練兵

之名震動一時然有皮毛而無精神終致甲午之敗其後張之洞練自強

軍於吳淞聘用德國士官最多蓋全仿德國制也袁世凱亦練兵於小站

號新建陸軍頗有成效至是命各省將原有各營嚴行裁汰精選若干營

定全國  
兵額爲  
三十六  
鎮

分爲常備續備等軍。其一部分則改爲巡警。又令各省設立武備學堂。以研究戰術。二十九年冬。設立練兵處。以練新軍。命慶親王奕劻管理。而徐世昌段祺瑞王士珍等治之。擬定全國兵額爲三十六鎮。由各省設督練處。以督撫將軍主政。下設兵備參謀教練三處。各有總辦幫辦等。分司其事。軍分三等。一曰常備軍。參仿唐代府兵之制。及歐西徵兵章程。由督撫遴員會同各州縣就土著壯丁。選募編伍。月給全餉。訓練三年。各回原籍。一曰續備軍。以常備軍三年出伍之兵充之。月給餉銀一兩。派弁駐紮各州縣經理。聽其謀生。每年十月。調府會操。給全餉一月。遇有戰事。徵調入營。三年遞退。一曰後備軍。以續備軍三年遞退之兵充之。仍會操候徵。月給餉銀五錢。四年期滿。退休爲民。遇有戰事。年未滿四十五歲。自願應募者。准其入營。常備全軍。自軍統至司書生。凡一千五百九十五員。目兵二萬一千一百二十四名。匠夫二千六百三十六名。分二鎮。鎮有步隊兩協。馬隊礮隊各一標。工程輜重隊各一營。軍樂一隊。協有步隊兩標。標分三營。營分四隊。隊有三排。排有三棚。棚凡十四人。此新軍編制之大略也。自此制行。而前此以綠營改設之常備續備等軍。一律改爲留防隊。綠營之

制自此漸滅。其中央練兵處特命奕劻為管理大臣。以徐世昌充提調。劉永慶充軍政司正使。段祺瑞充軍令司正使。王士珍充軍學司正使。凡三司軍政司統轄六科。一攷功。二蒐討。分五股。曰制度。曰步隊。曰馬隊。曰礮隊。曰工隊。三糧餉。亦分三股。曰支發。曰軍需。曰建造。四醫務。五法律。六器械。軍令司統轄四科。一運籌。二響導。三測繪。四儲才。軍學司分四科。一編譯。二訓誨。三教育。四水師。於是規模大備。後此新軍之成立。大都源泉於此。

綱 頒布學堂章程 目 於省城改設大學堂。各府及直隸州改設中學堂。

各州縣改設小學堂。並多設蒙養學堂。定章程以鼓勵之。凡由學堂畢業考取合格者。給予貢生舉人進士等名稱。又特設管學大臣以專其責。此二十七年事也。二十八年頒定學制。命各省選擇學生。派往西洋各國講求專門之學。其後學制遞經改訂。規模漸具。至是命由張之洞會同管學

大臣將學堂章程悉心釐訂。議定進呈。凡初等小學堂。高等小學堂。中學堂。高等學堂。附設通儒院。五種章程各一冊。又

外國蒙養院一名幼稚園。茲參酌其意。訂為蒙養院章程及家庭教育法一冊。另就原設師範館章程參改訂定。初級師範學堂。優級師範學堂。任用教師等三種章程各一冊。又農工商實業。另擬有初等農商實業學堂。附實業補習普通學堂。及藝徒學堂各章程。中等農工商實業學堂。高等農工商實業學堂。實業教員講習所。實業學堂。通則五種章程各一冊。此外管理法編為各學

堂管理通則一册。又總括設教宗旨。爲學務概要一册。

當時稱爲賅備。並擬定遞減科舉辦法。疏入命次

第推行。尋改管學大臣爲學務大臣。以孫家鼐充之。

○十二月。日本與俄羅斯宣戰。先是日本於迫還遼東之舉。銜俄特

甚。及俄人佔據東三省。日人亦欲令其交還。及交還滿洲條約訂立後。俄

人又不肯踐撤兵之約。日人知戰事必不能免。因與英政府締結英日同

盟條約。而俄人亦與法政府結俄法協約。以抵抗之時。美人欲擴其東亞

商務。因與英日兩國力勸中政府。將滿洲開放。俄使聞之。百計阻撓。更促

中政府改訂新約。中政府左右爲難。兩方面均不敢承諾。未幾俄人復南

下窺伺朝鮮。以冀逞其大欲。日人大懼。日政府乃徑與駐日俄使直接會

商。於是滿洲問題。非復中俄間問題。而爲日俄間問題矣。時日政府既迫

俄人還我滿洲。俄人不允。竟置滿洲交涉於範圍之外。而許日人擴勢力

於朝鮮。以示讓步。然朝鮮自中東戰後。名爲獨立。實處日俄兩虎之蹊。日

政府以擴張權力問題。與俄政府提商數四。卒不就。俄人既欲佔據滿洲

全部。又欲佔領朝鮮北部權利。而僅許日人以朝鮮之南部。一方以議局

與日人周旋。一方則急修戰備。日政府見時機日迫。乃開御前會議。決議

日俄宣戰

英日同盟  
法俄協約

與俄斷絕談判探獨立之行動防衛被俄侵迫之地位保護日本之利益與權利乃致最後通牒於俄並宣告各國與俄人斷絕外交關係駐俄日使亦下旗歸國於是日俄遂即日宣布開戰其戰地卽在中國之東三省

綱宣告各省嚴守局外中立

日俄戰釁既開英美兩國首先宣佈中立於是日政府以中國當嚴守中立爲最要特致通牒於各國略謂俄之紛爭關於日本之利害然亦未嘗不關於中國之利害而本國政府對於無限人衆無限富源之中國雖認爲倘爲我用必收大利然對於其他一方面中國若執交戰之態度當生如何之結果則亦不能不爲之深慮蓋如是以行必使中國之財政愈陷於紊亂縱不至不能償還其債務然必起非常之困難各國在中國之貿易勢將大蒙其弊害且其弊有更甚者無他中國國內排外之感情因此而重行喚起或致重演義和拳之慘劇亦未可知職是之故不得不勸中國政府於日俄開戰之際守嚴正之中立其中立態度俄國如何尊重日本亦如何尊重云云於是英美德等國亦發有通牒認中國中立爲必要並聲明戰地應劃定界限不得侵入中國疆土時中國以國力不足明知此項中立之可羞不得已爲正式之宣



劃戰地  
界限

舉行太  
后慶典

日大兵  
破軍俄  
於旅順  
口

布略言現在日俄兩國失和用兵朝廷軫念彼此均係友邦應按局外中立之例辦理著各省將軍督撫通飭所屬文武並曉諭軍民人等一體欽遵以篤友邦而維大局云云並訂定中立條規若干項宣告各省督撫一體遵守然當時所最難規定者爲戰地問題蓋東三省明明爲中國疆土於事實上已成爲兩國之交戰地若以關東爲界限各國必不肯承認我政府不得已限戰地於遼河以東而劃定遼河以西爲中立地使提督馬玉崑屯兵以備之於國界內而守局外中立可恥孰甚且俄兵時有越界至遼河以西破壞中立我政府雖提起抗議卒歸無效然亦莫可如何也

綱甲辰三十年春正月詔舉行皇太后七旬萬壽慶典

綱日兵大破俄國海洋艦隊於旅順口

目旅順口自中日戰役以來地勢之險要早爲世界所注目迨爲俄人所租借經營互十年投貲凡幾億因天然之形勝築而爲最堅之壁壘此山彼邱遍建各式之礮台既配置無數之巨礮機關砲精槍於其內無論敵人由正面側面來攻皆得自由設備以抵抗此外自地雷狼狽鐵條網等以及逐層布設之防禦材料幾至螻蟻亦無得入之隙其工程之完密殆無倫比然開戰之初日人實注

全力於此以爲全局勝負之樞紐既交綏日人首先擊沈俄艦二艘於仁川在朝鮮境旋率聯合艦隊由朝鮮境趨鴨綠江與俄之太平洋艦隊戰於旅順大敗之轟沈俄艦七艘親王幾利受傷海軍統領馬哈羅夫死之俄人

遂退守港內而日人復以死士堵塞其港口於是俄之海軍遂不復能活動於旅順之方面當俄日未開戰之先俄阿力喀塞克夫爲遠東總督海軍提督告俄皇曰

列爵大公一亦謂必無戰事所領庫督名整軍實大抵自肥故滿洲俄軍兵備不整糧食缺乏及知日本將出于戰阿乃令駐京公使雷薩游說當軸冀英美法各國公使當調停之任而英美兩

使皆拒絕之遂至開戰時西伯利亞東清兩鐵道因構造不全輸送力甚乏加之馬賊隨在與俄爲難運糧尤難期得力然阿雖狠狼而外表鎮靜一若不以其日本爲意者迨仁川一敗旅順再敗

日人以魚雷入旅薄其舟師阿與諸將方張樂高會而俄皇亦于其夕御樂部于某園及歸得阿電知所破皆新艦始如夢覺俄后聞幾利親王受傷勸甚而暈是役也俄之塞艦覆沒統帥淪亡

擊沉之驅逐艦將士無一生者其第一等戰艦彼得阿帕羅司克中三人陣亡尤慘除太平洋艦隊司令長官馬克羅甫提督外計參謀長米拉司副提督一兵官二十三教士一畫工一副管駕一

兵弁等六百餘又陸軍大佐一同時陸軍亦挫於定州其後渡鴨綠下安東克九連破鳳凰日寇所指俄兵皆望風潛逃矣

**綱**日兵敗俄軍於鴨綠江進佔九連鳳凰等城 **目**鴨綠江入海凡三支

河匯流其在東者曰第一江在中者曰中江在西者曰靉河日人欲渡江

以奪俄人所據地則其最急者爲築橋工程而築橋工程爲戰術上最困

難之問題蓋在平野之戰鬪軍力得聚於一點運用自如若河戰築橋其

力勢不得不分且必須先有翼護隊占領築橋地點然後可以從事日人

於槍林彈雨中冒萬險以築建三橋於是日軍遂渡江而西迫俄人所雄踞之九連城而下之並下鳳凰城

日兵進  
佔金州

綱夏四月日兵進佔金州 日金州爲遼東半島之咽喉東控大連灣西臨金州灣東北自十三里台子之高地丘陵迤邐與老虎山相接其南通旅順之道據南關嶺之險近與青泥窪爲犄角扇子山礮臺當金州城南其丘陵之狀橫張若扇俄軍卽踞此要害以防守金州築堅城於險峻之高地線上有大小礮約七十門機關砲八門在數層螺旋之堡壘中穿礮眼以資射擊其山麓周圍一帶布鐵網設地雷鐵網前面四五寸之地掘置陷阱無量數用以防日軍之突進日軍奪勇前攻前死後繼毫無怖色卒由東北方面進取金州城復南攻扇子山砲台而下之於是金州地方完全爲日人所佔有

日兵節  
節進佔

綱六月日兵進佔大石橋營口牛莊及析木城海城等處 日自五月初

日本第二軍攻佔熊岳城進陷蓋平是月日軍進攻大石橋俄人以第一第二第九第三十五各師團及西伯利亞預備兵一師團來拒苦魯巴金親臨督戰受重傷軍士死者二千餘餘遁去爲日軍追擊極形狼狽日軍

遂佔領大石橋及其附近一帶。是日營口俄官聞大石橋受攻甚急，立率師往援，不勝，分道遁。營口同爲日軍所佔，據進薄牛莊、析木城、海城，皆克之。俄軍死者又五千餘。俄軍自出發以來，軍士皆嫉視政府，無鬥志。瓦房店之戰，俄軍甚爲得勢，將領司他克堡大將以有利之可乘，令勿退，且以必勝勗之。衆曰：必求勝者，若自取之，其退如故。司他以手銃擊其顏，行而以末丸自轟其首，以死敗聞。俄皇憂憤，至廢寢食。其國內革命黨勢益猖獗，波蘭亦謀獨立，而新造兩巡洋艦，竟有人欲謀炸燬。

綱秋八月，日兵大敗俄兵於遼陽城外，遂佔遼陽。已又敗俄兵於沙河。

目俄軍主力以遼陽爲中心，其防禦線東自紅砂嶺，湯河沿安平，以張於大西溝，南自鞍山，站以張於騰鼇堡。凡費半年之日力，以全力經營之。彼深知欲守遼陽，不可不固守湯河沿安平，鞍山站諸戰線也。故厚集其力於該地，計遼陽俄軍之總數不下二十六萬人。其自紅砂嶺經大甸子北方高地線，互大西溝北方高地線，而陣於險山峻嶺上者，凡有礮百二十門，步兵六十五大隊。蓋深知乎側面之防禦不堅，則正面之防禦決不能支也。日軍分三大枝進逼於礮火之力所不能施者，則用短兵突擊於正

攻不利者則用旁襲卒佔遼陽而有之是役也前後鏖戰至十日之久兩軍死傷以數萬計爲開戰以來之第一大戰而俄國陸軍主力之全數摧滅已肇端於此

黃興長沙之役

○冬十月黃興謀起兵於長沙事洩走日本  
○黃興字克強湖南長沙人素唱民族主義唐才常漢口之役興與其列事敗走日本入師範學校畢業歸鼓吹革命益力與湖南急進派陳天華宋教仁劉揆一等創設興華會推興爲首領又與哥老會首領馬福益等相結甲辰十月遂謀在長沙舉義爲鄂督張之洞所悉發兵掩捕興僅以身免官場羅織學生捕大學學生十三人殺二人興至上海復渡日本與孫文遇遂相結納共謀革命事業

興華會

孫文黃興合組同盟會

○孫文黃興合組革命同盟會於日本謀建中華民國  
○革命同盟會原爲孫文所首倡先是孫文自光緒戊戌至歐洲考察政治風俗後乙巳春重至歐洲揭三民主義五權憲法號召同志組織革命團體初開會於北京加盟者三十餘人再開會於德京加盟者二十餘人三開會於法京加盟者十數人四開會於日京加盟者數百人及黃興宋教仁等因長沙

中華民國  
名稱  
規定

俄將向  
日乞降

日兵進  
佔奉天  
省城

失敗逃至日本時孫文適自歐洲至日本黃興等聞孫文至開會歡迎於日本東京之富士樓因共組織革命同盟會入會者達萬人公推孫文爲首領是時內地除甘肅無留日學生外十七省之人皆與焉日人稱此會爲留學界空前未有之盛會而中華民國之名稱卽於是時規定公布黨綱經營學劃各黨員皆歸國運動於是革命之事業益盛

綱十二月日兵圍攻旅順俄守將乞降日軍遂進佔旅順口 日旅順港口既爲日人所堵塞於是旅順爲日本海陸軍所圍攻凡歷八閱月之中經大小數十戰日軍善攻俄軍善守均爲一時觀戰者所注目至十一月二十六日俄力漸不支而日人節節進取所有險要悉入日人之手於是俄守將知不能敵自將礮臺及兵艦等悉數炸毀遣使賈書詣日營約降日軍乃木希典大將答書許之遂受其降日軍進佔旅順方五六月間日軍始而仰攻繼而堵塞終而決鬪苦戰經年卒敗俄軍日本陸軍步兵中尉櫻井忠溫嘗著肉彈一書詳述當時鐵血相薄之狀況蓋東洋史上最著名之劇戰也

綱乙巳三十一年春二月日兵大敗俄兵於奉天進佔奉天省城 日旅

順既下日本陸軍遂併力以攻奉天自正月十六日開始激戰至是月初五日止大戰凡二十一日日軍卒進佔奉天俄軍北退據守鐵嶺爲防禦地是役俄軍共步兵三十萬零八百人騎兵二萬六千七百人礮一千五百六十八尊而爲日軍所俘虜者四萬七千人死傷者十一萬六千五百人日本之死傷者亦四萬二千二百人其戰較旅順爲尤烈自此役後俄國陸軍已全數覆滅幾不能成軍

**綱**三月裁撤江淮巡撫改淮揚鎮總兵爲江北提督 **目**自江淮分省後

江蘇京官爭言其不便事下政務處至是奏請裁撤江淮巡撫改設江北提督詔允之卽命劉永慶爲江北提督

**綱**夏四月日本海軍大破俄國波羅的海艦隊於日本海俄國海軍盡殲 **目**方旅順之被圍也俄人以遠東海軍權已全入日本海軍之掌握因調遣其西方波羅的海之海軍艦隊全數東航欲與遠東之艦隊聯合命以第二第三太平洋艦隊之名自俄國起程以爲一萬八千海里之大遠征初行至北海瞥見英國漁船隊誤以爲日本艦隊也轟沈及傷損者共數艘幾開戰釁嗣以議和了解乃得起碇而前抵好望角又因循數月躊

日軍大破俄軍於日本海

改江淮巡撫爲江北提督

俄艦轟開英國漁船幾開戰

日將陰  
率艦隊  
西往

日俄大  
戰於對  
馬海峽

踏不敢進於是世人以爲戰局將終特持滿不發以爲牽制之地不料奉  
天一敗陸軍盡覆終局勝利知無可希望不得已再乞靈於海軍因命波  
羅的海艦隊急行驟進以冀僥幸於萬一既抵日本對馬海峽忽爲日艦  
所圍遂引起空前未有之大海戰先是俄人集合波羅的海大艦隊自三  
十年七月鼓輪而東冀與日本爲海上之角逐日本東鄉大將聞之已爲  
迎戰之準備揚言第一期海戰事畢于十一月下旬回國而陰率所部聯  
合艦隊向西往接波羅的海艦隊惟若邀擊太驟則俄雖戰敗不難入中  
立地以求庇不能使之全歸覆滅或不然而邀擊太緩則俄艦瞬已北進  
將與其海參崴根據地相近擊之未易有功必俟其至進退失據之地主  
客互異之交猝起擊之然後可以一鼓而殲也故俄艦自歐洲出發以來  
留于馬達加斯者半年游弋於安南者兩月然後直北過台灣海峽經中  
國洋面而至對馬島海峽而日艦則始終潛伏其來南洋也聽之其過臺  
灣海峽也聽之其至中國洋面也亦聽之迨至對馬海峽之冲之島日艦  
隊始直出攻擊俄艦奧斯頓盤亞戰艦先爲一礮所中毀其司令台俄將  
福格斃焉嗣後連中數礮傷重而沉餘艦雪蘇完利甘戰艦捺氣麻夫巡洋艦



喇壘麻捺克

巡洋艦

亦受重傷。入夜復被日驅逐艦隊及魚雷艇隊追擊。機

關全損。翌晨飄至朝鮮海面。為日艦信濃丸等所見。未及拘捕而沉。其那

槐林門一艦亦于戰時疊中魚雷四次。登時沉沒。旋日本新高音羽兩艦

搜擊俄艦蘇維忒勒那洋于喜哥根海灣屬朝。沈之。磐手八雲兩艦擊沈

俄艦烏式攷海防艦。第四艦及第二驅逐艦隊。迫脅俄艦兌米脫蕩斯科洋。

駛至歐林島東南海面屬朝。觸礁而沈。其餘俄艦沈沒者。坎內士蘇槐羅

敷亞力山大第三薄羅提諾門。根姆芝加伊魯琴斯克差遣特別船。五艘及

驅逐艦三艘。為日所捕者。奧黎爾尼古拉士第一門。阿潑利尋新加文

防勃濤完逐驅。五艘不知下落者。受爾墨池洋。一艘當坎內士蘇槐羅敷

之將擊沈也。俄總司令官羅司諦司溫司開與部下將士改乘奧黎爾圖

逸至濱田海岸。為日艦俘獲。又第三艦隊司令長官海軍少將尼布格爾

士夫。當日艦圍攻時。度不能脫。遂率軍士降。此外為日所俘者。海軍大佐

納綺麻夫及兵士二千二百二十三。俄國之海軍盡殲。是役也。俄有二十

六艘之主力艦隊。至去其二十二日。艦沈沒。共魚雷艇三艘。兵士死約一

千四百人。說者謂此次日本海之戰。實為古今罕有之大海戰云。

俄海軍  
至是盡殲

俄總司  
官羅司  
獲令官俘

美總統  
勸和俄

俄讓庫  
頁島於  
日

改關東  
三省為  
行省自  
行開放

綱秋七月日本與俄羅斯議和於美國之朴子茅斯 自波羅的海艦

隊被殲後俄國海陸軍已失其戰鬪之力而日本國中徵發已及國民第

二軍戰鬪員漸告缺乏支出軍費總數已達十七億元有奇若再繼續開

戰財力亦有所不及故日本方面亦不利久戰是年秋由美總統羅斯福

發議願出為調停勸日俄構和以正式公文貽兩國政府兩國皆承認於

是各派代表開會議於美國之朴子茅斯磋商月餘以日人要求過奢中

止者再旋由美代表調停結果議訂和約十條 一日本在朝鮮得有最大之權二

選中國四開放滿洲門戶五庫頁島各得一半六交出遼地租契七割讓哈爾濱以南路八俄國

可以經過滿洲之鐵路改為商路九俄國將供養俄俘之費計日金百五十兆元給與日本以代

賠償軍費十日本得 其中關於俄國領土者則割讓庫頁島之半與日本關於

朝鮮者則悉聽日本經營俄不干涉關於關東者則將所得之奉天省權

利東清鐵路之南半及旅順大連灣之租借權均讓歸日本而兩國所駐

之兵隊悉撤回和議既定中國即將關東三省改為行省自行開放而朝

鮮則由日本派遣總監移其外交權於日本並干涉其內政越五年日本

遂併滅朝鮮而有之是役自光緒二十九年十二月起至三十一年七月

止凡歷二十九閱月而始定而黃人之戰勝白人實以此役為嚆矢

詔停科舉 自二十七年七月詔廢八股文後科舉仍每歲舉行至是因日俄之戰全國風動直隸總督袁世凱等遂奏請立停科舉推廣學校廷議從之遂下諭略言三代以前選士皆由學校而得人極盛實我國興賢育才之隆軌即東西洋各國富強之效亦無不本於學堂方今時局多難儲才爲急朝廷以近日科舉每習空文屢降明詔准將鄉會試中額分三科遞減茲據該督等奏稱科舉不停民間相率觀望欲推廣學堂必先停科舉等語所陳不謂無見着卽自丙午科爲始所有鄉會試一律停止各省歲科考試亦卽停止又言學堂本古學校之制其獎勵出身又與科舉無異云自是科舉遂廢學堂日興其留學歐美者所在興起全國風氣爲之一變

吳樾炸  
出洋五  
大臣

綱命載澤戴鴻慈徐世昌端方紹英爲出洋考察政治大臣至正陽門車站爲黨人吳樾所炸不果行 自日俄戰爭後日本以區區三島戰勝強俄一時公論多歸功於立憲而專制不如立憲之說遂騰佈於萬國甚者謂是役也匪直日俄勝負所由分實專制國與立憲國優劣之所由判於俄國國民有實行立憲之要求俄皇不得已於一九零六年下宣布立

孝欽太  
后當國

袁世凱  
等奏請  
立憲

憲之詔其實關東一役俄雖敗挫而損失之多仍以中國爲最巨以國內之領土供異國人之戰鬪人民財產之被傷毀者又無正當之賠償於是中國人民亦紛然並起向政府要求立憲時孝欽太后當國以專制暴戾聞於世對於立憲問題本至鑿枘顧自庚子以來信用載漪縱容拳匪開釁列強既犯天下之大不韙而辛丑回京大阿哥被黜廢立之謀未遂恐帝他日一旦親政攘奪君權不得已思採用立憲制一以粉飾臣民之要求一以爲他日限制帝攘奪君權之地步至本年六月因袁世凱等之奏請立憲遂宣諭允之而先派遣親貴分赴各國考察政治以爲改革之預備是年六月特簡載澤戴鴻慈徐世昌端方等四人爲出洋考察政治大臣分赴東西洋各國考察一切秋七月續派紹英爲出洋考察政治大臣與載澤等共爲五大臣出洋考察政治既啓行至正陽門車站忽爲黨人吳樾所炸吳樾字孟俠安徽桐城人素具種族革命思想先是甲辰春鐵良南下搜括東南財欸樾思炸之未果至是聞載澤等五大臣出洋恐立憲成功轉不利於漢族乃思以炸鐵良者轉炸載澤遂與魯人張榕僞飾僕人裝携彈至車站混入車中見載澤等至力擲之斃送行者四人樾亦

死焉。榕遁去。載澤、紹英均受微傷。遂還。改期首途。已而徐世昌、紹英均他任。以李盛鐸尙其亨代之。十一月首途。至明年六月先後歸國。

○詔舉經濟特科。先是貴州學政嚴修奏准各省設立經濟特科。未及舉行。而政變適起。嗣經二十六年拳匪之亂。變法之詔復下。於是重申前議。至本年秋七月。朝廷詔令各省保送所舉人員。在保和殿考試。凡兩場。一論一策。得袁嘉穀等二十七人。

○八月收回粵漢鐵路合同。自甲午以還。我國各省路鑛等權。爲東西各國所奪者甚巨。及民智既開。痛主權之外落。於是羣思爭回之。粵漢鐵路本由美人承辦。繼爲比人所有。湘省紳士以其違背合同也。與粵省紳士公舉代表赴京。請收回合同自辦。於是駐美使臣與美政府交涉。經年至是始以六兆七十五萬美金收回自辦。其後浙省繼之以蘇杭甬鐵路。原爲英人承辦。然以草約逾期。應行作廢。收歸自辦。他如山西福公。司之鑛約。安徽銅山縣之銅官山鑛約。皆許與英者也。浙江溫台衢各屬之煤鐵鑛。則許與意者也。山東各地之鑛。則許與德者也。一時集會集股。爭回自辦者甚夥。然風會所趨。不加考察。既失信於外人。啓外人以輕侮。

南洋華僑請廢  
美禁華工  
條約

設巡警  
部

新軍大  
會操

嫉視之漸而於未曾興工之路鑛亦以數十百萬金贖之所損尤鉅至山東之鑛多由德人已開無效而廢止者而亦集資贖回尤無取也

○南洋華僑電請廢除美禁華工條約 ○光緒三十年上海總商會因

美國禁止華工入境之約將屆期滿不肯刪除相約不用美貨以爲抵制一時聞風興起徧行各省至是旅外華僑亦公電外部請其向美政府交涉請改前約其時因抵制風潮美商頗受影響既而美政府允優待華商及教習學生游歷人等惟華工之禁終不能除而抵制之風潮旋亦泯滅

○九月設巡警部以徐世昌爲尙書毓朗趙秉鈞爲侍郎 ○我國之有巡警自此始旋從巡警部奏請將各省綠營一律改爲巡警創設警察學堂以培植警務人才自是警察遂爲內務要政之一

○以袁世凱鐵良爲秋操閱兵大臣 ○是秋袁世凱鐵良同至河間閱操是爲新軍大會操之始

○廣西柳州兵變兩廣總督岑春煊討平之 ○廣西兵匪勾結爲亂有

年矣岑春煊自二十九年五月蒞廣東旋卽帶兵赴廣西尋柳督師時廣

西游士各匪四起勾合南

清南寧府治今邕寧縣

泗

清泗城府治今凌雲縣

鎮

清鎮安府治今天保縣

色

清百色直隸廳今百

肅清廣西匪亂

設考察政治館

陸徵祥出使和蘭

我國降為三等國

詔禁革命黨

色柳清柳州府治今馬平縣慶清慶遠府治今宜山縣思清思恩府治今武甯縣潯清潯州府治今桂平縣太平清太平府治今崇善縣等

屬無地不匪。春煊遴選文武分路剿辦。八月還廣東。已而鎮色太泗思南各路漸告平靖。先後擒斬匪首黃五肥等數十人。三十年五月。柳州兵變。柳慶土匪又同時蜂起。春煊復遣龍濟光王芝祥陸榮廷等分路攻剿。擒斬萬餘人。至是始告肅清。詔加岑春煊太子少保銜。巡撫李經羲。丁槐及提督龍濟光等獎叙有差。

綱命尙其亨李盛鐸爲出洋考察政治大臣。自五大臣遇炸後。徐世昌紹英均有別任。至是命尙其亨李盛鐸爲出洋考察政治大臣。會同載澤戴鴻慈端方前往各國考察。尋命政務處大臣籌定立憲大綱。設考察政治館以資預備。

綱冬十月。以陸徵祥爲出使和蘭大臣兼理海牙和平會事。和蘭國首都海牙爲萬國和平會之駐在地。我國欲加入該會以保障東亞和平。特派陸徵祥爲專使辦理此事。其後和平會開會。我國以孱弱故竟降列爲三等國。雖經公使力爭。迄無效果。此實我國莫大之恥也。

綱詔各省嚴禁革命黨。庚子而後。革命思想傳佈益廣。孫文黃興等

監禁章炳麟容

學部立禮部廢

與日使訂滿洲協約

既奔走於外而國內書報亦有提倡革命者癸卯章炳麟鄒容以著革命軍一書上海蘇報館以登載革命論文均被兩江總督派員控於會審公堂蘇報館被封章炳麟鄒容均監禁於上海租界之西牢甲辰廣西叛亂蔓延全省柳州兵變其勢尤亟雖其間不無會黨中入參與軍事然於新思想之革命尙未能幾及是年廣州有洪全福之變上海有萬福華槍殺王之春之事則皆與革命運動有關者也至是開會演講信者益衆革命排滿之說傳播遐邇且其志在實行推翻滿洲政府朝廷聞警頗爲惶懼因傳諭各省嚴加禁示諭旨略謂今有不逞之徒造爲革命排滿之說煽惑遠近淆亂是非查其跡實爲假借黨派陰行其叛逆之謀若不剴切宣示嚴查禁恐譁張日久愚民無知被其惑必至人心不靖異說紛歧不特於地方有害治安且於新政大有阻礙著各將軍督撫飭地方該管文武官吏明白曉諭認真嚴禁

十一月設立學部 學部之設始此學部既設禮部遂廢詔以榮慶

爲尙書熙瑛嚴修爲侍郎並以國子監歸併學部

奕劻瞿鴻璣袁世凱等與日使小村壽太郎訂立滿洲協約 日俄

和約既成凡俄國在滿洲南部權利盡讓與日本然滿洲南部爲中國領

土應由中國承認日政府遂特派小村壽太郎爲全權大使至北京我政

府亦派慶親王奕劻及大學士瞿鴻璣直隸總督袁世凱爲全權大臣與





宣示教育宗旨

辦第十一款。滿韓交界陸路通商。彼此應按照相待最優國之例辦理。第十二款。中日兩國政府。允凡本日簽名蓋印之正約暨附約所載各款。遇事均以彼此相待最優之處施行。

丙午三十二年春二月宣示教育宗旨。詔曰考各國學制大別有

二曰專門曰普通而普通尤為各國所注重普通云者不在造就少數之人才而在造就多數之國民今因中國政教之所固有而亟宜發明以距異說者有二曰忠君曰尊孔又宜箴砭以圖振起者有三曰尙公曰尙武曰尙實請將欽定教育宗旨頒示天下懸之京外學堂

查辦江西教案

三月江西教民作亂殺南昌縣江召棠派侍郎梁敦彥前往查辦

神父王安之殺南昌縣

江西省民教素多齟齬至是因釋放有罪教民臬司余肇康飭南昌縣江召棠將該兩犯拘回正月晦日主教郎守信神父王安之邀江召棠赴宴至即令屏退從者祇容一人入內酒半王安之威逼江召棠釋放教民且索償款江召棠答以稟明上憲再行核辦王安之不許強之立據江召棠堅持不允王安之怒以刃刺其咽喉食管幾絕旋卒且逕赴撫署捏報江令自刎贛撫胡廷幹查辦不力民皆怨之越三日而亂作攻毀法教堂一學堂二斃法人六又波及英教堂一被害英人三全城大震贛撫即電告外務部與英法二使交涉於是外部派梁敦彥偕法使館人員前往查辦

尋以給撫卹賠償銀結案

綱議約全權大臣唐紹儀與英使薩道義訂立中英印藏條約六款

與英訂立印藏條約

自光緒十六年與英訂立印藏條約八款承認哲孟雄爲英屬土十九年

又與英訂印藏續約三款允開亞東爲商埠設關互市英人得設官監督

於是英人在藏勢力乃益鞏固藏人聞之頗不悅自續約成立後藏人對

於中政府信仰之心驟減漸轉移而親俄先是俄人謀擴利權於中國之

西部特遣德爾智氏入藏祕密運動以喇嘛衣冠與達賴喇嘛相款洽誘

使從俄俄又續派探險兵隊赴藏調查給以軍火餌以財貨達賴益惑之

至是遂有向俄之決心且因德爾智崇拜喇嘛故誤以俄國爲同教國遂

私遣其外務長官大喇嘛赴俄上俄皇以護法皇帝之號俄員又爲達賴

畫策密購軍火謀抗英兵故英自續約互市後其條款以達賴抗拒迄未

實行會達賴殺其大喇嘛第穆呼圖克圖沒其所居闡宗寺之財產藏人

冤第穆而不直達賴達賴漸失衆心而俄人又以日俄戰起爲日人所窘

不能兼顧西藏英人乘隙藉口英國利益爲俄人侵害舉兵進藏中政府

遣駐藏大臣裕綱往和解之而達賴倚德爾智爲謀主不願議和思與英

俄兵赴藏

上俄皇法號

英兵進藏

命有泰  
為駐藏  
大臣

藏訂印  
正約

人一戰乃止裕綱之行而徵土兵爲戰備西藏土兵以乍丁爲最強然無紀律甫抵拉薩卽圍攻駐藏大臣衙署死者數十人經藏官彈壓始止旋開往前敵甫臨戰卽鳥獸散藏兵屢敗英燄益張朝廷乃命有泰爲駐藏大臣以代裕綱有泰商之達賴願自往阻英兵達賴不允顧亦別無禦侮策惟令部下誦經咒英兵速死而已未幾英兵長驅而進直據拉薩達賴北遁有泰以達賴誤兵機且擅離招地請革其名號此三十年六月事也同時英將已與藏官議訂印藏私約十款於春丕除前約所開亞東一埠外兼開江孜噶大克爲商埠暫留英兵戍藏俟應償兵費七百五十萬盧比繳清後撤退是爲印藏條約然西藏爲我國領土無直接議約權駐藏大臣有泰以未與議不肯畫押當然無效而英人乃以之照會政府政府隨於是年九月命唐紹儀爲議約全權大臣往印度議廢該約英人不許議久不決至是乃移歸京師與英使薩道義議訂中英印藏正約六款英國承認中國有西藏之領土權而以前所定之印藏條約爲附條由中國承認翌年又遣張蔭棠赴印議訂印藏通商章程十五條於是印藏兵事始得一結束

先是紹儀自三十年九月奉命赴藏至十一月始成行于三十一年正月至印度與英議約專使費利夏讓不諧二月詔以紹儀接任駐英公使命直赴英京

毋庸赴藏時達賴已自庫倫折回西寧十二月榮赫鵬忽派兵擁後藏班禪入印而紹儀在印磋商條約既已經年舌瘡筆秃迄無成議由外務部奏請移至京師商辦時值日俄休戰日使小村壽大耶來議遼瀋約乃召紹儀還國紹儀遂擊贊梁士詒歸而光緒三十年榮赫鵬與達賴所諭令與薩使交涉藏事往復磋商至是始克就緒計正約六條而光緒三十年榮赫鵬與達賴所訂之英藏條約仍附是約之後一切承認之英藏所立之約英續訂印藏條約而已遂于現立之約作簽押正約一光緒三十年七月二十八日英藏所立之約英續訂印藏條約而已遂于現立之約作附設法將彼此允認切實遵守並將更訂批准之文據亦併入此約及不干涉西藏一切政法時亦應允不准他國干涉藏境及其一切內治三光緒三十年七月二十八日英藏所立之約與中國商定在該約第二款指明兩次商印條約其所得各款如與本約及附約無違背者均應緒十六十九年中國與英國所定兩次商印條約其所得各款如與本約及附約無違背者均應切實施行五此約分轄中國全權大臣畫押之日起限三箇月在倫敦互換此約中文英文各繕四份共八分兩國全權大臣畫押蓋印為憑士詒字燕孫

宣示預備立憲

**綱秋七月宣示預備立憲** **五大臣之出洋也** 由日本徧歷歐美諸名邦悉心考察隨於本年正月奏請朝廷宣布立憲 奏言憲法所以安國內禦外侮固邦基保人民濫觴英倫

布憲法且立憲政體利君利民無不次第舉行如俄國憲法皆有君位尊嚴無對君統萬世不易

君權神聖不可侵犯諸條而民間之利則租稅得平均訟獄得控訴下情得上達身命財產得保

護地方政事不得參預補救獨官吏聽上之監督或特簡或公推有一定責成殷食墨疲究非上

罷斥即下攻退無少依違憲法之可法如此保邦致自治非此末由惟開風化之先肅紀綱之始有

特降諭旨期以五年 **奏上未決行至本月初五大臣先後回國復奏請宣布立憲宗旨旋奉諭旨命開御前會議結果多數贊同至是遂下詔宣示天下**

五大臣回國

預備立憲

在各國交通政治法度皆有彼此相因之勢我國政令積久相仍日處陪危憂患

迫切非廣求智識更訂法制上無以承祖宗締造之心下無以慰臣庶治平之望現載澤等回國陳奏皆以國勢不振皆由於上下相睽內外隔閡官不知所以保民民不知所以衛國而各國之

所以富強者實由於於行憲法取決公論軍民一體呼吸相通人和有由來矣今我國亦惟仿行憲政經劃政務無不公之黎庶又兼各國相師變通利盡政通人和有由來矣今我國亦惟仿行憲政

大體統於朝廷庶政公諸輿論以立萬年有道之基但目前規制未備民智未開若操切從事徒布空文何以對國民而昭大信故廓清積弊明定章程必從官制入手亟應將官制分別議定次

第更張並將各項法律詳慎釐定而又廣興教育清理財政整頓武備善設巡警使紳民明晰國政以備立憲基礎着內外臣工切實振興力求成效俟數年後規模粗具查看情形參用各國成

法妥議立憲實行限日再行宣布天下視進步遲速定限期遠近著各省將軍督撫曉諭士庶人等發憤為學各明忠君愛國之義合羣進化之理勿以私見害公益勿以小忿敗大事尊重秩序

保守和平以儲立憲國民之資格有厚望焉

詔禁鴉片

八月詔禁鴉片

詔謂朝廷以變法自強厲行憲政不宜有鴉片之

汚毒弱國病民飭定限十年之內將洋土藥之害一律革除淨盡

九月詔釐定官制

預備立憲先以改革官制為入手方法至是遂

詔改定官制內官制仍以軍機處為行政總匯其內閣外務部吏部學部

禮部均如舊巡警部改為民政部戶部改為度支部以財政處稅務處併

入太常光祿鴻臚三寺併入禮部兵部改為陸軍部以練兵處太僕寺併

入商部改為農工商部而裁撤舊時之工部另設郵傳部以理交通理藩

院則改為理藩部共為十一部各部除外務部外均設尙書一員侍郎二

釐定官制

員不分滿漢都察院改為都御史一員副都御史二員又改大理寺為大理院並增設資政審計二院俾議一切法制檢查各機關報銷以為議院之預備旋命以鹿傳霖為吏部尚書溥頹為度支部尚書溥良為禮部尚書鐵良為陸軍部尚書戴鴻慈為法部尚書張百熙為郵傳部尚書壽耆為理藩部尚書其民政部尚書徐世昌學部尚書榮慶農工商部尚書載振均不更換命鹿傳霖榮慶徐世昌鐵良均開去軍機大臣專管部務命奕劻瞿鴻璣仍為軍機大臣世續補授軍機大臣林紹年在軍機大臣上學習行走

頒禁烟章程

冬十月頒行禁烟章程十條

政務處所奏定也

一限種烟粟以淨根株  
二分給牌照以杜新吸

三勒限減癮以蘇痼疾四禁止煙館以清淵蔽五清查煙店以資稽察六官製藥方以便醫治七准設戒烟會以安善舉八責成地方官督率紳董以期實行九嚴禁官員吸食以端表率十商禁洋藥進口以過來源

萍鄉之役

江西萍鄉革命軍起事江贛湘鄂四省兵擊敗之 先是哥老會首領馬福益謀革命湘撫俞廉三偵獲殺之其黨大憤黃興自日本潛回湖南與之結合編為革命軍共圖大舉其計劃擬分三路進兵一踞瀏陽以

進窺長沙一踞萍鄉之安源礦路為根據地一由萬載東出瑞州南昌諸

袁世凱  
請罷兼  
差

張百熙  
卒

詔改盛  
京將軍  
爲總督

郡以援應長江事洩瀏陽之軍先發據麻石文家布金剛頭等處萍鄉之軍全礦工應之據高家臺上粟市桐木並入宜春之慈化等處於是江贛湘鄂四省紛紛派兵贛軍奪上粟市革命軍敗走未幾湘鄂軍會合革命軍屢敗遂潰散朱元成胡瑛被獲監禁姜永旦李燮和均潛遁黃興復走日本湘鄂間革命運動之失敗蓋合唐才常漢口之役黃興長沙之役並此而爲三矣

袁世凱請罷兼差 袁世凱奏請開去各項兼差並以第三第五第

六鎮新練陸軍歸入陸軍部直轄詔允之

十二月以鳳山總統新訓練軍 鳳山滿洲人袁世凱既開去各兼

差以新軍歸入陸軍部直轄至是詔以鳳山總統一二五六四鎮新軍訓

練

丁未三十三年春正月以岑春煊爲四川總督錫良爲雲貴總督

二月張百熙卒 百熙與唐紹儀因事互相揭參受申飭歸恚憤成

病卒予諡文達

三月詔改盛京將軍爲東三省總督兼管三省將軍事務奉天吉林黑



增置府廳州縣

改東三省為行省徐世昌為總督

龍江各設巡撫。初滿人之入關也取明人原有之土地以為玉食之

資而對於其開始創業之滿洲轉不甚注意盛京雖號稱陪都設戶禮兵

刑工之五部然幅員遼闊僅設奉天錦州兩府以治之吉林黑龍江則視

為邊防隸諸盛京統部之下咸豐以來東北喪地數千里之多清人視之

若不甚惜從未加以切實之整理迨中日日俄兩役後始知邊地未可輕

視至是乃增置府廳州縣建為行省並詔改盛京將軍為東三省總督而

於奉天吉林黑龍江各設巡撫以資控禦

以徐世昌為東三省總督唐紹儀為奉天巡撫朱家寶為吉林巡撫段

芝貴為黑龍江巡撫。東三省既改建為行省設總督巡撫等官至是

乃命徐世昌為東三省總督並授為欽差大臣而以唐紹儀為奉天巡撫

朱家寶為吉林巡撫段芝貴為黑龍江巡撫已而段芝貴為御史趙啓霖

參劾罷職以程德全署理黑龍江巡撫

夏四月御史趙啓霖革職。自段芝貴奉命署理黑龍江巡撫後御

史趙啓霖具疏糾參稱慶王奕劻之子貝子銜鎮國將軍尙書載振至東

三省查事還過天津道員段芝貴以一萬二千金購歌妓楊翠喜以獻復

從天津商會王竹林措十萬金爲慶親王壽禮等語奉旨派載灃孫家鼐確查。至是以查明楊翠喜實爲商人王益孫買作使女。王竹林係河南候補道。充當天津商務局總辦。實無措金給芝貴之事。覆上。啓霖以汚讎親貴重臣名節奪職。時芝貴已命毋庸署理。巡撫載振旋亦奏請開去各項差使。優詔許之。至六月復啓霖職。

○廣東潮州革命軍起事旋被擊敗。○萍鄉革命軍失敗後繼起者則

有廣東潮惠之役。丁未四月潮州饒平縣黃岡會黨與福建韶安縣白石鄉後嶺鄉會黨相結謀取黃岡協署之槍械起事。適黨中人爲警兵所捕。押入協署。乃率衆圍攻協署。戕殺官吏數人。佔領協署。克寨城。攻并洲。與潮州鎮之兵會戰。不能勝。退至大澳山。復爲鎮兵襲擊。鎮兵運開花礮攻寨城。遂棄寨城遁。同時惠州會黨在距府城二十里之七女湖起事。博羅縣之會黨應之。府城戒嚴。營團齊集。會黨聚於柏塘之八子凹。爲營團擊敗。乃入歸善之蔗塘。營團復於官鞍等地堵截之。遂潛散。是二役皆孫文所運動。雖旋起旋滅。然其黨不以失敗而灰心。是年七月復有欽廉之役。

○五月大學士瞿鴻禨罷

○鴻禨在軍機處與奕劻不協及奕劻載振

屢為言官參劾中西報紙攻擊不遺餘力奕劻疑為鴻璣所使嗾學士惲毓鼎參鴻璣暗通報館授意言官陰結外援分布黨羽疏入命孫家鼐鐵良查明具奏又詔姑免深究著開缺回籍

○大學士王文韶因病乞休允之以張之洞協辦大學士

○詔改各省官制 自去年九月詔改官制後內官制既以釐定至是

遂發布外官制改各省按察使為提法使增設巡警勸業二道裁撤分巡分守各道分設審判廳增置佐治員命由東三省先行開辦直隸江蘇兩省亦擇地先為試辦其餘各省分年分地請旨辦理統限十五年一律通行未幾又設憲政編查館於京師其辦法以釐訂法律廣興教育清理財政整頓武備普設巡警五事為籌備基礎並停止實官捐廢除科舉禁絕鴉片以十年為限其所謂籌備者如是而已

徐錫麟  
安徽巡撫

○徐錫麟鎗斃安徽巡撫恩銘被逮與其黨陳伯平馬宗漢均死之

徐錫麟浙江紹興人嘗在紹興設大通學堂專重兵式體操與竺紹康王金發等相結聯絡嵗縣會黨謀為革命運動也旋游日本擬學陸軍以體格不合改習警察與陶成章及女士秋瑾等共謀覆清及回國又與同志

王文韶  
乞休  
詔改各省官制

陳伯平馬宗漢等設光復會於上海私念欲謀革命不可無憑藉因納捐道員指省安徽謀由安慶起事直取南京既抵省謁皖撫恩銘縱談軍政恩銘甚異之又以其爲湘撫俞廉三之甥俞固以捕殺革命黨著稱者也遂委辦陸軍小學兼巡警學堂會辦錫麟卽在安慶運動軍警各界陶成章復聯絡金華府屬武義永康東陽諸縣之九龍會雙龍會各會黨秋瑾在紹任大通女學校長與竺王等部署紹興嵊縣及仙居縣之各會黨編立軍隊分爲八軍以光復漢族大振國權爲號適武義會黨爲府縣偵獲謀洩黨人遂決計速發五月二十六日徐錫麟因其所辦巡警學校學生畢業之期邀集皖省官吏往閱學生操擬乘隙聚而殲之而聯合軍警以起事當閱操時徐於禮堂中出手槍連擊恩銘中七槍脣腰及兩腿皆受傷最後由尾閭洞穿小腹遂仆地文武巡捕及門役死者數人餘均散去徐率學生隊據軍械局緝捕營管帶杜春林巡防營標統劉利貞等率防營兵圍之其黨陳伯平戰死徐及馬宗漢被獲藩臬兩司會讞謂徐曰恩撫待你不薄何出此徐大言曰恩撫待我個人之私也我殺恩撫天下之公也速殲我無株連他人遂殺之並做張汶祥刺馬例剖心致祭衛隊某

並取其肝烹食之恩銘既死以布政使馮煦代為安徽巡撫

綱六月浙江巡撫張曾敷逮紹興大通女學校校長秋瑾殺之

麟既敗皖撫馮煦即密電浙江巡撫張曾敷令搜索黨人會紹紳胡道南

告密於紹興知府貴福謂大通學校校長秋瑾密藏軍火校中謀為變貴

福即微服宵行馳省告密曾敷立派巡防營統領李益智赴紹捕瑾既抵

紹會同貴福率兵圍大通學校值暑假學生留校者僅十數人貴福遂命

開槍斃二人傷七人秋瑾被拘教員程毅及學生六人亦捕去貴福與山

陰會稽兩縣嚴刑酷審瑾堅不承惟書秋雨秋風愁煞人七字而已因搜

軍火無著謂在瑾衣帶中起出手槍一枝指為身帶凶器遂援以具獄殺

之于軒亭口

時瑾年三十三既被害暴屍道路無敢收葬者石門徐自華桐城吳芝瑛兩女士下地西湖西泠橋畔築石葬之

前監督孫德清富紳許仲清並被拘押俱以捐納巨金獲免山陰知縣李

鍾嶽及貴福刑幕陳某均以爭此案不平被撤逐

綱秋七月廣東欽州革命黨起事攻陷防城旋被擊敗

先是數月前

廣東廉州三那地方有萬人會以劉恩裕為首抗抽糖捐官吏勸諭解散不聽遂調營兵前往駐於那彭墟會眾襲之為營兵擊敗營兵乃攻三那

女革命  
秋瑾死

欽州之  
役

堅守一晝夜始破衆他遁營兵退復聚至是欽州土人張得清乘機起潛與革命黨人通由越南運入軍火與三那之黨會聯合率衆圍攻欽州防城城內守兵先與黨人通立潰散衆遂入城復分兵攻欽州圍靈山那旦那彭白鶴洞諸會黨應之清吏調重兵進擊革命黨以乏糧無援遂爲所敗防城爲清軍奪回欽靈之圍亦解那旦那彭白鶴洞鳳凰墟諸會黨悉平是役亦孫文黃興所運動未數月而又有鎮南關及河口之役

○春煊初督兩廣頗有政聲旋召進京任郵傳部尙書以劾罷侍郎朱寶奎慶親王奕劻等以爲不便會廣東欽廉黨事起遂命春煊復爲兩廣總督將借此以出之春煊奏辭不許既至滬將赴任適有小疾特旨命開缺以張人駿爲兩廣總督

○設憲政編查館歸併會議政務處於內閣  
○自光緒三十年設立考察政治館後至是慶親王奕劻等奏言竊自上年恭奉諭旨豫備立憲以來臣民喁喁望治現在入手辦法總以研究爲主研究之要不外乎編譯東西洋各國憲法以爲借鏡之資調查中國各行省政治以爲更張之漸凡此兩端皆爲至當不易刻不容緩之事擬請旨將考察政治館改爲憲

政編查館以便切實開辦云云得旨允行並詔改併會議政務處歸入內閣

○以張之洞袁世凱爲軍機大臣趙爾巽爲湖廣總督陳夔龍爲四川總督楊士驤爲直隸總督

○八月命汪大燮于式枚達壽分赴英德日本考察憲政

詔設資政院

○詔設資政院以溥倫孫家鼐爲總裁 自立憲詔下後舉國踴躍爭

請設立議院朝廷以時機未熟程度未及爲詞旋由憲政編查館奏請先設資政院以爲之倡資政院者以取決公論豫立議院基礎爲宗旨設總裁二人總理全院事務以王公大臣著其勛勞通達治體者由特旨簡充副總裁二人或四人佐理全院事務以三品以上大員著有才望學識由特旨簡充議員以欽選及互選之法定之會議期分常年會及臨時會兩種開會閉會均明降諭旨刊布官報此其建設大綱也既擬設立至是遂詔以溥倫孫家鼐爲總裁惟溥倫年止二十餘歲以年少親貴總裁院政時論頗反對朝廷不答至十二月詔卽開辦以景星俞廉三丁振鐸曹鴻勛陸元鼎協理事務旋又命寶熙沈雲沛爲幫辦

詔各省  
設立諮  
議局

與英人  
商訂蘇  
杭甬借  
款造路  
章程

**綱**詔各省設立諮議局。諮議局者所以為各省採取輿論之地。以指

陳通省利病。籌計地方治安。為宗旨。其議員由各省地方選舉。會議期分

常年會及臨時會二種。均由督撫召集。應辦事件如下。一議決本省應興

應革事件。二議決本省歲出入預算事件。三議決本省歲出入決算事件。

四議決本省稅法及公債事件。五議決本省擔任義務之增加事件。六議

決本省單行章程規則之增刪修改事件。八選舉資政院議員事件。九申

覆資政院諮詢事件。十申覆督撫諮詢事件。十一公解和解本省自治會

之爭議事件。十二收受本省自治會或人民陳請建議事件。時憲政編查

館既奏請設資政院。至是復奏請做省議會之制。設立各省諮議局。俾得

建議地方一切事宜。故有是命。

**綱**與英人商訂蘇杭甬借款造路章程。先是光緒二十四年。英人有

承修五路之請。一、津鎮路。由天津至鎮江。二、滬浦路。由河南山。西兩省至長江。三、廣九路。由九龍至廣州。四、浦信路。由浦口至信陵。五、蘇杭甬路。由蘇州至杭州。展

至甯波。旋訂草合同四條。一、訂立草約章程。與滬甯鐵路章程一樣。二、將來訂正約。仍與滬甯正約一樣。三、從速測勘。四、如有地方窒礙之處。即行更正。

至三十一年。蘇浙兩省紳商爭請收回自辦。風潮頗烈。旋由盛宣懷與英

使磋商。請收回自辦。並函催銀公司議廢前約。銀公司不允。而蘇浙紳商



又一致拒絕借款尋奉諭旨輿情不可不順以本省之人造本省之路政府未便禁阻英使則謂本省辦路原屬合例惟蘇杭甬路成據具在斷難失信堅請切實照辦經宣懷等力爭嗣擬分辦路借款爲兩事路由中國自造不足則仍需款英金一百五十萬鎊向英公司籌借另指的款爲抵押使公司不能藉口干預路務旋奉諭旨謂據浙省紳商請收回自辦故飭盛宣懷妥籌收回原爲曲體輿情起見惟江浙所集股款不敷尙鉅而英人迭次執言未可一味拒絕應照借款造路分爲兩事辦法以昭大信至是遂命外部派員與英人商訂借款造路章程其後蘇杭甬路卒歸兩省自辦紳民慷慨任股頗形激昂云

廣西之役

○冬十一月孫文黃興合攻廣西鎮南關克之旋敗退  
○自欽廉退敗後孫文黃興遂合謀改由安南進攻廣西是年冬孫文聯絡那模村一帶游勇百餘人於十月三日夜克取鎮南關佔領鎮南鎮東鎮北三礮臺次日清軍官陸榮廷率營兵往攻而孫文黃興由安南東京乘汽車至礮臺督戰開礮轟擊連戰七晝夜卒以軍火不繼爲清軍所擊退走入安南至十一月鎮南關仍爲清人所取

○諭禁學生干預政治及開會演說 自三十二年七月宣示預備立

憲後人民歡躍各自立會研究當時外交內政有違反民意者輒開會討

論發電爭持政府恐其藉口立憲為干預政治地步特下詔嚴禁至是因

力爭俄約光緒之末俄人以借債政略經營蒙古蒙古王公多困窮及蘇杭甬抵款等

事學生等頗多開會演說排擊朝命又因革命黨時起時伏多半皆青年

學生所為故復有嚴禁之諭

○十二月命提督姜桂題帥兵馳赴浙江 時蘇浙兩省商民力爭蘇

杭甬鐵路收回商辦適蘇浙交界有梟匪滋擾朝廷採用高壓手段特派

命姜桂題率兵南下以資鎮懾旋報梟匪解散姜軍不果行

○戊申三十四年春正月廣東緝獲日本輪船私運軍火尋命釋之 是

先是廣東水師提督李準接駐日偵探密電有革命黨人在日本購運大

宗軍火請即截拿等語因派寶璧兵輪管帶吳敬榮等前往查拿果見有

日本輪船名二辰丸者停泊九洲洋海面起卸貨物形迹可疑即往盤詰

該艦置之不理吳管帶立登其船船主猶岷強吳管帶示以海圖謂此處

確係中國海面又無准單即為私運照約當船貨充公船主始無言時有

日輪私  
運軍火

日本輪  
允換龍  
旗

日使強  
硬

賠款服  
禮結案

設立禁  
烟所

葡萄牙艦往來遊弋似有尋釁意吳管帶請撤換龍旗免使葡人疑我與日人破壞和平公約船主允之葡艦始駭而去遂以二辰丸帶回虎門內一面電告外務部一面按照海關會審章程第二條請駐粵日領事前來會審日領事不允由外部與日使交涉日使更強硬且索中國賠償並要求懲官謝罪交涉幾致決裂於是外部大餒遽爾屈伏與日使議訂五款了結一允將卸下日旗之官員懲罪並允謝罪二二辰丸立即釋放三扣留軍火由備價買回共日金二萬二千四百圓四拘獲二辰丸之官員懲罰五二辰丸拘留後之損失允爲賠償是役也粵督張人駿及寶璧管帶吳敬榮頗有強項名而外部因國勢孱弱之故急圖息事遽以賠款服禮結案粵人聞之大憤議抵制日貨以圖自立然以此爲粵省問題影響不及於各省抵制風潮旋亦熄滅

三月派溥偉鹿傳霖景星丁振鐸爲禁烟大臣並設立禁烟所 時朝廷厲行禁烟特派溥偉鹿傳霖景星丁振鐸充辦理禁烟大臣京外俱設立禁煙所凡司員及屬僚有嗜好者調所查驗

夏四月綏遠城將軍貽穀有罪逮問 初貽穀放墾蒙地浮收漁利

雲南河  
口之役

派唐紹  
儀爲美  
專使

每畝竟多至三百數十兩。每畝定價銀三錢且縱勇丁濫殺燒斃台吉丹丕爾一家五命。又副都統文哲輝阿附貽穀。隨同畫策侵挪。至是又復互劾。朝命派鹿傳霖紹英查勘。尋得舞弊實迹。下詔褫職逮問。着卽押解來京。交法部審訊。監追治罪。後卒以賄免。

孫文黃興遣其黨攻雲南河口。克之。旋敗退。方孫文黃興之攻鎮

南關也。同時遣其黨人往雲南之河口運動。潛師於邊界者百餘人。與雲南清軍聯絡。戊申三月二十九日舉事。清軍皆不戰。遂攻河口。得之。南溪等處均失守。並佔領四礮臺。清兵之來降者達五千人。黃興自越南海防至河口。督師分兵三路。一沂紅河攻蠻耗爲西路。一由古林箐趨開化爲東路。一直攻蒙自爲中路。滇督聞警卽出省駐通海縣。調集營隊亦分三路迎擊。革命軍敗退。所得地亦次第喪失。此二年間。孫文之黨在雲南兩廣。凡五舉事皆不就。清政府卽電請法政府逐孫文等離去安南。自是孫文以安南日本及香港等處皆不能自由居住。遂赴美洲專認籌款。而國內運動則悉以委之黃興胡漢民等人。

六月派唐紹儀爲赴美專使。以美國減收庚子賠款。特派紹儀爲

專使前往致謝

綱秋七月查禁政聞社

綱八月詔定實行預備立憲年限以九年爲期召集國會 目自預備立憲詔下後而封閉報館箝制輿論對於憲政進行頗多窒礙三十三年四月袁世凱等復奏請實行立憲九月南洋華僑聯名請願求實行立憲湘人熊範輿等亦聯名呈請設立民選議院本年六月預備立憲公會鄭孝胥等復聯名請願速開國會而各省人民公舉代表入京請願者踵相接八旗人民亦與其列同時日本謀併朝鮮侵及遼東禍延眉睫政府睹此情形知不可以因循搪塞乃於八月朔日下詔定實行預備立憲年限以九年爲期一切事宜分年籌備自光緒三十四年起至光緒四十二年止俟籌備之事一律辦齊再行召集國會自是各省諮議局自治所審判廳檢察廳等紛紛創行全國風氣爲之一變

奏進憲  
法大綱

綱慶親王奕劻奏進憲法大綱 目實行立憲之詔既下憲政編查館卽擬具憲法大綱由奕劻奏進同時於憲法大綱外又有議院法選舉法要領及議院未開以前逐年應行籌備事宜詔將所奏刊刻謄黃分發在京



冀其悔悟。飭地方官隨時存問。並敦促其回藏。事在光緒三十二年。是年達賴還藏。翌年奏請入京。陛見。詔許之。而沿途騷擾。怨讟繁興。既至京朝。廷不加罪責。且優以賞賚。崇其封號。尊之曰誠順贊化西天大善自在佛。己而達賴欲回藏。當時識者僉謂宜留達賴於京師。免生他變。且以維繫藏人之心。然朝廷恐別生枝節。不欲多事。卒遣回藏。

帝崩

○冬十月癸酉帝崩。帝天表靜穆。廣額豐下。於法當壽。然畏太后甚。口素吃。遇責問輒戰栗不能發一語。歸自西安。尤養晦不問事。寄位而已。左右侍閹皆太后心腹。帝枯坐無聊。日盤辟一室。戊申秋太后有疾。忽傳帝亦不豫。徵京內外名醫雜治之。請脈時。帝以雙手仰置御案。默不出一言。別紙書病陳案間。或有所問。輒大怒。或指爲虛損。則尤怒。入診者僉云六脈平和。無病也。十月初十晨。帝率百僚恭賀太后萬壽。侍班官先集於薰風門外。帝步行自南海來。入德昌門。門罅未闢。侍班官窺見。帝正扶闥肩。以兩足起落作勢。舒筋骨爲拜跪計。須臾忽奉懿旨。皇帝臥病在牀。免率百官行禮。輟侍班。帝聞之大慟。時太后病瀉已數日矣。有譖帝者謂帝聞太后病有喜色。太后怒曰。我不能先爾而死。十六日。尙書溥良自東陵

覆命直隸提學使傅增湘陛辭太后就帝於瀛台猶召二臣入見數語而退太后神殊憊帝顏色黯澹十八日慶親王奕劻奉太后命往普陀峪視壽宮或曰有意出之十九日禁門增兵衛稽出入伺察非常諸閣出東華門淨髮昌言帝崩矣次日寂無聞午後宮中傳醇王監國之諭二十一日皇后始省帝於寢宮不知何時已氣絕矣哭而出奔告太后長嘆而已尋以吉祥轎舁屍出西院門入西華門祥吉轎者似御輦而長專備載大行若古之輻輳車也皇后被髮羣閣執香哭隨之甫至乾清宮有侍閣馳告太后病危皇后率諸閣踉蹌回西院李蓮英睹帝屍委殿中意良不忍語小閣曰盍先殮乎乃草草舉而納諸梓宮時禮臣持殮祭儀注入東華門門者拒不納迨回部具文書來乃入乾清門則殮事久畢云帝在位三十四年壽三十有九諡曰景皇帝廟號德宗

**綱**遺詔以溥儀入承大統爲嗣皇帝 **目**溥儀者醇親王載灃之子大行

皇帝之姪太后之姪孫也先是太后疾甚帝無子太后召軍機大臣世續張之洞那桐入奕劻適謁東陵太后詢諸臣擇近支王子入宮讀書事諸臣莫敢言世續曰太后擬選儲爲社稷萬世計此周文武之用心甚盛甚



盛惟今內憂外患交乘洵至竊以爲宜選擇年長者太后拍牀怒罵曰此何等重事而若敢妄言張之洞曰世續承太后垂詢據所愚慮約略言之立儲自宜承宸斷太后默然良久徐言載灃子溥儀尙可但年稚耳

時三年

歲須教之爾等議所可者之桐曰載灃懿親賢智使攝政當無誤因引順治初睿親王輔導事證之太后曰得之矣趣擬詔之桐曰奕劻東陵卽旋請翌晨進呈太后趣卽下詔次晨奕劻輕輿抵宮門諸人達太后意奕劻攢眉曰方今國家多難選儲似宜年長者諸人邀奕劻入對自陳之既見太后索閱草詔卒屏息未敢言詔遂布溥儀因入宮將入宮時醇王太福晉大哭曰旣殺我子復殺我孫雖擁皇帝虛名實等終身圈禁耳抱持溥儀不釋手經諸臣婉勸謂不可抗旨始由侍衛及諸王公大臣擁之去翌日而德宗卒奉遺詔以溥儀入承大統太后復命繼承穆宗皇帝爲嗣兼承大行皇帝之祧旋卽帝位改元宣統是爲宣統帝

改元宣  
統

**太后** **醇親王載灃**爲德宗胞弟德宗未崩前一日太后命取溥儀入宮使皇后鞠之其母故大學士榮祿女也或以告德宗德宗曰立嗣以長

太皇太后崩

不亦順乎。繼聞以醇親王攝政。乃曰。付託得人矣。至是詔以攝政王爲監國。事無大小悉稟承之。

○太皇太后葉赫那拉氏崩。○太皇太后葉赫那拉氏卽世所稱西太后也。既崩諡曰孝欽顯皇后。孝欽爲人警敏有權略。其一生事跡均與清廷有絕大關係。歷咸豐同治光緒三朝。垂簾聽政亦三次。初次垂簾在同治初年。其時東南軍事方亟。師用先朝專任漢人政策。內用文祥倭仁。沈桂芳等爲相。外用曾國藩。左宗棠。李鴻章等爲將。卒能削平大難。開一代中興之局。光緒初二次垂簾。會孝貞太后崩。大權獨擅。以李鴻章功高望重。且知洋務。一切外交內政悉以委之。中東一戰。喪師蹙地。人心之失自此始。戊戌政變後。三次垂簾。信用義和團。致釀庚子之亂。亡國之禍兆於此矣。然賦性聰慧。多才思。深通漢文。博涉經史。又能詩善書畫。好修飾。至老不衰。且有權謀。工駕御。爲清室二百年來著名之英后。至是崩時爲十月二十二日。去德宗之崩僅一日耳。其時民間多揣測之辭。人心洶洶。未幾乃有安慶礮營之兵變。

○安慶礮營隊官熊成基起事。旋敗死。○熊成基江蘇江都人。少時入

安慶熊成基起事

熊成基  
死於吉  
林

嗣皇帝  
卽位

行伍以功升安慶馬礮營隊官富有革命思想欲乘安徽太湖秋操起事會德宗及西太后連日崩殂人心洶洶官場防範極嚴成基因乘機鼓動是月二十六日黎明安慶城外礮營兵先變整隊出營以成基爲首先至陸軍小學取得槍枝又至火藥庫取得子彈馬營兵繼至將率衆入城時安徽巡撫在城內已知有變立下令閉城嚴守內應者不至遂攻城取巨礮在臨江高埠射擊撫署皖撫通電秋操軍隊及長江水師蕪湖大通等防營來援次日江面兵輪齊集擊燬礮隊營熊以攻城不克兵又乏食遂向西北退去至桐城樅楊等處陸續分股解散至廬州尙三百餘人姜桂題率兵追至始潰散熊由河南山東歷奉天抵爾哈濱會貝勒載濤出使歐洲返經過哈埠熊謀於車站狙擊之被捕死於吉林是役雖倉卒無成然起事之先布置井井事敗以後猶率衆陸續解散不擾居民時論稱之

綱十一月嗣皇帝卽位以明年爲宣統元年 目宣統既卽位上大行皇帝尊諡曰同天崇運大中至正經文緯武仁孝睿智端儉勤景皇帝廟號德宗越日上皇太后徽號曰隆裕太后頒行監國攝政王禮節命奕劻以親王世襲罔替並加恩王公大臣等有差

練禁衛軍

收回京漢鐵路

袁世凱辭職

十二月以載濤毓朗鐵良為訓練禁衛軍大臣。時於陸軍外另編禁衛軍由攝政王親自統率而特派載濤毓朗鐵良等專司訓練。

致仕大學士王文韶卒。贈太保予謚文勤。

收回京漢鐵路。本年九月由郵傳部奏請訂借英國匯豐匯理兩銀行金五百萬鎊為贖回京漢鐵路之用。朝命郵傳部堂官畫押為定。至是始完全廢約收為國有。

軍機大臣袁世凱辭職。詔令回籍養病。自李鴻章死後軍政大權

均歸袁世凱掌握。西后甚信任之。至是攝政王當國以戊戌政變致德宗被幽。頗不慊於世凱。諸王親貴咸忌嫉之。鐵良良弼等惡之尤甚。世凱自知不免。遂以足疾呈請辭職。詔許之。以步履難艱難資弼輔為辭。勒令回籍養病。

籍養病。當時傳聞攝政王有欲匿世凱於死之謠。世凱奉詔立即出京回籍。時國家新遭大喪而忽

黜退大臣。舉國震駭。然皆噤不敢言。惟學部侍郎嚴修奏請收回成命。不報。尋修亦乞骸骨歸田里。

頒布調查戶口章程。同時復頒布清理財政章程及城鎮鄉地方

自治章程。

清鑑綱目卷之十五終

清鑑綱目卷之十六

鹽城印鸞章編輯 金式陶 張延壽 趙雪 胡應庚 校訂

宣統



宣統帝

名溥儀。醇親王載灃長子也。德宗廢無嗣。奉皇太后命迎入宮承繼。穆宗為嗣。兼祺德宗既即位。建元宣統。在位三年。武漢革命軍起。遂遜位。改建中華民國。

己酉宣統元年春正月。郵傳部尚書陳璧有罪免。以用欸糜費調

員冒濫為言路所劾故也。璧既免。以徐世昌為郵傳部尚書。錫良為東三

省總督。李經羲為雲貴總督。

二月。頒布清理財政處各項章程。

夏五月。陝甘總督升允免。以長庚為陝甘總督。以升允奏阻立憲

故也。是年二月。南北士民公舉代表孫洪伊等進京。催請速開國會。朝廷

復降諭旨。宣示一定實行預備立憲。升允阻之。故有是謫。

直隸總督楊士驤卒。以端方調補直隸總督。張人駿為兩江總督。袁樹

勛為兩廣總督。

設軍諮處。以毓朗為管理大臣。先是四月間。諭軍機處。欽遵遺訓。

皇帝自為海陸軍大元帥。未親政以前。暫由攝政王代理。並先行專設軍

諮處。凡關涉國防用兵一切命令計畫。皆由本處擬案。奏請親裁之後。飭

設軍諮處

楊士驤卒

令海陸軍部欽遵辦理。至是軍諮處成立。以毓朗為管理大臣。尋又添派載濤管理。

○六月督辦津浦鐵路大臣呂海寰免。目以失察局員李德順營私故也。海寰既免。以郵傳部尚書徐世昌代為督辦。並派沈雲沛為幫辦。

○秋七月。命南洋大臣兩江總督張人駿為南洋勸業會會長。目先是南洋大臣兩江總督端方於光緒三十四年秋發起南洋勸業會。閱六月為宣統元年二月。乃組織機關。實行開辦。遂規各國博覽會事務局之成例。設立事務所。師各國博覽會徵集出品之辦法。於南洋所屬各府縣籌設物產會。出品所於各省暨各大商埠。籌設出品協會。復懼出品之不能踴躍籌備之不克完全也。又聯絡地方官紳。籌設幫辦及文牘調查庶務三科。旋以建築會場。設工程科。繼以各屬物產會。各省出品協會成立。乃設出品科。章牘日繁。亟須編纂。宣布乃設編纂科。各屬物產會先後開辦。舉行審查。復設審查科。迨是七月。詔以南洋大臣張人駿為正會長。以重其事。旋命各省督撫籌辦協會出品。並免賽品稅釐。至明年四月。遂開會。

○命載洵薩鎮冰巡視沿江沿海各省武備。目本年五月設籌辦海軍

張人駿  
為南洋  
勸業會  
會長

薩鎮冰  
提督

與日三省  
東三省  
約案條

處以載洵薩鎮冰為籌辦海軍大臣。經畫海軍事宜。六月命薩鎮冰為海軍提督。至是命載洵薩鎮冰巡視沿江沿海各省武備。旋又命載洵至歐洲各國考察海軍。

綱與日本訂立東三省交涉五案條款。日本因安奉鐵路改築事惹

起交涉。安奉鐵路者自鴨綠江口之安東縣以達奉天之鐵路也。先是日

俄戰爭。日人曾於該處築輕便鐵道以利行軍。事後政府屢次請其撤去。

日人不答。反以改築事為要求。政府拒絕之。而日人不俟政府之允諾。即

自由行動。交涉之強無逾於此。政府再四交涉。日人不允。幾致決裂。至是

政府與日人并其他諸案及吉長借款契約訂立條款五條。作一結束。

款第一。中國政府如築造新民屯至法庫門鐵路時。允與日本國政府先行商議。第二款。中國政府認將大石橋至營口支路為南滿洲鐵路支路。俟南滿洲鐵路期滿一律交還中國。並允將

該支路未端展至營口。第三款。撫順煙臺兩處煤礦。現經中日兩國政府和平商議。並承允上開兩

國政府認日本國政府開採上開兩處煤礦。應納各項出口稅。日本政府尊重中國一切主權。並承允上開兩

處煤礦開採。向中國政府應納各項出口稅。應按中國他處煤稅最惠之例。另行協定。丙。中國政府承允上開兩處煤礦。開採煤礦出口外運時。其稅率應按他處煤稅最惠之例。另行協定。丁。

所有礦界及一切詳細章程。另行派員協定。第四款。安奉鐵路沿線及南滿洲鐵路幹線沿線。除撫順煙臺外。即應按照光緒三十三年。即明治四十一年。東三省督撫與日本國總領事商定。第五款。京奉鐵路展至

奉天。由中日兩國人合辦。所有細則。屆時仍由督撫與日本國總領事商定。第五款。京奉鐵路展至



張之洞  
卒

綱八月大學士張之洞卒。目之洞直隸南皮人博學能文章初在言路與吳縣潘祖蔭宗室寶廷豐潤張佩綸等均激昂喜言事號曰清流歷官至大學士當督鄂時拳匪方熾疊次電奏斥以爲邪教亂民請保護使館力勦各邑匪徒未召出使大臣軍銜徑電各國外部及在華水師提督與約保護東南勿擾京城勿驚乘輿並聯各省督撫十餘人電告各國又與劉坤一同駐滬各國領事立約不得犯長江沿江各省賴以安謐至是卒贈太保予諡文襄

綱九月以鹿傳霖爲大學士陸潤庠協辦大學士

端方有  
罪免

綱冬十月直隸總督端方有罪免以陳夔龍爲直隸總督瑞澂爲湖廣總督。目端方因送德宗梓宮時令人在隆裕太后行宮外攝影爲散秩大臣李國杰所劾下部議以恣意任性不知大體着卽革職調陳夔龍代爲直隸總督瑞澂爲湖廣總督

綱大學士孫家鼐卒。目家鼐以帝師傅手創京師大學堂海內耆碩咸

宗仰之至是卒贈太傅予諡文正

孫家鼐  
卒

綱以陸潤庠爲大學士戴鴻慈協大辦學士李殿林爲吏部尙書

綱十二月賞給游學專門詹天佑

廣東南海人

嚴復

福建侯人

等進士舉人有差

同治四年選派斌椿並同文館學生游歷外洋是為學生出洋之始光緒二年選派武弁往德國學水陸軍械技藝又選福建船生出洋習藝是為學生留學外國之始嗣是疊有派遣至光緒中葉以後日益增多凡被派前往者費出公家謂之官費生其未及被派而前往者費由自出謂之私費生合東西洋各國計之不下數萬人之多頗極一時之盛詹天佑嚴復等俱被派出洋者至是畢業歸國詔各賞給舉人進士等出身有差

附清季學堂獎勵動用實官往往遣人笑柄例如上海某高等學堂原分鐵路電機駕駛諸科目其畢業生應試獲雋多被分發以州縣試用一校如此他校可知嘗有出洋留學返而應試以牙科進士得選知州者其用非所學之弊直與科舉時代無少異云

各省諮議局議員代表至京上速開國會請願書  
醇親王載灃之監國攝政也既無孝欽之掣肘又以前曾親赴德國見聞較廣中外咸望其有所作為然性怯懦拘牽寡斷其弟載洵載濤等諸親費用事藉口振興海陸軍多事搜括人民愁怨載灃不能制於是南北士民有公舉代表

孫洪伊等上速開國會請願書之舉。本年爲籌備憲政之第二年。是年九月。諮議局第一屆開議。政府及各疆吏懼民權之日盛。多方抑制。而資政院章程。政府又任意改訂。人民知此等會議之不足恃。於是各省諮議局。乃又有聯合請願國會之舉。人民之立憲運動。至此始稍有精神。十一月。十六省諮議局之代表議員。集於上海。會議請願事項。欲於二年內召集國會。十二月。各省代表齊集京師。至都察院遞請願書。都察院抑置不奏。代表乃遍謁當道。竭力陳請。旗籍亦舉代表加入請願。始入奏。朝旨嘉獎。而不允所請。諭旨略謂。俟將來九年預備業已完全。國民教育普及。屆時必毅然降旨。定期召集議院。

廣東新軍起事

哭明太祖  
毀曾國藩  
像

○庚戌二年春正月。廣東新軍謀起事。水師提督李準擊平之。○是役主之者爲新軍統領倪映典。而發縱指使者則革命黨首領趙聲也。聲江蘇鎮江人。以拔貢入陸軍學堂畢業。升江南新軍二十三標標統。旋因登北極閣演說。哭明太祖陵。毀曾國藩像。爲江督端方所疑。解職去。之粵。粵督張鳴岐任爲新軍標統。以欽廉之役。爲鳴岐所疑。解職家居。己酉冬。聲之舊部倪映典。在廣東爲新軍統領。以聲之聲望。及其革命主義運動新

新軍潰散

軍信從者頗衆，卽與黨人黃興、譚人鳳、胡漢民等謀起事，而電促聲赴粵指揮一切。聲至約期，舉事期未屆，而新軍忽與巡警交鬪，遂啓衅。水師提督李準率防營兵迎擊，斃新軍數百人，映典死焉。聲聞變，往救已無及。新軍遂潰散。時庚戌正月初一二也。自此大新軍失敗後，海外革命黨人益加激厲。時孫文由美至日，轉抵南洋，與各省代表集會檳榔嶼，欲利用此時機，共圖大舉。所缺乏者，惟餉械二事。已由南洋同黨分頭勸募。數日之間，達五六萬元。而令孫文赴美購軍械。黃興至內地運動。譚人鳳、主長江、陳其美、主上海、趙聲在香港爲總指揮。至辛亥三月，遂又有廣州黃花崗之變。

革達賴封號

與俄私覲

綱詔革西藏達賴喇嘛封號。先是光緒三十四年，達賴喇嘛入朝，朝廷不加罪責，優加封號。及宣統元年，達賴回藏，朝廷復派員護送。行至中途，達賴忽與俄使私覲，沿途逗留，所至公行貨賄，回藏後又布散流言，謂清廷欲滅黃教，復嗾令藏人舉兵內犯，駐藏大臣聯豫不能制。又謂英國通商有損於藏，時謀抗拒。朝廷恐其生事，派兵二千入藏彈壓。達賴概不供應，密令藏兵沿途抗拒，焚掠江孜存糧，停止駐藏大臣供應。幸我軍入

達賴  
遁

宣告  
達  
賴  
罪  
狀

藏屢擊退藏兵。達賴乃漸悔。至本年正月二日。達賴邀幫辦大臣溫宗堯。赴布達賴山相見。面允三事。一將各處阻兵番衆。立刻調回。二渥荷朝廷封賞。咨請奏謝。三仍尊重聯大臣。即聯豫。時為駐藏大臣。一切供應。照常規復。溫宗堯欲安其心。亦允以四事。一川兵到日。自必申明紀律。維持安寧秩序。不至騷擾地方。二諸事均和平辦理。三達賴固有教權。不加侵損。四決不殺害喇嘛。以昭信守。翌日川兵前隊抵拉薩。達賴聞之。終不自安。即挈其左右。宵遁。駐藏大臣聯豫電奏實情。朝廷令設法追回。未獲。隨於是月十六日。下詔革去達賴封號。達賴既革。赴愬英俄。其至印度也。佛教徒及印度總督。以盛禮待之。達賴復與俄人私訂協約。英俄兩國輿論囂然。訾我政府橫暴。時駐俄公使新疆巡撫伊犛將軍烏里雅蘇臺科布多塔爾巴哈臺庫倫阿爾泰諸辦事參贊大臣。皆奏請召還達賴。英俄亦為達賴乞恩。政

**府力駁之外。部又備文照會英使。宣告達賴罪狀。**

略謂達賴自光緒二十一年。管理商上事務以來。一庫藏

出納之所為商上。一跋扈驕淫。恣行不法。稱兵動衆。民怨沸騰。所派總督軍務之降丹巴增。同惡相濟。並不給束兵丁。需索地方。任意虐掠。所過之處。十室九空。三十年一月。英員榮赫鵬由江孜

照會駐藏大臣。商辦事件。該達賴不肯供給。夫馬反陰。增兵於巴增。肆為擾亂。駐藏大臣。諭令回

款糾參。奉旨暫革名號。自此遊行庫倫。西甯間。二年有餘。朝廷寬其自新。後改存問。料理。并促回

西藏政  
教分離

照會各  
公使

外蒙攙  
貳

僅見一次。要約面談。託故不見。時復嗾使藏人稱兵內犯。攻不三崖。窺伺巴增。壘井等處。迭飭退兵。並不遵照。此次川兵入藏。原為保護開埠。綏靖地方。為數不過二千。又且分起。開行何所用。其疑慮。迭賴既不遵章。供應又密遣藏兵沿途分阻。焚掠江邊。存糧。規殺兵民。復派兵赴墨竹工卡。希圖攔截。剽切勸導。置若罔聞。川兵前隊甫抵拉薩。該達賴即行夜遁。種種謬妄。不得不卒去名號。另行選定。以維黃教。朝廷優容。可謂至矣。達賴為各浮圖領袖。教務是其專責。黃教本尚清淨。該達賴性喜弄兵。已不足勝掌教之任。况復違抗朝旨。迭次擅離藏地。何可更事。寬容查康。熙朝第六世達賴伊西嘉穆錯。亦經被廢。當封噶爾藏嘉穆錯。仍為六世達賴。茲之斥革另舉。亦猶循祖宗故事耳。此全係達賴個人之事。於藏中政體全無關係。川兵到後。紀律甚嚴。僧眾安謐。一切舊情形。並無更改。所有交涉事宜。自有印藏條約。中國政府。照舊實行。茲特略舉該達賴應廢之理由。再行通告。以釋羣疑。

既接駐英公使電。謂英政府聲明決不因已革達賴一人之故。干預藏務。致礙邦交。並陳述印藏商務之關係。於是外界風波漸息。一面調集重軍入藏。以資鎮壓。飭堪布隨

時安撫藏民。藏事既平。廷議乘達賴更迭之時。機決取政教分離主義。以

後凡關於西藏一切教務。由達賴專司其事。所有全藏之商務外交。在西

藏省治未設以前。悉由駐藏大臣隨時稟承政府命令。相機處置。達賴不

得越權干涉。並將關於西藏政教分離之條件。由外務部照會駐京各公

使。此後事無鉅細。非經駐藏大臣磋商。政府認可。概無效力。如再遇有達

賴私與外人締結條約情事。中政府一律不能承認云云。蓋有鑒於光緒

三十年英藏之私訂條約故也。終清之世。新達賴未及釐定。已革達賴之在印度者。亦漸為外人所輕視。直至宣統退位後。始乘間回藏云。

外蒙古庫倫携貳。自始清廷之對外蒙古也。向以藩屬視之。於其內

教  
尊  
重  
宗

牧  
保  
護  
畜

人  
隔  
絕  
漢

謀  
蒙  
之  
陰  
俄  
人  
對

設  
古  
電  
局  
俄  
據  
蒙

治不甚加以干涉。惟施種種優禮以示懷柔。其可見之政策。凡三。一曰。尊重宗教。內外蒙古之地。號稱活佛者七十二人。以外蒙之哲布尊丹巴胡圖克圖爲最貴。清廷禮遇極隆。賜號佈施。及喇嘛大寺之建築。不可勝計。二曰。保護畜牧。清於蒙古行計口授地之制。每十五丁給以廣一里。長二十里之地一區。爲蒙民之私有地。此外每旗尙有公共牧地。皆禁止內地人民前來開墾。三曰。隔絕漢人。凡蒙人名字及訴訟公文等。皆禁用漢文。違者有罰。並禁止漢人與蒙人結婚。而清廷之立后及選擇額駙。則多取於蒙古。凡此諸端。皆所以厚結蒙古之歡心。杜絕漢蒙之交通。而保持其優勢也。自咸豐季年。北京條約既定。俄於外蒙之勢力。漸漸發展。清廷乃始注意及之。然俄之官吏。敏幹勝中國。故常得增固其勢力於國境。其後每訂一約。則必得種種之權利而去。俄人知蒙人性情之重宗教。重種族也。因竭力尊崇喇嘛教。以誘蒙人。更藉其同族之布列雅德人。以爲聯絡。布列雅德人者。爲純粹之蒙古族。向居貝加爾湖濱。十六世紀以來。漸立於俄人勢力之下。十七世紀始奉喇嘛教。俄人利用之。而使與蒙民相交結。復藉以與西藏相交結。庚子之役。聯軍入京。俄領事據有蒙古電局。詐

俄兵入庫倫

清廷對蒙

改變方略

施行新政

軍事設施

稱拳匪已由張家口殺掠前進。蒙人惶駭，乞援於俄。俄人因調哥薩克兵數百人入駐庫倫，且築礮臺，建兵房，爲持久計。蒙人不知其詐，深感激之。對於清廷信仰之心，遂日減。俄人又多方煽惑，謂清廷對蒙計畫皆蹂躪蒙人之權利，因使之背清歸俄。蒙人惑之，光緒末，清廷聞知俄人侵略陰謀，恐外蒙爲其所奪，遂改變從前對蒙方略，且決計取急進主義，施種種新政於蒙古。學漢文，用漢人，廢除墾禁，設巡警廠局，一切規畫，雷厲風行。蒙人僻處漠北，見聞素陋，保守之性極重。經此大變，不免疑懼。清廷又以蒙之積弱，由於宗教，蒙蔽所致，思改革之，待遇活佛之禮，寢薄。庫倫辦事大臣見活佛時，僅行換帕禮，不復叩首。且令活佛起立迎接，而宣統二年，適有革除達賴喇嘛封號事，青海活佛察罕諾門罕，又以阻撓墾務，大受嚴罰。宗教上皆起恐慌。庫倫活佛又爲達賴喇嘛近侍之子，且爲所選立，尤不免生疑懼。庫倫辦事大臣三多，遇蒙人嚴喇嘛有犯法者，輒懲辦之，不少假借。同時兵備處總辦唐在禮復出示募蒙民爲兵，爲軍事之設施。蒙民習於游牧，不願應募，則強迫之。蒙人益不悅，而朝廷所遣辦理墾務人員，又有營私舞弊，虐害蒙人之事。於是俄人煽惑之詞，益得利用，而蒙



人反抗之志遂起

日本併滅朝鮮

自光緒三十年日俄戰爭後日人謀併朝鮮益形

顯露三十年訂立日韓協約凡朝鮮之財政顧問教育顧問警察顧問礦

山顧問及通信機關等均次第入日人之手三十二年日政府復置統監

一名於朝鮮以伊藤博文爲之伊藤遂大展其滅韓手腕先移朝鮮之外

交權於日本使失其自主能力繼於光緒三十三年追韓皇禪位於新皇

以謀干涉其內政韓人不服則以武力抑壓之至是遂實行其併滅計劃

先是日本設朝鮮統監之前一年即光緒三十一年韓人有宋秉峻李容九者開一

進會于漢城以贊助日本爲第一政綱至統監設而一進會之勢益張無

何統監伊藤廢韓皇立新皇總攝其內政韓民以含垢忍辱羣起爲亂屠

戮格殺之事幾于無日不有而一進會盛筵以欸國人國人皆拒而不往

新皇臨朝時肢體震顛不已由兩大臣左右挾之入顏色慘淡若嬰大戚

時韓國軍隊已爲日人所解散即派日兵駐守各城門滿佈殿宇韓之皇

族惟命是從士民之不服者紛舉義旗惟勢力單薄舉爲日軍所撲滅宣

統元年九月伊藤遊歷滿洲還至哈爾濱爲韓國義士安重根所刺日人

日人滅韓熱

併却一進會請

韓民九百六十餘萬為亡國民

不准民間流言語

有志之士難救亡國之痛

汪兆銘某炸攝政王

不為稍戒更欲滅絕韓室皇統以杜後患一時併韓之熱達於極度日紙連篇累牘多載此項新聞電報其有力政黨早于東京各地開會討議就中有對韓同志會則已實行派代表赴韓與一進會協議事機日迫及本年正月一進會遂以合邦請願于日政府日政府一方則併却一進會之請一方則與俄人協約決定日俄在滿洲蒙古之勢力範圍已而俄國承認日韓合邦問題日政府即將日韓合邦之條約正式宣布韓皇將韓國全部併合於日本改設為朝鮮總督府都計韓民約九百六十餘萬人自是遂為亡國之民一時自殺者甚眾婦女多閉室自經者日本又遍布憲兵警吏及暗探四處巡邏不准民間有一流言蜚語犯者逮捕凡登載日韓事件之各報均不准在韓國境內發售並禁韓人開會集議韓國興學會員均以會議反對為日官所拘拿其他有志之士雖亦奔走呼號力謀恢復而勢力單弱卒無補於亡國之痛云

汪兆銘謀炸攝政王事洩被捕下獄拘禁 汪兆銘廣東番禺人初學

法政於日本醉心革命孫文欽其才以禮見出資組立民報聘為編輯民報中有署名精衛者即兆銘也時岑春煊督粵招兆銘往不從並聲明出

汪兆銘  
供詞三  
萬言

長沙饑  
民暴動

王先謙  
葉德輝  
稟議義

朋陷撫  
臣

族日後倘有革命舉動無與兄弟事本年二月兆銘入京師思以暗殺達其志時監國攝政王載灃任用親貴不恤民意兆銘懷挾炸彈將往炸之事洩被執肅王善耆在民政部訊鞫兆銘索筆直寫供詞三萬言上下古今縱橫歐美善耆服其論請於攝政王免其死罪同時熊成基謀刺載灃於哈爾濱方佐治謀刺載洵於海外暗殺之風甚烈親貴大臣人人自危攝政王鑒於黨禍之深恐益重其怒乃作釋怨之舉博寬大之名遂飭法部以擾害治安定擬判決處以無期徒刑永遠監禁未幾釋之

三月長沙饑民暴動焚燬巡撫衙門詔革巡撫岑春煇職  
湖南長沙自去秋災饉以來奸商復運米出洋民食不給米價因之昂貴本月初五突有饑民數百人擁至撫署要求平糶巡撫岑春煇勸紳富先辦義糶王先謙葉德輝等難之遂致激變無何民衆聚至數千縱火焚燬巡撫衙及教堂學堂先是春莫議辦義糶王先謙首先梗議葉德輝積穀萬餘石不允出糶及禍變起先謙等乃歸咎撫臣激變電請簡易巡撫而孔憲毅楊鞏且倡議擁戴布政使莊賡良爲巡撫朋陷撫臣不遺餘力事聞朝命春莫開缺派湖北布政使楊文鼎前往暫行署理湖南巡撫旋命湖廣總

督瑞澂會同文鼎澈底查究嗣經查明地方文武辦理不善及紳士挾私釀亂奏請分別懲儆疏入文武各員春莫賡良及巡警道賴承裕鹽法道柳延熙長沙協都司貴齡左營守備周長泰消防所所長游擊龔培林警務委員知縣周騰均著革職餘降調革留察議劣紳前國子監祭酒王先謙分省補用道孔憲教均著降五級調用吏部主事葉德輝候選道楊鞏均著革職交地方官嚴加管束

夏四月頒行現行刑律 修律大臣沈家本等所編定奏請者也清

之先世俗淳刑簡所著爲令者鞭朴斬決而已順治元年始定問刑衙門

准照明律治罪又有詳譯明律集議裁定之典三年編製清律成頒行中

外嗣經聖祖世宗屢加增訂高宗又就累朝所增訂者復纂一書稱曰大

清律例全書凡三十篇分爲七目曰名例及吏禮戶兵刑工七大綱是也

凡律爲一代之典章例爲因時之斷制獄爲律所不詳者則引例故例者

所以濟律之窮也歷屆脩訂至同治九年止其體裁蓋無所變更自海禁

大開後西人以刑律彼輕此重要求治外法權凡外人在我境內犯罪者

亦由該領事自行治理由是主權喪失而華洋互訟案華人多受虧流弊

乃益甚光緒二十八年派沈家本伍廷芳將一切現行律例按照交涉情形參酌各國法律重行修訂其辦法凡三一爲修改舊律其中又分四目一曰削除總目吏兵戶禮刑工等名一概刪之二曰增添新條電報鐵路等事爲舊律所無者三曰刪併條文不適用於今日之用者悉刪之四曰酌改重刑凌遲梟首戮尸及緣坐刺字等刑均予刪除其他各罪亦從其輕刑訊之制飭令廢除此詔既下歐美諸邦有電達致賀者二爲更改刑名斬絞均改爲死刑充軍改爲安置流徒改爲工作笞杖改爲罰金刑名之等惟此四者而已三爲另編新律以期中外通行爲收回治外法權之預備三十年更開法律館以研究之至是新刑律告成家本等奏請遂命頒布施行然以與舊俗習慣相去太遠中外人士頗多反對迄未實行

預備收  
回治外  
法權

中外反  
對迄未  
實行

頒幣制  
則例

**綱**頒行幣制則例 **目**中國貨幣向以銅爲本位而輔之以生銀民間交

易均以錢計而千百之數南北互異數鉅者以銀計而兩錢分釐隨地不同元寶小錠形式既殊官用銀平又與民間不同幣制之紛莫斯爲甚開港以後各國貨幣流行中國民間便之利權之喪失甚多辛丑和約定後各國以整頓圜法爲要求乃派奕劻瞿鴻禨會同戶部將銀錢式樣明定

各國要  
求整頓  
圜法

設立鑄  
造銀幣  
總廠

決定七  
錢二分  
銀幣爲  
本位

山東海  
陽縣民  
抗稅

畫一辦法並飭設立鑄造銀幣總廠於京師自是而後內外臣工對於幣制疊經商議稅務司赫德主張虛金本位制並謂英一鎊適抵中國庫平銀八兩如用虛金本位則兩錢分厘等名目仍可沿用鄂督張之洞以其危險頗反對之然實金本位則巨款亦難籌卽以銀爲本位而一兩之銀元與七錢二分之銀元亦相持不決戶部鑄成一兩之銀幣與五錢二錢一錢之小銀錢終難通行乃設幣制調查局以從事於考察及至本年四月考察始竟頒行幣制則例決定以七錢二分之銀幣爲本位然歷來所鑄之幣民間信用終不及墨銀之深銅元之鑄始於庚子年廣東省先創之其後各省陸續興辦以其爲大利所在至有一省而設兩廠者其流弊遂致銀價陡落物價騰貴甚至各立疆界禁止並行影響於民生者非細故矣

綱五月山東海陽縣民抗稅暴動官兵勦平之  
目先是民間以銅元兌納錢糧皆按七折扣算是年春海陽縣方奎開徵更按五折扣算復加以火耗輕封封尾鹽金德麥諸陋規正供一兩民間所納需大錢三千七百八十文民不堪命亂機遂萌萊陽則以開辦地方自治紳士王圻等肆意

萊陽紳士苛徵助縣官袒

苛徵履畝重稅過於正供間架有稅人頭有稅牛馬亦有常捐民間稍有抵拒縣官朱槐之復袒助劣紳苛斂不遂淫刑以逞及至釀成禍變復歸罪於曲思文謂其煽衆謀亂調兵剿辦刦殺淫暴甚於盜賊顧猶以兵力不足復請朝旨派第五鎮練軍馳赴助剿凶殘劣弁肆其鋤戮死傷者幾及千人

革湯壽潛職

綱秋七月革前江西提學使浙路總理湯壽潛職 目時蘇浙路風潮正

烈政府復以盛宣懷爲郵傳部侍郎蘇浙人民一致反對羣情抗激壽潛因電致軍機處力詆盛宣懷謂爲蘇浙路之罪魁禍首不應令其回任請收回成命或調離路事以謝天下政府閱電大怒嚴旨斥其荒謬狂悖著卽革去浙路總理職不準干預路事壽潛既獲嚴譴羣情益加憤激

鹿傳霖卒

綱大學士鹿傳霖卒以徐世昌爲大學士季殿林協辦大學士 目傳霖

既卒贈太保予諡文端

綱八月以鐵良爲江寧將軍蔭昌兼充訓練近畿各鎮大臣 目蔭昌游

學德國嫻於軍略故當時陸軍訓練諸差皆屬之

資政院開

綱九月資政院開院 目自光緒三十三年詔設資政院籌備選舉議員

詔籌備  
立憲縮  
九年爲  
五年

請願團  
痛哭流  
涕

至本年八月各議員始齊集京師九月開院監國攝政王臨院宣布訓詞此院既開爲國會之導線一切法制皆由院定是爲一國最高之立法機關其副總裁爲修訂法律大臣沈家本家本長於法學現行新律皆所編訂新舊合纂精心核定爲當時不可少之人物

綱冬十月詔籌備立憲縮九年爲五年並令解散請願代表 自元年

十一月各省諮議局代表上速開國會請願書後本年四月各省政團商團及外洋僑民商會等又各舉代表聯合諮議局代表議員呈第二次請願書復組織國會請願代表團舉孫洪伊等十人爲職員各省團體留代表駐京以聯絡聲氣辦理事務復特派演說員至各地演說並將請願之理由及國會之關係以印刷物分佈各地所呈請願書凡十起由各團體分別呈遞請都察院代奏朝旨仍俟九年籌備完全再行定期召集國會並令毋得再行瀆請而代表團仍爲第三次請願之準備九月資政院開院請願代表團上書請提議設立國會又上書攝政王遍告當道痛哭流涕力陳國會不可不即開之理由資政院提議此案全體贊成高呼萬歲即日奏方資政院之以國會請願入奏也各省督撫復聯名致電軍機



處主張內閣國會同時設立於是朝廷有縮短年限之諭

諭旨略言分年籌備立憲期限定自

先朝朕仰承付託之重夙夜兢惕無時不以繼志述事為心既不敢少事遲遲亦不敢過形急切一再審慎者乃揆度時勢瞬息不同危迫情形日甚一日朝廷宵旰焦思亟圖挽救惟分有促行憲政俾日起而有功不待臣庶請求亦已計及於此第恐民智尚未盡開通財力又不敷分有操之至蹙或有欲速不達之虞故不能不驗向背於輿情決是非於廷議今者人民代表顯懇既出於過誠內外臣工強半皆主張急進民氣奮發衆請僉同自必於人民應担之義務確有把握應即俛順臣民之請用協好惡之公惟是召集議院以前應行籌備各大端事體重要頭緒紛繁計非一二年所能蔽事者縮改於宣統五年實行開設議院云云諭下之後隨

解散各  
省代表

令民政部將各省代表人等即日解散

綱以溥倫載澤充纂擬憲法大臣

綱以程允和為長江水師提督張勳接統駐紮江南浦口各營

張勳

江西人嘗歷營伍隨袁世凱為親兵獲保武職世凱喜其勇邁令部親軍

庚子率師勤王屢保至記名提督至是由雲南調至南洋接統駐紮江南

浦口各營尋任為江防統領防守南京

綱十一月改設海軍部以載洵為海軍大臣譚學衡為副大臣

宣統

元年設立籌辦海軍處派王大臣經畫海軍事宜本年十一月復改籌辦

處為海軍部統轄各水師而以載洵為海軍大臣譚學衡為副大臣薩鎮

冰統制巡洋長江各艦隊未幾又裁撤陸軍部尚書侍郎等缺設陸軍大

改設海  
軍部

陸軍部  
尚書侍郎

臣郎改大

臣副大臣各一員以蔭昌爲陸軍大臣壽勳爲副大臣

**綱**命步軍統領衙門將東三省請願代表送回原籍 **目**自十月間下令解散各省國會請願代表後一般輿論皆以解散之令殊非尊重人民代表之道故各處籌議欲續行要求東三省人民招集萬餘人要求即開國會迫東督代奏天津各團體代表三千八百餘人亦聯名要求直督代奏至十一月東三省代表十餘人復至京師呈遞請願書政府不允諭令民政部步軍統領衙門立即派員將各代表送回原籍並令京外各官彈壓拿辦同時天津團體仍欲繼續要求請願同志會代表溫世霖創議聯合全國罷學要求被直督飭拿請懲遂將溫世霖發往新疆交地方官嚴加管束由是國會既無立開之望朝廷復加種種之抑制全國人心因之益形憤激

**綱**慶親王奕劻奏請開去軍機大臣等職不許 **目**時慶親王奕劻頗爲言路所擊輿論亦多不滿有目當時軍機處爲慶記地皮公司者奕劻不自安因請開去軍機大臣等職朝廷明知其不滿輿論而不能從請但溫諭慰留而已

派使賀英皇加冕

綱十二月郵傳部尚書唐紹怡

原名紹儀因避宣統御諱改儀為怡

因病乞休詔以盛宣懷為

郵傳部尚書

綱派載振為專使往賀英皇加冕

目載振者即當時所稱為鎮國將軍

振貝子也為慶親王奕劻之子英人以其為皇室疏族且因受賂納楊翠喜事騰笑中外頗輕視之既抵英其坐席在三十六位廁於埃及使之前印度使之後天下醜之

綱頒布新刑律暨暫行章程

綱頒布宣統三年預算案

目先是庚子賠款每年應償本利銀約須二

千萬兩政府即以此數飭各省分攤以省分之貧富為攤數之多寡多者二百數十萬少者亦二十萬及練兵處設立後其指令各省分籌之經費又一千萬兩分籌之數多者百萬少者亦數萬各省既驟增此三千萬兩之負擔已覺萬難支持加以學堂巡警各種新政次第待舉需款既多度支益匱而羅掘培克之政策乃以煩興然各省情形亦各不同有此省課捐而彼省則否者有彼省請辦而此省請禁者即同一捐目而方法互殊稅額各異綜其大要約有十二一曰糧漕其細目為提平餘加附捐提折

頒新刑律  
頒預算案

價復舊規辦清賦五端二曰稅釐其細目爲常關平餘百貨加釐整頓積弊三端三曰煙酒其細目爲土藥加稅膏捐燈捐三端四曰鹽斤其細目爲加課加釐加捐加價羨鹽五端五曰節提官費其細目爲酌提公費停給世職官員報效驛站減成優缺提款裁汰冗員減廉節餉七端六曰商捐其細目爲當典捐押鋪捐牙行捐坐賈捐四端七曰稅契其細目爲加收及清理二端八曰茶糖九曰房租十曰銅圓餘利十一曰陋規十二曰雜捐如煤炭牲畜賭博彩票等類皆是其爲中央所主持之籌款法則有二種一爲印花稅以反對者多不果行二曰土藥統稅所得亦微中國財政向來紊亂浮冒侵蝕弊竇百出政府因另立財政處以爲清理之基又另設稅務處別以親貴領之與戶部不相統屬往往政出多門莫衷一是其後戶部尙書趙爾巽請整頓財政行預算決算之法又請開辦計學館以爲整頓之基然積習已深驟難整剔內務府又濫支無藝全國解部之款皇室費幾支其六分之一其他虛糜濫費者尤不可勝計民生困苦國勢益衰而政府之財政困窮尤爲顯著至是遂頒布宣統三年預算法並諭如實有窒礙難行之處准由京外各衙門徑行具奏候旨辦理

詔劉玉麟向英政府交涉片馬

申諭停止刑訊

劉若曾充修訂法律大臣

新律第一草案一次對鑿起

○辛亥三年春正月英兵侵據片馬詔駐英公使與英政府交涉

○片

馬為雲南騰越廳所屬土司地為由緬甸通西藏川邊之咽喉英人覬覦川藏以中英滇緬界務久未解決突於宣統二年秋派兵佔據片馬聲言中英之界以高黎貢山為定雲貴總督及雲南紳民屢請力爭外務部疊向英使抗議請其撤兵而英使堅持先勘界後撤兵之說迄無成議至是政府電令駐英使臣劉玉麟向英政府嚴重交涉

○申諭各府停止刑訊 ○自新刑律頒布後至是始實行然偏僻州縣多有不能遵行者而跪鎖掌責以及請託徇情施用壓力仍不能免故有此諭

○二月以劉若曾充修訂法律大臣 ○自光緒二十八年四月派沈家本伍廷芳將一切現行律例參酌各國法律悉心考訂妥為擬議是為編訂法律之權輿尋於三十年開法律館三十三年八月總則草案成十一月分則草案成由沈家本等陸續奏進奉旨憲政編查館知道是為第一次草案時反對新律之議已蠶起當由憲政館奏明由館分咨在京各部堂官在外各省督撫討論參考分別籤注咨覆到館彙擇核定嗣經各部

第二次修正

第三次修正

第四次草案提出資院未通過

宣懷向日借款贖路

廣東溫生才

各省陸續籤覆大率敷衍陳文不特無採取之價值且有極可笑者三十四年五月學部又以新律與禮教有妨奏請修改宣統元年正月朝廷又特降諭旨謂凡舊律義關倫常諸條不可率行變更務本此意以爲修改宗旨蓋反對者已運動政府故特用皇帝名義以箝制主張新律諸人之口也是年十二月沈家本等會同法部奏進修正草案是爲第二次之草案仍交憲政編查館查核翌年十月憲政館考核完竣奏請交資政院議決是爲第三次之草案及資政院交法典股審查後再加修改提出修正案於大會此爲第四次草案此草案因反對者爭論之劇烈資政院未及通過而閉會至是政府將以君主命令修改法律特派劉若曾爲修訂法律大臣將以前法律重加修訂云

○郵傳部尙書盛宣懷奏借日本銀行款一千萬元

○自粵漢鐵路以

六兆七十五萬美金收回自辦後盛宣懷以商辦鐵路非策主張收回國有因奏請向日本正金銀行借款一千萬元爲收回鐵路國有政策之用並與日本訂立借款合同朝旨許之

○溫生才槍斃廣州將軍孚琦

○溫生才廣東嘉應窶人子嘗遇孫文

鮑將軍  
孚琦

自首

四國銀  
行大借  
款

黃興謀  
取廣州  
不克

於南洋以覆清爲己任。時袖短槍狙伺滿官吏。思得一當。會孚琦以步軍統領出爲廣州將軍。孚琦者孝欽之內親。榮祿之從姪也。至粵未久。一日聞有演駕飛機者。出外游觀。薄暮返。生才途擊之。連發五彈。倒地立斃。從者駭遁。生才徐步詣官自首。言與孚將軍無私怨。惟專制之爲厲國仇之。未報。特爲同胞雪憤。慨耳窮鞫無枝節。遂見戮。時年四十二。

三月度支部尙書載澤奏借英美德法四國銀行款一千萬鎊。名爲整頓幣制振興實業之用。而實則用於行政經費者爲多。是爲四國銀行大借款。

黃興謀取廣州。燬總督署。不能克。林時壘等七十二人死之。自宣統二年廣州新軍失敗後。趙聲提議改由長江爲起義地點。鄂先發難。湘蜀蘇皖四省應之。分河南臨淮海道三路北上。爲一舉盪平計。而黨人中皆閩粵人多。仍欲以廣東爲根據地。遂復謀取廣州。是年三月。孫文黃興密謀運軍火。集黨人。推趙聲爲總指揮。圖大舉。聲定期於三月二十八日舉事。先是三月二十六日。有女黨員由省至港。謂黨中陳鏡波者實政府偵探。故省中戒備極嚴。聲知事洩。欲展期。而黃興不可。卽先行入城。聲後

黃興攻督署

林時煥等戰死

七十二烈士

慶親王奕劻爲總理新內閣

至城門已閉不得入興在城內自任總指揮率炸彈隊首攻督署令陳炯明攻警察局姚雨之攻槍礮局定二十九日下午五時半出發屆時興先舉全隊疾行至督署擲彈猛擊死衛隊數十人餘皆逃匿興等入署搜粵督張鳴岐不得會水師提督李準率防營兵至與戰斃防軍數百人而林時煥方聲洞陳與燊等皆戰死興手指及足皆中彈卽率殘部十餘人衝隊而出避至民間米店中藉米袋築牆自守以十餘人禦防營兵四五百人相持十數分鐘而陳姚兩軍均未發動興孤軍無援已而防營兵縱火焚米店衆不能支乃潰走興獨身縋城遁同黨死者七十二人多青年志士或留學外國者粵人叢葬於番禺城北之黃花岡號七十二烈士墓趙聲聞變撫膺悲痛未幾亦卒

夏四月江蘇諮議局議員全體辭職 以與兩江總督張人駿爭預算案不肯屈服故也

設立內閣以慶親王奕劻爲總理大臣 立憲年限既縮九年爲五年於是憲政編查館奏定修正籌備事宜准於宣統三年頒布內閣官制設立內閣本年四月由憲政編查館奏定內閣官制及辦事暫行章程隨



詔設立內閣以慶親王奕劻爲總理大臣大學士那桐徐世昌爲協理大臣梁敦彥爲外務大臣善耆爲民政大臣載澤爲度支大臣唐景崇爲學務大臣蔭昌爲陸軍大臣載洵爲海軍大臣紹昌爲司法大臣溥倫爲農工商大臣盛宣懷爲郵傳大臣壽耆爲理藩大臣均爲國務大臣組織新內閣是爲中國第一期之新內閣新內閣既成立遂下詔裁撤舊有內閣及軍機處會議政務處舊設內閣大學士協辦大學士仍序次於翰林院時新內閣總理爲慶親王奕劻輿論譁然謂爲皇族內閣

**綱**設立弼德院以陸潤庠爲院長榮慶爲副院長

**綱**設立軍諮處以載濤毓朗爲軍諮大臣

**綱**宣示鐵路國有政策 **目**慶親王之組織新內閣也以盛宣懷爲郵傳

部大臣而盛宣懷之謀圖也第一政策卽爲厲行鐵路國有政策先是御史石長信以商辦鐵路緩不濟急弊竇滋多請定幹路均歸國有枝路准商民自辦之法盛宣懷卽奏請施行於是攫所有民辦路線一律改歸官辦而貸借外債以修築之於時爲籌備憲政之第四年一切政策應交資政院協議由內閣議決執行然政府懼資政院反對竟不交議而輒行之

設弼德院

設軍諮處

宣示鐵路國有政策

嚴論有  
抗爭者  
以違制  
論

# 並嚴諭有抗爭者以違制論

輒數閱月之久朝廷每念邊防疆遼遠表廷萬餘里程途動

述造鐵路之一策况憲政之諸謀軍務之徵調土產之運輸胥賴交通便利大局始有轉機然辦法以致國路政錯亂紛歧不分枝幹不顧民力一紙呈請概行批准商辦乃數年以來粵則收股及半造路無多川則倒帳甚鉅參追無着湘鄂已開局多年徒費坐耗竭萬民之脂膏或以虛糜或以侵蝕按此亦係實情當時國民之授政府口實即由國家收回趕緊興築除枝路仍准商民

以前各省分設公司集股商辦之幹路延誤已久應即由國家收回詳細辦法著度支部郵傳部據

星力酌行外其從前批准幹路各案一律取銷至應如何收回之詳細辦法著度支部郵傳部據

誤再誤如有不顧大局故意擾亂路政煽惑抗拒即照違制論

日也此旨之下距資政院第二次常年會期凡四閱月政府迫不及待又不開臨時會以憑決議於是反對者接踵而起因以激

## 起川湘之劇變

綱以端方充督辦粵漢川漢鐵路大臣 綱以實行鐵路國有政策恐川

湘人民反對故以端方為督辦大臣將以武力抑制之也

綱吉林大火 綱城內官錢局陸軍糧餉局高等審判廳檢察廳財政局

官書局圖書館皆被焚片瓦無存監獄燒毀殆半以度支司署為尤甚民

屋被燬約萬餘戶財政損失約二千餘萬人口遭難約三分之一

綱五月湘民力爭收路湖南巡撫楊文鼎奏請懲治詔格殺勿論 綱自

鐵路國有問題發生後朝廷派員收路各省紳商士民聯合抗爭大旨謂

湘民力  
爭收路  
詔格殺  
勿論

吉林大  
火

利與民爭

發起保路會

川民力爭收路

粵漢鐵路始由盛宣懷借美款興造與美公司訂立合同光緒二十八年  
三省鄂湘粵士人不惜竭血汗之資慘淡經營僅得收回集股商辦程功方

亟當時湘鄂兩省均集款無着粵雖有款而紳士爭權進步濡滯實貽政府以口實無可諱言而與民爭利之國有政策乃於是

時發見不啻奪我民生命財產付諸外人云云時朝廷方倚重宣懷凡所  
主張非藉嚴旨以箝衆口即假兵威以示壓制羣議俟諮議局開常年會  
一律不赴召集各省工商亦相約罷業以為後應而政府悍然不顧力主  
貸款築路之策英美德法等國借款之約行將成立湘省人民聞之首先  
發起保路會羣起抗爭輿論憤激咸謂力能自辦不願借債請暫緩收路  
湘撫楊文鼎據以入奏復密電政府描寫開會情形謂有匪徒從中煽惑  
非挾雷霆萬鈞之勢不足示威盛宣懷嘉其有識力贊其說於是有格殺  
勿論之諭

綱川民力爭收路四川總督王文奏請恤民奉旨嚴斥  
先是川路公司得湘鄂路保路函電全體贊成旅京川人集議再三堅持反對國有  
及收回股本之說留東學界且斥言盛宣懷蔽上罔下為虎作倀力主路  
存與存路亡與亡之議川人聞之大為感動羣議萬一不得請則不輸租

趙熙奏  
歐家廉奏  
懷効盛宣

請另組  
織責任  
內閣

稅以爲後盾。川督王人文亦以政府顯拂輿情。慨允代奏。並請體恤民情。希冀朝廷悔悟。而盛宣懷等以諸國借款勢成騎虎。運動度支部大臣。載澤預爲之地。奉旨申斥。王人文謂鐵路改歸國有。勢無反汗。並有上年川路公司人員虧耗鉅款。剝削脂膏。徒歸中飽。殃民誤國。人所共知等語。由是川中輿情益形憤激。風潮且愈趨愈急。

○御史趙熙歐家廉奏効盛宣懷借債賣路二十餘款不報。○自川湘各省爭路風潮日緊。於時廣東同鄉京官聯署奏効盛宣懷濛蔽朝廷。侵權違法。湖北京官胡漢章等聯名抗爭。歷數宣懷罪狀。鄂諮議局亦刊布傳單召集會議。至者數千人。競籌對付之策。御史趙熙等因抗疏入告。歷陳宣懷借債賣路二十餘款。政府不爲動。僅將原摺發交宣懷閱看而已。○頒布內閣屬官制暨內閣法制院官制。○同時裁撤憲政編查館及吏部等衙門。政權悉歸於內閣。

○六月各省諮議局呈請另組責任內閣不許。○責任內閣者對於議會負責任者也。時議會未立。先立內閣。而內閣又組之以皇族流弊滋多。自慶內閣成立後一切施行不滿輿論。以風行鐵路國有政策。向各國抵押。借款當時有慶記地皮公司之目。於是

# 各省諮議局聯合會以內閣宜負責任總理宜不任懿親請實行內閣官

## 制章程另簡大員組織由都察院代奏

略言內閣為代君主負責任之機關故君主立憲國

內閣大臣有組織內閣之權能負完全無缺之責任其最要之公例在不令織內閣之總理歸

於親貴尊嚴之皇族此非薄待皇族謂其無且織內閣之能力實以貴族內閣與君主立憲政體

有不能相容之性質勢不得不然也談君主立憲政體者無不謂君主立憲政體之不可侵犯之謂君

主立於神聖不可侵犯之地位則隸於君主之皇族亦可立於特別不可動搖之地位內閣之事實

位則可動搖而更新者也立於君主之下以受議會之監督有政策之衝突即發生推倒之事實

組織內閣之總理大臣于君主無親族之關係倒一內閣不過倒一某總理內閣君主毫不受其

影響組織內閣之總理大臣為密隸於君主之皇族則倒一內閣即為倒一皇族內閣皇族終內

閣而推倒使臣民之心理忘皇族之尊嚴君主之神聖必有不能永保之慮恭讀欽定憲法大綱

君主神聖不可侵犯列為專條新內閣宜制十九條絕無組織內閣必以皇族總理之規定蓋以

守君主立憲國之公例而第一次內閣總理適為親貴之慶王慶王內閣既成對於皇上擔負責

任使不可以推倒如設立內閣之制實意何使其可以推倒如我皇上神聖之體統何(中略)伏

皇上為國計久遠(中略)於皇族外另簡大臣充當組織內閣(中略)奏上留中無何諮議局聯合

會再呈由都察院代奏(中略)我國家愛我皇上懼愚忱之未至使人民對於政府生希冀

中奏上留

### 會再呈由都察院代奏

略言前呈未奉明旨備極待罪罔知所措何敢再行讀請惟願

斷絕之感實非國家前途之福不避斧鑕謹再為我皇上懼愚忱之未至使人民對於政府生希冀

內閣為君主立憲國唯一之原則世界各國苟號稱立憲者無一不求與此原則相脗合今中

國之改設內閣為實行憲政之機關固天下臣民所共見而第一次組織內閣之總理適與立憲

國之原則相違反國外報紙屢肆譏評以全國政治之中樞而受外論之抨擊已有妨於國體

曰外人不不知內情可以置之不論也自朝頃布立憲之詔天下嗚呼憲政之心日高希皇政府

立憲之旨有根本非消布之意希望之隱憂為疑阻政府之信用一失憲政之進行益難未識朝廷

何以處之內閣之責任顯於彈劾而致流放惟其絕非皇族故於國家大本無所動搖今以皇族當其

宣死刑意之內閣之責任顯於彈劾而致流放惟其絕非皇族故於國家大本無所動搖今以皇族當其

衝擊之則於親親之人。不能無所顧惜。不懲則全國民之攻點。交集於君主之身。國本動。實為大變之所伏。此雖相人。過慮然既為歷史之所有。不能保事實之必無。萬一此種事實發生。不識朝廷何以處之。內閣總理大臣。任命於君主。以組織內閣。故責任聯帶。實以總理為中心。其能聯帶負責之原因。必在總理與組織之國務大臣。為同一政治方針之黨派。君主無偏無阿。操黜陟之權。以臨之。故元首超然而大權益固。若以皇族組內閣。大權之行使。欲為親留餘地。必生進退為難之現象。即乾綱長振。不至生此現象。而皇族顯內閣之希冀。國中黨派。將有附和皇族。以為政黨之中樞者。皇族既涉政治。不能禁政黨之附和。政黨各為附和。不能不生黨派之競爭。及至釀成競爭為患。何堪設想。機雖不必驟動。弊實中于隱微。萬一此種事實發生。未識朝廷何以處之。中略仍請皇上明降諭旨。於皇族外。另簡大臣。組織貴任內閣。以符君主立憲之公例。以鑿臣民立憲之希望云云。

奏上旋下旨黜陟百司。係君上大權。載在先朝欽定憲法大綱。並註明議員不得干預。值茲預備立憲之時。凡我君臣上下。何得稍出乎大綱範圍之外。乃該議員等一再陳請。議論漸近囂張。若不亟為申明。日久恐滋流弊。朝廷用人。審時度勢。一秉大公。爾臣民等。均當懍遵。欽定憲法大綱。不得率行干請。以符君主立憲之本旨。自此旨一下。人民對於清室立憲之信用。為之銳減。寢成瓦解。土崩之現狀矣。

○派陸潤庠陳寶琛授讀 ○太后以是年七月。帝在毓慶宮入學讀書。

特派陸潤庠陳寶琛授讀。並派伊克坦教習國語清文。

○閏六月漢陽大火 ○是月十六日晚起。水陸並焚。至翌午五時始熄。

計陸地被焚之屋八千餘所。水中被焚之船亦千餘艘。舵戶焚斃及溺死。

者百餘人

東南大水

〔綱〕東南大水。〔目〕東南各省江蘇安徽江西浙江湖南俱大水東北奉天黑龍江等省亦大水人民被災者達數百萬人

〔綱〕調鳳山爲廣州將軍壽耆爲荊州將軍

〔綱〕廣東水師提督李準被刺未死。〔目〕先是廣東新軍之役爲水師提督

李準所擊敗及黃花之役又爲準擊敗七十二烈士同時殞命黨人陳敬嶽大痛思刺李準爲黨人復仇偵知準往順德清鄉敬嶽僞爲流丐沿途乞食以躡準後欲待準登岸以彈擲之而準始終未上陸敬嶽不得逞嗣準返省又追從之卒擊準於廣州雙門底碎準肩輿傷右手及腰部未死敬嶽被擒遂被殺敬嶽廣東嘉應人因讀鄒容革命軍一書遂醉心革命爲暗殺團健將

趙爾豐督四川

陳敬嶽死

陳敬嶽刺李準

〔綱〕秋七月王人文龍以趙爾豐爲四川總督。〔目〕自川人反對鐵路國有政策後嘗開保路同志會肆力抗爭雖政府用強力禁止然存亡所係咸願繼之以死因就成都鐵路局續開保路大會到者四千人議員程某演說謂今日開會某不敢以議員資格來不敢以國民資格來直以亡國資

格來因力陳借款亡路路亡國亡聲淚俱下由是人心大爲震動不及一月各府州縣皆立分會以爲之應重慶府爲川路中心點人民爭之尤力集會江西會館與會者萬五千人公舉代表宣言借債修路川人誓死不承認川督王文默覘民志激且愈甚因以衆情不順據實代奏盛宣懷疑人文有意反對致川人肆意挾怨政府請嚴旨申飭人文憤甚誓以去就爭而戒川民勿得暴動政府旋褫人文職以趙爾豐代爲川督人文遂促爾豐赴任爾豐至川川人開全體股東大會決定對付之策並議嗣後全蜀股東不完捐稅不納丁糧無論政府如何濫借外債川民概不担負商民停止貿遷學堂一律停辦議未定闔城已停課罷市保路會踵至者衆逾數萬號泣之聲達於遠邇咸謂停課罷市既已實行惟有遵守先朝諭旨所謂大權統之朝廷庶政公諸輿論各自散歸恭奉先皇靈位靜待後命而已言畢大哭惟謹守秩序無絲毫暴動爾豐覩事急電致政府略謂川路風潮日益劇烈罷市者已十餘州縣此外雖未罷市亦皆有蠢動之象若不亟定辦法明白宣示必有意外之變且慮民心搖動匪徒從中煽惑大局何堪設想爾豐兄爾巽久任川督深悉川省民情亦電達



重慶商民停止營業

趙爾豐槍斃川民四十餘人

政府請仍歸商辦以息紛爭。是時重慶商民亦相繼停止營業。重慶爲通商口岸。外商雲集。各國領事默察民情。恐禍機猝發。蹈昔年團匪故轍。照會政府請設法保護。政府始有悔意。朝議多咎盛宣懷。奕劻亦不負責任。宣懷始思讓步。顧已無及。

趙爾豐拘捕保路會代表槍斃川民四十餘人。當四川保路會成

時曾派代表劉聲元等赴北京。上攝政王書請嚴治盛宣懷罪。以謝天下。攝政王不允。聲元等再次上書請奕劻代奏。奉旨嚴斥。遞解回籍。交地方官嚴加管束。川人大憤。又聞政府有派令端方督兵入川之信。益惶急。憂懣。保路會在川代表鄧孝可等率衆至督署謁趙爾豐。請阻止端方入蜀。爾豐不聽。代表泣陳。羣衆附和。語稍激。爾豐大怒。叱令親兵拘鄧孝可及蒲殿英等數人。孝可殿英等爲民望所歸。既被拘。益大憤。相率環督署求保釋。至有奉德宗木主上書大權統於朝廷。庶政公諸輿論二語。以哀懇者。爾豐不之顧。令親兵開槍驅逐。槍斃四十餘人。官民大鬩。爾豐奏言川人藉爭路爲名。希圖獨立。並發布自保商榷書。擁戴羅綸爲首領。意在叛亂。與爭路無涉。奏上。政府遂主張用兵。下詔解散保路會。亂民暴動。格殺

朝命端  
方督兵  
入川

朝命岑  
春煊入  
川

勿論

○端方時爲督辦粵漢川漢鐵路大臣當趙爾豐激成民變時政府電諭端方略謂幹路國有從前商民股本均經安定辦法旬日以來川省突有匪人散布自保商權書意圖獨立約期起事經趙爾豐先期偵悉擒獲首要茲已電飭趙爾豐相機剿撫着端方帶隊入川云云由是川境人心愈形激烈

○春煊初任兩廣總督因事開缺至是奉命往四川會同趙爾豐辦理勦撫事宜時川亂熾甚端方擁兵逗逼不敢進趙爾豐急電乞援政府促春煊西行春煊至武昌與鄂督瑞澂議不合稱病乞歸會趙爾豐奏辦勦得手朝旨遂許春煊還上海

○趙爾豐以亂事敕平入報  
○趙爾豐聞朝廷派岑春煊赴川甚不自安旋聞春煊亦欲和平解決恐春煊一至將劾其激變之罪遂鋪張戰功稱川亂敕平冀以尼春煊之行復私電閣臣謂川邊緊要才難勝任欲求他調以覘朝旨同時川人以爾豐慘斃多命冤憤難平重慶商民公電各省諮議局略謂趙爾豐濛蔽入奏竟謂亂黨猛撲督署肆行焚掠捕風捉

影重誣川人希圖自掩甘與盛宣懷聯爲一氣稍有人心必不殘忍至此  
倘蒙各省諮議局同伸公論維持大局同人幸甚事爲政府所聞亦疑爾  
豐所奏不實電諭成都將軍崑玉詳查川亂原因及當時起事情狀崑玉  
覆奏與爾豐不甚懸殊政府以崑玉爾豐同官難免不受籠絡尋奉攝政  
王面諭由軍諮府遣參謀官二員澈查川事真相及爾豐對待情形爾豐  
知爲政府所疑益不自安急鋪張戰績分電各疆臣冀以淆惑衆聽

川粵兩  
路實歸  
國有

八月端方瑞澂合奏川漢粵漢兩路已實行收歸國有 先是盛宣  
懷以川事未定各省保路會有聯絡響應之勢設有變動路事愈難結束  
因分電端方瑞澂等解散保路會速收股款以定全局至是端方瑞澂等  
議定接收股款辦法卽從鄂境起取銷商股公司二人遂合詞入奏謂川  
漢粵漢兩路已實行收歸國有朝廷方傳旨嘉獎而不意武昌民軍卽於  
是時突起

武昌民  
軍起瑞  
澂通

武昌民軍起推黎元洪爲鄂軍都督湖廣總督瑞澂遁武昌省城遂爲  
民軍佔領 專制政體不容於二十世紀之世界已爲政治家所公論  
自黃花岡之役革命聲浪震盪全國而言論事實之相繼發現者且日演

變起之  
由來

新軍謀  
變

而日激當是時下有鼓吹革命之黨人上復有製造革命之官吏立憲其名專制其實商路則收歸國有外債則任意大借內閣則專任親貴請願代表則遞解回籍又值各省水災饑民徧地天時人事相逼而來而黨人乘之由沿海邊省進趨於長江流域江蘇安徽湖北等省均有黨人潛伏並有大宗軍火由牛莊運入長江清廷聞之大懼分電各省督撫嚴密防範鄂督瑞澂搜捕黨人尤急飭陸軍第八鎮統制張彪分布軍隊按段梭巡八月十七日搜查益密據瑞澂電奏先後捕獲者七十三人十八夜復搜得黨人名冊各營兵士列名黨冊者甚多瑞將按冊窮治一時新軍人自危武昌新軍向稱有萬六千人合組爲步隊馬隊礮隊三種悉歸張彪統轄彪貪懦無能軍隊平時咸懷怨望復經黨人暗中運動久已躍躍欲試至是因黨冊被搜遂謀爲變八月十九日下午九時工程第八營左隊營中忽炸彈聲喧噪聲同時猝起以同心協力爲暗號擊下肩章左右各繫白巾改稱民軍督隊官阮榮發等聞變出阻卽被槍斃步隊二十九三十兩標殺管帶排長數人以應之遂趨火藥庫劫取子彈大呼攻督署與防護馬隊互擊一小時馬隊不能支遂與工兵合分兵三處一駐鳳凰

民軍佔領武昌

衆議黎元洪主民軍

改諮議局爲軍政府

佔領漢陽

山一駐蛇山一駐楚望臺各架礮轟擊督署二十日瑞澂張彪均棄城遁時軍中尙無主衆議以第二十一混成協統黎元洪賢明仁厚素抱共和之志非是莫能當也遂共趨元洪寓所元洪方秉燭坐有軍士數人闖門入元洪按劍叱曰一若屬將何爲欲爲亂耶斫吾頭去吾死不能從一軍士曰一否吾屬冒萬死興義師爲國民計非爲私也一元洪曰一如此則吾當爲爾輩主一於是共肅元洪上騎同至諮議局鄂中官紳亦稍稍集遂決議改諮議局爲軍政府奉元洪爲鄂軍都督而以前諮議局長湯化龍爲民政總長一切政令皆以軍政府名義施行初發難時民軍頗有殺戮滿洲人者元洪既就職遂一面傳令不得在城內放礮不得妄殺滿人一面派兵分守藩庫官錢局儲蓄銀行及度支公所於是武昌省城全爲民軍所佔領

民軍佔領漢陽及漢口

民軍既佔領武昌卽遣兵渡江先至漢陽

兵工廠聲稱張彪派來保護之兵廠中信之仍照常工作及張彪派人到廠領取槍械民軍抗不准領於是廠中始知爲民軍所佔總辦王壽昌遁走上海民軍遂分布軍隊防守各地與兵工廠相連之鐵廠亦爲民軍所

佔領漢口

領事團承認民軍爲獨立團體

以袁世凱爲湖廣總督岑春煊爲四川總督

長沙民軍起

奪漢陽知府先時遁匿於是漢陽府城又爲民軍所佔領此八月二十日事也二十一日有土匪在漢口華界乘機縱火意圖焚劫軍政府立遣兵數百人馳往救援匪徒聞風遠逸夏口廳王國鐸亦先遁民軍卽於漢口組織軍政分府以前大江報主筆詹大悲爲都督於是漢口又爲民軍所佔領武漢三鎮既全爲民軍佔領二十二日軍政府遂照會各領事團以保護租界自任要求其嚴守中立領事團見其舉動文明與庚子拳亂不同遂宣告中立承認民軍爲獨立團體

○瑞澂張彪職以袁世凱爲湖廣總督岑春煊爲四川總督  
○自民軍崛起武漢三鎮失守後舉朝震動二十一日朝命陸軍大臣蔭昌督兩鎮兵前往湖北又命薩鎮冰督兵艦程允和督長江水師赴援革瑞澂張彪職拿解來京起用袁世凱爲湖廣總督岑春煊爲四川總督均責以督辦勦撫事宜以趙爾豐爲川滇邊務大臣促端方督兵入川端方師次資州爲亂軍所殺其後趙爾豐亦爲民軍所殺

○九月湖南長沙民軍起推焦豈爲都督陳作新爲副都督防營統領黃思浩死之  
○湖南民氣之盛甲於全國鄂軍一起長沙新軍六百人卽

奮然欲動巡撫余誠格立將新軍調駐城外防範極嚴而焦昱陳作新極力運動九月初一日新軍遂攜礮入城據軍械局進圍撫署誠格聞變剪髮由署後逸出乘湘班小輪走江西防營統領總兵官黃思浩方謀出阻爲新軍所戕藩司黃以霖臬司劉鍾琳等均逃匿勸業道曾綬若營務處王毓江長沙縣沈瀛等均被殺遂以諮議局爲軍政府公推焦昱爲湘軍都督陳作新爲副都督

江西民軍起

綱江西民軍起推吳介璋爲贛軍都督巡撫馮汝驤死之 目武漢警報

佔領九江

至九江礮臺營官徐世法運動新軍響應標統馬毓賢率衆起事九江道保恆知府璞良防營統領張檢均逸去衆推毓賢爲九江都督主持軍務九江礮臺悉歸徐世法統轄九江一帶遂爲民軍佔領警電達省城贛撫

馮汝驤自殺

馮汝驤倍給陸軍薪餉冀以收拾軍心而人心已去陸軍協統吳介璋已與民軍接洽汝驤守戰均無策九月初二日民軍入城設軍政府於高等學堂公推汝驤爲都督汝驤不從遂以吳介璋爲贛軍都督送汝驤出城

汝驤尋自殺

江蘇民軍起

綱江蘇民軍起推巡撫程德全爲都督 目江蘇民軍始發現於上海九

蘇州府松  
江等府  
相繼佔  
領

安徽民  
軍起

朱家寶  
宣布獨  
立

鳳山被  
炸死

月十三日。聞北巡警局左近火起。各巡士皆臂纏白布。與民軍合俄。而城上懸白旗。焚道署。是夜至城西。攻取製造局。以陳其美爲都督。李平書爲民政長。隨入蘇州。見蘇撫程德全。請其獨立。德全以一秋毫無犯。勿擾百姓。一爲要約。民軍允之。於是滿城皆白旗矣。十六日。松江鎮江及揚州等府。亦相繼爲民軍佔領。

安徽民軍起。推巡撫朱家寶爲都督。初鄂軍事起。檄至安徽。巡撫朱家寶命新舊軍概發子彈。至九月初。忽有新軍變亂之謠。家寶命復將子彈收回。於是新軍相約舉事。朱家寶出資遣散之。皖省士紳恐新軍終爲變。羣議獨立之策。提出三問題。要求家寶答覆。家寶答云。軍心如此。民心亦如此。各省相繼而行。令人束手無策。請諸公籌畫擇行。於是。由諮議局開會。公舉家寶爲臨時都督。於十八日宣布獨立。

廣州將軍鳳山被炸死。鳳山爲滿洲將軍。九月初至廣州履任。甫登岸。至大南門外。革命黨周貞之擲彈炸之。鳳山立斃。貞之順德人。初因陳敬嶽刺李準未中。乃專意於新任滿洲將軍鳳山。時武漢民軍已起。湘贛蘇皖先後響之。而此一彈遂爲光復廣州之先聲。



陝西民軍起推張鳳翽爲全陝興漢軍大統領 陝西新軍本多陝  
甘人光緒末恩壽撫陝奏調王毓江爲協統王皖人也而皖軍之入陝者  
遂日增多安慶之役熊成基部下幾全數援挈入陝此輩腦中素有革命  
二字及鄂軍一起聞風響應同時有車駕將西幸避陝之謠欲爲先發制  
人之計遂於九月初四日由礮工馬步等營相率懸白旗舉事先佔省城  
據藩庫軍裝局焚電報局巡撫錢能訓以下各官逃避一空遂公推管帶  
張鳳翽爲全陝興漢軍大統領後改爲都督時駐防旗兵礮擊學生隊四  
百餘人人情大憤遂有殘殺旗兵之事旋即平定

山西民軍起推閻錫山爲都督巡撫陸鍾琦死之 陝西舉義警耗

達山西巡撫陸鍾琦恐民軍來襲欲派新軍往守潼關以爲防堵而新軍  
均不願設種種要求鍾琦悉應允之於初七晚發餉給彈定次日拔隊啓  
行會有人至第二營管帶姚作藩處告密謂將於途中要擊該軍作藩大  
憤遂於初八日晨率衆譁變蜂擁入城槍聲四起直攻撫署鍾琦親出彈  
壓被衆軍所戕其子翰林院侍講陸光熙及協統譚振德管帶熊國斌皆  
被殺鍾琦全家死節未幾滿洲駐防兵亦被擊破遂公推協統閻錫山爲

山東民  
軍起

都督與陝西取一致行動

○山東民軍起推巡撫孫寶琦為都督 ○山東自聞鄂軍起事秦晉響

應又聞清廷以軍餉浩繁向德國借款三百萬以山東全省土地作抵各

地紳士以事機緊迫於諮議局迭開會議議決八事要求巡撫孫寶琦電

達政府其八事一政府不得借外債充軍餉以殺戮同胞二政府須即速布罷職書無論南軍

款餉及節省項下暫停協解概留本省練兵振荒之用五憲法須註明中國為聯邦政體六外官

制地方稅皆由本省自定政府不得干涉七諮議局章程即為本省憲法得自由改定之八本省

有練兵保衛之自由其所要求實與獨立無異故當時有孫寶琦奏請獨立之傳說旋

得政府覆電於要求各事未能盡允遂於九月二十一日續開會議公舉

寶琦為臨時都督宣布獨立 ○收路激變倡之者為盛

宣懷一人當時有盛先壞之目謂清事之敗先壞於宣懷一人之手也舉國指謫朝廷不為動及民軍奮起倉

猝不知所為言路羣起而攻宣懷亦自知不能為衆所容引咎辭職至是

始以違法行私貽誤大局罪名詔即革職以唐紹怡代為郵傳部大臣同

時命趙爾豐釋放因爭路被捕士紳並將王人文趙爾豐交內閣議處道

員田徵葵等革職遣戍有差

革盛宣  
懷職

孫寶琦  
宣布獨  
立

詔袁世凱與民軍開戰

戰於漢口北之劉家廟

**綱** 詔授袁世凱爲欽差大臣，節制海陸各軍，與民軍開戰。自武昌發難之始，清廷卽命陸軍大臣蔭昌、海軍副大臣薩鎮冰統率海陸軍南下。二十六日抵漢口，二十七日與民軍開始搏戰。民軍作半圓形之陣進迫，一敗清軍於劉家廟，再敗清軍於沈家磯，威聲大震。時蔭昌雖統領陸軍，然性怯懦，盤旋於信陽，孝感間虛作戰備，不敢前進。清廷知事機危迫，不得不改變方略，遂先起用袁世凱爲湖廣總督，令往湖北督軍。至是更命世凱爲欽差大臣，而以馮國璋總統第一軍，段祺瑞總統第二軍，均歸世凱節制。召蔭昌回京，世凱既受命，卽令馮國璋南下，先與民軍開戰。九月六日，民清兩軍大戰於漢口北之劉家廟，民軍初勢甚猛，嗣因薩鎮冰以兵艦巨礮下擊，民軍死傷過當，稍退却。清軍乘勝進逼，遂奪回漢口，縱火焚之，火三日不絕。

**圖** 漢口之役，馮國璋率第一軍與民軍搏戰，民軍爲薩鎮冰艦礮所擊，退走而西，逾大智門，至跑馬廳，深濠嚴壘，以待相持。至日暮，停戰是夜，馮軍繼續開大山礮側攻，民軍無相當之山礮，以應之。有學生隊徒手攜炸彈，直搏馮軍，久之不支，乃敗退。馮軍直入漢口街市，搶掠之不

足繼之以焚燒商民四散奔逃煙燄蔽天連二十餘晝夜漢口三十里街市俱化為灰燼論者謂此次之火專為焚燬愛新覺羅氏之社稷壇焉又段祺瑞與馮國璋同被命南下段始終未與民軍激戰論者又謂當時若以段易馮則漢口之蹂躪或可倖幸而馮段之優劣於此可見一班云

綱下詔罪己

目九月初九日所下

詔曰朕繼承大統於今三載兢兢業業期與士庶同登上理而用人無方施政寡術政地多用

親貴則顯戾憲章路事驟於倉壬則動違輿論促行新治而官紳或籍為網利之圖更收舊制而權豪或祗為自便之計民財之取已多而未辦一利民之事司法之詔屢下而實無一守法之人馴致怨積於下而朕不知禍迫於前而朕不覺川亂首發鄂亂繼之今則陝湘警報迭聞廣贛變端又見區夏騰沸人心搖動九廟神靈不安歎鑿無際蒸庶塗炭可虞此皆朕一人之咎也茲特佈告天下誓與我國軍維新更始實行憲政凡法制之損益利病之革興皆博采輿論定其從違以前舊制舊法有不合於憲法者悉皆除罷化除旗漢壓奉先朝諭旨務即實行鄂湘亂事雖涉軍隊實由端激等乖於撫馭激變棄軍與無端構亂者不同朕惟自咎用端激之不宣軍民何罪果能翻然歸正決不追究既往朕以眇眇之躬立於臣民之上禍變至此幾使列聖之偉烈貽謀一顛墜於地悼心失圖悔其何及尙賴國民扶持軍人翼戴期納我億兆生靈之幸福而鞏我萬世一系之皇基使憲政成立因亂及而圖存轉危而為安端恃全國民之忠誠朕實嘉賴於無窮此時財政外交困難已極我軍民同心一德猶懼顛危倘我人民不顧大局輒聽匪徒煽惑致釀滔天之禍我中國前途更復何堪設想朕深憂極慮夙夜旁皇惟望天下臣民共喻此意

綱詔開除黨禁

目九月初九日所下

略曰黨禁之禍自古垂為痼疾不獨我人才抑且消阻士氣况時事日有變遷政治隨之遞

釐往熱心政治以致逾範圍其情不無可原茲特明白宣示特沛恩綸與民更始所有戊戌以來因政變獲咎與先後因犯政治革命嫌疑不越法律範圍均享國家保護之權利非據法律不得其既往俾齒齊民嗣後大清帝國臣民苟不越法律範圍均享國家保護之權利非據法律不得

取消皇族內閣

任袁世凱為內閣總理

頒布憲法信條

擅以嫌疑逮捕。至此次被故人等。尤當深自拔濯。抒發忠愛。同觀憲政之成。以副朝廷。咸與維新之至意。

詔取銷皇族內閣

九月初九所下

略曰。資政院奏。內閣應實負責任。國務大臣不任。親一摺。親親執政。與立憲

各國通例不符。我朝定制。不令親貴干預朝政。祖訓著有明文。實深合立憲國家政體。通例。方今國難未解。始設議政王。以資夾輔。相沿至今。本年設立內閣。仍令皇族簡充國務大臣。原屬一時權宜之計。朝廷本無所容心。茲據該院所奏。稱皇族內閣。與立憲政體不能相容。請取銷內閣。暫行章程。實行內閣完全制度。不以親貴充當國務大臣等語。所陳係為尊皇室而固國基起見。朕心實深嘉納。一俟事機稍定。簡賢得人。即令組織完全內閣。不再以親貴充國務大臣。並將內閣總理暫行章程撤銷。以符憲政而立國本。

奕劻罷以袁世凱為內閣總理大臣

自取消皇族內閣之諭既下

慶親王奕劻。自以奉職無狀。請予罷斥。同時載澤。鄒嘉來各員。亦相率辭職。詔均許之。特任袁世凱為內閣總理大臣。着即來京。組織新內閣。

頒布憲法信條

自武漢起義。各省響應者。皆為新軍。至是由奉天調赴灤州之第二十鎮新軍。統制張紹曾。與混成協統藍天蔚等。忽電奏

政府。要求實行立憲。並憲法須由議院制定。疏入。政府大驚。懼近畿新軍將謀為變。即命資政院起草憲法。是月十三日。先行議定憲法內重大信

條十九條入奏。即命刊刻。臚黃。宣示天下。

第一條。大清帝國。皇統萬世不易。第二條。皇帝神聖。不可侵犯。第三條。皇帝之

權。以憲法所規定者為限。第四條。皇帝繼承順序。於憲法規定之。第五條。憲法由資政院起草。議決。由皇帝頒布之。第六條。憲法改正提案。權屬於國會。第七條。上院議員。由國民於法定特別資格者。皇族不得為之。第八條。總理大臣及其他國務大臣。由國會公舉。皇帝任命。其他國務大臣。由總理大臣受國會彈劾時。命。皇族不得為之。第九條。總理大臣及其他國務大臣。由國會公舉。皇帝任命。其他國務大臣。由總理大臣受國會彈劾時。

非國會解散。即內閣辭職。但一次內閣不得為兩次國會之解散。第十條。海陸軍直接皇帝統率。但對內使用時。應依國會之特別條件。此外不得調遣。第十一條。不得以命令代法律。除緊急命令。令。應特定期限。不在國會開會期中者。由國會追認。第十二條。國際條約。非經國會議決。不得締結。但媾和宣戰。不在國會開會期中者。由國會追認。第十三條。官制官規。以法律定之。第十四條。本年度豫算。未經國會議決者。不得照前年度豫算開支。又豫算案內。不得有既定之歲出。豫算案外。不得為非常財政之處分。第十五條。皇室經費之制定及增減。由國會議決。第十六條。皇室大典。不得與憲政相抵觸。第十七條。國務裁判機關。由兩院組織之。第十八條。國會議決事項。由皇帝頒布之。第十九條。以上第八第九第十第十二第十三第十四第十五第十八各條。國會未開以前。貴政院適用之。

**綱**以張紹曾為宣撫大臣。時長江各省皆附民軍。紛紛宣布獨立。樹

排滿旗幟。特派紹曾為宣撫大臣。使赴長江一帶。宣布朝廷德意。

**綱**釋汪兆銘黃復生羅世勛於獄。兆銘等去歲謀刺攝政王被執。囚

禁獄中。至是釋之。發交兩廣總督張鳴岐差委。

**綱**浙江民軍起。推湯壽潛為都督。長江各省既響應民軍。西南各省

繼之首為浙閩。浙省自鄂師起。即思獨立。惟以駐防營反對。未能實現。巡

撫增韞亦滿洲人。防範極嚴。九月十三夜。諮議局副議長沈鈞儒入撫署。

請增韞將旗營兵士編入民籍。宣告獨立。以免戰禍。增韞不允。十四夜二

時。民軍奮起。燬撫署。拘增韞。佔據軍械局及礮馬輜各營。十五日。改諮議

局為軍政府。公推湯壽潛為都督。將軍德濟開礮擊民軍。為民軍所敗。旋

浙江民軍起

釋汪兆銘等獄

乞降。允以旗兵改編民籍。旗營一律繳械。並戮協佐領貴林存炳。哈楚章量海四人。以爲反抗者戒。於是戰禍始止。

福建民軍起

福建民軍起。推孫道仁爲都督。總督松壽將軍樸壽死之。福建爲滿軍駐防地。自武昌起義後。閩督松壽將軍樸壽對於福州新軍。加意防範。藥庫子彈。悉行搬入旗界。凡滿人十三歲以上之男子。均發洋槍一枝。子彈三百粒。婦女各發小刀一柄。以備決一死戰。且於旗界內。安放大礮。埋伏地雷。宣言一必使全城人民同歸於盡。一居民聞之。無不駭皇。諮議局開會議決。要求松壽樸壽將軍政權讓出。而允以旗丁編入民籍。爲交換條件。樸壽不允。九月十九日。民軍突起。推二十協協統許崇智爲總司令。督師與旗兵宣戰。焚將軍衙門。佔據火藥庫。旗兵不能支。懸白旗乞和。繳軍械。松壽仰藥死。樸壽見殺。都統勝恩。藩司尙其亨。均派兵護送出境。遂宣布獨立。而以常備軍統制孫道仁爲都督。

雲南民軍起

雲南民軍起。推蔡鍔爲都督。統制鍾麟同。布政使世增死之。雲南自英佔片馬後。人民痛政府之失權。久懷憤鬱。及鄂事起。風潮南趨。愈演愈劇。總督李經羲恐新軍有變。爲先發制人之計。九月初七。黎明早操時。

貴州民  
軍起

忽下令將槍械收回軍人大震初十日晨新軍協統蔡鍔遂起兵率所部往奪槍礮廠繼攻督署酣戰一晝夜蔡軍大勝李經羲及司道等均出南門走免蔡遂被推爲都督宣布獨立統制鍾麟同布政使世增及兵備處總辦道員王振畿管帶范鍾岳均被殺

○貴州民軍起推楊蓋誠爲都督 ○貴州介居滇桂湘鄂間聞各省獨

立九月十四日新軍及政學界齊集諮議局宣告獨立是日新軍整隊入城守護藩庫及火藥局改諮議局爲軍政府巡撫沈瑜慶聞變遁走公推新軍教練官楊蓋誠爲都督隊官趙德全爲副都督軍民人等均懸掛漢旗歡聲雷動兵不血刃而全黔安定

廣東民  
軍起

○廣東民軍起推胡漢民爲都督 ○廣東自黃花岡之役督署被攻後

閏六月水師提督李準被刺九月初四將軍鳳山又被刺是時全粵滿洲官吏驚恐已極李準竟令其弟來港與黨人聯絡於是廣州士紳假文瀾書院疊次議獨立未克就緒是月十八日復在諮議局開議公舉粵督張鳴岐爲都督提督龍濟光副之而張已先遁另舉胡漢民爲都督陸軍統領陳炯明爲副都督胡未到省以前以蔣尊簋代之遂於十九日宣布獨



廣西民  
軍起

立

綱廣西民軍起推陸榮廷爲都督 目廣西自得各省獨立通電後知大局已去勢難違衆九月十六日諮議局議決獨立由議長面謁桂撫沈秉堃請爲宣布沈以茲事體大未可孟浪密召藩司王芝祥到轅計議是夜由藩司發出獨立旗幟甚多十七日晨各家各局所均高懸白旗文曰一大漢廣西全省國民軍恭請沈都督宣布廣西獨立廣西國民萬歲一秉堃至此無可如何於是廣西亦宣布獨立無何桂林軍界有與秉堃不協者於二十日之夜嗾使巡營十四十五兩隊譁變謀劫藩庫不得入轉攻諮議局及電報局皆毀事平秉堃遂萌退志旋託北伐之名辭職去改舉陸榮廷爲都督

四川民  
軍起

綱四川民軍起殺前四川總督趙爾豐推尹昌衡爲都督 目四川自鐵路風潮後所屬皆瓦解鄂軍起州縣中起應者不下數十處惟川督趙爾豐仍擁兵自固及十月初八端方見殺於資州成都民軍遂宣布獨立舉蒲殿俊爲都督與趙爾豐開戰十八日川省先鋒隊三千餘人忽譁變戕官劫庫焚掠肆市都督蒲殿俊副都督朱慶瀾皆避去城中主持無人陸

新疆民  
軍起

軍小學總辦尹昌衡聞變急入鳳凰山營激厲將士率之入城翌日復涕泣誓師軍心感動推昌衡爲都督羅綸爲副都督十一月昌衡引兵圍攻督署擒趙爾豐殺之於明遠樓側全川悉定

○新疆民軍起推廣福爲都督伊犁將軍志銳死之 ○新疆伊犁將軍志銳當未抵伊犁之前與甘督長庚及載瀾載漪等密議擁已廢大阿哥溥儀爲帝聯合蒙衆據新甘兩省進窺山陝事爲民黨楊纘緒馮特民等偵悉乃聯合回民攻擊軍庫志銳倉猝被殺公推將軍廣福爲新伊都督諸部落先後歸附民軍

甘肅民  
軍起

○甘肅民軍起義總督長庚被執幽之 ○甘肅聞山陝之變人心異常恐懼及伊犁將軍志銳被殺總督長庚知大勢已去不可收拾憂鬱特甚未幾民軍起長庚被囚全省遂宣布獨立

外蒙古  
庫倫宣  
布獨立

○外蒙古庫倫宣布獨立逐辦事大臣三多 ○外蒙古自改行新政後庫倫辦事大臣三多遇蒙人尤嚴喇嘛有犯法者輒嚴懲之雖活佛親往請寬宥亦不能免以是蒙人皆憤怒辛亥六月蒙古諸王公開大會議共籌對付中央之策時分和平激急兩派和平派主張仍擁護中央促政府

之反省激急派主張聯絡俄羅斯反抗中央結果卒爲親俄派之說所勝土謝汗部之杭達多爾濟親王等先後赴俄訂結密約至是因武漢起義舉國響應遂乘機宣布獨立逐辦事大臣三多而自稱爲皇帝

河南民  
軍起

○河南民軍起尋敗退 自河南自武昌發難以來見北軍南下經過該省種種慘虐非可言喻謀獨立者屢矣而爲清軍所壓迫不能得志先是九月間河南大俠王天縱由南陽回嵩縣募勁旅七千人於十月十三圍洛陽攻偃師襲孟津與清軍戰大勝旋以軍火不接退至陝西已而河南府民軍復起爲清軍所包圍民軍勢不能敵退與秦軍相聯合而民黨之爲清民慘殺者極多

直隸民  
軍起

○直隸民軍起推王懷慶爲都督 自直隸爲京師所在地防範之嚴過於他省故當鄂事起後雖有志士密謀運動終屈伏而不得逞其勃起者惟灤州一軍十一月初十日灤州軍隊通電北京內閣力主共和政體願參入民軍之列內閣得電卽派王懷慶馳往勸慰王既抵灤該軍卽擁以爲北軍大都督擬十四日率歸北上王以籌餉爲名逃歸北京袁世凱派大隊往灤軍雖被撲滅然民心因之而益激

綱東三省民軍起推藍天蔚爲關東大都督。東三省爲清室發祥之地。顧受日俄兩國之感觸。人民信賴清室之觀念。日漸薄弱。武昌變起。各省響應。奉天紳民謀獨立。因軍界不贊成。乃改設保安會。推總督趙爾巽爲正會長。未幾吉林黑龍江亦各設保安會。各推其巡撫爲會長。至是陳再生等遂起義於奉天。莊河顧人宜兄弟復聯絡安東鮑軍。組織滿洲征清第一軍。公舉前奉天陸軍協統藍天蔚爲關東大都督。而遼陽城西劉二堡亦有民軍起事。推徐景清爲首領。由是大局震動。遂以促清室之退位。

綱海軍各艦隊歸附民軍。自民清兩軍開戰後。海軍提督薩鎮冰乘

楚有兵船帶領建安。建威。江元。楚豫。楚泰。楚謙。各礮船。湖隼。湖鷹。湖鶚。及辰宿各雷艇。開駛漢口。助攻民軍。至是海軍中有鏡清幫帶陳復及學生劉樾。劉勳。名楊砥中。常光球等三十餘人。組織敢死隊。于是月二十日一夜起事。各輪同時響應。願爲民國効力。遂一律開往鎮江。歸附鎮軍都督林述慶。計鏡清保民。楚觀。江元。江亨。建成。通濟。楚同。楚泰。飛鷹。楚濂。虎威。江平。及張字號魚雷艇共十四艘。皆卸去武裝歸附民軍。

袁世凱  
入京組閣

袁世凱入京組閣。袁世凱自光緒三十四年勒令回籍後，治別業

於彰德杜門謝客，不復問世事。及武昌變起，忽總督湖廣之命，即以足疾

未痊，力辭。至再，內閣協理大臣徐世昌、世凱之故人也，微服出京，親往說

之，始應召。視師各軍，多世凱舊部。聞世凱不日來軍，皆喜曰：「宮保來矣！」清制

凡勳臣加太子少保或太保銜者，人皆呼之為宮保。袁世凱於庚子後得有太子少保銜，在直隸任內練兵六鎮，漸佈滿北方各省，故北軍中習稱之曰宮保。勇氣百倍，因

是有漢口及漢陽之捷。及皇族內閣取消慶親王罷職，詔以世凱為內閣

總理大臣，電召回京，令組織完全內閣。世凱屢辭不獲，至是入京，組織內

閣。以梁敦彥為外務大臣，趙秉鈞為民政大臣，嚴修為度支大臣，唐景崇

為學務大臣，王士珍為陸軍大臣，薩鎮冰為海軍大臣，沈家本為司法大

臣，張謇為農工商大臣，楊士琦為郵傳大臣，達壽為理藩大臣，並以胡維

德等為各部次官。是為清末第二次內閣。

以段祺瑞署理湖廣總督。

遣使宣慰各省。目前既以張紹曾宣撫長江一帶，至是復分遣各省

宣慰使宣慰各省。以張謇使江蘇，湯壽潛使浙江，江春霖使福建，譚延闓

使河南，梁鼎芬使廣東，趙炳霖使廣西，喬樹枬使四川，謝遠涵使江西，柯

遣使宣慰各省

邵恣使山東渠本翹使山西王人文使雲南高增爵使陝西令宣布朝廷  
實行改革宗旨冀亂事早日戡平惟被簡各員以大局已去無可宣慰多  
不就職

○冬十月以憲政信條宣誓太廟 十月朔由監國攝政王代行宣誓

略言溥儀宣紹丕基兢兢業業仰承先朝立憲之大旨力圖急進朝夕籌謀乃弗克負荷用人行政諸未得宜以致上下睽隔情意不孚旬月之內憂區微擾深懼我累聖相承之大業顛覆於地  
綢子小子却島克當茲由資政院諸臣博採列邦君主最良之憲法上體親貴不與政事之成規  
先撰重大信條十九條其餘未盡事宜一併歸入憲法迅速編纂並速開國會以符立憲政體審  
察情勢已允施行用敢矢言於我列祖列宗之前繼自今兢兢之躬振振之族當於內外臣工軍  
民人等普同遵守子孫萬世罔敢或渝以紓九廟在天之憂而慰率土蒼生之望惟我祖宗實式

臨之  
謹誓

○山東取消獨立 山東當宣告獨立時孫寶琦曾向紳民宣示三條

一山東全省人民自今對於北京斷絕一切關係二以山東全省加入中  
華民國政府三關於本省內部之組織分爲議決行政軍政各部和衷共  
濟俟大局定後共和政體完全成立再行變更政府聞而大驚慶親王奕  
劼內閣總理大臣袁世凱函電交馳皆責其鹵莽寶琦因而大悲遂電奏  
請罪取消獨立名義廷旨嚴責至是世凱遣張廣建吳炳湘至濟南命署  
布政使及巡警道聯合第五鎮統制吳鼎元等取消獨立旋以廣建代寶

長沙兵變

琦爲山東巡撫

綱長沙兵變殺其都督焦昱陳作新推譚延闓爲都督 目初焦昱既被

推爲湘軍都督銳志援鄂忌者密欲殺之煽惑軍隊謂昱領餉數十萬私爲已有並謂昱已被戕今非本人初十日午後有軍人至軍政府詭稱和豐公司有兵騷擾事給作新出城彈壓殺之於北門外東嶽廟前旋有軍一隊佯爲備物犒軍者誘昱出而殺之由新軍推代表至諮議局要求選舉譚延闓爲湘軍都督

收復漢陽

誘殺焦昱

綱清軍收復漢陽賞馮國璋二等男爵 目自九月初八日漢口被焚後

十一日民軍退入武昌漢陽十三日黃興被任爲總司令渡江與清軍戰發青山之礮以擊清軍清軍退出車站十五日民軍發鳳凰山之礮攻擊大智門十八日又攻之清軍棄大智門退自是民軍屢渡江攻清軍多所殺獲以在漢口無根據地故輒退還漢陽清軍之進逼漢陽者又爲漢陽之礮所阻相持十餘日至十月初以湘鄂兩軍微有意見清軍乘之初二日清軍潛渡漢水駐蔡甸次日攻龜山民軍圍之清軍乘夜搭浮橋以大隊渡漢陽初五漢陽附近要隘爲清軍所佔初六日晨民軍退出漢陽還

武昌初七日清軍入漢陽漢陽一帶遂爲清軍所奪取方清軍之入漢陽也武昌漢口人民渡江而南者往往舟至中流輒爲清軍所擊斃男婦老弱斷肢折體漂流江上慘不忍觀是爲清軍收復漢陽之役詔賞馮國璋二等男爵餘將論敘有差

綱民軍光復南京總督張人駿將軍鈇良江防統領張勳俱遁走推程德全爲江蘇都督移駐南京

目自漢陽失陷後清軍一方似佔勝利然同

時又有江甯之失敗先是蘇皖獨立響應民軍同時南京官紳亦議獨立爲將軍鈇良及江防統領張勳所持不果時江甯第九鎮新軍統制爲粵人徐紹楨江督張人駿以民軍初起各省響應者半爲新軍因嫉視紹楨調駐秣陵關其時軍心已滋不悅而張勳等忌之尤甚遂開釁九月十七日紹楨移軍進攻雨花臺苦戰經日以子彈不敷由秣陵關退至鎮江高資一帶適蘇浙民軍各派兵會攻江甯因組織聯軍公舉紹楨爲聯軍總司令由鎮江進兵江甯皖粵桂三省亦派兵來會十月初三聯軍抵南京與張勳兵接戰於城東孝陵衛佔烏龍山礮臺初五佔幕府山礮臺初六復戰張軍大敗遂進逼神策門初七奪取孝陵衛獅子山分三路進攻至



初十日血戰一晝夜遂得紫金山佔領天保城十二日佔領雨花臺入南門張人駿張勳及滿洲將軍鈇良等皆遁走江甯全城遂爲民軍佔領其隔江之浦口爲張勳大本營駐紮地亦爲民軍奪取分兵屯駐以禦清軍南下之師是爲民軍光復南京之役

詔南北  
停戰

綱詔南北停戰命袁世凱與民軍議和 目自南京光復後民軍大佔優

和議先  
聲

勢而南北之和議起矣先是九月中旬民清兩軍方激戰於漢口清廷起用袁世凱爲湖廣總督督師南下袁世凱未出兵以前卽派劉承恩蔡廷幹二人爲代表委員與黎元洪開和議黎以袁所開條件仍主張君主立憲拒不納並勸袁返旆北征以平汴冀事雖不成然實爲他日南北議和之先聲是時漢陽之役民軍雖稍挫而江甯之役民軍又大勝兩方勝負略相當袁世凱以戰爭流血終非國家之福十月初十由駐漢英領事出爲介紹使兩方停戰議和時袁已爲清內閣總理至十五日卽通電南北兩方停戰三日既又續停戰十五日派唐紹儀爲總理大臣代表與黎都督或其代表人討論大局同時南方亦決議止戰以漢口爲議和地點公推伍廷芳爲黎都督代表與清軍議和嗣以伍代表居留上海不便來漢

上海會  
議

民黨意見四條

國民公決國體

御前會議

各省都督府代表聯合會

遂移和會至上海十月二十八日唐伍兩代表換驗文憑開第一次會議伍代表首先提議必清內閣承認共和方有開議餘地唐應之曰「共和國體私心實表同情但此事甚大須先電達袁內閣得覆再商」已而伍代表遂提出民黨意見四條一廢除滿洲政府二建立共和政府三優給清帝歲俸四優卹年老貧苦之滿人以上各件經伍唐兩代表及雙方之參預討論員並居間之外交團繼續開議復延期停戰期七日而民黨所抱民主宗旨不肯退讓唐代表遂電袁代表奏請一速開國會由國民公決國體一清廷得電即開御前會議決照唐代表所請與伍代表復疊次開議和局垂成而南方臨時政府忽然成立

冬十一月各省代表聯合會選舉孫文爲臨時大總統組織臨時政府先是南北各省雖高張民軍旗幟然省自爲制無聯合進行機關頗感不便於是江蘇都督程德全浙江都督湯壽潛聯電滬督陳其美倡議由各省公舉代表集議上海仿美國十三洲會議之制爲全國二十三省一致之行動陳都督贊許即分電各省公舉代表赴滬開會於是各省都督皆一致贊同遂於九月廿五日開第一次會議於上海定名爲各省都

督府代表聯合會。代表聯合會既成立。以各省內政外交無統一機關。仍礙進行。於是提議先組織臨時政府。會鄂軍都督黎元洪於代表團開會後之第二日。通電各省。請派代表赴武昌。組織臨時政府。各代表以武昌爲首義之區。議決承認武昌爲民國中央軍政府。而以伍廷芳爲外交代表。各省代表既承認武昌爲民國中央軍政府。應即前赴武昌。籌備臨時政府。十月初三日。議決各代表齊赴武昌。而於滬上則各省仍留代表一人。爲通信機關。藉以聯絡聲氣。初八日。各代表至武昌。適清軍南下。燬漢口華界。進陷漢陽。武昌全城皆在龜山礮線之下。於是各代表假漢口英租界順昌洋行爲會所。迭開會議。議定臨時政府組織大綱二十一條。是時江浙聯軍圍攻南京甚急。十二日。南京破。張勳走。民軍佔領江南全地。以與武昌比。兩方形勢不同。而臨時政府之地點不得不由武昌移向南京。十四日。由浙江都督湯江蘇都督程及滬都督陳召集駐滬各省代表會議。將臨時政府改設南京。並投票公舉黃興爲大元帥。黎元洪爲副元帥。已而黃興固辭。改由黎元洪暫任。大元帥漢口各代表亦移至南京開會。十一月初六日。革命同盟會首領孫文適自海外歸。初十日。直奉魯汴鄂

孫文當  
選臨時  
大總統

臨時大  
總統就  
職

組織內  
閣

組織參  
議院

宣告各  
友邦書

湘粵桂閩晉陝滇贛皖蜀蘇浙十七省代表齊集南京開臨時大總統選舉會結果孫文以十八票當選爲中華民國臨時大總統

綱中華民國臨時大總統孫文就職於南京改用陽曆以是日爲民國元年元日 十一月十三日孫文攜同顧問員由滬專車赴南京就臨時

大總統職定國號爲中華民國是日改用陽曆是爲中華民國元年元月元日翌日開臨時副總統選舉會結果黎元洪以十七票當選又翌日組織內閣仿美國制不設總理設陸軍海軍司法財政外交內務教育實業交通九部各部任總長一人次長一人以黃興長陸軍黃鍾瑛長海軍伍廷芳長司法陳錦濤長財政王寵惠長外交程德全長內務蔡元培長教育張謇長實業湯壽潛長交通是爲中華民國第一期之內閣內閣既立復由各省都督府派遣代表組織參議院以爲立法機關未幾由政府以民國名義發表宣告各友邦書略謂一凡革命以前所有清政府與各國締結之條約民國均認爲有效至於條約期滿而止其締結於革命起事以後者則否二凡革命以前清政府所借之外債又所承認之賠款民國亦承認償還之責不更其條件其在革命軍興以後者則否其前經訂借

勸告北  
將士  
書

事後過付者亦否認。三、凡革命以前清政府所讓與各國國家或各國個人種種之權利。民國政府亦照舊尊重之。其在革命軍興以後者則否。四、凡各國人民之生命財產。在共和政府法權所及之域內。民國當一律尊重。而保護之。五、凡滿洲人安居樂業於民國法權之內者。民國當一視同仁。予以保護。六、吾人當竭盡心力。定爲一定不易之宗旨。期建吾國家於堅定永久基礎之上。務求適合於國力之發展。吾人當更張法律。改訂民刑商法。及採礦規則。改良財政。蠲除工商各業種種之限制。並許國人以信教之自由。同時又發表勸告北方將士書。略謂此次戰事遷延數月。以滿人竊位之私心。開漢族仇殺之慘禍。操戈同室。貽笑外人。此同胞所不可不注意者。一古語云。一民之所欲。天必與之。一今禹域三分。光復逾二。雖有孫吳之智。賁育之勇。亦詎能爲滿廷挽此既倒之狂瀾。此同胞所不可不注意者。又一以上爲南京臨時政府初立時對內對外宣言之一班。蓋草創之始。他務未遑。先以文告爲集合人心之舉。而是時全國人心厭惡帝制。日購報紙。見民軍勝利。則各抱歡欣。聞民軍挫折。則非常憤懣。萬口一聲。以推倒滿清爲鵠的。此亦可見當時大勢所趨。清政府毅然遜位。

袁世凱  
撤和談  
代表

改建共和非無因也

袁世凱撤銷唐紹儀議和代表自與民軍直接電商 袁世凱之派

唐紹怡南下議和也本銜有祕密條件至是南京政府忽然成立選舉孫

文爲臨時大總統袁世凱聞訊大爲驚異電責唐紹怡不守密約紹怡辭

職袁世凱遂與伍代表直接電商略謂「國體問題由國會解決現正商

議辦法乃南京忽已組織政府顯與前議相背敢問此次選舉總統是何

用意」伍卽電答謂「民軍光復已十餘省不能無統一機關在國民會

議未議決以前民軍組織臨時政府選舉臨時大總統此是民軍內部組

織之事爲政治上之通例若以此相詰請還問清政府國民會議未決以

前何以不卽行取消何以尙派委大小官員」於是往返電話各逞詞鋒

和議蓋幾幾決裂

袁世凱被炸未死 袁世凱將赴朝行至王府井大街忽被民黨黃

大鵬等擲炸彈狙擊護從衛兵隊長受傷死者十數人世凱幸免刺客黃

大鵬張先培楊禹昌等皆被執絞死於東菜市口

山西巡撫吳祿貞被刺卒於軍 祿貞爲新軍首領初任第六鎮統

和議之  
波折

吳祿貞  
被刺

制民軍未起以前嘗與張紹曾等電致政府要求實行立憲旋命署山西巡撫山西獨立其功爲多至是在石家莊營夜旣午忽爲人所刺立斃同時陸軍部馬兵科科长張世膺以事來營中亦被害索主名者不得或曰宗社黨首領良弼所使也

綱十二月錫封袁世凱一等侯爵世凱固辭不受

良弼被刺

綱軍諮使良弼被刺死 目當袁世凱與民軍往復討論之際北方之暗

宗社黨阻礙和議

潮忽生蓋其時清廷親貴如載濤載洵載澤善耆及鈇良良弼等對於共和政體均極端反對相與組織宗社黨以良弼爲黨魁此黨之人不特仇敵南方甚且猜忌袁氏謂「漢陽之戰與夫停戰議和此中計劃皆出袁氏」及國體問題發生袁氏益爲該黨所忌不能有所表決和議因之停頓是時山西巡撫吳祿貞忽被刺死清廷卽命曹錕率師攻山西奪娘子關入太原窺皖北倪嗣冲復率所部馳騁於潁亳之間一面集兵河南一面徵師甘肅將遙合兩地軍隊爲夾攻陝西之計烽煙四起和會解決無望袁內閣亦陷於攔淺地位蓋皆宗社黨首領良弼爲之也至是良弼忽爲民黨彭家珍所炸折其一足越二日卽死先是家珍冒名奉天講武堂

袁內閣攔淺

監督崇恭至西城紅羅廠良弼寓宅拜謁適良弼自肅王府歸甫下車與家珍遇彈發炸良弼左脚立斷家珍傷頭部先斃良弼死二時始蘇謂其母曰殺我者眞英雄也眞知我者也旋語其西席康謨瞿曰我死不足惜惟清廷宗社從此滅亡爲可慟耳上年我奏請釋放黨人請開國會皆不我聽今秋變起請以禁軍赴前敵又不用我言而委之蔭昌內廷紛爭外患迭起我宗社之亡將無日免我見政府現在正擬組織宗社黨甫有頭緒欲實力進行而我卽受此慘慟我死清廷亦遂之而亡也刺我死者已死我知之言訖而卒良弼旣卒諸親貴人人自危乃不敢昌言反對清廷數開御前會議然諸親貴爲自固身家計仍欲保全君體已而北方將領段祺瑞忽有請速定共和國體之通電直達清廷諸親貴大震於是時局乃有急轉直下之勢

○ 署湖廣總督段祺瑞電請速定共和國體

○ 段祺瑞者安徽合肥人

北洋派領袖而素抱革新宗旨者也袁世凱練兵小站教練之事專任之祺瑞故北洋軍官半爲其弟子同輩中推爲軍事學第一其後以統制代王士珍爲江北提督當在江北提督任時每以改進政治之意從容汎論



段祺瑞  
密授袁  
指

南北人  
民電請  
退位

優待條  
件

於賓朋燕待之時。至是國體紛爭。衆難交瘁。袁氏有反側之嫌。大局有飄  
颻之患。祺瑞密受袁指。遂於元年一月二十六日。聯合統兵大員四十七  
人以贊成共和之電。忠告清廷。略謂：「人民心理。傾向共和。應請渙汗大  
號。立定共和政體。以安大局。而奠羣生。」並附最後之警告曰：「如各親  
貴。尙懷疑懼。或以共和爲不利。祺瑞當代全隊入京。與各親貴剖陳利害。  
一此電既達。親貴王公。皆倉皇失措。不敢更執私見。同時南方人民。相率  
電請清廷退位者。日數十起。而北方之蒙古聯合會。山西山東河南吉林  
黑龍江各巡撫。及河南諮議局等。繼之。於是。由國會公決問題。一變而爲  
清室退位問題。清隆裕太后。默察大勢所趨。遂以決大計之權。授諸袁世  
凱。並令與民軍商訂遜位條件。其諭略謂：「朝廷何忍以一姓之尊榮。貽萬  
姓以實禍。惟是宗廟陵寢。以及皇室之優禮。皇族之安全。八旗之生計。蒙  
古回藏之待遇。均應預爲籌畫。故授世凱全權。俾與民軍研究一切辦法。」  
清隆裕太后。率宣統帝退位。隆裕太后既以決大計之權。授諸袁  
世凱。於是袁世凱逕電伍代表。謂今日始有權討論優待皇室之事。因提  
出協商條件。計關於清帝者九款。關於清皇族者四款。關於滿蒙回藏者

七條經雙方認可定議後用正式公文照會駐京各國公使轉達各該政  
府以昭大信於是清隆裕太后即日率宣統帝退位是日下詔書三道其

一關於政府遞嬗問題略謂國體一日不決民生一日不安特將統治權公諸全國定為共和立憲國體近慰海內厭亂望治之心遠協古聖天下為公之

義末更言袁世凱前經資政院選舉為總理大臣當茲新舊代謝之際宜有南北統一之方即由  
袁世凱以全權組織臨時共和政府與民軍協商統一辦法總期人民安堵海宇又安仍合漢滿

蒙回藏五族完全領土為一大中華民國予太后自稱與皇帝得以  
退處寬閑優游歲月長受國民之優禮親見邦治之告成豈不懿歟其二為宣布優待皇

室及皇族諸條件略言前以大局危殆兆民困苦特飭內閣與民軍商酌優待皇室各條  
祀先皇陵制如舊妥修各節均已一律撥承皇帝但即政權不廢尊號並議定優待皇室八條待

遇皇族四條待遇滿蒙回藏七條覽奏尙為周至特行宣示皇族暨滿蒙回藏人等此務當化

余畛域共保治安重觀世界之昇平其二為退位後維持京內外秩序及告戒各  
胥亭共和之幸福予實有厚望焉

省疆吏文略言古之君天下者重在保全民命不忍以委人者害人現在新定國體無非欲  
先弭大亂期保又安若拂逆多數之民心重啓無窮之戰禍則大局裂殘殺相

尋勢必演成種族之慘劇將至九廟震驚兆民荼毒後禍何可復言相形取其輕者正朝廷  
審時觀變痼疾吾民之苦衷凡爾京外臣民務當善體此意為全局然權利害勿得挾虛矯之意

氣逞偏激之空言致國興民兩受其禍着民政部步軍統領姜桂馥馮國璋等嚴密防範剴切開  
導俾皆曉然於朝廷聽天順人大公無私之意至國家設官分職以為民極內列閣府部院外建

督撫司道所以康保羣黎非為一人一家而設爾京外大小各官均宜慨念時艱此詔既下  
慎供職守應即責成各長官敦切戒勸毋曠官守用副夙昔愛撫庶民之至意

全國歡騰蓋舉五千年專制之積習一掃而空而別開全中國五族共和

之新局面時宣統三年十二月二十五日即民國元年二月十二日也自是清祚告終乃

永為中華民國清自世祖入關至宣統三年遜國凡傳十世歷二百六十

有九年

附優待條件如左

甲優待皇室八條

一存清帝尊號以待各外國君主之禮相待遇二歲給清室經費四百萬  
三以頤和園爲清帝住室四保護清宗廟及陵寢五修清德宗崇陵六從  
前宮內各項執事人員照常留用惟以後不復再招闖人七保護清帝原  
有之私產八原有之禁衛軍歸民國陸部編制額數俸餉悉如舊

乙待遇清皇族四條

一清王公世爵概仍其舊二清皇族對於民國國家公權及私權與國民  
平等三清皇族私產一體保護四清皇族免當兵之義務

丙待遇滿蒙回藏七條

一與漢人平等二保護其原有之私產三王公世爵照舊襲封四王公中  
有生計過窘者設法代籌生計五先籌八旗生計於未籌定之前八旗兵  
弁餉俸照舊支放六從前營業居住等限制一律蠲除各州縣聽其自由  
入籍七原有之宗教聽其自由信仰

清代帝系表

(一) 太祖愛新覺羅努爾哈赤 在位十一年

(二) 太宗皇太極 在位十七年

(三) 世祖福臨 在位十八年

(四) 聖祖玄燁 在位六十二年

(五) 世宗胤禛 在位三十三年

(六) 高宗弘曆 在位六十年

(七) 仁宗顥琰 在位二十五年

(八) 宣宗旻寧 在位三十三年

(九) 文宗奕訢 在位十一年

(十) 穆宗載淳 在位三年

醇王奕譞

(十一) 德宗載湉 在位十四年

醇王載灃

(十二) 宣統帝溥儀 在位三年

清鑑綱目卷之十六終

印 鸞 章 校

明 鑑 (本字大)

知今而不知古 謂之盲瞽

知古而不知今 謂之陸沉

本書上起明太祖。下迄莊烈止。凡明代政治之

得失。國家之治亂。君臣之賢愚。社會之變遷

。無不按時紀實。一網無遺。全書用大號字精

印。眉目清楚。不損目力。堪稱最完美之版本

精裝一厚冊 一元二角 (寄費掛號  
一角六分)

世 界 書 局 發 行